













SEXTEN-  
LIBER  
SECUNDUS  
~~FLAVIUM~~





















exorans, grato acceptari obtutu, non quod dignum quid tanto sit Principi, sed quoniam aliud mihi non suppetit: Nam *dat pyra, dat poma, quisquis non habet aurea dona*, quæ cum hominesque, Deosque placare soleant, per vilem hanc oblationem, rorem gratiarum suspiro, & spero, & temperatè favorem Serenitatis Vestræ clementissimam reconciliare contendo, bellè enim dixit Sapientum quispiam: *quod pauperum dos beatissima sit Principum clementia.* Pomp. Lib. ced.

Hanc adeptus ingentem libro meo æstimationem reconcilia-  
bo, & certus vivo, quòd fortiter, suaviterq; liber iste contra ad-  
versantes protegetur, hoc enim fortitudinis gratiosum erit bene-  
ficiu, nec alibi solidius invenire potui, nam si id limine Portæ  
speciosæ, Serenissimæ Vestræ Domûs hæreo, statim in admira-  
tionem abripior, & Avos, Proavos, Abavos, & Antenatos, me-  
ros *Stantes in Curribus Æmilianos*, cerno, imò Hectores, Achil-  
les, & Athlantes mundo universo sustentando sufficientes; Sago  
Illustrissimos, & invictissimos togâ, bello & pace inappretiabi-  
les, nam ut dicam, quod scio, Serenissima Vestra Lichtensteini-  
ca Domus ortum, & originem desumpsit à Bodone, (\* a) Saxo-  
num Rege, invictissimo Heroe, æternisq; laudibus dignissimo, in  
quo gloriosissimo vestræ propagationis stipite per infinitas præ-  
cipuarum illustrissimarum familiarum strictas habet conjunctio-  
nes, unde in omnibus pene Europæ partibus Lichtensteinica fa-  
milia inclyta floruit, & à quindecim jam sæculis honorificentissi-  
mam suam generationem usq; ad Serenitatem Vestram, cum duo-  
bus pretiosis surculis Carolo Josepho, & Francisco Dominico, de-  
duxit, ex quibus semper illustrissimi & invictissimi prodière Pro-  
ceres Viri, Principes, foris, domiq; clarissimi, qui in bello veluti  
animosi Hectores, Fabii, Alexandri &c. (\* b) profusis toties hosti-  
libus copiis palmas triumphales reportârunt, & celebribus victo-  
riis Lauros Cæsareas condecorârunt. Jerem. Satyr. 8. (\* a) Vide Remissionem sol. sequenti. (\* b) in Re- miss.

In Legationibus, ministeriisq; (\* c) per orbem in exoticis infi-  
delium usq; partibus, dexteritate ac prudentia commicuerunt, ut  
pro Cæsaris publicique bono, tanta effecerint, quasi vôtum, ani-  
mumq; ejusdem continuo secum ferrent. (\* c) Vide Remiss.































**DISPUTATIO IV.**

DE  
Multiplicatione & Regimine Posterorum  
Adx.

- Quæst. I. *Utrum in Statu Innocentia generandi essent homines modo nunc ordinario?* 352.
- Quæst. II. *An si Adam non peccasset, soli electi nascerentur in Statu Innocentia?* 356.
- Quæst. III. *De Regimine Posterorum, si Status Innocentia perseverasset.* 360.

**TRACTATUS V.**

DE  
**JUSTITIA ORIGINALI & SANCTIFICANTE ADAMI,**

AC  
*Posterorum ejus, tam in Statu Innocentia, quam  
Nature lapsæ.*

**DISPUTATIO I.**

- Quæst. I. *Quid sit, & in quo consistat Justitia Originalis Adami & Evæ?* 366.
- Quæst. II. *De Justitia sanctificante Adami.* 373.
- Quæst. III. *An si Adam non peccasset, omnes posteri ejus confirmarentur in Justitia Originali, & gratia sanctificante?* 374.

**DISPUTATIO II.**

DE  
**Justitia & Gratia Justificationis nostræ.**

- Quæst. I. *Quid sit Justificatio, & an fieri possit absque forma intrinseca, intrinsecè recepta in Justificato?* 379.
- Quæst. II. *An de facto Justificatio fiat per aliquod reale intrinsecum iusto, tanquam per causam formalem?* 383.
- Quæst. III. *Quid sit illud intrinsecum, per quod formaliter justificatus homo?* 387.
- Quæst. IV. *An qualitas habitualis intrinsecè formaliter justificans sit forma & qualitas distincta à charitate habituali?* 391.

(\*) C

Quæst.









# TRACTATUS VI

## DE CONSCIENTIA PROBABILI, ET MODO UTENDI PROBABILITATIBUS, SEU PROBABILITAS MODIFICATA.

### DISPUTATIO I.

#### DE Natura Opinionis Probabilis.

- Quæst. I. *Quid sit opinio probabilis in genere moris?* 685.  
Quæst. II. *Quotuplex sit Opinio probabilis?* 691.  
Quæst. III. *An Opinio sit species Prudentiæ?* 695.  
Quæst. IV. *An, & quomodo duæ opiniones contrariæ possint esse probabiles?* 699.

### DISPUTATIO II.

#### DE Licito Probabilitatum Uſu.

- Quæst. I. *An Probabilitatum Uſus sit novus & recens inventum.* 710.  
Quæst. II. *An Probabilitatum Uſus sit licitus?* 717.  
Quæst. III. *An Uſus Probabilitatum sit contra SS. Patres & Doctores, veteresque Theologos?* 728.  
Quæst. IV. *Quid rationis habeant Probabiliorista contra usum Probabilitatum?* 746.  
Quæst. V. *An in omni materia licitus sit usus opinionis probabilis relicta probabiliori?* 757.

### DISPUTATIO III.

#### DE Modo utendi Probabilitatibus.

- Quæst. I. *De modo formandi iudicium practicum opinativum, sufficient ad prudenter operandum, in concursu opinionis probabilis cum probabiliori.* 770.  
Quæst. II. *De modo utendi probabilitatibus in concursu probabilioris, & tutioris opinionis.* 784.  
Quæst. III. *De modo utendi probabilitatibus in dubiis, seu: An in dubiis semper tutior pars sit eligenda?* 789.  
Quæst. IV. *An semper in dubiis sit melior conditio possidentis?* 798.  
Quæst. V. *De Locis topicis, & Regulis opinionis probabilis.* 803.

#### APPENDIX.

*De prohibitione, & damnatione opinionum, atque recenter à tribus Pontificibus damnatorum Catalogo.* 808.

Propo-



































































































































































































































































































































































## QUÆSTIO SECUNDA.

*An Angelus cognoscat Essentiam divinam per suam substantiam, an verò per speciem?*

I.  
Duplex est  
sententia.

**I**N hac quæstione duplex est sententia, prima D. Thomæ 1. p. q. 56. ar. 3. docentis: Angelum habere cognitionem distinctam Essentiæ divinæ (de confusa non est difficultas, ut mox videbitur) non quidem per aliquam speciem intelligibilem ipsius Essentiæ aliam ab essentia Angeli, sed per suam propriam essentiam, tanquam per medium cognitum, & tanquam per rationem formalem cognoscendi, veluti speciem intelligibilem repræsentantem DEUM, cujus vicem ipsa Essentia Angeli gerit, cum alia talis species sit impossibilis, quod autem gerere possit huiusmodi vices essentia Angeli, est, quia ipsa est imago repræsentans distinctè. Scotus econtra hic q. 9. negat, Angelum posse habere cognitionem distinctam per essentiam Angeli, tanquam per rationem formalem cognoscendi, sed Angelum habere talem cognitionem naturalem distinctam per speciem intelligibilem, possibilem, à DEO ipsis in prima creatione infusam, quam, licet non necessario sequatur naturam, naturalem vocat, distinguendo contra merè supernaturalia gratiæ & gloriæ, unde cognitionem illam, quæ mediante hac specie, elicitur, ait, posse dici naturalem, & ad naturalem cognitionem pertinere, quamvis etiam aliquo modo possit vocari non naturalis, naturalis quidem, in quantum species non est principium alicujus actûs gratuiti & gloriosi: Non naturalis autem, quia ad istam non pertingeret ex naturalibus, neque naturali aliqua actione.

II.  
Angelus est  
naturalis  
imago Dei.

Notandum ulterius: Doctorem subtilem concedere, Angelum esse naturalem imaginem DEI, sed negare, esse rationem cognoscendi distinctè divinam Essentiam, duplex enim est imago, alia merè na-

turalis in essendo, medium cognoscendi cognitum; alia intentionalis per se primò & præcisè repræsentativa ratio cognoscendi non cognita, estque species ad cognoscendum DEUM distinctè, non quidem intuitivè, sed abstractivè: hinc dupliciter unum per aliud cognoscitur, primò quoad præcognitionem, *an sit?* Secundò, quoad præcognitionem *quid est?* Utroque modo potest iterum dupliciter contingere, *distinctè & confuse.* *Confuse* cognoscitur unum per aliud quoad *an sit?* Si cognoscens existentiam unius ducitur arguitivè ad existentiam alterius, sicut cognoscens fumum, cognoscit confuse ignem, quia fumus potest habere aliam causam sui esse, *Distinctè*, quando cognitio existentia certò ducit in cognitionem alterius, sic per effectum in determinata causâ certè ducimur in cognitionem illius. *Confuse* cognoscitur aliud quoad *quid est?* cum per illud attingitur quoad prædicata communia, sic substantiæ quidditativè per sensibilia cognoscuntur. *Distinctè*, quoad prædicata propria; in præsenti quæstione non est difficultas de cognitione, quoad præcognitionem *si est?* quia hoc nemo negat, sed de quidditativa, seu *quid est?*

Notandum ex eodem Doctore subtili 3. Tripliciter posse aliquam speciem adæquari suo objecto repræsentato, Primò in entitate; Secundò secundum proportionem repræsentantis, & repræsentati absolute, ita quod repræsentat objectum, quantum est repræsentabile simpliciter. Tertio modo non absolute, sed per comparisonem ad actum talem, sicuti materia dicitur adæquari formæ, & forma materiæ, quæ tamen non est adæquata in entitate, utpotè cum illa sit imperfectior formâ: nec etiam forma est adæquata ipsi secundum capacitatem materiæ, cum aliarum plurium sit capax, dicitur ergo ei adæquata in comparisonem ad talem actum, quod videlicet tantum perficiat.

III.  
Species tripliciter adæquatur suo objecto.

ficiat forma materiam, quantum est ipsa perfectiva, & ista perfectibilis. Hinc nulla species est adæquata, quia nihil adæquatum alteri in entitate repræsentat illud, nisi sit cognitum, ut una albedo adæquata alteri albedini non repræsentat illam, nisi ut cognita. Secundo modo datur aliqua species repræsentans adæquate objectum, ut species albi in oculo sano, & talis species est quasi ratio comprehendendi objectum. Tercio modo datur etiam aliqua species repræsentans objectum adæquate, non simpliciter, sed in comparatione ad talem actum, ut species albi in oculo malè affecto; illa species dicitur adæquata objecto, non simpliciter, quia non repræsentat illud, quantum est repræsentabile, sed est adæquata secundum actum illum, quia repræsentat illud, in quantum est repræsentabile, in ordine ad talem potentiam malè affectam, & sic est ei adæquata, veluti forma appetitui materiæ, ejusque actuatio. Et sic dicit Scotus, quod nec primo, nec secundo modo datur species repræsentans Essentiam divinam, sed benè tertio modo. Quare his prænotatis

potentiæ, ergò discurrendo à creaturis non haberet Angelus, unde cognosceret tres divinas personas.

Arguitur in contra: Essentia Angeli est imago DEI ab ipso DEO immediate producta, sed imago repræsentat prototypum sicuti est, ergò essentia Angeli est sufficiens ratio cognoscendi distinctè Essentiam divinam. Respond. Primò: Si valeret hoc argumentum, probaret, quod essentia unius Angeli esset ratio repræsentandi alium Angelum, cum essentia Angeli multò plus assimiletur per omnia essentia: alterius Angeli, quàm Essentia: divinæ. Respond. Secundo: Quod licet in Angelo & anima rationali sit imago Sanctissimæ Trinitatis, non tamen sequitur, quod ex cognitione suæ essentia: cognoscat Angelus Trinitatem, quia licet Angelus cognoscat naturaliter suam essentiam intuitivè secundum esse absolutum, quod est in ea, non tamen secundum omnem respectum, quem dicit præsertim ad personas, ejusmodi in proposito est ratio imaginis, quia est respectus ad ideatum vel prototypum, unde quamvis ego cognoscerem Abraham secundum omne absolutum, quod est in ipso, non sequitur, quod per hoc eum cognoscam ut Patrem Isaac, nisi cognoscam prius Isaac ab eo processisse, sic ergò Angelus, licet cognoscat suam essentiam secundum absolutum esse, quod est in ipso, non tamen secundum omne relativum, nisi prius cognoscam terminum illius relationis, quare pulchrè S. Augustinus lib. 15. Trinit. cap. 34. dicit: *Qui vident suam mentem, quomodo videri potest, & in ea trinitatem istam, de qua multis modis, ut potui, disputavi, nec tamen eam credunt, vel intelligunt esse imaginem DEI: speculum quidem vident, sed inque ad eò non vident per speculum eum, quod est per speculum nunc videndus, ut nec ipsum speculum, quod vident, sciunt esse speculum, id est, imaginem. Quod si scirent, fortassis & eum, cuius est hoc speculum, per hoc quærendum, & per hoc utcumque interim videndum* (\*) U 3

14.

Angelus  
per suam  
essentiam  
cognitum  
potest de-  
venire in  
cognitio-  
nem DEI.

Dico Primò: *Angelus per suam essentiam tanquam per medium cognitum potest devenire in cognitionem unius veri DEI, verumtamen per eandem nec à priori vel posteriori concurrentibus quibuscunque causis naturalibus cognoscere DEUM esse trinum.* Probatur prima pars: Quia per existentiam effectus cognoscitur, saltem confusè, suæ causæ existentia, sed essentia angelica est perfectè effectus DEI, ergò Angelus ex cognitione essentia: suæ poterit discurrendo devenire in cognitionem DEI sub confuso saltem conceptu causæ primæ, Entis optimi, perfectissimi &c. juxta illud D. Pauli ad Rom. 1. *Invisibilia DEI per ea, quæ facta sunt intellecta conspiciuntur.* Probatur secunda pars: Principium producendi creaturas non est aliquid proprium uni, vel alteri personæ, sed communi toti Trinitati, nimirum omni-

*audendum esse sentirent, fide non ficta corda mundante, ut facie ad faciem possit videri, qui per speculum nunc videtur.*

**Instatur :** *Essentia Angeli magis assimilatur DEO, quam species aliqua impressa, cum Angelus ad ipsam imaginem DEI sit factus, ergo si essentia Angeli non potest perfecte repræsentare Essentiam divinam, multò minùs species impressa.* Respondi. dist: antecedi: in Essendo, & imitando Essentiam divinam concedo: in repræsentando, nego. Unde quamvis Angelus sit perfectior ratio cognoscendi cognita, quam species, & per hoc, qui prius cognosceret Angelum perfectius discurrendo cognosceret DEUM, quam ex prævia cognitione speciei, nihilominus species habet talem virtutem repræsentandi objectum absq; sui cognitione, esto non assimilatur in essendo DEO tam perfecte ac Angelus, cujus exemplum est clarum in duobus ovib; nam certum est unum ovum album in essendo esse similius alteri quam species ejusdem, & tamen unum ovum visum non repræsentabit mihi alterum, benè tamen species illius.

**V.** *Dico Secundò : Angeli non cognoscunt DEUM sub propria & distincta ratione Deitatis per suam essentiam tanquam per medium & rationem formalem cognoscendi non cognitam.* Ita Scotus cum suis. Probatur Primò : Ex autoritate D. Augustini lib. 15. de Trinit. cap. paulò antè citat.

**Probatur Secundò :** Angeli non discurreunt secundùm Thomitas, sed si Angeli per suam essentiam cognoscerent DEUM, discurreunt, ergo non cognoscunt : Probatur min: Essentia Angeli non repræsentat DEUM, nisi ut cognita, sed quandocunque species repræsentat aliud, ut cognita repræsentat cum discursu, per hoc enim differt ratio cognoscendi non cognita, à cognita, ergo : Probatur min: Quia si antecederet non cognosceretur essentia Angeli, non repræsentaret DEUM.

**Probatur Tertiò :** Omnis discursus præsupponit notitiam simplicem illius, ad quod discurretur, ergo si per essentiam Angeli cognitam sit discursus ad cognoscendam Essentiam divinam, debet prius habere notitiam aliquam simplicem Essentiæ divinæ, ergo: Probatur antec: quia si ego cognoscam animam meam esse imaginem DEI, quia est trina in potentiis, prius debeo habere cognitionem aliquam de DEO, quod sit trinus &c. alioquin nunquam potero pervenire ad cognitionem, quòd sit imago Trinitatis, ergo.

**Dices :** Essentiam Angeli non esse purè rationem cognoscendi DEUM, ut cognitam tantum, sed etiam simul rationem cognoscendi, sicut Essentia divina respectu omnium rerum simpliciter, adeoque non cognoscit DEUM per discursum, quòd autem Angeli essentia sit utroque modo ratio cognoscendi simul, probatur ex perfectione & excellentia naturæ angelicæ. Sed Contra Primò implicat, quòd essentia Angeli sit simul ratio cognoscendi cognita, & non cognita, quia sunt simul impossibiles, ergo : probatur antec: Quia quòd est ratio repræsentandi absolute, non cognoscitur à potentia cognoscente, sed tantum objectum repræsentatum per ipsam, ut species coloris non cognoscitur à visu, sed color, species verò ut cognita præcisè repræsentat, quia cognita est, ergo implicat, quòd eadem species repræsentet ut cognita, & ut non cognita. Nec valet dicere, quòd hoc ei competat propter suam perfectionem, quia hæc repræsentatio non est in essentia Angeli eminenter, sed formaliter, adeoque se invicem compati non possunt. Ex exemplum de Essentia divina non est ad propositum, quia Essentia divina continet res cognitæ eminenter, undè continet omnes creaturæ perfectiori modo, quam in seipsis, at Essentia Angeli non continet hoc modo Essentiam divinam, sed ab ea continetur. Contra Secundò, Angeli



*Quest. II. An Angelus cognoscit Essentiam divinam per suam Ec. 139*

angelus debet cognoscere prius rem alienam, ad cuius instar cognoscit DEUM, antequam cognoscat DEUM, sed essentia Angeli est, ad cuius instar cognoscit DEUM, ergo: subsumitur illud, quod cognoscitur prius, & ratione, cujus cognoscitur aliud, est ratio cognoscendi tantum, ut cognitum, ergo essentia Angeli est tantum ratio cognoscendi, ut cognita: Probatur maius illa res est quid distinctum à DEO, & per se cognoscibilis, & consequenter nequit unâ cognitione cognosci, quia non potest plures res simul cognoscere. Sed

**Instabis:** Species Scottitarum est etiam quid distinctum à DEO, & tamen potest simul cognosci uno actu, ergo. Sed Respondi. distinctum: antec: est quid distinctum & prius per se cognoscibile & ordinatum ad se prius cognoscendum; nego antec: ordinatum primo, ad cognoscendum aliud, conc: ant: & nego consequenter itaque licet species sit quid aliud, est tamen tantum ratio cognoscendi, & licet sit etiam cognoscibilis, quia ens est, attamen, ut repræsentat, non cognoscitur, & ideo non intercedunt duo actus, ut patet de specie visibili in oculo.

**Probatur Conclusio Quartò:** Nullum obiectum facit distinctam cognitionem alterius obiecti, nisi illud includat in se, vel essentialiter, sicut superius suum inferius, vel virtualiter, sed per essentiam Angeli DEUS secundum Thomistas dicitur distinctè cognosci, cum sit specularis & nobilior confusa, quam habemus ex aliis creaturis, sed essentia Angeli non includit DEUM ullo modo ex prædictis, ergo, maior patet: patet & minor quoad primam partem, probatur quoad secundam, quia unumquodque sicut se habet ad esse, ita ad cognosci, ergo.

**Dices:** Angelum includere DEUM participativè, quod sufficit. Contra Primò: Obiectum non potest repræsentare rem, nisi eo modo, quo continet, quia nihil dat, quod non habet, sed continere participa-

tivè, est continere diminutivè, & modo confuso, ergo essentia Angeli per participativum suum non poterit distinctè repræsentare, nam sic possemus etiam distinctè cognoscere per formicam, & alias res creatas, & per omnes simul, quam per Angelum solum, cum tamen Thomistæ velint, cognitionem Angelorum esse perfectiorem nostrâ pro nunc. Contra Secundò: Continere participativè est continere tanquam effectus ab alio productus, sed nullus effectus æquivocus, qualis est Angelus respectu DEI, repræsentat sub propria & distincta ratione suam causam, ergo.

**Probatur Quintò:** Essentia Angeli non est naturalis, & formalis similitudo DEI, ergo non est ratio cognoscendi DEUM non cognita: Probatur antec: Tùm, Quia non est ad id expressa, & producta: Tùm, Quia, alias etiam cæteris creaturis est tribuendum, cum non sit potior ratio, sed hoc aliis creaturis non conceditur, licet enim dicatur, quod in ipsis deprehendatur DEI vestigium, non tamen, quod aliqua formalis similitudo, ergo.

**Dices:** Et licet hoc etiam aliis creaturis competat, nemo tamen potest DEUM per alias sive materiales, sive spirituales, sive etiam angelicas cognoscere, non ex defectu repræsentabilitatis, sed quia nulla alia substantia unita est intellectui, ut principium formale intellectio- nis. Sed Contra, Ipsa unio substantiæ ad intellectum nihil facit, quod possit repræsentare DEUM, si alioquin non potest, & si alioquin potest, nihil impedit, licet non sit unita, quia si essentia ipsa Angeli secundum se & propriam suam naturam non est similitudo, & ratio cognoscendi non cognita per unionem non poterit acquirere: Tùm, Quia unio ipsa rationem similitudinis, & speciei supponit: Tùm, Quia non est tantæ virtutis & efficaciæ, ut rei, quæ alioquin non est ratio cognoscendi, tribuere eam possit. Itaque

**Dica**

VI.  
Species im-  
pressa DEI  
est possibi-  
lis.

Dico Tertiò: *Possibilis est species impressa Essentie divinæ, quæ eam distinctè, licet abstractivè representet, per quam etiam ab initio creationis suæ DEUM cognoverunt naturaliter.* Ita Scotus supra, & Probatur Primò ex D. Augustino lib. 4. Genes. c. 22. 23. & 25. lib. II. Civit. c. 7. & 25. & alibi sæpè, ubi dicit: Angelos habuisse ab initio creationis suæ cognitionem matutinam in Verbo, & vespertinam in proprio genere: Ex quo sic argumentor: Angeli in principio creationis suæ habuerunt cognitionem matutinam in Verbo, priusquam in seipsis vespertinam, sed illa cognitio non fuit beatifica, ergò fuit naturalis, & consequenter DEUM naturaliter cognoverunt in Verbo, id est, in specie distinctè Essentiam divinam representante: Probatur min: quia illam cognitionem habuerunt, quando per illas morulas suas erant in via, ergò non fuit beatifica, utpote quæ erat communis omnibus.

Dices: Per cognitionem matutinam D. Augustinum intelligere visionem beatificam, ut tenet ipse Scotus, & etiam sic supra defensio fuit Div. Augustinus, ergò ex illo nihil probatur. Respondetur Scotum, & me supra, probabiliter asserere, Augustinum intellexisse visionem beatam, attamen conformius esse rationi, ut intelligatur naturalis aliqua, imò non rationi solum conformius est, sed etiam menti S. Doctoris, nam lib. 83. qq. q. 26. & alibi docet, cognitionem matutinam omnium rerum, & etiam DEI, fuisse priorem vespertina in proprio genere, sed vespertina fuit naturalis, ergò & matutina, quia adhuc prior eà, & beatifica est utraque posterior, utpote quæ primò acquisita, & data fuit redeuntibus ex via in præmium, quare licet Div. Augustinus aliquam cognitionem matutinam posuerit beatificam, tamen non ponit beatificam eam, qua contra distinguitur à vespertina in proprio genere naturali, quod ex eodem probatur, nam supra lib. 83. qq. qu. 24. dicit: *Quod Angeli videntes res prius in*

*Verbo, deinde in seipsis, iterum redeunt ad cognitionem illarum in Verbo, atque DEUM glorificaverunt, nam si, est ratio ipsius, in cognitione illa sui ipsius, & creaturarum in se ipsis quievisset, & non retulissent in laudem DEI, superbià intumuisset, & peccassent, ut Diabolus, si autem fuisset beatifica, jam amplius non potuissent peccare, verba D. Augustini sunt hæc: Non remanet angelica scientia eo, quod creatum est, quin hoc continuo referat ad laudem ejusdem, atque claritatem, in quo id non factum esse, sed faciendum fuisse cognoscitur, nam si vel ad seipsam natura angelica converteretur, &c. intumescens superbià caderet, sicut diabolus.*

Probatur Conclusio Secundò: Si species creata distinctè representans Essentiam divinam, licet abstractivè, esset impossibilis, maxime esset idèò, quia DEUS infinitus nequit adæquatè, & distinctè exprimi à creatura, sed non impedit, ergò: major est Adversariorum, probatur min: Si hoc impediret, sequeretur, quòd nec beati in patria possent DEUM distinctè videre, quia non potest ab aliqua creatura adæquatè exprimi, sed hoc est inconveniens, cum ubique concedatur, beatos DEUM clarè visuros, maxime cum perfectè & adæquatè satiabitur intellectus & voluntas eorum, ergò nihil obstat infinitas, & quæso, quæ implicantia, quòd infinita res finito cognoscatur modo secundum capacitatem potentie cognoscentis?

Probatur Tertiò: Major fuit beatitudo Angelorum naturalis, quam hominis, etiam in statu innocentie, sed homo in statu innocentie potuit habere notitiam aliquam distinctam de DEO, ergò multo magis Angelus: Sed distincta cognitio DEI non potest haberi, nisi per speciem representantem distinctè, ergò: major patet, quia homo etiam in statu nature lapsæ habuit de DEO aliquam cognitionem, licet confusam, ergò.

Pro-

Probatur Quarto: Potest aliquis, secundum probabilem sententiam multorum SS. Patrum, videre in hac vita Essentiam divinam ad aliquod instans, ut multi tenent de Moysē, Paulo, & Beatissima Virgine, sed talis transeunte actu potest recordari, se vidisse DEUM, ergo habebit speciem Essentiæ divinæ: Tum, Quia alioquin non recordaretur, cum recordatio sit specierum excitatio: Tum, Quia alias nihil supplere potest vicem speciei. Dicere autem, quod talis non recordaretur, est manifestam injuriam facere D. Paulo, qui testatur, se vidisse & audivisse arcana; quæ non licet homini loqui. Nec valet respondere, ipsum vidisse multa arcana rerum naturalium, non tamen divinarum, quia si naturalia vidit, magis divina, cum divina Essentia sit, & fuerit speculum omnia naturalia representans, magisque seipsam, cum illa quemcunque intellectum perfectissime moveat. Nec valet etiam dicere, quod viderit in confuso Essentiam divinam, quia videre in confuso, est videre sub terminis & conceptibus communibus, Paulus autem non vidit tantum sub termino, & conceptu communi, sed sub particulari, adeoque per aliquam speciem.

Probatur Quinto: Quia in Angelis debemus ponere omnem intellectionem competentem intellectu creato sine repugnantia, quia de eo non possumus habere determinantem aliquam regulam, sed talis cognitio distincta per speciem non repugnat, ergo: Probatur min: Quia sola cognitio intuitiva naturaliter repugnat, non verò abstractiva, & licet aliqui Theologi dicant, visionem beatam fieri per speciem, attamen hoc solum non dicunt sufficere, sed etiam requirunt præsentiam Essentiæ divinæ sese manifestantis; hæc autem est abstractiva, & non ut præsentis Essentiæ divinæ, adeoque non implicabit. Sed in Contrarium

Arguitur Primo: Non est possibilis cognitio DEI intuitiva, con-

turaliter loquendo, sed illa cognitio, quæ fieret per speciem, esset intuitiva, ergo implicat: Probatur min: Quia primò esset quidditativa, secundò esset objecti præsentis & existentis, quia existentia non est separabilis à quidditate, ergo. Respond. neg: min: Quia licet illa cognitio esset distincta, non esset intuitiva, sed abstractiva, quia non esset cognitio DEI perfectissima, & adæquata omni modo: sed solum ad talem actum talis potentiæ, unde quando dicitur, quod cognitio quidditativa sit intuitiva, intelligendum est de cognitione perfectissima & adæquata. Ad secundam probationem dico, verum esse quidditatem non esse distinctam ab existentia, attamen non sequitur, est quidditativa, ergo existens ut existentis, & ut præsentis, quia DEUS omnibus rebus est quidem intimè præsens ratione immensitatis, & per respectum ad ubi non verò est omnibus præsens in ratione objecti moventis, sed solum iis, quibus, & quando vult. Dicere autem quod absentia ut absentia non variat cognitionem, est tollere prima principia de cognitione intuitiva, & abstractiva in Scholis assignari solita:

Instatur: Sequeretur saltem; quod aliquis naturaliter posset esse beatus, sed &c. ergo: probatur sequela, quia beatus est, qui habet distinctam divinæ Essentiæ notitiam & cognitionem; sicuti est, ut patet ex Joanne dicente: *Videbimus eum sicuti est*: sed talis haberet huiusmodi notitiam, ergo. Respond. neg: se: quel. cum sua probatione: Quia ad beatitudinem non sufficit quæcunque notitia distincta abstractiva, sed requiritur intuitiva; clara; facialis & per præsentiam objecti, qualis non est, quæ sit per speciem representantem, ut absens objectum; estque multò imperfectior, quam sit intuitiva; quod declaro exemplo, qui videt imaginem Cæsaris; distinctè quidem cognoscit eum, sed non tam perfecte sicut ille, qui videt ipsum Cæsarem, sic in propo-

sito, qui videt DEUM per speciem representantem distinctè quoad aliquos conceptus proprios, non tamen ita perfectè & clarè, sicut qui videt ipsum in se, ergò.

Arguitur Secundo: Omnis ratio cognoscendi debet adæquatè proportionari objecto representato, sed nulla species est proportionata, ergò non est possibilis, probatur min: Quia finiti ad infinitum nulla est proportio, ergò. Respond. distinct: maj: debet proportionari quoad entitatem neg: majo: quoad representabilitatem, conc: maj. Et hæc representabilitas iterum non debet esse proportionata adæquatè & in omni ratione, sed quoad talem & talem actum, quem potentia potest elicere, ut dixi supra in notabili ultimo.

Instatur: Omnis species, etiam ad quemcunque actum proportionata, debet esse immaterialior suo objecto, sed nihil potest esse immaterialius DEO, ut de se patet, ergò: major patet ex omnibus speciebus sensibilibus & intelligibilibus, ergò. Respond. neg: maj: Quia aliàs etiam Angelus non posset cognoscere alium Angelum, aut animam, quia non posset habere speciem imaterialem ipsius, imò nec posset cognosci DEUS per essentiam Angeli, quia hæc est magis materialis quàm DEUS sit, quod tamen non vellent Adversarii. Quare probatio nihil est ad propositum, licet enim species rerum materialium sint imateriales suis objectis, in speciebus tamen rerum spiritualium econtra possunt esse materialiores ipsis, non quòd ex materia consent, sed quòd in suo genere spiritualitatis non sint tam perfectæ.

Dico Quarto: *Impossibile esse per speciem divinæ Essentie creaturas cognosci ab Angelis distinctè in particulari, bene tamen confuse quoad prædicata communia, in quantum dirigunt actum cognoscendi per speciem divinæ Essentie ad creaturas existentes in proprio genere.* Ita videtur esse mens D. Augustini supra agendo de cogno-

tionem matutina & vespertina Angelorum. Et Probatur prima pars: Quia nulla species creata distinctè representat plures quidditates, quin omnes contineantur formaliter vel virtualiter in aliquo objecto adæquato illius, sed creaturæ omnes secundum esse formale non continentur in divina Essentia, ergò &c. Probatur min: per speciem non representantur objectivè præsentem in DEO in esse cognito, & volito, alioquin Angeli per illam speciem cognoscerent, quiddquid DEUS cognoscit per scientiam simplicis intelligentiæ & visionis, quod tamen vir Christo conceditur; ergò. Confirmatur primò: Quia Scotus in quodl. 10. tenet, quòd per illam speciem vix cognoscant distinctè mysterium Trinitatis. Confirmatur Secundo: Quia de facto Beati non vident omnes res posibles, sed tantum aliquas, quas DEUS eis voluerit revelare, ergò.

Probatur secunda pars: Per illam speciem tantum DEUM, & forte tres Personas noverunt distinctè, ergò creaturas tantum confuse: Probatur consequ: Effectus in causis proximis determinatis vix distinctè cognoscitur in particulari; ergò in causa prima prorsus indeterminata ad omne possibile, sic cognosci nullatenus possunt, cognito enim igne tantum cognoscitur ex illo vage alius ignis possibilis & non hic, vel ille signatè, quia effectus in suis causis tantum habent esse virtuale, formaliter non aliquid sui.

Dices: Species subiecti est ratio cognoscendi distinctè affectionem illius, representans enim hominem, distinctè etiam representat risibilitatem, sed creaturæ per speciem Verbi cognoscuntur, ut proprietates divinæ omnipotentiae, ergò cognoscuntur in Verbo distinctè. Respond. concedendo majorem secundum esse virtuale; non verò secundum esse actuale proprium & distinctum, nam cognoscitur quidem cognito homine risibilitas, sed non actus ridendi, sic in proposito.

Pro-

VII.  
Per speciem  
divinæ Es-  
sentiae non  
cognoscit  
creaturas.

Probatur tertia pars Conclus. Quia non est talis perfectio intellectus angelici, ut intelligat sine discursu, ergo si aliter fieri nequit, satis probabile est, quod cognitio creaturas in Verbo confusè, cognoscat eas distinctè in particulari in proprio genere, quando dirigat actum cognitionis ad illas existentes in proprio genere. Quod pater, quia nos sic videmus in speculo, dirigendo visionem ad res ipsas à tergo positas in speculo efficitur magis certa, ergo.

Dices: Cognitio creaturarum in Verbo præcedit cognitionem rerum in proprio genere; ergo malè dicitur, quod cognitio distincta earum habeatur, dirigendo actum cognitionis ad res ipsas in proprio genere. Respond. Has duas cognitiones esse distinctas rationis, ideo prius naturaliter ista, quàm illa poterit haberi. Sed

Instabis: Cognitio illa directà ad creaturas in proprio genere est iudicativa, pertinens ad secundam mentis operationem, sed omnis talis supponit jam extrema simpliciter cognita, ergo non poterit actum dirigere, quin præcognoverit in Verbo simpliciter. Respond. minorem non esse necessariam, cum experientia sit in oppositum in visu corporeo, experimur enim illas unico intuitu, quasi comparative & iudicative res illas visas in speculo esse, illasmet existentes in proprio genere per directionem aspectus ad utrumque.

### QUÆSTIO TERTIA.

An Angeli egeant speciebus ad alias res creatas cognoscendas?

**I**N hac difficultate particularis est sententia Durandi, & post ipsum Gabriëlis, Occami, Gregorii, &c. qui omnes negant in intellectu angelico dari aliquas species, unde volunt, quod Angeli omne, quod est præsens, cognoscunt immediatè per ipsum objectum cognitum, quod

verò sunt absentia, cognoscantur per illa objecta cognita, tàmquam per causas, in quibus contineri illa dicunt, & hoc modo distinguunt cognitionem abstractivam ab intuitiva. Contraria tamen sententia est communis in utraque schola realium, cum qua etiam tenebo. Interim

Dico Primò: *Angelus non indiget speciebus ad cognoscendas alias res spirituales sibi debite approximatæ.* Hæc est Scoti 2. d. 10. n. 16. Probatur: Tùm, Quia huiusmodi objecta adsunt, & sufficiunt, ut per se concurrant cum intellectu ad noticiam intuitivam: Tùm, Quia species ipsas intelligibiles cognoscit Angelus sine alia specie, nè detur processus in infinitum, ergo poterit etiam sine specie intelligere alteras res spirituales sibi satis ac debite applicatas. Sed in contra

11.  
Angelus  
non indi-  
get specie-  
bus ad res  
creatas spi-  
rituales co-  
gnoscen-  
das.

Arguitur Primò: Sequeretur, Angelum superiorem posse intelligere inferiorem, & contra hunc posse intelligere illum, sed hoc nequit fieri, quia objectum natum concurrere cum potentia intellectu-va ad sui cognitionem, debet esse æquè immateriale ac ipsa, sed inferior Angelus non est tàm immaterialis ac superior, ergo non potest concurrere ex se absque specie ad sui cognitionem elicendam. Item objectum concurrens cum potentia ad intellectionem, non debet esse maioris immaterialitatis quàm potentia, sed superior Angelus est magis immaterialis quàm inferior, ergo nequit cum inferiori producere cognitionem. Respond. neg: min: cum utraque maj: utramque ejus partem probante, quia in nullo bono sensu potest capi immaterialitas, in quo omnes Angeli non sint æquè immateriales, & sicut æquè in rebus materialibus detur specifica diversitas & inæqualitas perfectionis, ita potest talis dari inter Angelos, licet essent æquè spirituales & immateriales. Deindè sat lepidum esse videtur, speciem Angeli inferioris, quam Adversarii requirunt in Angelo super-

(\*) X 3

tionem

riori ad hoc, ut cognoscat inferioriorem esse spiritualiorem & immaterialiorem ipsomet Angelo inferiori.

Arguitur Secundò : Ut duæ causæ concurrant ad ejusdem effectus productionem debent ita esse subordinatæ, ut una agente altera determinetur ad agendum, sed talis determinatio nequit esse inter duos Angelos, quia ante ipsammet determinationem nulla est inter illos subordinatio, nisi indistantiæ, hoc autem non sufficit, quia uterque est æquè indistans, ergo non est ratio, quare unus potius determinetur quàm alter. Respond. distin. majo: in causis physicis, transeat in intentionalibus, nego majo: Quia in his non requiritur alia subordinatio, quàm quod istæ duæ naturæ sint determinatæ ad productionem effectus illius, sive naturaliter independentes à voluntate, sive dependentes à voluntate : talem autem haberent duo Angeli intimè applicati, & quidem si naturaliter sine dependentia determinarentur à voluntate, & si Angeli essent ejusdem perfectionis, alter alterum determinabit, & mutuo se intelligunt : si verò unus sit perfectioris speciei forè inferior determinabit superiorem, & non determinaretur à superiore nisi volente : Forte determinaretur etiam à superiore necessariò, quia non apparet, cur major perfectio hoc impediret, si verò determinaretur dependenter à voluntate sicut contingit in determinatione ad secreta cordis, & locutionem, tunc determinatio fieret ab eo, qui vellet, non autem ab eo, qui nollet, & si uterque vellet, fieret mutua determinatio, & uterq; loqueretur & intelligeret.

Arguitur Tertiò : Ut objectum cum intellectu causet intellectiōnem, debet esse unum cum ipso, & consequenter forma ipsius, sed hoc nequit fieri uni intellectui respectu alterius, ergo. Respond. neg. majo: si intelligatur de alia unitate ab ea, quam habent quæcunque causæ partiales ; Imò in communi etiam

Thomistarum sententia phantasmata concurrunt cum intellectu agente, licet non faciant cum ipso unum in sensu objectionis, nec sint formæ ipsius.

Dico Secundò : *Angelus potest etiam cognoscere & intelligere objecta corporalia satis applicata sine specie.* Est Scoti cit. n. 19. ubi dicit : Angelum posse se, & quæcunque alia cognoscere intuitivè sine specie, posse etiam cum specie, scilicet abstractivè. Probatur, Quia non est recurrendum ad species, dum objectum principale adest, & sufficit, sed objectum materiale prorsus sufficit ad causandam suimet intuitiōnem, ergo. Min: probatur : Quia materialitas non obest, nam phantasmata materialia concurrunt ad productionem speciei impressæ intellectuali, si detur talis, si verò non detur, concurrunt ad ipsasmet species expressas spirituales, ergo similiter discurrendum est de omnibus materialibus.

Dico Tertiò : *Ad cognoscenda objecta absentia, præterita, aliaque non existentia, aut non sufficienter præsentia distinsit & abstractivè Angelus necessariò debet habere species.* Hæc est communis Thomistarum & Scotistarum. Probatur Primò : Nulla potentia intellectiva creata potest intelligere rem aliquam, nisi sit præsens aliquo modo, sed Angeli cognoscunt res absentes in se, ergo per aliquod, ratione cujus sunt præsentēs : major patet, Quia objectum potentia intellectiva concurret partialiter ad intellectiōnem productam in genere causæ efficientis, ut habetur ex D. Augustino 9. Trinit. c. 12. ubi ait : *Liquidò tenendum est, quod omnis res quæcunque cognoscimus, congenerat in nobis notitiam sui, ab utroque enim notitia paritur, cognoscens & cognito, sed certè omnis causa ut effectum congeneret, debet esse aliquo modo præsens, ergo : Probatur min: Quia hoc perfectionis est, & non debet denegari Angelis, cum illi concedatur hominibus, consequentia est proinde evidens, quia illud, ratione*

III  
Angelus  
potest  
intelligere  
objecta  
materialia  
cognoscere  
sine specie  
bus.

IV  
Angelus  
indistinctus  
creaturæ  
cognoscens  
res absentes  
per aliquod



*Quest. IV. Unde habeant Angeli suas species, quibus mediantib. Sc. 163*

tionem cuius sunt res præsentes, aliud non est, quam species, ergo tales dari debent in Angelis.

Probatur Secundò: Contingere potest, ut Angelus *A* perfecte cognoscat essentiam Angeli *B*, qui se abscondat, fiatque absens Angelo *A*, imò, quem DEUS occultet vel annihilat, sed tunc Angelus *A* poterit recordari Angeli *B*, sed talis actus recordationis fieri non potest, nisi per speciem impressam, ergo illa datur in Angelis.

Dices: Angelum *A* recordari actus præteritæ cognitionis per speciem expressam, non verò impressam, ergo hæc superfluit. Sed contra: in illo actu recordationis, quam dicitur speciem expressam, includitur objectum vel species ejus, ergo datur, quia species expressa non est nisi actualis intellectio recordationis, adeoque habere debet suam ordinariam concusam.

Arguitur: Si in intellectu angelico essent species, vel illas haberent à rebus, vel concreatas à DEO, sed neutro modo habere possunt, ergo nullo: Probatur min: quoad primam partem, quia in ipsis non est intellectus agens, sed hujus est producere species, ergo: non etiam habent à DEO, quia illæ vel essent à DEO infusæ, ut perfectiones debitæ naturæ angelicæ ab ipsa fluentes; vel indebitæ, non possunt dici indebitæ, quia aliàs Angelus posset carere illis absque violentia, sed hoc implicat, quia carendo illis careret intellectio absque violentia, quæ tamen nunquam caret, ergo. Respond. Angelum habere species rerum utroque modo, & à rebus acquisite, & à DEO infusæ, acquisite rerum particularium & singularium per intellectum agentem, quem frustra negant Angelis: Rerum verò universalium à DEO. Ad impugnationem hujus, distinguo primam disjunctivam: Essent illi naturæ ex parte sua debitæ, ita quòd sine illis non possit haberi cognitio abstractiva in ordine naturali, con-

cedo. Essent illi debitæ, ita quòd sine illis non possit haberi cognitio ex parte causæ producentis, neg: majò: hoc enim modo non sunt debitæ simpliciter, quia Angeli ipsi possunt eas acquirere, sed solum secundum quid, in quantum excellentia naturæ exigere videtur, ut tot repleatur speciebus, quot eorum naturæ congruit.

QUÆSTIO QUARTA.

*Unde habeant Angeli suas species, quibus mediantibus cognoscant objecta?*

Quamvis tam Thomistæ quam Scotistæ admittant in Angelis species ad res absentes & improporcionatas cognoscendas, nihilominus differunt inter se de causa, à qua habent illas, nam Scotus hic q. 10. ait: Quòd Angeli habeant & species infusæ à DEO, & acquisite à rebus & per utrasque intelligere res nempe per infusæ rerum quidditates & naturas communes, per acquisite singularem contenta sub communi, DEUS itaque secundum ipsum concreavit species omnium quidditatum in Angelis, ita tamen, quòd si non essent concreatæ ipsis, possent adhuc sibi eas comparare à rebus, alioquin in eis intellectus agens esset otiosus, si non abstraheret species singularium à DEO revera non infusæ, quia sub qualibet specie continentur singularia infinita possibilia, nec est credibile, has species singularium eis concreatas, cum eorum intellectus sit valde limitatus, & finitus. Div. Thomas contra 1. p. q. 54. a. 4. & q. 55. a. 2. tenet, Angelos nullam à rebus acquirere cognitionem novam, nec singularium, nec universalium, & omnem cognitionem, quam habere potest, habet à principio creationis per species concreatas. Notandum autem, quòd sermo sit de cognitione abstractiva, & quando objecta non sunt actu, sed tantum potentia intelligibilia. Quibus præmissis

11.  
Angelus in  
creatione  
fuit & spe-  
cies con-  
creatus.

Dico Primò: *Angelis in principio creationis fuerunt concreatæ species quidditatum universalium, & etiam multarum rerum singularium.* Est etiam communis. Et Probatur Primò ex Scriptura, Ezechielis 28. ubi in Persona Regis Tyri secundum expositionem Patrum & Doctorum communiter de Lucifero dicitur: *Tu signaculum similitudinis, plenus sapientia & perfectus decore in deliciis Paradisi fuisti, perfectus in viis tuis in die conditionis tue, donec inventa est iniquitas in te, sed plenitudo sapientiæ significat ad minus, eos habuisse species rerum universalium, ergò.*

Dices: Ad plenitudinem Sapientiæ requiritur, ut habeat species etiam omnium singularium: Tùm, Quia sapientia & prudentia verfatür circa singularia: Tùm, Quia alias fuisset in pluribus ignorans, ergò. Respond. neg. antec. Nam ut dicatur plenus sapientiâ, sufficit, quòd habeat species rerum universalium, & etiam multarum in particulari, licet non omnium, sicut de justis etiam dicitur, quòd *DEUS repleverit eos Spiritu Sapientiæ & intellectus*, licet multa non noscant, non propterea tamen Angeli possunt, aut debent dici ignorantes, sufficit enim, quòd in actu primo ita sint perfecti, ut possint rerum particularium species acquirere viribus naturæ, nam ignorantia non ex qualibet carentia scientiæ dicitur, sed ex ea, quæ deberet inesse, imò nec ex hoc capite solo, sed ex tarditate & hebetudine ingenii quàm maximè ignorantia desumitur.

Probatur Conclusio Secundò ex Patribus: Augustino lib. 4. Gen. ad litt. cap. 22. & 23. &c. dicente: *Angelos habuisse cognitionem rerum Vespertinam in genere proprio statim à principio creationis, sed tunc non habuerunt ab ipsis rebus, utpote nondum existentibus, ergò à speciebus à DEO concreatæ ipsis.* D. Bernardo serm. 74. in Cantica dicente: *Quid enim hæc (anima) vel ille (Angelus) absque sapientia, nisi*

*radis deformisque materia est? Ed èrgò ille non modò formatus, sed etiam formosus fuit, sed perdidit eam, cum fecit suam, id est, cum sibi attribuit ex natura debitam, non ex gratia Creatoris, quapropter etiam dixit Augustinus supra lib. 83. qq. quòd si boni non continuò ad gloriam DEI retulissent, superbià intumuisent, sicut Lucifer.* Confirmatur ex auctoritate Philosophi dicentis: *Omnis intelligentia plena est formis*, id est, speciebus.

Probatur Tertiò Ratione: Tùm, Quia Angelus mediat inter DEUM & homines, sed DEUS nihil intelligit per species, & homo omnia abstractivè per illas, ergò Angelus medians saltem res communes per species intelligit, nam sicut est medius in essendo, ita etiam operando. Tùm, Quia probabile est, quòd habuerint speciem Essentiæ divinæ repræsentantem distinctè naturam divinam, ergò probabilius habuissent species rerum communium, quia, sicut illa fuit necessaria ad implendum præceptum: *Diliges Dominum DEUM tuum*, ita etiam debuit habere species rerum creatarum, ut ex earum cognitione exurgeret in laudem DEI.

Dico Secundò: *In Angelis datur intellectus agens & patiens.* Ita Scholastici contra Thomistas. Probatur Conclusio quoad primam partem Primò: Potentia activa, quæ non involvit imperfectionem, sed potius perfectionem in aliqua creatura inferiori, non est neganda creaturæ superiori, sed intellectus agens in homine, est talis perfectio, ergò non est denegandus Angelo: major patet, probatur min. Est perfectio in qualibet natura habere in se principia ad acquirendam perfectionem suam, sed intellectus agens est principium, quo mediante homo potest acquirere suam perfectionem, nempe rerum cognitionem, ergò erit perfectionis in ipso, ergò etiam in Angelo, cum per eum possit acquirere cognitionem universalium & singularium, si alias non haberet.

Dices.



Dices : Majorem esse veram, falsam autem minorem, quia intellectus agens non est perfectio simpliciter naturæ nostræ, sed perfectio supplens imperfectionem, quæ imperfectio, cum in Angelis non sit, nec in ipsis admitti debet intellectus agens, quod patet exinde, quod generatio sit in homine aliqua perfectio, non tamen poni debet in Angelis. Contra, omnis perfectio sive sit simpliciter talis, sive supplens imperfectionem, est in creatura superiori ponenda, si sine ea creatura superior esset imperfectior inferiori, sed si Angelus non posset accipere species à rebus singularibus, & proportionare sibi objecta materialia, Angelus esset imperfectior animæ rationali, ergo debet in ea poni, unde si Angelus esset perfectior generatione, & imperfectior ex carentia ejus, æquè deberet in ipso poni, verum, quia de facto sine ea esset perfectior homine in incorruptibilitate, ob quam, in speciesaltem vitanda, ponitur in homine, ideo generatio in ipso non est. Probatur min: impugnationis ponendo Angelum in suo esse naturali absque speciebus inditis, tunc natura humana posset acquirere species, Angelus non posset, ergo esset perfectior homo Angelo, quia illa est perfectior natura, quæ habet principia intrinseca ad acquirendas perfectiones sibi convenientes, & altera non habet. Contra Secundò : Quia falsa sunt principia, quibus innititur responsio, videlicet Angelum ideo carere imperfectione, quam supplet in nobis intellectus agens, primò, quod intellectus angelicus sit semper in actu; secundò, quia habet suas perfectiones ex natura sua coævæ sunt, inquam, hæc principia falsa, nam si intellectus angelicus esset semper in actu, esset actus purus sicut Deus, quod est inconvenientissimum asserere, ergo; sequela tamen probatur: Quia intellectus tunc est in actu puro, quando non habet annexam potentiam, nec respectu objecti, nec respectu intellectiōis, sed semper est in actu, sed &c. ergo, si autem

dicat, intellectum angelicum non esse actum purum, quia intellectio ejus est accidens superadditum, tunc ego arguo sic: ergo est in potentia ad illam intellectiōem. Nec secundum principium est, aut subsistere potest: Quia species coævæ Angelis non sunt ipsis coævæ ex extrinseca natura, nec ex altiori ratione, ob quam à tota natura non possent produci, sed ex libera DEI voluntate, liberaliter ipsis à principio creationis eorum, tales perfectiones concreantis, quas tamen si non creasset, adhuc natura sibi ex propria perfectione acquirere potuisset.

**Probatur Conclusio Secundò:**

Illā natura rationalis, quæ habet pro objecto aliquod universale, habet intellectum agentem, sed intellectus angelicus habet pro objecto aliquod universale, ergo: probatur min: Quia nullum objectum potest esse adæquatum intellectui angelico, quod in se non continet omnia ab eo intelligibilia virtualiter vel eminenter, sed nulla res singularis creata continet sic omnia, ergo. Probatur modò major principalis argumenti: Quia universale per prædicationem extenditur ad omnia cognoscibilia tam materialia & immaterialia, sed materialia non sunt intelligibilia, nisi in potentia, & quando sunt intelligibilia in actu, sunt talia per abstractionem, abstractio autem fit per intellectum agentem, ergo ab ultimo ad primum, intellectus habens objectum universale, habet intellectum agentem.

Dices: Universalitatem in Angelis non fieri per abstractionem, sed per speciem, quæ ab ejus essentia fluit, ut ordinariè solvunt post Cajetanum Thomistæ. Sed contra Primò: jam species refutatae sunt. Contra Secundò: Non obstant, quod fluunt, hoc est ab extrinseco, ab intrinseco Angeli possunt ipsi acquirere. Contra Tertiò: Illæ species, quæ fluunt ab Angelo, vel fluunt ab intellectu ejus? vel per aliquid aliud? si primum, ergo intellectus

eas efformat, consequenter est agens; si ab aliquo alio, tunc ab essentia, ab hac iterum non? quia secundum Thomistas substantia non est activa.

Probatur Tertiò: Quandocumque agens superius prævenit actionem inferioris, illa præventio non tollit potentiam activam inferioris, respectu suæ operationis, sed, quod DEUS infundat species rerum Angelis in creatione, solum prævenit actionem ipsius Angeli, ergò: Probatur maj: Quia, si DEUS crearet ignem, quem semper præveniret in actione, non propterea diceretur ille ignis non habere activitatem quâ suam operationem sibi relictus producere posset, ergò etiam idem dicendum est in Angelis, quia alioquin nimium vilificaretur eorum natura, cum tamen sit glorificanda omni modo, quo qualibet alia creatura, quantum imperfectionem non involvit.

Probatur Conclusio quoad alteram partem: In Angelo est potentia receptiva specierum, ergò est in eis intellectus possibilis, cum per talem aliud non intelligant Philosophi, probatur antec: Quia Angelus recipit species, quas habet, quasque habere potest à se, vel à DEO, ergò est in eo potentia receptiva. Patet consequ: Quia in omni recipiente formam, necesse est dari, potentiam receptivam illius formæ, etiamsi recipiens non præcedat duratione, sed solum naturâ formæ receptionem, quod patet, quia si DEUS concreasset animæ nostræ species omnium rerum intelligibilibus, adhuc tamen habuisset potentiam receptivam, sicut de facto contigit in anima Christi, quæ, licet de facto viderit à principio omnia in Verbo, nihilominus habuit intellectum passibilem, sicut etiam nos habemus.

Dices: Intellectus agens & passibilis tantum distinguuntur per phantasmata, sed in intellectu angelico nullum est phantasma, ergò. Respond. neg: majo: Quia inter se distinguuntur per proprias rationes

formales: vel etiam extrinsecè tantum per ordinem ad objecta, vel ad illa, in quibus objecta relucunt. Nec objectum adequatum intellectus agentis est phantasma, sed res potentia intelligibilis, quæ magis latè patet. His ergò positis & propugnatis

Dico Tertiò: *Intellectus angelicus potest acquirere sibi species singularem tam à rebus immaterialibus, quam materialibus.* Ita Doctor subtilis. Probatur prima pars: Quia res spirituales habent naturalem virtutem productivam speciei sui in potentia cognoscitivis, ergò possunt eam producere in intellectu angelico: antec: probatur: Quia res sensibilis potest sui speciem producere in potentia sensitiva, ergò etiam objecta spiritualia in potentia sibi proportionata, probatur etiam conseq: prima: Quia talis virtus nequit exerceri circa potentiam sensitivam, utpote incapacem formæ spiritualis, nec etiam circa intellectum humanum, quia hic naturaliter solum potest recipere species à phantasmatibus dependentes, ergò circa intellectum angelicum, alioquin potentia & virtus productiva speciei in rebus spiritualibus esset frustranea. Confirmatur, Idèd sensibile potest producere sui speciem in potentia sensitiva, quia est sensibile in actu, ergò quia objectum spirituale est intelligibile actu, poterit etiam sui speciem producere ab omnimoda paritate.

Probatur secunda pars Primò: Idèd secundum Adversarios non posset intellectus angelicus acquirere species à rebus materialibus, quia sunt improprietate ad producendam speciem spiritualement, sed hoc non obstat, ergò: Probatur min: Quia phantasma, licet sit in materia & in organo extenso, adhuc habet proportionem ad producendam speciem cum intellectu agente, ergò idem dicendum de rebus materialibus in se.

Dices: Res materiales non movere immediatè intellectum, sed de-

IV.  
Angeli  
possunt  
acquirere  
speciem  
sensibilem

bere prius mediis sensibus depurari, & spiritualizari, ut postea abstrahantur species à phantasmatis, & sic longa est disparitas. Contra: Intellectus separatus, utpotè liberior & expeditior, maiorem habet virtutem abstrahendi species, nec indiget auxilio imaginationis, ergò poterit immediate à rebus eas abstrahere, quia sic maior intellectus activus impedimentum maioris materialitatis compensat. Deinde phantasma quantumcunque depuratum adhuc manet ens materiale, & quidquid est in phantasmate ad causandam speciem, est in objecto materiali, ergò, si potest hoc causare speciem, poterit & illud. Denique ideò agit phantasma in intellectum, quia est repræsentativum objecti, & non ideò, quia est sine materia extrinseca, & certè si esse sic in materia, impedit huiusmodi actionem, æquè impedit in materia sive hac, sive illa, dummodo sit in materia, sed objectum materiale in se est æquè repræsentativum sui, ac phantasma, ergò æquè activum.

Probatur Secundò: Datur in Angelis intellectus agens, ergò patet consequentia: antecedens est probatum.

Probatur utraque pars in communi Primò: Sub qualibet specie continentur singularia infinita, quia species ex se est indifferens, & determinatur tantum extrinsece à DEO, nunquam tamen ad tot, quin ad plura, sed est incredibile, quòd Angelis omnium singularium species fuerint à DEO infusæ in creatione, cum intellectus eorum sit limitatus & finitus, ergò possunt omnium singularium species acquirere, sive sint materiales, sive singulares. Dicere autem, quòd omnia singularia videantur per species communes eis concreatas, & refutabitur & impliat, quia nihil potest in alio distinctè videre, nisi illud alterum in se formaliter contineat, vel virtualiter, species autem communes non sic continent, nisi modo subiectivo, ergò.

Probatur Secundò utraque pars: Si Angelus crearetur à DEO sine speciebus intelligibilibus, aut posset aliquid aliud à se cum communi influentia cognoscere, vel non? Si primum? ergò Angelus poterit à rebus singularibus cognitionem accipere; Si secundum? ergò angelica natura est vilior, quàm quæcunque alia creata, cum omnes aliæ suas perfectiones acquirere possint ex principiis intrinsicis.

Probatur Tertio: Si aliqua esset ratio, quare Angelus non posset accipere cognitionem à rebus singularibus, maxime quia *imaginabile* est medium inter *sensibile* & *intelligibile*, hæc ratio non obstat, ergò: maior est Adversar: probatur min: quia licet *imaginabile* sit medium in homine, non est tamen necesse, quòd sit medium in Angelo, quia quod est medium respectu potentie debilioris, non statim id debet esse respectu altioris, si calor ut quatuor est medium calefaciendi in potentia, debilius causa, non tamen statim debet esse medium respectu causæ potentis & vehementis, ergò eodem modo dicendum in proposito. Deinde, si *imaginabile* esset medium per se inter *sensibile* & *intelligibile*, tunc esset tale, vel respectu rei cognitæ & objecti, vel ex parte potentie, neutro modo potest esse, ergò: probatur min: non primò, quia aliàs DEUS non posset intelligere saltem res materiales nisi mediante phantasmate, quia nihil intelligi potest, nisi sit prius actu intelligibile, quale fieret per imaginationem & phantasma, sed hoc est falsum, ergò. Non etiam secundò, quia *imaginabile* est tantum medium respectu meæ potentie, non verò angelicæ. Sed in contrarium pro D. Thoma

Arguitur Primò: Sicut se habent corporales substantiæ superiores respectu inferiorum, ita se habent substantiæ spirituales superiores respectu inferiorum, sed substantiæ corporeæ, v. g. Coeli habent omnes perfectiones suas concreatas & coævas, nec eas acquirunt successive, sed

simul omnes, cum eorum forma perfectissimè satiet, non autem formæ sublunares, ergo eodem modo Angeli habebunt omnes perfectiones concreatæ possibiles, & consequenter à rebus nequeunt acquirere. Respond. dist. maj. ita se habent &c. in iis perfectiones, quæ eis con-naturales sunt, & ex natura debita, quæque viribus & virtute propria acquiri non possunt, conc: maj: in aliis, quæ virtute propria acquiri possunt, nego maj: & concessa min: neg: consequ: Quia si cœli in principio creationis non habuissent omnem perfectionem concreatam, nequiverunt postmodum acquirere eam, Angeli verò possunt ex virtute naturali acquirere, consequenter, non est necesse, ut concreantur, nam DEUS sic res, quas condidit, admittit, ut eas motus proprios habere sinat, ex Div. Augustini doctrina.

**Instatur:** Operari sequitur esse cujuscunque naturæ, sed Angeli habent esse independentem à phantasmatibus, & à rebus corporalibus & materialibus, ergo etiam habent operari independentem ab ipsis, & sic species acquirere non potuerunt: Patet major ex omnium axioma, minor est certa, & proinde consequentia evidens, & insuper à pari, quia idem intellectus noster dependet in operari à phantasmatibus; quia etiam in esse à corpore dependet. Respond. neg. consequ: Quia non sequitur, non est actus corporis organici, ergo non dependet à corpore tanquam ab objecto, bene tamen tanquam à comparte, unde omnis intellectus, qui non habet in se omne intelligibile, dependet ab objecto tanquam à causa intellecti-onis, angelicus autem intellectus non habet in se omne intelligibile, alioquin esset infinitus, ergo.

**Arguitur** Secundò: Res corporeales non possunt agere propria virtute in spiritus, nec aliquid spirituale producere, sed species intelligibiles sunt spirituales, sicut & Angeli, ergo. Respond. Primo, distin. maj:

res corporeæ non possunt producere aliquid spirituale, ut causa totalis, concedo, ut causa partialis minus principalis, nego maj: Melius Respond. Secundò, distin. maj: res corporeæ non possunt agere in spiritus, & spirituale producere actione vera reali, concedo: actione intentionali, quæ est metaphysica, nego majorem: eo ipso enim, quod omne etiam materiale sit intelligibile, potest etiam producere sui speciem in potentia intellectiva.

**Instatur:** Res productæ à corpore debent esse extensæ, & quantæ, ergo etiam species, ergo non possunt produci in intellectu angelico, qui est indivisibilis & inextensibilis. Respond. distin: antec: si à solo corpore producantur, transeat, si à potentia spiritali, nego antec: & consequ: quia species abstractæ à rebus corporeis virtute intellectus agentis fiunt spirituales, eo modo, quo intellectus noster agens à rebus corporeis abstrahit speciem, quæ tamen est spiritalis.

**Urgetur:** Angelicus intellectus non potest abstrahere speciem à rebus corporeis, nisi applicando eis suam virtutem, sed hanc applicare non potest, nisi illas præcognoscat, quia applicare eis virtutem est actus voluntatis, hic autem non fertur in incognitum, ergo non poterit abstrahere, aut si potuerit, hæ species abstractæ non erunt rationes cognoscendi materialia, cum illa jam prius cognovisset. Respond. conc: major & distin: minor: Applicatio libera prærequirit, ut prius præcognoscat, conc: minor: naturalis, neg: minor: & consequ: itaque ipsa intellectio est prima actio naturalis, quia objectum præsentatum intellectui angelico statim ipsum movet, & intellectu

statim intelligit, ut etiam in nobis contin-



QUESTIO QUINTA.

De natura specierum intelligibilium infusarum.

**D**E natura acquiratarum egi in animalisticis, de his infusis in presenti questione, examinando, an eis sint connaturales? Unde habeant esse? & an sint plures? An verò secundum perfectionem intellectus angelici pauciores in uno, quam in alio? Ac denique, an una, quæ posset repræsentare plures, vel infinitas quidditates? quæ expeditam singulis conclusionibus, attamen sciendum, quodd, quando queritur, an una eademque species possit repræsentare plures res, sensum non esse de rebus subordinatis, nam antecedenter jam dixi, quodd res subordinatæ per unam eandemque speciem cognosci possint, estque extra difficultatem, nam omnes gradus metaphysici superioris commensurantur per unam speciem, sed est sensus de rebus disparatis, & specificis infimis, sive postmodum sint ejusdem, sive diversorum prædicamentorum, cujusmodi sunt quidditates hominis, leonis, quantitatis, coloris &c.

Notandum adhuc: Speciem esse imaginem & similitudinem objecti naturalem ex Aristotele 3. de anima dicente: *Nos nihil intelligere nisi per suum simile*, id est, per suam similitudinem.

Notandum iterum: Hanc similitudinem desumere suam unitatem ab objecto, quo est posterior, nam si naturaliter producat, est posterior ipso, quia effectus ejus est; si verò supernaturaliter, est etiam posterior, quia est mensuratum, & objectum est mensura, mensura autem naturaliter est prior suo mensurato, unde qualis unitas est in objecto, talis etiam in specie deprehendi, & inveniri necesse est, unitas enim posterioris necessario dependet ab unitate prioris, sicut e contra ad pluralitatem prioris sequitur pluralitas posterioris, hinc,

si species est una, objectum ejus primum & formale debet esse unum, & e contra, si objecta sunt plura, species debent esse plures, & si aliqua species habet, quodd possit repræsentare aliqua plura, quodd necessario debeat habere aliquod objectum unum, in quo illa plura continentur.

His notatis D. Thomas 1. p. qu. 55. a. 3. putat, quodd species dentur secundum perfectionem naturalem Angelorum, ita, quodd, quo est Angelus perfectior, eo paucioribus indigeat speciebus, &c. Sic potest per unam eandemque speciem plures quidditates cognoscere. E contra Scotus hic asserit, Angelum quemcunque ad rerum quidditates disparatas, singulis indigere speciebus, cui subscribunt omnes ejus Discipuli, & ego interim

Dico Primo: *Species Angelis à DEO infusa non sunt illis connaturales tanquam proprietates à suis essentiis fluentes.* Probatur Primo: Est impossibile, quodd species omnium possibilem fluant à natura creata, utpote quæ est limitata; cum res omnes sint infinitæ, sed omnium talium possunt habere Angeli species, ergo, si fluerent activè ab essentiis, deberent habere essentiam infinitam. Probatur min. non est contradictio, res omnes possibles esse determinatè veras, ergo nec est contradictio dari species omnium.

Probatur Secundo: Contradictio est, species infundi à DEO, & fluere ab eorum essentia, quia infusio dicit quid extrinsecum, fluere autem intrinsecum, ergo sicut si DEUS de facto omnes illas poneret, necessario fluerent ab essentia, nec per miraculum impedibiles essent, quia propria passio nullatenus impeditur, & consequenter necessario haberent omnium rerum species Angeli, quod nemo dicit.

Probatur Tertiò ad hominem: Ab essentia Angeli secundum ipsos fluunt species, ergo cur non potius ab ea causatur notitia & ab intelle-

III.  
Species Angelis infusa non sunt ipsa debita.

11.  
Species est  
imago ob-  
jecti.



fitu, quàm ab ipsa specie, quòd tamen fieri deberet, quia non major virtus requiritur ad continendum species, quàm ad cognoscendum actus, si autem hoc diceretur, tunc sequitur, quòd essentia Angeli esset inimita sicut divina. Sed in contra

**Arguitur :** Species non infunduntur à DEO miraculosè Angelis, ergò sunt eorum perfectiones connaturales ab eis inseparabiles. Respond. neg. consequent. Quia miraculum plus dicit, quàm liberalem DEI infusionem aliquarum rerum, nam requirit extraordinarium agendi modum, concursum, & insolitum ex communi lege & decreto.

**Instatur :** Si species Angelis non sunt connaturales, erunt accidentia communia non propria, hoc dici de his non potest, quia alioquin non possent appellari illis coævæ, ergò: Respond. neg. min: cum sua probatione, quia ut sint & dicantur illis coævæ, sufficit, quòd à DEO sint illis in initio infusæ, nec sunt illis ita coævæ, ut non possint vel potuissent eas sibi in tempore acquisivisse, ut supra dictum est & explicatum.

IV.  
Species infunduntur  
liberè à  
DEO.

**Dico Secundò :** Species naturalium communium & etiam aliquotum singularium, infunduntur à DEO omnino liberè Angelis, supra omne naturæ debitum strictum, vel per actionem creativam ex nihilo, vel per actionem educivam ex subiecto præsupposito. Probatur prima pars: DEUS ad extra liberè agit, nihil ex naturali necessitate, agit enim ad modum illius, qui regulariter est administrator totius naturæ, tribuens perfectiones rebus, quas viribus suis acquirere non poterant cum generali suo concursu, sed Angeli possunt propria sua virtute acquirere sibi species, ergò infusio est supra omne debitum naturæ, adeoque tota ininitur liberalitati divinæ, quatenus mox ut eos creavit, voluit, quòd omnes res futuras abstractivè saltem per eorum prædicata generica & specifica cognoscerent. Quare autem hoc voluerit, congruentia est, quia creavit eos viatores, ut sibi beatus-

dinem promererentur. Sed incontra sic

**Arguitur :** Ut aliquid sit alteri connaturale, non est necesse, ut ab eo fluat activè, sed sufficit, quòd habeat hoc ex principio passivo, sed Angelus habet principium passivum ad species, ergò erunt ipsi connaturales. Respond. distingu. majore & consequent. Erunt ipsis connaturales ex parte agentis & producentis, nego: ex parte recipientis, concedo, unde species dicimus connaturales aliquo modo Angelis, quatenus scilicet propensionem naturalis capacitatis ad illas habent, quia DEUS, quando eas infundit, non agit præcisè & rigorosè ut Author gratiæ, cum ipsis aliquomodo debeantur, ex eo, quòd possint producere, habent enim ad hoc principium intrinsecum.

**Instatur :** Si DEUS non agit ut Author gratiæ, ergò ut Author naturæ, ergò contra Conclusionem species non infunduntur Angelis supra omne naturæ debitum. Respond. neg. consequi primam, quia licet in rigore species non spectent ad ordinem gratiæ, spectant tamen in laxiori acceptione, prout sunt effectus naturæ in modo producendi indebiti.

**Urgetur :** Sicut materia cœli exigit sibi formam concreatam tanquam debitam, ita intellectus Angeli exigit species, sed &c. ergò. Respond. neg. majorem: Disparitas est, quia materia cœli est ens incompletum præcisè in potentia ad formam, Angelus autem licet habeat potentiam passivam, non est tamen etiam sine potentia activa potentia passivæ correspondente, ut possit sibi illas species acquirere.

**Dico Tertiò :** Non dantur species secundum perfectionem angelicam videlicet, ut quo Angelus superior, eo paucioribus indigeat speciebus. Hæc est directè contra Div. Thomam & suos. Probatur: Si ad commensurationem perfectionis angelicæ darentur species, sequeretur, quòd aliquis

V.  
Non dubitatur  
speciem secundam  
majorem perfectionem  
angelicam

aliquis Angelus posset omnia intelligere per suam essentiam, sed hoc implicat secundum ipsos Thomistas, ergo: Probatur sequela, detur, quod DEUS creaverit Angelum, qui intelligat omnia per unam speciem, hoc Angelo potest DEUS creare adhuc perfectiorem, cum non detur status apud ipsos, tunc iste perfectior Angelus non intelligit amplius per speciem, ergo per suam essentiam, quia debet ex perfectione intelligere per pauciores una minus non est, quam sola essentia, ergo.

Dices: Dato casu, quod ultra illum Angelum qui intellexit omnia per unam speciem produceretur adhuc perfectior, iste prior acciperet statim novam speciem, per quam intelligeret secundum se perfectiorem, & sic haberet duas species, alter autem unam tantum, ergo. Contra Primò, ille superior Angelus de novo productus continetur in aliquo genere, sed secundum Thomistas species representans naturam genericam potest etiam representare omnes species sub ea contentas, etiamsi actu non existant, dummodo actu fiant, ergo Angelus prior non debet acquirere novam speciem, & sic tantum unam habebit. Contra Secundò, si ad cognoscendum illum Angelum superiorem est nova species necessaria in priori, ergo in quolibet Angelo inferiori erit etiam necessaria ad cognoscendum superiorem, & sic inferiores Angeli plurimas habebunt species, & quasi innumeras.

Dico Quarto: *Non potest dari una species cognoscendi infinitas quidditates, nec tot quin plures.* Ita Scotista communiter: Probatur prima pars: Ubi pluralitas numeralis requirit maiorem perfectionem, ibi infinita pluralitas, seu numeralis infinitas requirit infinitam perfectionem, sed esse rationem cognoscendi plures quidditates, requirit maiorem perfectionem, ergo esse rationem cognoscendi infinitas quidditates, requirit infinitam perfectionem: Probatur major à simili, posse por-

tare unum pondus, ponit in portante perfectionem, posse portare plura maiorem perfectionem, & posse infinita infinitam, ergo. Probatur etiam minor: Quia species hominis, seu nata representaret hominem, importat aliquam perfectionem, & species representans leonem, importat etiam aliquam perfectionem, ut est extra controversiam, ergo species, quae representaret hominem, leonem, bovem, maiorem unaquaque diceret perfectionem utriusque, & aliquid ultra, ergo.

Dices cum Vasquez: Unam speciem posse determinari ad quatuor, & sex representanda, quae etiam representabit, ex quo tamen non sequitur, quod infinita. Sed contra, Vasquez admittit, DEUM posse creare speciem universaliorem in representando plures naturas indeterminate, non tot quin plures, consequenter ejus responsio non solvit argumentum.

Dices: Non constare, an dentur res infinitae? vel an sint possibiles versus infinitum, ergo ex eo, quod aliqua species posset determinari ad aliquas, non sequitur ad infinitas. Contra, concessio gratis antecedente, Essentia divina, quia potest representare infinita, ideo formaliter dicitur infinita, sic enim representat finitas versus finitum; tamen si essent infinita in illa parte, infinita representaret, ergo etiam hic sic esset discurrendum. Quod adhuc confirmatur ulterius ex omnipotentia DEI, quae utique est infinita, & tamen infinita non producit, quia de se vel non sunt producibilia, vel quia se determinavit nisi ad ista producenda, ergo etiam species esset aliquo modo infinita, licet actu non representaret infinita; dummodo nata esset representare tot, quin plura, arguit enim hoc quoque aliquam infinitatem. Et ex hoc probata manet quoque secunda pars.

Dico Quinto: *Non dantur de facto in Angelis species universales representativae plurium quidditatum disparatarum, nec etiam representati-*

VI.  
Species  
nulla datur  
infinita re-  
presentant.

VII.  
Species u-  
niversales re-  
presentativae  
non dan-  
tur.

*ve alicujus nature communis, & omnium individuum sub illa contentorum, secundum propriam rationem.* Ita Scotistæ contra Thomistæ. Probat<sup>r</sup> Primò ex Div. Augustino: lib. 83. qq. q. 46. ubi ait: DEUM singula singulis rationibus creasse, ubi per rationes intelligit ideas divinas, quas illi dicunt rationes cognoscendicreaturas, tunc sic: Ideæ divinæ sunt perfectiones quàm angelicæ rationes & species cognoscendi, sed DEUS cognoscit omnia singulis rationibus & producit, ergo. Tum 7. de Trinit. memoria & intelligentia capiunt se mutuo, & invicem æquantur, id est, intellectus cum specie intelligibili, hæc enim secundum D. Augustinum est memoria, ut videre est in lib. 10. Confess. c. 8. q. 10. 12. 14. lib. 83. qq. q. 31. lib. 15. de Trinit. 23. intellectus, inquam, cum specie intelligibili, producit intellectiōnem sibi proportionatam, & actum adæquatū, unde sic arguuntur: Quælibet species debet habere actum sibi adæquatū intelligendi, sed species repræsentativa plurium quidditatum non esset sic potens habere actum adæquatū, ergo: major est Div. Augustini. Probat<sup>r</sup> min: Quia si posset habere hujusmodi actum adæquatū, ille deberet ipsi adæquari intensivè & extensivè, sed neutro modo potest ei adæquari, ergo: Probat<sup>r</sup> min: Non intensivè: Quia tunc actus ille contineret perfectiones actuum intelligendi illarum plurium quidditatum, & ipse tam esset perfectus, acut omnes alii simul, quod falsum est, quia nullus actus potest habere perfectiones plurium actuum alterius rationis, nisi habeat unum objectum, quod contineat objecta aliorum actuum, quia perfectio actus, & unitas est ab objecto, nullum autem objectum tale datur, ergo. Non etiam extensivè, quia hoc deberet fieri per plures actus, & tunc simul essent in intellectu angelico tot actus, quot sunt quidditates, quas illa species nata esset repræsentare.

Dices: Majorem primam hujus argumenti non subsistere, quia for-

ma solis ejusque potentia non habet aliquem unum actum & effectum sibi adæquatū. Respond. neg: consequ: disparitas est, quia forma & potentia solis est causa æquivoca suorum effectuum, consequenter & iis nobilior, & etiam prior, unde una eademque manens potest esse illimitata ad plures effectus, quia pluralitas posterioris non variat pluralitatem prioris, species autem est quid posterius suo objecto, ut annotatum est supra, & hinc, si ipsa est repræsentativa aliquorum plurium, & est una, debet habere aliquod objectum unum, in quo contineantur illa plura: Primò, Quia forma solis ejusque potentia, sicut & quæcunque alia non habet passum sibi necessariò adæquatū & dispositum, unde non potest effectum adæquatū producere, species verò habet passum adæquatū, intellectum videlicet capacem adæquatæ intellectiōnis, quia commentantur speciei intelligibili, consequenter si est repræsentativa, deberet habere aliquem adæquatū sibi actum: Secundo, quia species est determinata à natura, ut determinet indifferentiam potentia ad hoc vel illud objectum cognoscendum, non sic autem est institutus effectus, & sic potentia bene potest esse indifferens ad plures actus, quamvis non possit esse species.

#### Probat<sup>r</sup> Secundo Conclusio!

Quidquid est ratio cognoscendi distinctè aliqua plura, habet unum objectum adæquatū, in quo perfectè continentur illa plura, sed nulla ratio creata, seu species intelligibilis potest habere objectum unum, in quo contineantur plures quidditates, quoad suam cognoscibilitatem, quia illud objectum esset quid creatum, nullum autem creatum perfectè continet quoad entitatem, adeoque neque quoad cognoscibilitatem, si enim aliquid esset, maxime aliquod superius, hoc autem non continet, quia semper in inferiori reperitur aliquid, quod non est in superiori, ergo nulla ratio cognoscendi potest

repræ-



representare plures quidditates disparatas, minor patet, & sic est rationibus firmata. Probatur major Primo: Quia ideo Essentia divina representat infinita objecta, quia ipsa tanquam objectum primum includit omnia objecta, & omnes quidditates adæquate, ergo species representans aliqua plura debet primo habere aliquod objectum, in quo illa plura contineantur. Secundo: Quia objectum speciei est ejus mensura, & ideo, sicut idem non potest primo duabus mensuris mensurari, ita nec una species potest plura primo representare, sed si est ratio cognoscendi plura, est, quia primo est unius objecti, quod virtualiter continet illa plura. Tertiò: Quia unitas speciei pendet essentialiter ab unitate objecti in esse rei, & ex pluralitate primi objecti & adæquati sequitur, necessariò pluralitas speciei, quia à pluralitate prioris sequitur necessariò pluralitas posterioris.

Dices: Sol potest plura producere, quorum tamen nullum continet alterum perfecte & adæquate. Respond. neg: consequi Disparitas est præter superiores, quod forma solis & quæcunq; alia causa, vel potentia activa est causa æquivoca suorum effectuum, consequenter ita primo nobilior, deinde etiam prior, unde una eademque manens potest esse illimitata ad plures effectus, quia pluralitas posterioris non variat pluralitatem prioris, species vero est quid posterius suo objecto, ut annotatum est supra, & hinc, si ipsa est una & representativa aliquorum plurium, debet habere aliquod objectum unum, in quo contineantur illa plura.

Probatur Conclusio Tertiò: Si una species intelligibilis representaret plures quidditates, sequeretur, Angelum non posse intelligere unam, quin intelligeret omnes, sequela est absurda, ergo: Probatur sequela, species est causa naturalis determinans intellectum ad cognitionem, sed causa naturalis necessariò agit, ergo & ista, ergo necessariò om-

nes simul intelligeret, quia æqualiter omnes representarentur. Confirmatur Conclusio, quia una eademque res nequit simul assimilari diversis, & disparatis objectis, sed &c. hoc patet, quia color albus non representat nigrum, nec imago Cæsaris Dianam, nec A potest representare B, ergo. Sed pro contraria sententia, quæ species universales propugnat.

Opponitur Authoritas D. Dionysii de Angel. Hierarch. 17. ait: *Angelos superiores habere scientiam universaliorem inferioribus.* Sed universalior scientia gignitur ex universaliori specie, cum scientia speciei & intellectui æquetur ex dictis, ergo. Respond. D. Dionysium tantum vel le, quod Angeli superiores habeant perspicaciorum & intensiorem scientiam, quatenus perfectius penetrant res, etiam iisdem speciebus, sicut perfectior oculus cum eadem specie elicit, & producit perfectiorem visionem, quam oculus imperfectus & impurus.

Instat: Aristoteles 2. de anim. tex. 31. ait: Sensitivam in intellectu esse, sicut trigonum in tetragono, sed trigonum in tetragono potest videri, ergo etiam in una specie potest videri aliud objectum. Respond. neg: consequi: Quia hoc tantum sequitur ex illis præmissis, quod sensitiva possit videri in intellectiva, quod non nego, unde dico, quod una species & etiam una forma specifica possit representare plura objecta, quæ ipsa in se continet, & sic quo magis est specifica, eo perfectius & plura representat, & sic homo representat animal, corpus animatum, &c. quia ista omnia continentur in homine, suntque objecta subordinata. Conclusio autem hoc negat de subiectis, & objectis non subordinatis & disparatis, ac ultimis speciebus, quæ, sicut se invicem non continent, ita etiam nulla species potest ea simul representare, & ob hoc minor argumenti est etiam vera, quia major figura semper continet minorem.

Argui-

# DISPUTATIO PRIMA.

De

## Locutione & Illuminatione Angelorum.

**I**n Oqui Angelos verè & realiter, non verò metaphoricè, res est jam extra controversiam, nam id clarè demonstratur ex Scriptura tam veteris quàm novi Testamenti, nam Isaia 6. dicitur: quòd *alter ad alterum clamaverit Sanctus, Sanctus &c.* Zachariae 2. *Angelus, qui loquebatur in me, egrediebatur, & alius Angelus egrediebatur in occursum ejus, & dixit ad eum &c.* Apocalyp. 7. *Unus Angelus clamavit ad alios quatuor: Nolite nocere terra & mari quoad usque signemus.* 1. Corinth. 13. *Si linguis hominum loquatur & Angelorum &c.* qui textus clariores sunt, quàm ut retorqueantur in sensum metaphoricum, aut in præcisam rationem assumptorum corporum, si etenim in his possunt sibi & hominibus communicare conceptus, cur non etiam sine istis corporibus, cum videantur potius esse impedimento. Deindè ad felicitatem & societatem pertinet, posse sibi invicem loqui, quo bono privarentur, si loquela eis negaretur. Accedunt Patres, nam D. Augustinus lib. de Divinat. dæm. cap. 6. ponit in illis auditum, ait enim: *Si quid ex illa Dei dispositione prænuntiant, audiunt, audire autem non possunt, nisi loquentem.* Similia habent alii, quæ ad rem properando, omitto. Sit igitur

### QUESTIO PRIMA.

Quomodo Angeli loquantur ad se invicem?

siquet, Amicus putant, loquelam Angelorum esse actum reflexum suum per actum habitum, quem alteri manifestare intendit. D. Thomas p. 1. q. 107. a. 1. Capreolus, Cajetanus dicunt, locutionem aliud non esse, quàm ordinationem conceptus mentis ad alium, ad hoc, quòd voluntas ejus alteri innotescat, & auditionem aliud non esse, quàm intelligentiam, quæ oritur in intellectu audientis, ex ordinatione Angeli loquentis. Scotus cum suis (Pontio excepto) 2. d. 9. q. docet locutionem Angelorum fieri per productionem alicujus effectus in intellectu Angeli.

**I**n hac quaestione gravissimè inter se altercantur Authores diversis diversa opinantibus, nam Durandus putat eos loqui per signa aliqua sensibilia in aère vel coelo ab Angelis efformata. Molina, Ariaga asserunt, eos loqui per signa aliqua spiritualia distincta à speciebus & actibus vitalibus Angelorum. Va-

11.  
Diversas  
opinio-  
nes.

(\*) 2

Et Angelus audientis, quem effectum dicit esse conceptum objecti, de quo vult loqui, vel saltem speciei intelligibilis ejusdem objecti tantum, vel per impressionem tam conceptus, quam objecti simul in intellectu alterius Angelus, cui loquitur. Pro qua sententia intelligenda

expressionem intellectus loquentis, sed esset visio abstractiva vel intuitiva.

Notandum Tertiò : Angelum loquentem posse tribus modis in intellectu audientis operari : Primò causando in ejus intellectu intellectionem absque eo, quòd imprimat speciem impressam, hoc modo loquitur unus Angelus alteri de re ipsi jam habitualiter nota, cujus nimirum speciem impressam jam habet. Secundò, causando in intellectu audientis tam intellectionem, quam speciem impressam objecti, hoc modo loquitur Angelo antea non habenti nec intellectionem habitua-lem, nec speciem impressam ipsius objecti : Tertiò modo, causando solam speciem, non causando actualem intellectionem, & hoc modo Angelus inferior loqueretur superiori de re aliqua singulari superiori nullo modo aliàs nota : in illo enim casu posset inferior imprimere intellectui superioris speciem impressam objecti, sed quia inferior non habet dominium supra superiorem, ideò quando superior est in actuali consideratione alicujus objecti, cum qua non stat attentio ad objectum, de quo inferior loquitur, sicut non potest inferior divertere superiorem à consideratione illius objecti, ita nec causare in illo actualem intellectionem alterius objecti, sed tantum relinquere in eo speciem, cum qua, postquam superior se divertit à consideratione priori, poterit producere in se intellectionem objecti talis speciei.

Ex his ergò tunc fit locutio, quòd unus Angelus imprimat intellectui alterius vel solam intellectionem objecti, vel solam speciem intelligibilem ejusdem, vel utrumque simul. Econtra verò tunc fit auditio, quòd alter Angelus recipiat intellectionem, & per eandem vitaliter operatur, vel quando per speciem receptam producit intellectionem, cum qua vitaliter operatur. Locutio ergò spiritualis secundum Scotum est impressio intellectionis, aut speciei intel-

VI.  
Angelus u-  
nus in intel-  
lectu alter-  
ius recipit  
aut potest  
operari.

III.  
Locutio  
ordinatur  
ad aliam.

Notandum Primò : Locutionem in Angelis, sicuti & in nobis intrinsecè ordinari ad actum intelligendi, nem est actio quædam à loquente, terminata ad similem conceptum in audiente producendum, porro auditus in Angelis intellectus est, unde sicut corporalis locutio terminatur ad auditum, ita Angelorum ad intellectum, intellectus autem aliud producere natus non est, quam intellectionem, hinc difficultas est, quænam intellectio ex iis, quas Angelus habere potest, vocetur auditio, quæque vocetur locutio? Pro quo

IV.  
Angelus  
quatuor  
modis in-  
telligit.

Notandum Secundò : Angelus connaturaliter loquendo quatuor modis potest intelligere res : Primò intuendo eas in seipsis : Secundò intuendo eandem rem in intellectu alterius Angelis, per actum tamen à se productum & in se receptum : Tertiò abstractivè per speciem inditam, vel acquisitam ; Et neutra ex istis dici potest auditio, quia istæ non sunt ab aliqua expressione alicujus Angelis loquentis. Sed causantur vel ab objecto, vel specie, sicut quæcunque aliæ intellectiones, proinde nihil particulare habent, quare auditiones dici deberent : Quartò autem modò potest aliquid intelligere per hoc, quòd alter Angelus imprimat in ipso alicujus rei conceptum, ad quem ipse non habeat se activè, sed merè passivè, & hæc vocatur auditio, quare auditio differt ab aliis cognitionibus per hoc, quòd illa præcisè causetur ab intellectu exprimente loquentis Angelis, unde dato, quòd objectum auditum vel species, vel aliquid quod concurrebat ad causationem locutionis, esset præsens intellectui audientis, & produceret intellectionem de se ipso, illa cognitio non esset auditio, quia non fieret per

intelligibilis in intellectu alterius. Auditus verò per receptionem eorum. Quia autem Adversarij existimant impossibile esse, quòd unus Angelus possit producere aliquid in intellectu alterius Angeli, idèd hoc quoque ante positivam meam resolutionem, erit demonstrandum, interim dicam, quid non sit locutio Angelorum. Itaque

VI.  
Locutio  
an sit per  
signa nat.  
Angelo-

Dico Primò : *Locutio Angelorum nec fit per signa sensibilia & materialia, nec per spiritualia, que non essent intellectiones.* Hæc est contra Durandum, & Molinam, &c. Probatur prima pars ex Div. Damasceno 2. de fide. c. 3. dicente: Angelos esse, non linguâ atque auribus opus habentes, verum citra sermonis administrum cogitationes suas, atque consilia inter se communicantes &c. Deinde ille loquendi modus est Angelorum perfectioni omnino inproportionatus: Deniq; si nulla essent corpora, Angeli inter se colloquerentur, quia hoc ad perfectam eorum beatitudinem & societatem pertineret, ergò. Non nego tamen, quòd Angeli etiam loqui possint efformatis quibusdam characteribus, & signis materialibus, maxime quando ad homines mittuntur, sed hic non est eorum connaturalis loquendi modus: hinc

Probatur secunda pars : Illa signa vel essent naturalia, vel ad placitum, neutrum dici potest, ergò. Probatur min: non ad placitum, quia ad hoc fuisset necessarium, quòd convenissent inter se de institutione horum signorum, & sic essent ante collocuti, antequam haberent illa signa, & si semel sine illis poterant loqui, poterunt semper.

Dices: DEUM infudisse illa signa Angelis in creatione, sicuti Adamo infudit notitiam linguæ hebræicæ. Sed contra: Hæc signa vel essent ejusdem rationis cum omnibus, vel diversa: si secundum, ergò unusquisque Angelus haberet proprium idioma, & ita non intelligeretur ab alio, sicut Turca Germanum non intelligit; Si verò primum dicatur,

cùm hæc entia essent necessaria non libera, sequeretur, quemlibet audire alium loquentem, nec posset esse inter eos secreta locutio, quod absurdum non sequitur in hominibus, cùm possimus alteri submissè loqui pluribus etiam præsentibus, unde non est paritas de Adamo.

Dices: Esse signa naturalia. Contra, Quia tunc non posset eodem modo, sicuti ante dixi, unus alteri secretò loqui, quia naturalia omnibus Angelis sunt cognita: Tum etiam, Quia non potest explicari, in quo fundetur naturalis significatio illorum respectu rerum, quas naturaliter repræsentant, non enim fundatur in ratione naturalis imaginis rerum, aliàs essent species impressæ; nec in connexionione causæ cum effectu, vel econtrà: Quia nec sunt causæ rerum, quas significant, ut patet, nec effectus producti ab actibus intellectus & voluntatis, quos principaliter repræsentant, quia hujusmodi actus non sunt nati producere nisi species, vel habitus.

Dico Secundo: *Locutio Angelorum non consistit in cognitione reflexiva, vel quasi reflexiva super actum, de quo fit locutio, per quam ordinaretur ad alteri manifestandum conceptum directum.* Hæc est contra tertiam sententiam. Probatur: Locutio non consistit in actione purè immanente Angeli loquentis, sed hæc cognitio reflexiva esset purè immanens, ergò: patet maj: Quia per locutionem debet aliquid causari in audiente, ratione cujus moveatur ad attendendum loquentem maxime si audiens esset distractus circa alia objecta: Probatur mino: Quia nequit aliquid transire physicè de contradictorio in contradictorium sine aliquo novo in se recepto, sed Angelus transit physicè, & per intrinsecam mutationem de non audiente, ad esse audientem, non enim fit audiens per solam denominationem extrinsecam, sicut paries dicitur visus, cùm auditio sit actus vitalis, ergò. Deinde sequeretur, quòd unus Angelus nunquam posset decipere alium;

VII.  
Nec in cognitione reflexiva

(\*) Z z



alium, quia loquitur producendo in se cognitionem reflexam actus prioris, ut voliti manifestari, sed nequit Angelus velle, se decipere, vel cognoscere suum actum actualiter, ac est, ut volitum manifestari alteri, ergo.

VIII.  
Nec in ordinatione conceptus ad aliterum.

Dico Tertiò : *Neque Locutio consistit in ordinatione conceptus mentis Angeli loquentis ad alium ad hoc, ut alteri voluntas ejus innotescat.* Hæc est contra Thomistas. Probatur Primò : Res immutata manens in se, eodem modo se habet respectu unius, ac respectu alterius, sed conceptus mentis in Angelo loquente immutatus manet ante ordinationem illam & post eandem, ergo eodem modo se habet respectu Angeli loquentis, & audientis : Sed subsumo : ante ordinationem ille unus non dicebatur loquens, & alter audiens, ergo nec post ; Probatur min : Quia ordinatio illa est respectus extrinsecus, qui nullam dicit mutationem in intellectu, sed tantum in voluntate, ergo.

Probatur Secundò : Ut Angelus unus audiat alterum loquentem, audiens debet aliquo modo excitari, sed per ordinationem illam non excitatur, ergo : Probatur mino : quia ordinatio est actus voluntatis, actus autem voluntatis excitare non potest, quia est tam secretus Angelo audienti, ac quicumque alius actus intellectus vel voluntatis, sed intelligere alium non potest ante, ergo nec istum &c. Confirmatur : Quia locutio est actus intellectus, non voluntatis, sicut etiam est auditio, ergo.

Dices : Licet actus intellectus & voluntatis ante ordinationem non possint cognosci ab Angelo, possunt tamen post, quia hæc transfert ad statum naturalis cognitionis : Sed contra : Per quid transfertur hæc volitio ad statum naturalis cognitionis ? Per aliam ? & sic, ibis in infinitum. Contra secundò : Nihil potest aliquid ad alium statum transferre, nisi illud alterum aliquammodo mutet, sed &c. ergo.

Dices Secundò : Species infusas actuum internorum esse talis naturæ, ut posita extrinseca ordinatione loquentis statim excitent audientem. Contra Primò : Auditio est passio audientis, ergo debet ab aliquo produci, species sola non est productiva talis passionis, ergo. Contra Secundò : Voluntas non potest movere, nisi potentias proprii suppositi, ergo ex ejus imperio non possunt species excitare audientem. Contra Tertiò : Data tali virtute excitativa specierum, quæro, quomodo Angelus per talem speciem excitatus, scit se potius ab Angelo hoc, quam illo excitari, supposito, quod plures simul eum alloquantur, maxime cum eadem species nata sit representare plures cogitationes secundum Thomistas, & tunc Angelus audiens nesciet, an potius hoc, vel aliud velit loquens ipsi dicere, recurrere autem ad hovan speciem est planè voluntarium.

Dico Quartò : *Unus Angelus in intellectu alterius Angeli potest producere intellectionem cujusunque objecti, cujus actualem notitiam non habet alter Angelus.* Ita Scotus cum suis supra : Hæc est præliminaris ad sequentem, de hac enim, ut dixi in notabili tertio sola est difficultas, concessio enim semel Angelum se posse producere intellectionem, non potest melior modus explicandi locutionem spiritualem assignari. Dixi autem, cujus actualem notitiam vel speciem non habet antea, quia si præhaberet hæc duo actualiter simul, nihil tunc operabatur in eo Angelus circa idem objectum, quia in eodem intellectu de eodem objecto non possunt esse simul duæ cognitiones, aut species ejusdem rationis saltem naturaliter.

Probatur Conclusio : Quando aliquid est sufficienter dispositum in actu primo respectu alicujus, potest illum causare in passio, seu receptivo proportionato & sufficienter applicato, & non habente antecedenter eundem effectum, sed Angelus v. g. Michael est sufficienter in actu primo respectu

IX.  
Angelus unus potest producere conceptum in intellectu alterius.

respectu intellectiōis alicujus ob-  
jecti, quod ignorat Uriel, & intelle-  
ctus Urielis est subiectum recepti-  
vum proportionatum intellectiōis  
objecti illius, & sufficienter, ut sup-  
pono, approximatum, ergo Michaël  
poterit intellectiōem objecti igno-  
rati producere in intellectu Urielis  
tam bene, ac in proprio suo intelle-  
ctu, si voluerit: major in omni Phi-  
losophia est certa, ut patet in aqua,  
& sole &c. respectu frigoris & lumi-  
nis &c. minor quoque certa est, quia  
supponimus intellectum Michaëlis  
esse sufficienter dispositum in actu  
primo ad intellectiōem producendam,  
& intellectus Urielis est etiam  
receptivus intellectiōis objecti istius,  
ergo.

Dices: Intellectum Urielis non  
esse æqualiter dispositum, sicut est  
intellectus Michaëlis, & sic, licet Mi-  
chaël in se possit producere intelle-  
ctiōem, non poterit tamen in Urie-  
le: antec: patet: Quia intellectus  
Michaëlis est informatus specie, vel  
objecto, Urielis non, ergo. Respon-  
d. neg. antec: cum sua ratione, nam spe-  
cies vel objectum non possunt varia-  
re ipsius passivi dispositionem, quia  
illud, quod est de se tantum activum,  
non potest variare passivum, vel re-  
ceptivum dispositum & proportio-  
natum, sive ponatur, sive non po-  
natur, sed species est tantum activa,  
& non passiva, ergo non potest va-  
riare intellectus Urielis passivitatem,  
sive adsit, sive non adsit, consequen-  
ter nec impedire, quo minus con-  
ceptus ab alio possit in ipso pro-  
duci.

Dices: Intellectum nullius An-  
geli esse passivum connaturaliter ab  
ullo agente creato; ergo vel ex hoc  
capite nec Michaël nec alius Ange-  
lus potest in ipso producere intel-  
lectiōem. Respond. distin. antec:  
Non est passivus passione corrupti-  
va, conc: perfectivā, neg: antec: &  
conseq: quod autem intellectus an-  
gelicus passivus sit, patet, quia po-  
test recipere propriam suam intel-  
lectiōem, quæ est accidens de ge-  
neris qualitatis: Deinde est etiam

passivus ab alio, nam docet ipse D.  
Thomas. q. 107. a. 1. in respon. ad  
tertium; quod sicut noster auditus  
excitatur per aliquod sensibile ad  
audiendum, ita etiam per aliquod  
intelligibile excitare mentem angeli-  
cam, sed ista excitatio nequit fieri  
sine passione, ergo, min: probatur:  
Quia dum excitatur, movetur, & si  
intelligibile aliquod creatum est,  
movetur ab aliquo agente naturali  
& creato.

Probatur Conclusio Secundo:  
Quia essentia unius Angeli potest in  
intellectu alterius Angeli producere  
speciem intelligibilem sui, etiam in  
quacunque distantia intra sphaeram  
sue activitatis; ut omnes docent;  
sed hoc non alia ratione, nisi quia  
essentia illa in ratione objecti est suf-  
ficienter activa, & intellectus alterius  
Angeli est subiectum proportio-  
natum, ergo similiter intellectus unius  
Angeli in ratione potentie simul  
cum objecto, cujus memoriam ha-  
bet, potest causare, si velit, in intel-  
lectu alterius Angeli similiter pro-  
portionato, & intra sphaeram sue  
activitatis posito intellectiōem &  
speciem objecti illius, ergo.

Probatur Tertiò: Si quid in pro-  
posito obstarat; esset vel insufficien-  
tia potentie intellectivæ in causan-  
do, vel improprio alterius intel-  
lectus in recipiendo, vel ejusdem  
distantia, vel certe vitalitas ipsius  
actus; secundum quam nimirum  
exigit, ut actus producatur à solid  
illa potentia, in qua recipitur, &  
quæ per eam vitalitates operatur:  
Primum & secundum non obstat ex  
prioribus probationibus; nec ter-  
tium: Tum, Quia aliqua agentia cor-  
porea de facto agunt in distans, ut  
patet in Physica; ergo à fortiori in  
corporea: Tum etiam; Quia ipsa  
essentia Angeli in ratione objecti  
producit, vel producere potest sui  
speciem in intellectu alterius distan-  
tis; ergo: Quartum etiam non ob-  
stat: Quia nullus negat, DEUM de  
absoluta potentia posse producere  
intellectiōem lapidis in intellectu  
creato, quæ mediante intelligeret la-  
pidem;

pidem, quo casu illa intellectio erit actio & operatio vitalis, quia ad hoc sufficit, quod recipiatur in potentia vitali nata producere talem intellectiorem, & per eam vitaliter percipere objectum in ipsum tendendo, ergo. Hæc omnia clarius patebunt ex solutione argumentorum, quæ tam contra hanc, quàm contra sequentem conclusionem afferentur, hunc sic in contrarium

**Arguitur:** Ex Conclusionem hæc sequeretur, quod etiam voluntas unius Angeli posset causare in alterius voluntate volitionem, sed hoc est falsum, ergo: patet sequela à paritate rationis, probatur min: Quia sic unus Angelus necessitaret alterum ad amandum, item facerent (dum essent in via) quod alter mereretur infundendo DEI amorem: Item quod alter peccaret imprimendo alteri odium DEI, vel proximi. Denique Angelus beatus posset imprimere damnato visionem & fruitionem beatificam, quia in seipso producit omnes huiusmodi effectus, quæ omnia profecto non modo absurda sunt, sed & falsa, ergo. Respond. conc: maj: neg: min: hoc esse absurdum, si DEUS hoc permitteret. Ad probationem contra hoc respon. distin: eandem: necessitaretur ad hoc passivè ad recipiendum, & eodem formaliter tenendo, concedo: effectivè simpliciter eliciendo hos actus, neg: antec: sed tunc non demereretur vel mereretur, quia ad hoc requiritur, ut actus sit in potestate illius, qui dicitur mereri vel demereri, & quod possit eam elicere vel non. Ad illud de visione negatur, quia DEUS liberè ex parte objecti ad eam concurrat, ac proinde non potest Angelus beatus eam alicui imprimere, nisi DEUS ex hac parte velit coagere ad hoc, quo casu concedo, quod beatus per suas potentias tanquam per principia & causas partiales possit causare istos actus in alio. Cæterum alia objecta creata concurrunt cum voluntate & intellectu Angeli naturaliter ad producendos proprios actus, & conse-

quenter ad producendos alios similes, in quocunque alio passo proportionato.

**Instatur:** Saltem unus Angelus poterat in anima damnati imprimere speciem intelligibilem Deitatis, & sic anima damnata cognosceret naturaliter DEUM distinctè, cognitione saltem abstractivâ. Respond. distinctè consequens ultimum: Anima damnata cognosceret, id est, haberet in se principium connaturale cognitionis Deitatis, concedo: naturaliter, ita quod ex naturalibus possit talem cognitionem habere sine aliquo supernaturali sibi infuso principio, nego consequi: Respond. Secundo: neg: sequelam, quod nempe speciem Deitatis Angelus animæ damnatæ possit imprimere, nisi vel concurrente DEO ipso, vel concurrente ipsa specie supernaturali à DEO infusa, adeoque nunquam erit verum, quod anima damnata cognoscat DEUM naturaliter & distinctè.

**Dico Quintò:** *Locutio Angelorum de facto fit per causationem & productionem conceptus, vel alicuius alterius effectus in intellectu Angeli audientis.* Ita Doctor subtilis præcëditatus. Probatur Primo ex dictis & rationibus prioris Conclusionis, & quia hic modus optimè explicat locutionem spirituales Angelorum, ut mox fusius explicabo.

**Probatur Secundo:** Omnis loquens intellectualiter alteri causaret immediatè in eo conceptum illius objecti, de quo loquitur, si posset, sed hoc potest unus Angelus respectu alterius, ergo sic de facto loquitur? major probatur: Omne agens naturale statim induceret effectum in id, quod principaliter intendit, si posset, ut patet discurrendo per singula, si enim ignis in primo instanti posset ignire stupam vel quodvis aliud passum, statim id faceret, & sic si sine præviis signis aut nutibus externis possem in intellectu alterius hominis immediatè causare noticiam per speciem objecti, de quo loqui volo, absque eo, quod in ejus sensu prius aliquid causarem, certè libenter face-

*Locutio Angelorum fit per productionem alicuius effectus in intellectu Angeli.*

facerem, maxime in casu; quando res & conceptus interni per verba in rudibus intellectibus difficulter explicantur, ergo cum Angelus in proposito per locutionem aliud non intendat, quam quod alter habeat notitiam rei, de qua loquitur, & quam non novit alter, sequitur si possit illum causare modo dicto, quod sic faciat.

**Probatur Conclusio Secundo:**

Quia locutio Angelorum melius explicari non potest, ergo: Probatur antec: Quia non potest fieri per simplicem expressionem conceptus, quem Angelus habet in seipso, tanquam in libro aperto, ut volebat Henricus, quia alioquin sequeretur, quod loquens uni omnibus loqueretur, nam conceptus ille expressus aequaliter omnibus patet, ergo aequaliter omnibus loqueretur: Nec sufficit recurrere ad ordinationem voluntatis, quia illa ordinatio nihil causat in intellectu audientis, consequenter non magis intelligit hic quam ille, sed aequaliter omnes. Ex quo confirmatur ratio: Quia si nihil causatur in intellectu audientis per locutionem, nulla poterit assignari ratio, quare Angelus modo audiat, & ante non audiebat.

**Probatur Tertiò:** Illuminatio est locutionis species, sed in illuminatione, quando DEUS illuminat Angelum, DEUS nihil causat in seipso, sed aliquid in intellectu Angeli illuminati, ergo verisimile est, quod etiam Angeli superiores illuminando inferiores nihil in se, sed illuminatis causent, ergo sic quoque dicendum est de aliis locutionibus. Sed in contra

**Arguitur Primo:** Intellectio est actio vitalis, sed de eius ratione est, quod sit actio immanens, ergo non poterit transire extra potentiam Angeli productivam. Respond. distin: maj: est vitalis vitalitate physica, quæ consistit in physica efficientia actus vitalis à principio vitali, neg: maj: vitalitate intentionali, quæ consistit in vitali tendentia potentiae in objectum, conc: maj: ratio est,

quia DEUS vitaliter intelligit, & tamen physice non producit, item objectum partialiter producit intellectiōem, & tamen non ideo vitaliter agit, & distin: etiam min: de ratione formali actionis vitalis grammaticaliter sumpta, est immanenter agere, conc: min: actiones de genere actionis, neg: min: & consequ: Itaq; intellectio dicitur actio immanens non præcisè, quia subiectatur in efficiente illam, sed etiam, quia est in agente, & operante per illam, unde quia manet in audiente & intelligente Angelo per illam, licet ab alio producat, dicitur adhuc vitalis, & quia tendit per eam vitaliter in objectum.

**Inlatur:** Implicat, quod ignis *A* possit calefacere per calefactionem ab igne *B* productam, ergo etiam implicat intellectum Angeli audientis, intelligere per intellectiōnem ab Angelo loquente productam. Respond. neg: conseq: Quia calefacere est effective ex se producere calorem, & per actionem quidem, quæ est de genere actionis, quæ exigit esse in fundamento suo, intelligere verò non consistit in sola efficientia, sed quàm maxime in recipientia, quia secundum Aristotelem 3. de anima: *Intelligere est quoddam pati*, hinc parum refert, à quo producat, dummodò postmodum potentia per illam intellectiōnem vitaliter in objectum tendat, unde disparitas est hæc, quod calefactio sit de genere causæ efficientis, intellectio verò, licet efficientiam prærequirat in uno vel altero, est tamen magis de genere causæ formalis.

**Urgetur:** Si unus Angelus posset in altero producere intellectiōnem, per quam vitaliter posset intelligere, posset etiam in homine, sed hoc est falsum, ergo: Probatur sequela, Quia in operatione intellectiva anima non utitur corpore, sed solum virtute spiritali, ergo &c. Respond. neg: sequela, cuius probationem distin: in operatione intellectiva anima non dependet, & utitur corpore formaliter, conc: antecedenter & prærequisitive, neg: antec:



tec: & consequenter unde non ideo præcisè nequit de facto infundi, & imprimi intellectio nobis ab Angelo, quòd intellectio non sit materialis, sed spiritualis, sed ideo, quia pro hoc statu in anima nihil recipitur, nisi quod prius recipiatur in sensibus.

Arguitur Secundò: Ex sententia nostra sequitur idem absurdum, quod allegatum est contra Thomistas, nempe quòd pluribus Angelis præsentibus Angelus audiens nescit, quis eorum loqueretur, ergò: Probatur sequela: Poterit contingere, quòd omnes Angeli præsentès de eadem re, de qua sermo fieret, haberent notitiam, quæ sit per speciem, vel objectum, & per intellectum tanquam per principia productiva, sed per eadem principia produceretur conceptus, seu cognitio in intellectu Angeli audientis, ergò ille tunc non sciret, quis produxisset, cum quilibet producere potuisset, utpotè cum quilibet esset sufficienter dispositus. Respond. neg. sequelam, cujus probationis maj: distit: potest contingere &c. tanquam per principia productiva, quorum aliqua applicarentur in actu secundo per actionem & formalem actualem tendentiam, quæ in relatione consistit, conc: maj: ita ut omnia essent formaliter sub relatione actionis & tendentiæ, nego maj: itaque licet Angeli alii præsentès haberent eandem principia, tamen Angelus audiens videret, quis eorum se applicuisset ad actionem formalem, quemadmodum enim loquente uno vident alii, quòd loquatur, ita videt ipse audiens, quis loquatur.

Respond. Secundò neg. antec: seu sequelam, ad cujus probationem dico, quòd sicut Michaël, v. g. non Gabriel loquitur Urieli, ita & ille, & non iste causat in intellectu Urielis non solum cognitionem objecti, de quo vult loqui, sed etiam cognitionem suæ cognitionis, ut ab ipso hic & nunc procedentis, & hoc mediante suo intellectu tanquam causa partiali & simul ipsa cognitione tanquam objecto, ita quòd Mi-

chaël duplicem in Uriele causet cognitionem, unam objecti, de quo vult loqui, & alteram suæ cognitionis de objecto, & sic facillè dignoscitur Uriel, quòd Michaël & non alius ei loquatur, in quantum cognoscit conceptum Michaëlis, & per hoc indirectè & concomitanter Michaëlem ei loquentem. Eandem difficultatem patiuntur Adversarii, quia nullum signum aut nuntium profert unus Angelus, quin alius cognoscens idem objectum eadem signa facere possit, unde ergò sciet audiens, quis sibi loquatur.

Arguitur Tertiò: Iste modus loquendi non salvat, neque explicat, quomodo unus Angelus potest loqui alteri Angelo de re utrique aliàs nota, ergò; probatur antec: Quia tunc non imprimit ei ullam intellectiõnem, aut speciem, quia suppono jam ista habere, vel si imprimit, oportet, quòd tunc in eodem intellectu sint simul duæ intellectiõnes, aut species ejusdem objecti, quòd videtur absurdum, ergò. Respond. neg. antec: ad probationem dico, quòd si audiens habitualiter tantum cognoscat objectum, tunc alterum illi imprimere cognitionem actualem objecti, vel si audiens jam habeat speciem, & actualem intellectiõnem objecti, tunc aut scit audientem cognoscere objectum, aut non? Si non: tunc dico, quòd poterit Angelus loquens imprimere ei cognitionem suæ cognitionis, quam alter non præcognovit: Si autem audiens præcognovit, alterum præcognoscere idem objectum, potest dici, quòd Angelus fortior causaret intellectiõnem in altero, & propter incompatibilitatem utriusque actus desineret cognitio præhabita. Potest etiam dici, quòd locutio fieri possit aliquando absque actuali impressione alicujus in intellectu audientis, nimirum quando contingit audientem cognoscere objectum & conceptum loquentis, nam etiam Theologi concedunt, sacraque Scriptura confirmat, Angelos DEO loqui, cum tamen nihil imprimant in intel-

intellectu divino, nec per hoc frustra censenda est illa locutio, quia locutio non est ad imprimendum actualiter aliquid alteri semper, sed potissimè ad liberè communicandum aliis, quantum in se est, suos conceptus, ita quod velit alios scire suas cogitationes, & facere quantum in se est, ut producat suos conceptus, si effectus pax, vel si alias eos non præhabeat.

**Instat** : Sequeretur ad minus Angelum inferiorem nunquam posse loqui superiori, quia superior non est in potentia ad aliquid recipiendum ab inferiori. Respond. neg: sequelam, posset enim inferior superiori loqui in casu, quo superior ignoraret aliquod objectum inferiori notum, maxime aliquid singulare, tunc inferior poterit illi imprimere tam intellectionem, quam speciem, quia licet sit fortior & potentior, tamen in illa civitate D E I, quo potentior aliquis censendus etiam contriventer. Vel saltem posset solam speciem illi imprimere, si alter esset intensioribus intellectionibus occupatus, ad quam superior se convertens poterit producere intellectionem ad eum modum, quo homo distractus & improfundatus in aliqua speculatione altero loquente non percipit, nec recogitat, quid dixerit, manent tamen species in illo, quibus mediantibus cessante illa gravi speculatione, percipit & cognoscit objectum, de quo alter loquebatur.

**Arguitur Quarto** : Iste modus loquendi non explicat quoque, quomodo unus Angelus possit simul & semel pluribus loqui, aut quomodo unus plures loquentes de eadem re, vel de diversa audire, ergo. Respond. neg: consequi. Ad primum dico, quod si memoria Angeli loquentis habeat virtutem productivam v. g. 10. vel 100. intellectionum de eodem simul (non enim potest producere infinitas) tunc poterit simul 10. vel 100. Angelis loqui de eadem re, aut

non, nisi secundum quod virtus ejus intellectiva se extendit. Ad secundum dico : Si plures loquantur de eadem re, tunc fortior ex loquentibus causabit intellectionem objecti, alii verò non, nisi tantum cognitionem suorum conceptuum de eadem re, vel saltem species impressas conceptuum, nam fortè non potest Angelus simul attendere ad omnes conceptus : Si autem plures loquantur de diversis rebus, & Angeli intellectus est adeò attentivus, ut possit simul ad omnes attendere, tunc singuli causabunt singulas cognitiones rerum, de quibus loquantur, & similiter audiens poterit simul respondere omnibus per totidem actus, si autem non potest simul attendere ad plura, tunc fortior ex loquentibus causabit intellectionem sui objecti, & distrahet illum à consideratione actuali aliorum, & sic alii producent solum species intelligibiles rerum, de quibus loqui volunt.

**Dico Sexto** : *Inter Angelos potest interdum fieri locutio sine impressa specie per solam causationem intellectionis inter Angelos.* Ita Doctor supra. Probat. Vera locutio fieri potest de re habitualiter nota audienti, uti etiam nos possumus loqui de rebus notis, estque etiam possibile inter Angelos fieri, sed in tali casu non imprimeret speciem rei, quia jam præhabetur, & duæ non possunt esse simul, ergo fieri potest locutio sine specie impressa per solam impressionem conceptus actualis.

**Dico Septimo** : *Interdum locutio Angeli in intellectu audientis ad solam speciem impressam terminatur.* Probat. cum Doctore subtili : Minor virtus non potest majorem suo effectui retrahere, ergo, si superior Angelus sit impeditus in consideratione alicujus objecti, inferior non poterit immediate in intellectu ipsius actualem cognitionem causare. Tum, quia duæ intellectiones inter se perfectissimæ non possunt intellectui audientis inesse simul : Tum,

(\*) An

Quia

Quia superior Angelus posset sic occupari, ut nolit inferiorem audire, ergo tunc locutio ad solam speciem objecti terminabitur, sicut contingit in nobis distractis.

**Probatur Secundò** : Dato, nulum reperiri impedimentum ex parte audientis, quin valeat utriusque loquentibus attendere, & ab iisdem speciem simul, & actualement notitiam accipere, ex quo loquens voluntarie agit ex imperio voluntatis suae, solam speciem non actum cognoscendi imprimere poterit.

**Probatur Tertio** : Sicut homo loquens alteri per studium distracto in ejus aures speciem soni, non actualement auditum efficit, licet postea species soni aliam in phantasiam immitteret, per quam audiens postea rediens à distractione, praesens objectum per sonum perciperet distinctè, ita non implicat locutionem Angelum per solam speciem impressam terminari.

XIII.  
Et aliquando an speciem & intellectum.

**Dico Octavo** : *Locutio Angelum interdum terminatur & ad speciem, & ad actualement intellectum.* Probatur cum Doctore subtili : Si Angelus non habeat notitiam rei singularis, ejus intellectus erit receptivus utriusque speciei impressae & expressae, sed intellectus Angelum est sufficienter in actu primo effectivè producendi utramque in passio debite applicato & approximato, ergo : minor de actu & specie expressa patet ex dictis, probatur etiam de impressa, quia una species nata est non modo cum intellectu producere expressam, sed etiam aliam impressam sibi similem, sicut species sensibilis causat sibi aliam similem in medio.

XIV.  
An per locutionem in Angelo audiente causetur notitia intuitiva vel abstractiva?

**Dices** : Actualis locutio non potest esse principium locutionis in Angelo secundum Scotum hic, ergo nec una species erit principium productivum alterius speciei. Respond. neg. conseq. cum Doctore in quodl. 14. in fine, disparitas est, quia species impressa est talis naturae, ut per se primo sit virtualiter representativa subjecti, proinde potest seipsam

multiplicare in quolibet intellectu proportionato, sicut multiplicatur sensibilis species in medio, sed actualis notitia non est sic virtualiter representativa objecti, sed tantum sui, objecti autem est tantum formaliter representativa & quidem intellectui praecise, cui inest.

**Dico Nonò** : *Angeli etiam loquuntur DEO.* Probatur ex Zacharia 1. Respondit Angelus Domini & dixit : Domine exercituum, usquequo tu non misereberis Jerusalem ? Item ex lib. Job & alibi : Tum, Quia etiam homines loquuntur DEO, ergo.

XIV.  
Angeli loquuntur cum DEO.

**Dices** : Angelus loquitur producendo in audiente cognitionem ex dictis, sed talem cognitionem non potest Angelus producere in DEO, ut de se patet, ergo non potest ei loqui. Respond. distin. maji producendo cognitionem in subiecto apto nato recipere, & pati ab agente creato, conc. maji in ente infinito & immutabili, neg. maji & distin. min. non potest producere ex eo, quod non haberet principia sufficientia in actu primo, nego : ex alio capite, concedo. Itaque Angelus loquendo DEO in actu primo verè realiter & physice agit, quia Angelus in actu primo loquitur per memoriam fecundam ab imperio voluntatis applicatam, haec verò sunt physice in Angelo, ergo. in actu autem secundo locutio Angelum est solum metaphorica & moralis, quia in ipso nihil producit, unde ad instar loquentis se tantum habet in comparatione DEI.

**Quæres** : *An per locutionem in Angelo audiente causetur notitia intuitiva vel abstractiva?* Respondetur neutram, sed aliam tertiam, quae fidei equiparatur.

XV.  
Qualis notitia in Angelo audiente causetur.

**Probatur prima pars** : Quia notitia intuitiva sit immediatè à re in se existente, ut praesente, & ad eam sic terminatur, auditio autem immediatè causatur à memoria fecunda loquentis, & ad ipsam rem in memoria loquentis habitualiter praesentem terminatur, ergo.

Probatur.

Probatnr secunda pars: Quia hæc causatur ab intellectu intelligentis & à specie impressa, notitia autem per locutionem accepta totaliter causatur à memoria loquentis, non ab existentia rei in specie, ergo locutio non est notitia rigoroſe abstractiva.

Probatnr tertia pars: Quia non est major certitudo, quando aliquid auditur ab aliquo, quam sit credibilitas dicentis, sed &c. ergo.

## QUESTIO SECUNDA.

An Angelus unus possit pluribus, & de pluribus simul loqui?

1.  
An Angelus  
possit plu-  
ribus loqui?

**E**st extra controversiam, quod Angelus possit uni Angelo loqui & non alteri, quia loqui est ad alterum conceptum suum dirigere, quocunque fiat modo, sive alii audiant sive non, quod in sequenti resolvam quaestione, hoc enim hic parum refert, in facultate enim loquentis est dirigere ad hunc suum conceptum, & non ad illum, sicut si Petrus cum Joanne in praesentia multorum loqueretur, cum eo tantum diceretur loqui; quia ad eum sermonem dirigeret, licet loquentem plurimi alii audirent, sic Angelus potest causare conceptum in intellectu unius Angeli, & non alterius, quia activum naturale productivum intellectionis est subjectum imperio voluntatis; & ideo pertinet ad voluntatem Angeli determinare, ut agat in hoc passum, & non illud, nempe in hunc intellectum istius Angeli, & non in illum. Sed dubium est, quot Angelos aliquis alloqui possit; & de quot rebus? Quorum dubiorum resolutiones ex diversitate prima, ratione locutionis Angelorum dependet, Scotus hic relinquit rem insolutam, licet moveat, ego

**Dico Primo:** Quando Angelus loquitur alteri Angelo per productionem conceptus sui à memoria secunda in intellectu alterius, non potest simul, nisi uni loqui, de re una distincte; de pluribus in confuso. Hæc est sententia

conformis principiis Scoti, Et probatur: Nullum agens creatum potest simul & semel producere plures effectus sibi adequatos, sed una intellectione distincta de una re est effectus adequatus intellectus angelici; ergo Angelus non potest producere plures, consequenter nec pluribus loqui, quia loquitur per productionem intellectionis: maj: patet, nam licet idem pater possit successive producere plures filios, non potest tamen eos simul; probatur etiam min: Quia intellectione una distincta, & clara de aliquâ re est effectus adequatus ipsiusmet Angeli loquentis, ita quod in seipso simul non possit plures producere; ergo etiam erit effectus adequatus respectu alterius Angeli.

**Dices:** Homo potest simul & semel loqui pluribus, ergo etiam Angelus, cum sit multo perfectior. Respond: neg: consequ: Disparitas est, quia vox (vel species ejus) quæ gignitur ab homine, deferretur eadem per aërem ad aures audientium, & sic tot possunt audire, quot sunt illi; ad quorum aures deferretur, locutio autem angelica non est res materialis, quæ eadem possit per medium ad plures deferri, sed gignitur solum per actualem actionem, & impressionem factam ab Angelo loquente in intellectu Angeli audientis, unde, cum ipse unam possit solum producere, uni tantum poterit loqui.

**Instatur:** Scotus videtur supponere, quod idem Angelus possit pluribus loqui, alioquin non quæreretur numerum eorum, quot possit? ergo. Respond: Scotum supponere, quod Angelus possit loqui pluribus; ita ut uni distincte; & aliis confuse, quemadmodum docet, quod unam intellectionem in se distinctam possit simul & semel producere, & plures confusas, quando ergo quærit, quot loqui possit; supponit de locutione distincta, non confusa; nam de hac est conclusio nostra, quod pluribus loqui possit, tot videlicet, quot potest confusas simul producere.

(\*) Aa 2

Dico



III.  
Angelus si  
per speci-  
em, potest  
loqui plu-  
ribus.

**Dico Secundò :** *Si locutio Angelorum fiat per activitatem specierum in Angelo loquentis, sic videlicet, ut illa ex imperio voluntatis producat similem speciem in alio Angelo, tunc unus Angelus potest simul & semel pluribus loqui.* Probatur: Una eademque albedo præfens pluribus oculis, nata est causare plures species in eis, ergò etiam una eademque species angelica memoriæ secundæ poterit producere plures in intellectibus præsentium Angelorum, si illi attendere vellent. Verumtamen.

IV.  
Non est de-  
terminatus  
natura.

**Dico Tertio :** *Non potest pro hoc statu determinari, quot Angelus unus loqui possit, qualesque res eisdem proponere.* Probatur: Quia pro hoc statu non possumus Angelos cognoscere ex propriis principiis secundum propria prædicata, ergò nec possumus eorum activitatem comprehendere, quot & quas intellectiones possint efficere simul.

Probatur Secundò: Angeli distinguuntur specie, eorumque virtus activa secundum diversitatem specificam major & minor est; intensior & remissior; sed diversitatem specificam non possumus eorum cognoscere, quia non cognoscimus eorum differentias, ergò nec eorum activitatem.

V.  
Potest unus  
loqui potius  
quam  
aliter.

**Dico Quarto :** *Angelus potens loqui pluribus, potest etiam uni loqui potius, quam alteri ex illis, licet sint equaliter presentes.* Probatur: Unus Angelus loquitur alteri per imperium voluntatis, applicando eidem memoriam suam secundam ad producendam in intellectu audientis cognitionem, ergò pro libitu potest in uno & non in alio, per locutionem causare talem cognitionem.

Probatur Secundò: Locutio non est sola manifestatio conceptus objectiva, sed actio realis terminata ad auditum formaliter recipientem notitiam, tanquam terminum illius intrinsicum, sed illa actio non est tota naturalis, sed voluntaria, ergò

potest causare in uno, & non in alio. Hinc est, quòd si unus Angelus loqueretur pluribus per productionem cognitionis, ut dicebat prima conclusio, tot essent locutiones, quot essent Angeli audientes, distinctæ vel confusæ, prout ex virtute sua Angelus natus esset eas producere, secundum commensuratum perfectionem.

Dices: Angelus vel loqueretur publicè, vel secretò, neutro modo posset, ergò: Probatur min: non secretò, quia suprà dixi, in Angelis non esse secreta cordium: Si publicè, ergò Angelus alter audiret, consequenter non posset loqui uni, & non alteri. Respond. neg: minora. Quia utroque modo ad invicem loqui possunt, nam, licet in Angelis non sint secreta cordium, & consequenter non possit impedire, quin alter videat, si DEUS concurreret, attamen potest alteri loqui, ut unus tantum audiat, & non alter, magna est enim disparitas inter locutionem, & visionem, & auditionem, quòd ex superius dictis colligendum relinquo. Sed

Instabis: Si alii Angeli præsentés intelligant ea, quæ dicuntur ab alio, vel intelligere possint, si velint, iam illa locutio non erit secreta, sed publica. Respond. visionem semper futuram publicam, si DEUS velit concurrere, non tamen locutionem, quia hæc, ex voluntate Angeli applicatur uni, & non alteri, unde semper dico, quòd alii præsentés viderent, nego autem quòd audirent, disparitatem quæro ex superioribus. Verum.

Urgebis: Potest unus homo alteri loqui, quin tertius cognoscat & intelligat, ergò etiam debet Angelus aliquid ultra concedi. Respond. negan: consequ: disparitas est, quia homo pro statu isto intelligit dependentem à sensibus, & ideo nequit locutionem alterius per vocem factam scire, quin prius illius vox ad aures pervenerit suas, unde si loquens modifcet vocem suam, quin ad aures alterius perveniat, tunc

tunc etiam auditionem & intellectionem occultabit, non sic autem est in intelligentia Angelorum.

### QUESTIO TERTIA.

An Angelus possit alteri in quacunque distantia loqui?

I. Ad huc in-  
telligit qui  
procurat  
in reman-  
ent.

Sensus questionis est primò, an unus Angelus valeat alteri loqui in quacunque distantia indeterminatè accepta, saltem finitè in infinitum? Secundò, an in distantia determinata? Utroque sensu redditur quaestio solum difficile medium intercedens, quatenus in se non est capax alicujus speciei intelligibilis impressæ vel expressæ, sicut aer est medium susceptivum specierum sensibilium. Pro quo

Notandum ex Doctore subtili, quòd actio in medium non procedat naturaliter actionem in terminum, nisi duplici ex causa, aut quia est ejusdem rationis medium & terminus, & tunc prius naturaliter recipitur in medio, sicut passum propinquius naturaliter prius patitur, quàm passum remotius: Aut si est alterius rationis, agens habeat duas formas activas, quarum una naturaliter est prior altera, & secundum illam formam, quæ est prior activè, natum est agere in medium, & secundum alteram in terminum: Exemplum primum est, quòd sol illuminat partes medii: Exemplum secundum est, quòd sol generat mineram in visceribus terræ, vel vermem in terra, & illuminat medium interpositum, his duobus modis exceptis, dicit Scotus, quòd tunc agens non agat prius in medium, quàm in terminum, sed statim in terminum, & sic potest Angelus unus alteri loqui etiam distant. Verum

II. Angelus  
non potest  
loqui in  
quacunque  
distantia.

Dico Primum: Non potest unus Angelus alteri loqui indeterminatè, scilicet, finitè in infinitum. Probat: Quia sphaera activitatis cuiuslibet agentis creati commensuratur quantitati virtutis illius, sed Angelus habet finitam virtutem, ergò. Confi-

matur, Quia soli DEO ratione infinitatis suæ competit sic agere, ergò nulli creaturæ competere potest. Sed

Arguitur in contra: Ad actionem spirituales, merè accidentalis est præsentia localis, ergò potest fieri in quacunque distantia, cum passum non obstat, sed potius perfectio illam appetat, sed locutio inter Angelos est spiritualis, ergò. Confirmatur: Corpora interjacentia non impediunt illam actionem spirituales, quia non transit per illa corpora, ergò. Respond. distin. antec: præsentia localis est accidentalis, quando terminus actionis non dependet à passo, conc: si dependeat, neg: antec: tunc enim passum debet determinatè præsens esse intra sphaeram activitatis agentis. Ad Confirm. Respond. distin. etiam antec: corpora interjacentia non impediunt actionem, ex eo capite, quòd non transeat, conc: ex alio capite, videlicet, quia passum extra sphaeram activitatis agentis constituit, neg: antec: & consequ.

Dices: Hoc videtur esse contra Scotum, quia in reportatis dicit, quòd unus Angelus possit alteri distantiori loqui, & non propinquiori, quia utitur linguâ pro non lingua, medio pro non medio, quia memoria est principium locutionis per voluntatem applicata, ergò potest per istam applicationem etiam in infinitum distant loqui. Respond. neg: consequ: quia Scotus loquitur ibi de Angelo distante & propinquo intra sphaeram activitatis loquentis, quæ magna est capiens Angelos multos, ex quibus per applicationem poterit distant, & non propinquo loqui. Hinc

Dico Secundò: Ut unus Angelus alteri loquatur, non requiritur ullus contactus localis. Hæc est Doctoris subtilis 2. d. q. 2. §. Ad quaestio- nem. Et Probat cum eo Primò: Quodcumque in actione medium non est ejusdem rationis cum termino æqualiter receptivum, & causa agens non habet duplicem for-

III. Angelus ut loquatur, non requiritur contactus localis loq-  
catur.

mam, per quam agat, quarum una prius naturaliter egrediatur, quam altera, etiam actione diversae rationis, tunc nullo modo praecedat actio in medium, quam in terminum, sed sic est inter Angelos, ergo. Probatur min: Quia medium distans inter Angelos non est natum recipere actionem, quam recipere potest Angelus audiens, cum sit corporale; & intelligere per Aristot. est actio incorporea & inorganica; nec etiam habet duplicem formam, per quarum unam prius agat, quam per alteram, ergo.

Probatur Secundo: Potest Angelus inferior seipsum intuitivè cognoscere, ergo etiam Angelus superior sic valet eum cognoscere, quia perfectio possibilis inferiori non repugnat superiori, sed Angelus superior potest ab inferiore distare, ergo non requiritur contactus localis.

Probatur Tertiò: Si DEUS non esset, per impossibile, ubique per suam Essentiam, & esset tamen omnipotens, tunc Essentia non esset praesens visceribus, vel centro terrae, & tamen posset creare aliquid in visceribus, vel centro terrae, sed tunc ageret & produceret aliquid in extremo, absque eo, quod ageret in medium, ergo distantia localis non impedit etiam in Angelis.

Probatur Quarto: Sed de facto causat vermem, vel aliam substantiam generabilem; & corruptibilem, & tamen actione illius rationis, scilicet generationis, non agit in medium, nec actione alterius rationis, nisi quia sol habet aliam formam activam, scilicet qualitatem; per quam natus est agere prius aliquo modo, quam per suam formam substantialem, sicut alteratio praecedit generationem.

Dico Tertiò: *A solo DEO praefinita est determinata distantia, vel ab eo certò scita, in qua unus Angelus potest alteri loqui.* Patet ex dictis supra:

## QUAESTIO QUARTA.

*Quid sit illuminatio, & quomodo à locutione differat?*

**I**lluminatio locutionis species, de se in pluribus cum ea convenit, sine convertentia tamen, quemadmodum fieri assolet in omnibus generibus & speciebus, unde, quae particularia erunt in hac, & sequentibus quaestionibus, examinabo, & imprimis contra Durandum, qui licet in modo, in re negare non audeat, suppono dari illuminationem inter Angelos, quod tam certum esse puto, ac certum est, eos loqui; unde pro prima parte tituli

Dico Primò: *Illuminatio bene definitur, quòd sit locutio de supernaturali vero, in esse secundo perfectiva.* Ita ex Doctore subtili 2. d. qu. qu. 2. Probatur: Quia constat genere & differentia, ergo bene definitur: Probatur antec: Locutio habet rationem generis; colligiturque illuminationem esse locutionem: Tum ex D. Paulo ad Ephes. 3. dicente: *Mihi omnium Sanctorum minimo data est gratia, illuminare omnes, quae sit dispensatio Sacramenti absconditi à saeculo in DEO;* id est; mihi data est gratia anuntiandi & praedicandi vobis Evangelium: Tum ex D. Gregor. lib. 2. Moral. cap. 4. dicente: *Loquitur DEUS ad Sanctos Angelos eo ipso, quòd eorum cordibus occulta in visibilia ostendat,* quod est dicere, illuminat DEUS Angelos: Per Verò supernaturali ostenditur differentia praecipua illuminationis, respectu locutionis; quia hoc est semper de aliquo supernaturali, vel saltem dependente à libera DEI voluntate & dispositione. Dicitur *In esse secundo perfectiva;* non quòd locutio etiam non sit angelici intellectus magna perfectio, nam si locutione careret; esset utique valde imperfectus, sed comparative, quia perficitur modo indebito, est enim illuminatio de iis, quae DEUS liberaliter creaturis & Angelis de Thesauris suis communicat, quaeque connaturali-

V.  
A DEO est  
per se  
distantia

ter non cognoscunt, unde magis perficit intellectum, quàm illa, quæ conaturaliter cognoscere potest. Sed in contrà

Arguitur: Diffinitio assignata non distinguit illuminationem à locutione, ergò non est bona: probatur antec: locutio etiam est perfectiva intellectus angelici, ergò. Respond. neg: antec: cujus probationem distinguo, locutio est etiam perfectiva secundum quid, & per accidens, conc: antec: simpliciter, & quasi per antinomiasiam, ex eo, quòd faciat modo in debito naturæ, nego antec: & conseq:

Institur: Illud objectum, quod illuminationem à locutione distinguit, est valde obscurum & ambiguum, ergò non potest simpliciter dici perficere intellectum: Probatur antec: quia dicitur à Scoto *excellens*, & tamen, quanta sit excellentia, non explicat; si dicatur explicari per tò *intellectus perfectiva*, est in contrà, quòd, cum Angelus secreta sui cordis alteri revelat, illum non illuminet, & tamen ejus intellectum verè perficiat: Et si dicatur iterum, illuminationem magis perficere; illud non subsistit, quia majus vel minus intra eandem speciem, eam non variat, nec facile assignari potest, quisnam sit ille gradus magis varians. Verum Respond. Totum hoc argumentum pomposum esse, sed nihil urgere, quia tò *intellectus perfectiva*, est vera differentia illuminationis à locutione, & licet revelatio cordis secreti etiam perficiat, illud secretum est tamen naturaliter intelligibile, objectum autem illuminationis non sic, unde non tantum dicitur intellectum perficere, sed etiam purgare intellectum illuminati.

Dico Secundò: *Differentia illuminationis à locutione potest desumi, tam ex parte objecti materialis & formalis, quam ex parte termini & modi producendi.* Hanc colligo ex Scoto hic: Et per tò *Ex parte objecti materialis & formalis* excluditur differentia primò à nonnullis assignata,

quòd locutio indifferens sit ad verum & falsum, illuminatio autem tantum fiat de vero, hæc enim differentia locum non habet in Angelis beatis, qui semper verum loquuntur, non tamen semper illuminant. Excluditur secundò, quòd locutio fiat de re indifferenter nota vel ignota, illuminatio verò semper de re ignota: Quia homines, demones, & Angeli frequenter loquuntur de rebus ignotis. Hoc prænotato

Probatur Conclus. quoad partem eandem, Angelus non illuminatur in naturaliter notis, vel noscibilibus cujuscunque sint ordinis, quia hæc res non subterfugiunt latitudinem objecti naturaliter motivi intellectus angelici, ergò illuminatio est præcisè de rebus futuris, vel à Decretis divinæ voluntatis, vel à divina revelatione pendentibus, hinc illuminatio nunquam est de universalibus, sed semper de particularibus.

Probatur 2. Scientia per illuminationem non est evidens ex parte rei, quia de rebus evidenter nobis Angelus non indiget illuminari, ergò illuminatio benè differt à locutione per objectum materiale, ut probat prima ratio, & etiam per formale, quia objectum adæquatum illuminationis est verum revelatum, ita videlicet, ut res latens sit objectum materiale, revelatio verò formale. E. g. supposito, diem judicii esse materiam illuminationis, illuminatio nequit cum certitudine naturali hanc veritatem ostendere illuminatione, cum nec ipse cum certitudine tali cognoscat, ergò debet sub revelatione divina illam accipere.

Dices: Angeli sunt extra statum viæ non capaces assensus fidei, sed verum sub revelatione est objectum fidei omnino obscurum, ergò non est objectum illuminationis in beatis Angelis. Respond. distln: major respectu objecti primarii, conc: respectu aliorum ab objecto primo, nego: Quia quoad secundaria obje-

111.  
Illuminatio ex qua  
est questio  
huius capiti-  
lulæ summa  
est à locu-  
tione.



objecta puto Angelum omnino esse capacem actus fidei.

Probatur secunda pars Conclus. Quia locutio quandoque fit per solum actum & conceptum, quandoque per hunc & speciem; & quandoque per solam speciem, sed illuminationis semper fit, saltem quoad objectum complexum, per conceptum actualem, ergo. Dixi saltem quoad objectum complexum, quia quoad incomplexum, si esset de aliqua re habitualiter ignota, posset etiam speciem simul acquirere.

Probatur denique, quod etiam differat ex modo producendi: Quia locutio semper prius producitur in Angelo loquente, per illuminationem verò nihil Angelus illuminans in seipso producit, sed tantum in alio, quem illuminat, illuminans verò recipit à DEO immediate aliquid ab ipso in intellectu suo productum.

## QUESTIO QUINTA.

*Quomodo fiat Illuminatio in Angelis?*

**I.**  
Illuminatio  
est diversis  
modis.

**C**IRCA Illuminationem tot, tamque diversæ sunt sententiæ, ac circa locutionem, tres tamen sunt solemniore: Prima dicit illuminationem fieri per simplicem propositionem externam veritatis, de qua est illuminatio, absque eo, quod imprimat aliquid Angelo illuminato, sicut Magister illuminat Discipulum, ex eo, quod ipsi proponat veritatem discendam, absque eo, quod aliquid effectivè in ipso producat. Ita Vasquez plures pro se citans. Secunda est, illuminationem fieri per productionem alicujus luminis in intellectu illuminati, quod tamen hujus sententiæ Authores variè inter se explicant: Alii enim putant, esse aliquem radium supernaturalem: Alii, esse lumen supernaturale adjuvans intellectum: Alii, esse lumen aliquod naturale intendens: Alii, ex ea, quod alter Angelus cum eo effectivè con-

currat: Alii aliter. Tertia sententia est Doctoris subtilis, Angelum unum illuminare alterum producendo in ipso intellectionem aliquam, per quam moveatur ad cognoscendam clariùs in se illuminante, & clarissimè in Verbo, Eum sequuntur sui. Interim:

Dico Primò: *Illuminatio non fit per simplicem propositionem externam veritatis, de qua dicitur fieri illuminatio.* Probatur Primò ex D. Augustino pluribus in locis, ubi docet illuminationem fieri per productionem alicujus effectus ab illuminante in illuminato, ut concion. 18. in Psalm. 118. ubi dicit: *Potest quidam aliquid agere Angelus in mentem hominis, ut capiat lucem DEI, & per hanc intelligat, sed ita dicitur intellectum dari homini & quasi, ut ita dicamus, intellectuare hominem, quemadmodum quisque dicitur lucem dare domui, vel domum illuminare, cui facit fenestram.* Et infra: *DEUS autem & mentem hominis rationalem atque intellectualem fecit, quæ possit capere lumen ejus, & Angelum talem fecit, qui operari possit ad aliquid, unde ad capiendum lumen DEI mens adjuvaretur humana: Sed qui facit fenestram, non tantum aperit viam lucis, & tollit impedimenta, sed etiam magnum aliquid efficit in domo, eam fodiendo, mutando &c. ergo etiam Angelus illuminans aliquid in illuminato efficit: Similiter probat intentum altera auctoritas, nam si aliquid Angelus operatur, unde ad capiendum lumen DEI mens adjuvatur, quia hæc operatio debet terminari ad aliquid productum in aliquo subiecto, tunc quæro, in quod tendat, certè non in aliud, quam in intellectum Angeli audientis*

Probatur etiam omnibus rationibus, quibus probatum est, locutionem non fieri per simplicem perfectionem, nec exemplum de Magistro & Discipulo aliquid valet, quia Magister non illuminat Discipulum, sed accommodat objectum capacitati ejus.

Dico

**II.**  
Illuminatio non fit per simplicem propositionem externam.

**III.**  
Illuminatio non fit per simplicem perfectionem.

III.  
Illumina-  
tio nec per  
productionem  
alicuius  
luminis  
fit.

Dico Secundò : *Illuminatio non fit per productionem alicuius luminis siue naturalis, siue supernaturalis in intellectu illuminati.* Hæc est contra Thomistas. Probatur Primò : Quia illud lumen vel esset intensius lumen, vel novum ; vel per concursum amborum intellectuum ad eandem intellectionem producendam ; ratione cuius concursus diceretur illuminatus confortari & roborari, sed neutrum dici potest ; ergò probatur min : Non primum, quia intellectus angelicus est substantia ; non susceptivus magis & minus ; Nec etiam secundum ; quia secundum Thomistas Angelus non est passivus ab aliquo agente creato, recipiendo aliquam speciem vel obiectum ; ergò multò minus aliquod lumen : Non denique tertium, Tum, Quia una intellectio non est nata produci, nisi ab uno intellectu, & si duæ concurrant, duæ erunt intellectiones, quarum una non adjuvatur ab altera : Tum, Quia in agentibus corporalibus unum agens non confortatur ex concursu alterius, nisi ipsum aliquid recipiat à concurrente.

Probatur Secundò Conclusio : Quod nullum novum lumen producat in illuminatione : Quia sicut substantia Angeli non potest suscipere aliquid luminis naturalis ; ita nec intentionem per luminis superioris aggregationem ; quia vel illud lumen seu virtus esset accedens intellectui, & tunc nihil juvaret, quia intellectus esset potentia vitalis substantialis, non accidentalis ; ergò si prius quantum ad essentiam substantialem intellectus Angeli erat improporcionatus, etiam post additionem illius luminis accidentalis esset improporcionatus. Vel denique substantialiter uniretur ; & tunc intellectus Angeli substantialiter mutaretur ; & corrumpere, quod est absurdum ; sequi tamen patet, quia, si intellectus meus ab extrinseco agente substantialiter augetur in claritate & efficacia intelligendi, procul dubio substantialiter mutaretur.

Probatur Tertiò : Nullum agens creatum potest infundere lumen naturale, vel supernaturale alicui potentia ; per quod confortaretur ad agendum ; vel intelligendum ; ergò : probatur antec : Non naturale, quia illius solius est ; habitum lumen intendere, cuius est causare, ex Aristot. 2. Eth. Sed intellectus Angeli creatur à DEO solo ; ergò ille solus potest augere ; lumen supernaturale etiam solus DEUS producit, ergò.

Dico Tertiò : *Illuminatio fit per productionem cognitionis actualis in intellectu illuminati à memoria secunda illuminantis.* Ita Doctor subtilis. Probatur : Quia locutio fit sic, quod confirmatur ex illo Psalm. 41. *Erexit cor meum, &c.* Sed illuminatio est quædam locutio, ergò.

IV.  
Illumina-  
tio fit per  
productionem  
cognitionis  
actualis.

Probatur Secundò : Non possum dici sanus per actum Medici intelligentis morbum & disponentis de infirmitate, sed per sanitatem in me existentem & causatam, ergò nec potest dici Angelus illuminatus per actum alterius intelligentis, sed per aliquem in ipso productum.

Probatur Tertiò : Lumen dicitur perfectius & pressius notitia actualis ; ergò verius per productionem ejus diceretur Angelus illuminari. Objectiones in contrarium desumuntur ex dictis de locutione.

## QUÆSTIO SEXTA.

An Angeli superiores illuminent inferiores & contra?

IN hac materia Doctor subtilis in sæpè citato secundo d. 9. qu. 2. sub littera L. mihi fol. 482. coincidere primò videtur cum sententia Durandi asserentis, Angelos omnes immediate illuminari à DEO ; & in tantum dici unum illuminari ab alio, in quantum unus alium præcedit in dignitate & perfectione. Secundò cum sententia dicentium : Angelos illuminare alios tantum dispositive ; ait enim, superiorem posse dispositive agere, ut videat aliquid in Verbo, nam

(\*) BB

bo, nam

bo, nam illa auditio (per illuminationem facta) disponit, ut audiens convertat se ad intellectum loquentis, & ibi videat illud, de quo loquitur loquens, & postmodum ad Verbum. Pro quo

II.  
Illumina-  
tionis dis-  
plex.

Notandum ex eodem Doctore supra, & in reportatis lib. 2. duplicem dari illuminationem *Dispositivam* unam & *Inchoatam*, alteram verò *completam perfectam*, per modum termini, quem habet illuminatio dispositiva: quod ab eodem declaratur, dicendo, quod Angelus superior à DEO immediatè illuminatus, per claram visionem alicujus mysterii, producit notitiam actualem in intellectu illuminati, obscuram tamen & imperfectam per actum fidei angelicæ, proponendo tale mysterium certum, tanquam sibi immediatè revelatum, auditio ergo hæc disponit audientem, ut se convertat ad intellectum illuminantis, & ibi videat, de quo loquens & illuminans loquatur, quæ visio auditione est perfectior, secundò eadem visio & auditio disponit, ut videns tale objectum in intellectu Angeli illuminantis obscurè & imperfectè adhuc, convertat se ad id clarè videndum in Verbo, ad quam visionem agitantum dispositivè, quia efficit, ut Angelus se convertat ad clarè videndum in Verbo, quod obscurè vidit in Angelo illuminante, quemadmodum aliquis imperfectè videns rem in speculo imperfecto, desiderat illud videre in speculo perfectiori, unde non fit illuminatio in Angelis, eorum oculos sanando, aut removendo aliquod impedimentum, ut aliqui fingunt, sed ad tollendam vel simplicem nescientiam, vel ignorantiam aut errorem.

III.  
DEUS  
primò illu-  
minat om-  
nes Ange-  
los com-  
plex.

Notandum Secundo: DEUM ordinatè suas illuminationes perfectas & completas disponere, ordinatèque distribuere immediatè, intermediatione causæ, mediatè verò & ordine duorum effectuum ab eadem causa procedentium, cum hoc ordine, quod ubi præsupponitur alter, in casu isto Angeli inferiores

non possunt illuminari à DEO, nisi illuminatis superioribus. Si verò sermo sit de illuminationibus imperfectis & dispositivis ordine causalitatis, inferiores illuminantur immediatè à superioribus, quibus acceptis convertuntur ad accipiendas illuminationes perfectas, quamvis non negem, DEUM posse absolute (& fortè etiam fecisse) Angelos inferiores illuminare, non illuminatis superioribus, ut mox infra dicam, interim pro conclusione

Dico Primo: *DEUS aequè primò, & per seipsum completè, & perfectè illuminat omnes Angelos superiores & inferiores, cum ordine præsuppositionis unius effectus ad alium.* Hæc deducitur ex Scoto supra. Probatur: Angelus illuminatus per revelationem claram mysterii, naturaliter illi occulti, illuminat inferiorem, sicut sol partes remotas per propinquiores illuminat, ergò sicut idem sol illuminat priorem & posteriorem, ordine se tenente tantum ex parte effectuum, quatenus ponit primò illuminationem in parte propinquiori, quam remotiori, ita idem DEUS illuminat Angelum superiorem & inferiorem, prius tamen superioriorem quàm inferiorem.

Probatur Secundo ex autoritate D. Dionysii de celesti Hierarch. cap. 2. & Athanasii lib. de communione dicentis: *Quemadmodum discrimen ordinis in superis potestatibus cognovimus, ita quoque stationis & scientiæ discrimina sunt, sunt Throni, sunt Ocherub, atque Seraph, qui sine ullo mediatore, aut interprete, à DEO condiscent, isti enim sunt Angeli assistentes, qui in hoc distinguuntur à ministrantibus, quia primi dicuntur immediatam habitudinem ad DEUM, à quo in suis arcanis illuminantur, ministriantes verò indigent ministerio aliorum Angelorum. Hinc*

Dico Secundo: *Ordine causalitatis imperfectè & dispositivè illuminantur regulariter Angeli inferiores per superiores.* Est communis, & colligitur ex Patribus passim Augustino supra. D. Bernardo lib. 1. de consi-

IV.  
Angeli dis-  
positivè  
primò per  
fectiores il-  
luminantur

considerat. cap. 4. ubi dicit: *Pute-  
mus Cherubim ex ipso sapientie fonte,  
ore Altissimi baurientes, & refunden-  
tes fluentia scientie universis civilibus  
suis &c.* Probatur conclus. i. Ex or-  
dine & subordinatione essentiali in-  
ter Angelos ad invicem spectatos;  
ut sunt entitativè & specificè supe-  
riores & inferiores. Secundò: Ex  
ordine divinæ providentiæ, quæ ta-  
liter gubernat universum, per supe-  
riores regendo & dirigendo inferio-  
res, ergò etiam in ordinatissima re-  
publica Angelorum. Tertiò, Quia  
materia illuminationis sunt effectus  
contingentes dependentes à libera  
DEI voluntate & dispositione, sed  
nullus Angelus potest ejusmodi effe-  
ctus certò & evidenter cognoscere,  
ergò neque alteri certò & evidenter  
revelare, ergò illuminabitur tantum  
imperfectè & obscure, sicut nos de  
rebus fidei illuminamur, cui succe-  
dit clara visio, quæ videbimus per-  
fectissime, quòd utique de Angelis  
quoque sentiendum, & expresse  
tradit Div. Bernardus 3. de consider.  
cap. 1. dicens: *Creatura cæli illa est,  
præstò habens, per quod potius ista  
intueatur. Videt Verbum & in Ver-  
bo facta per Verbum. Neque enim, ut  
vel ipsa noverit, ad ipsa descendit,  
quæ ibi illa videt, ubi longe melius  
sunt, quam in seipsis.* Sed in contra-  
rium.

Opponitur Autoritas D. Dio-  
nysii de cœlesti Hierarch: cap. 7. & 8.  
dicentis: *Seraphim perfectissima luce  
& potentissima ad se trahunt agmina  
Angelorum inferiorum, ergò non tan-  
tum dispositivè, & cap. 13. Angelus  
unicam intelligentiam, quam à divi-  
niori traditam accipit, in quædam di-  
vidit atque amplificat, ergò. Re-  
spond. neg: consequi: Nam Angeli  
superiores potentissima luce tra-  
hant ad se inferiores dispositivè;  
quantum ipsis possibile est, non ve-  
rò simpliciter & completè, quòd so-  
la visio præstat, ex Scoto dicente  
suprà: *Sicut enim non omnis intelle-  
ctus est simpliciter perfectio angelici in-  
tellectus, sed visio Verbi, & non vi-  
sio quidditatum, sed visionem Ange-**

lus superior producere in alio non  
potest, utpote, quæ una substat cau-  
salitati creatæ, ergò. Ad secundam  
authoritatem dico, eam non intelli-  
gendam de eodem illuminationis  
gradu, sed de diverso, quia Angelus  
superior multiplicat noticiam, eam  
accommodando captui inferiorum,  
ita ut excitentur ad convertendum  
se ad Verbum. Reliqua argumenta  
non sunt magni momenti.

Dico Tertiò: *Angelum inferio-  
rem absolute illuminari à DEO posse  
de aliquo mysterio, non illuminato ta-  
men superiori.* Probatur Primò:  
Quia nulla apparet repugnantia.  
Secundò, A facto, quia Gabriel ad  
tertiam Hierarchiam pertinet secun-  
dum mellissimum Doctorem Bernar-  
dum, qui tamen docet in hom. 1. su-  
pra missus est, ipsi revelatum fuisse  
mysterium Incarnationis, latens An-  
gelos primæ & secundæ Hierarchiæ,  
imò etiam omnibus aliis Angelis oc-  
cultum, & quamvis in tract. ad Hu-  
gonem de S. Victore dicat, hoc ad mi-  
nus verum esse de circumstantiis,  
quibusdam Incarnationis, hoc non  
obest, quia sequitur, quòd DEUS  
etiam illas revelaverit Gabrieli &  
non aliis, quòd sufficit. Fateor ta-  
men id ordinariè non contingere:  
Sed pro Thomistis

Arguitur: Ordinariè lex divi-  
næ providentiæ exigit, ut non illu-  
minentur Angeli inferiores, non il-  
luminatis prius superioribus; ergò  
nequit aliter fieri: Probatur con-  
sequi: Illa lex est omninò naturalis,  
& secundum rei exigentiam, ergò est  
omninò indispensabilis. Respond.  
neg: consequi: cum sua probatione,  
quia leges, secundum quas DEUS o-  
peratur ad extra, sunt omninò præ-  
fixæ à divina voluntate, & sunt se-  
cundum rei exigentiam, secundum  
quid tantum, non absolute.

Instat: Ordo conveniens sub-  
stantiis spiritualibus nunquam præ-  
termittitur à DEO, quia nequit illi  
naturaliter mutare, cum sit omninò  
naturalis secundum naturalem diffe-  
rentiam Angelorum, ergò contrail-  
lum nequit DEUS illuminare infe-  
riorem;

V.  
Illuminari  
inferior nò  
illuminatò  
superioris  
potest.

riorem, non illuminato superiore. Respond. Quodd hæc sicut & prior ratio concludit de facto, non verò de possibili, regulariter, non interdum. Deindè ad probationem concedo, DEUM non posse illum ordinem mutare in actu primo, negotamen, quodd non possit eum immutare in actu secundo.

Urgetur: Si immutaret in actu secundo, DEUS faceret injuriam Angelo, & etiam injustè operaretur. Respond. neg. sequelam: Illud enim justum secundum Scotum in 4. d. 46. qu. 1. quodd à DEO est volitum, econtra quodd à DEO non est volitum injustum, juxta illud Div. Anselmi in Profologio cap. 12. *Illud est justum, quodd tu vis, injustum, quodd non vis Domine.* Generaliter DEI ad creaturam non est justitia.

Dico Quartò: *Angelus inferior, quantum est de se, potest dispositivè illuminare superiorem, ut de facto illuminatio perfecta de ipsa sequeretur, si Angelus superior vellet eam recipere.* Probat: Illuminatio est species lo-

cutionis, differens objectivè tantum & formaliter, sed Angelus inferior potest loqui superiori, ergò etiam eum illuminare.

Dices: Inferiores nequeunt docere superiores, cum altiori modo ac universaliori intelligant superiores, quàm inferiores, ergò. Respond. neg. antec: cum assumpto, est enim contra illud D. Pauli ad Ephes. 3. *Ut innotescat Principatibus, & Potestatibus in cælestibus per Ecclesiam multiformis gratia DEI.* Ex quibus verbis S. Hieronymus & Anselmus colligunt ex sapientia Evangelica etiam Angelos profecisse, quia dum etiam Christus, vel per se, vel per Apostolos instrueret Ecclesiam, plurima secreta didicerunt Angeli, quæ ignorabant antea, si ergò ab homine Angeli discunt, quare nequibunt ab inferioribus superiores discere? Hoc semper intelligendum extraordinariè, & de potentia DEI absoluta, regulariter enim & ordinariè oppositum contingit.

VI.  
Angelus inferior potest dispositivè illuminare superiorem.

~~~~~

## DISPUTATIO SEXTA.

26

### Duratione, Loco & Motu Angelorum.



**H**anc materiam aliqui ita fusè tractant, ut omnia repetant, quæ de natura loci & motus, de multiplici divisione, spatiis, & aliis similibus dicti solent, ego ex dictis in Physica part. 1. lib. 3. Disp. 1. supponam, & ea, quæ particularia erunt, explicabo. Siquidigitur:



QUÆSTIO PRIMA.

Quidnam sit mensura durationis Angelorum?

I.  
Mensura,  
numerus,  
& pondus  
quid sint.



**M**nipotens manus  
DEI omnia in mensura  
& numero & pondere  
disposuit, quod secun-  
dum D. Augustinum  
lib. 4. de Gen. ad lit.

cap. sic intelligendum est, ac si dice-  
retur: Omnia sic (DEUS) disposui-  
sti, ut haberent & mensuram & nu-  
merum, & pondus in lapidibus tan-  
tummodo & lignis & huiusmodi moli-  
bus, & quantiscunque corporalibus  
vel terrestribus vel cælestibus anim-  
adverti & cogitari potest. Est etiam  
mensura aliquid agendi, ne sit irrevoc-  
abilis & immoderata progressio, &  
est numerus & affectionum animi &  
virtutum, quo ab stultitiæ deformitate  
ad sapientiæ formam decusque colligi-  
tur, & est pondus voluntatis & a-  
moris, ubi apparet, quanti, quidque  
in appetendo, fugiendo, preponendo,  
postponendoq; pendatur. Sed hæc ani-  
morum atque mentium mensura, aliâ  
mensurâ cohibetur, & numerus aliâ  
numero formatur, & pondus alio pon-  
dere rapitur. Unde etiam docet in  
Epist. 49. quæ est 4. ad Deogratias.  
Presbyterum, non solum tempora,  
sed etiam res stabiles & permanen-  
tes metiri, Pro quo

11.  
Duratio  
est triplex.

**N**otandum Primo: Durationem  
esse triplicem, nempe *Æternitatem*,  
*Ævum* & *Tempus*. *Æternitas* est  
ipsum esse existentie DEI, seu ut lo-  
quitur Sanctus Augustinus 2. enarr.  
in Psalm. 101. *Æternitas ipsa DEI*  
*substantia est, quæ nihil habet mutabile.*  
*Ibi nihil est præteritum, quasi jam non*  
*fit: nihil est futurum. quasi nondum*  
*fit, sed non est ibi nisi est, non est ibi*  
*fuit, & erit: quia & quod fuit, jam*  
*non est, & quod erit, nondum est: sed*  
*quidquid ibi est, non nisi est. Æterni-*  
*tas, ait idem S. Doctor enarr. in Psal.*  
*145. in verbo quatuor syllabis constat,*  
*in se sine fine est, & sine principio.*  
*Ævum est duratio cujuscunque rei*  
*permanentis, in se tamen defectibi-*

lis, unde D. Augustinus lib. 83. qq.  
q. 72. in illud D. Pauli ad Titum cap.  
1. Ante tempora æterna dicit: *Ante*  
*tempora æterna ævum significavit,*  
*inter quod & tempus hoc distat, quod*  
*illud stabile est, tempus autem muta-*  
*bile. Et Tempus est duratio existen-*  
*tie successivorum.*

**N**otandum Secundo: Quod  
sicut res permanentes habent totum  
suum esse simul in unico indivisibili  
nunc temporis, æque perfecte ac in  
æternitate, ita duratio earundem  
est quid permanens & tota simul, ad-  
eoque sine ulla formali successione,  
aut divisione partium, licet benè vir-  
tualiter possit dici successiva & divi-  
sibilis, in quantum scilicet coexistit  
tota simul diversis partibus tempo-  
ris, qualiter etiam licet improprie  
æternitas DEI possit dici successiva.  
Et sicut in Philosophia p. 1. Phys. lib.  
7. & 8. qu. 3. Tempus proprium,  
intrinsecum, & particulare cujus-  
cunque motus non distingui à sua  
duratione, ita etiam duratio intrin-  
seca rei permanentis v. g. Angeli &  
cujuscunque substantiæ stabilis non  
distinguitur ab ipso Angelo vel sub-  
stantia.

**N**otandum Tertiò: Quod sicut  
in Physica supra cum communi sen-  
tentia Philosophorum divisi tempus  
in *Extrinssecum*, seu *Universale*, &  
in *Intrinsecum*, seu *particulare*, ita  
etiam hic potest distingui ævum, ita  
quod sicut tempus extrinsecum di-  
citur duratio motus corporum cœ-  
lestium, præsertim primi mobilis  
respectu motus horum inferiorum.  
Et tempus intrinsecum dicitur du-  
ratio propria ejusque motus in  
particulari, ita in proposito possu-  
mus vocare ævum extrinsecam du-  
rationem rerum illarum permanen-  
tium, quæ inter cœteras perfectius,  
& invariabilius durant, ut sunt An-  
geli, aut etiam ipsemet supremus  
Angelus, cujus duratio potest dici  
ævum extrinsecum respectu cœte-  
rarum rerum permanentium. *Æ-*  
*vum verò intrinsecum & parziale est*  
*propria & intrinseca duratio cujusq;*  
*rei permanentis.*

III.  
Tempus æ-  
vum intrin-  
secum, ali-  
ud extrin-  
secum.

(\*) Bb 3

Notan-

IV.  
Mensura est  
duplex mo-  
lis & virtu-  
tis.

Notandum Quartò: Mensuram esse duplicem, nempe secundum magnitudinem molis, & secundum magnitudinem perfectionis & virtutis; illa corpora quanta & multa mensurantur, hæc verò mensuratur cujuslibet rei perfectio, ita ut quod minus, vel quod magis una res, alia re dicitur perfectior, eò majorem minoremve dicitur habere magnitudinem, nempe perfectionis, hinc quia DEUS optimus maximus summè perfectus est, inter omnia entia, Ens est maximum seu maximè perfectum, ut ait D. Bernhardus lib. 3. de amore DEI c. 10. *Cogitandus est DEUS sine qualitate bonus, sine quantitate magnus, sine situ præsiciens, sine habitu continens, omnia disponens.* Hinc etiam D. Augustinus 6. Trinit. 8. dixit: *In his, quæ non mole magna sunt, hoc majus est, quod perfectius est.* Et homo dicitur mensura omnium animantium, ex eo, quòd colligatur, quòd illud animal, quò magis accedit ad hominem, sit eò perfectius, & eò imperfectius, quò magis ab eo recedit, quòd etiam in omnibus aliis generibus observari potest, ita quòd hinc dicatur communiter in omni genere aliquid esse, quòd sit mensura cœterorum, quæ sub eodem continentur. His præmissis plura sunt hic dubia resolvenda.

V.  
Iste Ange-  
lorum non  
mensuratur  
tempore.

Dico Primò: *Angelorum esse non mensuratur tempore.* Ita D. Augustinus lib. 12. de Civit. DEI cap. 16. ubi ait: *Sicut ergò dicimus creatum tempus, cum idèd semper fuisse dicatur, quia omni tempore tempus fuit, ita non est consequens, ut si semper fuerunt Angeli, idèd non sint creati, ut propterea semper fuisse dicantur, quia omni tempore fuerunt, & propterea omni tempore fuerunt, quia nullo modo sine his ipsa tempora esse potuerunt.* Ubi enim nulla creatura est, cujus mutabilibus motibus tempora peragantur, tempora omnino esse non possunt. *Ac per hoc & si semper fuerunt, creati sunt: nec si semper fuerunt, idèd creatori coeterni sunt.* Ille enim semper fuit aternitate immutabili, isti autem

facti sunt. Sed idèd semper fuisse dicuntur, quia omni tempore fuerunt, sine quibus tempora nullo modo esse potuerunt. Tempus autem, quoniam mutabilitate transcurrit, aternitati immutabili non potest esse coeternum. *Ac per hoc etiamsi immortalitas Angelorum non transit in tempore, nec præterita est quasi jam non sit, nec futura quasi nondum sit.*

Dico Secundò: *Ævum rectè ponitur pro mensura existentia Angelorum, aliarumque rerum permanentium.* Ita communis cum Scoto 2. d. 2. q. 4. Probatur Primò: Quia sicut in successivis, & quantis quantitatè molis assignantur certæ mensuræ durationis & quantitatis earundem, ut motus primi mobilis respectu aliorum motuum, ulna respectu panis, & sic de aliis, ita in rebus permanentibus & quantis quantitatè virtutis oportet ponere unum aliquid, per quòd possemus colligere quantam perfectionem habeat quævis alia res minus perfecta.

Probatur Secundò: Quia secundum Philosophum in quolibet genere oportet, quòd sit aliquid, quòd sit metrum & mensura aliorum sub eodem genere, quomodo ipse ponit hominem esse mensuram aliarum specierum animalis, ergò similiter in genere angelico, & universaliter in genere permanentium creaturarum oportet ponere aliquid, quòd sit mensura perfectionis cœterarum.

Dices: Scotus videtur supra contrarium docere, ait enim, in Angelo non esse necesse ponere aliquid mensurans ejus existentiam, quòd sit distinctum ab ejus essentia & existentia. Respond: Scorum tantum velle, quòd ævum intrinsecum & proprium ipsius Angeli non sit mensura existentiae ejusdem, quia ævum intrinsecum & existentia Angeli sunt realiter idem, idem autem non mensurat seipsum, ita enim dicit: In Angeli existentia actuali non oportet quærere aliquam mensuram intrinsecam aliam à natura ipsius mensuræ, quia nihil est aliud realiter à natura

VI.  
Mensura  
Angeli est  
Ævum.

natura rei mensurate, mensura autem ex natura rei est aliud à mensurato.

Dices Secundò : Mensura & mensurabilia debent esse quanta & divisibilia, sed duratio Angeli non est talis, ergò non habet mensuram. Respond. dist. maj. quantitate motus vel virtutis, conc. quantitate motus tantum, nego.

Dico Tentiò : *Licet possint dici plura æva in Angelis secundum quod plures Angeli excedunt in perfectione, adeoque in duratione alios Angelos inferiores, magis tamen proprie & melius duratio primi & supremi Angeli dicitur mensura & ævum extrinsecum Angelorum, aliarumque rerum permanentium.* Hæc est magis de mente Scoti & Philosophorum, itaque Scotus plures referens sententias, quarum aliquæ tot ponunt æva, quot sunt æterna : Aliæ, esse tot æva diversæ speciei, quot sunt Angeli diversarum specierum, tamen dicit, quòd Angeli supremi existentia (dato, quòd quælibet existentia superior sit ævum respectu inferioris) est tantum ævum respectu aliorum inferiorum, quia existentia ejus invariabiliter mensurat omnes alios : & non habet ævum aliquod isto modo, quia nullam existentiam habet superiorem se, & nullum ævum habet in se distinctum à sua propria existentia, nec in alio ex natura rei nata est certificari, quia quælibet alia est minus certa.

Itaque probatur Conclusio quoad primam partem : Omnis illa duratio potest esse ævum extrinsecum & mensura perfectionis respectu alterius, per quam potest cognosci, quanta sit perfectio alterius rei non adeò notæ aut perfectæ, & cujus perfectio non est adeò invariabilis & uniformis, sed duratio cujuscunque Angeli superioris ita se habet respectu inferioris, ergò qui sciret perfectionem superioris posset dignoscere, quàm perfecta sit existentia & duratio inferioris, considerando quantum accedat, vel recedat à perfectione superioris. Confirmatur :

Quia quilibet motus magis notus, potest esse tempus & mensura alterius motus minus noti.

Probatur secunda pars : Quia inter omnes res creatas substantiales, substantia intellectualis in perfectione, uniformitate, invariabilitate &c. excellit, & inter substantias spirituales Angelus, & inter Angelos unus supremus, ergò existentia & duratio primi Angeli & supremi est perfectissima, certissima, uniformissima inter omnes durationes rerum naturalium, ergò potest assumi ut mensura omnium rerum naturalium permanentium. Quod etiam confirmatur ex motu primi mobilis, qui cum sit regulatissimus, perfectissimus, rectè assumitur pro mensura extrinseca omnium motuum & omnium temporum. Sed in contrà

Arguitur Primò : Mensura debet esse notior mensurato, sed duratio unius Angeli non est nobis notior duratione alterius Angeli, ergò. Respond. Argumentum bene concludere respectu nostri pro hoc statu, non tamen respectu illius intellectus, qui perfecte cognosceret naturam Angeli, aliarumque rerum permanentium.

Instatur : Qui cognosceret naturam Angeli supremi, aliorumque inferiorum, non indigeret aliqua extrinseca mensura, cum, ut suppono, cognoscat jam perfecte omnes Angelos, omnesque eorum perfectiones, ergò frustra ponitur talis mensura. Respond. neg. consequ. Quia non est de ratione mensuræ, ut actualiter mensuret, sed quantum est ex se, sit apta nata assumi ad mensurandum quodvis aliud, si contingeret illud ignorari, sicut ulna non desinit habere rationem mensuræ, etsi actualiter non mensuret. In proposito autem duratio supremi Angeli talis est, ut sicut in entitate excedit alias res creatas, ita in cognoscibilitate, invariabilitate &c. taliter, quòd ipsam perfecte sciens, & ignorans, vel perfecte non cognoscens durationem aliarum rerum possit cognoscere per recessum, vel

excer-



excessum ad ipsam, quantæ perfectionis sint aliæ res, sicut inter species animales dicimus illam post speciem humanam esse perfectiorem, quæ magis accedit ad perfectionem hominis.

Arguitur Secundò : Mensurâ debet esse ejusdem generis cum mensurato, sed inter res permanentes aliæ sunt spirituales, aliæ corporales, aliæ substantiales, aliæ accidentales, aliæ naturales, aliæ supernaturales, ergò respectu omnium malè ponitur unum ævum supremi Angeli tanquam mensura. Respondi. neg. maj: Quia non est de ratione mensuræ; quòd ita strictè sit ejusdem generis cum mensuratis, sed sat est, quòd habeat omnes condiciones similes, & quasi ejusdem generis in ratione mensuræ: In proposito autem res omnes permanentes cujuscunque generis & ordinis habent similes condiciones universales cum Angelo supremo; nam conveniunt in primis cum permanentia, & in eo, quòd habeant totum suum esse simul: Item in modo incipiendi & definendi: Item in duratione quadam terminabili saltem ab extrinseco, nam ut Scotus supra citatus docet, Angelus, si foret statim annihilandus, non propter hoc non mensuraretur ævo, dum manet, quia haberet totum suum perfectum esse simul. Quamquam hæc condiciones perfectius conveniant substantiis, quàm accidentibus; spiritualibus, quàm corporalibus; &c. quia substantiæ per se existunt, seu permanent, accidentia in alio: similiter entia spiritualia ut Angeli, & animæ rationales sunt magis interminabiles seu durabiles quàm corporalia, quia hæc non solum ab extrinseco seu ex defectu causæ extrinsecæ conservantis possunt deficere, sed etiam ab intrinseco, quia habent principium intrinsecum corruptionis, scilicet materiam primam; & sic de aliis: Non inliceret tamen, si quis vellet præter illam communem & universalem mensuram, quæ est ævum primi Angeli, assignare cuilibet ordini,

seu generi rerum suum ævum intimum, quod esset mensura ceterorum omnium sub illo genere, ita ut omnes substantiæ corporeæ haberant suum ævum, & substantiæ incorruptibiles suum, similiter omnia accidentia tam naturalia, quàm supernaturalia suum, quia hæc in modo existendi; ad quem hic attenditur, conveniunt.

Dices: Entia supernaturalia, præsertim gratia & fruitio animæ Christi, excedunt in perfectione substantias naturales & spirituales, ergò potius duratio fruitionis animæ Christi debet assumi ut mensura universalis omnium rerum. Respondi. Primò distin: antec: in ratione doni extrinseci, conc: antec: in esse rei & substantiæ, nego. Quia quælibet substantia naturalis in modo essendi & existendi excedit quòdcunque accidens etiam supernaturale. Respond. Secundò: Accidentia supernaturalia & substantias naturales non posse propriè comparari ad invicem in ratione mensuræ & mensurabilis, sed se habere sicut excedens & excessum, quia substantia in modo existendi & subsistendi excedit, qualitates verò supernaturales in modo participandi divinum esse, & sic neutrum propriè potest esse mensura alterius.

Dico Quàrto: *Motus Angelorum mensurantur tempore, non tamen operationes immanentes.* Hæc etiam est D. Augustini lib. 12. Civit. cap. 16. ubi dicit: *Si tempus non à cælo, verum & ante cælum fuit, non quidem in horis, & diebus, & mensibus, & annis (nam istæ dimensiones temporalium spatiorum, quæ usitatè ac propriè dicuntur tempora; manifestum est, quod à motu siderum caperint: unde & DEUS, cum hæc institueret, dixit: Et sint in signa, & in tempora, & in dies, & in annos) sed in aliquo mutabili motu, cujus aliud antè prius præterierit, aliud postèrius successerit, eò, quòd simul esse non possint. Si ergò ante cælum in angelicis motibus tale aliquid fuit, & ideo tempus jam fuit, atque Angeli, ex quo facti sunt tempo-*

VIII.  
Motus An-  
gelorum,  
mensuram  
per se  
possunt.

raliter

Quæst. 11. An Angelus sit in loco, & an per operationem? 263

raliter movebantur, etiam sic omni tempore fuerunt, quandoquidem cum illis facta sunt tempora. Et iterum: Tamen eorum motus, quibus tempora peraguntur, ex futuro in præteritum transeunt: & ideo creatori, in cuius motu dicendum non est vel fuisse, quod jam non sit, vel futurum esse, quod nondum sit, coeterni esse non possunt. Et ratio est, Quia motus Angelorum habent eundem modum essendi, ergo etiam eundem modum mensurandi.

Secunda pars est Scoti in 2. D. 2. q. 4. ubi dicit: *Angeli cognitio habet mensuram ejusdem rationis cum sua existentia, & ita mensuratur a vo sua operatio, & non tempore.* Et iterum: *Angeli alium beatificum mensurari a vo, omnes concedunt, ex Augustino de fide ad Petrum cap. 12. ibidem V. Præterea omnes n. 5.*

QUÆSTIO SECUNDA.

An Angelus sit in loco, & an per operationem?

**N**on defuerunt olim aliqui, qui negarent, Angelos esse unquam præfentes loco corporeo, verè & propriè secundum suam substantiam, sed tantum abusiue, quos sequitur Hervæus, & videtur esse etiam Thomistarum, dum asserunt, Angelos tantum esse in loco per solam operationem, quæ est difficultas, & secunda pars tituli: Sensus tamen ejus esse potest duplex: Primò, an Angelus secundum propriam suam substantiam sit in loco corporeo, vel potius substantia Angeli non sit præfens loco corporeo, sed tantum ejus operatio, & ratione operationis Angelus dicatur esse in loco, licet substantia distet à loco. Secundò, supposito, quod Angelus sit in loco corporeo secundum substantiam, ita, quod substantia ipsa sit præfens loco, ratio tamen fundamentalis, quare sit in loco, non sit substantia, sed operatio, ita, quod, si circumferberetur ab Angelo operatio, substantia Angeli non posset

esse in loco? circa quam materiam diversimodè variant Auctores, quomodocunque tamen explicetur ab eis, difficultatem sentiunt, ego utrumque modum improbo cum Scoto, &c

Dico Primò: *Angelus est verè propriè & realiter præfens loco corporeo per suam propriam essentiam & substantiam.* Ita Scotus 2. d. 2. qu. 5. & 6. Scotistæ, Nominales, & Neoterici. Probatur Primò ex Scripturâ, Quæ frequenter docet, Angelos aliquos esse in cælo, alios in inferno, alios in aère, quos etiam *Refores tenebrarum harum* vocat, sic Christus Dominus aliquos dæmones misit in desertum. Sic Tobia 8. dicitur: *Tunc Raphaël Angelus apprehendit dæmonium, & relegavit illud in deserto superioris Egypti;* sic Apoc. 20. dicit Joannes, se vidisse *Angelum descendentem de cælo habentem clavem abyssi, & catenam magnam in manu sua, & apprehendit draconem, & serpentem antiquum, qui est Diabolus & Satanas, & ligavit eum per annos mille.* Et alibi sæpè plurima alia.

11. Angeli sunt verè in loco corporeo.

Probatur Secundò ex Patribus: Div. Augustino lib. de cognit. veræ viæ c. 8. ubi ait: *Loco circumscribuntur sicut & anima humana.* Et de spiritu & anima c. 18. *Inest singulis (Angelis) naturalis terminus.* Div. Bernardo lib. 5. de cons. c. 5. *Adfunt Angeli & Archangeli, sed ille germanior nobis, qui non modo adest, sed inest, videlicet anima, & subdit: Possit inesse nobis & Angelum, non inferior, memini scriptum, & Angelus, qui loquebatur in me. Ille ut contubernalis inest animæ.* Et serm. 7. in Cantica dicit: *Credimus Angelos sanctos adstrare orantibus, offerre DEO preces & vota hominum, ubi tamen sine ira & disceptatione levare puras manus perpexerint, probat hoc Angelus ita loquens ad Tobiam: quando orabas & c. puto id vobis satis & aliis scriptura testimonio persuasum, nam quod psallentibus quoq; dignantur admisceri sancti Angeli soleant, quid eo manifestius, quod Psalmista ait: prævenerunt principum conjuncti psallentibus.* Et alibi sæpè,

sæpè, ut in Psalm: 90. præsentiam Angelorum Custodum commendat. Addo pro maiori confirmatione unicuique textum: *Angelis suis mandavit de te, ut custodiant te in omnibus viis tuis: Quam tibi debet hoc verbum inferre reverentiam, asserere devotionem, conferre fiduciam: Reverentiam pro præsentia, devotionem pro benevolentia, fiduciam pro custodia. Cautè ambula, ut videlicet, cui adsunt Angeli (sicut eis mandatum est: ) in omnibus viis tuis, in quo vis diversorio, in quo vis angulo, Angelo tuo reverentiam habe. Tunc audeas illo præsentem, quod videntem me non auderis. An præsentiam dubitas, quem non vides? si fidem consulas, ea tibi angelicam probat præsentiam non deesse. Adsunt igitur, & adsunt tibi, non modo tecum, sed & pro te. Adsint, ut protegant, adsint ut profint. Dic amabo, quid clarius pro Angelorum præsentia dici possit, & certè si fides probat, ut meliùs Doctor ait, irreverenter ipsius & aliorum Patrum ac Sacræ Scripturæ verba in sensum metaphoricum retorquentur.*

**Probatur Tertiò Conclusio: ex Magistro Sententiarum: DEUS est omnibus rebus præsens per essentiam, præsentiam, & potentiam tanquam per tres modos distinctos, ergo etiam sic Angelus potest per essentiam esse præsens: Antec: patet quoad utramque partem: Tùm, Quia si esset idem dicere, esse præsentem per essentiam, ac esse præsentem per operationem, modus per essentiam & potentiam non essent distincti, quia per potentiam operatur. Tùm, Quia Scriptura & Patres clamant, DEUM esse ubique præsentialiter per suam Essentiam, nam Jerem. 32. dicitur: *Cælum & terram ego impleo.* Et D. Augustinus lib. 7. de Civit. cap. 30. *Hæc autem facti & agit unus & verus DEUS, sed, sicut idem DEUS, ubique totus, nullis inclusis locis, nullis vinculis alligatus, in nullas partes scissilis, ex nulla parte mutabilis, implens cælum & terram præsentem potentiâ, non absente naturâ, &c.* Jam probatur**

consequ: prima argumenti: Tùm, Quia si aliquid impediret, quo minus essent Angeli rebus corporeis præsentem, esset immaterialitas, sed DEUS est magis immaterialis, ergo. Tùm, Quia minus videtur de DEO dicendum, quòd operetur, ut sit præsens, quàm de Angelo, utpotè, cum DEUS infinitæ virtutis & perfectionis, Angelus verò limitatæ, sed DEUS secundum S. Thomam (est ad hominem) est præsens, quia operatur tanquam à posteriori, nam mobile & movens debent esse simul, ergo, si Angelus alicubi operatur, prius debet supponi esse præsens, ergo.

Dices: DEUM esse ubique præsentem per potentiam, esse, DEUM esse in omnibus rebus immediate immediatione virtutis, esse verò in rebus omnibus per Essentiam, esse, DEUM esse in omnibus rebus immediatione suppositi, id est, quia DEUS agit aliquid per seipsum in omnibus rebus, nullo alio mediante supposito, quod concurreret ad productionem illius rei. Ita respondit Cajetanus. Sed revera ex hac instantia patet, Cajetanum negare præsentiam substantialem Essentiæ divinæ rebus corporeis, quia immediata operatio immediatione, suppositi, non conjungit essentiam causæ efficientis suo effectui, aut, si conjungit, jam erit alius modus, primum tamen est contra omnes Scholasticos, si secundum, dat nobis manum.

Dices: Adhuc, posito, quòd ille modus sit distinctus, attamen operatio est fundamentum, quare DEUS sit rebus præsens. Sed contrà: DEUS potest operari, ubi non est, imò de facto ante mundi constitutionem non erat in rebus per Essentiam, & tamen operatus fuit creationem rerum, & modò extra mundum posset aliquid producere. Imò de facto dicitur esse extra mundum in probabili sententia, & tamen nihil operatur, ergo operatio non est fundamentum.

Pro-

**Probatur Conclusio Quarto:**  
Eodem modo Scriptura asserit, Angelos esse in loco, quo animam Christi asserit fuisse in inferno, sed anima Christi verè fuit secundum substantiam in inferno iuxta articulum: *Descendit ad inferos*, ergo quoque Angeli, quando in Scriptura dicuntur esse in aliquo loco, verè ibi sunt per praesentiam approximationis: Major patet, quia sicut Scriptura dicit: *Descendit ad inferos*, eadem etiam phrasi dicit Joann. 5. *Angelus autem Domini descendebat secundum tempus in piscinam, & movebatur aqua*, ergo. Confirmatur de anima rationali, quae verè descendit ad inferos, vel ad purgatorium, ergo eodem modo dicendum de Angelis.

**Probatur Conclusio Quinto:**  
Virtus finita differt ab infinita virtute, quia virtus infinita potest agere in quantumcunque distans, virtus verò finita requirit determinatam distantiam ad hoc, ut possit operari, sed determinata distantia est determinata approximatō, & propinquitās substantiae operantis ad corpus, in quod operatur, ergo in omni virtute creata & finita requiritur prius praesentia debita approximationis substantialis, & deinde sequitur operatio, & consequenter substantia Angeli prius est praesens corpori, in quod operatur, quam quod ipsa operetur in illud. Sed in contrarium

Opponitur Autoritas S. Augustini lib. 83. qq. quaest. 20. ubi ait: *DEUS non alicubi est, quod enim alicubi est, continetur loco, quod continetur loco, corpus est: DEUS autem non est corpus, non igitur alicubi est: Sed etiam Angelus non est corpus*, ergo. Et lib. 8. de Genesi ad litt. cap. 26. dicit, solam naturam corporalem moveri per locum & tempus, spiritualement verò per tempus tantum; Undè ipse & etiam alii Patres dicunt, Angelos non esse nisi abusive in loco. Respond. S. Augustinum aliud non velle, quam quod DEUS non sit in loco circumscriptivè, ita, quod commensurarentur ei partes

rei locantis, sic fateor, nec DEUM, nec Angelum esse in loco, nec conclusio hoc praedendit, sed solum eos esse definitivè in loco.

**Instatur:** Omne locatum habet situm, sed situs non convenit, nisi rei quantae, quia positio uno modo est proprietas quantitatis, ergo non convenit situs Angelo, consequenter nec locus. Respond. negando maj: & distin: min: Situs per coextensionem partium non convenit, nisi rei quantae, conc: min: Situs per simplicem situationem, nego min: positio autem, quae est proprietas quantitatis, coextensionem & commensurationem partium exigit, non alius.

**Pro sequenti Conclusionem nota:** quod, explicando sensum quaestionis quoad alteram partem, dixerim, quaeri, an operatio sit ratio, quare substantia Angeli sit in loco, ut modo probatum est. Ratio autem illa potest sumi & intelligi dupliciter, primò formaliter, ut sit proxime formalis. Secundò fundamentaliter; & utroque modo potest dici ratio formalis, primò proxime & propriè, secundo modo in largiori acceptione, E.g. Similitudo est ratio formalis proxima, quare duae rosae, vel lilia sint similia. Albedo verò dicitur etiam ratio formalis, quare rosae sint sibi similes, in tantum, quia albedo est fundamentum similitudinis, sic eodem modo ratio quare aliquid sit in loco, potest quodque sumi dupliciter, primò ratione formali propria, & sic est ratio formalis aliquis respectus rei locatae ad rem locantem: Secundò pro ratione fundamentali, in qua videlicet respectus ille fundetur, & de hac ratione potissimum controvertitur, ego tamen quaestionem in utroque sensu resolvam. Undè

**Dico Secundò: Ratio formalis, propriè dicta, existendi Angeli in loco est ubi incircumscriptivum, seu definitivum.** Probatur: Quia praeter rem locatam & locum debet admitti aliquid, per quod res formaliter dicatur in loco, sed illud est ubi, cum

III.  
Aliud est esse formaliter, aliud fundamentali in loco.

IV.  
Ratio formalis est ubi definitivum.

verò Angelus sit spiritualis, non potest habere circumscriptivum, ergò definitivum: major: patet tùm ex Physica, tùm à simili, quia ut corpus sit in loco formaliter, debet præter locum & rem locatam aliquid admitti. Tùm, Quia, ut duæ rosæ sint sibi similes propriè & proximè formaliter, præter fundamentum, quod ponamus albedinem, debet aliquid admitti, nempe relatio, ergò.

**V.**  
Ratio effi-  
civa est ip-  
se, vel alia  
causa po-  
tens cum  
ad illud.

Dico Tertiò: *Ratio effectiva, quare Angelus sit in loco, est vel propria ejus virtus motiva, qua se liberè transiit ad illud locum, vel virtus extrinseca, qua in eo productus est, vel ad eum translatus, & in eo detentus.* Probatur: Quia determinans efficienter Angelum ad existendum in aliquo loco, est id, à quo, tanquam à causa efficiente habet, quòd sit in eo, sed illæ sunt causæ efficientes hujus effectûs, in conclusione relatæ, ergò. Confirmatur: Quia illæ eadem sunt causæ, quare corpora sint in aliquo loco, ergò etiam quare Angelus, undè sicut Angelus potest se ponere ad hunc locum, ita etiam ad alium, & sicut se ponit ad locum parvum, ita etiam liberè potest se ponere ad majorem, &c.

**VI.**  
Ratio fun-  
damenta-  
lis non est  
operatio.

Dico Quartò: *Angeli non sunt in loco per operationem, tanquam per rationem fundamentalem.* Ita Scotistæ contra Thomistas, & signanter Ferrar. Probatur Primò: Si Angeli essent in loco per aliquam operationem, vel essent per immanentem, vel transeuntem, per neutram possunt esse in loco, ergò, maj: patet, probatur min: non per immanentem: Tùm, Quia ipsi sic plurimi saltem concedunt: Tùm, Quia operationes immanentes aequè præscindunt à loco, sicut substantiæ ipsæ, & consequenter sicut substantia non est ratio existendi in loco, ita nec operatio immanens. Tùm, Quia non possunt esse visio & fructio, in quibus consistit beatitudo, quia Angeli fuerunt creati in cœlo Empyreo & non in beatitudine, & mali ceciderunt

derunt de ipso cœlo Empyreo, & non de beatitudine, ergò. Nec de hoc ulterior est difficultas. Quare

Probatur minor illa, & consequenter conclusio, quod nec per transeuntem, Primò: Corpora non sunt in loco per operationem, ergò nec Angeli, probatur consequ: quia secundum ipsos Thomistas, idèd corpus non est in loco per operationem, quia præsupponitur corpus ipsi operationi, sed Angelus etiam præsupponitur esse in loco, quàm operetur, ergò Angelus non potest esse in loco per operationem. Nec dicas, operari, & esse in loco esse idem, quia alioquin falsa esset propositio Aristotelis universaliter: *Agens & passum debent esse simul*, quia conveniret tantum corporibus; vel si vera universaliter, tunc esset nugax, quia significaret, in spiritualibus agens oportet agere, & passum pati, ergò etiam in ipsis aliud est, esse simul, & aliud, agere & pati, quia sunt simul, consequenter esse præsupponitur ad operari. Et continuando paritatem de existentia corporis in loco, & Angeli.

Probatur Secundò Conclus. Sicut se habet quantitas ad corpus, ut illud existat in loco circumscriptivè, ita se habet operatio in Angelo, ut sit in loco definitivè, sed nulla quantitas, quæ non est in subjecto, potest esse ratio formalis, ut aliquod corpus existat in loco circumscriptivè, ergò etiam nulla operatio potest esse ratio Angelo, ut sit in loco definitivè, quæ non est in ipso; subsumo: Sed operatio transiens non est in subjecto & Angelo operante, sed in passio, circa quod operatur, ergò: Major autem principalis patet, quia modus existendi Angeli in loco definitivè desumitur à modo existendi corporis in loco circumscriptivè, ergò sicut ratio existendi in loco circumscriptivè debet esse in ipso subjectivè, ita debet etiam esse in illo, quod existit definitivè.

Dices: Angelum per unam operationem constitui in loco, & per alteram operari deinceps. Sed contra,



tra, ergo cessante operatione, per quam constituitur esse Angelus in loco, cessat etiam esse in loco, quia cessat & definit ratio formalis constituendi cum in loco, ergo. Deinde reddit argumentum, ergo ratio formalis constituendi in loco debet inesse subjectivè.

**Probatur Conclusio Tertiò :** Si operatio transiens Angeli est ipsi ratio ensendi in loco, sequeretur, quod Angelus frequenter nullibi erit, & nunquam in cælo empyreo, sed hoc est &c. ergo; probatur sequela, quia Angelus potest cessare ab omni actione transeunte ad extra, & se se occupare in merè internis : Deinde in cælo empyreo nullam potest habere actionem, quia si aliquam, tunc motum, hæc enim vorum est actio transiens, hunc autem habere nequit, quia cælum illud est immobile. Dicere autem, esse ibi ad ornatum, est concedere, quod volumus, quia quæro, quid sit? Si est simplex præsentia & existentia ubi, ergo sine operatione, si verò præsentia & unio, eodem modo habetur intentum. Confirmatur hæc ratio, quia alioquin sequeretur, quod nec dæmones, nec animæ damnatæ essent in inferno, quia nullam ibi habent operationem transeuntem, cum ipsi violenter detineantur, ergo.

**Dices :** Satis esse, ut dicantur in inferno, quod ignis in ipsos agat, ipsosque cruciet. Sed contra primò, ignis ipsos non cruciat physicè, sed intentionaliter. Contra secundò, si dæmones per hoc sunt in inferno, quod ignis agat in ipsos, ergo etiam ignis ibi erit per hoc, quod dæmones in ipsum agant, quod tamen nemo dicet. Recurrere autem ad qualitates occultas, occultam arguit scientiam, & publicam voluntarietatem.

**Probatur Quartò :** Quia Angeli non motores orbium possunt descendere, & frequenter descendunt ad terram, sed tunc in mediis orbibus nihil operantur, quia eos non movent, & tamen tunc

non sunt nullibi, ergo sunt in loco, sine aliqua operatione. Confirmatur : Ipsimet Angeli motores moventes cælum operantur in totam sphaeram, utpotè, cum illam totam moveant, & tamen non sunt præsentés toti sphaeræ, sed uni tantum parti, ergo. Sed in contrarium

**Opponuntur Primo :** Autoritates plures SS. Patrum, qui adstruere videntur, Angelos esse in loco per operationes intellectus & voluntatis. Verum istæ non multum probant, quia aliud non volunt, quam quod à posteriori benè colligi possit Angelorum præsentia, quod alicubi operentur. Undè

**Arguitur ex ratione :** Ut aliquid sit in loco, debet locum aliquo modo attingere, sed Angelus non potest locum aliter attingere, nisi mediante operatione transeunte, ergo : maj: patet, quia substantia quantà non est in loco, nisi quantitas locum attingat, nec aliquis dicitur vestitus, nisi vestem aliquo modo attingat; probatur min: quia præter contactum quantitativum & molis, aliud non est, quam virtutis id est, operationis. Respond. distinct: maj: debet aliquo modo attingere, id est, fieri præsens per unionem ad locum, conc: maj: per contactum commensurativum, neg. mayo: & min: quia ipsa substantia Angeli potest sufficienter attingere illum locum, undè ad probationem major: dico, quod falsum sit assumptum, substantiam etiam materiale non attingere locum, nisi per quantitatem, quia non attingit locum commensurativè, nisi per quantitatem, benè tamen definitivè.

**Arguitur Secundò :** Si substantia Angeli esset in loco per se, sequeretur, quod Angelus esset in solo loco indivisibili, sed hoc est absurdum, quia Angelus non potest esse in aliquo loco quanto, & divisibili, ergo. Probatur sequela, quia substantia circumscripta quantitate, est indivisibilis. Respond. neg. sequel: quia etiam anima est indivisibilis, & tamen existit in corpore quanto, quia

quia in substantia fundatur potentia neutra ad existendum in loco, quantitas autem & latitudo loci pendet ex virtute substantiæ, & hinc DEUS, utpotè infinitus, est ubique, Angelus verò, utpotè limitatus, est in determinato loco indeterminatè, ad quem proinde pro libitu suæ voluntatis movere & ponere potest.

**Dico Quinto:** *Angelus non est in loco per applicationem suæ virtutis.* Est communior contra Cajetanum. Et probatur, Quia illa applicatio virtutis ad locum, vel est actus primus Angeli, vel secundus. Neutrum dici potest, ergo: probatur min: non actus primus, quia tunc erit Angelus in loco per suam substantiam, quod tamen etiam Cajetanus negat: Non etiam actus secundus, quia ille vel est actus transiens, vel immanens, utrumque tamen impræbatur est supra.

**Dices cum Cajetano:** Applicationem illam nec esse actum primum, nec secundum nudum, sed ordinem actus primi ad actum secundum transeuntem. Sed contra: Ille ordo novus in activa potentia agendi ad locum, oportet, quod sit aliquid novi à parte rei, ergo si non est substantialis præsentia ejus in loco, necessariò erit solus effectus extra Angelum: Quia nihil esse non potest, cum per nihil verè Angelus à parte rei in loco, in quo ante non erat, existere nequeat, ergo per applicationem necessariò intelligere debet actus secundus, vel actus primus, & est substantialis præsentia, vel aliquis effectus extra, cum alius modus concipi nequeat.

**Dices:** Illam applicationem virtutis ad locum in actu primo fieri non per solam substantialem præsentiam, nec per solum effectum transeuntem, sed per actum voluntatis, quæ Angelus circa corpus vult aliquid efficere. Contra: Illa applicatio voluntatis non sufficit primò, quia Angelum esse in loco, est aliquid reale extra Angelum, velle operari nihil ponit extra Angelum, ergo verè Angelum non constituit

esse in loco. Secundò, sequeretur, quod in infinita loca distantia posset se se simul ponere, & omnia loca replere, quia virtus Angeli realiter identificatur substantiæ Angeli, & posset velle, ergo. Contra secundò: Si per voluntatem Angelus est in loco, sequeretur, quod Angelus existens in rebus corporeis nullibi existeret, quia sic existens posset nullibi velle operari. Contra tertio, sequeretur, quod si diabolus vellet esse in coelo, statim ibi esset. &c.

**Probatur Conclusio Secundò:** Virtus ipsa Angeli non potest esse ratio existendi in loco, ergo nec applicatio, probatur consequ: Tum, Quia si quantitas non potest esse ratio existendi in loco, ergo nec applicatio, ut patet: Tum, Quia nuda conditio non habet majorem rationem fundandi talem præsentiam, quam ipsa virtus, ut applicatio est conditio, ergo.

**Dico Sextò:** *Ratio fundamentalis, quare Angelus sit in loco, est ejus substantia, in quantum est limitata, habens potentiam passivam neutram.* Ita Doctor subtilis 2. d. 2. q. 6. Probatur prima pars primò, à sufficiente refutatione aliarum Sententiarum. Secundò, quia per id Angelus est in loco, per quod fundat immediatè respectum ad locum, sed per suam substantiam illum fundat, ergo. Tertio, potest Angelus se ponere, vel saltem poni à DEO in vacuo, sed tunc nullam habebit operationem circa corpus, & tamen erit præsens alicui loco, quia in illo vacuo potest se movere de una parte ad aliam, per quem motum fiet uni lateri proximior, & alteri distantior.

**Probatur tertia pars:** Quia Angelus non est in loco per substantiam, ut substantia est, ergo prout est substantia limitata, antec: patet, Quia alioquin deberet etiam convenire DEO, quod tamen nemo dicet, itaque, sicut DEO convenit, quod sit ubique, quia est substantia illimitata & infinita, ita Angelo convenit, ut non sit ubique, nec in pluribus locis

VII.  
Angelus  
nec est in  
loco per  
applicatio-  
nem virtu-  
tis.

VIII.  
Existendi in  
loco ratio  
fundamen-  
talis est  
substantia  
Angeli.

locis naturaliter, quia est substantia finita. Unde in substantia fundatur potentia neutra essendi in loco, modo vero essendi in loco sequuntur conditionem substantiæ, si ergo est infinita, est ubique, quia immanens; si finita, sed sine quantitate, est in loco definitivè, non circumscriptivè, ut Angelus: Si verò sit finita habens quantitatem, est in loco non solum definitivè, sed etiam circumscriptivè, ut corpus.

**Dixi:** *Habens potentiam neutram passivam*, quia Angelus non est in loco necessarîo, quia DEUS posset creare Angelum solum absque eo, quod creasset corporalia, sed tunc non fuisset in aliquo loco, cum non habuisset ultimum continens: Imò posset DEUS creatâ corporali naturâ facere Angelum extra omnem creaturam corporalem, ergo potentiam habet passivam neutram, ut sit in hoc, vel in illo loco, vel in nullo. Sed in contrarium pro Vasquez.

**Dices:** Substantia nuda nequit esse fundamentum præsentia localis Angeli, quia præsentia localis est relatio, in substantia autem nequeunt fundari relationes, ergo. Respond. neg. antec: Quia, sicut substantia ipsa fundat relationes identitatis & diversitatis, ita etiam potest fundare relationes præsentia localis, unde si substantia est spiritualis, causabit respectum præsentia localis definitivæ, si verò fuerit corpora, duplicem præsentiam fundabit, definitivam præcisè, respectu substantiæ nudè sumptæ. & circumscriptivam, propter quantitatem, quia ut dixi in Physica, una eademque res pluribus præsentis præsens esse potest. Sed pro eodem

**Instabis:** Si posset substantia nuda fundare hunc respectum, sequeretur, Angelum & substantiam ejus semper esse in loco eodem modo, quamdiu manerent illa corpora, quibus est præsens, nec posset se movere ab illo, & sine eo esse, quæ sunt absurda: Sequela tamen probatur, quia manente fundamen-

to eodem, & termino manet eadem relatio, sed præsentia localis est relatio, fundamentum est substantia Angeli, terminus est corpus, ergo. Respond. neg: sequelam, cujus probationis antec: distin. 1. si est aliquid necessarîo in loco, transeat; si tantum non repugnanter per potentiam neutram, neg: antec: distin. 2. manente fundamento & termino manet relatio, intrinsecus adveniens, conc: extrinsecus adveniens, neg: antec: itaque præsentia localis est respectus extrinsecus adveniens, quæ non manet semper, nisi etiam maneat actio applicata, quia ergo actio applicans Angelum ad locum, virtus nempe ejus motiva, subest imperio voluntatis, quod eandem applicat nunc ad hoc corpus, nunc ad illud, idèd non manet semper eadem relatio, & eadem præsentia.

### QUESTIO TERTIA.

*An Angelus determinatum locum requirat secundum maximum, & minimum?*

**P**RO resolutione hujus questionis Notandum Primò: aliud esse, Angelum habere locum determinatum, & aliud, habere locum determinatè, quia primum significat, quod Angelus sic repleat locum, ut naturaliter non possit replere majorem vel minorem; secundum verò significat, Angelum naturaliter exigere locum A. v. g. ut violenter sit in loco B. & sic corpora naturalia exigunt locum determinatè, tam secundum extensionem determinatum, quam secundum situm, sursum simpliciter, vel deorsum, Angeli autem non sic in loco existunt. Hinc dicit Scotus suprâ q. 6. §. De quinto dico, quod, quando aliquid est in potentia passiva ad aliquod genus, & non est determinatè in potentia passiva ad aliquam speciem illius generis, tunc ab eodem agente potest reduci ad hanc, vel illam speciem, veluti est superficies

IX.  
Potentia  
neutra pas  
siva quæ  
est

I.  
Aliud est  
esse in loco  
determina  
to, aliud  
determina  
tè

VI.  
f. m.  
c. m.  
c. m.



ficies respectu albedinis & nigredinis, sic Angelus est indeterminatus ex se, ut sit in hoc, vel in illo ubi, unde à DEO, vel à seipso potest poni nunc ad hoc, nunc ad illud.

II.  
Discrimen  
inter cor-  
pus & An-  
gelum in  
ordine ad  
occupan-  
dum lo-  
cum.

Notandum Secundò : Discrimen esse inter corpus & Angelum in ordine ad explendum locum suum adæquatum, corpus enim ita poscit extendi, ut naturaliter non possit in minori constringi, ut partes se invicem penetrent, Angelus vero indivisibilis non extenditur secundum partes, quia non habet partes, ad partes loci extensibiles, ita ut per nullam potentiam possit aliter poni, quam definitivè, ut sit totus in toto, & totus in qualibet parte. Discrimen secundum est, quod corpus exigit locum determinatum ad maximum & minimum, ut naturaliter citra miraculum non possit esse in majori vel minori, suo loco adæquato, secundum maximum & minimum, Angelus autem poscit determinatum quidem locum ad maximum, sed non ad minimum in omni rigore, quia infra locum adæquatum passivè est indifferens, tam ad omnes partes loci, quam ad unam etiam minimam. His notatis.

III.  
Angelo ha-  
bet determi-  
natum locum, non  
determinatè.

Dico Primò : *Angelus ex virtute sua naturali nequit esse ubique, neque explere locum, quandocunque magnum, sed habet determinatum, quoad maximum, non tamen determinatè.* Colligitur ex Scoto suprà, & in quarto. Probatur prima pars : Quia proprium DEI est ratione immensitatis suæ, esse ubique, sed Angelus non est, sed neque esse potest immensus, quia hæc statim infert illimitationem essentiae, exoritur enim indè, ergò.

Probatur secunda pars Primò : Esse simul in pluribus locis adæquatis, naturalibus infert, necessariò posse esse ubique, sed datur locus ita magnus, qui tria, quatuor, vel etiam plura adæquata contineat, sed non est major ratio, ut existat in pluribus adæquatis numero indeterminatis, quam in infinitis, ergò.

Secundò : Quantitas essentialis virtutis angelicæ æquivaleret quodammodo quantitati molis corporeæ, sed corpus per quantitatem molis non constituitur in loco quocunque maximo, ergò nec Angelus. Tertiò : Anima intellectiva non est apta nata informare corpus, quantumcunque magnum : Tum, Quia corpus humanum determinatum est, quoad maximum : Tum, Quia ordinatur ad animandum corpus mediocris magnitudinis, ergò nec Angelus potest esse in loco quantumvis magno : paritas hæc currit, quia anima ita adæquatur corpori, sicut locatum loco, & perfectivum suo perfectibili.

Probatur tertia pars : Corpus naturale exigit locum secundum extensionem & situm, quia naturaliter eget conservari à loco, sed nullus locus naturaliter conservativus est Angeli, ergò est naturaliter indifferens ad omnia loca. Lege primum notabile, & deprehendes modum.

Dices : Angelus potest in quolibet corpore operari, ergò debet esse localiter præsens omni corpori naturaliter, cum omne agens finitum sit præsens passivo, circa quod operatur. Respond. dist. antec. Potest in quolibet corpore operari simul, nego : successivè & sub disjunctione, transeat : imò nec in quolibet potest, quia si non sit Angelus motor, quid producat & operabitur in celo ? distinguo etiam probationem ejus : finitum debet esse præsens passivo, in entitate sua præcisè, nego, in sphaera activitatis & virtutis, concedo, itaque Angelus, sicut nec in omnia corpora agere simul potest, ita nec potest simul esse omnibus præsens.

Dico Secundò : *Angelus non potest existere in loco quovis minimo in infinitum divisibili pro libitu sua voluntatis.* Est Doctoris 2. d. 2, q. 6. Probatur Primò : Angelus nequit esse in loco quantumcunque magno, quia est proprium DEI, ergò nec poterit esse in loco quovis minimo in in-

IV.  
Angelus  
non potest  
esse in loco  
quovis mi-  
nimo in in-  
finitum.

in infinitum : Probatur consequens : quatenus quantus, præcisè secundum partes proportionales communicantes, est divisibilis in infinitum, sed non potest sic dividi locus quantus, quia ratio loci est realis, vel physica, non mathematica, respiciens solam considerationem, idèd nequit Angelus in minori minimo in infinitum existere, quamvis possit in minori adæquato. Eadem consequens : Prima probatur Secundò à Scoto : Quia si Angelus posset esse in loco quantumcunque parvo, posset etiam esse in loco quantumcunque magno, hoc non admittitur, ergò. Sequelam probat ex 35. propositione Euclidis ; quæ est talis : *Quidquid potest esse in uno æqualium, potest esse & in reliquo, si sibi figuratio non repugnet* ; hoc stante, ponatur ; quòd Angelus sit in quadrato quantumcunque parvo, tunc necessariò quoque erit in quadrangulo illi æquali ; est enim quadrangulus dabilis æqualis cuicunque quadrato ( quadrangulus differt à quadrato, quòd quadratus habet latera æqualia, quadrangulus verò habeat unam partem longiorem alterà ) sed omnis quadrangulus potest in infinitum constringi, & tunc fiet longior in infinitum, si ergò illi quadrato, in quo ex supposito est Angelus, quantumcunque parvo, est dabilis quadrangulus æqualis, poterit quoque esse in hoc quadrangulo ; sed hic quadrangulus potest constringi in infinitum, & ex hac constrictione fiet longus in infinitum ; ergò erit Angelus in loco longo in infinitum.

Dices cum Cajetano : Propositionem Euclidis non esse ad propositum, quia loquitur expressè de modo essendi in loco commensurativè. Contra : Hæc propositio in spiritualibus fortior est, quam in corporibus ; spiritus quippè non coextenditur loco, sicut corpus ; ergò si corpus replens quadratum, poterit quoque replere quadrangulum æqualem ; quantumvis habentem latera recta, cur id similiter non

posset spiritus ? Sed contra Conclusionem

Dicunt alii Adversarii : Diminutionem loci usque in infinitum non provenire ex augmento virtutis, sed ex sola libertate Angeli, idcirco non sequitur esse majoris virtutis. Sed contra : Licet arctare præsentiam ad locum determinatæ quantitatis ex sola libertate pendeat, nihilominus illam in infinitum minori minimum restringere, arguit infinitatem virtutis ; non enim ex imperfectione provenit, sed potius ex perfectione, ergò ubi illa virtute in infinitum ad constituendam illam in minori minimo ; inferet necessariò perfectionem infinitam.

Dicunt Secundò : Versus minimum non datur locus minimus indivisibilis, sed quocunque minimo dato adhuc ille est divisibilis in infinitum ; ergò Angelus potest se semper facere præsentem minori & minori in infinitum. Confirmatur ; Quia potest operari in loco quantumcunque minimo. Respond. negando maj : Quia locus non est divisibilis in infinitum ut locus, sed ut quantus, ut locus autem debet habere minimum, quo minor esse non possit, quia actu est, & reale quid, non per puram mathematicam considerationem, quod est in potentia ; si enim actu esset in infinitum, divisibilis ; actu daretur infinitum. Et dato, quòd etiam esset divisibilis in infinitum, ut locus, hoc tamen repugnat Angelo ex limitatione virtutis suæ, ut ponat se in minori minimo. Ad Confirmationem dico, quòd, si in quantumcunque parvo loco esse posset, ubique posset in eo operari.

Instant : Angeli, secundum Scotum, possunt esse in puncto, ergò à fortiori in minori minimo loco in infinitum, quia plus est esse in solo puncto, quam in qualibet parte quantitatis. Respond. Scotum nihil assertivè tenere, an possit esse in puncto, sed circa hoc manet problematicus, ait enim : *Si tamen posset esse in puncto, vel non : non videtur ratio necessaria*

*cessaria nec ad unam, nec ad aliam partem: licet enim Angelus sit indivisibilis, non est tamen indivisibilitas limitata, sicut puncti, si etiam ponatur in puncto, nullum videtur sequi inconveniens, quia si aliquod sequeretur, maxime, quodd non posset se movere super spatium continuum, hoc tamen non sequitur, quia posset immediatè ex puncto movere ad continuum, cujus est terminus punctum, quod patet in corpore perfectè sphaerico, quod planum tangit tantum in puncto, & movendo non nisi in puncto tangit, cur non sic posset moveri Angelus? Ex quibus omnibus concludo, quodd Angelus possit esse quidem in puncto, sed non ut in loco, nisi improprie, quia punctum non suscipit rationem loci, quia debet esse continuus, unde Doctor subtilis dicit: *Quodd non possit habere minorem, loquendi de loco continuo, licet forte possit esse in puncto.**

#### QUESTIO QUARTA.

*An plures Angeli possint esse simul in eodem loco?*

I. **N**egativè respondet D. Thomas, affirmativè Scotus. Potest autem quaestio intelligi, vel connaturaliter loquendo, vel de potentia absoluta; & in posteriori sensu ambigendum nullatenus est, quia, si virtute divina possunt simul esse in eodem loco duo corpora, à fortiori sequitur, posse esse duos spiritus: pro priori autem sensu solvendo quaestionem

II.  
Angeli possunt esse plures in eodem loco.

Dico: *Possunt connaturaliter duo Angeli esse simul in eodem loco adaequato, & etiam plures, pro eodem tempore.* Ita Doctor subtilis. Probatur Primò: Possunt Angeli esse cum rebus materialibus simul, ergò etiam ipsimet possunt esse simul: patet antec: Quia etiam anima sic est cum corpore. Probatur consequi. Potest esse in eodem corpore, eodemque modo idem Angelus cum anima, ergò etiam plures Angeli in-

ter se; consequi tenet à pari: antec probatur ex obfessis, ubi non modò unus Angelus, sed etiam plures in eodem corpore sunt, & Marci 5. Lucae 8. legitur, integra legio fuisse in eodem homine, ergò. Si dicas, hoc factum esse DEO permittente, nihil improbas, nam postquam DEUS id permisit, Angeli naturalibus viribus, sine extraordinario DEI auxilio cum concursu generali, id exequi potuerunt, quia permissio nihil aliud operatur, quam quodd generalem suum concursum ad hunc effectum, sicut aliquin in pluribus solet, non velit suspendere.

Probatur Secundò: Potest unus Angelus in certa parte coeli esse, quod movet, cuique assistit, & potest etiam DEUS mandare alteri Angelo, ut infra illam partem aliquid operetur, tunc posset ille directè transire ad illam partem inferiorem; ergò tunc pro aliquo instanti essent simul, si non posset tunc directè, non posset transire, nisi alter ipsi cederet, & assistentiam suam relinqueret. Si dicas, Angelos bonos quidem posse in locis naturalibus, non tamen malos, & in voluntariis, si, inquam, hoc dicas, difficultatem non effugies, quia bonitas & malitia non tollunt ipsis naturalem activitatem, ut ex D. Dionysio supra ostensum est. Nec etiam Angelus habet aliquem locum naturalem, quia indifferens est ad quemcunque & ad nullum, & insuper, si haberet aliquem naturalem, quamdiu non esset in illo, esset in loco violento.

Probatur Tertiò: Tota ratio, quare duo corpora non possint esse naturaliter simul, est, quia habent quantitatem, cujus effectus est, facere latera distantia corporis ambientis, ita, quodd quando DEUS illum effectum in uno suspendit, possint esse simul, sed Angeli non sunt quantitativi, ergò. Sed in contra

Arguitur pro D. Thoma: Angelus est in loco per operationem, quam facit in loco: sed una eademque operatio & effectus non potest dependere à duabus causis totalibus, ergò

ergo non possunt duo, vel plures esse simul in eodem loco. Respond. Primò neg. maj: ex dictis. Respond. Secundò: Quòd quamvis una eademque operatio non possit esse à duobus, tamen duo Angeli possunt habere duas operationes circa corpus, & sic dato, quòd essent in loco per operationem, adhuc possent esse simul.

Instatur: Angelus alter non potest producere aliam operationem in loco, quia locus ipse est incapax habere & suscipere simul duas, vel plures operationes, ergo; probatur antec: Quia Angelus non potest operari nisi movendo, sed non potest suscipere duplicem motum. Respond. distin: antec: Locus non est capax habere duas operationes simul; & motus adæquatos; conc: inadæquatos & parciales, nego. Itaque Angeli non necessariò movent illud corpus, sed liberè, ideò potest unus movere tantum, & alter etiam tantum, & sic neuter movebit totaliter, sed uterque aliquantulum, & sic uterque erit in eodem loco, etiam in sententia ponentium, Angelum esse in loco per operationem. Ceteroquin arguunt adhuc Thomistæ, quòd nulla sit necessitas, ut ponantur plures Angeli esse in eodem loco, verum, id non probant, quia potest esse necessitas, ut unus alterum adjuvet, si non sit sufficientis activitatis; vel ut non totaliter producat, aut licet non esset tanta necessitas, potest tamen esse magna utilitas; quòd jam non est superfluum, maxime in rebus liberè operantibus. Quòd autem alii qui dicunt; illa, quæ habent eundem essendi modum *Id*, non possunt esse simul, verum est, si habeant etiam dependentiam *ab*, quam si non habent, omnino simul esse possunt.



## QUESTIO QUINTA.

An unus Angelus possit esse simul in pluribus locis?

Sicut in superiori, ita etiam in hac quaestione sensus tituli procedit tam de potentia naturali ipsius Angeli, quam de potentia absoluta, & quidem nec hic difficultas esse potest, DEUM absolute posse Angelum replicare, & in duobus locis ponere simul & semel, cum idem de corporibus docuerim cum communi Scotistarum; in Physica, nam nulla in hoc ostendi potest contradictio & implicantia, cum fide teneamus, Corpus Christi esse circumscriptivè in cælo, & in terra definitivè, & sacramentaliter per totum orbem; Quid quoque mirum, quòd plures præsentiæ per DEUM possent poni in eodem Angelo, cum sint relationes, & plures in eodem subiecto fundari possint; nam, licet locum à locato imaginatio non separet, ratio, id tamen fieri posse, demonstrat. Nec in hoc elucidando immorandum puto.

Difficultas ergo est, an Angelus naturaliter possit se ponere in pluribus locis, & hoc iterum dupliciter intelligi potest: Primò, an possit naturaliter esse in pluribus locis adæquatis, & hoc non posse esse, probavi in quaestione secunda, quia habet determinatum locum quoad maximum, & etiam quoad minimum. Secundò, an possit esse in pluribus locis inadæquatis, discontinuis tamen; ita videlicet, ut extrema illa per intervallum aliquod sint disjuncta, v.g. an Angelus possit esse in omnibus quatuor angulis Ecclesiæ Pragensis ad B.V. ad Nives, absque eo, quòd sit in medio? si enim res plures discontinuæ inter se, ita per contiguitatem conjungantur, ut faciant unum cumulum, ut multæ arenulæ, vel aliæ etiam specie distinctæ; non est difficultas, quin Angelus possit esse omnibus præsens. In hac materia Cajetanus, Ferrar. & alii Thomistæ affirmant, & loquuntur

tur confirmiter ad sua principia, si enim per operationes sunt in loco, & possunt operari in extremis, & non in medio, poterunt esse in extremis & non in medio. Doctor subtilis 2. d. 2. quæ. 8. ait: rem esse dubiam, & non posse necessariam rationem, vel pro parte affirmante, vel pro negante, asserri, idè cuilibet opinandi reliquit libertatem. Ego ad quæstionis resolutionem

11.  
Angeli  
non possunt  
se ponere  
in pluribus  
locis dis-  
continuis.

Dico: *Angelus nequit naturali-  
ter se ponere in pluribus locis, dis-  
continuis in se, etiam intra latitudi-  
nem loci adequati, quoad maximum.*  
Ita Suarez. Vasquez, &c. Probatur  
Primò ex autoritate D. Damasceni  
lib. 2. de fide cap. 3. dicentis: *Ange-  
li, ubi imperatum fuerit, illic spiritali-  
ter adsunt & operantur; neque eod-  
em tempore hic, atque illic esse, & ope-  
rari possunt.*

Probatur Secundò: Nequit Angelus naturaliter existere in pluribus partibus locorum adequatorum discontinuis, ergò nequit etiam existere in pluribus partibus loci adequati discontinuis: probatur consequenti: Quia antec. patet, quia alioquin posset esse in celo & in terrà, in Oriente & Occidente, idè nequit pluribus in partibus locorum adequatorum existere, quia præsentia ejus adequatè eum circumscribit, eumque veluti adequatum locum, respicit, sed etiam hic adequatè circumscribit eum, ergò: probatur min: Tum, Quia etiam esse in uno inadæquato loco definit sic Angelum, ut sit hic & non alibi: Tum, Quia Angelus sicut respicit locum adequatum, ita etiam respicit unitatem præsentia, sed locus unus inadæquatus partialis eum totalitè circumscribit, ergò etiam una præsentia.

Probatur Tertio: Anima indivisibilis nequit caput, manus, & pedes informare, nisi informet etiam partes intermedias, ergò. Nec dicas, animam esse formam corporis, consequenter nequit unam informare, quin informet alteram partem. Non dicas, inquam, Tum,

Quia sicut ab anima ad alia argumentatur ad Angelos, cur non etiam in hoc? Tum, si Angelus affumeret corpus aliquod, quæro, an possit esse præsens capiti & pedibus, & non reliquis partibus, si sic, ergò reliquæ partes non moverentur, si non; ergò informatio non facit disparitatem, quantum ad unitatem præsentia. Et confirmatur ratio: Eadem anima modò informat infantem palmarem, & postmodum gigantem, quem pono esse terminum adequatum, & tamen non potest informare plures, vel duos infantes, qui multò minores, simul sumpti sunt quàm gigas, non ob aliam rationem, quàm quòd sint discontinui, sicut etiam non informat partes discontinuas ipsius gigantis.

Probatur Quarto: Lumen nequit derivari ad partes extremas, nisi ipsum prius transeat per medium, in quo lumen etiam manet, ergò neque poterit Angelus transire substantiam suam ab uno extremo, in quo sit, ad aliud, nisi per medium, in quo ipse quoque maneat: Confirmatur: Quia sicut non alia res, ita nec Angelus potest transire de extremo ad extremum, nisi per medium.

Probatur Quintò: Ex imperfectione cujuslibet rei creatæ, quæ sicut ob suam limitationem determinat sibi locum, quoad quantitatem, ita etiam quoad unitatem, & sicut naturaliter nequit esse, nisi in loco tanto, ita nec, nisi in loco uno.

Probatur Sextò: Sequeretur, quòd etiam alii Angeli possent tertium, vel animam rationalem in locis discontinuis ponere, sed hoc videtur violentare angelicam & animæ naturam, ergò. Probatur sequela, quia possunt duo Angeli accedere & unum movere, ut sit in Oriente, & alter versus Occidentem. Nec dicas, non esse repugnantiam ex parte Angeli, vel animæ motæ, sed ex parte moventium, ex eo, quòd unus fortius ageret altero, quia licet unus citius poneret eum ad Ori-

entem



tem versum, quam alter versum occidentem, tamen posset cum ponere, sicut materia, vel lignum esset capax duorum ignium, licet causa efficiens una citius unum produceret, posset tamen altera etiam producere suum. Deinde quid fiet, si Angeli essent æqualis virtutis & perfectionis activæ?

## QUESTIO SEXTA.

Utrum Angelus possit moveri de loco ad locum?

**H**ic omnia, quæ de motu in communi in Physica dixi, supposita velim, motus enim Angelorum genericè convenit cum motu corporum; nam uterque pro formali importat acquisitionem. Ubi, quæ etiam si spiritualia sint, siue corporalia, in ratione communi conveniunt, consequenter ipsi motus, cum per se ad huiusmodi terminos ordinentur, hinc, si in sano accipiatur sensu illa definitio Aristotelis, quam lib. 3. Phys. habet de motu, convenit etiam motui Angelorum, nempe, si accipiatur, (non pro actu & potentia Physica, ut accipit Philosophus) magis abstractè, prout ratio entis actus & potentie convenit etiam entibus à materia separatis, tunc revera definitio illa convenit motui Angelorum, quia verè huiusmodi motus est actus entis in potentia, prout in potentia respectu Ubi. Neque repugnat Angelo, quod sit in actu quodam imperfecto, respectu loci, sicut non repugnat ei, quod media successione motus perveniat ad locum, nam de ratione successione est, quod sit actus imperfectus & incompletus respectu termini. Hoc præsupposito sciendum, quod Authores conformiter ad sua principia, quæ de loco habuerunt, progrediantur in materia de motu Angelorum, unde illi, qui dixerunt, eos non esse in loco, nisi improprie, negant etiam eos proprie & verè moveri. Progredior & ego conformiter ad principia nostra, &

Dico Primo: *Angeli verè & proprie, & non secundum apparentiam tantum, moventur.* Ita Doctor subtilis 2. d. 2. qu. 9. contra Durandum, Cajet. Ferrar. &c. Probatur Primo ex Scriptura, Isaia 6. *Et volavit ad me unus de Seraphim, & in manu ejus calculus.* Tobia 3. *Misus est Angelus Domini sanctus Raphael, ut curaret eos ambos.* Job 1. *Circuitivi & perambulaivi.* Joan. 5. *Angelus autem Domini descendebat secundum tempus in piscinam.* Luca 10. *Vidi Sathanam, quasi fulgur, de cælo cadentem.* 1. Petri 3. *Adversarius vester, tanquam leo, circuit, querens.* Apocalyp. 12. *Neque locus eorum amplius inventus est in cælo. Projectus est Draco. Væ terra, quia descendit diabolus ad vos.*

11.  
Angeli verè & proprie moventur.

Probatur Secundo ex Patribus: Aug. serm. 102. divers. c. 9. *Apparuerunt (supple Angeli) ut voluerunt, quando voluerunt, quibus voluerunt. Nihil difficultatis, nihil omnino tarditatis sentiunt. Sed non eos videmus currentes, non eos videmus de loco in locum migrantes, ut nossemus ab oculis hominum discedentes, quando voluerunt, perreherunt: ubi clarè docet, Angelos de loco ad locum moveri & pervenire; hinc licet Genes. ad litt. lib. 8. cap. 20. dicat: *Spiritualem creaturam per tempora mutari, non per loca, intelligendus est, quod non mutetur per loca, sicut nos corporeæ, commensurativè, moveatur tamen per tempora, quia non minus decurrit tempora, quam res corporeæ.* Similiter D. Bernardus serm. 5. in Cantica intelligendus est, dum ait: *Non est discurrere, nec de loco ad locum transire, nisi corporum, quod frequenter Angelos facere, tam indubitata, quam nota probat autoritas, quia loquitur de apparitionibus factis hominibus, quas vult probare, debere fieri in assumptis corporibus, non quod ipsi aliter non possint, sed, quod nos eos aliter percipere non valeremus, unde ait: Quonam ergo modo implent ministerium suum absque corpore, præsertim apud viventes in corpore? Sed**

(\*) Dd 3

Dices:

Dices : Omnes illas auctoritates tam Scripturæ, quam Patrum, loqui de Angelis, ut assumunt corpora, & aliquam operationem circa ea exercent, ratione quarum dicuntur moveri, unde Div. Bernardus *serm. 10. in Psalm. 90. Vias Angelorum mysticè exponit*, ut ascensus significet contemplationem, descensus compositionem. Sed contrà Primò: Quamvis aliquæ auctoritates agant de Angelis, ut assumunt corpora, aliquæ tamen etiam præscindunt ab assumptis corporibus; quod clarè probant illæ vel maxime, quæ dicunt, Angelos apparuisse in somno, ut *Matth. 1. Ecce Angelus Domini apparuit in somnis Joseph.* Contrà Secundò: Licet S. Bernardus ibi dicat, Angelos apparere in corporibus, & alibi vias eorum mysticè exponat, attamen alibi sæpius docet, eos esse nobis verè præsentés, verè deferere nos, & recedere à nobis. Et lib. 5. de confid. cap. 3. dicit, planè in nobis esse, non utique ratione & medio aliquo corpore, sed verà præsentia. *Inest, ait, Angelus, suggerens bona, non ingerens, inest hortans ad bonum, non creans.* Hinc ex D. Bernardo potius probatur nostra conclusio, sic quoque D. Augustin. in *Enchirid. Laurent. cap. 59. ait: Angelos spirituali potentia quasdam visiones, non oculis corporeis, sed spiritualibus, vel mentibus ingerere, sicut scriptum est in Prophetarum libro, & dixit Angelus, qui loquebatur in me, non enim ait, qui loquebatur ad me, sed in me.* Contrà Tertiò: dato, quòd etiam omnes auctoritates Patrum & Scripturæ intelligendæ sint de Angelis in assumptis corporibus, ex hoc Ipso clarè deducitur, quòd ipsi etiam verè & propriè moveantur; quia si movebantur cum corpore, debebat in ipsis fieri motio aliqua passiva, alia à motione passiva ipsius corporis, quia non est aliquid formaliter ipsius corporis.

Probatur Conclusio Tertiò: Anima separata à corpore veraciter movetur secundum locum, ergò

etiam Angelus: Probatur consequentium, Quia Angeli & anima habent eundem modum existendi, ergò etiam eundem modum movendi; probatur etiam antec: Quia animæ plures iustorum de corporibus egressæ deducuntur, vel propriâ virtute feruntur ad locum purgantium poenarum, per solutio reatu deducuntur ad beatitudinem & cælum empyreum, sed certum est, quòd maxima sit distantia inter purgatorium & empyreum, ergò verè de loco in locum moventur.

Probatur Quartò per rationem Scoti: Omne receptivum plurimum formarum alicujus generis, quod non est infinitum & illimitatum ex se, ita ut possit eas simul habere, quodque non est determinatum ad aliquam unam in specie, potest mutari & moveri ab una ad aliam, sed Angelus est receptivus plurimum ubi, quæ non potest simul habere, cum non sit immensus, sicuti DEUS, nec est determinatus ad unum ubi, ut non possit esse in alio, ergò potest moveri ab uno ad aliud, verè & propriè, quia tunc verè & propriè movetur, quando unum ubi desinit, & alterum accipit, quod antea non habebat: major patet de superficie, quæ est indifferens ad albedinem & nigredinem, & potest transire ab una ad aliam. Sed in contrarium

Opponitur Autoritas Aristotelis ex 3. Physic. ubi dicit, quòd *modus sit actus entis in potentia, prout in potentia, id est, motus est perfectio entis, prout est in potentia ad aliam perfectionem, sed neque motus, neque terminus motus est, vel esse potest perfectio Angeli, ergò: probatur minor: quia omnis perfectio videtur aliquo modo nobilior, quàm sit perfectibile, sed motus & terminus non sunt perfectiores, quàm substantia Angeli, ergò. Respondet: neg: min: cum sua probatione, quia nunc, quod actu in aliquo non continetur, cujus est capax, & quod acquirere potest, est aliquo modo perfectio ipsius, licet in se non sit tam perfecta.*

perfectum, ac est illud, quod perfici dicitur, sic intellectio dicitur perficere hominem & Angelum, & tamen intellectio est multo imperfectior homine & Angelo. Sed

**Instabis:** Intellectus est ens spirituale, motus autem corporalis est, & sic bene intellectio poterit perficere Angelum, non tamen motus. Respond neg. antec: pro secunda parte, quia quamvis motus rerum corporearum sit corporalis, spiritualium tamen non est, quia motus sequitur naturam mobilis, unde si hoc corporale est, erit & motus, & e contra si spirituale, motus est quoque spiritualis.

**Urgetur:** Omne, quod movetur, debet esse partim in termino à quo, & partim in termino ad quem, sed spirituale potest sic esse, ergo nec motum spiritualem habere poterit: probatur maj: quia dum mobile est totaliter in termino à quo, non movetur, sed quiescit, quando vero est totaliter in termino ad quem, jam motum est, ergo mobile debet esse partim &c. Respond dist: maj: debet esse partim in termino à quo, & partim in termino ad quem, ita, quod partibilitas & successio ab uno termino ad alium oriatur, vel ex divisibilitate medii, vel ex divisibilitate subjecti, conc: maj: ita, quod oriatur successio tantum ex divisibilitate subjecti, neg: maj: & dist: min: Sed spirituale non potest sic esse, divisibilitate, quæ oriatur ex subjecto, conc: quæ oriatur ex medio, nego. Itaque quando in medio terminus à quo est distans à termino ad quem, Angelus potest partim esse in termino à quo, & partim in termino ad quem, respectu medii, quia potest ad unum magis accedere & ab alio abscedere.

**Dico Secundò:** *Angelus habet intrinsecam potentiam, ut passivè moveatur ab alio, & ut activè seipsum moveat.* Ita Doctor suprà. Probatur prima pars: Quia non repugnat, nec ex parte Angeli; nec ex parte termini, neque ex parte agentis, quia potest unus Angelus altero esse

fortior, cui nequeat resistere, & transeat, quod posset, certè DEO non resisteret: Tum, Quia cuiusque potentia activæ correspondet potentia passiva, sed Angeli habent potentiam activam ad motum, ergo etiam habent potentiam passivam, maj: patet ex Physica, min: verò, quæ est altera pars Conclusionis.

**Probatur Primò:** Quia perfectio, quæ conceditur rebus corporeis, non est deneganda spiritualibus, si aliunde eis non implicet, sed res corporeæ habent potentiam activam ad movendum se, ergo.

**Probatur Secundò:** Quia Deus ut Author naturæ, nullam produxit creaturam imperfectam, quantum ad ea, quæ ipsi ad multa erant, & sunt necessaria, sed motus Angelorum est eis ad plura necessarius, ergo. Probatur maj: quia idè omnibus animantibus, & quæ vim appetitivam habent, concessa est potentia locomotiva, ut possint ea quærere, quæ naturæ eorum sunt proficua, & fugere, quæ nociva: probatur min: Quia Angeli non possent exequi sua ministeria, cum non sint ubique, habentque magnum desiderium exequendi, ergo eis est motus ad multa necessarius. Confirmatur Conclusio: Quia Angeli habent virtutem movendi alia, ergo etiam habent potentiam activam ad movendos seipsos.

**Dices:** Potentia quolibet naturalis debet ordinari ad aliquem finem naturalem universi, sed Angeli non habent aliquem finem naturalem, nec propter sui indigentiam, nec propter indigentiam universi, cum hæc lunaria per cælorum motum, sufficienter adjuventur, ergo. Respond neg: min: quia Angelo primò competit ex perfectione suæ naturæ: Secundò, ut possit ministerium suum debite exercere: Tertiò, ut possit rerum species acquirere.

**Dico Tertiò:** *Motus localis Angeli est ipsa formalis acquisitio ipsius ubi.* Patet ex Physica, & probatur adhuc.

III.  
Angelus  
possit ad  
se movere,  
& passivè  
moveri.

IV.  
Motus An-  
geli est ip-  
sa formalis  
acquisitio  
ubi.



adhuc Primò: Motus quicunque est via ad suum terminum, ergò est ipsa formalis acquisitio ipsius *ubi*, quia terminus motus localis est *ubi*.

Probatur Secundò: Mobile dicitur moveri, & aliter ac aliter se habere per ordinem ad terminum, sed terminus motus localis est *ubi*, ergò ipse motus est formalis acquisitio ipsius *ubi*.

Probatur Tertiò: Motus localis est formaliter transitus de uno *ubi* ad aliud, ergò est formaliter acquisitio ipsius *ubi*, ad quod Angelus movetur, qua successivè acquirit aliam & aliam existentiam in alia & alia parte spatii.

Probatur Quartò: Quia motus localis Angeli genericè convenit cum motu locali corporum, univocè in una ratione genericà motus localis, sed motus localis corporum est ipsa formalis delatio & acquisitio loci, ergò etiam Angeli erit talis acquisitio, undè motus Angeli est delatio ipsius substantiæ & personæ Angeli ab uno loco in alium; sicut motus rerum corporearum est delatio corporis ab uno loco ad alium; cum hac differentia, quòd corpus sit ad ubi circumscriptivum, Angeli ad ubi definitivum.

## QUÆSTIO SEPTIMA.

*Quomodo Angeli moveantur?*

I.  
Mors aliq  
instantaneus, alius  
successivus:

**P**enes alias plures motus divisiones celebrior est illa, qua dividitur in *successivum* & *instantaneum*; primus est, quando mobile transit ab uno loco ad alium successivè transeundo partem & partem spatii interjecti inter terminum à quo, & terminum ad quem. Secundus quando mobile immediatè ab uno *ubi*, transit ad aliud *ubi*; absq; eo, quòd in interpositis *ubi* actualiter sit. Hinc modò in quæstione, quæritur, an Angelus moveatur successivè & continuè tantum, vel etiam instantaneè? Pro quo ultimus

Notandum Secundò: Successionem ad motum continuum requisitum provenire ex duplici causa, nempe ex divisibilitate mobilis, & ex divisibilitate spatii, ita ut utraque per se sit sufficiens ratio; præcisè etiam alterà, quòd motus fiat successivè, ut cuilibet examinanti patebit. Verùm

Notandum Tertiò: Motum dupliciter sumi posse *proprie* & *improprie*. *Proprie* sumitur, prout contra distinguitur à mutatione, quæ fit in instanti, ut aëris illuminatio, generatio, corruptio, in quâ acceptioe motus intrinsicè dicitur successivum secundum prius & posterius; est enim quid successivum, non permanens, quòd ex definitione temporis constat, quòd est mensura motus secundum prius & posterius. *Improprie* sumitur, prout coincidit motus cum mutatione, & moveri cum mutari; & sic nomine motus comprehenduntur etiam subitæ mutationes; ut illuminatio, generatio, corruptio &c. quando ergò Scotus dicit, quòd Angelus possit moveri in instanti, non accipiunt motum *proprie*; sed *improprie*; quòd enim mutatur de loco ad locum subito, dicitur moveri; quia acquirit novum *ubi*. His itaque prænotatis

Dico Primò: *Angelus potest se movere motu continuo & successivo de uno loco, ad alium.* Est communis Scoti & D. Thomæ. Probatur, Angelus potest successivè; & per partes deserere aliquem locum; & eodem modo acquirere alium sine interruptione, ergò potest moveri de loco ad locum continuè: Patet consequenter antec: probatur, quia cum Angelus est in loco minori eo; qui sibi est adæquatus; potest paulatim & successivè; ita ut remaneat in priori; acquirere majorem locum; intra latitudinem adæquati; ergò potest successivè & per partes deserere totum locum, in quo est, transferendo se eodem modo ad alium locum totalem: Probatur hæc consequentia, quia nulla est ratio, cur non

II.  
Successio  
unde proveniat.

III.  
Motus dupliciter ad  
huc sumitur.

IV.  
Angelus potest se  
movere  
continuè  
& successivè.

non possit Angelus acquirere sic locum totalem, sicut potest partialem, antec: etiam probatur, quia Angelus libere se applicat ad maiorem & minorem intra latitudinem adæquati, cum aliis huiusmodi libera applicatio intelligi non possit.

Probatur Secundo: Potest Angelus esse in loco extenso & divisibili, ergo potest etiam acquirere locum extensum divisibiliter & successivè, quia non minus unum quam alterum repugnat indivisibilitati angelicæ.

Probatur Tertiò: Potest Angelus transire ab uno ubi ad aliud, transeundo omnia media ubi, ergo potest moveri continuè, quia suppono, tunc cum nullam habiturum quietem in ubi mediis: Probatur, antec: quia corpus potest omnia illa media transire, ergo & Angelus, probatur consequ: Tum, Quia ad motum continuum & successivum non requiritur divisibilitas mobilis, sed sufficit se solâ divisibilitas spatii, ergo. Confirmatur universaliter, ex animâ rationali, quæ sic successivè moveri potest.

Dices: Nihil, quod se habet in toto spatio indivisibiliter, movetur motu continuo, sed Angelus se habet in toto spatio indivisibiliter, ergo non potest moveri motu continuo: Probatur maj: Quod movetur motu continuo, semper transit aliam & aliam partem spatii, secundum quas est vera successio motus continui, sed hoc fieri nequit, nisi mobile respectu spatii habeat se divisibiliter. Respon. distin: maj: nihil, quod se habet in toto spatio indivisibiliter, id est, quod in toto spatio est indivisibile, movetur motu continuo, transeundo spatium divisibile divisibiliter, neg. maj: nihil, quod est indivisibile indivisibiliter, in quolibet spatio indivisibili existendo, movetur motu continuo, conc: maj: & distin: etiam min: Angelus habet se indivisibiliter entitative, conc: existendo & transeundo spatium divisibile, neg: min: & consequ: itaque licet Angelus ubique & semper sit

indivisibilis, attamen indivisibiliter non transit, & existit, & posito quod existeret etiam in puncto indivisibili, posset tamen adhuc transire motu continuo spatium divisibile, non enim haberet necesse, ut in puncto tantum tangat, sufficeret etiam sic tangere.

Dico Secundo: Angelus non potest moveri motu continuo proprie dicto in instanti, bene tamen motu improprie accepto, prout cum mutatione coincidit. Probatur prima pars: Quia illud, quod per se ex sua essentia dicit successionem, nec per DEUM potest esse in instanti, sed motus proprie dictus ex sua ratione formali dicit successionem, ergo non potest fieri in instanti: Probatur maj: quia omne tale habet partem sibi invicem succedentem, impossibiles simul in actu, ergo nequeunt fieri in instanti, alioquin essent simul, & res non esset continua & successiva.

Probatur secunda pars: Tum, Quia in hoc nulla apparet repugnantia, quodd enim de facto terminus motus localis non habeatur statim, provenit ex imperfectione virtutis moventis, quæ non est ponenda in Angelo. Tum, Quia si non posset, maxime ideo, quia quod quiescit toto aliquo tempore, non potest se aliter habere in ultimo instanti illius temporis, sed hæc ratio nihil probat, ergo: maj: est adversariorum: probatur min: Quia illa propositio non est vera, ergo, probatur antec: quia alioquin sequeretur, quodd substantia panis, quæ toto tempore quievit sub accidentibus, non possit mutari in ultimo instanti consecrationis prolatae, & sic vel non esset ibi corpus Christi, vel esset simul cum substantia panis, quorum neutrum est dicendum. Deinde aer toto tempore præcedente illuminationem quiescit sub tenebris, sed si in ultimo instanti non posset mutari, sequeretur, quodd illuminationis non fieret in instanti, vel lumen & tenebræ essent simul, quodd æqualiter absurdum est, ergo.

(\*) Ec

Dices

V.  
Motu continuo non potest moveri in instanti.

Dices: Propositionem illam veram esse, connaturaliter loquendo, non verò supernaturaliter, transubstantiatio autem est actio supernaturalis. Sed Contra Primò: Illuminatio est naturalis, ergò nec in naturalibus est vera. Contra Secundò: Quia materia, quæ quiescit sub forma priori, in instanti mutatur ad aliam. Cajetanus putat, quòd exemplum de illuminatione non improbet dictam propositionem, quia illuminatio est terminus motus localis Solis. Verùm hæc responsio penitus est nulla, nam imprimis terminus motus localis solis non est alius, quàm *ubi*, quo fit præsens aëri nostro, illuminatio proinde nec per se primò, nec per se secundò dici potest terminus motus localis. Deinde potest DEUS producere corpus luminosum, quod sine motu in instanti illuminabit aërem, quæ illuminatio non fiet per motum localem. Nec refert, quòd illa productio corporis luminosi esset miraculosa, res tamen, quæ producitur, naturalis esset, & naturalis ejus effectus posterior.

VI.  
Motus sub-  
jectum est  
ipse Ange-  
lus.

Quæres: *Quodnam sit sub-  
jectum motus localis in Angelo?* Re-  
spond. esse ipsum Angelum secun-  
dum suam substantiam, ratio est  
primò, quia motus Angeli est ipsa  
acquisitio *ubi*, seu existentia Angeli  
in alia atque alia parte spatii, sed hu-  
jusmodi existentia est in Angelo, ut  
in subiecto, ergò. Secundò, idem  
est subiectum termini motus loca-  
lis, ut puta, existentia in facto esse  
in loco, est ipsa substantia Angeli,  
ergò eadem substantia est subiectum  
illius termini in fieri. Tertiò, si An-  
gelus moveretur in vacuo, subje-  
ctum motus esset ipsa substantia  
Angeli, ergò & aliàs, patet antec:  
quia ibi nihil aliud posset assignari.

VII.  
Morus An-  
geli & ac-  
quisitivus  
& deperi-  
tivus est.

Quæres Secundò: *An motus  
Angeli sit semper acquisitivus & de-  
peritivus? vel an quandoque de-  
peritivus tantum, vel acquisitivus  
tantum?* Ante resolutionem nota:  
Aristotelem illum triplicem modum  
movendi respectu termini assignasse

per hoc, quòd alius sit à subiecto in  
subiectum, à loco ad locum, à non  
subiecto in subiectum, à non loco ad  
locum; à subiecto in non subje-  
ctum, à loco ad non locum. Re-  
spond. Angelum omnibus illis mo-  
dis se movere posse, nam potest  
imprimis moveri à coelo in terram,  
& tunc deportativè & acquisitivè  
movebitur localiter: Deinde potest  
in una parte sui spatii adæquati exi-  
stere, & retinendo hanc existentiam,  
potest moveri ad totum spatium,  
ergò poterit moveri à non loco ad  
locum. Et econtrà potest existens  
in loco suo adæquato ad unam par-  
tem se restringere, & tunc tantum  
deperitivè movebitur, sicut ante-  
cedenter movebatur tantum acqui-  
sitivè.

Quæres Tertiò: *An Angelus  
existens in aliquo corpore, moveatur  
per accidens ad motum ipsius corpo-  
ris?* Respond. negativè. Probatur,  
Quia Angelus nullam habet connexi-  
onem & conjunctionem cum illo  
corpore, ergò non poterit moveri  
per accidens ad motum ejus, quid  
nihil moveatur per accidens ad mo-  
tum alterius, nisi inhæreat alteri, &  
accidentia substantiæ, vel contineat-  
ur ab altero, ut aqua in vase, ho-  
mo in navi, vel aliqua naturali ne-  
cessitate illi conjungatur, sed Ange-  
lus nihil simile habet respectu cor-  
poris, ergò. Confirmatur, quia  
si moveatur ad motum corporum,  
posset, quicumque moveret cor-  
pus, movere Angelum, quod tamen  
constat nunquam fieri, ergò.

VIII.  
Angelus  
existens in  
corpore,  
non move-  
tur per ac-  
cidens cum  
illo.

## QUÆSTIO OCTAVA.

*An Angelus possit movere se de ex-  
tremo ad extremum, non trans-  
eundo per medium?*

Affirmat D. Thomas 2. p. qu.  
53. a. 2. Negat Scotus 2. d. 2. q.  
12. D. Bonaventura, Gregorius,  
& plurimi alii. Pro qua sententia  
Notandum, medium, per quod An-  
gelus transire debet, esse duplex,  
unum est aliquid extremorum. &  
aliud

aliud nihil est extremorum; medium primo modo est illud, quod coniungit extrema ad se invicem, v. g. punctum, quod continuat duas lineas, unde illa extrema, quæ habent medium, quod est aliquid ipsorum, sunt immediata, ut patet in exemplo allegato. Medium altero modo illud est, quod non est continuativum extremorum. Hoc notato, quaestio procedit de motu successivo & instantaneo quoque, licet sit improprie dictus. Unde cum Scoro pono sequentes Conclusiones, &c

II.  
Angelus non potest transire ex-  
tremum, non transi-  
tendo me-  
dium.

Dico Primò: *Non potest Angelus se movere continuo motu de extremo in extremum non transeundo medium aliquid ipsorum.* Probatur: Medium aliquid extremorum est ratio continuitatis extremorum, sed continuitas motus essentialiter dependet ex continuitate extremorum, ergò impossibile est moveri sic, non transeundo per medium. Confirmatur: Si moveatur continuè ad locum proximum, necessariò transit omnes spatii continui partes indivisibiles, & divisibiles, communicantes & non communicantes, ergò impossibile est, Angelum sic continuè motum non transire partes intermedias, quæ sunt ratio continuitatis.

III.  
Neciam me-  
dio nihil  
extremo p-  
tinet.

Dico Secundò: *Nec potest Angelus ex se moveri continuè de extremo ad extremum, non pertransito etiam medio nibilo extremorum.* Probatur Primò ex Aristotele 7. Physic. dicente: *Medium est, in quod prius venit, quod mutatur.* Probatur Secundò: Si motus continuus est, ejusq; continuitas essentialiter pendet ex continuitate spatii, ergò necesse est extremum continuari extremo, sed continuatur per medium prædictum, ergò, &c. Tertiò, quia, quod movetur continuè, aliquando debet esse in termino à quo, aliquando in medio, & tandem in termino ad quem, quia in motu continuo non est simul in termino à quo, & ad quem, ergò.

Dico Tertiò: *Potest Angelus ex se instantaneè moveri de extremo ad extremum immediatum, non pertransito medio, quod est quid extremorum.* Probatur, Tum, Quia hoc non excedit virtutem & limitationem angelicæ potentiae: Tum, Quia si transiret per medium, continuè transiret, & non instantaneè, ergò. Hinc si Angelus sit in loco pedali, potest se in instanti ponere in alio loco pedali immediatè, non dimittendo primò partem primi loci successione quadam, sed simul & instantaneè dimittendo primum locum, totum, & acquirendo totum locum secundum in instanti.

IV.  
Bene tamè  
quod est  
quid extre-  
morum.

Dico Quartò: *Non potest naturaliter Angelus moveri de extremo ad extremum distans, prætermisiss mediis, sive moveatur instantaneè, sive successivè.* Probatur: Non potest Angelus naturaliter de coelo in terram moveri, nisi omnes sphaeras transeat, ergò: Probatur antec: à Doctore subtili, Ordo præfixus à superiore agente servandus est necessariò cuicunq; agenti inferiori, quando ejus actio versatur circa illum ordinem, sed ordo præfixus à D E O est, ut creaturæ omnes transeantes ab uno extremo ad aliud transeant per omnia media ubi, ergò Angelus nequit transire de coelo ad terram, nisi transeat per medias sphaeras ignis, aëris, &c. Probatur min: primò, quia idè Aristoteles docet 8. Metaph: quod nullum agens creatum potest immediatè facere ex vino acetum, quia necessariò mediat alia forma, & necessariò prærequiritur alteratio prævia, ergò. Secundò, quia omnibus creaturis est præfixus ordo in tempore, ita, ut nullo modo sit in uno nunc extremo, & in alio possit nisi per medium, ergò etiam habebit talem præfixum ordinem Angelus respectu loci, cum inter corpora sit æquè subordinatio & continuatio. Confirmatur conclusio: Si Angelus hoc posset, nulla distantia impediret ejus actionem, & sic existens in coelo posset agere in centro terræ,

V.  
Angelus si-  
ve instan-  
tanè sive  
successivè  
moveatur  
medium,  
ranger des  
bets

terræ, nullâ præmissâ actione circa media, quod nemo dicet. Sed

Dices: Hæc conclusio contradicit priori; ergo, probatur antec quia illa affirmat, hæc negat, & licet prior loquatur de medio aliquid extremorum, & hæc de medio nihil extremorum, attamen ordo præfixus est æquè necessarius inter media aliquid extremorum, ac inter medium nihil extremorum. Respond. neg: antec: cum probatione, ad rationem dico, quod mobile transiens ab uno loco immediato ad alium in instanti pertransit omnia *ubi* intermedia secundum ordinem naturæ, cum inter illa sit ordo potentialis tantum, unde non est necesse, quod omnia media pertranseat secundum ordinem durationis. Itaq; medium, quod est aliquid extremorum, seu communicans, habet tantum ordinem potentialitatis ex parte rei, quia illa *ubi* intermedia sunt in potentia solum infinita, sicut de continuo quantitativo pariter dicitur. Ordo verò inter extrema non communicantia, seu, quæ habent media nihila extremorum, est actualis, quia illa *ubi* in actu sunt, quæ causant distantiam localem, hinc etiam actualiter debent pertransiri, & duratione, priora verò tantum potentialiter secundum ordinem naturæ.

Dices Secundo: illum ordinem non esse præfixum rebus immaterialibus, sed à materia dependentibus, hinc Angeli soluti sunt à legibus distantie situalis, & dependentiæ in agendo à distantia loci. Sed re vera hoc inaniter assumitur, sicut enim Angeli non absolvuntur à loco, ita nec à loci distantia propter suam limitationem, ex eo enim, quod sint immateriales, absolvuntur tantum à loco circumscriptivo, non verò definitivo, itaque ordo ille præfixus omne creatum respicit. Verum directè contra conclusionem pro D. Thomâ

Arguitur Primo: Transitus de extremo ad extremum est simpliciter possibilis, ergo non est Angelo

denegandus; Probatur antec: Intellectus intelligit extrema non intellecto medio, & anima informat partes extremas, non informatis mediis indispositis, & Christus transit de cælo ad altare in Eucharistia sine medio, & fortè de utero Beatiſsimæ Virginis sine transitu per medium, ut virginitas ejus salvetur. Respond. distin: antec: est possibilis naturaliter, nego: supernaturaliter, cont: antec: & neg: consequi ad probationes antecedentis. Respond. eas nihil concludere de naturali potentia, vel non esse paritatem, nam, quod intellectus intelligat extrema non intellectis mediis, non est transitus Physicus, sed intentionalis, intelligibile enim ut tale, non dependet à loco, nec intellectus suam intellectionem de uno loco ad alium transfert. Et anima sicut potest informare partes extremas, non informatis mediis, cum extremæ sunt continuæ, ob indispositionem mediõrum, ita etiam Angelus potest intrâ locum suum adequatum transire de extremo in extremum non pertransito medio. Et econtrâ sicut anima non potest informare partes extremas, non sui corporis, ita nec Angelus potest transire de uno extremo ad aliud, nisi prius pertranseat medium. Primum, quod dicitur de translatione Corporis Christi, est supernaturale, & fit per potentiam DEI absolutam, adeoque nil probat. Et alterum est planè fictitium, & contra communem consensum Patrum, qui docent beneficio penetrabilitatis per medium uterum Virginis pertransisse sine læsione clauſtri virginalis.

Arguitur Secundo: Sol illuminat partem distantem & extremam in instanti, ergo etiam Angelus poterit se facere præsentem extremati alicujus loci, absque eo, quod sit præsens intermedio, cum habeat majorem virtutem. Respond. cum Rhada, quod non sit inconveniens, aliquam alterationem esse totam simul & subito, quando agens respicit



spicit totum passum, tanquam terminum proprium, & sibi ultimatum dispositum ad illam formam introducendam, unde disparitas est, quia illud extremum, quod solum instanti illuminat, est intra sphaeram adaequatae activitatis, non sic distantia loci respectu Angeli.

## DISPUTATIO SEPTIMA.

### Gratia & Merito Angelorum.

**I**ucusque de perfectionibus naturalibus Angelorum partim fide, partim ratione cognitis, accedo nunc ad examinandas eorum perfectiones gratuitas, in quibus vel creati fuerunt, vel meruerunt, & perseverarunt, nam ut dicit S. Augustinus, Angelos bonos & malos duas constituisse societates, easque intelligi per lucem & tenebras, unde lib. 10. de Civit. cap. 32. *Etsi alia lux in isto huius libri loco intelligenda est, ubi legimus: Dixit DEUS, fiat lux, & facta est lux: & alia tenebra significata sunt in eo, quod scriptum est, Divisi DEUS inter lucem & tenebras: nos tamen has duas angelicas societates, unam fruientem DEO, alteram tumentem typho: unam, cui dicitur, Adorate eum omnes Angeli ejus, aliam cujus princeps dicit: Hac omnia tibi dabo, si prostratus adoraveris me: unam DEI sancto amore flagrantem, alteram propria celsitudinis immundo amore fumantem: & quoniam, sicut scriptum est, DEUS superbis resistit, humilibus autem dat gratiam: illam in caelis caelorum habitantem, istam inde dejectam in hoc infimo aereo caelo tumultuantem. Illam luminosa pietate tranquillam: istam tenebrosis cupiditatibus turbulentam. Illam DEI nutu clementer subvenientem, iuste ulciscientem: istam suo fastu subdendi & nocendi libidine exestuantem, illam, ut quantum vult, consulat, DEI bonitatis ministrantem: istam, ne quantum vult, noceat, DEI potestate frenatam. Illam huic illudentem, ut nolens proflit persecutionibus suis: hanc illi invidentem cum peregrinos colligit suos. Nos ergo has duas societates angelicas inter se dispartes atque contrarias: unam & naturam bonam, & voluntate rectam:*

**L**  
Antithesis  
pulchra de  
Angelis  
bonis &  
malis.

(\*) Ecce aliam

aliā verò naturā bonā, sed voluntate perversā, aliis manifestioribus divinarum Scripturarum testimoniis declaratas, quod in hoc libro, cui nomen est *Genesis*, lucis tenebrarumq; vocabulis significatas existimavimus.

### QUESTIO PRIMA.

An Angeli in sua creatione fuerint beati?

II.  
Beatitudo  
alia natura-  
lis, alia  
supernaturalis.

**P**RO Resolutione Notandum: Sensus quæstionis esse duplicem, An scilicet fuerint beati beatitudine naturali, vel supernaturali. Per beatitudinem autem naturalem intelligo perfectionem ultimam creaturæ intellectualis ex solis viribus naturæ, cum generali concursu DEI consoquendam, & talis perfectio pro materiali dicit exclusionem omnis miserie: pro formali adeptionem omnis boni, eo modo, quo fieri potest obiectivè per notitiā perfectā abstractivā summi boni, & per amorem ejusdem super omnia naturalem & abstractivā. Per supernaturalem intelligo notitiā perfectā intuitivā & facialem, qua attingitur DEUS in propria sua existentia, & amatur ut clarè visus.

Doctor subtilis proponit in 2. d. 4. hanc quæstionem hoc modo, utrum inter creationem & beatitudinem Angeli boni fuerit aliqua mora, quam resolvit d. 5. ubi recitat opinionem Magistri asserentis, Angelos fuisse beatos antequam ipsi id meruerint, & hoc propter bona opera postmodum fienda, scilicet per obsequia nunc electis præstata, sicut miles meretur equum bonè militaturus per eum, sed in isto omnes Scholastici deserunt Magistrum.

Quare hoc præmissō Scotus 2. d. 5. q. 2. affirmat, quod de potentia absoluta Angeli in prima sui creatione beati esse potuerint beatitudine supernaturali, negat tamen de facto. Itaque de naturali

Dico Primò: Angeli de facto beati fuerant in sua via, beatitudine naturali. Probatur Primò ex Ezechiel. 28. ubi de diabolo in persona Regis Tyri dicitur: Tu signaculum similitudinis plenus sapientiā & perfectus decore, in deliciis Paradisi DEI fuisti; sed hæc non fuit supernaturalis, quia ex illa nemo cadit, cum sint jam extra statum viæ, & implicet esse sine maxima conformitate ad divinam voluntatem, quæ proinde etiam omne peccatum excludit, sicut etiam perfectissimè foras mittit timorem illa fructio supernaturalis.

III.  
Angeli beati  
ad fuerunt  
in via beati-  
tudinis  
naturalis.

Aliud egregium argumentum sumitur ex illo Joann. 8. Ille in veritate non stetit, quem locum perpendens S. Augustinus lib. 11. Civit. c. 13. Attendant non dixisse Dominum, A veritate alienus fuit: Sed, In veritate non stetit, ubi à veritate lapsus intelligi voluit: in qua utique si stetit, ejus particeps factus, beatus cum sanctis Angelis permaneret.

Probatur Secundò ex Patribus: Augustino, qui sæpissime asserit, sanctos Angelos fuisse beatos à principio, ut lib. 11. de Civit. cap. 11. dicit: Quæ cum ita sint, nullo quidem modo secundum aliquod temporis spatium prius erant illi spiritus tenebræ, quos Angelos dicimus, sed simul ut facti sunt, lux facti sunt: non tamen ita tantum creati, ut quoquo modo essent, & quoquo modo viverent, sed etiam illuminati ut sapienter beateq; viverent. Ab hac illuminatione aversi quidam Angeli. Sed certum est, quod non possit aut debet intelligi de beatitudine supernaturali, quia ab ea non exciditur, nec aliquis se avertit, ergò. Et cap. 12. dicit: Nec ipsos tantum, quod attinet ad rationalem vel intellectualem creaturam, beatos nuncupandos putamus. Quis enim pri-  
mos

mos illos homines in paradiso negare audeat beatos fuisse ante peccatum: quamvis de sua beatitudine quam diuturna vel utrum eterna esset incertos: esset autem eterna, nisi peccassent, si ergo primi parentes essent beati in paradiso ante peccatum, multò magis id asserendum est de Angelis, unde cap. ii. sic claudit: *Neque enim beata vite vocabulum ita contrahimus ad quasdam significationis angustias, ut solum DEUM dicamus beatum, qui tamen ita verè beatus est, ut major beatitudo esse non possit. In cuius comparatione, quòd Angeli beati sunt, sua quadam summa beatitudine, quanta esse in Angelis potest, quid aut quantum est?* Et cap. 13. cum dixisset Angelos beatos frui incommutabili bono, quo etiam ante lapsum boni non sunt fructi, subdit: *Hanc habere Angelos lucis pià fide credimus: hanc nec antequam caderent, habuisse Angelos peccatores, qui suà pravitatē illa luce privati sunt, consequenti ratione colligimus habuisse tamen aliquam, etsi non præsciam beatitudinem, si vitam egerunt ante peccatum, profectò credendi sunt.* Et lib. 4. Gen. lit. c. 24. lib. 11. de Civit. c. 29. ubi agit de cognitione matutina & vespertina Angelorum dicens, quòd primò cognoverint creaturas in Verbo (specie) postea in genere proprio, quæ naturalis est, & ex ea redierunt ad cognitionem in Verbo, & ad dilectionem, alioquin peccassent, sicut dæmones, si in dilectione illa sui perstitissent. Simili modo intelligendus est D. Bernardus serm. 7. in Cantica num. 13. Et in hunc sensum explicandi sunt omnes sancti Patres. Addo hunc unum S. Augustini textum lib. de corrupt. & grat. cap. 10. ubi dicit: *Diabolus verò & Angeli ejus, etsi beati erant antequam caderent, & se in miseriam casuros esse nesciebant, erat tamen adhuc quòd eorum adderetur beatitudini, si per liberum arbitrium in veritate stetissent, donec istam summe beatitudinis plenitudinem, tanquam præmium ipsius permansionis acciperent, id est, ut magna per Spiritum Sanctum data abundantia charitatis DEI, cadere ulterius*

omnino non possent, & hoc de se certissime noscent. Hanc plenitudinem beatitudinis non habebant, sed quia nesciebant suam futuram miseriam, minore quidem, sed tamen beatitudine sine ullo vitio fruebantur.

Probatur Tertiò ex Aristotele 10. Ethic. cap. 7. & 8. qui naturalem hominis beatitudinem constituit in sola speculatione substantiarum abstractarum, ergò multò plus Angeli fuerunt beati ex contemplatione & amore summe & primæ intelligentiæ, quæ est ens infinitum in ratione veri & boni.

Probatur Quarto: Angelus quilibet in creatione Tuà accepit naturalia splendidissima, quæ etiamnum immalis perseverant, secundum D. Dionysium, ergò cum solo concursu generali poterant DEUM perfectè intelligere, & diligere, ergò. Sed in contra

Opponitur Autoritas D. Augustini lib. 11. Civit. c. 13. ubi dicit: *Quocirca cuius jam non difficulter occurrit utroque conjuncto effici beatitudinem, quam recto proposito intellectualis natura desiderat, hoc est, ut bono incommutabili, quòd DEUS est, sine ulla molestia perfruatur, & in eo se in æternum mansurum esse, nec ulla dubitatione cunctetur, nec ullo errore fallatur;* Ex quo hoc sumitur argumentum: De ratione beatitudinis tam naturalis, quàm supernaturalis est securitas & perpetuitas, sed Angeli in statu viæ suæ potuerunt à cognitione & amore DEI desistere, & oppositum actum elicere, ergò. Respond: neg: maj: quia secundum Doctorem subtilem securitas & perpetuitas sunt tantum beatitudini extrinsecæ proprietates, nihil verò essentialē, sic etiam securitas & perpetuitas naturalis beatitudinis dependent à libertate Angelorum, cum ad continuationem, nec ab agente extrinsecò cohebantur, nec ab aliqua intrinsecà passione alliciebantur.

Arguitur etiam ex Ratione desumpta ex communi axiomate Theod-



Theologorum post S. Dionysium: In Angelis omnia naturalia dona manserunt integra, ergò si tam mali quam boni in prima creatione habuerunt beatitudinem naturalem in perfecta DEI cognitione, licet abstractiva, & amore illi proportionato consistentem, etiamnum habebunt eandem. atqui hoc est absurdum, ergò. Respond. neg: sequelam, Quia in Angelis malis manserunt quidem naturalia, substantiam eorum concernentia integra, non tantum gratuita dona etiam naturalia, vel supernaturalia, ut sunt species maxime essentiae divinae, adeoque nec distinctam cognitionem, nisi habitualement & rememorativam DEI, habent, quam etiam si haberent attamen hinc non forent dicendi beati beatitudine naturali, quia ad hanc non sequitur correspondens DEI amor naturalis & gaudium de tali contemplatione, sed summa miseriae, culpae & poenae, Beatitudo autem excludit omne malum, & omne bonum includit.

IV.  
Beatiore  
fuerunt in  
via sua ho-  
minibus.

Dico Secundo: *Angeli de facto beatiore fuerunt in via sua hominibus, tam pro statu isto, quam in statu innocentiae, beatitudine naturali.* Hæc patet ex D. Augustino supra citato, qui eandem facit comparisonem primorum hominum cum felicitate eorum, quibus Beatitudo concreata est, dicitque hos esse beatiore illis. Probatur: Angeli habuerunt speciem representantem divinam naturam tanquam principium distinctæ cognitionis DEI, quoad prædicata propria & ex propriis, hanc non habuerunt homines pro statu innocentiae, ergò. Et dato, quod habuissent, Angeli tamen sunt perfectioris activitatis,

V.  
Potuit DE-  
US ab in-  
stanti crea-  
tionis om-  
nes beatos  
facere bea-  
titudine,  
supernatu-  
rali.

Dico Tertio: *Potuit DEUS per potentiam absolutam Angelos omnes in primo instanti creationis supernaturali beatitudine beatos facere.* Probatur: Beatitudo supernaturalis activè soli creaturæ rationali, à solo DEO communicatur, Angeli pro primo instanti creationis fuerunt capaces, & divina voluntas potest

pro quocunque instanti beatitudinem impendere, pro quo est capacitas, ergò. Sed

Dices: Contradictio est, idem esse prorsus connaturale & supernaturale, ergò nec per potentiam DEI absolutam potuerunt esse beati supernaturaliter, pro primo instanti, quia fuisset eis connaturale, ergò. Respond. non esse sic connaturalem beatitudinem, quando Angelis concreatur, ut sic proprietates suas intrinsecè ex natura Angeli, neque perfectio naturaliter debita, sicuti calor igni, nec necessariò concomitans illam, sed sicuti gratia, si alicui concrearetur, sed supernaturalis, quia liberè à DEO concederetur, sic quoque beatitudo supernaturalis esset, si Angelis concrearetur. Sed

Dices: adhuc: Beatitudo consistit in operatione, sed operari præsupponit esse, ergò nec divinitus pro primo instanti potest esse Angelus beatus. Respond. dist: min: supponit esse in tempore, neg: min: præsupponit esse pro instanti naturæ, conc: min: & neg: consequentiam.

Dico Quarto: *Angeli de facto pro primo instanti creationis suæ non fuerunt supernaturaliter beati.* Ita Doctor subtilis. Probatur Primo ex S. Augustino lib. 4. super Gen. ubi dicit: *Non prius DEUS discernebat bonos à malis, quam essent discreti inter se, ita ut vellet, quod semper ab initio æquales, vel in naturalibus, vel gratuitis fuerint.* Item lib. 2. *Non prius est DEUS ultor, quam aliquis sit peccator.* Ex quo sic arguuntur: Mali, quide facto tales sunt, non fuerunt pro primo instanti beati supernaturaliter, quia hæc facit beatos impeccabiles; nec etiam fuerunt miseri ex textibus allegatis; ergò fuerunt in statu aliquo medio; sed subsumo: Angeli fuerunt ab initio æquales, ergò nec boni fuerunt pro primo instanti beati. Breviter sic potest confici argumentum: Angeli non fuerunt ab initio miseri, ergò nec beati, patet antec: ex Augustino, patet

VI.  
Non fue-  
runt tamē  
sic beati.

patet etiam consequentia à pari, quod fuerint æquales.

**Probatur Secundo:** Quia Lex divina ordinavit, quod constet ex 2. ad Timoth. 2. quod non coronabitur, nisi qui legitime certaverit: quodque Iudex unicuique reddet secundum opera sua, Matth. 16. quod tam de Angelis quam hominibus verum est, ergo Angeli sine merito non habuerunt ab instanti beatitudinem, quæ datur in præmium. Confirmatur: Quia naturaliter eam propriis viribus acquirere non potuerunt, sicuti nequeunt homines, & planè docet Concilium Viennense, estque contradictio, quod aliquid sit supernaturaliter, & naturaliter attingibile.

**Probatur Tertiò:** Angeli boni meruerunt beatitudinem suam priusquam eam acceperunt, ergo non fuerunt creati in ea: probatur antec: Omnis natura consequitur suam perfectionem per propriam operationem, sed perfectio & finis creaturæ rationalis est ejus beatitudo, ergo hanc consecutus est Angelus per propriam operationem cum adiutorio DEI. Nec valet dicere cum Magistro, quod Angelus per merita & obsequia beatitudinem sequentia eam sibi meruerit: Quia contra est: Per hoc, quod aliquis prævideatur bene usus dono accepto, non meretur idem accipere, alias posset dicere, quod homo mereatur primam gratiam, quia prævidetur à DEO bene usus eà, & sic gratia non esset gratia, quia esset ex meritis, licet non positis in re, bene tamen prævisis, aut ut ponendis, consequens est contra omnes Patres, docentes primam gratiam merè gratuitò dari. Sed incontrà

**Opponitur Primò:** Authoritas D. Augustini, qui in lib. de Ecclesiast. dogmat cap. 58. dicit: *Angeli vero, qui in illa, quâ creati sunt beatitudinem perseverant, non natura possident bonum, ut non mutarentur cum cæteris, sed arbitrii servantes bonam voluntatem & bonum conditionis, & fidem suo Domino servaverunt. Præ-*

*pter quod & meritis ab ipso Domino sancti Angeli vocantur, quod tenuerunt arbitrii sanctitatem, nec sociorum exemplo deviauerunt à bono.* Similia habet cap. 61. ubi dicit: *Tales creati sunt Angeli, ut si vellent, in beatitudinis luce persisterent, si autem vellent, etiam labi potuissent, ergo omnes Angeli fuerunt creati in beatitudine, à qua mali ceciderunt, & in qua boni perseverarunt; boni autem habent beatitudinem supernaturalem, ergo etiam mali habuerunt.* Respond. Primò: Præfatum librum non esse D. Augustini, sed Gennadii Presbyteri Massiliensis Galli, ut testatur & habet S. Thomas quodl. 12. a. 11. & in Cathen. ad 1. cap. Matth. quia habet multa in hoc libro, à quibus lector sibi cavere debet. Respond. Secundo: Hæc omnia intelligenda esse vel de beatitudine naturali, de qua supra dictum est, vel de beatitudine inchoata viæ, quæ est gratia DEI habitualis, quæ dicitur etiam semen gloriæ, unde etiam S. Augustinus lib. 11. de Civit. DEI. cap. 12. vocat homines in gratia constitutos beatos, dicit enim: *Cum bodiè non impudenter beatos vocemus, quos videmus justè ac piè cum spe futuræ immortalitatis hanc vitam ducere sine crimine vastante conscientiam, faciliè imponentes peccatis hujus infirmitatis divinam misericordiam.*

**Instatur:** Ibidem dicitur, quod magna pars Angelorum sit ideò ed beatorum, quo nunquam peregrinata, sed si essent per aliquam moram in via extra beatitudinem, aliquando peregrinarentur, quia non nisi per fidem ambulant, quod est peregrinari juxta illud 2. Corinth. 5. *Audentes igitur semper, scientes quoniam dum sumus in corpore, peregrinamur à Domino, per fidem enim ambulamus, & non per speciem, ergo.* Respond. Augustinum ideò dixisse, Angelos sanctos nunquam fuisse peregrinatos, vel quia exiguo tempore fuerunt in via: vel certè quia nunquam alienati sunt à DEO per peccatum, adeoque nunquam fuerunt

exules, cum quo stat, quod aliqua mora peregrinati fuerint in via per fidem absque beatitudine. Opponuntur adhuc plura alia loca maxime illa, quæ de cognitione matutina & vespertina docet, sed nihil concludunt, unde ex ratione

Arguitur Secundò: Creatura corporea, v. g. Cœlum, fuit creata perfecta ultima sua perfectione, ergo à fortiori natura angelica, quæ est multò nobilior. Respond. quidquid sit de antecedente, an scilicet cœlum in primo instanti creationis acceperit eam, quam nunc habet formam, nec ne? tamen nulla creatura corporea accepit in primo instanti perfectionem, ad quam per suam operationem perducitur, nam secundum sanctum Augustinum germinatio plantarum ex terra non statim fuit in primis operibus. Idem dico de natura angelica, quod licet habuerit à principio perfectionem, aliquam intrinsecam & connaturalem, non tamen illam supremam perfectionem, donec per propriam operationem cum DEI adiutorio eam consecutus est.

## QUESTIO SECUNDA.

*An Angeli tam boni quam mali fuerint creati in gratia?*

*Difficultas  
Quæstio-  
nis.*

Cùm Angeli, utpotè creature rationales, creati sint propter DEUM tanquam finem ultimum beatificè attingendum, & ad eum consequendum habeant solam capacitatem & proportionem naturalem, ex naturalibus verò attingentiam tantum remotam & inchoatam, ideo hic quæritur, an ipsi, antequam ad terminum pervenissent, egerint gratiâ sanctificante ad meritò operandum, & an illam habuerint ab instanti suæ creationis, cum media debeant commenfurari fini, & hic est supernaturalis, media quoque debent esse supernaturalia. Et quantum ad primam partem dubii nulla est difficultas,

quantum ad secundam, plures Scholastici cum Magistro docuerunt, Angelos primò creatos fuisse in naturalibus, postea gratiam fuisse consecutos. Magistrum sequuntur Hugo de S. Victore lib. 1. de Sacram. part. 5. cap. 9. Rupertus lib. 1. in Gen. cap. 14. S. Bonavent. in 2. q. 5. q. 1. §. Ad inquirendum, & pro eadem sententia citant Recentiores Scotum. Alii contra docent, Angelos in primo instanti creatos fuisse in gratiâ sanctificante. Ita D. Thomas, Durandus, Gregorius &c. & conantur hoc ex autoritatibus Patrum confirmare. Scotus autem in hac materia est problematicus, asserens, certum esse debere omnes Angelos aliquando fuisse in gratia, non curando, an statim collata fuerit? an prius in naturalibus? notat tamen, quod, qui ponit Angelos fuisse creatos prius in naturalibus, postea in gratia, plures in eis debeat ponere statum, quod æquè admitteri potest, sicq; salvari poterunt plures Patrum autoritates. Itaque censet utrumque dicendi modum probabilem, magis tamen inclinât ad partem affirmativam. Hoc fateor certum esse nullam rationem, nec auctoritatem convincere, Angelos fuisse creatos in gratiâ, quia omnia loca facile explicari possunt, quod Angeli statim à principio, licet post aliquam morulam, in qua creati sunt in puris naturalibus, accepisse gratiam. Sed quia ad hanc explicationem etiam non cogit aliqua necessitas, melius dicitur, Angelis statim fuisse concreatam gratiam. Quare

Dico Primò: *Angelis viatoribus ad beatitudinem supernaturalem consequendam necessaria fuit gratia sanctificans cum aliis donis & auxiliis supernaturalibus.* Probatur Primò ex Scriptura ad Rom. 6. *Gratia DEI vita æterna.* Psalm. 83. *Gratiam & gloriam dabit Dominus.* Undè Trident. Sess. 6. Can. 2. ait: *Si quis dixerit, ad hoc solum divinam gratiam per JESUM Christum dari, ut facilius homo iuste vivere, & vitam æternam promereri possit, quasi per li-*  
*berum*

*II.  
Angelis viatoribus necessaria fuit gratia sanctificans.*

verum arbitrium sine gratia utrumque, sed ægre tamen & difficulter possit, anathema sit. Cum ergo gratia non tantum detur ad auferendam difficultatem naturæ propter peccatum vulneratæ in ordine ad substantiam actus, sed ad supplendam simpliciter impotentiam in ordine ad supernaturalitatem illius, in quantum homo est inferioris ordinis, idq; etiam Angelus accidit, idem similiter de Angelis dicendum erit.

Probatur Secundò ex Patribus: Augustino lib. 12. Civit. c. 9. ubi usurpans illud ad Rom. 6. Charitas DEI diffusa est, ait: Cum debita laude, Conditoris non ad solos homines sanctos pertinere, verum etiam de sanctis Angelis dici posse, Charitas DEI diffusa est eis per Spiritum sanctum. & lib. 11. c. 11. dicit: Omnes Angelos divinam participasse sapientiam non solum ut viverent, verum ut sapienter, beatè, viverent. Et elegantissimè c. 15. ubi demonstrat Angelos malos non fuisse creatos malos, sed etiam Scriptura ostendit fuisse creatos in gratia, dicens: Illud etiam, quod ait de diabolo Joannes: Ab initio diabolus peccat: non intelligunt, si naturale est, nullo modo esse peccatum. Sed quid respondetur prophetici testimoniis, si ve quod Esaias ait sub figurata persona Principis Babylonie, diabolum notans. Quomodo cecidit Lucifer, qui manè oriebatur: si ve quod Ezechiel: In deliciis paradisi DEI fuisti omni lapide pretioso ornatus? ubi intelligitur fuisse aliquando sine peccato. Nam expressius ei paulò post dicitur: Ambulasti in diebus tuis sine vitio. Quæ si aliter convenientius intelligi nequeunt, oportet etiam illud, quod dictum est, in veritate non stetit: sic accipiamus, quod in veritate fuerit, sed non permanstret. Et illud, quod ab initio diabolus peccat, non ab initio, ex quo creatus est, peccare putandus est, sed ab initio peccati, quod ab ipsius superbia cepit esse peccatum. Nec illud, quod scriptum est in libro Job, cum de diabolo sermo esset: Hoc est initium signentium Domini, quod fecit ad illudendum ab Angelis suis: cui consonare videtur etiam Psalmus, ubi legitur: Draco

hic, quem finxisti ad illudendum ei: sic intelligendum est, ut existimemus, talem ab initio creatum, cui ab Angelis illuderetur, sed in hac pœna post peccatum ordinatum. D. Bernardo serm. 22. in Cant. n. 6. ubi disputans Christum factum esse Angelis redemptionem, ait: Audi breviter, qui crexit hominem lapsum, dedit stanti Angelo, ne laboretur, sic illum de captivitate eruens, sicut hunc à captivitate defendens. Et hac ratione fuit æquè utriusque redemptio, solvens illum, & servans istum. Liqueat ergo sanctis Angelis Dominum Christum fuisse redemptionem, sicut iustitiam, sicut sapientiam, sicut sanctificationem. Idem docet Doctor subtilis 4. d. 4. qu. 2. ubi asserit, de facto nulli dari gratiam, nisi per aliquam causam meritoriam, quæ meruerit conjunctionem ejus cum DEO, & hæc est Christus.

Probatur Tertiò Ratione: Quia finis ultimus est Angelis etiam supernaturalis secundum attingentiam, ergò debent habere gratiam. Sed in contra

Arguitur: Actus dilectionis DEI naturalis & supernaturalis est idem actus, & tendit circa idem obiectum, & eodem modo, sed naturalis dilectio non indiget gratiâ, ergò nec supernaturalis. Respond. distin: maj: est idem in genere quantitatis secundum substantiam, conc: maj: in genere meriti & in modo, neg: maj: ut ergò sit meritorius & supernaturalis, gratia requiritur. Sed

Instatur: Ad supernaturalitatem actus sufficit supernaturalis concursus, ergò. Respond: distin: antec: de potentia absoluta, conc: antec: hoc enim insinuat Clementina ad nostrum de Hæret: de lege communis & ordinaria, neg: antec: & consequi.

Dico Secundò: Angelis omnibus pro primo instanti creationis sue fuit collata gratia sanctificans. Ità Authores secundæ sententiæ, cui primitus favet, quod Ezechiel. 28. de Lucifero in persona Regis Tyri dicitur: Tu signaculum similitudinis

III.  
Gratia fuit  
eis collata  
pro instanti  
creationi.

plenus sapientiâ & perfectus decore, in deliciis paradisi DEI fuisti: omnis lapis pretiosus operimentum tuum. - - - Tu Cherub extentus, & protegens, & posui te in monte sancto DEI, in medio lapidum ignitorum ambulasti. Perfectus in vis tuis à die conditionis tue, donec inventa est iniquitas in te.

Dices: Hunc textum planè non valere, nec favere conclusioni, nam in versu 13. interfitur: *Aurum opus decoris tui: & foramina tua in die, quia conditus es, preparata sunt, quem locum S. Gregorius lib. 32. moralium sic interpretatur: Habuit ergo lapis iste, id est, Lucifer, foramina, id est, capacitatem ad gratiam, sed per superbiam vitium charitatis auro non sunt repleta: ubi videtur dicere, quòd Lucifer, idem est de reliquis Angelis, non sit creatus in gratia.* Respond. neg: antec: Quia S. Gregorius tantum vult, Luciferum non habuisse gratiam perseverantiæ, per quam fuisset confirmatus in sanctitate sine periculo cadendi.

**Probatur Conclusio Primò:** Ex Authoritate SS. Patrum D. Augustini lib. 12. de Civit. c. 9. ubi ait: *Bonam voluntatem in Angelis quis fecit? nisi ille, qui eos in bona voluntate cum amore casto creavit, simul eis condens naturam, & largiens gratiam, unde sine bona voluntate, hoc est, DEI amore, nunquam sanctos Angelos fuisse credendum est; ubi loquitur de gratia, quæ simpliciter facit bonum & DEO gratum, & consequenter de gratia sanctificante, ac deinde de malis subjicit: Isti autem, qui cum boni creati essent, mali sunt. Et in expofit. in Psalm. 77. Angelos malos, quantum pertinet ad eorum substantiam, quis alius quàm ipse fecit? sed malos ipse non fecit.* D. Bernardo serm. 5. de verbis Isaïæ num. 9. *Sanè apud Angelos justitia recta pura & firma est sublimis quidem, sed longè inferior quàm divina. Non enim innata est eis, sed à DEO collata, ut natura ipsa, quod ex se est, non modò justitiæ, sed etiam injustitiæ capax inveniat, nunquid non est pravitas quædam,*

quam in Angelis suis vera justitia illa legitur invenisse. Quem textum, alius interpretatur, quòd etiam in instanti fuerit collata, ubi creati fuerunt, & satis rationabiliter, nam mali, licèt recti fuerint, non servaverunt suum principatum, & in veritate seu rectitudine non steterunt.

His addo alios SS. Patres, ut Cyrillum, qui lib. 6. de diabolo loquens dicit: *In veritate non stetit, quia lapsus est à veritate, nec voluit manere in sue originis dignitate.* Basilii in Psalm. 32. in illo verbo Domini cæli firmati sunt, ubi dicit: *Angelos, ut essent, Verbum opifex condidit, sanctificationem verò simul impendit ipsis Spiritus Sanctus, non enim in infantili statura creati. Deinde paulatim exercitati atque perfecti sic Spiritus susceptione digni sunt habiti, sed in prima constitutione, & quasi quadam conspersione sue substantiæ simul habuerunt insitam sanctitatem.*

**Probatur Conclusio Rationè**  
Primò: Idèò DEUS differret conferre gratiam Angelis, ut ad eam recipiendam se disponent, sed talis dispositio ad gratiam sanctificantem non requiritur, ergò. Secundò: Quia DEUS sic condidit cætera viventia, ut & produxerit ea perfecta in suo esse, & indiderit eis virtutes seminales, per quas sibi possint similia producere, quod est naturalissimum opus viventium, ergò etiam ex quo condidit naturas intellectuales ad vitam æternam, verissimiliter produxit eas in tali perfectione, ut haberent semen vitæ æternæ, quod est gratia sanctificans, per quam possint vitam æternam acquirere. Ex hac congruentia sequitur quoque alia probabilitas & paritas, nempe: Quòd primus homo in gratia sanctificante conditus fuerit, ergò & Angelus. Tertiò, DEUS non discernit inter bonos & malos, antequam ipsi se discernant per actus suos, ergò verisimile est, quòd usq; ad instans meriti vel demeriti omnes uniformes fuerint.

Opponitur Authoritas S. Augustini lib. 1. Gen. lit. cap. 1. ubi in illa

illa verba Terra autem erat inanis dicit: *An utriusque informitas*, id est, creaturæ corporalis & intellectuales, his etiam posterioribus verbis significatur. Corporalis quidem eo, quod dictum est: *Terra erat invisibilis & incompōsita*: Spiritualis autem eo, quod dictum est, *Tenebræ erant super abyssum*: ut translato verbo, tenebrosam abyssum intelligamus naturam vitæ informem, nisi convertatur ad creatorem, quo solo modo formari potest, ut non sit abyssus: & illuminari, ut non sit tenebrosa. Et quomodo dictum est: *Tenebræ erant super abyssum*: an quia non erat lux? Quæsi esset, utique superesset, & tanquam superfunderetur, quod tunc sit in creaturâ spirituali, cum convertitur ad incommutabile atque incomparabile lumen, quod DEUS est. Et alibi ait: Angelos creatos fuisse informes. Item Joannes Papa cap. Visis literis 16. qu. 2. de diabolo ait: *Dolet enim satis & erubescit charitatem, quam in cælo nequivit habere; homines constantes ex lutea natura tenere in terris*. Ex quibus colligitur, Angelos saltem malos non fuisse creatos in gratia. Respond. negando consequ. Quia S. Augustinus dubitative tantummodo loquitur, & per modum disputantis plures ponendo sensus, in quibus illa Scripturâ possit intelligi. Deinde etiam si ex propria mente loqueretur, non dicit de facto sic creatos fuisse Angelos, sed sic creari potuisse, ut patet ex cap. 5. ejusdem libri, ubi ait: *Creatura vero quanquam spiritalis & intellectualis vel rationalis, quæ videtur illi verbo esse propinquior, potest habere informem vitam: quia sicut non hoc est ei esse quod vivere, ita nec hoc vivere quod sapienter vivere ac beatè vivere*. Aversa enim à sapientia incommutabili, stultè ac miserè vivit, quæ informitas ejus est. Formatur autem conversa ad incommutabile lumen sapientie, quod est Verbum DEI, à quo enim existit, ut sit, utque vivat, ad illum convertitur, ut sapienter ac beatè vivat. Tertiò dico, S. Augustinum loqui de forma perfecta, perpetua, & consummata, quam postea in beatitudine boni acceperunt, re-

spectu reliquæ formæ etiam spirituales dici possunt informes. Ad locum Joannis Pontificis Respond. & dico, illum ibi non loqui definitivè, sed ex propria scientia, ut eximius Doctor. Deinde in aliquibus codicibus loco nequivit habetur nequit in præsentî, undè certè invidet hominibus. Denique sensus & intentio Pontificis est diabolus dolere, quod in cælo charitatem habere, seu perseveranter retinere non potuerit, nempe suâ culpâ, potuisset enim, si voluisset. Per hoc patet, quid dicendum sit ad auctoritates aliorum Patrum, qui sentire videntur, quod charitatem affectaverint, eam tamen habere non potuerint, quia loquuntur de charitate Patriæ, vel consummata, quam dolet, quod de facto videat in vasis luteis hominum. Aut etiam fuerunt in opinione eorum, qui in Angelis posuerunt quatuor morulas. Sed.

Arguitur Secundo Ratione: DEUS non sanctificat habentem usum liberi arbitrii, nisi ad illum liberè se disponat, ergo Angeli primò se debuerunt disponere in primo instanti, ut gratiam illam mererentur, accipere. Respond. dist. antec: non sanctificat creaturam, quæ per peccatum per se, vel in alio amisit, nisi seipsum disponat; si sit adulta, conc. antec: nam cum talis creatura habeat principium, per quod liberè gratiam amittit, vult DEUS, quod etiam liberè iterum ad se convertat: Non sanctificat ante peccatum. neg. antec: & consequ.

Instabis: Si Angeli omnes creati essent in gratia, nullus eorum cecidisset, quia omnes fuissent supernaturaliter in DEUM conversi, ergo: Probatur antec: Quia Angelorum voluntas non potest mutari à semel recto accepto. Respond. neg. antec: cum sua probatione, quia Angelorum voluntas non eligit immutabiliter.

Dico Tertiò: *Angeli mereri potuerunt de congruo, & etiam de condigno collationem gratiæ sanctificantis illis datæ in primo instanti, de facto*

IV.  
Potuerunt,  
non tamen  
meruerunt  
illam.

tamen neutro modo illam meruerunt. Probatur prima pars : Quia nihil impedit, quo minus Angeli in illo primo instanti, quo gratiam sanctificantem acceperunt, prius naturam elicerent aliquem actum meritorium de condigno illius gratiae, nec etenim hoc ex ullo capite repugnat, nisi gratis & petendo principium quis dicere vellet, gratiam sanctificantem requiri ad meritum de condigno, quod tamen probabilissimè non est, ut plures præclari sentiunt Theologi.

Probatur secunda pars : Quia in prima morula Angeli fuerunt creati uniformes in gratia, ergò non meruerunt : antè patet ex D. Augustino supra allegato, quia DEUS simul condidit naturam angelicam, & infudit gratiam ; probatur consequi quia juxta Scotum 3. d. 18. q. un. Inter meritum & præmium debet intercedere aliqua prioritas durationis. Secundò : Quia in eodem instanti creationis vix possunt intelligi tot actiones, quot assignantur à Concilio Tridentino Sess. 6. de iustificat. Nam primò esset ipsiusmet. Angeli productio. Deinde supernaturalis motio liberi arbitrii per gratiam exercitantem. Tertiò, supernaturalis assensus illius ad veritatem revelatam recipiendam. Quartò, liber concursus voluntatis ad DEUM amandum. Quintò, infusio gratiae ad Angelum iustificandum.

Probatur Tertiò : Sequeretur Angelos malos vel nunquam fuisse in gratia, vel nunquam ab ea excidisse, sed utrumque esset falsum & perversum, ergò : probatur minùs quoad primam sequelam, nempe Angelos nunquam fuisse in gratia, Quia aliàs DEUS fuisset discretor. Angelorum, priusquam seipfos discrevisset ; probatur etiam quoad secundam sequelam, quia ex Scoto 3. d. 18. Quia ipsemet actus, quatenus naturam præcedit, dicitur dispositionale ad gratiam & gloriam supernaturalem, quatenus autem concomitatur infusionem gratiae, dicitur meritum de condigno, ergò etiam An-

geli mali in primo instanti meruissent & gratiam & gloriam. Sed in contra

Arguitur : Perfectius est habere gratiam ex propria dispositione, quam sine illa, ergò : Tum etiam, Quia per gratiam contrahitur quasi spirituale matrimonium & perfectum amicitiae vinculum cum DEO, sed ad hos & similes actus requiritur voluntatis Consensus, ergò. Respondet neg: antec : Quia aliàs Christus Dominus deberet sibi promereri gratiam collatam, quod nemo dicit. Deinde licet antec: aliquando verum sit, non tamen semper, nam verum est de gratia reconciliante, non verò de prima gratia, quæ est donum DEI speciale, non exigens post lapsum nisi dispositionem de congruo voluntariam. Ad alterum dico per gratiam habitualement contrahi vinculum amicitiae habituale cum DEO, & matrimonium spirituale, quod postmodum per amorem actualement concomitantem, vel sequentem consummatur.

Instatur : Juxta Scotum supra : Omnis creatura per propriam operationem consequitur perfectionem propriam, sed non minus gratia, quam gloria est perfectio creaturæ rationalis, & consequenter Angeli illam actibus suis consequi debuerunt, ergò. Respond. negando minor: Quia beatitudo datur per modum præmii, coronæ, & mercedis, gratia verò per modum medicini, & puri doni, elevantis naturam ad posse prosequi finem suum, quem alioquin attingere non posset, cum non habeat ad supernaturalia non nisi inchoatum principium, non tamen adæquatum.

Dico Quartò : *Angeli in principio creationis suæ acceperunt omnes virtutes theologicas infusas.* Est communis Theologorum, & Probatur : Quia hæc virtutes infunduntur in iustificatione hominum juxta Tridentin. Sess. 6. cap. 7. ergò etiam in iustificatione Angelorum. Deinde nulla est ratio, quare una ex his perfectionibus illis negaretur supposita infu-

v.  
Angeli in principio creationis acceperunt virtutes infusas.



Infusione gratiæ sanctificantis. Tertiò, sine illis Angeli non elicerent actus meritorios fidei, spei, & charitatis, ob quos consecuti sunt boni beatitudinem. Quartò, de charitate specialis in nostra opinione est ratio, quia hæc non distinguitur à gratia sanctificante, aut ad minus est illi indivisè connexa, charitas autem supponit fidem & spem, ergò etiam in illis manent tria hæc fides, spes, & charitas, major autem horum est charitas. Quintò iterum specialiter de fide, quia illi erant in via, & capaces huius actus, & nullus actus est magis proportionatus ad actum meritorium quam supernaturalis fidei, ita quodd etiam in Angelis verificetur illud D. Pauli: *Accedentem ad DEUM oportet credere, quia est, & quia inquirentibus se remunerator est.* Id ipsum de fide iterum confirmatur: Quia nihil impedit, quod minus Angeli possunt habere habitum & actum fidei, nisi fortè quodd DEUS non posset illis revelare aliquid, quin evidenter illud cognoscerent, aut quin haberent evidentiam in attestante, cum qua evidentia est impossibilis fides, sed hoc non obstat, uti fusius probo in tertio Sententiarum, in parte secunda. Et insuper, quia nos invicem loquimur nobis, & credimus nobis invicem, & tamen habemus evidentiam in attestante, seu notitiam eorum, qui nobis loquuntur, claram & intuitivam.

Quorum autem articulorum fidem habuerint, valde difficile est definire, pro qua materia remitto Lectorem ad materiam quamlibet in speciali, putarem tamen eos habuisse fidem mysterii SS. Trinitatis, & Incarnationis: Primò, Quia nihil impedit. Secundò, Quia in nostra sententia Incarnatio independenter à peccato fuit decreta. Tertiò, quia Christus meruit omnem gratiam Angelis collatam, ergò & eum cognoscerent, & mererentur per actus gratitudinis & amoris erga illum elicitis omnino congruum fuit, ut illis revelaretur Incarnatio futura, & dependentia à meritis Christi. Quar-

tò, quia ex S. Bernardo serm. 12. in Cantica, hoc fuit Lucifero motivum ad superbiendum, quia ei revelatum fuit, quodd homo debebat fieri Deus, quodd quidem eximium beneficium homini invidebat, sed sibi appetebat. Et iterum serm. 17. universaliter dicit: Dæmonem invidisse naturam humanam debere supra se elevari: *Quod dico, tale est, putasne Lucifer ille, qui manè oriebatur, sed præpropere elevabatur, antequam verteret in tenebras, generi nostro inviderit & ipse olei effusionem, ut per seipsum jam tunc indignabundus mustiaret, dicens intra se quodammodo. Ut quid perditio hæc? Hoc ego non assero dicere spiritum, sed nec contradicere dico. Nescio enim. Potuit autem contingere (si tamen incredibile non putetur) plenum sapientiæ, & perfectum decore: homines præscire potuisse futuros, etiam & profecturos in parem gloriam. Sed præscivit, in DEI Verbo absque dubio vidit, & in lixore suo invidit, & molitus est habere subiectos, socios, dedignatus. Inferiores sunt, inquit, inferioresque naturæ, non decet esse concivēs, nec æquales in gloria. Et Augustin. 7. de Civit. cap. 32. dicit: Hoc mysterium jam inde ab exordio generis humani per quædam signa & Sacramenta temporibus congrua, quibus oportuit per Angelos prædicatum est. Rupertus lib. 8. in Joann. & in illud Joann. 8. Ille homicida erat ab initio, dicit, hinc Angelis beatis fuisse præceptum adorandi verum DEUM in carne reipsa positum iuxta illud ad Hebræos 1. Cum iterum introducit primogenitum. Ergò & Angelis viatoribus injungendum erat, ut illum adorarent tanquam proprium glorificatorem. Et eadem ratione, quæ Angelis beatis impostum fuit præceptum adorandi Filium DEI incarnatum, ita fuit illud necessarium in via ipsum adorare ut in carne venturum, sicut & Sanctis Patribus necessaria fuit fides Christi venturi, sed voluntas nequit ferri in aliquid incognitum, ergò si debuerunt Verbum in carne positum adorare, debuerunt etiam illud ex speciali revelatione præcognoscere.*

Dices



Dices: Sanctus Bernardus, aliq; complures Patres negant, Angelis beatis cognitionem mysterii Incarnationis, antequam fuit actu positum, ergò à potiori non habuerunt eam in via, & quàm maximè malis futuris, quibus etiam occultum fuit, cum actu esset perfectum & completum. Respond. S. Bernardus, aliosque Patres loqui de cognitione distincta, clara & intuitiva, qua sciunt, quando, à qua Matre, & quomodo deberet incarnari Verbum, non verò de cognitione abstractiva, obscura & per fidem, quâ cognoscere, quod aliquis aliquando futurus sit, qui esset DEUS & homo, & qui mereretur omnibus gratiam, qua beatitudinem assequi possent. Et licet S. Bernardus in loco supra citato dicat Angelos malos fortè in Verbo vidisse, per Verbum tamen non intelligit speculum illud voluntarium Essentiae divinae, sed revelationem divinam, vel speciem impressam huius mysterii.

### QUESTIO TERTIA.

*An omnes Angeli acceperint equalem gratiam?*

I.  
Ordo prædestinationis.

**P**RO Resolutione Notandum Primò: DEUM ab æterno ante præscientiam meritorum Angelos & homines prædestinasse ad gloriam sic, ut prædestinati fuerint præcisè cogniti in puris naturalibus, & in ordine intentionis divinae hic fuit primus actus efficax & absolutus divinae voluntatis, comparatione futurorum ad extra ex meris possibilibus, nempe volitio ad gloriam, & ad determinatum gradum, secundus collatio gratiae, veluti, quæ est præcipuum medium ad consequendam gloriam, quod Scotus sic probat: omne ordinatè volens finem & media ordinatè, prius vult finem, quàm aliquid eorum, quæ pertinent ad finem, beatitudo perfecta est ultimus finis creaturæ rationalis, gratia, fides, merita, usus bonus liberi arbitrii sunt

media ad illam, ergò DEUS ordinatissimum agens prius Angelis in ordine intentionis voluit beatitudinem in determinato gradu, quàm aliquid ex mediis ad consequendam illam in effectu: hinc etiam Scotus in 4. ait, hominibus in baptismo conferri gratiam inæqualem ex vi prædestinationis, non ex vi Baptismi.

Notandum Secundò: In ordine intentionis ante prædestinationem omnium Angelorum & hominum, prioritate saltem naturalis præsuppositionis, vel intelligentiæ, fuisse prædestinatum Christum, ut hæredem ad summam gloriam, gratiam, & unionem hypostaticam, & præfinita ac prævisa omnia ejus meritoria opera, passibilitatem carnis præscindencia ad promerendam aliorum prædestinationem, cum omnibus donis supernaturalibus, creaturis rationalibus necessariis ad beatitudinem consequendam in effectu; hinc secundum Scotum Christus fuit causa meritoria omnis gratiæ, Angelis & hominibus conferendæ, obtulit siquidem ipse sua merita Sanctissimæ Trinitati pro Angelis & hominibus justificandis, & glorificandis, ut proinde in ejus oblationem inæqualitas gratiæ sit referenda, potuit enim efficacius obtulisse pro uno, quàm pro altero.

II.  
Primari prædestinatorum est Christus.

Notandum Terço: Ad recipiendam gratiam primam nullam requiri causam, dispositionemvè ex parte recipientis, præterquam in adultis convertentibus se ad DEUM, ubi necessaria est attritio saltem detestativa peccati, veluti DEI offensæ; nam sicut isti per proprium actum se averterunt à DEO, ita congruum est, ut per proprium se convertant. His notatis

III.  
Ad recipiendam gratiam primam nullam requiritur dispositio.

Probatur Primò: In primo instanti creationis Angelos omnes non æqualem accepisse gratiam, sed bonos majorem, malos minorem, Ultramque partem tenet D. Augustinus lib. 12. de Civit. cap. 9. ubi docet, Angelos malos vel minorem accepisse gratiam quàm bonos, vel si æqualem, bonos amplius fuisse adjuvos, utiq;

IV.  
Non acciperent æqualem gratiam.

per

per gratiam, adeoque maiorem acceperunt, ita enim dicit: *Isti autem, id est, mali Angeli, qui cum boni creati essent, tamen mali sunt, mala propria voluntate, quam bona natura non fecit, nisi cum à bono sponte defecit, ut mali causa non sit bonum, sed defectus à bono: aut minorem acceperunt amoris divini gratiam, quam illi, qui in eadem persisterunt: aut si utriusque boni equaliter creati sunt, istis mala voluntate cadentibus, illi amplius adiuti, adeam beatitudinis plenitudinem, unde se nunquam casuros certissimi fierent, pervenerunt.* Ex quo complures Theologi docent, Angelos quoad gratiam sanctificantem, fuisse æquales, non verò quoad gratiam auxiliantem, maxime ii, qui putant, sanctificantem accepisse iuxta cujuslibet dispositionem.

**Probatur etiã Ratione:** Non est verisimile, DEUM contulisset tantam gratiam non electis, quantam electis. Sed in contra

**Opponitur Autoritas D. Basilii supra D. Damasceni,** quibus similia habet D. Dionysius, qui omnes asserunt, Angelos secundum perfectionem naturæ sanctificationis gratiam accepisse. Respond. SS. Patres non loqui de Angelis sanctis per ordinem intentionis divinæ, & pro primo instanti creationis, sed prout sunt in termino. De Angelis autem talis libenter concedo totum, hi enim solum per ordinem ad naturam habent, sancti verò per ordinem ad utrumque.

**Instatur:** Convenientissimum est divinæ sapientiæ, ut Angeli perfectiores in natura sint perfectiores in gratia, etiam in ordine ad perfectiorem gradum gloriæ, quia quod perfectiores in natura, eo perfectiores in activitate ad diligendum DEUM. Respond. Primum: Verum est totum, sed non solum, quia licet etiam sanctis Angelis gratia sit perfectior data, secundum naturam, non tamen secundum solam, sed secundum electionem. Respond. Secundò, neg: antec: quia gratia & gloria non confertur per ordinem & na-

turam, Lucifer enim dignior fuit in natura cunctis Angelis, nunquam tamen fuit ad gloriam electus. Et licet perfectiores in natura potentius DEUM diligere possint, Angeli tamen ad dilectionem non continentur ex naturalitate, sed ex libertate per gratiam dispoñere.

**Dico Secundò:** *Angeli boni inter se iterum inæqualem acceperunt gratiam habitualement, similiter & mali per ordinem ad perfectionem naturæ.* Ita Theologi communiter. Probatur prima pars: Gratia sanctificans Angelis bonis data est in ordine ad gloriam consequendam tanquam finem suæ prædestinationis, media autem dantur proportionata ad finem, ergò prædestinato ad maiorem gradum gloriæ, maior gradus gratiæ erat dandus. Clarius: Sancti Angeli non sunt æquales in gloria, ergò nec æquales in gratia: antec: patet ex 1. Corinth. 15. Sancti differunt sicut stella à stella in claritate. Hinc S. Dionysius à Div. Paulo edoctus, ut ipse fatetur de coelest. Hierarch. c. 6. docet: *Primò Hierarchiã nullam esse diviniorem, & quæ majori studio divinis illustrationibus occupetur.* Et cap. 7. dicit: *Jure igitur ac merito coelestium Hierarchiarum prima à summis excellentissimis naturis administratur.* S. Thomas hoc probat ab exemplo artificis, qui eo ipso, quod aliquos lapides pulchrius adornat, ad honoratiorem ædificii partem eos adornat, ergò verisimile est; DEUM Angelos, quos in naturalibus excellentiores condidit, liceat merè gratuite, in donis gratiæ ante ceteros collocasse.

**Probatur secunda pars ex hac Ratione:** Inæqualitas gratiæ in malis non potest ex inæqualitate dispositionis inter eos oriri, cum nulla talis detur, nec ex inæqualitate gloriæ, cum ad illam non sint prævisi, ergò ad inæqualitatem perfectionis & majoris activitatis liberi arbitrii erit refundenda. Confirmatur: Quia ad divinam providentiam spectat activiori potentiæ impertiri per-

V.  
Angeli bñi  
inter se  
inæqualem  
acceperunt  
gratiam.

perfectiorem elevationem per gratiam.

Arguitur in contra : Magis propinquum ad gratiam videtur esse actus humanus, seu liber, quàm ipsa natura, sed DEUS non confert gratiam juxta mensuram actuum humanorum, quia gratia non est ex operibus, Rom. II. ergò multò minus contulit gratiam juxta mensuram naturalium. Respond. neg: maj: Quia nec actus ex solis naturalibus elicitur, nec ipsa natura est dispositio ullo modo necessitans DEUM ad gratiam conferendam, nihilominus quia actus rationalis creaturæ producuntur ab ipsa, & natura ipsa est immediatè à DEO solo, hinc magis DEUS respicit naturæ dignitatem, quàm actus ipsius, ne aliàs sibi potius quàm DEO tribueret creaturam, quod à solo DEO acceperat.

Instatur : Hominibus non datur gratia secundum gradum naturalium donorum, videlicet ingenii, bonæ indolis, ergò nec Angelis. Respond. neg. consequ: sed solum sequitur, quod nec Angelis quasi ex obligatione aliqua, sed ex solo DEI beneplacito distribuerit dona gratiæ secundum dona naturæ, & sicut ei ita placuit quoad Angelos, sic etiam quoad homines aliter disponere placuit, & fortè si mansisset homo in statu innocentiae, idem ei factum esset, quod Angelis.

Dico Tertiò : *Omnibus Angelis tam bonis, quàm malis datum fuit pro secunda morula actuale auxilium gratiæ excitantis, prævenientis, adjuvantis ad promerendam de condigno beatitudinem per finalem observantiam divinorum mandatorum.* Est de fide ex Tridentino Sess. 6. Can. 3. & 4. Probatur Ratione : Omnis actus meritorius sive sit circa finem, vel circa media ad finem, dicitur actus supernaturalis, ergò ad ejus efficientiam necessaria est gratia excitans & adjuvans liberum arbitrium ad efficiendum illos secundum regulam justitiæ infusæ, scilicet gratiæ sanctificantis.

Probatur Secundò : Quia gratia sanctificans datur propter condignitatem actus, motio verò actualis supernaturalis propter exercitium illius.

Probatur Tertiò : Ad adimplenda divina præcepta, ad vincendas omnes tentationes finaliter, prærequiritur donum perseverantiæ, sed istud includit omnia dona interiora & exteriora, quibus divina bonitas utitur ad prædestinatum finaliter vehendum ad beatitudinem.

Arguitur in contra : Angeli in prima mora fuerunt omnes uniformes in gratia habituali, in secunda verò secundum D. Augustin. suprà, à DEO non discreti seipsos discreverunt, ergò tunc non habuerunt actuale auxilium &c. Respond. In bonis & malis duplicem fuisse discretionem, unam in termino per finalem pœnam vel gloriam; alteram in via per meritum & demeritum, de prima locutus est Div. Augustinus, quadic, DEUM eos non discrevisse, antequam seipsos discernent, secunda ex parte bonorum Angelorum est etiam à DEO principaliter per auxilium efficax, secundariò ex libero eorum arbitrio : Ex parte verò malorum discretio viæ principalis fuit ex libero arbitrio eorum, negativè solum à DEO non tribuente eis majus auxilium; ita D. Augustin. lib. de corrept. & gratia cap. II. videatur ibi.

Instatur : In prima mora omnes habuerunt gratiam sanctificantem, ergò pro secunda nullum aliud actuale potuit esse necessarium. Respond. neg: consequ: Quia alioquin contra Trident. suprà cap. & Can. 16. nec hominibus justificatis esset speciale auxilium, ad perseverandum in gratia necessarium.

Dico Quartò : *Auxilium illud in secunda mora datum, in bonis efficax, in malis sufficiens tantum fuit.* Probatur prima pars : Tum, Quia perseverarunt : Tum, Quia D. Paulus I. Corinth. 4. ait : *Quis est, qui te discernit? Quid enim habes, quod non accer-*

VI.  
Pro secunda morula  
fuit eis dicta gratia  
actualis adjuvans.

VII.  
In bonis  
fuit efficax,  
in malis  
sufficiens.

accepisti? Et si accepisti, quid gloriaris? In quibus verbis necessitas auxilii efficacis tam in hominibus, quam Angelis insinuat, si enim æquale utrobique esset, possent boni gloriarì, quod propriis viribus perstitissent.

Probatur secunda pars ex Div. Augustin. lib. de corrept. & grat. c. 11. assimilante auxilium concessum Angelis malis, auxilio concessio ipsi Adæ, per quod perseverare tantum poterat, quod verò bonis fuit concessum, assimilat auxilio prædestinatorum finaliter perseverantium.

### QUESTIO QUARTA.

#### De Merito, & Via Angelorum.

11.  
Anli certi  
hic dicitur  
est.

**I**N hac materia nihil certi adstrui potest, præterquam quod ante hominis tentationem Angeli mali fuerint damnati, cum eam ab invidia diaboli processisse testetur Scriptura, nec hoc primum ejus peccatum fuit, cum jam tunc fuerit serpens, contra eos, qui dixerunt, Angelos necdum sexta die fuisse lapsos, ex eo, quod ibidem dicatur: *Et vidit DEUS cuncta, quæ fecerat, & erant valde bona*, nam hic commendatur bonitas physica & entitativa omnium rerum. Unde alii dixerunt, eos fuisse in termino secunda die quasi per divisionem aquarum, quæ sunt super firmamentum ab iis, quæ sunt infra, sit adumbrata explicatio divisionis Angelorum bonorum & malorum. Alii contra putant, Angelos jam prima die fuisse in termino, quod Scripturam insinuare putant, qua dicitur, quod DEUS divisit lucem à tenebris, quasi per lucem Angeli boni intelligantur, per tenebras Angeli mali, prout sentit S. Augustinus supra adductus, alit certum est, quod in his locis Scriptura agat de divisione lucis & aquarum corporalium. Unde nihil certi hic statui potest. His præsuppositis

11.  
Angeli boni  
quæ  
mali fuerint  
viatorum.

Dico Primò: Angeli tam boni quam mali fuerunt aliquando viatores, & per actus meritorios vel de-

meritorios ad suum per venerunt terminum. Ita Theologi communiter, & Probatur Primò autoritate S. Augustini, qui in lib. de corrept. & grat. cap. 10. supra abundè qu. 1. citato, qui videatur ibi, adde textum ex Authore de Ecclesi. dogmat. qui c. 34. dicit: *Et diabolus bonus esset, si in eo, quod factus est, permaneret. Sed quia naturali excellentià male usus est, & in veritate non stetit, non in contrariam substantiam transit, sed à summo bono, cui debuit adherere, discessit*, utique per demeritum suum proprium & liberum arbitrium, quod stare potuisset, si voluisset mereri pariter & beatitudinem cum aliis consequi. Quod confirmatur exemplo hominum, nam hos vult DEUS similiter merendo & demerendo cursum viæ consummare, ergo & Angelos. Ideo enim DEUS creaturas rationales instruxit libero arbitrio, ut ad supernaturalem, seu naturæ indebitam beatitudinem gratiæ cooperando pervenirent, aut libero arbitrio abutentes justè punirentur.

Dico Secundò: Angeli boni meruerunt beatitudinem suam, quam mali demerito suo perdididerunt. Hæc est contra Magistrum supra, & Probatur autoritate S. Augustini lib. de corrept. & gratia, cap. 10. ubi dicit: *Quapropter saluberrimè censemur, quod rectissime credimus, DEUM Dominum, rerum omnium, qui creavit omnia bona valde, & mala ex bonis exoritura esse præscivisse, & scivisse magis ad suam omnipotentissimam bonitatem pertinere, etiam de malis bene facere, quam mala esse non sinere; sic ordinasse Angelorum & hominum vitam, ut in ea prius ostenderet, quid posset eorum liberum arbitrium; deinde quid posset sue gratiæ beneficium justitiæ judicium. Denique Angeli quidam, quorum princeps est, qui dicitur diabolus, per liberum arbitrium à Domino DEO refuge facti sunt. Refugientes tamen ejus bonitatem qua beati fuerunt, non potuerunt ejus effugere judicium, per quod miserrimi effecti sunt. Ceteri autem per ipsam liberum*

11.  
Angeli boni  
meruerunt  
gloriam.  
mali  
demeruerunt.

*Arbitrium in veritate steterunt, eamque de suo casu nunquam futuro certissimam scire meruerunt. Vide, quomodo S. Pater docet Angelos per liberum arbitrium meruisse beatitudinem, ergo etiam illam demerito suo mali perdidit. Clarissimè idem docet D. Bernardus tract. de lib. arbit. & grat. cap. 4. ait : Sicut cælestis Angelus, aut etiam DEUS ipse, permanet libere bonus, propria videlicet voluntate, non aliqua extrinseca necessitate : sic profecto diabolus æquè libere in malum corrui, & persistit : suo utique voluntario nutu, non alieno impulsu. Confirmatur ex illo Apocalyp. 21. Mensura hominis, quæ est Angeli, id est, par ratio habendæ in illa beatitudine de homine ac Angelo, nam similes illis erimus, atqui homo suo merito debet ad illam pervenire, ergo & Angeli : Tùm ex omnibus dictis suprà q. 1. hujus Disputat. eò, quòd Angeli ab instanti creationis suæ non fuerunt beati, ergo illam meruerunt.*

**Dico Tertio: Duratio viæ Angelorum bonorum & malorum fuit æqualis.** Probatur: Quia divinæ misericordiæ convenientissimum est, quòd malis damnatis, bonis corona non differatur, de qua proinde debuissent esse anxii & solliciti, cùm DEUS sit promior ad præmiandum quàm puniendum: Et econtrà iustitiæ divinæ congruit, quòd bonis præmiatis, malis sententiam damnationis non differat.

Dico Quartò : *Via Angelorum*  
fuit valde brevis. Est communis Pa-  
trum & Doctorum, & Probatur Pri-  
mò ex Scriptura, Joann. 8. *Vos ex*  
*patre diaboli estis : & desideria patris*  
*vestri vultis facere : ille homicida erat*  
*ab initio, & in veritate non stetit.* Et  
1. Joann. 3. *Qui facit peccatum, ex dia-*  
*bolo est : quoniam ab initio diabolus*  
*peccat.* Ex quibus locis SS. Patres  
communiter deducunt, non diu post  
creationem diabolum à veritate re-  
cessisse & non stetisse, adeoque ab  
initio peccasse, sufficere hinc unum  
adducere Augustinum tùm lib. 11.  
Civit. c. 15. suprà : tùm alibi sæpè.

tum lib. 11. de Gen. ad lit. cap. 16. ostendit idipsum dicens : *In promptu est enim omnibus hoc intuitibus, non ex invidentia superbiam nasci, sed ex superbia potius invidentiam. Nec frustra putari potest ab initio temporis diabolus superbiâ cecidisse, nec ullum fuisse antea tempus, quo cum Angelis sanctis pacatus vixerit & beatus : sed ab ipso primordio creaturæ à suo creatore apostatasse, ut illud, quod Dominus ait : Ille homicida fuit ab initio, & in veritate non stetit : utrumque ab initio intelligamus, non solum quod homicida fuit, verum etiam quia in veritate non stetit. Et homicida quidem ab illo initio, ex quo homo potuit occidi, non autem potuit occidere antequam esset, qui occideretur. Ab initio ergo homicida diabolus, quia ipse occidit hominem primum, ante quem nullus hominum fuit. In veritate autem non stetit, & hoc ab initio, ex quo ipse creatus est, qui stare, si stare voluisset. Ubi etiam fuse refutat, ly ab initio non esse intelligendum ab ipsa creatione, seu ab ipso creatore conditum fuisse malum.*

**Probatur Secundò Rationibus:** Tùm ex perfectione potentiarum angelicarum, & auxiliorum supernaturalium: Tùm ex absentia impedimentorum in Spiritibus ad operandum, qui proinde sunt expeditissimi ad suos eliciendos actus. Tùm, Quia ad premium cœleste non requiritur diuturnitas, sed sufficit intensio actus, & appetitiva dilectio vehemens.

Dico Quintò : *Tota via Angelorum fuit absoluta tribus moris usque ad terminum inclusivè, in prima sunt omnes creati in gratia, in secunda meruerunt aliqui, & alii peccarunt, aliqui perseverarunt in bono, & alii obstinati facti, in tertia fuit consummata eorum discretio, fueruntque in termino.* Hæc est conformis ad mentem & doctrinam Scoti 2. d. §. qu. 2. §. De tertio articulo, ubi ait : Quo ergo, quodd boni, & mali fuerunt ab invicem discreti in via : aliter non fuissent discreti finali discretione in termino. In via ergo fuerunt neces-

farlo

IV.  
Bonorum  
et malorum  
aequalis  
luxuria.

V.  
 Via illo  
 Sitt valde  
 huc.

VI.  
Huc via  
fuit abfolu-  
ta tribus  
magnis.



sancti moræ duæ : prima, in qua fuerunt uniformes in gratia (si volumus dicere, quod mali habuerunt gratiam) vel uniformes saltem in natura. Secunda mora, in qua adhuc in via existentes, fuerunt diffformes : ita scilicet, quod isti ultimæ meruerunt : & isti ultimæ demeruerunt : Tertia mora fuit distinctio finalis unius ab alio necessario. Probabile est etiam, quod in secunda mora, in qua fuerunt diffformes in via, fuerunt multæ morulæ, quia mali peccaverunt multis speciebus peccati, scilicet superbiâ, odiô, & invidia : & isti actus ordinatè & non in eodem instanti fuerunt elicit, ut patet dist. 5. in principio : & est ibi authoritas Augustini.

mora fuerunt multæ morulæ elicitæ à malo.

Sed de prima mora, in qua fuerunt uniformes, potest probabiliter sustineri, quod in primo instanti fuerunt uniformes in statu naturæ, creati sine gratia. Postea in secundo instanti erant in gratia uniformes : & postea in tertio instanti viæ mali multipliciter demeruerunt, & boni multipliciter meruerunt : & in quarto fuerunt in termino. Et hoc videtur rationabile, quia sic experti erant de omni statu, & majorem occasionem habebant intensius eliciendi actum meritorium. postea, cum simul habebant gratiam ex hoc, quod experti erant, quod ex naturalibus in primo instanti hoc non poterant. Vel potest dici, quod primò erant uniformes creati in gratia, & in secundo instanti boni meruerunt, & mali demeruerunt ante terminum, quia DEUS non discernit eos, antequam fuissent inter se discreti. Hæc omnia Doctor subtilis, quæ fusiùs adducere volui, quia alibi nihil elegantius & efficacius ad propositam explicandam materiam invenire potui.

Hoc iterum patet per illud Apocal. *Fiebat prælium magnum in cælo* : & dicitur ibi, quod Michaël fecit victoriam, quæ victoria cedebat in laudem bonorum : hoc non fuit, nisi quia peccatum malorum Angelorum fuit incentivum temptationis in bonis, qui istam temptationem vicerunt. Cum igitur Angelus bonus non fuit præsciùs futurorum, prius fuit elicitum peccatum à malo Angelo, antequam, per ipsum esset, tentatio boni : & ideo in secunda

## DISPUTATIO OCTAVA.

### Lapsu Angelorum.

#### QUÆSTIO PRIMA.

*An possit dari Angelus, qui non sit labilis in peccatum, seu naturæ impeccabilis?*



**S**UPPONO pro nunc tanquam certum contra Manichæos, Priscillianistas, & Porphyrium, Angelos omnes etiam malos naturæ bonos esse, & per lapsum suum tantum fuisse malos factos, ut supra

visum est, & clarè habetur in cap. *Firmiter*. de Summa Trinitate, ubi dicitur : *Diaboli & alii Spiritus quidem à DEO creati sunt boni, sed ipsi per se facti sunt mali.* Item docet Leo I. in epist. 93. cap. 6. & S. Augustinus lib. 2. de Genes. contra Manichæos dicens : *Non enim naturæ, sed peccando diabolus factus est.* Sed econtrà hic quæritur, sicut de facto Angeli ex natura boni sunt, an etiam possint ex natura tam boni esse, ut labi, & peccare non possint ad quod

(\*) Gg 2

Dico

11.  
Natura  
rationalis  
da-  
ri non po-  
test impe-  
cabilis.

**Dico : Implicat dari creaturam**

**rationalem ex natura impeccabilem.**

Ita D. Bonaventura 2. d. 23. a. 1. q. 1.

Scotus ibidem, & communis Theologorum Sensus contra Occham, & nominales docentes : DEUM posse producere creaturam rationalem, alterius speciei ab homine & Angelo & libertate carentem, adeoque impotentem peccare. Item Conclusio est contra Durandum, existimantem, posse produci creaturam rationalem liberam à natura sua incapacem peccati, circa materiam virtutis & finis naturalis, non tamen circa materiam & finem virtutis supernaturalis. Probatur Conclusio Primò ex omnibus illis Scripturæ locis, in quibus DEO soli attribuitur immortalitas, ac immutabilitas à natura. Undè S. Anselmus lib. 2. *Cur DEUS homo.* cap. 10. respondens Discipulo quærenti, cur non potuerit DEUS facere creaturam rationalem impeccabilem per naturam? ait, *quia non potuit facere ipsum DEUM.* Et Augustinus lib. 3. contra Maximinum cap. 12. dicit : *Quicumque creatura naturali præstatur, ut peccare non possit, non est natura, sed gratia DEI.*

**Probatur Secundo Ratione :**

Ut voluntas sit impeccabilis à natura, debet à natura necessario esse conjuncta cum ultimo fine, sed nulla voluntas est ita conjuncta præter divinam, nec esse potest, ergò : Probatur minor : Quia hoc est maxime proprium DEO, quod sit à natura & incommutabiliter beatus, & fini ultimo inseparabiliter conjunctus. Confirmatur : Implicat id, quod est in essendo defectibile, in operando esse indefectibile, sed quælibet creatura possibilis est à natura defectibilis in essendo, ergò etiam in operando. Sed in contrarium sic

Arguitur : Potest DEUS facere aliquod corpus, quod non potest deordinari à mori suo, & consequenter qui non potest labi & peccare. Respond. neg. maj. Quia revera omne corpus sicut est defectibile in esse, ita est defectibile in moveri.

**Arguitur Secundo : Potest Deus**

facere naturam rationalem impeccabilem per gratiam, ut patet de Beatis, ergò etiam per naturam. Respond. neg. consequ. Quia facere impeccabilem per gratiam, non est facere simpliciter impeccabilem, sed tantum secundum quid, & supposita DEI mantenentiâ, facere verò impeccabilem per naturam est facere DEUM, quod implicat, ergò.

**Instatur :** Voluntas creata de facto vult necessario ultimum finem, ergò non repugnat dari creaturam, quæ necessario vellet non solum finem, sed etiam media ad finem, & sic nunquam peccaret. Respond. Primò, neg. antec. Quia nulla voluntas necessario necessitate quoad exercitium vult ultimum finem, nisi sola divina. Respond. Secundo, neg. consequ. Quia esto necessario tenderet in finem, non sequitur posse dari creaturam necessario tendentem in omne medium ordinatum ad finem.

**Arguitur Tertio : Impeccabili-**

tas stat cum libertate, ergò non repugnat dari creaturam liberam impeccabilem : Probatur antec. Quia secundum Anselmum *posse peccare non est libertatis, nec pars libertatis*, ergò potest stare libertas sine potentia ad peccandum. Respond. negant antec. loquendo de libertate creata & accidentali, cujus probationis antec. distinguo : Posse peccare præcise, & ut peccatum est privatio rectitudinis debita, non est libertas, vel pars libertatis, conc. Posse peccare &c. id est, posse elicere actum, cui annexa esse potest deformitas, nego, quia hoc est pars libertatis creatas. Vel dic, Anselmum ibi loqui de libertate, ut opponitur servituti peccati.

Vide dicta in primo Sententiarum tract. 3. disp. 1. q. 9. ubi dixi, non esse dabilem intellectum, qui eminenter, & virtualiter lumen gloriæ contineret, nec substantiam intellectualem, cui naturaliter competere DEI visio.

QUE

Quaest. II. An Angeli mali lapsi sint in primo instanti creat. suae, &c. 241

## QUAESTIO SECUNDA.

An Angeli mali lapsi sint in primo instanti creationis suae; vel saltem labi in illo potuerint?

I. **S**uppono cum D. Thoma, & tota sua Schola, quod Angelus in primo instanti sicut potuit esse beatus, ita etiam potuerit esse miser in primo instanti miseriae poenae, controversitur autem; an potuerit quoque esse miser miseriae culpae, seu peccati, in qua materia D. Thomas I. p. qu. 63. a. 5. Alensis 2. p. qu. 109. memb. 2. Durandus; Richardus &c. docent, implicare Angelum in primo instanti peccare. Verum

Dico Primò: *Angeli mali de facto in primo instanti creationis non sunt lapsi in peccatum aliquod.* Probatur Primò Authoritate Scripturae Ezechielis 28. *Tu signaculum similitudinis, plenus sapientia & perfectus decore.* & ex Concilio Bracharensi I. cap. 7. ubi damnantur dicentes: *Diabolus non fuisse prius bonum, quam à DEO factum.*

II. Angeli in primo instanti non peccaverunt.

Probatur Secundò Authoritate Patrum: Augustini lib. 11. Civit. ait: *Scripturam casum diaboli distinctè tradendo, disertè etiam innuere eo in statu prius fuisse sine peccato.* Lib. 11. Genes. litt. cap. 23. *Quod ergo putatur nunquam diabolus in veritate stetit, nunquam cum Angelis beatam duxisse vitam, sed ab ipso suae conditionis initio cecidisse, non sic accipiendum est, ut non propria voluntate depravatus, sed malus à bono DEO creditus putetur, alioquin non ab initio cecidisse diceretur. Neque enim cecidit, si talis est factus: sed factus continuò se à luce veritatis avertit, superbia tumidus, & propriae potestatis delectatione corruptus: unde beata atque angelica vitae dulcedinem non gustavit, quam non utique acceptam fastidivit, sed nolendo accipere deseruit & amisit.* Leo citatus supra dicens: *Diabolus bonus esset, si in eo, quod factus est, permansisset, ubi loquitur de gratia & bonitate non naturali, sed supernaturali.* Origenes hom. 1. in il-

lud Ezechielis, *Tu signaculum &c. dicit: Serpens non semper fuit. & infra: Serpens hostis contrarius veritatis, non statim à principio super peccatum suum & ventrem ambulavit, sicut nec Adam nec Eva statim peccaverunt.*

Probatur Tertiò Ratione: Omnes Angeli fuerunt creati in gratia sanctificante, sed gratia sanctificans est incompatibilis cum peccato, ergò nullus lapsus est, & peccavit in primo instanti.

Dices: sequeretur, quòd si fuerunt in gratia incompatibili cum peccato, de facto non potuisse peccare in primo instanti contra mox dicendam. Respond. neg. sequelam: Quia gratia de facto fuit eis donata, ex eo, quòd se determinarint non peccare prius naturà, quam gratia fuerit collata, unde absolute & simpliciter debet dici, quòd potuerint peccare, licet non potuerint peccare in sensu composito gratiae, quia non poterant gratiam cum peccato conjungere.

Dico Secundò: *Angeli in primo instanti creationis simpliciter poterant labi, & peccare.* Est Scoti 2. dist. qu. 2. Gregorius; Lichetus, Majoranius; Faber, Basolus, &c. contra Authores supra & Vasquez, hanc sententiam magis approbat disp. 236. Probatur Primò, Authoritate S. Augustini lib. 11. Civit. cap. 13. ubi ait: *Si Angeli essent mali à principio, malitia non esset attribuenda DEO, quia DEUS est causa efficiens non deficiens, ergò talis actus primus esset à voluntate Angeli, & consequenter à principio ab ipso esset peccatum.* Et lib. 11. de Gen. ad litt. cap. 16. dicens: *Nec frustra putari potest ab initio temporis diabolus superbia cecidisse; nec fuisse ullum antea tempus, quo cum Angelis sanctis pacatus vixerit & beatus: sed ab ipso primordio creaturae à suo Creatore apostatasse, ut illud, quod Dominus ait: Ille homicida fuit ab initio, & in veritate non stetit: utrumque ab initio intelligamus, non solum, quòd homicida fuit, verum etiam quia in veritate non stetit.*

III. Angeli in primo instanti non peccaverunt.

Probatur



**Probatur Secundo :** Potuit Angelus in primo instanti secundum adversarios mereri, ergo etiam demereri : probatur consequi : Quia libertas, quæ sufficit ad meritum, sufficit etiam ad demeritum : Tùm, Quia minus requiritur ad peccandum, quàm ad merendum, nam bonum ex integra causa, malum ex quocunque defectu : Tùm, Quia libertas, quæ sufficit ad meritum, est illa, secundum quam agens liberum potest bene vel male operari ( si enim necessarium operatur, jam non meretur ) ergo in libertate, quæ sufficit ad meritum, involvitur libertas, quæ sufficit ad demeritum.

**Dices :** Angelum fuisse determinatum ad operandum bene, ergo non habuit sufficientem libertatem, ergo &c. Respond. distin. ant: fuit de facto determinatus idque liberè, tunc: de possibili & absque libertate, nego. Nam ut dicit S. Augustinus lib. de duabus anim: peccatum nunquam est nisi in voluntate. Et lib. de vera Relig. Peccatum non est peccatum, nisi sit voluntarium, sed si esset determinatus ad bonum Angelus non esset liber saltem libertate contradictionis, ergo Angelus non habuit voluntatem, vel habuit liberam. Hinc

**Probatur Tertiò :** Potentia, quæ potest habere perfectam operationem, & non limitatur vel determinatur necessarium ad operandum rectè, potest habere operationem non rectam, sed talis fuit voluntas Angelus in primo instanti, ergo: Probatur min: Quia non fuit ex se magis determinata in primo instanti quàm in secundo, cum nihil reale intrinsicè habeat in primo quàm secundo instanti, sed in secundo non fuit determinata ad operandum rectè, ergo nec in primo.

**Confirmatur :** De facto peccaverunt Angeli in aliquo instanti, nempe in secundo, aut saltem potuerunt peccare in aliquo instanti posteriori, ergo etiam in primo: probatur consequi: quia omnia principia, quæ sufficiunt ad peccandum in se-

cundo instanti, habuerunt in primo, v. g. libertatem voluntatis, cognitionem boni & mali, negationem gratiæ efficacis, quæ determinaret ad non peccandum, concursum DEI paratum &c. ergo.

**Arguitur Primò :** Ratione Div. Thomæ pulchrà & veritatis speciem habente: Si Angelus potuisset peccare in primo instanti, idem peccatum necessarium tribueretur DEO, consequens est falsum, ergo: Probatur sequela, omnis operatio, quæ incipit cum esse rei, est effectivè à causa efficiente rem ipsam, ergo si peccatum Angeli esset in primo instanti, esset consequenter effectivè à DEO: antec: probatur exemplis: Quia descensus gravis deorsum est à gravitate, eò quod ille motus incipiat cum esse lapidis: Item claudicatio, quia incipit cum tibia clauda, effectivè est ab eo, qui est causa efficiens tibiæ claudæ, ergo idem in proposito. Respond. negando antec: Nam hæc ratio in pluribus deficit, Primò, Quia probaret quoque, quod nec Angelus mereri potuisset in primo instanti contra ipsum Div. Thomam, nam operatio bona & meritoria majori jure tribuenda esset soli DEO, quàm operatio mala. Secundo, Quia non magis dependet creatura à DEO in primo instanti, quàm in secundo & tertio, ergo non magis tribuenda est actio creature DEO in primo instanti, quàm in quocunque alio. Tertiò, quia sequela est expressè contra D. Augustinum 11. Civit. cap. 13. Qui dicunt Angelos in principio fuisse malos, non sentiunt cum Manichæis, qui ponebant unum DEUM malum immediate esse causam mali, verba ejus sunt: *Ab initio diabolus peccat: hoc est, ex quo creatus est, justitiam recusavit: quam nisi pia DEOq. subdita voluntas habere non possit. Huic sententiæ quisquis acquiescit, non cum illis hereticis sapit, id est, Manichæis: Et si quæ aliæ pestes ita sentiunt, quod suam quandam propriam tanquam ex adverso quodam principio diabolus habeat naturam mali: qui tanta vanitate*

ate desipiunt, ut cum verba ista evangelica in autoritate nobiscum habeant, non attendant, non dixisse Dominum, A veritate alienus fuit: sed in veritate non stetit, ubi à veritate lapsus intelligi voluit: in qua utique si stetisset, ejus particeps factus, beatus cum sanctis Angelis permaneret, &c. Ergo multo minus, qui dicunt, Angelos potuisse in principio peccasse, ergo non benè inferitur DEUM futurum causam peccati, si Angelus in primo instanti peccasset.

Undè Respond. Secundò: In forma neg: sequelam, ad probationem, neg: antec: si sit operatio defectuosa, quæ qua talis non requirit causam efficientem, sed deficientem, nec exempla faciunt ad propositum, nam primò militant contra adversarios, nam non magis tribuitur causæ gravitati grave primus descensus gravis, quam quivis alius postea secundus: nec magis tribuitur causæ causanti tibi claudam prima claudicatio, quam quæcunque alia, undè dico universaliter loquendo, quodsi omnis defectus soli causæ deficienti, non efficienti tribuatur, DEUS autem non est causa deficiens, ergò.

Instatur: Saltem videtur divinæ Sapientiæ consentaneum, ut non permittat in primo instanti peccare creaturas rationales, ne homines existiment ipsum esse causam peccati DEUM. Respond. neg: antec: Quia magis consentaneum est, ut DEUS permittat causas secundas motus suos agere, nec per hoc homines possunt existimare illum esse causam peccati magis, quam quod defacto permittat.

Arguitur Secundò: Voluntas Angeli in primo instanti non fuit, nec potuit esse libera, ergò nec peccare; probatur antec: Quia libertas est respectu futuri. Respond. Primò retorquendo argumentum, ergò nec potuit mereri. Respond. Secundò: neg: antec: cum sua probatione, nam secundum communem libertas non solum respicit futurum, sed etiam & maximè quidem præsens, nec ideo

dicitur aliquis liber, quia potuit agere vel non agere, sed quia hic & nunc, dum operatur, libere operatur.

Instatur: In primo instanti Angelus non potuit deliberare, ergò nec libere se determinare, nec consequenter peccare. Respond. Hanc instatiam solvit iterum replicatio de merito, quare Respond. aliter neg: antec: Quia ad deliberationem sufficit prioritas naturæ, in qua proponitur objectum, circa quod potest deliberare.

Arguitur Tertiò: Motus naturalis in primo instanti voluntatis Angeli fuit rectissimus, ergò etiam actus liber voluntatis fuit rectissimus, ergò in primo instanti non potuit peccare: antec: patet: Quia natura Angeli fuit condita à DEO rectissima; probatur prima consequentia, quia primus actus liberæ voluntatis sequitur actum naturalem ejusdem. Respond. neg: suppositum antecedentis, scilicet quod voluntas Angeli habuerit aliquem actum vel motum naturalem, quia hoc repugnat naturæ voluntatis, utpote essentialiter liberæ. Ad probationem dico, quod licet natura Angeli sit recta quoad naturalia non solum in primo instanti, sed etiam nunc, non tamen sequitur, quod in illo instanti habuerit aliquem motum naturalem.

### QUESTIO TERTIA.

An Angelus malus potuerit labi, & peccare appetendo æqualitatem DEI?

**P**RO Resolutione hujus Quæstionis Notandum Primò: Volitionem, qua quis objectum velle potest, duplicem esse, nempe absolutam & conditionatam, seu efficacem & inefficacem. Quæ exemplo declarantur; sint duo infirmi, unus sperans sanitatem recuperabilem, alter desperans de ea, ambo tamen volunt sanitatem, diversimodè tamen, nam primus vult eam, eligendo sibi media, & providendo de iisdem

<sup>L</sup>  
Volitio duplex  
efficax  
& inefficax.

(\*) Hh

dem ad sanitatem consequendam, unde hæc volitio semper est ex electione: Alter verò vult quidem sanitatem, sed non providet de mediis conducentibus, sicque non eligit, & tantum habet complacentiam de sanitate, & volitionem inefficacem: Et licet prima non sit impossibilia, est tamen secunda, & utraque sufficit ad meritum & demeritum, quia licet sit objectum aliquod impossibile, tamen pleno consensu potest in illud assentire, & ided ad questionem

tamen respectu eorum potentia sunt impossibilia.

Instabis: Si Angeli tantum potuerunt appetere voluntate inefficaci, sequitur eos per talem actum non potuisse peccare; probatur sequela: Quia talis volitio non est plenus consensus. Contra odium DEI, quo damnati volunt, DEUM non esse, est peccatum, & tamen illa volitio est imperfecta & inefficax, ergo ad peccandum non requiritur volitio efficax. Deinde actus, quo aliquis appetit alterius mortem, etiam defuncti est peccatum, sed talis mors est impossibilis, ergo.

Urgebis: Nec ex Aristotele, nec à pari potest demonstrari, quod impossibile possit cadere in volitionem, quod est simpliciter tale, bene tamen, quod est secundum quid tale, illa allegata tantum sunt secundum quid impossibilia, æqualitas autem DEI simpliciter est impossibilis, ergo; sic etiam damnati appetunt DEUM non esse, non per se, sed tantum per accidens, & secundum quid, quia appetunt poenam non esse, & consequenter secundum quid DEUM non esse, veluti auctorem poenæ. Contra iterum, siue damnati appetant DEUM non esse per se, siue per accidens, simpliciter impossibile est, ergo appetunt aliquod impossibile; quod autem hoc sit peccatum, patet, quia appetens mortem inimici jam defuncti propter suum bonum, seu vanam gloriam peccati, licet hoc per accidens petat propter aliud, peccat, ergo similiter damnati.

Probatur Quarto Ratione Scoti: Quia voluntas tam secundum affectum commodi, quam iustitiæ habet totum ens pro objecto adæquato, ergo sicut voluntas Angeli potuit se amare amore amicitia, ita potuit sibi concupiscere actu quodam complacentia quodcumque bonum concupiscibile secundum se, sed æqualitas DEI est summè concupiscibilis secundum se, quia summè eam appetit ipse DEUS, ergo potuit

III.

Lucifer potuit appetere æqualitatem DEI.

Dico Primò: *Angelus potuit appetere esse DEI, seu esse æqualem DEO volitione inefficaci & complacentia.* Ita Doctor subtilis 2. d. 6. q. 1. quem præter suos sequitur Gabriel ibidem, Vasquez. 1. p. Disp. 234. cap. 2. Probatur Primò ex D. Augustino lib. 53. qq. q. 30. *Quod voluntas creata potest uti fruendis, & frui utendis.* Ex quo potest argui, ergo etiam potest frui seipsa, at non potest frui nisi summo bono, ergo potest concupiscere sibi tantum bonum, quantum requiritur, ut sit objectum fruitionis, sed hoc est summum, estque esse æquale DEO, ergo potest æqualitatem DEI appetere.

Probatur Secundò: *Æqualitas DEI est aliquod bonum concupiscibile, sed omne bonum concupiscibile Angelus potest appetere, ergo æqualitatem DEI.* maji patet, probatur min: Quia voluntas secundum actum amoris amicitia & concupiscentia habet pro objecto totum ens, ergo.

Dices: Majorem esse falsam, quia bonum concupiscibile debet esse possibile aliquod, æqualitas DEI est impossibilis, ergo non potest appeti: Sed contra Aristoteles 3. Eth. cap. 2. dicit: quod impossibile nulla sit electio, bene tamen voluntas & amor complacentia, in hoc enim distinguitur voluntas efficax & inefficax. Et constat experientia, nam homines multi appetunt immortalitatem, convertere ligna & lapides in aurum & argentum, quæ

tuit Angelus eam sibi inefficaciter & inordinate velle: probatur consequenter. Quia si quid obstarat in proposito, maxime quia impossibile cognitum ut tale non potest appeti ullo modo, sed hoc non obstat, ergo, probatur min: Quia secundum Damascenum & Philosophum 3. Ethic. voluntas potest esse impossibile, & ratio est, quia bonum, cum sit passio entis, abstrahit ab actuali vel possibili mihi vel tibi, ergo dummodo res appareat in se bona vel commoda, poterit à quocunque inefficaciter saltem appeti. Tum denique, Quia damnati odiunt DEUM, ergo quantum in se est, volunt illum non esse, vel saltem iustitiam ejus non esse, quae tamen sciunt esse impossibilia, ergo impossibilitas non obstat.

tali conditione, sicut damnati velent DEUM non existere, & boni velent DEUM infinite laudare, poenitentes velent nunquam peccasse, &c.

Opponitur autoritas D. Augustini lib. 3. de lib. arbit. dicentis: *Neminem posse appetere non esse*, sed si Angelus appeteret aequalitatem DEI, appeteret sui non esse, ergo: Probatur min: Quia Angelum esse DEUM, includit Angelum non esse, quia Angelus esse nequit, nisi sit inferior DEO, ergo. Respond. Primò, opponendo aliam autoritatem, nam in alio loco ait, *si ego essem DEUS, & DEUS Augustinus, mallet me, quam me esse DEUM*. Respond. Secundò, dist. maj: voluntate ordinata, conc: maj: deordinata, in quantum per sui non esse mutaretur in melius, & perfectius esse, neg: maj: vel distinguo aliter ratione sui, in quantum est bonum ipsius subjecti, conc: maj: ratione adjuncti, nego maj: patet experientia, quia multi se diligunt, velletque diu vivere, sed quia vita ipsorum deberet habere adjunctam infamiam, ideo se interimunt.

Instatur: Angelus nequit appetere aequalitatem DEI, in quam mutetur, etiam voluntate deordinata, nisi judicet eam esse sibi bonam, sed non potuit judicare eam esse sibi bonam sine errore, ergo non potuit appetere: subsumo, sed antequam peccavit, non est dicendum, eum errasse, ergo non est dicendum, eum appetuisse, maxime cum secundum plures, superbia fuerit primum peccatum. Respond. distin: major: nequit efficaciter eam appetere, nisi judicet, quodd absolute sit sibi bona, conc: maj: inefficaciter, neg: maj: ad hoc enim sufficit simplex apprehensio boni sine judicio, quodd si etiam requiritur judicium, sufficit, quodd judicaret eam sibi bonam, ex suppositione, quod esset possibilis, non autem absolute & simpliciter, in hoc autem judicio nullus esset error.

(\*) Hh 2

Urge:

III.  
DEI aequalitatem tripliciter potuit appetere malus.

Itaque pro intelligentia & majori explicatione hujus rei & probabilitatis, nota tripliciter potuisse daemone appetere aequalitatem DEI, licet agnosceret eam esse impossibilem. Primò *Remotè & mediate*, quatenus vellet appetere istam aequalitatem, si foret possibilis, quod velle proximè respicit ipsam appetentiam aequalitatis, remotè autem aequalitatem. Secundo modo volendo aequalitatem immediate, sed in ordine ad aliquid aliud, sic v. g. ut possit colitquam DEUS, aut ut non cogere alicui subesse, prout damnati inefficaciter volunt, DEUM non esse, ut sic possint liberari à poenis. Et hunc sensum clare docent SS. Patres, Augustinus lib. 11. Gen. litt. cap. 23. ubi ait: *Ille autem continuò impius, consequenter & mente cecus non ex eo, quod accepit, cecinit, sed ex eo, quod acciperet, si subdiuoluisset DEO, quod profectò quia noluit, & ab eo, quod accepturus erat, cecidit, & potestatem illius, sub quo esse voluit, non evasit*. Tertiò appetendo inefficaciter ipsam aequalitatem propter se si esset possibilis, nec tali objecto sub conditione possibilitatis proposito deest ratio sufficiens appetibilitatis, cum nos subinde appetamus impossibilia sub

Urgetur: Angeli non appetiverunt impune æqualitatem DEI, ergo, talis actus non potuit esse inefficax, in quo ratio demeriti consisteret. Respond. talem actum fuisse, plenè liberum & deliberatum, consequenter imputabilem ad poenam, quia si aliquis defectus adesset: solummodò esset ex parte objecti voliti, non verò ex parte potentiae volentis. Et licet sit impossibilis, est tamen appetibilis. Denique, licet non sit verum ens, est tamen ens in apprehensione, quod appeti potest.

Arguitur Secundò: Angelum esse æqualem DEO includit contradictionem, sed quod includit contradictionem est non ens, ergo non potest appeti, quia non ens non continetur sub ente, quod est primum objectum intellectus & voluntatis; subsumo, sed quod non continetur sub objecto voluntatis, non est volubile, ergo æqualitas Angeli ad DEUM non est volibilis. Respond. Primò: Id, quod includit contradictionem esse quidem non ens realiter, esse tamen ens in apprehensione, & consequenter sicut potest apprehendi per modum entis, licet impossibilis, ita potest apprehendi per modum boni volibilis, licet impossibilis, adeoque potest appeti appetitu inefficaci. Respond. Secundò: Si argumentum valeret, quod primò sequeretur, quod nullo modo posset appeti impossibile contra adversarios, Secundò, quod non posset apprehendi, quia nihil potest apprehendi nisi verum, & nihil est verum, nisi quod est ens, sicut nihil potest appeti, nisi quod est bonum, nisi quod est ens.

Dico Secundò: *Quamvis incertum sit, Angelum appetisse æqualitatem DEI secundum naturam, probabile tamen est, illum aliquam æqualitatem appetisse de facto.* Hæc quoad primam partem videtur esse certa, & quoad secundam Scripturæ est conformior & planior. Probatur prima pars: Quia nec ratio, nec autoritas id convincit, ut patet ex dictis.

Probatur secunda pars: Quia sic planius intelligitur illud Isaie 14. *Qui dicebam in corde tuo, in cælum conscendam, super astra DEI exaltabo solium meum, sededo in monte testamenti, in lateribus Aquilonis: Ascendam super altitudinem nubium, similis ero Altissimo.* Et illud Ezechielis 28. *Hæc dicit Dominus DEUS, ed, quod elevatum est cor tuum, & dixisti, DEUS sum, & in cathedra DEI sedi, in corde maris &c.* Ubi ex persona Regis Tyri repræsentatur superbia diaboli: Joannes 8. *Ille, diabolus, homicida erat ab initio.*

Probatur Secundò ex Patribus: Nazianzeno, carmine sexto:

*Lucifer eximio nam quod frueretur honore,  
Sperabat regale DEI soliumq, decusq,*

Et postea:

*Dum DEUS esse cupit caligine totus obrutus est.*

Gregorius lib. 4. epist. 18. & lib. 34. Moral. cap. 16. cum dicit: Eum nulli voluisse subesse. Augustino 14. Civit. c. 11. voluisse eum æquari Altissimo. Ambrosius epist. 33 & in Psalmis 38. expressè asseruit: *Quod ille sic exaltavit, quod vellet æquari & similis esse Altissimo.* Chrysostom. hom. 3. de verbis Isaie: *DEI speravit æqualitatem, quæ res eum cælo expulit.* Hugo de S. Victore tract. 2. c. 4. *Similis esse voluit DEO, non per imitationem, sed per æqualitatem.* Pro Confirmatione potest assumi conjectura ex dæmonis superbiæ summâ, quæ se nunc & de facto permittit adorari & venerari à stregis & magis ut DEUS; qui justè hanc superbiam ad nihilum redegit valdè. Divus Bernardus eleganter explicat, qualem Lucifer æqualitatem appetierit tract. de duodecim grad. humil. cap. 10. dicens: Puto autem per aquilonem reprobandos homines fuisse designatos: *per sedem, potestatem in illos. Quos utique in præsentia DEI, quanto ei vicinior, tanto cæteris perspicacior prævidens, nullo quidem sapientiæ radio coruscantes, nullo Spiritus amore servien-*

IV.  
Angelum  
appetisse  
æqualita-  
tem aliquam  
probabile  
est.



serventes, velut vacuum repereris locum, affectasti super illos dominium, quos quadam tua astutiae claritate, perfunderes, tuae malitiae astibus inflammares: ut quomodo Altissimus sua sapientia ac bonitate omnibus filiis obedientiae praeerat, ita & tu super omnes filios superbiae rex constitutus, tuae astuta malitia ac malitiosa astutia regeres, per quod Altissimo similis esses.

#### QUAESTIO QUARTA.

Quisnam primus lapsus & peccatum Luciferi fuerit?

I. Quoniam, ut in priori conclusione visum fuit, Patres complures adstruunt, Luciferum peccasse superbiâ, ex eo, quod vel voluerit aequari DEO, vel voluerit habere dominium & superioritatem super omnes alios Angelos, & ipse sub nullo, quo peccato, vix credibile est, coeteros Angelos omnes peccasse, cum Scriptura de iis non sic loquatur, neque videntur consensisse in dominio Luciferi supra se, cum verisimilius sit, eos potius voluisse DEO creatori suo subesse quam Lucifero: Quidquid tamen sit, de omnibus quaestio examinanda.

II. Antequam autem ad resolutionem procedam, aliqua praesupponenda, & alia praenotanda erunt, & Primò suppono, indubitatum esse, Luciferum fuisse primum Angelorum omnium, qui ceciderunt, & probabiliter etiam omnium Angelorum creatorum supremus, nam ut dicit S. Bonaventura 2. d. 6. a. i. sic testantur auctoritates Scripturarum, & Patres de ipso intelligunt illud Job. 40. Ipse est principium viarum Domini. Ezech. 28. Tu Cherub extentus & protegens. Ubi Gregorius: Dum ceteris agminibus Angelorum praelatus eorum claritatem transcendit, ex eorum comparatione clarior fuit. De eodem etiam in persona Regis Tyri dicitur, Ezech. 31. Cedri non fuerunt altiores illo in paradiso DEI, abietes non aequaverunt summitem ejus, & platanus non fuerunt aqua

frondibus illius: omne lignum paradisi DEI non est assimilatum illi, & pulchritudini ejus. In quem locum Tertullianus ait: Eum fuisse in donis & bonis omnibus aliis praelatum. D. Bonaventura hac ratione confirmat: Quia Lucifer appetit omnibus praeesse, aded ut nulli in praesidendo subesset, sed non est verisimile, quod hoc appetivisset, nisi vidisset se in donis naturae cunctis praecellere. Nec obstat, quod apud Ezechielem Cherub appelletur, quia licet Seraphinus fuerit & supremus, Cherub tamen appellatur, quia scientia, unde Cherub nomen sumpsit, plerumque inflat, & stat etiam de lege ordinaria cum peccato, charitas autem Seraphinorum non est ambitiosa. Hoc supposito

Notandum Primò: Angelos quoad reatum fuisse capaces omnis generis peccatorum, non verò quoad effectum, id est, Angelos potuisse contrahere malitiam cujuscunque peccati, non autem proprium actum cujuscunque peccati elicere: Ratio est, quia Angeli cum sint purè spirituales, per se solum possunt exerce- re actus spirituales, materiales autem, quales sunt fornicatio, ebrietas, quanquam per se non possunt, possunt tamen malitiam contrahere, inducendo homines ad tales actus, & sic quoad reatum, possunt committere omnia peccata, quoad effectum autem sola spiritualia, & illa omnia contra D. Thomam sola peccata superbiae & invidiae posse esse in Angelis, cum tamen certum sit, eum posse odisse, desiderare, infidelis esse omissiones omittere &c. ergò.

Notandum Secundò: Duplicem esse actum voluntatis in genere, *velle* & *nolle*, & uterque est actus positivus, *nolle* est actus, quo voluntas fugit disconveniens; unde licet explicetur per verbum negativum, negatio tamen non est, sed verus actus positivus fugiendi: *Velle* est actus, quo quis prosequitur aliquod objectum, tanquam sibi conveniens. Et hic est iterum duplex ex Aristotele, nempe *amicitia* & *concupiscentia*:

III. Angeli quoad reatum sunt capaces omnis peccati.

IV. Duplex est actus voluntatis seu affectus.

Velle amicitia appellatur illud, quo quis amat suam vel alterius substantiam & essentiam; concupiscentia, quo amat & vult bona aut accidentia subjecti amati amore amicitia. Utriusque exemplum sic habet: Actus, quo Titius amat se vel Mævium, est actus velle seu amoris amicitia: Actus, quo Titius optat & vult sibi vel Mævio sanitatem, pecuniam, gloriam &c. est actus velle, seu amoris concupiscentia. Unde patet, istos actus non esse formaliter & obiectivè unicum actum, ut plures volunt Recentiores, quamvis se haberent per modum finis cui, & gratia cuius, ex hoc ipso enim magis deduceretur eorum distinctio. Patet insuper hos actus malè per hoc præcisè distingui, quod bonum delectabile vel honestum sit obiectum velle amicitia, respectu verò personæ dilectæ, vel diligentis dici concupiscentiam; quia isti duo actus taliter se habent, quod secundus semper præsupponat primum, undè in omnibus actibus tam ordinatis quàm inordinatis primus est actus velle amicitia, primò enim volo obiectum, cui volo bona, secundò concupisco illi bona, & postmodum sequuntur alii actus, ut nolendi incommoda, impediendi, defendendi, &c. & hoc tam verum est, sive sit velle ordinatum, respectu boni, sive inordinatum respectu mali. His itaque notatis

Dico Primò: *Primum Angeli*

peccatum fuit Philautia, seu inordinatus amor sui, potestque dici luxuria in sensu minus rigoroso. Est Scoti 2. d. 6. q. 2. Probatur Primò: Ex Patribus nostris Augustino lib. 14. de Civitat. cap. ult. ubi dicit, quod duo amores duas fecerint civitates, Amor DEI usque ad contemptum sui fecit civitatem DEI, & amor sui usque ad contemptum DEI fecit civitatem diaboli. Et eodem lib. cap. 13. ait: Superbia est perverse celsitudinis appetitus, sed, ut perverse aliquis aliquid appetat in celsitudine, prius inordinatè debet amare se, ergò Angelus si superbus fuit, primò nimi-

rum sibi in se complacuit. Et lib. quæst. vet. & nov. Testam. qu. 113. Cum causa (supple prima) miserie Angelorum queritur, ea meritò occurrit, quòd ab illo, qui summè est (amabilis) ad seipsos conversi sint, sed certum est, quod à nullo bono aliquis se avertat & convertat ad se, vel ad aliud, nisi sibi in illo alio placeat, ergò. Item epist. ad Diofcorum circa medium dicit: Primum autem peccatum, hoc est, primum voluntarium defectum esse, gaudere ad propriam potestatem. Audi cum amplius lib. 12. Civit. cap. 1. Alii sua potestate potius delectati, veluti bonum suum ipsi essent, à superiori communi omnium beatifico bono defluerunt, & habentes elationis fastum (complacentiam) pro excellentissima eternitate, studia partium pro individua charitate, superbi, fallaces, invidi effecti sunt. Ubi clarè ait, primò illos peccasse in seipsis delectatos, & ex hinc superbos, fallaces, & invidos effectos esse. Similia habet II Gen. litt. cap. 23. Hinc patet, quod idem sanctus Doctor ibidem videatur tenere, superbiam esse primum peccatum, ut frequenter debeat de superbia terminativè ex eo, quod amor inordinatus sui ipsius sit causa superbia, ex eo superbimus, qui in nobis inlebitè, vel in nostris complacemus. Imò ipse amor inordinatus sui ipsius potest dici superbia, in quantum est ultra debitum gradum, quod idem S. Doctor lib. II. Genes. cap. 14. elegantissimè declarat, dicens: Amado enim quisque excellentiam suam, vel paribus invidet, quòd ei coequantur: vel inferioribus, nè sibi coequantur: vel superioribus, quòd eis non coequetur. moxque subdit cap. 15. Primò perversus sui amor privat sancta societate turgidum spiritum, eumque coarctat miseria jam per iniquitatem satiari cupientem.

Probatur Secundò ex D. Bernardo serm. 3. verbis Isaia, ubi sic ait: Quid lucere festinas? Nondum illud advenit tempus, in quo fulgebunt iusti sicut sol in regno Patrie eorum.

v.  
Peccatum  
primum  
fuit Philau-  
tia.

*rum. Interim perniciosus est iste appetitus lucendi, servare enim multo melius. Denique, si tamen vehementer splendorem desideras, quod videri vis NB. esse curato, & primum quidem quære fervorem, nec dubium, quin & splendor adjiciatur tibi; alioquin incassum laboras. Qui sedere præsumpsit, in seipso voluit esse contentus (complacendo sibi) unde solam quoque hodie malitiam ejurit, quia solam habet hanc à semetipso.*

**Probatur Tertiò Ratione Primò:** Quia primum peccatum Angeli non fuit omissionis, ut communiter tenent omnes contra Durandum; cum non possit assignari, quoddam illud fuerit, ergò fuit commissionis contra aliquod præceptum negativum, sed inter peccata commissionis non est prima aliqua volitio, sed volitio (ideò enim ordinariè nolumus aliquid, quia volumus oppositum ejus) atqui inter volitiones primus est amor amicitiae, & non concupiscentiae, quia hic illum semper præsupponit, ergò primò peccavit peccato inordinati amoris sui ipsius, probatur hæc consequi: Quia hic amor non fuit circa DEUM, nam DEUS non potest nimium amari, nec circa alias creaturas, cum angelica natura sit cæteris perfectior, ergò fuit amor sui ipsius.

**Dices:** Amorem concupiscentiae & amicitiae non distingui, & consequenter eo ipso, quò amavit seipsum, concupivit excellentiam super alios. Contra Aristoteles 2. de anima docet, actus distingui per objecta, sed hi amores habent diversa objecta, actus enim amicitiae tendit in substantiam, concupiscentiae in accidens, scilicet in excellentiam, ergò illi actus distinguuntur.

**Instabis:** Posito etiam, hos actus distingui, adhuc tamen non sequitur actum amicitiae esse peccatum, quia deberet illud facere intensio, sed hæc non facit, quia intensio non addit aliquam malitiam actui. Respond. neg. antec: cum probationis min: & altera prob: Quia actus amandi proximum intensius

DEO, est peccatum, ergò intensio tribuit & addit malitiam actui. Deinde omnis actus difformis rectæ rationi & regulæ est peccatum, sed intensissimus amor sui est contra rectam rationem & regulam, quæ dicitur DEUM esse diligendum super omnia, ergò.

**Probatur Ratione Secundo:** Primum peccatum Angeli non fuit superbia, ergò fuit inordinatus amor sui ipsius; probatur antec: Tum, Quia superbia est immoderatus amor excellentiæ; amor amicitiae est immoderatus amor sui; hic autem præcedit priorem, ergò. Tum, Quia inordinatus amor proximi non est superbia formaliter, sed inordinatus amor sui & proximi sunt ejusdem rationis, ergò si inordinatus amor proximi non est formaliter superbia, nec erit sui ipsius.

**Probatur Tertiò Ratione:** Nemo potest appetere excellentiam propriam super alios (qui est actus superbiæ) nisi prius inordinatè amet seipsum, in se, antequam comparet se ad alios, ergò: Probatur antec: Quia superbia propria respicit alios juxta illud D. Augustini 19. Civit. c. 12. *Superbia perverſè imitatur DEUM, odit namque cum sociis equalitatem sub illo; sed imponere vult sociis denominationem sub illo, sed prius est, quòd aliquis habeat actum circa seipsum, quàm per ordinem ad alios; si non quærat ab aliquo, quare vis dives esse, dominus esse, &c: profectò respondebit, quia amat seipsum, & licet non responderet, tamen dominandi potestas affectata oritur ex sui complacencia & amore.*

**Opponitur contra Conclusiorem Primò:** Farrago Authoritatem Scripturæ & Patrum, qui omnes clamare videntur, primum peccatum Angeli fuisse superbiam, ut Tobias 4. Ecclesiast. 10. *Initium omnis peccati superbia*, & alibi sæpè, ergò sic tenendum: Respond. Primò SS. Patres velle, quòd Angeli peccaverint peccat superbiæ, sed non primò: Respond. Secundo: eos intelligendos esse de superbia radicali, quæ est amor



amor ſui ipſius ſic Petrus Chryſoſo-  
 gus ſerm. 4. Invidiam vocat primam  
 labem, quæ Angelum deſecit de cor-  
 do, ubi loquitur de invidia in radice  
 conſiderata, quæ eſt ſuperbia. Sic  
 etiam dicitur avaritia radix omnium  
 malorum juxta illud 1. Tim. ultim:  
*Radix enim omnium malorum eſt cupi-*  
*diſas.* Tertio: Intelligi poſſunt, ſu-  
 perbiam dæmonum eſſe initium,  
 peccatorum omnium hominum.  
 Reſpond. Quarto: Patres loqui de  
 ſuperbia, quæ convenit omni pec-  
 cato, eſtque converſio ad creaturam  
 & averſio à DEO, ut patet ex D. Au-  
 guſtino ſuprà pro Concluſione rela-  
 to, unde etiam de tali averſione lib.  
 17. Civit. cap. 6. ait: *Hoc vitium*  
*quid potuit eſſe, niſi ſuperbia.* Tan-  
 dem primum peccatum Angelorum  
 poteſt dici terminativè ſuperbia.

Arguitur ex ratione: In amore  
 amicitiae non poteſt eſſe aliqua mali-  
 tia, ergò non poteſt eſſe primum  
 peccatum. Probatur antec: Quia a-  
 mare ſe, valde connaturale eſt, &  
 rationi rectæ conforme, eſtque ob-  
 jectum amabile & bonum, ergò.  
 Reſpond. diſtinct: antec: in amore a-  
 micitiæ ordinato, conc: antec: inor-  
 dinato neg: antec: hic enim non eſt  
 conformis rectæ rationi, ut dixi ſu-  
 pra, maxime ſi fiat cum tanta inten-  
 ſione & complacentia, ut in ſe ipſo  
 ſtare vellet, & quieſcere, cum tamen  
 eſſet ordinatus ad aliud obiectum,  
 nempe divinum, quod ſibi virtua-  
 liter in iſto actu amoris concupi-  
 vit.

Inſtatur: Nemo peccat elicien-  
 do actum quantumcunque inten-  
 ſum, ſi ex genere ſuo ſit bonus &  
 non viciatus ex circumſtantia, ergò  
 nec per intenſionem amoris amicitiae.  
 Reſpond. neg: ant: primò ſi in-  
 tenſio ſit prohibita aliqua lex ſicut  
 naturali eſt prohibitum diligere ſe  
 plus quam DEUM. Secundò, ſi in-  
 tenſio ſit impedimentum majoris  
 boni, vel adimplendi præcepti.

Urgetur: Si Angelus ſe plus  
 amavit quam DEUM, & ſic DEUM  
 contempſit, vel de ſua excellentia  
 præſumpſit, & eam ſibi arrogavit,

quod etiam peccatum ſuperbiae eſt,  
 quia præſumptio eſt prima ſpecies,  
 ergò primum peccatum non fuit a-  
 mor ſui ipſius, ſed ſuperbia. Re-  
 ſpond. Amorem illum inordinatum  
 intenſum, radicaliter, vel virtualiter,  
 vel concomitanter, vel efficienter  
 poſſe dici ſuperbiam & præſumptio-  
 nem, quatenus præſumens vult bo-  
 num ſuum eſſe magnum in ſe, bo-  
 nis etiam aliorum præferendum.

Dico Secundò: *Ille inordinatus* VI.  
*amor ſui propriè poteſt dici luxuria* Amor in-  
*ſpiritualis.* Ita Scotus 2. d. 6. q. 2. art. ordinatus  
 2. §. quantum ad primum. Proba- hic eſt lu-  
 tur Primò: Malitia ejusdem ratio- xuria ſpi-  
 nis videtur eſſe inordinatè amare ſe, tualis.  
 vel alium amore amicitiae, ſed aman-  
 do alium immoderatè nullus dicitur  
 ſuperbus vel præſumptuoſus, ergò  
 nec ſe inordinatè amando dicitur ſu-  
 perbus ſed luxurioſus, nam ſecun-  
 dum Div. Thomam omne pecca-  
 tum per exceſſum poteſt dici luxu-  
 ria.

Probatur Secundò: Sicut inor-  
 dinata dilectio carnis & corporis di-  
 citur luxuria carnalis, ita inordina-  
 ta delectatio ſpiritus poteſt dici lu-  
 xuria ſpiritualis, nam juxta gloſſ. in  
 cap. 5. ad Gal. quælibet ſuperfluitas  
 eſt luxuria, ergò nimis exceſſus a-  
 moris propriæ excellentiæ optimè  
 poteſt dici luxuria ſpiritualis. Con-  
 firmatur: Quia ſi quis immoderatè  
 delectaretur in ſpeculatione alicu-  
 jus concluſionis geometricæ, vel  
 aſtronomicae &c. luxuriaretur, unde  
 ſimilia ingenia inventioſa, luxurian-  
 tia à Pontificibus appellantur, ergò  
 etiam Angelus delectando ſe in ſe-  
 metipſo luxuriatus eſt. Sed in con-  
 tra ſic

Arguitur: Appetitus rei dele-  
 ctabilis non eſt aliquod ſpeciale pec-  
 catum, ſed reducitur ad illam speci-  
 em, ad quam reducitur obiectum  
 ejus, v. g. delectatio in venereis di-  
 citur luxuria; in cibo & potu gula;  
 in laude, inanis gloria; in divitiis,  
 avaritia: ergò ſimiliter inordinata  
 delectatio propriæ excellentiæ re-  
 duci potius debet ad ſuperbiam,  
 quam luxuriam. Reſpond. diſtinct:  
 conſeq:

consequi: si sit delectatio propriae excellentiae respectivè ad alios, conc: fin minus, nego consequi: nisi improprie, quia sicut delectatio venerea & carnalis peculiari modo dicitur voluptas, & si sit inordinata, dicitur luxuria, quia circa delectabile proprium carnis, ita appetitus propriae magnitudinis seu excellentiae, quae peculiari modo est bonum delectabile spiritus, dicitur delectatio, & si sit inordinata, proprie potest dici luxuria spiritualis, porro in veritate rei, videtur esse quaestio de nomine, nam utraque sententia admittit primum ejus peccatum fuisse inordinatam complacentiam ipsius, seu propriae excellentiae, disputent postmodum, ad quod vitium proprie pertineat, de quo non est multum curandum, dummodò sciatur, quinam fuerit primus lapsus & peccatum Luciferi.

## QUAESTIO QUINTA.

De aliis peccatis, in qua Angeli lapsi sunt.

**H**abito & fortè invento omnium malorum principio & radice, breviter videndum est, quanam peccata ex illo inordinato amore profluxerint, in quae Angeli miserè lapsi fuerunt, certum enim est apud omnes non uno solo peccato fuisse inforditos, sed pluribus, ex uno enim absurdo plura ordinariè subsequuntur. Itaque

Dico Primò: De facto demon peccavit etiam peccato superbiae. Est Scoti d. 5. q. 2. n. 16. & dist. 6. qu. 2. num. 13. cum Theologis & Patribus communiter. Probatur Primò Isaiae 14. Quomodo cecidisti de caelo Lucifer, qui mane oriebaris? corruisti in terram, qui vulnerabas gentes? qui dicebas in corde tuo: In caelum conscendam, super astra DEI exaltabo solium meum, sedabo in monte testamenti, in lateribus Aquilonis. Ezechiel. 28. Et elevatum est cor tuum in decore tuo: perdidisti sapientiam tuam in decore tuo, in terram projecisti. Job 41. de

Behemot, qui est figura diaboli, dicitur: Omne sublime videt, ipse est rex super universos filios superbiae. 1. ad Timoth. 3. Non neophytum, nè in superbiam elatus in iudicium incidat diaboli, id est, ut explicat noster Sabbuoth, in condemnationem, in quam devenit diabolus ob suam superbiam.

Probatur Secundò: Ex D. Augustino lib. 11. Genes. litt. cap. 14. Nonnulli enim dicunt ipsum ei fuisse casum à supernis sedibus, quod inviderit homini factò ad imaginem DEI. Porro hæc invidia sequitur superbiam, non praecedit: non enim causa superbiendi est invidentia, sed causa invidendi superbia. Cum igitur superbia sit amor excellentiae propriae, invidia verò sit odium felicitatis alienae, quid undè nascatur satis in promptu est. Et lib. 14. Civit. cap. 1. Superbus ille Angelus, ac per hoc invidus, per eandem superbiam à DEO ad semetipsum conversus, & quodam quasi tyrannico fastu gaudere subditis, quam esse subditus eligens, de spiritali paradiso cecidit: de cujus lapsu sociorum ejus, qui ex Angelis DEI Angeli ejus effecti sunt, in libris undecimo & duodecimo hujus operis satis, quantum potui, disputavi: maleuada verjusia in hominis sensum serpere affectans: cui utique stanti, quoniam ipse ceciderat, invidebat, colubrum in paradiso corporali, ubi cum duobus illis hominibus masculo & femina, animalia etiam terrestria cetera subdita & innoxia versabantur, animal scilicet lumbriticum & tortuosus anfractibus mobile, operi suo congruum, per quem loqueretur, elegit. Et Divo Bernardo serm. 1. de adventu: Quid superbi terra & cinis? Si superbientibus Angelis DEUS non pepercit: quanto magis tibi putredo & vermis? Nihil ille fecit, nihil operatus est, tantum cogitavit superbiam, & in momento, in idu oculi, irreparabiliter precipitatus est: quia juxta Evangelistam, in veritate non stetit. Fugite superbiam. Fratres mei (quaso) multum fugite. Initium omnis peccati superbia: quæ tam velociter ipsum quoque sideribus

cunctis clarius micantem eterna caligine obsenebravit Luciferum, quæ non modo Angelum, sed Angelorum primum in diabolum commutavit. Item serm. 11. in Psalm. 90. Considerato viarum ipsius principia, si non manifestè in inumanissimam profiliit statim præsumptionem dicens, sededo in monte testamenti, in lateribus Aquilonis, similis ero Altissimo, quàm temeraria quidique horrenda præsumptio? Atqui præsumptio est superbiæ filia, ergo. Unde ipse Div. Bernardus, & alii Patres frequenter docent, eum nemini voluisse subesse, & aliis præesse, quæ sunt peccata furti & tyrannidis contra iustitiam.

111.  
Dæmon  
peccavit  
peccato  
concupiscentiæ  
be-  
atitudinis  
supernaturalis.

Dico Secundo: Dæmon quoque peccavit amore concupiscentiæ, nimis inordinatè appetendo beatitudinem supernaturalem. Ita Doctor subtilis supra. Probatur Primò ex S. Bernardo supra serm. 3. de Verbis Isaïæ, ubi clarè loquitur, eum beatitudinem nimis inordinatè appetiisse. Et Anselmus lib. de casu diaboli cap. 2. Appetit, inquit, dæmon, ad quod pervenisset, si stetisset.

Probatur Secundo Ratione: Primus amor concupiscentiæ Angeli non fuit circa aliquod honestum & utile, ergo circa delectabile, patet antec: Quia peccavit, appetitus autem honesti semper honestus est, conformatur enim semper rectæ rationi; nec etiam fuit utile, hoc enim semper ordinatur ad aliud; Angeli autem non appetierunt primò media, sed finem, ergo aliquod maximè delectabile, sed maximè delectabile est beatitudo supernaturalis, ergo illam maximè appetierunt, quod probatur, quia appetentes non appetierunt secundum affectionem iustitiæ, alioquin non peccassent, sed secundum affectionem commodi, quandocumque autem appetitur secundum affectum inordinatum, commodi, appetitur primò & principalissimè, quod maximè est commodum, quia appetitus inordinatus fertur secundum suam totam potentiam, nam talis appetitus inordina-

tus magis tendit in delectabile, quàm appetitus sensualis.

Dices: Angelus non potuit peccare appetendo beatitudinem, cum ad eam fuerit ordinatus, ergo. Respond. neg: antec: Quia iuxta Doctorem subtilem tripliciter id fieri potuit; primò appetendo eam sibi magis inesse, quàm DEO, & in quantum est bonum sibi, non in quantum est bonum in se. Secundo, appetendo eam citius, quàm DEUS voluerit dare. Tertiò, appetendo eam sine meritis, sed ex propriis viribus naturalibus; ut propter hoc non videretur obligatus DEO, à cuius obedientia se subtrahere voluit, quem modum appetendi; de quo Authores variant, Doctor subtilis magis approbat, & confirmat ex S. Gregorio q. 84. ubi de dæmone inquit: Relicto, qui verè sibi sufficere poterat, se sibi sufficere putabat, id est, putabat se suis viribus posse assequi beatitudinem.

Dico Tertiò: Angelus etiam peccavit, concupiscendo unionem hypostaticam, eamque invidendo naturæ humanæ, si ut etiam beatitudinem bonis invidit. Ita Alensis, Catharinus in opusculo de gloria bonorum Angelorum, & est plausibilis in scholis, & favet Scriptura, Sapient. 2. Invidia diaboli peccatum intravit in orbem terrarum. Probatur Primò ex D. Bernardo serm. 17. in Cant. dicente: Potuit autem contingere (si tamen incredibile non putetur) plenum sapientiæ & decore, homines præscire futuros potuisse, etiam & profecturos in parem gloriam, sed si præcivit in DEI Verbo specie vel revelatione, absque dubio vidit & invidit & molitus est habere subiectos, socios dedignatus. Inferiores sunt, inquit, inferioresque naturæ non decet esse concives, &c. Et serm. i. de adventu: Unde & protinus invidens homini, quam conceperat in semetipso, in eo peperit iniquitatem; suadens ut lignum vetitum gustans fieret sicut DEUS, sciens bonum & malum.

Rupertus 8. in Joann. cap. 8. super illud: Ille homicida erat ab initio,

hodie dicit: Ex quo diabolus vidit mysterium Incarnationis, odio profectus est Christum, & inde mortem illi machinatum fuisse.

Probatur Secundo: Ratione desumptâ ex Bernardo: Angelus invidet homini excellentiam Incarnationis, ergo verisimile est, eam sibi inordinate appetivisse: patet consequi: Quia ut plurimum videmus, quod illud appetamus nobis, quod aliis invidemus, si finis æquè capaces. Tum, Quia Scriptura clare attestatur, Angelum voluisse esse similem DEO in natura, saltem quantum est possibile creaturæ; sed per nihil aliud magis potest DEO assimilari in natura, quam per unionem hypostaticam, per quam natura creatâ quodammodo deificatur; ergo: Tum denique, non ignorabat Angelus unionem hypostaticam esse summè bonam; quod possit creaturæ communicari, ergo verisimile est, quod ejus inordinatus appetitus in illam ferebatur.

Dico Quarto: Lucifer etiam peccavit peccato scandali, quatenus suum affectum aliis manifestando, eos ad similem effectum alliciendo non necessitando induxit. Itâ Div. Bernardus serm. 2. de verbis Isaïæ, ubi ait: Fuit quippe in eis, qui diceret, ponam sedem meam ad Aquilonem, & populum, qui sibi crederet, habuit, miser ille, qui sine DEO esse maluit, quam sub DEO, illi, qui videntes furem, cecurrerunt cum eo. Similiter docent alii Scholastici & Patres mox citandi.

Probatur Primo ex S. Scripturâ Ezech. 28. Apocal. 12. Drâco magnus & rufus, & cauda ejus trabeat tertiam partem stellarum.

Probatur Secundo ex Patribus: Bernardo suprâ, & tract. de gradibus humilit. Ambrosius cap. 33. Gregorius lib. 3. moral. cap. 18. Chrysost. in Psalm. 14. Cyrillus Hierosol. Catechesi 2. Nazianzen. carm. 2. de substants ratione præditis. Origen. 1. Periarchon. Cæsarius Dialogo 1. Tertull. Prosper.

Probatur Tertiò Ratione: Quia omnes Angeli Luciferò subduntur, & illis dominatur juxta illud Job 41. Ipse est rex super omnis mali filios superbie, ergo signum est, quod omnes illius suggestioni consenserint, adeoque scandalum aliis præbuerint. Probatur consequi: Quia justitiæ divinæ convenit, ut qui alicujus voluntati consensit in culpa, subjiciatur ejusdem potestati, juxta illud 2. Petri 2. A quo quis superatus est, bujus & est servus. Deinde potuit eos adducere, ad peccandum tum malo exemplo, tum proponendo motiva illa, quibus ipsemet flectebatur ad peccatum, quæ sicut apud ipsum prævaluerunt; ita etiam alios potuerunt convincere. Sed in contra hie

Arguitur: Si alii ex instinctu Luciferi peccârunt, ergo peccârunt vel illi consentiendo ut ipse ut non Deus præesset illis, vel appetendo sibi tantam excellentiam, quantum Luciferi simul, sed neutrum potest dici, ergo: Probatur min: Non primum, quia non est verisimile, quod magis Luciferò vellent servire, quam DEO, quem sciverunt esse Luciferò longe excellentiorem: nec etiam secundum, Quia tunc non Luciferò consentirent, sed quilibet sibi istam gloriam arrogaret, ergo: Respondi. malos Angelos peccasse consentiendo Luciferò, non quidem petero discedere ejus prædominium, sed approbandò ejus appetentiam, unde quilibet appetebat excellentiam propriam, ut nemini subiceretur, & insuper appetebant beatitudinem supernaturalem ex suis naturalibus, sicut Lucifer, & cum viderent, se non posse ad tantum fastigium pervenire, nisi prius sublevaretur Lucifer, quem in naturalibus videbant excellere, hinc appetiverunt etiam Luciferò istam sublimitatem & prælaturam, & sic ejus consenserunt superbie. Quod autem postmodum elegerint magis Luciferò quam DEO, in hoc ostenditur eorum inordinatus affectus, & rebellio, sicut hodie videmus rebelles quosdam magis elige

gere subesse suo convasallo, quam proprio, legitimo, & coronato Regi.

Instatur: Omnes Angeli simul peccarunt, ergo peccatum Luciferi non potuit aliis esse occasio peccandi. Respond. neg: antec: vel potius distin: simul tempore, conc: naturā, neg. antec.

Dico Quintò: *Peccatum Luciferi multo gravius fuit quam reliquorum Angelorum lapsorum.* Ita communis sensus Patrum & Theologorum, & Probatur breviter tum ratione excellentiæ ejus præ aliis: Tum ratione exempli & scandali dati: Tum denique, Quia præcessit, sicut cæteris paribus peccata prælatorum sunt multo graviora peccatis subditorum.

Quæres: An plures Angeli lapsi sint, quam permanerint? Respond. Plures omnino remansisse, quam lapsi fuerint: Tum, Quia ex Scriptura non constat, nisi solam tertiam partem caudā draconis de cælo tractam fuisse: Tum, Quia de bonis Angelis intelligitur illud Elisæi 4. Reg. 6. *Plures nobiscum sunt, quam cum illis.* Et licet aliqui Patres dicant infinitam multitudinem cecidisse, intelligendi tamen sunt de infinitate rhetorica, & magna multitudine, cum quo tamen bene stat, quod multo plures remanserint.

## QUÆSTIO SEXTA.

*De obstinatione demonum in malo, ad non operandum bene, & causa hujus obstinationis.*

Suppono Primò ex D. Dionysio lib. de divin. nom. cap. 4. p. 4. naturalia omnia in ipsis mansisse integra, omnia tamen dona alia, sive per se, sive per accidens infusa, sublata esse; species eis concreatæ rerum naturalium etiam in ipsis probabiliter manserunt, utpote cum sint connaturales quoad capacitatem, cum res perfectè de facto cognoscant. Eas tamen, quas operâ

intellectus agentis acquisierunt, quibus in statu damnationis multas alias adjunxerunt, certum est mansisse, ratione quarum adjuncta perfectione naturalis potentiæ intellectivæ acutissimè judicare possunt de veritatibus naturalibus, tam speculativis, quam practicis, item multa de rebus supernaturalibus per scientiam naturalem, quam acquisierunt vel ex signis, vel ex collocazione cum bonis, aut malis.

Suppono Secundò: *DEUM absolute potuisse dare Angelis lapsis gratiam poenitentiae, sicut dedit hominibus, per quam redirent, de facto tamen non dedisse, nec Angelum lapsum viribus naturæ conteri, & ad DEUM converti sine speciali DEI auxilio; quibus præsuppositis*

Notandum est: *Obstinationem esse duplicem, Positivam scilicet & Negativam: Positiva consistit in continuatione actualis odii DEI, seu aliorum inordinatorum affectuum, & pravarum operationum. Negativa seu Privativa consistit in impenitentia seu carentia perpetua salutaris poenitentiae, & ab hac voluntas Angelorum dicitur obstinata in malo suo, seu peccato habituali, quatenus illud per conversionem ad DEUM nunquam tollitur, adeoque perpetuo manebit in statu peccati, cum jam sint in termino, & illud non meruerint in via.*

Dico Primò: *Dæmones sunt obstinati in malo, ut de facto nunquam sint reversuri ad DEI gratiam:* Est communis mens & sensus omnium Theologorum. Probatur Primò ex Scriptura Psalm. 73. *Superbia eorum, qui te oderunt, ascendit semper.* Eccles. 11. *Ubi cecideris lignum, ibi erit.*

Probatur Secundò ex Patribus: Augustino de fide ad Petrum: *Sic creavit DEUS Angelos, ut qui vellet, perpetuo boni essent, & qui nollet, nunquam eos divina gratia recuperaret.* D. Bernardus serm. 11. in Psalm. 99. dicens: *Propter presumptionem stare non posuerunt, propter obstina-*

VI.  
Luciferi  
peccatum  
est aliud  
quod gra-  
vius est

II.  
Obstinatio  
duplex est

III.  
Obstinatio  
duplex est

III.  
Dæmones  
sunt in ma-  
lo obsti-  
nati

L  
Species  
concreatæ  
manserunt  
aliquæ in  
Angelis



obstinationem, qui cecidit, non adficiet, ut resurgat, Damascenus lib. 2. Orthodoxæ Fidei cap. 18. Hoc, inquit, est Angelis casus, quod hominibus mors, sed homo post mortem manet obstinatus in peccato, in quo mortuus est, ergo etiam Angelus post suum casum mansit obstinatus. Sed in contra sic

Arguitur : Voluntas dæmonum potest rectificari, ergo non est obstinata in malo : Probat : antec : Ad rectificationem voluntatis sufficit ex parte DEI condonatio, & ex parte Angeli pœnitentia, sed utrumque est possibile, ergo : maj : patet, probatur min : Quia imprimis misericordia DEI est infinita, & ejusmodi condonatio decet infinitam bonitatem, ergo ex parte DEI non repugnat, sed nec ex parte diaboli seu Angeli mali repugnat pœnitentia, quia ille censetur sibi pœnitere, qui sentit sibi adesse, quod odit, & abesse, quod diligit, dolet & tristatur, sed Angelus malus sentit se ex parte sua amisisse beatitudinem, & acquisivisse pœnas æternas, ergo de facto dolet de suo peccato. Respondi. hoc argumentum solum probare, quod ex parte DEI, & potentia absoluta non repugnet DEUM condonare peccata, non verò de lege ordinata, & posito justo, de non condonando peccato, decreto, quia non decet DEUM in decretis suis esse mutabilem, aut mentiri, & hinc etiam ex parte dæmonis repugnat pœnitentia fructuosa, & meritoria, quæ sine gratia haberi nequit, licet ipsum de facto pœniteat juxta illud pœnitentiam agentes, & præ angustia spiritus gementes, non quia dolent, se DEUM offendisse, sed quia se vident in his pœnis.

Instatur : Commendaret maxime DEI bonitatem, si ipse etiam dæmones ab his miseriis ad gloriam reduceret. Respondi. ita debet commendari misericordia DEI & bonitas, ut tamen non lædatur justitia & veritas, manifestavit quidem DEUS misericordiam suam etiam dæmonibus, cum eos ex gratia sua miseri-

corditer creavit, gloriam daturus misericorditer, si in gratia persistissent, & cum hoc pœnam justè inflaturus, si apostatarent, manifestavit summè misericordiam homini infirmioris naturæ, & longius spatium pœnitendi præbens, Unigenito suo non parcens, unde oportuit, ut etiam justitia locum suum haberet in punitione malorum, qui misericordiam spernentes, justitiam in se provocarunt.

Urgetur : Non est potior ratio, quare homini spatium veræ pœnitentiæ concesserit DEUS, & non dæmoni, ergo convenit etiam illud concedere ipsis. Respondi. neg : antec : Nam Patres plures assignant congruentias, præcipua autem hæc est, quia dæmon, præsertim Lucifer nemine suggerente peccavit, homo autem alio nempe dæmone instigante, unde D. Gregorius lib. 4. moral. dicit : Nunquam lumen pristini statû accepit, quia non persuasus amisit. Secunda congruentia est, quia homo secundum totam speciem cecidit, non sic Angelus ; sed tantum quoad aliqua individua ex probabili sententia, unde D. Augustinus in Enchirid. ait : Placuit universitatis Conditori, ut quoniam non tota multitudo Angelorum DEUM deferendo perierat, ut ea, quæ perierat, in æterna damnatione permaneret. Tertia denique ratio, & quæ a priori est voluntas divina, quæ tam Angelis quàm hominibus certum tempus meriti & demeriti in via præfixit, prout voluit homini longius, nec alia ratio perquirenda est, quia judicia DEI abyssus multa, & quis ejus fuit Consiliarius ?

Dico Secundo : Causa obstinationis angelicæ positiva est per se peccatum ipsius Angeli durans, negativa verò est divina voluntas subtrahens & non concedens auxilia divinæ gratiæ, per quam posset converti. Ita Doctor subtil. 2. d. 7. q. 2. n. 20. & Scotistæ communiter. Hoc pulchrè probat & docet S. Augustinus Enarr. in Psalm. 77. ubi dicit : Hanc enim iniquissimam & malignissimam obstinationem

IV.  
Obstinatio  
onis diaboli  
causam































































































































































































































mines in cœlo & in paradiso quoad punctum præsens, quia in cœlo non amplius multiplicantur, est enim status termini & præmii, non sic verò in paradiso.

Arguitur Secundò: Per filios & conjuges valdè ab amore DEI impedirentur homines in illo statu, ergò tales non habuissent. Respond. neg: antec: tunc enim occupationes externæ impediunt, ne homo vacet DEO, quando in ipsum non ordinantur, alioquin nec nos concionibus, lectionibus & aliis id genus attendere deberemus.

Arguitur Tertio: Adam de facto non cognovit uxorem suam, nisi extra Paradisum, ergò intra hoc ipsi non licebat, & consequenter usus matrimonii non fuit licitus in illo statu. Respond. Adamum idè non cognovisse uxorem, quia tempus breve fuit, & fortè DEUS specialiter impedivit præsciens per scientiam conditionatam Adamum lapsurum, nè illi, qui ante peccatum fuissent concepti, tanquam in iustitia originali nati & concepti alios in peccato post Adami lapsum conceptos & natos contemnerent, essetque magna inter utrosque dissensionum occasio, imò confusio.

III. *Virginitas in statu innocentie per generationem mentis & carnis virginitas fuisset violata.* Prima pars est D. Thomæ in 2. d. 20. & aliorum, quos citat, & sequitur Suarius. Probatur: Quia integritas corporis non erit tunc mansura, ut patet, quia proles tunc generarentur modo ordinario, ut patet ex conclusione præcedenti, ergò nec virginitas carnis, quæ in illa integritate consistit, & hinc

Probatur secunda pars, quæ est D. Bonaventuræ & aliorum, quos refert idem Suarius, quia virginitas mentis amittitur per consensum in copulam, sive licitam, sive illicitam.

Opponitur contra primam partem Autoritas D. Augustini lib. 14. de Civit. DEI cap. 26. ubi dicit: In

tanta facilitate rerum, & felicitate hominum, absit, ut suspicemur non potuisse prolem feri sine libidinis morbo: sed eo voluntatis nutu moverentur membra illa, quo cætera, & sine ardoris illecebrosi stimulo cum tranquillitate animi & corporis nulla corruptione integritatis infunderetur gremio maritus uxoris. Neque enim, quia experientiâ probari non potest, idè credendum non est: quando illas corporis partes non ageret turbidus calor, sed spontanea potestas, sicut opus esset, adhiberet: ita tunc potuisse utero conjugis salva integritate seminei genitalis virile semen immitti: sicut nunc potest eadem integritate salva ex utero virginis fluxus menstrui cruoris emitti, eadem quippe viâ posset illud injici, quia hoc potest ejici. Ut enim ad pariendum non doloris gemitus, sed maturitatis impulsus feminea viscera relaxaret: sic ad foetandum & concipiendum non libidinis appetitus, sed voluntarius usus naturam utramque conjungeret. Ubi expressè docet, quod ad recipiendum semen virile non erat aperiendum claustrum virginale in eo statu, ergò virginitas carnis fuit servanda, nam probat ibidem, quod sicut sanguis menstruus potest exire sine violatione claustri, ita posse intrare semen. Respond. neg: consequ: Quia S. Augustinus loquitur de potentia absoluta, non de facto, nec ego ambigere possum, DEUM id absolutè facere potuisse, factum tamen contrarium constat ex Scriptura. Deindè dico differentiam inter sanguinem menstruum & semen, nam sanguis prodit ex venis, quæ terminantur in orificio, & ex se emittunt sanguinem. Semen autem per illas intrare non potest, sed necessariò debet habere viam apertam. Deindè in partu necessaria fuit apertio, ergò sicut ibi conceditur, poterit & in receptione feminis concedi. Aliqui volunt in foeminis tunc claustrum virginale non mansurum permanentè apertum, sed post copulam iterum claudendum, unde putant, virginatatem non amittendam. Verùm hæc doctrina displicet Primò: Quia illud mira-



miraculum ponitur sine necessitate. Secundò : Quia per illud non salvatur virginitas, hæc enim per unicam aperturam violatur, unde dixit Hieron. in Epist. ad Eustochium : Cùm DEUS omnia possit, virginitatem lapsam reparare non potest.

IV.  
Virginitas  
in statu In-  
nocentiae  
fuisse li-  
cita

Dico Tertiò : *In statu Innocentiae virginitas fuisse licita.* Hæc est contra D. Thomam 1. p. q. 98. & magis probabilis. Probatur, Quia non constat nec ratione, nec autoritate, quòd fuisset præceptum universale de matrimonio in statu innocentiae, ergò virginitas fuisset licita, quia non potuit reddi illicita, nisi per præceptum de opposito.

Dices : Fuisse tunc præceptum de matrimonio, ergò nostra probatio nulla est : Probatur antec: Quia potuit DEUS habere causas justas, ob quas illud imposeret, & fore quodammodò videtur insinuaturn in his verbis : *Crescite & multiplicamini*, si enim non esset obligatio matrimonii, ergò omnes possent tunc servare virginitatem, & quia non haberent ullum planè appetitûs motum ad libidinem, facillimè, imò cum delectatione abstinere, sicque non multiplicarentur contra intentum DEI, ergò debuit tunc matrimonium esse sub præcepto, & quidem universaliter, quia non est major ratio de uno, quàm de alio. Respond. Hunc discursum reddere alteram sententiam satis probabilem, absolute tamen loquendo illa minus probabilis est, quàm nostra, quia illud præceptum, licet à DEO potuerit poni, non tamen ex natura rei est annexum illi statui, ergò non possumus nos dicere de facto illud fuisse positum, nisi ex revelatione nobis constet, atqui nulla revelatio est pro tali præcepto, imò potius multi SS. Patres, qui Scripturam optimè noverant, judicârunt, non futurum licitum matrimonium, & licet in hoc excesserunt, (ut dixi) certè tamen ostenditur, per hoc de tali præcepto omnibus communiter non consistere, Quòd verò DEUS dixerit *Crescite & multiplicamini*, non denotatur præ-

ceptum, sed licentia & approbatio matrimonii, illud autem inconveniens, quod timebatur, facillimè vitabitur, nam licet non haberent motus appetitûs, cognitâ tamen necessitate generationis, & quod in copula nulla esset indecentia, nec aliundè ulla in matrimonio difficultas, sanè vel multi vel omnes illud subirent, & licet appetitus antecederet non insurgerent, tamen, quia etiam noverant in copula suam esse delectationem, poterat id saltem esse causa, ut eam non horreant, licet illam non quærerent, illud enim fortè repugnaret perfectioni illius statûs.

Dico Quartò : *Perfectius futurum matrimonium virginitate pro isto statu.* Est communis, contra Arriagam hîc. Probatur : Quia mediante matrimonio uteretur quis instrumentis à natura datis ad multiplicationem generis humani, ex qua multiplicatione, præsertim cùm omnes generandi essent iusti, & electi ad gloriam, sequeretur magnus honor DEI, nec haberet annexa inconvenientia illa, ob quæ defacto est minus perfectum, quàm virginitas, ergò pro illo statu esset perfectius.

V.  
Matrimonio  
in  
statu Inno-  
centiae fu-  
isset nobi-  
lius virgi-  
nitatis.

Dices cum Arriaga : Integritatem esse magis perfectam, quàm carentiam ejus, & propterea etiam miraculosè illam fuisse conservatam in partu Divinæ Virginis, ergò virginitas, quæ conservatur, est major perfectio, quàm matrimonium, quod perditur. Respond. distin: antec: quando integritas esset simul cum partu, conc: quando non esset, nego antec: & similiter distin: consequ: si illa virginitas simul haberet partum, ut habuit in Beata Virgine, conc: quando non, nego consequ.

Dices Secundò : Haberetur major voluptas ex copula, quàm ex carentia ejus, ergò melius esset abstinere à copula. Respond. neg: consequ: Quia perfectio illa ornata ex negata sibi voluptate non æquivalet perfectioni, quæ sequeretur ex propagatione generis humani.

(\*) XY

QUÆ



## QUÆSTIO SECUNDA.

*An si Adam non peccasset, soli electi nascerentur in statu Innocentiae?*

I.  
Electi nascendi dupliciter considerari possunt.

**D**ivulgata est, & quasi ab omnibus recepta maxima D. Gregorii lib. 4. *Moralium* cap. 36. dicentis: *Si primum Parentem nulla peccati rubigo corrupisset, nequaquam ex se filios gehennæ generaret; quam sententiam etiam noster Subtilis complectitur, cum aliunde per Scripturam aut revelationem non constet oppositum; adeo auctoritati tanti Pontificis censuit esse deferendum in re contingente, & à libera DEI voluntate totaliter dependente; Potest autem sententia D. Gregorii dupliciter intelligi: Primò, ut soli illi tunc nascerentur, qui jam sunt electi, qui autem jam sunt reprobi, non nascerentur. Secundò, ut nascerentur quidem tunc etiam, qui nunc sunt reprobi, ipsi tamen tunc non reprobandentur, sed forent & essent etiam ipsi electi. Ad quam difficultatem.*

II.  
Electi soli in statu innocentiae nascerentur.

**Dico Primò:** *Si status Innocentiæ perseverasset, soli electi nascerentur.* Ita Gregorius *suprà*, Scotus 2. dist. 2. q. 2. Probatur Conclusio Primò ex Scriptura, Gen. 3. v. 6. ubi in pœnis, quas DEUS latâ sententiâ intulit mulieri post, & propter peccatum, una est conceptio plurium: *Multiplicabo ærumnas tuas, & conceptus tuos*, ergò videtur evidens veritas credenti, quæ ibi referuntur, quod foemina ob peccatum suum aliquos concepit, quos non erat conceptura, si non peccasset, certum est autem, quod peccatum non fuerit ei causa concipiendi electos, ergò post peccatum & propter ipsum concepit reprobos.

**Probatur Secundò ex Patribus:** D. Gregorio *suprà*, & D. Augustino lib. 14. de Civit. cap. 23. ubi dicit: *Illud potius est credendum, quod Sanctorum numerus quantus complenda illi sufficit beatissima civitati, tantus*

*existeret, & si nemo peccasset, quantus nunc per DEI gratiam de multitudine colligitur peccatorum, quousque filii hujus seculi generant, & generantur.*

**Probatur Tertio:** Quia si Adam non peccasset, ipse & ejus posteri habitassent in paradiso, hunc enim illi innocenti præparavit DEUS in domicilium, sed si omnes, quotquot nunc nascuntur, etiam tunc fuissent, impossibile erat omnes paradiso excipi, fuit enim ille unus hortus, & benè moderatus, neque excedebat millesimam partem terræ habitabilis. Confirmatur ratio prædicta factâ comparatione duorum hinc inde hominum & locorum, numerus electorum est minor & spatium paradisi minus; numerus reproborum est major, & spatium mundi extra paradisum est majus, ergò ratio dicat, & lector expectaret, ut electi essent in paradiso, reprobi autem in hoc majori mundo, atqui omnes in paradiso habitarent, quotquot gignerentur ab Adamo innocente, ergò omnes, qui gignerentur ab Adamo innocente erant, electi.

**Probatur Quarto:** Prædestinatio electorum facta est ante prævisum aut peccatum, aut perseverantiam Adæ, imò antequam cogitaretur de statu innocentiae aut innocentiae, ex quo sequitur, quod non potuerit illa per peccatum aut perseverantiam ejus mutari, (nec enim prius potest mutari per posterius) atque ita falsum est, quod essent alii, & quidem plures prædestinati in statu innocentiae, quam in statu lapsus Adam. Consequentiae omnes tenent, & patent tenere, antequam autem probat Scotus illustri illo principio toties per ipsum applicato, *ordinatè volens post volitionem finis immediate vult, quod est immediatius & proximius fini.*

Ubi tamen pro mox dicendis Notandum, quod hoc principium Scoti, licet ipse & tota ejus Schola plurimum æstimet, nihilominus Doctor subtilis lib. 1. sentent. dist. 4. r. quæst.



quaest. I. dat optionem lectori, ut teneat praedestinationem electorum ad gloriam factam esse ante praevisionem merita, aut post ipsa, qui ergo tenet eam factam post & propter praevisionem meritorum adhuc est Scotista, unde qui id tenet, non premitur hoc principio, quod *ordinate volens prius vult finem, & deinde propiora fini*, adeoque gloriam ante gratiam, principium enim non currit nisi de propioribus mediis, quae sunt in potestate volentis. Nam de illis, quae sunt in aliena, non est ipsius disponere, si ergo demus merita esse media (ut revera sunt in illa sententia, quam Scotus suis permittit) ille processus non est recte dispositus: neque DEUS post semetipsum, qui est finis, statim vult bonum ultimum, id est, gloriam creaturae rationalis, sed expectat, ut videat, an illa sit meritura hoc bonum, nec ne? Confirmatur doctrina data, Quia Scotus ibidem quaest. I. num. 4. expressè scribit: *Dico, quod reprobi non fuissent nati, quia omnes nati servassent justitiam.* Ecce dispositionem electorum & reproborum aliam & aliam posito peccato & disposito peccato Adae.

titl.  
Mundus aut  
tantius es-  
set, si Adam  
non pec-  
casset

Arguitur: Si pro statu Innocentiae soli electi fuissent nati, vel mundus hic sensibilis fuisset tantae molis, quantae nunc est, aut tot mundi aetates, quot transiturae sunt usque ad finem mundi, vel non? Si secundum, oportet dicere, tunc fore alium mundum sensibilem, & sic DEUM de facto mutasse suam primam delineationem, & primum decretum de mundi fabricatione, si verò dicatur primum, tunc sequitur alterum inconveniens, nam cum paucissimi sint electi comparati ad reprobos, tunc minima terrae portio eis sufficeret ad inhabitandum & se multiplicandum, & consequenter ad nihil deservirent reliqua vastissima spatia. Similiter si status viae & aetates mundi essent tam diuturnus, quam nunc est; & tunc iterum quaero, an tales electi statim & continuo meruissent usque ad terminum, vel

non? Si primum dicatur, tunc sequitur, illos habituros majorem cumulum meritorum, quam nunc electi habeant, cum tamen quantitas meritorum sit praedefinita ante Adae peccatum. Si secundum, sequitur, illis futurum injuriosum, si consummato cursu & termino meritorum prolongaretur eis incolatus supernae Civitatis. Respond. Primò negativè ad quaesitum, nam nihil dicitur contra DEI omnipotentiam, vel immutabilitatem sui decreti, quia nec potentia ejus, nec sapientia minus reluceret in fabricatione illius minoris molis usui hominum proportionatae, quam nunc relucet in tam vasta mundi machina: nec etiam contra immutabilitatem decreti aliquid sequeretur, quia nescimus, quid DEUS statuerit ante praevisionem Adae peccatum de mundi quantitate, donec prius determinasset, quid inhabitatores essent facturi, si illuc collocationem locarentur. Deinde Respond. Secundò positivè, nihil exinde inconvenientis sequi, si dicatur mundum tunc tantae molis futurum, ac nunc est, quia DEUS potuit alios praeter hominum inhabitationem fines fuisse. Secundò potuit fieri, ut electi soli tanta varietate & vastitate uterentur, omnia enim illis cooperantur in bonum. Tertiò, Quia nec superflue nec improvidè erigitur fabrica plurium, quam qui in ea sunt habitaturi, dummodò fabricator sciat & provideat posse contingere, quòd plures sint inhabitaturi. De diuturnitate status viae judico electos non protrahendos ultra periodum consummationis meritorum. Et credo, quòd singuli citius cursum suum consummasset, quam nunc faciunt, sicut terra bona & foecunda citius & copiosius generat, quam sterilis & sicca, & sic non est opus fore tot mundi aetates, quot nunc sunt.

Arguitur Secundò: Si electi ad certum numerum sunt praedestinati ante praevisionem peccatum, vel etiam omnes sunt praedeterminati ad certum gradum gloriae, vel non? hoc poste-



rius dici nequit, ne multiplicemus signa prædestinationis: Si primum dicatur, oritur gravissima difficultas de parvulis nunc salvandis sine propriis meritis (hi enim non accipiunt gloriam per modum coronæ, sed tantum gratiæ) qui tamen, si mansisset status innocentiae, ad adultam pervenissent ætatem, nam tunc non fuisset mors præmatura, ideoque in corpore proprio aliquid boni egissent, quo acquirerent sibi jus gloriæ, vel aliquem gradum, qui gratiæ sanctificanti per se debetur, & hic gradus per modum coronæ fuisset debitus; Jam sic: Vel ergo quoad hos parvulos ante prævisum lapsum Adami, non prætaxavit DEUS determinatum gradum gloriæ sub determinato respectu coronæ, aut meræ gratiæ, vel decretum DEI super hoc fuit mutatum, cum de facto non recipiant gloriam, nisi in gradu infimo, merè gratuito sine ullis propriis meritis. Respond. Hoc argumentum esse pomposum, & ingredi potentias Domini, quis enim consiliarius ejus fuit, quomocunque ille tunc præordinasset & prætaxasset, hoc cum Patribus verum censeo, quod in statu innocentiae reprobi non fuissent, quia omnes nati fuissent electi, sive postmodum eadem fuissent prædestinationis signa, sive alia. Respond. Secundò, omnes quidem electos homines fuisse prædestinatos ad gloriam in certo gradu ante prævisum Adæ peccatum, sed etiam quoad modum conferendi illam, præsertim singulis, sicut nos Scotistæ dicimus Christum esse prædestinatum hominem ante Adæ peccatum prævisum, sed ut sit mortalis & in carne passibilis, non nisi post peccatum, quia non est necesse, ut determinato effectu quoad substantiam, omnem ejus modum determinare, maximè si sit extrinsecus & accidentalis, sed accedit gloriæ quoad substantiam, quod detur per modum coronæ aut gratiæ. Undè si detur, hos parvulos stante innocentiae statu eundem gradum gloriæ essentialis recepturos, quem nunc accipiunt, cum tamen hæc differentia, quod illa gloria

tunc esset corona justitiæ, nunc autem sit mera gratia.

Instatur: Sequeretur, parvulos nihil amisisse per lapsum Adami. Respond. negando sequelam, tunc enim nunquam peccasset etiam in alio, nunquam fuisset captivus dæmonis, non fuisset mortuus & gloriam accepisset ut miles emeritus, ex quibus omnibus illis magna gloria accidentaliter accessisset, quæ tunc ante prævisum peccatum non fuisset in determinato gradu prætaxata.

Urgetur: Tunc parvuli habuissent meritum proprium, ergo tunc debuissent habere correspondentem gradum gloriæ essentialis. Respond. neg: conseq: Quia meritum illorum proprium tunc tantum operaretur ut gloria, quam nunc habet ex gratia, fuisset illi data ex justitiâ per modum præmii. Quæ omnia melius intelligentur ex mox dicendis, ubi aliquæ sunt modificationes, quare

Dico Secundò: *Si prædestinatio facta est ante prævisa merita eorum fore prædestinatos, & in statu innocentiae nascendos, qui in statu naturæ lapsæ, id est, qui de facto sunt electi & salvandi.* Hæc determinat eos electos, qui sint nascendi, nam in priori Conclusionē generaliter determinavi, electos solos esse nascendos, non verò specificavi, quales illi forent, quia potuissent esse absolute etiam aliqui nunc reprobi, tunc electi. Conclusio est Scoti 2. d. 20. q. 2. ubi ait: *Dico: quod soli nunc electi fuissent in statu innocentiae nati.* Quo loco notandum est, quod non dicat Doctor, solos electos nascituros in illo statu, sed addit *solos nunc electos*, quæ phrasis exigit, nè alii fuerint gignendi electi in illo statu, si durasset, ab illis, qui nunc gignuntur & sunt electi, & quidem ille hanc absolutam sententiam profert de electis tunc gignendis. Sed quamvis conditionatam tantum proferret, tamen conclusio esset ipsius, eò quod ipse omnino teneat conditionem positam, scilicet prædestinationem electorum factam esse ante prævisa merita ipsorum, ut patet apud ipsum 1. dist.

IV.  
Electi iidem, qui nunc sunt tales forent nati, si prædestinatio facta est ante merita parvulorum.



**L. dist. 41. q. 1. Probatum Conclusio :** Quia talis praedestinatio est verè praevia, hoc est, prior ac praevia ad utrumque, & omnem statum naturae humanae, atque adeò independens ab illis & quocumque ipsorum, est effitax & inconvertibilis, adeoque non potest impediri ab ullo ipsorum, aut alio, quo minus sortiatur effectum, atque ita electi tunc debent nasci, sive producti, & existere, tam in illo, quam in isto statu; si genus humanum propagaretur per aliquem ipsorum, ut certissime fieret secundum communem Theologiam. Confirmatur ex communi sensu omnium ferè Theologorum, qui huiusmodi praedestinationem impugnant, inferunt enim ex tam potenti destinatione, atque ex tam praevia, quod teneatur DEUS illos ad gloriam assumere, sive habeant, sive non habeant merita, eò, quod facta sit antecedenter, adeoque independenter à meritis. Similis est in mea consequenti: nam sicut illi tales erant antecedentes, & per consequens independentes à meritis, ita erant antecedentes, & per consequens independentes ab innocentia vel lapsu, si ergò rectè inferunt eos fore glorificandos, sive adferrent, sive non adferrent merita, ita mihi negari non potest consequenti: quod nascerentur illi electi, sive staret sive caderet Adam.

**Dices Primò :** Quòd licet sint praedestinati ad gloriam, tamen non assumerentur ad gloriam sine meritis, eò, quod deindè subdiderit DEUS aliud decretum priori, fuitque istud, ut scilicet illi sic praedestinati haberent merita. Ita enim cogitari potest, quòd idem DEUS post eorum validissimam destinationem ad gloriam statuerit eos fore, vel non fore, in hoc vel illo statu &c. Respond. neg: antec: quoad secundam partem, quia non est paritas hinc inde, nam poterunt duo illa decreta subsistere apud DEUM in illa materia, eò, quòd non sibi opponantur, saltem directè, quia nimirum unum est de substantia, aliud de mo-

do ejus, aut hoc utrumque decretum est de ipsa substantia electorum quoad esse, vel non esse. Cum ergò nemo possit velle idem esse & non esse, quamvis possit velle esse absolutè, & non velle tali vel tali modo, sequitur conclusionem solidam esse, quamvis patiatur plura decreta.

**Dices Secundò :** Quòd quamvis praedestinatio sit facta ante merita & eorum visionem, atque etiam ante praevisum peccatum Adæ, quia tamen in eodem DEO fuit scientia media de ipso peccato, sicut & ipsis meritis potuisse esse in Domino DEO aliam & aliam voluntatem circa illos homines sic, vel sic eligendos, adeoque ex praedestinatione facta ante visa merita, & ante visum peccatum Adam non potest colligi certò eodem illos futuros. Respond. neg: consequenti: Quia hoc certò certius colligitur, & potenter quidem, nam licet sint certum scientiae tam peccatorum quam meritorum, si voluntas praedestinans fuit antecedens illas & absoluta, necessariò & infallibiliter sortiatur effectum, nam oppositum implicat quasi in adjecto. Si enim voluntas sit absoluta & volens omnipotens, perrumpet omnes difficultates: *Voluntati enim ejus quis resistet?* ubi notandum est, non dixisse Doctorem Gentium, voluntati ejus quis praepjudicabit? aut quis obstabit? vel quis impedimentum ponet, sed *quis resistet?* quasi adversarius ejus non modò vincere non possit, sed nec pugnare, si sit antecedens illas, non poterit ab illis deponi aut praeveniri. Sed contra

**Instabis :** Hoc esse ligare manus DEO, ne possit omittere unum ex praedestinis in statu innocentiae, neque vel unum addere, quantumcunque bene se gerat talis: id autem videtur indignum DEO, cum ipsi homines relinquunt sibi locum disponendi de rebus aliter, dispensandi in legibus suis. Respond. distin: antec: ligari manus DEO ab alio esset absurdum, conc: ab ipso Domino DEO, neg: quanquam nec ligarentur in eo casu, nam non est defectus

(\*) Yy 3

poten;



potentiæ, quæ impediret novitatem illam, sed defectus mutabilitatis & volubilitatis, qui non est defectus, sed affectus & perfectum attributum illius.

Dices Tertiò : Qui hodiè sunt reprobï, continebantur in Adamo tunc, alias non inficerentur per ejus transgressionem ut factum est, adeoque erant re ipsa futuri, nam Adam non infecit homines merè possibiles, aut imaginarios, sed realiter in ipso contentos, & proinde aliquando exituros, ergò jam illi in eorum statu fuissent sive extitissent, aliquando, sed non sunt nec forent ex illis, qui hodiè sunt electi, adeoque non soli tunc nascerentur illi, qui hodiè sunt electi. Confirmatur: Quia aut continebantur illi in Adamo innocente tunc, aut non? Si continebantur, necessariò debebant existere, ut deduxi jam, sed non existerent tanquam pars electorum, quia jam tales sunt, necessariò enim debebant esse extra hunc numerum, nam hic absque ipsis est plenus. Si autem non continebantur, adhuc pejus est, quia tunc cadet in DEUM nota injustitiæ & particularitatis; & reprobi poterunt impropere sic: cum videres Adamum perseveraturum & geniturum electos, non inclusisti nos in ipso, ut salvaremur, cum autem vidisses eum casurum, inclusisti utique ut damnaremur. Respond. Quòd ex inclusione aliquorum in Adamo casuro, non statim sequatur voluntas damnandi tales, nam etiam illi, qui salvantur, fuerunt inclusi in Adamo peccaturo. DEUS enim tunc non habuit absolutam & efficacem intentionem eos damnandi, sed propositum dandi illis in utroque Adamo medium, quo, si benè uterentur, salvarentur, si malè damnarentur.

V. *Prædestinatio si facta est post prævisa merita non est certum, qui electi nascerentur.*

Dico Tertiò : Si prædestinatio electorum ad gloriam facta sit post prævisa merita, non est certum, quòd iidem forent electi in statu innocentie, qui hodiè sunt in statu nostræ naturæ lapsæ. Hæc etiam est Scotistica abundè, quia nimirum discrimen ejus à

præcedenti provenit ex diverso modo statuendi prædestinationem scilicet ante vel post prævisa merita. Cum ergò Scotus utrumque modum prædestinandi velit esse suum, ut ostendi in notabili, sequitur &c. Probatur breviter conclusio: Quia hæc viâ aliter incedendum est, & diverso modo statuendi de electis & electione. Prior illa incipiebat ab arbitrio Principis, imò tota ab eo oriebatur, altera ista non, sed incipit ab actionibus subditi, propterea enim DEUS hunc vult sibi, & volitio præparat gloriam, quia videt cum illâ dignum aut esse, aut (quod eodem redit) fore; alibi è contrario incipit & pergit negotium à liberrimo arbitrio Principis, cujus voluntas est ratio, cujus illa quæstio Matth. 20. *An non licet mihi facere quod volo.*

### QUÆSTIO TERTIA.

*De Regimine posterorum, si status Innocentiæ perseverasset.*

**O**ECONOMIAM ibi futuram non est dubium, nec unam tantum, sed plurimas, nempe tot quot familias, quæ tunc in numerum ingentem multiplicarentur propter fecunditatem hominum ex eorum sanitate provenientem, atque etiam ex divina benedictione, quam constat generi humano impensam à principio, imò etiam illam jumentorum, undè licet filii minores eandem patrisfamiliam integrarent, tamen adulti, & (ut sic dicam) emancipati ipsi novam inciperent & similiter eorum nepotes, cum eadem sit ratio, ut patet. Quæstio ergò est de publico & communi regimine, quod in Monarchiam, Democratiam, & Aristocratiam dividitur, an ulla ex his methodis gubernandi in paradiso vigeret & exerceretur, Authores plures communiter affirmant, licet communiter non descendant ad explicandam speciem regiminis, quænam scilicet ex tribus his esset? Quare.

1. *Octonoma in paradiso foret.*

Dico



II.  
Regimina  
politica  
moderna  
in paradiso  
non fuisse.

Dico Primò : *In paradiso nullum fuisset regimen ex his tribus assignatis gubernii speciebus.* Probatur Primò : Quia quodlibet regimen ex istis exigit, aut urbes, aut oppida, aut pagos, ut supponunt Authores omnes omnino in praesenti, sed tunc non forent pagi, & multò minus oppida aut urbes, malè enim ageretur cum hominibus illis, si in tanta felicitate cogerentur domos condere, conditas circumdare sepibus vel muris &c. agerent enim opifices non modò viles, sed sordidos & laboriosos, puta lapicidas, coementarios, fossores &c. in sudore vultus habitarent, qui cum sit poena peccati, non posset praevenire ipsum ergò.

Dices : Eos habituros tecta froidia sub dio, atque ita habituros divisionem necessariam domorum. Respond. Hoc quidem dici posse & possibile fuisse, sed ajo, minus probabile esse, quia nimirum eo contesto, paulatim irreperet omnis labor ille, qui hodiè opifices vexat, si enim ex virgultis domos fabricarent, deberent cultris, securibus, &c. uti, & ultra hanc molestiam & mechanicum, quis istos cultros? quis istas secures fabrefecit? utique fabri & ferrarii quidem; quasi quidam Vulcani, quibus proinde tundendae essent incudes, vibrandi mallei, &c. omnia indignè illo statu, quem ex libero redderet servilem, ex beato poenalem, & homines quasi ad metalla damnatos.

Probatur Secundò : Ex naturâ libertatis, quæ est tam chara cuique & tam digna charitate, cum in humanis nihil sit illa pretiosius, quæque mutata in servitutem, mutat hominem in jumentum, sed libertas ista perderetur in tali politia, nam ceteri omnes deberent uni obedire, ille posset omnes cogere, ille ab illis timeretur & consequenter auferret ipsis perfectam lætitiâ, quia *timor poenam habet*, atque alia & alia, quæ omnino imminuerent illam felicitatem.

Dices : Ipse Adam esset laboraturus in paradiso, quantò magis filii ejus? antec: constat ex Gen. 2. & decreto Domini DEI, qui posuit eum in paradiso, ut *operaretur & custodiret illam.* Respond. non esse levem difficultatem super opere illo & labore Adam in paradiso; quod & quale esset, de quo me remitto ad Augustinum supra citatum. Verum ut difficultatem hanc aliqui evaderent, dixerunt, opus, de quo ibi, non fore Adam, sed DEI, ut sensus sit, quòd DEUS voluerit operari, id est, perficere Adamum: verum hoc est quid violentum, & Hebræi contendunt etiam falsum esse, quia contra textum, de quo infra. Interim Respond. Adamum operaturum in paradiso, sed opus ingenuo dignum, non autem sordidum ac vile, quale foret plantare rosas, flores: non servile & mechanicum, ut faciunt in intubus fabri &c. quæ tamen necessaria forent ad ejusmodi Respublicas & pagos.

Dices Secundò : Apocal. 12. dicitur *Michaël & Angeli ejus*, ex quò patet, alios Angelos fuisse subiectos Michaëli, sicut & dæmones aliquos diabolo; unde & dicuntur *Angeli ejus*, ergò magis inter homines danda fuit hæc hierarchia: Responderi potest ad secundam instantiam, concedi posse omnia mala dæmoni & suis, ipsum enim decent; sed non sufficit sic respondere, quia tunc ille adhuc fuit in sua felicitate, sicut Adam necdum damnatus; ut hodiè est; unde dicendum est ad ipsum idem, quod ad Michaëlem, scilicet Angelos fuisse ejus, cum illo pugnant, non autem sub eo, sicut si Princeps aliquis externus vellet juvare regem contra hostes, & accederet suisque viris & sumptibus militaret; non proinde diceretur subditus Regi, sed quia sacræ litteræ & Ecclesiastica traditio significant S. Michaëlem fuisse quasi Ducem Angelici illius exercitus, dici rectius poterit; reliquos Angelos subordinatos fuisse illi quoad vim directam, non quoad coactivam, in qua



qua sola est servitus, & præjudicium libertatis.

Dices Tertiò : In statu innocentiae posterius Adæ potuerunt peccare, sed demus aliquos peccasse, illi sine dubio castigandi erant, adeoque debebant habere iudices, qui sententiam ferrent, & alios, qui eam exquerentur, hoc autem est quoddam tribunal, adeoque in eo statu foret regimen politicum & superioritas unius ad multos. Respond. negando suppositum, aliquos peccaturos, quamvis potuissent, adeoque traditam Scoti doctrinam, quam approbavit in S. Anselmo, valde opportunam esse, in ea enim non haberet locum tota difficultas, quia non contingeret ullius peccatum, tametsi Scoti sensus non æquè evacuet eam, ille enim non tenet filios Adæ fore omnes omnino impeccabiles, sed tantum post victam primam tentationem, sed quis scit, num omnes omnino vincerent primam tentationem? Ipse Adam victus est in prima, quantò magis filii? itaque omnibus solvenda est difficultas, ad quam Respond. Secundò, distin: casum propositum: aut enim ille filius Adæ peccaret contra præceptum ipsi Adamo datum de non sumendo fructu ligni scientiæ, aut non? Sed contra aliud naturale, v. g. odio proximi, invidia, vel simili? si peccasset contra ultima ista, non esset à quopiam iudicandus, nisi à DEO, quia non sunt fori externi illa.

Dices: Potuisse illos peccare aliis peccatis externis contra homines, ut homicidio, vulnere, &c. quid tunc fieret? Respond. potuisse quidem eos istis peccare, sed non fuisse peccaturos, quia cum hæc cederent in pœnam aliorum, DEUS ex sua providentia, sicut efficeret, nè homines tunc læderentur à jumentis, à fulgure, fulmine &c. sic procuraret, nè talia admitterentur. Jam verò redeundo ad distinctionem meam supra, si peccassent illi contra præceptum de abstinendo à ligno scientiæ, tollerent iterum ca-

sum, & efficerent, nè forent iudices in paradiso, quia ipsi statim à peccato excluderentur paradiso, nam & ipse Adam sic exclusus est, quod accipe ut probabile. Hinc

Dico Secundò : *In statu Innocentiae unus homo in illo statu non serviret alteri.* Probatur: Quia aliàs status non foret, qui esse deberet respectu servientis, iste enim optimam partem felicitatis amisit, scilicet libertatem, quæ ab omnibus animantibus optatur & captatur, undè videmus feras nolle cryptis includi, sed vagari per sylvas, aves odisse caveas, nec nisi arte intercipi, ut ibi degant, licet melius ibi pastæ quàm in sylvis. Imò inanimata saltem insensitiva produnt utcunque hunc pruritum libertatis, quoniam notantur unum fugere viciniam alterius, à quo noceri possit. Et deniq; libertas est quædam nobilitas, & vel ideò amabilis propter se, neque solum in statu innocentiae competebat hominibus, sed in illo naturæ puræ, imò etiam in nostro lapsæ omnes ex se nascuntur liberi, servitus autem, sicut & mors introducta est per peccatum, undè in divinis litteris non habetur mentio servitutis, nisi postquam Cham ob suam impudentiam, & contumeliam Patri factam, ab illo maledictus est & damnatus servitute Gen. 9. *Maledictus Chanaan: servus servorum erit fratribus suis.* Quia enim ille obsequium filiale negavit patri, damnatus est ad obsequia servilia ipsis fratribus exhibenda, iustissima talione, egit contra jus naturæ contemnendo patrem, & proinde privatus est libertate, quæ à natura cuique competit, ut quisque laborem ac industriam suam in propriam utilitatem convertat, servi enim veluti jumenta, ut equi & muli in unius heri sui utilitatem sudant.

Dico Tertiò : *In statu innocentiae non foret divisio dominorum, ita ut quispiam haberet proprium, sed omnia essent communia.* Probatur: Quia proprietas ista destrueret perfectionem illius statûs sollicitudine acquirendi, timore perdendi, destrueret pacem,

III.  
Homo ut  
nus in pa-  
radiso non  
serviret  
alteri.

IV.  
Dominia  
rum divisio  
in paradiso  
non fieret



pacem ; summum bonum omnis societatis , nostra enim bella , nostras rixas , seditiones , rebelliones , omnia nobis parit proprietas , quâ quisque sibi plura vendicare cupit : *Meum & tuum frigidum illud verbum , & quidquid est malorum , in vitam nostram in-vebens , innumeraeque gignens bella* , ait egregie Chrysostomus tom. 3. orat. de S. Philog. & nos experimur nimis.

Probatur Secundò : Quia proprietas inter perfectos in hoc ipso statu naturæ lapsæ censetur vitium , saltem imperfectio , & quotquot ad perfectionem aspirant , renuntiant pecuniis , neque quidquam habent singuli proprium , Act. 4. Cum fideles Spiritu Sancto ducerentur sanguine Christi recenter fuso ; quasi multo quodam ebrii : *Nemo eorum , quæ possidebant , aliquid suum esse dicebat , neque quisquam egens erat inter illos*.

Probatur Tertiò : Quia natura reliquit omnibus omnia communia , adeoque quisquis quidquam uni appropriat , facit contra jus naturæ , nisi contingat illud dispensari ; metu majoris mali , certum autem esse debet , quod quæ ex se bona sunt , meliora sunt iis , quæ per accidens talia sunt , omnium autem maximè iis , quæ occasione malorum , & fugâ illorum sunt introducta , ista enim & ejusmodi videntur ( ut quidam ait ) mala necessaria.

Dices : Si tunc quispiam sereret partem agri , haberet jus in fructus ejus : qui colligeret fructus arboris ad comedendum , eo ipso acquireret peculiare jus in illos. Respond. neg. antec. nullus enim jus sive titulum justitiæ acquireret in illa , neque tamen quidquam ei periret , quia alter paratus esset cedere , sicut & ei ipsi præberet petenti ; & quid mirantur hoc Recentes in tam beato statu innocentiae , si hodie in statu tam corrupto & Religionibus

professis Evangelicam paupertatem , licet unusquispiam laboret , v. g. in horto monasterii , vel extra ipsum apud sæculum stipendium laboris , æquè pertinet ad alium , qui non laborat , ac ad ipsum , & vicissim alterius in alio labore occupati , æquè ad hortulanum ac ad ipsum laborantem.

Quæres Primò : Quamdiu duraverit status innocentiae ? Respond. incertum esse , quanto tempore duraverit incolatus Adæ in paradiso , aliqui enim ad sex circiter horas , vel ad unum diem restringunt. Alii probabilius paulò amplius , nempe ad triduum , aut etiam sextiduum , cui opinioni sicut aliqui Patres favent , ita etiam Scripturæ videtur conformior ; tot enim & tanta referuntur acta , quæ brevi tempore fieri non potuissent , nam credendum non est , quod primus cibus Protoplastarum fuerit pomum vetitum , nam Evæ expressè dicit serpenti : *De fructu lignorum , quæ sunt in paradiso , vescimur* , quod usum continuatum significat ; meâ opinione videtur , post octiduum suæ creationis ejectum esse è paradiso , quæ fuit feriâ sextâ , in quâ secundus Adam Christus Dominus pro transgressione primi & terreni Adami , atque pro peccatis totius mundi passus & crucifixus fuit.

Quæres Secundò : An primi Parentes egerint poenitentiam & fuerint salvati ? Respond. Affirmative , cum SS. Patribus , Irenæo , Epiphanio , Leone , Anselmo , ut penè de fide credendum est contra

V.  
Paradisus  
quamdiu  
duraverit  
incertum;

VI.  
Adam &  
Eva sunt  
salvati.

(\*) Zz

Tatium,



Tatium, & Tatianos, qui, ut loquitur S. Augustinus: *Salati primi hominis contradicunt*, contra quos ex eodem S. Augustino per traditionem Ecclesiæ probo, is enim *epist. 99. ad Evodium de Evangelio mortuis prædicato dicit: De illo primo homine patre generis humani, quod cum ibidem solverit, Ecclesia ferè tota consentit: quod eam non inaniter credidisse credendum est, unde* decunque hoc traditum sit, etiamsi *Canonicalum Scripturarum hinc expressa non proferatur autoritas: quanquam illud, quod in libro Sapientie scriptum est: Hæc illum, qui primus factus est patrem orbis terrarum, cum solus esset creatus, custodivit, & eduxit illum à delicto suo, & dedit ei virtutem continendi omnia: magis pro hac sententia, quàm*

*pro ullo alio intellectu facere videatur, ubi eleganter & traditionem Ecclesiæ, & auctoritatem Scripturæ pro hac opinione adducit, & serm. 104. de tempore dicit: Denique quia interroganti Domino confessus est peccatum, quod commisit, veniæ redditus est, & ad paradisum cœlestem restitutus, qui sit omnium laborum nostrorum finis. Nam beatam vitam paradisi nomine significatam existimo, in qua ipsam D E I substantiam Verbumq; D E U M, per quod facta sunt omnia in Charitate Spiritus Sancti ineffabiliter valeat videre & audire: non incongruenter arbitramur, & illuc esse Apostolum raptum, & ibi fortassis esse paradisum omnibus meliorem, & si dici oportet paradisum paradisorum.*

A M E N.



TRA-





# TRACTATUS IV.

D E

## IUSTITIA ORIGINALI & SANCTIFICANTE ADAMI,

A E

Posterorum ejus, tam in Statu Innocentiæ,  
quàm naturæ lapsæ.

### PROOEMIUM.



*DEUS creavit hominem, & secundum imaginem* Eccl. 1.  
*suam fecit illum, & vestivit illum virtute; ac*  
Sapiens, per quod complures Patres, gratias, &  
dona Adamo collata intelligunt, inter qualia fuit  
specialis gratia illa, quæ Justitia Originalis dicitur, hæc quidem  
in Scriptura hoc nomine non reperitur expressa, insinuatur ta-  
men, declaratur, & significatur tum per illud Genes. 2. *Erat au-*  
*tem uterque nudus, Adam scilicet & uxor ejus: & non erube-*  
*scebant.* Tum per alterum locum Genes. 3. *Et aperti sunt oculi*  
*amborum: cumque cognovissent, se esse nudos, consuerunt folia fi-*  
*ctus, & fecerunt sibi perizoniata.* Unde per Justitiam Origina-  
lem acceperunt primi Parentes gratiam & beneficium singula-  
rissimum, quod in illo statu nihil fuerit in genitalibus membris  
pudendum, quodque in illis partibus non fuissent obscœni mo-  
tus, & appetitus sensitivus totus voluntati primorum Parentum  
subjectus, quod difficile est conceptu, difficiliusque explicatu,  
quomodo motus naturalis membrorum & potentiarum in pa-  
radiso, ubi homines adhuc erant corpore graves, in potentiis  
(\*) Zz 1 anima-



animales, causæ naturales motuum, naturaliter & necessario operantes, voluntati subiecti fuerint. Quare quo major in his difficultas, tantò ampliorem fuisse collatam gratiam credendum est. Itaque accedo ad explicationem ejus. Sit igitur

# DISPUTATIONIS PRIMÆ

## QUÆSTIO PRIMA.

*Quid sit, & in quo consistat Justitia Originalis  
Adami & Evæ?*

I.  
Primis Pa-  
rentibus  
fuit collata  
Justitia O-  
riginalis.

**S**UPPONGO cum Ecclesia Catholica & communi Patrum sententia, primis Parentibus in Statu Innocentiæ fuisse à DEO collatam illam perfectionem, quam Justitiam originalem nomine proprio appellamus: Justitiam quidem, quia suum unicuique tribuit, nempe rationi imperium, sensui obedientiam, toti homini pacem, quod patet ex Ecclesiast. 7. *Inveni, quod DEUS fecerit hominem rectum, & ipse se immiscuit infinitis questionibus.* Rectitudo enim est justitia illa, de qua proximè, rectum quippe est, quod in nullam partem obliquatur, ut sit homini per concupiscentiam: *Unusquisque enim in epist. sua ait S. Jacobus juxta edit. vulg. tentatur à concupiscentia sua abstractus & illecebratus vides obliquitatem in unam partem per concupiscentiam.* Deindè Rom. 7. *Mente servo legi DEI, carne autem legi peccati,* scilicet concupiscentiæ, *Caro enim est, quæ concupiscit adversus spiritum,* atque ita concupiscentia ex peccato est. Quod si verum sit, necessario verum erit, quod absq; peccato non foret illa, atque ita Adam ante peccatum non habuit concupiscentiam rebellem, sed magis justitiam. Tertio, quia idem Apostolus conquestus de importunis motibus suæ carnis: *Infelix ego homo, inquit, quis me liberabit de corpore mortis hujus.* Hinc enim statim se-

quitur, quod in alio corpore nondum morti adjudicato non erant, non forent illæ importunitates concupiscentiæ contra spiritum. Denique Ecclesiæ Patres, quos non est opus sigillatim citare, cum plures simul possim producere, omnes scilicet Concilii Tridentini Sess. V. Can. item V. definit: *Concupiscentiam in Scripturis dici peccatum, non quod propriè tale sit, sed quia ex peccato est, & ad peccatum inclinat.* Ubi primò dicit concupiscentiam ex peccato esse, quod si ita est, tunc priusquam fuisset peccatum, illa non erat. Deindè iterum docet, quod ad peccatum inclinat, adeoque aufert rectitudinem illam, in qua DEUS hominem fecit, & infert obliquitatem, inclinat enim in unam partem præ alia, id est, in pravam præ pia. Quia ergò non est dubium, quin aliquid naturæ addendum sit, quo ista componantur, hoc loco quæritur, quid illud sit, num positivum, an privativum? Secunda, utrum extrinsecum, an quid intimum & inhærens nobis? Deindè ex intrinsecis (si tale sit) resolvendum est, cujus generis sit? habitus, an actus? &c. in quo iterum Authores variant, nam Alii dicunt, id factum fuisse per actum, inter quos doleo numerari posse nostrum Subtilem. Alii per habitum, qui à quibusdam naturalis ponitur, ab aliis supernaturalis, quod ita verum est, ut apud quosdam sit ipsa gratia sanctificans, apud alios non ipsa, sed quid radica-

tura



tum in ea, in quod inclinatur. Aquinas, & eum secuti. Denique Neotrici moderni, ne carpi possint ut alii, neve quid desit eorum doctrinae, dicunt, justitiam originalem includere omnes habitus virtutum moralium, auxilia Domini DEI externa &c. Et ad pleniorum scitum negotii, licet locus iste postulet tantum dici de uno statu, resolvam de compensanda concupiscentia hominis in illo Innocentiae, nam in praesenti statu experimur, eam non compesci. Pro majori elucidatione hujus

in sanctissimis viget & urget importune, ergo. Tertiò, & est affine praecedenti, atque ex Veterum Theologia depromptum, quia secundum illos peccatum originale consistit in privatione justitiae originalis, consistit autem in concupiscentia secundum eosdem, ergo jam concupiscentia est privatio illius justitiae, & justitia conversim, privatio & extinctio concupiscentiae; cum autem dicam justitiam originalem fuisse, frenum fomitis sive concupiscibilis, volo intelligi etiam de irascibili, cujus impetum similiter refrænabat, quia nimirum ista sunt parallela hinc inde, concarnea & consanguinea, quasi duae mammae ejusdem matris, prima tamen est paulò notior, quia expressius posita in Scripturis, quibus praemissis

II.  
Ad id quod  
plura dona  
fuerunt  
concessa in  
sui crea-  
tione.

Notandum: Adamo plura dona concessa esse in sui creatione, propter quae Dominus DEUS praeparavit ei Paradisum tot delitiis dulcem, tanquam locum tanto hospite, tamque ornato dignum. Habuit dona supernaturalia, habuit virtutes theologicas sibi infusas, habuit morales, accepit ornamenta corporis, accepit illa animae. Ex his autem si velimus, ut debemus pressè ac propriè loqui, justitia originalis fuit id, quod in Adamo concupiscentiam coërcebat, non alia ulla perfectio, quod sic probatur primò, Quia justitia originalis apud Authores est illud donum, quod circumscribitur à Scriptura dicente: quod Adam & ejus uxor erant nudi, nec erubescabant, quod oculi eorum non erant aperti, hoc est, quod tam familiariter ac innocenter genitalia sua hinc inde aspiciebant, ac si non aspicerent, sed hoc est donum, quod concupiscentiam coërcebat, inde fiebat, ut membra illa non fuerint, ut nobis hodiè sunt & dicuntur pudenda, talia enim sunt propter insidentem illis concupiscentiam. Secundò sic: Quia justitia originalis intelligitur illud donum Adamo collatum, quod à posteris ejus non potest recuperari, hoc autem est illud dominium concupiscentiae, non aliud, nam cetera omnia recuperari possunt & solent, etiam majora ac meliora, quam fuerit justitia originalis, recuperant enim fidem, spem, & charitatem, gratiam sanctificantem, &c. dominium concupiscentiae nemo, nam &

Dico Primò: *Justitiam originalem, sive id, quo compescebatur concupiscibilis & irascibilis ejus, non fuisse negativum quid, puta suspensionem divini concursus cum concupiscentia, neque positivum, externum puta actionem fortiolem, per quam illa contineretur ab exercitio.* Probatur Conclusio Primò quoad primam partem ex Trident. citato, ubi definit, quod Adam mandatum DEI transgressus amiserit justitiam & sanctitatem, in qua constitutus fuerat, quo loco Concilium seorsim ponit justitiam & sanctitatem, nam enumerat illa ut duo, si enim esset unum, fateretur propositionem quasi identicam, ac si diceret, quod quispiam haberet enssem & gladium, cum ergo constet per tò *sanctitatem* intelligi gratiam justificantem, jam per tò *justitiam* non intelligitur justificatio, sed aliud donum, utique hujus justitiae originalis, & in illa definitur fuisse Adam, quod ineptè diceretur, si illa nihil esset, id enim foret dicere, quod fuerit conditus in nullo statu, ergo denique erit aliquid. Confirmatur: Quia si esset nihil, non posset auferri, saltem non nisi substituendo ei positivum, quo privat, tunc autem donum consisteret in positivo, non verò in negatione illa.

III.  
Justitia originalis non fuit quid negativum.

(\*) Zz 3

Proba-



Probatut Secundo Ratione : Quia non est dignum DEO negare causis secundis suas activitates, sed potius permittere & cooperare illis: ergo non negavit concursum suum illi virtuti vegetativæ, in ipsa enim residet concupiscentia, neque irascibili similiter, sed magis utramque adjuvit: quorsum enim crearet illas activas, si noller eas agere? Secundo: Quia indignum divinâ Sapientiâ atque etiam potentia est, non posse mederi uni malo, nisi inferendo aliud, non posse sua reddere Petro, nisi eripiendo aliquid Paulo, ergo malè dicitur, quod DEUS compescuit vitium aliquod Adamo, negando alicui, quod ei debitum fuit, cuique autem creaturæ ad agendum sicut necessarius, ita debitus est concursus primæ causæ, ergo non fuit dignum DEO illum ulli negare.

IV. *Nec possit vltm. excludi.* Probatut secunda pars: Quia in Adamo domita est concupiscentia tranquillè & sine strepitu ac lucta, sed si DEUS externa actione valenti quasi vinceret concupiscentiam, patet non fore pacem, sed bellum, nec tranquillitatem, sed strepitum & luctam, ergo. Probatut hoc ipsum Secundo: Aut concupiscentia resideret contra rationem in Adamo, aut non resideret: si non resideret, non esset opus actione DEI ad eam reprimendam; si resideret, jam non erat domita. Tertiò: Quia si DEUS repugnaret concupiscentiæ repugnanti, tolleretur hypothesis, quod scilicet concupiscentia esset domita & ablata, nam non potest pugnare, nisi sit, si ergo pugnet, patet, quod sit, si autem sit & pugnet, patet non esse pacem aut tranquillitatem, cuius oppositum est principium quoddam in hac materia ex Augustino desumptum.

V. *Justitia originalis non consistit in aliquo actu plenè.* Dico Secundo: *Justitia Originalis non consistit in aliquo actu plenè, tametsi aliquis valde conducere ad eum finem.* Conclusio videtur pro & contra Scotum, ipse enim vehementer extollit actum aliquem, neque tamen in eo absolvit negotium. Probatut igitur utraque pars incipiendo

ab ultima, nam vehemens affectus in unum aliquod remittit, & aliquando extinguit alium in minora objecta, adeoq; magnus amor in DEUM posset efficere, nè amor carnalis interim esset alicui molestus. Sed proinde prima pars verior est, quia justitia originalis fuit quid permanens & continuum, nullus autem actus talis fuit in Adamo. Secundo, Quia intensus affectus in unum minuit quidem sensum alterius, sed non tollit ipsum, sed justitia originalis non solum tollebat experientiam vel molestiam concupiscentiæ, sed ipsam, ergo. Explicatur maj: argumenti, qui enim correpti sunt Lethargo, & qui extases patiuntur, non sentiunt interim puncturas, nè ipsum quidem ighem sibi admoveri, nihilo tamen minus puncturæ interim fiunt, & ignis realiter urit, at verò justitia originalis efficiebat, nè rebellio concupiscentiæ contingeret, nè caro repugnaret, ac non tantum nè pugna sentiretur, ergo. Tertiò, Quia ad curandam plagam unius partis non rectè adhibetur medicina alteri, ut si caput habeat ulcus, stultè adhibebis cataplasma pedi. Amor DEI in voluntate & superiori parte animæ est, concupiscentia in inferiori & in ipsa carne, nam caro concupiscit, adeoque remedium concupiscentiæ ipsi carni & inferiori parti hominis applicandum fuit, non verò voluntati.

Dices: Animam hominis non habere partes, atque ita frustra hæc adferri. Respond. Primò: Licet anima non habeat, tamen corpus habere, & concupiscentiam esse in parte determinatâ corporis, sicut etiam ira est, ergo. Respond. Secundo: Animam hominis non habere partes realiter, benè tamen formaliter & virtualiter distinctas, quod sufficit ad hoc, ut debeant ei applicari diversæ formæ, intellectus est idem realiter voluntati, & tamen defectus intellectus non corrigitur per illam formam, per quam corrigitur ille voluntatis, intellectui adhibendæ sunt scientiæ, voluntati virtutes, atque



atque ita licet concupiscentia & voluntas in hominis anima sint realiter idem, tamen ad perficiendum unum opus est forma distincta ab illa, quæ perficitur altera.

VI.  
Justitia originalis non fuit gratia sanctificans.

Dico Tertiò : *Justitia originalis non fuit gratia sanctificans.* Hæc videtur evidens, quia nos in baptismo & per alia Sacramenta recipimus gratiam sanctificantem, non recipimus autem justitiam originalem, atque adeò justitia illa necessariò est aliud à gratia. Secundò probabiliter suadetur (nam prior illa persuasio est quasi demonstrativa, quia prima præmissa ejus sit fides, secunda experimentum, quibus nihil certius?) Adam enim fuit conditus in justitia originali secundum omnes plerumque, non fuit autem conditus in gratia secundum multos, ergò jam Theologicè probabile est, & assensu dignum, quòd aliud sit gratia, & aliud justitia originalis, aliter enim non possent separari, quod tamen est factum. Tertiò huc redit illud ex Tridentino allatum Sess. V. definiente, quòd Adam mandatum DEI transgressus amiserit justitiam & sanctitatem, in qua constitutus fuerat, cum enim Concilium seorsim ponat justitiam & sanctitatem, quia enumerat illa tanquam plura, & per sanctitatem constat intelligi gratiam sanctificantem, per tò justitiam non intelligit eandem, sed aliud donum utique hujus justitiæ originalis, ergò.

Præterea huc facit Scriptura illa & sententia Apostoli ad Rom. 6. *Gratia DEI vita æterna*, hinc enim habetur, quòd effectus proprius & formalis gratiæ sit dare jus ad gloriam sive vitam æternam, at verò effectus justitiæ originalis non, ergò aliud est hæc, & aliud illa. Confirmatur: Quia justitia originalis non durat in gloria, jus in ipsam durat, ergò forma præstans hoc erat aliud ab illa: Probatur maj: Quia dona illius statûs erant infra dona beati ac gloriosi statûs, & omnia propria illius competeabant corpori mortali ac animali.

Dices contra primariam probationem: Effectus gratiæ primarius erat illud jus vel simile, potuit tamen illa aliud secundarium habere, qui sit iste: Sed Contra, Quia totum frustra erit, nam nos hodie habemus gratiam (& multi Sancti sine dubio habuerunt majorem quàm Adam) adeoq; habemus omnes effectus ejus tam primarium quàm secundarium, nam gratia omnes illos naturaliter causat (nec enim liberè) & tamen non habemus effectum illum justitiæ originalis, scilicet impedire concupiscentiam & verecundiam nuditatis, adeoque ille non erat effectus gratiæ neque primus neque secundus.

Confirmatur Conclusio: Quia Scriptura Sacra significat effectum justitiæ originalis fuisse impedimentum erubescentiæ, Genes. 3. *Quis enim indicavit tibi, quòd nudus esses, nisi quia de ligno, de quo præceperam tibi, nè comederes, comedisti*, si enim esset effectus secundarius talis formæ, non rectè videretur assignandus ei absolute ille, sed potius primarius, qui esset eo loco dignus, sed si illud impedimentum esset effectus gratiæ, sine dubio esset effectus secundarius ejus, ergò. Deinde gratia & ejusmodi justitia differunt subiecto, ergò non sunt idem, nam nulla una forma potest esse in diversis subiectis. Antec: probatur: Quia gratia est in essentia animæ, aut saltem in voluntate, justitia originalis in corpore & in anima, qua sensitiva est & inclinata ad objecta delectabilia. Tertiò, gratia est supernaturalis in substantia, justitia illa naturalis, cum sit etiam corporalis, ut vidimus, & nihil corporeum posset esse supernaturale. Denique potest quis habere unum horum, non habendo alterum, ergò non sunt idem, nec enim quis potest simul habere id ipsum. Antec: quod est de possibili tantum ostendo de facto, quia Eva retinuit justitiam originalem aliquamdiu, cum interim non retineret gratiam sanctificantem, amisit gratiam sine dubio, quando manducavit



ducavit de fructu ligni, quia esus ille secundum Theologos communiter fuit grave peccatum, certè autem fuit fons omnium aliorum peccatorum orbis, non tamen amisit justitiam originalem, nisi postquam Adam comedit, tunc enim, ut asserit Scriptura ibidem *aperti sunt oculi amborum*, imò argumentum etiam currit de ipso Adamo, ipse enim sine dubio peccavit volendo comedere, priusquam comedit, neque tamen amisit justitiam, nisi postquam comedit, ut jam ostendi ex Scriptura, ergò. Sed in contra

Arguit quispiam: Justitia facit justum, ut de se patet, sed nulla forma justificat sive facit justum, nisi gratia, ergò justitia illa fuit gratia. Respond. Grammaticaliter benè argumentari, verumtamen sciendum appellationem justitiæ non esse primò inditam gratiæ habituali, quam Authores latinæ linguæ planè ignorarunt, sed primò imposita est illa ad significandam virtutem cardinalem, quæ suum cuique tribuit, hinc autem translatus est vocabulum ad aliam formam significandam, illam scilicet habituales sanctificantem. Si ergò principale analogum non debet sanctificare, quis mirabitur aliud posterius & minus principale, puta originalem nostram retinere nomen justitiæ, nec tamen justificare, intelligo theologicè loquendo, nam ethicè loquendo illa justitiam administrat tribuendo suum cuique in hac materia D E O obedientiam animæ, ipsi animæ obedientiam corporis. &c.

VII.  
Justitia originalis non fuit aliquid radicatum in gratia, sanctificantem.

Dico Quartò: *Justitia originalis non fuit aliquid radicatum in gratia sanctificante.* Probatur: Quia omnè illud, quod radicatur in gratia & emanat naturaliter ab illa, invenitur ubique cum ipsa, non autem invenitur justitia originalis cum ea ubique, nam nostrum aliqui habent, gratiam; nullus autem justitiam originalem. Confirmatur ex doctrina Adversariorum: Dicunt illi charitatem & alias virtutes theologicas emanare à gratia, & radicari in ipsa,

ac proinde ubicunque est gratia, ibi esse illas virtutes, ergò si justitia originalis similiter radicatur in gratia, tunc gratia non poterit separari ab ipsa, separatur autem, ergò non radicatur. Quæ tota doctrina inde confirmatur ulterius, quia si hujusmodi justitia emanat & naturaliter à gratia & comitatur eam, non potest nisi miraculosè separari ab ea, quale autem miraculum? & quàm dignum DEO auferre homini, quæ ei debentur, impedire profectum ejus spiritalem, & adjicere incentiva peccandi, fomitem concupiscentiæ & iræ.

Dices: Gratiam non dari nobis ab origine, & proinde nec justitiam originalem. Respond. Perperam hoc fingi, quia formæ non mutant naturas suas cum tempore, quo dantur vel durant, justitia originalis eisdem effectus confert, sive citò sive tardè detur. Præterea ex antiquis Hieremias Propheta, ex nostris S. Joannes Baptista, à fortiori B. V. MARIA, & certissimè omnino CHRISTUS DOMINUS habuerunt gratiam non solum in origine seu nativitate, sed priusquam orirentur, in uteris ante ortus Sancti, neque tamen ullus eorum habuit justitiam originalem, ergò.

Dico Quintò: *Justitia originalis non est temperamentum naturale humorum suave ac placidum.* Probatur: Quia plurimi sunt, qui tale habent, cum tamen nullus habeat justitiam originalem: Tum, Quia temperamentum humorum ADAMI mansit ei etiam post peccatum, non enim natura ejus aut illius immutata est per peccatum, & tamen justitia originalis non mansit ei, sed erepta est, ergò. Valdè cavendæ sunt istæ novitates, quia aperiunt viam ad negandas Scripturas, & dicendum, quòd justitia originalis non fuerit donum DEI, neque quidpiam supernaturale, aut excedens vires naturæ, clarum est enim, quòd complexio suavis & moderata humorum multis obveniat à natura.

VIII.  
Justitia originalis non est temperamentum naturale humorum.

Dico



IX.  
Justitia ori-  
ginalis non  
fuit exter-  
nus influxus  
DEI sed  
sola.

**Dico Sexto :** *Justitia originalis* hec fuit *externus influxus DEI ex to- to*. Probatur : Quia non est dignum DEO, ut assistat concupiscentiæ hominis, & reprimat motus ejus, id enim esset agere pædagogum, & quasi ferulâ quâdam retundere petulantiam pueri, magis dedecet DEUM, tale quid sæpè agere quàm semel. At verò si velimus petulantiam carnis repressam esse per habitum aut formam inhærentem, sufficit, id DEUM semel egisse, deinde enim ipsa forma id faciet, si autem per influxus ejus efficientes, tunc illi debent repeti toties quoties. Denique : Non potest quis repugnare nisi repugnanti (ista enim sunt mutua) adeoque quando DEUS repugnat, & reprimat pravorum motus concupiscentiæ, jam illa resilit in hominem, atque ita homo non est liberatus ab importunitate concupiscentiæ, neque habet pacem, sed bellum, quod est contra communem sensum Theologorum, & felicitatem illius status.

X.  
Justitia ori-  
ginalis fuit  
forma in-  
terna per  
modum  
habitus.

**Dico Septimò :** *In statu naturæ conditæ de facto si ve alio nomine naturæ integræ, & innocentie justitia originalis :* atque id, quo voluntas fuit reedificatâ ad promptè inhærendum DEO, & quo repressus est fomes concupiscentiæ in primis hominibus fuisse formam illis internam per modum habitus si ve unius magis principalis, & plurium minus principalium, qui tamen non sint acquisiti per actus, sed infusi. Hanc puto esse de mente Scoti, & facillimè explicare totam difficultatem, nam Doctor in 2. d. 29. qu. un. §. Quod si dicatur, ubi ait : Quod si ipsa potentia &c. tunc oporteret ponere in singulis potentiis appetitivis inferioribus, singula dona, ita, quod quælibet per suum donum delectabiliter moveretur à voluntate, & ipsa voluntas per donum suum delectabiliter moveret se ad potentias inferiores, & si essent plura talia dona, potissimum tamen fuit justitia originalis, quæ fuit in voluntate.

Probatur Conclusio ex refutatione aliarum sententiarum : Tum, Quia regula Scripturæ & Patrum

Theologorum etiam est, quod Deus duo illa observat, ut scilicet fortiter ac suaviter omnia disponat, ut attingat à fine in finem, sed sine violentia, in quo ad miraculum elucet potentia & sapientia ejus : sed præstare aliquid internum per externa non est suave, neque consentaneum naturæ rerum, ergò jam ille omne tale facit per aliquid internum subiecto. Sed, subsumo, certum est, quod tranquillitas potentiarum hominis sit aliquid internum, ergò judicandum est, quod DEUS voluerit eam præstari per aliquid immanens ipsi homini, non verò per externum. Confirmatur : Quia contrariorum eadem est doctrina, sed ipsa concupiscentia & motus ejus sunt aliquid internum, ergò & quies ab illis, nam ex duobus istis, quæ sunt motus ac quies, secundum hoc scilicet quies, est magis internum subiecto, ergò etiam similiter pax magis tali subiecto, & tranquillitas magis quàm tumultus.

Probatur Secundò : Quia quæ constituunt statum aliquem ex natura sua sunt permanentia, at verò tranquillitas illa & immunitas à vexatione concupiscentiæ constituébant statum, qui fuit primus naturæ conditæ, adeoque debuerunt esse permanentia. Patet maj. ex terminis, alioquin enim status ille non esset stabilis. Et Confirmatur : Quia alii status sic constituuntur, præsens per suam mortalitatem & miseras, ille beatificus per æternitatem & stabilitatem gloriæ &c. ergò. Sed in contra

Arguitur Primò : Videtur falsè supponi, quod in tam perfecto statu defuerit concupiscentia, cum faciat ad felicitatem hominis, quod adeò verum est, ut quidam non contenti naturali impulsu ejus procurent majorem adhibitum fomentis. Respond. vim generativam & delectamentum somni, ut loquitur sapiens cap. 7. sine dubio facere ad felicitatem hominis, sed impotentiam illam & impetum concupiscentiæ, qui quasi imperat rationi, dum deberet parere

XL.  
Imperium  
concupi-  
scentiæ est  
miseria se-  
vitus.

(\*) Aaa

rere



rere esse miseram servitutem, Primum ergo adfuit innocentiae, secundum abfuit. Unde Scotus citatus dicit: Voluntas quibusdam etiam delectabilibus licitis, quandoque habendis, quandoque avertisset: sicut ab illa delectatione, quae non erat habenda, nisi pro tempore, & quodcunque istorum sive praevenire, sive bene uti habitis, sive avertere ab habendis delectabilibus, voluntas delectabiliter faceret, per donum illud supernaturale, quo delectabilius fuit sibi fini ultimo inhærere, & omnibus ordinatis ad illum, quam ab illo separari inhærendo alicui delectabili, non ordinato ad istum finem.

XII.  
Differentia  
inter oblectamentum  
appetitum  
in statu innocentiae  
& peccati.

Instatur: Quò acrior est appetitus, eò amplius est oblectamentum, ergo si defuit aliquid appetitui, defuit & felicitati. Respond. totum esse verum, & proinde tenendum omnino esse, quòd in statu innocentiae homines pari lubentia congraderentur atque modo in statu peccati, sed interest, quòd lubentiam illius statûs homo ipse procuraret arbitrio suo, istam autem praesentis non item: ibi voluntas & ratio imperarent, hic coguntur parere; esset ergo utrobique idem, sed aliter, imò superius notavi, quòd in illo statu congressus esset magis placitus propter rationem, quam Div. Thomas allegat 1. p. q. 98. art. 2. eò quòd in statu innocentiae non esset minor delectatio secundum sensum imò fuisset tantò major delectatio sensibilis, quantò esset purior natura. Et deniq; videtur simile quòd Christo evenit, ille enim imperabat passionibus, quae proinde accurate à D. Hieronymo alio nomine Propassiones vocantur, inter quas & nostras hoc interest, quòd passio reputatur in vitium, propassio non tenetur in crimine. Itaque Dominus ab illis tantum patiebatur, quantum volebat, quòd indicavit in Evangelio eleganter S. Matth. 26. & Marcus 14. qui volens referre angores & tristitias ejus in agone mortis, jam tum imminentis scribit: quòd coepit pavere & tædere, ac maestus esse. Ille ergo coepit,

non verò incipit passio, puta pavor aut tristitia, sed ille ipse quali ruptis cataraetis aperuit aditum illis fluctibus tristitiae.

Arguitur Secundo: Sic DEUS, inquit S. Augustinus, administrat ea, quae condidit, ut ea proprios motus agere sinat, sed motus concupiscentiae sunt naturales, ergo non decuit DEUM impedire ipsos, ergo non impedivit, absit enim, ut aliquid indecens faciat. Respond. Si argumentum vinceret, probaret, quòd etiam in gloria deberent permitti, atque ibi fieri generationes & natiuitates. Itaque dicendum est, quòd nemo conqueri possit de beneficio collato, neque fit illi injuria, quando conditio ejus mutatur in melius, imperium in concupiscentiam, sine dubio est beneficium, neque quisquam debet conqueri, si ipsi sit collatum. Axioma ergo Augustini accipiendum est cæteris paribus, id est, si natura non juvetur interim, vel inferatur ei vis, & auferatur aliquid debitum. & est casus: Si quis nascatur hydropicus vel leprosus, non fit ei injuria, si aqua illa interius auferatur, nam concupiscentia, ut hodie militat in membris, est morbus.

XIII.  
Axioma S.  
Augustini: Sic DEUS  
facit causas  
propriis  
motus agere, ex  
tunc.

Arguitur Tertiò: Si justitia originalis est habitus & qualitas posita in appetitu Adami, vel alterius hominis, tunc concupiscentia & vis generativa hominis non habebunt exercitium sui, nam qualitas illa compescet illos motus non solum ante rationem exurgentes, sed etiam post ipsam, neque enim illa qualitas novit distinguere tempora. Id autem si verum foret, impediret generationem in statu illo, quòd non est factum, neque fieret. Respond. Hoc negotium intelligendum esse, prout superius insinuavi, ut scilicet non auferretur appetitus ille, sed differretur, ut subesset rationi & accederet ac prorumperet in actum concedente aut imperante illa, ad modum, quo Christus Dominus utebatur naturae nostrae passionibus, tristitia, timore &c. quae non dominabatur ei, sed parebant, coepit enim tristari ipse

XIV.  
Appetitus  
generandi  
subfuit  
rationi.



Ipse scilicet, non verò tristitia coepit, ut jam supra. Credo tamen, quòd nullus plenè noverit explicare justitiam originalem nisi Adam, aut alius, qui eam accepit, nos scimus quid ille perdiderit, ipse solus quid accepit; ille solus comedit de ligno scientiae boni & mali, nos solius mali scientiam habemus.

Instatur: Proverb. 30. *Ignis nunquam dicit sufficit*, sed concupiscentia est ignis, ergò nunquam dicit sufficit, sive nunquam saturatur. unum etiam dicitur ignis esse ex insaturabilibus. Respond. Sententiam Salomonis ipso dignam & verissimam esse, sed non contra solutionem datam, quia ille loquitur, ut par erat, de vero igne & elementari, conclusio de typico & similitudinario: Tum verò causa discriminis inter utrumque, sive ratio cur unus, id est, verus & elementaris nunquam dicit sufficit, est ista, quia ille nunquam est idem, sed semper novus; alitur enim novâ materiâ, quâ deficiente extinguitur, non est mirum, quòd ille non facit finem, non satietur, quia nulla satietas sufficit, ed, quòd non sit unus ignis, licet esse appareat, sed plures. At verò concupiscentia unius hominis una est, nec multiplicatur numero, sed est constans & unum individuum, ergò.

Arguitur Quarto: Licet justitia originalis sic salvari possit per compressionem concupiscentiae & potentiae generativae, non tamen comprimeret pudorem, sed erubescencia videtur esse principalis pars justitiae originalis, ut patet ex illò Gen. 2. *Et erubescabant.* Probatur maj: Quia Christus Dominus & Beatissima ejus Mater caruerunt fomite concupiscentiae, & tamen certum est, quòd erubuerint, & erubescerent, si contingeret nudari, ergò. Respond. neg: maj: ad cujus probationem dico, Beatissimam Virginem caruisse quidem fomite non tanquam absente, sed tanquam suspensò, undè benè illa ex nuditate erubesceret, sicut etiam Christus Dominus, non propter se, sed propter alios adstantes,

& videntes, qui non carebant. In Adamo autem fuit fomes absens, & non erubuit oculos Evæ adstantis & videntis, quia etiam Eva fuit immunis à fomite, idemque est de Eva ipsa in ordine ad Adamum.

## QUAESTIO SECUNDA.

### De Justitia sanctificante Adami.

Nihil communius est in Scriptura Sacra & SS. Patribus, gratiam divinam; quâ homines sanctificantur, vocari Justitiam, ad Rom. 8. ait: *Quos vocavit, hos & justificavit*; 1. Corinth. 6. *Hac quidem fuistis, sed sanctificati, sed justificati estis.* & Matth. 1. *Joseph vir ejus cum esset justus.* D. Augustinus lib. de Spiritu & litt. cap. 17. ubi dicit: *Mandatum legis veteris extra hominem scribi, ut eum forinsecus terrificet, donum autem charitatis Christi (gratiae) sanctificantis in ipso homine, ut eum intrinsecè justificet.* Tract. 26. in Joannem: *Quid est hoc justitia Dei & justitia hominis? Justitia DEI hic dicitur, quâ justus est DEUS, sed quam dat homini DEUS, ut justus fiat homo per DEUM.* & lib. superiori cap. 9. *Justitia DEI non quâ DEUS justus est, sed quâ induit hominem, cum justificat impium, quod utique fit per gratiam Spiritus Sancti, quæ diffusa est in cordibus nostris, ut filii DEI nominemur & simus.* Quod praemissò

Dico: *Adam in prima sua creatione accepit gratiam sanctificantem, & consequenter fidem, spem, & charitatem in primo instanti creationis.* Hæc est conformis communiori sententiae, quæ asserit, gratiam illis collatam esse in primo creationis instanti, nam eatenus hoc dicunt, quatenus supponunt illos in illo instanti habuisse usum rationis. Probatur Conclus. prima pars ex Tridentino Sess. 5. can. 1. *Si quis non confitetur primum hominem Adam, cum mandatum DEI in paradiso fuisset transgressus, statim sanctitatem & justitiam, in qua constitutus fuerat, amisisse, incurris-*

L. Adam in primo instanti creationis accepit gratiam sanctificantem, fidem, spem & charitatem.

XV. Christus & B. Virgo erubuerunt, non Adam & Eva, & cur?



turrisseque per offensam prævaricationis hujusmodi iram, & indignationem DEI, atque ideò mortem, anathema sit.

Probatur Secundò ex D. Augustino lib. 14. de Civit. cap. 12. ubi dicit: quòd Adam beatior fuerit in paradiso, quàm quilibet justus in hac mortali vita, atqui carere habitu fidei supernaturalis, non potest ulla beatitudo vocari, cum justus ex fide vivat, ergò. Deindè in Enchirid. ad Laurent. cap. 3. docet: *Fide, spe, charitate colendum DEUM*, atqui Adam in statu innocentiae fuit obligatus ad colendum DEUM, ergò. Denique sine fide nemo justificatur, & est radix justificationis, & in justificatione hæc tria infusa accipit homo, fidem, spem, & charitatem, ergò.

Probatur secunda pars ex Scriptura, Eccles. 7. ubi dicitur: *Quòd fecerit DEUS hominem rectum*, in Scriptura autem designatur per rectitudinem gratia & sanctitas, fides & reliqui habitus. Undè de Job dicitur, quod erat *vir simplex & rectus*. & Psal. 7. rogat DEUM David: *Salvos fac rectos corde*. Deindè Eccles. 17. dicitur: *DEUS de terra creavit hominem - - - & secundum se vestivit illum virtute*.

Probatur Secundò, Tùm ex Tridentino suprà: Tùm ex Arausicano cap. 19. docente: Naturam humanam fuisse conditam in integritate, ubi Tridentinum habet in *sanctitate & justitia*.

Probatur Tertiò ex Patribus: quorum complures illud Gen. 2. Inspiravit in faciem ejus spiraculum vitæ, explicant de inspiratione & infusione divinæ gratiæ, quod licet symbolicum sit, in sensu tamen allegorico non ineptè statum gratiæ indicat, & declarat. Expressè autem habet D. Basilius in Hexameron homil. 10. & D. Augustinus lib. 14. de Civit. cap. 11. ubi dicit: *Fecit itaque DEUS, sicut scriptum est, hominem rectum, ac per hoc voluntatis bonæ, non enim rectus esset, bonam non ha-*

bens voluntatem. Bona igitur voluntas opus est DEI: cum ea quippè ad illo factus est homo. & cap. 17. Cognoverunt ergò, quia nudi erant: nudi scilicet eà gratiā, quā fiebat, ut nuditas corporis nulla eos lege peccati menti eorum repugnante confunderet.

Probatur Quartò Ratione: Quia tùm constet, sanctitatem eis fuisse collatam ante lapsum convenientissimè dicitur, gratiam illam statim fuisse collatam in creatione, cum nulla fuerit ratio differendi, & ipsi posterius Adæ, si non peccasset, fuissent creati in gratiā sanctificante.

### QUÆSTIO TERTIA.

*An si Adam non peccasset, omnes posterius ejus confirmarentur in justitia originali, & gratia sanctificante?*

**D**IV. Anselmus lib. 1. *Cur Deus* homo dicit: Primi Parentes si vicissent, ita confirmarentur cum sua tota propagine, quòd ultra peccare non possent. Pro quo Notandum, quando Tridentina Synodus & Doctor subtilis in hac materia de sanctitate & justitiā loquuntur, congruè accipi posse de justitia originali, quā scilicet præditus fuit Adamus, & in naturali felicitate ac rectitudine constitutus. Verùm hic ego agam, tam de justitia originali, quàm de justitia, quæ hominem formaliter justificat seu de gratia sanctificante. Quo prænotato

Prima difficultas: An illa justitia originalis transfunderetur ab Adamo in posteros, sicut peccatum originale ipsius transfusum est in ipsos; & certum est, non transfundendam fuisse physicè, quia nulla virtus physica erat in Adamo, quā produceret in anima filii sui gratiam sanctificantem, aut virtutes morales, aut immortalitatem, ut est evidens, sed gratia illa & virtutes spectant ad justitiam originalem, ergò. Undè difficultas solum procedit de transfusione



fusione morali seu meritoria simili illi transfusioni, quâ transfunditur in posteros peccatum originale, quæ transfusio consistit in hoc, quod ipse eo ipso, quo obediret DEO non comedendo de fructu vetito mereretur, ut DEUS posteris ipsius concederet illam justitiam, vel in hoc, quod ipsimet posteri, sicut peccaverunt in ipso, quando ipse peccavit, & propterea nascuntur in peccato originali, ita mererentur in ipso, dum ipse mereretur, & propterea nascerentur in justitia originali.

I.  
Si Adam  
primam  
tentationem  
vicisset, po-  
steri fuisset  
in justitia  
originali &  
gratia con-  
firmati.

Dico Primò: Si Adamus primam illam tentationem vicisset, eum & suos filios ac nepotes confirmatum iri in gratia sive justitia originali. Ita Doctor subtilis 2. d. 20. ex D. Anselmo supra. Probatur Conclusio Primò: Ex Trident. Sess. V. Can. II. ubi definit ipsam justitiam & sanctitatem sibi & posteris perdidisse, ergò posteri justitiam aliquam habuissent. Et Can. V. docet, fomitem concupiscentiæ oriri ex peccato. Sess. 6. cap. 7. ait: Adamum suâ inobedientiâ sibi & nobis perdidisse illam, quam à DEO acceperat, ergò cum Adam fuerit constitutus caput posteritatis totius, ita fuit constitutus tam ad transfundendam gratiam, quam ad peccatum originale. Arausicanum Can. 19. supponit secluso peccato naturam humanam fuisse permanentem in illâ integritate, in qua erat condita.

Probatur Secundò ex Patribus: Quia contra Pelagium docent in statu innocentiae non futuram mortem, passibilitatem & cœteras naturas nunc corruptæ molestias &c. & D. Anselmus supra citatus non solum hoc asserit, sed etiam ibidem præclaram subdit rationem: Quia nemo dicet, plus valere injustitiam ad alligandum in servitutem hominem, in prima persuasione sibi consentientem, quam valeat justitia ad consummandum in libertatem sibi in eadem libertate adhaerentem. Sed injustitia valuit ad omnes condemnandos in servitutem, ergò etiam justitia ad omnes in

eadem gratia conservandos, ex quo statim hoc formatur argumentum, quo

Probatur Conclusio Tertiò: Omnes homines sic continebantur in Adamo, ut eo perdente perderent & ipsi, nam sic modo factum est, ergò etiam sic omnes continebantur in eo, ut eo lucrante lucrarentur. Probatur consequ. Quia si non sic includerentur in favore & privilegio gratiæ, sicut in damno & periculo, esset contra jus contractum.

Dices: Scotus videtur aliud sentire, nempe quod filii Adæ ipsimet primam tentationem vincerent, ut in gratia confirmarentur, ergò. Respond. neg: consequ. Nam idè censet Scotus opus fuisse filiis Adæ vincere primam tentationem, ut confirmarentur in gratia, nè essent melioris conditionis quam pater, cum Adam debuerit unam vincere, atqui hoc illi fecissent, quia vicissent unam tentationem, vicissentque primam, quia patris victoria esset ipsorum victoria, & ipsi in illo vicissent. Confirmatur: Quia ad hoc, ut filii perderent in æternum illam justitiam, idque irreparabiliter non fuit opus, ut ullus ipsorum in se tentaretur aut vinceretur, sed tantum omnes in Parente, ergò similiter ad hoc, ut hæreditate possiderent hoc beneficium, non fuit opus, ut vincerent ipsi, aut ut pugnarent in se, sed tantum in Parente, alioquin non staret justitia pacti, sed fieret fraus & injuria. Sed directè in contra

II.  
Quo sensu  
Scotus re-  
neat poste-  
ros debuisse  
se vincere  
primam  
tentatio-  
nem, ut in  
gratia con-  
firmaren-  
tur

Arguitur: Si quis filiorum Adæ comederet de ligno scientiæ boni & mali post primam perseverantiam Adami, ille non perderet justitiam originalem, ac proinde adhuc remaneret immortalis, consequens autem videtur absurdum: Tum, quia omnibus dictum est: In quacunque die comederis ex eo, morte morieris: Tum, Quia videtur secundum regulas justitiæ potius attendendum esse ad propriam cujusque dispositionem, quam ad externam parentum, intellege pro ferenda sententia mortis in quemquam, ergò. Respond. videri mihi



mihi concedendam consequi: & ad absurditates illas cavendas concedo omnibus dictum esse, *in quacunque die comederis, morieris*, ac proinde omnes nos esse mortuos, quia omnes comedimus in uno scilicet Adamo. nego autem id singulis dictum esse sive ulli in propria persona, nam illa observantia sicut & transgressio fuit totius speciei simul, non autem individuorum seorsim. ex quo patet ad alterum: id enim verum est de aliis legibus, in quibus *filius non portat iniquitatem patris, sed anima, quæ peccaverit, ipsa morietur*. Et denique habendum præ oculis est hanc fuisse heteroclitam legem, quæ in principio rerum primis hominibus lata, nec primam similem visa est, nec habere sequentem.

III:  
Nec Adam,  
nec posterius  
fuisse confirmati in  
justitia originali, nisi  
victa tentatione de esu  
ex fructu ligni vetini.

Dico Secundò: *Licet Adam alias tentationes vicisset, nec ipsum nec posteros confirmandos fore in justitia originali, nisi vicissent tentationem de esu ex fructu ligni scientiæ*. Probatur, Quia negotium fuit allegatum huic præcepto & hujus observantiæ, non aliis, adeoque illa frustra adferuntur huic. Consequi: est evidens, probatur antec: Quia duo illa immania privilegia, in quibus potissimum consistebat justitia originalis, scilicet immortalitas, & impudentia nuditatis ab hac pendebant, ut videre est Gen. 2. & 3. Primò quidem, quia ibi DEUS edixit peremptoriè Adamo: *Ne comedas*, intellige de ligno scientiæ, *in quacunque enim die comederis, morte morieris*. Ecce immortalitatem annexam abstinentiæ ab esu illius ligni. iterum ibidem cap. 3. *Quis indicavit tibi, quod nudus esses, nisi quia ex ligno, de quo præceperam tibi, nè comederes, comedisti*. Ecce honestatem & impudentiam nuditatis dependentem ab illo esu, sed justitia originalis in his vel solis vel quàm maximè consistebat, adeoque pependit ab observantia solius illius præcepti, nisi nos velimus Moysen corrigere, & Scripturam divinam augere inferendo illi nostras opiniones, itaque cætera præcepta erant parerga, & impertinentia ad illius justitiæ retentionem,

Probatur Secundò à praxi: Quia secundum omnes ferè Adamus alio peccato imò pluribus & gravibus peccavit ante peccatum esus, peccavit superbiâ, peccavit incredulitate, peccavit nimia indulgentiâ in uxorem &c. idque ante omnem esum ligni, & tamen non amisit justitiam originalem, nisi postquam edit, ergò jam signum est justitiam illam pependisse à solo illo esu, non verò ab aliis. Confirmatur: Quia quantum ad gravitatem culpæ & reatum majoris poenæ alia peccata erant majora, quàm peccatum esus, ergò, denique judicandum est, quòd non ex natura rei, sed ex facto & pacto proveniret, quòd justitia illa fuerit alligata esui, aut abstinentiæ ejus, atque hinc

Probatur Tertio ex D. Paulo: ad Rom. 5. v. 15. & 16. ibi enim ille comparat inter se duos, quasi patres generis humani, Adamum & Christum Dominum, quem præfert priori, eò quòd plus nobis profuerit, quàm obfuerit alter: *Sed non sicut delictum, ita & donum: Si enim unius delicto multi mortui sunt, multò magis gratia DEI & donum in gratia unius hominis JESU CHRISTI in plures abundavit. Et non sicut per unum peccatum, ita & donum: nam judicium quidem ex uno in condemnationem, gratia autem ex multis delictis in justificationem*. Ubi vides Adamum uno peccato sive delicto (ut voles) obfuisse generi humano, si autem uno, jam non multis: at verò si transmitteret omnia sua peccata in posteros, sicut transmisit inobedientiam esus, haud dubiè obfisset multis peccatis, quòd non est factum, quia *judicium ex uno in condemnationem*. Undè secundum alios illos perderet omninò vim, etiam veritatem illa tam emphatica antithesis Apostoli: Tùm enim judicium non esset ex uno: Tùm non differret Christus ab Adamo, quòd *gratia ejus esset ex multis delictis in justificationem*, nam etiam damnum ab Adamo illatum & judicium esset *ex multis delictis in condemnationem*.

Dico



IV. Posteri A-  
dæ in statu  
innocentie  
nascen-  
tur in gra-  
tia sanctifi-  
canti. sed  
non confir-  
mati in il-  
la.

**Dico Tertiò : Posterii Adæ in sta-  
tu innocentie nascerentur quidem cum  
gratia sanctificante, non tamen in illa  
confirmati.** Probatur Conclusio quo-  
ad primam partem, quia gratia san-  
ctificans pertinet principaliter ad ju-  
stitiam originalem tanquam quid ex  
partibus integrantibus, & maxime  
decebat potteros Adæ habere ean-  
dem. Pro hac parte maxime faciunt  
omnia loca pro prima conclusione  
citata ex Conciliis. Probatur secun-  
da pars : Quia posteri Adæ non fuis-  
sent melioris conditionis, quam in  
quâ primi parentes fuerunt conditi,  
sed primi parentes non fuerunt in il-  
la confirmati : unde D. Augustinus  
lib. 14. Civit. cap. 10. ait : *Quam se-  
lices erant primi homines, tam felix  
esset universa societas humana, si nec  
illi malum, nè quisquam ex eorum stir-  
pe iniquitatem committeret, quæ dam-  
nationem reciperet, ergò supponit  
potuisse illos peccasse, & iniquita-  
tem aliquam committere, quare vi-  
detur omnibus dictum esse illud Ge-  
nes. 2. In quocunque die comederis ex  
eo, morte morieris.* Confirmatur :  
Quia hoc magis congruit libertati  
viatorum seu statui viæ ac meriti,  
sicut patet à pari de Angelis, qui crea-  
ti non statim fuerunt in gratia con-  
firmati. Non nego, quin DEUS ab-  
solutè loquendo etiam salva liberta-  
te ad bonum & malum potuisset sin-  
gulos confirmare per auxilia effica-  
cia in bono, imò etiam sublatâ po-  
tèstati ad malum ac demeritum, po-  
tuisset relinquere perfectam indiffe-  
rentiam ad meritum in bonis eligen-  
dis. Sed in contrarium

V. Patres in-  
oppositum  
citati ex-  
plicatur.

**Opponitur Primò : Autoritas**  
Damasceni supra, & D. Gregorii in-  
frà citandi, qui docent, eos statim  
confirmandos in gratia, si Adam non  
peccasset. Respond. Patres intelli-  
gendos esse, posteros in gratia con-  
firmandos, si ipsi primam quoque  
tentationem superassent, non enim  
debuerunt esse melioris conditionis,  
quàm primi parentes. Deinde S.  
Gregorius dicit, tantum Adamum, si  
perseverasset, nunquam ex se filios  
gehennæ generaret, id est, quòd so-

lum electos generaret, aliud autem  
est, electum esse, aliud in gratia con-  
firmatum, potuissent enim omnes  
esse electi, & tamen nonnulli aut e-  
tiam multi peccare, quorum tamen  
nullus in peccato persisteret libero  
arbitrio gratiæ cooperante.

**Arguitur Secundò : Bonum est** VI. Quò sensu  
bonum sit  
potentius  
malum.  
potentius malo, sed malum Adæ  
fuit causa, ut nascerentur filii ejus  
peccatores, ergò bonum ipsius si  
perseverasset, fuisset etiam causa, ut  
nascerentur justii & confirmati in  
gratia. Respond. Primò disti: maj:  
Bonum est potentius malo, quate-  
nus una conversio bona est majoris  
virtutis ad reconciliandos nos DEO,  
quàm plurima mala antecedentia ad  
impediendam reconciliationem,  
concl: maj: quatenus bonum possit  
magis deservire ad bonum aliorum,  
quàm malum ad nocendum ipsis, ne-  
go maj: & concessa min: neg: con-  
sequ: Respond. Secundò, neg: con-  
sequ: pro secundâ parte de con-  
firmatione, quia sicut malum  
Adæ non erat causa, ut filii nasce-  
rentur confirmati in malo, sed tan-  
tùm ut nascerentur mali, ita bonum  
ipsius non debet esse causa, ut na-  
scerentur confirmati in bono, sed  
sufficit, quòd sit causa, ut nascantur  
boni. Respond. Tertiò, dist: Bonum  
aliquid potest esse potentius quo-  
cunque malo, concl: sic meritum.  
Christi erat potentius quàm malum  
ullum in ordine ad hoc. Bonum  
quodcunq; in ordine ad merendum  
est potentius malo ad demerendum  
aliquid sibi vel aliis à DEO, nego:  
aliàs sicut per malum ordinis natu-  
ralls factum nostris propriis viribus  
demeremur gratiam, amicitiam DEI,  
ita per bonum quodcunq; natura-  
lis ordinis nostris viribus posse-  
mus mereri gratiam ejus, contra  
omnes.

**Arguitur Tertiò : Si unum op-  
positum est causa alicujus effectus  
sibi similis, alterum oppositum erit  
similiter causa alterius effectus sibi  
similis, & oppositi effectus alterius  
oppositi, sed injustitia Adæ est causa,**  
tur



cur filii nascentur injusti, ergo justitia illius, si adfuisset, esset causa, cur nascerentur justi. Respond. neg: maj: si intelligatur ad propositum, quia quando unum oppositum non est natum produci à causa æquivoca, licet alterum oppositum possit producere effectum sibi similem, non sequitur, quod illud oppositum, quod peteret produci à causa æqui-

voca, posset producere effectum sibi similem, nec produci ab aliquo sibi simili, sic peccato intemperantiæ potest quis perdere coelum, indè tamen non sequitur, quod actu temperantiæ possit quis lucrari coelum absque aliis adjutoriis. Imò si concederetur totum, indè tamen non sequeretur, quod nascerentur confirmati.

~~~~~

## DISPUTATIO SECUNDA.

*D E*

### Justitiâ & Gratiâ Justificationis nostræ.

Lib. 6. Gen.  
mes. lxx.  
cap. 27.

**I**N hoc renovamur, ait Augustinus, secundum id, quod amisit Adam, id est, secundum spiritum mentis nostræ. Secundum autem corpus, quod seminatur animale, & resurget spirituale, in melius renovabimur, quod nondum fuit in Adam. Dicit item Apostolus, Expoliantes vos veterem hominem cum actibus suis, induite novum, qui renovatur in agnitione *D E I* secundum imaginem ejus, qui creavit eum. Hanc imaginem in spiritu mentis impressam perdidit Adam per peccatum, quam recipimus per gratiam justitiæ. Quare visa gratia originali, quam nobis Adam perdidit, erit examinanda gratia justitiæ, quâ in spiritu mentis nostræ renovamur, porro naturam humanam justificationis capacem esse ex D. Ambrosio ostenditur his verbis: Ipse enim, ait Ambrosius, naturam demonstravit humanam etiam istam, quæ sub peccato nascitur, & cujus ortus in vitio est, esse justificationis capacem; sed hanc per gratiam, quod inimicum est vobis, eidem gratia crudelibus inimicis, id est, Pelagianis, quorum asseclæ in quibusdam punctis sunt moderni nostri sectarii. Porro justificationis gratia dicitur etiam gratia sanctificans, gratia gratum faciens, & etiam gratia habitualis, undè Doctores passim hoc, passim illo utuntur termino, ego sub titulo gratiæ justificantis, seu justificationis, totam hanc doctrinam proponam, Sit igitur

Lib. 1. contra  
Julian.  
cap. 1.

QUÆ-

QUÆSTIO PRIMA.

Quid sit justificatio, & an fieri possit absque forma intrinseca intrinsecè receptâ in Justificato?

L  
Justificatio  
non deno-  
minat.



Sicut à calefactione fieri quis calidus tanquam per actionem applicantem sibi calorem, & sicut quis dicitur sanari per actionem applicantem remedia sanativa, ita dicitur homo justificari per actionem applicantem virtutem, qualitatem & dona illa habentia vim justificandi, sanctificandi, & ex peccatoribus faciendi justos & sanctos; hinc antequam ad ipsam formam explicandam gressus faciam, de ipsa hac actione præmitto quæstionem, pro qua

11.  
Justificatio  
diversimodè  
accipitur.

Notandum: In Sacra Scriptura Justificationem Primò accipi pro ipsis legibus, quas homini DEUS dedit, ut Num. 9. *Facient Phæse Domino juxta ceremonias & justificationes ejus.* Sic Psal. 104. *Ut custodiant justificationes ejus, & legem ejus requirant.* & sæpius Psal. 118.

Secundò accipitur pro pronuntiatione seu declaratione justitiæ de aliquo facta, idque dupliciter, semel si à judice quis accusatus declaretur justus sive verè, ut Psalm. 81. *Humilem & pauperem justificate.* Sive falsè, ut Proverb. 17. *Qui justificat impium, & condemnat justum, uterque abominabilis est apud DEUM,* & hæc dicitur justitia forensis. Aliter intelligitur de quolibet privato, qui vel se venditat pro justo, ut Lucæ 10. *Ille autem volens seipsum justificare.*

Tertiò sumitur pro donatione veræ justitiæ, idque vel activè, ut ad Rom. 4. v. 5. *Credenti autem in eum, qui justificat impium.* & cap. 8. *Quos vocavit, hos & justificavit.* vel passivè idque dupliciter, vel pro acquisitione vel pro adeptione justitiæ à DEO, ut 1. Corinth. 6. *Hæc quidem fulstis, sed abluti estis, sed sanctificati estis, sed justificati estis.* ubi intelligi-

tur de iis, qui ex impiis fiunt just, & vocatur justificatio passiva; aliter sumitur pro acquisitione augmenti justitiæ, ut dum aliquis habens justitiam, accipit majorem, sic Eccles. 18. dicitur: *Ne verearis usque ad mortem justificari.* & Apocalyps. 22. *Qui justus est, justificetur adhuc, & sanctus sanctificetur adhuc.* Acatholici hanc tertiam justificationem negant, ut infra patebit.

Denique Justificatio ut ad præsentem Tractatum spectat, sumitur potissimum pro mutatione, quâ quis ex non justo fit justus, seu ita gratus & acceptus DEO, ut si in eo itatu è vita discedat, æterna sit felicitate donandus, quo sensu dari justificationem ipsi hæretici concedunt, & tam manifestè patet in S. Scriptura, quàm in hac vitâ esse aliquos DEI amicos & justos, quibus parata sit beatitudo cœlestis. Juxta hanc igitur acceptionem.

Dico Primò: *Justificatio rectè describitur, mutatio seu transitus naturæ rationalis à negatione justitiæ ad justitiam seu gratiam.* Hæc patet, quia soli & omni justificationi competit sine superfluitate & obscuritate, ut patebit ex singularum partium explicatione. Dicitur primò *Transitus*, in quo convenit cum quavis alia mutatione: Dicitur *Naturæ rationalis*, ut designetur subjectum capax justificationis; adduntur reliqua, ut designentur termini per se à quo & ad quem justificationis, qui sunt negatio gratiæ sanctificatis sive intrinsecè sive extrinsecè justificado, à quâ positivè vel negativè receditur, ipsaque gratia, ad quam acceditur, nam licet peccatum etiam sit terminus à quo justificationis, non tamen nisi ordinariè & per accidens, eo modo, quo forma, quæ corrumpitur, est terminus à quo generationis, vel alterationis. Undè quemadmodum generatio subsistit, quando in materiam non ante informatam inducitur nova forma, ita & justificatio subsistit, quando in animam, peccati licet expertem, inducitur gratia, ut contigit in Angelis;

Ms.  
Justificatio  
describitur.



primis parentibus, & DEI para, qui in eodem instanti temporis conditi & justificati sunt, & de facto contingit, quoties jam justificatus incrementum suscipit justitiæ, nam sic etiam tunc justificari dicitur, ut patet ex illo Apocal. 22. *Qui justus est, justificetur adhuc.* Cœterum, an ejusmodi transitus, quem justificatio importat, formaliter in ente rationis reali, aut negatione consistat, parum interest nostrâ, & unusquisque secundum principia hanc rem resolvere potest, tantum consequenter loquatur. Ex his patet, descriptionem justificationis traditam à Trident. Sess. 6. cap. 4. quod *nempè sit translatio ab eo statu, in quo homo nascitur filius primi Adæ in statum gratiæ & adoptionis filiorum DEI, per secundum Adam JESUM Christum Salvatorem nostrum*, non esse descriptionem justificationis ut sic, sed solum primæ justificationis, quâ ab originali peccato ad statum gratiæ transitur.

IV.  
Justificatio  
posset con-  
tingere  
abique mu-  
tatione re-  
ali intrin-  
seca.

Dico Secundò: *De potentia absoluta contingere posset justificatio sine ulla mutatione reali intrinseca justificati.* Est Scoti 1. d. 17. q. 3. n. 29. & in 2. d. 28. quem præter suos sequuntur Nominales & Suarez lib. 7. de gratia cap. 22. contra D. Thom. 3. p. q. 580. a. 2. ■ prima secundæ q. 113. Vasquem Disp. 207. Sotum in 4. disp. 15. & Thomistas communiter, ac Bellarm. 1. 2. de justificatione cap. 16. ubi licet fateatur posse remitti peccatum sine mutatione peccatoris, & hunc ordinari ad gloriam, docet tamen non posse animam renovari aut ornari sine gratia intrinsecè recepta. Probatur Primò: Quia ad justificationem nil requiritur ex necessitate, quod non requiritur, ut quis ex non justo aut peccatore evadat justus, hoc est, expers peccati, DEI amicus, & dignus vitâ æternâ, sed ut quis ex peccatore aut non justo evadat justus, non necessariò requiritur ulla forma vel entitas realis nova ipsi intrinseca, & per consequens nulla ejus mutatio realis, ergò. Probatur min: Quia sufficit, ut DEUS velit ipsi pec-

catum, si quod habet, remittere, ipsumque adoptare in amicum, filium & hæredem vitæ æternæ, quemadmodum in humanis Paulus sola acceptance extrinseca Petri fit ex ejus inimico amicus, filius adoptivus, & dignus hæreditate, quam omnibus adoptatis voluit esse communem. Et sanè gratissimè diceretur, non posse DEUM habere talem volitionem, quin velit hic & nunc aliquid reale novum producere.

Probatur Secundò: Non magis ex natura rei repugnat fieri aliquem solâ acceptance extrinsecâ DEI ex non justo justum, quàm ex non domino dominum, ex non rege regem, aut fieri ex non Sacramento Sacramentum, sed hæc fieri non repugnat, nam de facto filii Israël solâ ordinatione DEI, quâ nihil reale productum fuit, facti sunt Domini vasorum, quæ ab Ægyptiis mutuata fuerunt, & Saul Rex populi Israël. Res & actiones quædam sensibiles, Sacramenta practicè causativè gratiæ.

Probatur Tertiò: Si ad justificationem necessaria sit aliqua entitas intrinseca justificato, vel requiritur tanquam causa formaliter justificans, & hoc non, ut convincunt rationes jam adductæ, vel tanquam dispositio ad illam prærequisita, & hoc non, quia in parvulo etiam de facto nulla requiritur dispositio, & in adulto, licet de lege positâ requiritur, non tamen de absoluta potentia, id enim gratissimè fingeretur.

Arguitur Primò: Justificari ex prima Conclusionem est transire à negatione gratiæ ad gratiam, sed implicat ullum sic transire nisi recipiat gratiam, quam aliàs non habebat, ergò & nisi intrinsecè mutetur realiter. Respond. dist: min: nisi recipiat realiter vel moraliter, conc: nisi realiter & intrinsecè, neg: min: & sub simili distinctione consequi. Itaque sicut sufficit, ut quis transeat ex non cognito in cognitum, quod terminet jam cognitionem, quam non antea, ita ut jam transeat à non gratia ad gratiam, quâ DEO fiat gratus,

tus, satis est, quod nunc velit ipsi DEUS peccatum remittere, & dare beatitudinem, si in eo statu perseveret, hoc enim volendo sicut verum est, quod DEUS magnam gratiam faciat, ita & quod ille magnam recipiat.

Arguitur Secundò: Repugnat, quod homo unus remittat alteri culpam, ipsumque adoptet in filium sine eo, quod vel ipse, vel is, qui remittit, vel quem adoptat realiter & intrinsecè mutetur, ergò & quod DEUS homini peccatum remittat, ipsumque in amicum, aut filium adoptet, nisi vel ipse vel homo realiter & intrinsecè mutetur. Respond. neg: consequ: Quia antecedens idè verum est, quod nequeat homo aliquid de novo velle, nisi producendo in se volitionem, quam aliàs non haberet, DEUS autem absque ullà volitione novà aut etiam realiter à se distincta vult quaecunque vult, ut pro nunc supponendum est ex materia de voluntate DEI.

Instatur: Repugnat denominatione realis, qualis est denominatio iusti per se & realiter annexa justificationi, quam non comitetur mutatio realis, vel illius, quod denominatur, vel saltem alicujus alterius, sed non est necessarium ad justificationem, quod DEUS aut aliud quidpiam à Petro v. g. realiter mutetur, ergò quod ipse Petrus. Respond. neg: maj: si per denominationem realem intelligatur, ut hic debet intelligi denominatio non ficta, DEUS enim habet denominationem nolentis producere alium, quem posset producere mundum, quam nulla DEI vel alterius mutatio comitatur: aut quod plus est, nunquam sequetur, sic sine nullà comitanti mutatione potest unum Regem constituere, asperionem v. g. aquæ benedictæ elevare ad rationem Sacramenti. Respond. Secundò, dist: maj: quam non comitetur mutatio realis, id est, quæ fiat accessu vel interventu realis entitatis, quæ aliàs non esset, nego. mutatio realis, id est, non ficta, seu quæ fiat per novam sic terminan-

tiam entium realem, quæ aliàs non esset, conc: maj: & in hoc sensu etiam consequ.

Arguitur Tertiò: Non potest <sup>V. Actus qualis sit, quo DEUS non imputat culpam.</sup> peccatum remitti sine physicà mutatione peccatoris, ergò nec sine tali potest fieri justificatio saltem impii, quæ necessario involvit remissionem peccati. Antec: patet primò: Quia peccatū, quamdiu est voluntarium, non potest remitti, sed est voluntarium quousque remittatur per aliquem actum. Secundò: Cum malitia peccati consistat in privatione habitus gratiæ, ut volunt Thomistæ, vel rectitudinis debitæ in esse, ut volunt Scotistæ, non potest auferri, nisi introducatur positivum, quo privat. Tertiò: Quia si per aliquid extrinsecum peccatori remitti posset, maximè per aliquem actum divinæ voluntatis, sed nequit explicari, vel ostendi ille actus, ergò. Respond. neg: antec: ad probam 1. dist: maj: quamdiu voluntarium, id est, actualiter & directè volitum, quæ est DEI offensa, conc: sed nego in hoc sensu minorem, volitum, id est, indirectè & permissivè, quatenus ultrò quis deberet procurare peccati jam commissi remissionem, quo sensu tantum vera est minor, neg: maj: & consequ: Ad secundam dico falsum esse, quod consistat in privatione gratiæ, & quidem si consisteret, repugnaret illud expelli, nisi introducto habitu gratiæ, vel sublato à peccatore debito habendi gratiam. Quare supponendo pro nunc peccatum consistere in negatione rectitudinis seu conformitatis pro illo instanti vel tempore, quo quis peccavit, dico, ut remittatur peccatum, eam rectitudinem non deberi, imò nec posse unquam sine vel cum infusione gratiæ reduci, & nec fieri, ut peccatum pro eo tempore, quo commissum est, non sit commissum, sed sufficit, & requiritur, quod moralis macula, seu indignitas ex libera posita non conformitate ad legem derelicta auferatur, quod fieri potest extrinsecà condonatione DEI non minus, quàm deformitas injuriæ in



te præcisè commissæ, tollitur tuâ ipsius condonatione; juxta hoc ergò in forma negari potest assumptum, vel sic distingui: non potest auferri, quamdiu physicè, seu in se manet, nisi introducatur positivum, quo privat, conc: Si manet tantum moraliter, in quantum scilicet ob ejus voluntariam positionem remanet. homo DEI favore & amicitia indignus, ac dignus odio & pœnâ proportionatâ, quo solo sensu manet peccatum habituale, nego.

Ad tertiam probationem, quæ fortè difficilior est, petitque assignari, quali actu condonare posset Deus peccatum. Respond. Primò, quòd tali, qualem de facto habet, dum per gratiæ infusionem remittit peccatum: quemadmodum quali actu auferit à subjecto calorem, introducto frigore, auferre etiam posset eundem, licet nullum frigus aut formam oppositam introduceret, undè ille actus est adversariis perindè ac nobis explicandus. Respond. Secundò: Directius, actum, quo DEUS condonaret peccatum, non esse primò volitionem, quâ ordinaret peccatorem ad gloriam: Primò, quia posset remittere peccatum ejus, quem ordinare nollet ad gloriam. Secundò, quia ad gloriam ordinavit omnes prædestinatos, & tamen horum multis, utpotè adhuc impœnitentibus, non remisit peccata. Tertio, quia sicut de absolutâ DEI potentiâ peccatum consistere potest cum gratia habituali, perfectâ dilectione DEI, unionem item hypostaticâ, ita etiam fortassis cum gloria, & multò magis cum quavis ordinatione ad gloriam. Secundò: Nec est volitio ordinandi ipsum ad pœnam æternam: Tùm, Quia de facto remittit peccata reprobis, quos tamen ad eam pœnam ordinavit: Tùm, Quia non repugnat peccatum nunquam remissum, nunquam puniri, sicut enim DEUS liberè constituit pœnam peccatis, ita posset nullam statuere, & statutam ex sua bonitate non infligere, licet nollet peccatorem ad suam amicitiam admittere, vel pecca-

tum ejus remittere. Nec est voluntas non puniendi illud ipsum peccatum pœnâ, quia etiam punit Deus, quæ tamen non remittit, secundum omnes Theologos peccata commissâ in inferno. Nec est voluntas eodem modo se gerendi cum peccatore, ac si non peccasset, quia ab iis, quibus in Sacramento peccata remittit, exigit satisfactionem, vel in hac, vel in futura vita, & consequenter non eodem modo se gerit in illis, quo si non peccassent. Est ergò volitio non prosequendi ipsum odio ob peccatum, ex quâ volitione saltem ordinariè sequitur, quòd illud vel nullâ pœnâ puniat, vel non, nisi incomparabiliter leviori vel mitiori. Ex his habetur, quòd peccatum hominis in statu naturæ puræ conditi, & divinam legem transgressi, posset DEUS sine ullâ formâ intrinsecâ remittere, quod etiam concedunt plerique ex Adversariis, seu ex illis, qui negant justificari posse sine formâ intrinsecâ.

Arguitur Quartò: Nequit quis verè dici mundus, ornatus, pulcher, sanctus, renovatus, dignus à DEO amari vi solius extrinsecæ acceptionis divinæ, ergò nec fieri justificatio, in quâ necessariò annectuntur hujusmodi denominationes. Antec: patet: Tùm, quia illæ sunt denominationes reales intrinsecæ: Tùm, Quia ex illis collegerunt Concilia generalia justificationem fieri de facto per formam realem intrinsecè acceptam. Respond. neg: antec: ad cuius probationem dico, quòd sint denominationes reales, id est, veræ, non fictæ, vel tantum apparentes, sunt item extrinsecæ provenientes quidem, ut à conditione extrinsecâ, ab acceptione DEI ut causâ formali, aut morali dignitate, quæ vi istius acceptionis consurgit in animâ, estque ens rationis, seu potius morale, eo modo, quo ratio Sacramenti dici potest munditia, ornatus, pulchritudo, sanctitas, renovatio, & eo modo, quo peccatum habituale est moralis quædam indignitas, macula, turpitudine, iniquitas &c. sic mo-

VL  
Justificatio  
quomodo  
posse dici  
extrinsecâ  
denominari  
no.



sic moneta verè dicitur intrinsecè pretiosa, chara, valere, quod antea non valuit, digna, quæ jam magis quàm antè concupiscatur, denominatione desumpta tanquam à conditione extrinsecà, ab institutione Reipublicæ aut Principis, tanquam à causa formali, à morali dignitate, æstimatione, seu valore vitalis institutionis derelicto. Sic ablutio baptismalis verè & intrinsecè dicitur causativa gratiæ à morali efficacia, quam sine ullâ physicâ mutatione recepit vi institutionis Christi: sic filius ob moralem dignitatem derivatam à meritis suorum Majorum, dicitur nobilis, amabilis, honorabilis. Secundò dici posset, quòd illæ denominationes proveniant moraliter loquendo à formâ exteriori, dicuntur tamen & apparent denominationes extrinsecæ, eò, quòd earum denominata ut talia vix à nobis possint concipi, nisi ad instar habentium aliqua extrinseca, à quibus sic denominentur. Deindè fatendum est, non tam propriè & plenè verificari ejusmodi prædicationes in casu justificationis peractæ sine ullo dono intrinseco, quod non est contra Conclusionem. Ad secundam partem anteced: ejusdem nego assumptum, sed potius ex illis & aliis simul sumptis præcipuè Majorum traditione. Deindè concedi potest juxta immediatè præcedentem responsionem & negari consequentia.

## QUÆSTIO SECUNDA.

*An de facto Justificatio fiat per aliquod reale intrinsecum justo, tanquam per causam formalem?*

**Q**UOS DEUS vocavit, hos & justificavit, ait Apostolus Paulus, utique per Spiritum Sanctum diffusum in cordibus nostris, nempe per donum aliquod, quod S. Petrus maximum & pretiosissimum appellat, quoniam nos divinæ naturæ consortes & participes efficit, & quod S. Joannes semen DEI in nobis manens vocat, & alibi pignus

hæreditatis dicitur, & adoptio filiorum. Circa quam materiam jam olim gravissimè & etiamnum errarunt hæretici, nam Armeni & simularunt hominem non justificari per aliquod donum intrinsecus homini collatum. Lutherus in Comment. ad cap. 2. Galat. vult, Christum per fidem apprehensum esse causam formalem nostræ justificationis: Osiander putat, justitiam DEI increatam esse formale causam. Melanchthon, Illyricus &c. existimant, creatam Christi justitiam esse nostræ justificationis formalem causam, sic tamen, ut misericordia DEI approprians & imputans nobis justitiam, sit causa efficiens principalis, actus autem fidei, quo credimus, eum nobis prodesse, sit in adulto dispositio, vel conditio quædam, tanquam aperta manu justitiam apprehendens. In his omnibus convenit Calvinus cum illis, præterquam quòd neget dari justificationem aliam, quàm remissionem seu non imputationem peccatorum. Verum contra hos omnes errores

**Dico Primò: Justificatio impij non fit per solam non imputationem peccatorum, sed per veram remissionem peccatorum; sicut nec acceptatio in amicum DEI fit per extrinsecum favorem, aut per imputationem gratiæ Christi.** Ita Catholici omnes contra hæresiarchas supra, & Probatur Primò ex Concilio Tridentino Sess. V. Cap. V. Si quis per JESU CHRISTI Domini nostri gratiam, quâ in in Baptismate confertur, reatum originalis peccati remitti negat; aut etiam asserit tolli totum id, quòd veram & propriam peccati rationem habet, sed illud dicit tantum radi, aut non imputari, anathema sit. Et Sess. 6. Can. II. Si quis dixerit, homines justificari vel solâ imputatione justitiæ Christi; vel solâ peccatorum remissione exclusâ gratiâ & charitate, quæ in cordibus eorum per Spiritum Sanctum diffundatur, atq; illis inhereat; aut etiam gratiam, quâ justificamur, esse tantum favorem DEI, anathema sit. Sed hæc clarius patebunt.

(\*) Bbb 3

Dico

II.  
Errorer  
circa ho-  
minis ju-  
stificatio-  
nem.

II.  
Justificatio  
non fit per  
extrinsecum  
favorem,  
aut gratiam  
Christi im-  
putationem.



III.  
Justificatio  
de facto fit  
per aliquod  
intrinse-  
cum.

Dico Secundò : *Justificatio de facto fit per aliquod intrinsecum, nobis inherens, tanquam per causam formalem.* Hæc est veritas fidei nostræ, & Probatur ex Tridentino Sess. VI. cap. 7. *Unica formalis causa, hoc est, justificationis, est justitia DEI, non quâ ipse justus est, sed quâ nos justos facit, quâ videlicet ab eo donati, renovamur Spiritu mentis nostræ, & non modò reputamur, sed verè justi nominamur, & sumus.* Et paulò infra : *Id tamen in hac impii justificatione fit, dum ejusdem sanctissimæ passionis merito per Spiritum Sanctum Charitas DEI diffunditur in cordibus eorum, qui justificantur, atque ipsis inheret, undè in ipsa justificatione cum remissione peccatorum hæc omnia simul infusa accipit homo.* Item Can. 10. *Si quis dixerit, hominem sine Christi justitia, per quam nobis meruit, justificari, aut per eam ipsam formaliter justum esse, anathema sit.* In quibus patet, non tantum prædictos errores damnari, verum etiam nostram conclusionem definiri, nam si non fiat justificatio formaliter per justitiam DEI, quâ ipse justus est, aut per justitiam Christi, quâ nobis justificationem meruit, vel per solam imputationem justitiæ Christi, vel solam peccatorum remissionem, vel secundum favorem extrinsecum DEI, neque unquam justificatio contingat sine infusione fidei, spei, & charitatis, quæ singula Concilium definit, & debeat per aliquid ut causam formalem fieri, ut etiam definit Concilium, relinquitur tanquam manifestum, quod fiat per aliquid reale receptum intrinsece in ipso justificato. Addo, quod Concilium suprâ cap. 7. his verbis liquidè afferat, quæ (supple justificatio) non est sola peccatorum remissio, sed sanctificatio & renovatio interioris hominis per voluntariam susceptionem gratiæ & donorum.

Probatur Secundò ex Sacra Scriptura ad Rom. 2. *Charitas DEI diffusa in cordibus nostris per Spiritum Sanctum, qui datus est nobis.* Ad Ephes. 4. *Renovamini spiritu mentis*

*vestræ, & induite novum hominem, qui secundum DEUM creatus est in justitia & sanctitate veritatis.* Ad Ephes. 5. *Eratis aliquando tenebræ, nunc autem lux in Domino.* Ad Titum 3. *Salvos nos fecit per lavacrum regenerationis & renovationis Spiritus Sancti, quem effudit in nos abundè per JESUM Christum Salvatorem nostrum, & justificati gratiâ ipsius heredes simus secundum spem vite æternæ.* 2. Petri 1. *Maxima & pretiosa nobis promissa donavit, ut divine efficiamur consortes naturæ.* 1. Joannis 3. *Videte qualem charitatem dedit nobis Pater, ut filii DEI nominemur & simus.* Omitto plura alia loca, quæ fusè à Doctoribus citantur, ex quibus illa potissimum concludunt, in quibus gratia dicitur vestis nuptialis, aqua saliens in vitam æternam, pignus Spiritus, semen, unctio, sigillum, imago celestis hominis, & per eam homines lavari, mundari, renovari, regenerari, hæc enim omnia cum non nisi impropriissimè verificari possint de ulla forma extrinseca aut intrinseca morali, debent accipi pro aliquo reali intrinseco, cum soli illa propriè & sine absurdo attribui possint.

Probatur Tertiò : *Authoritate Patrum Augustini de Spir. & lit. cap. 9. Justitia DEI, non quâ justus est, sed quâ induit hominem, & justificat impium.* lib. 15. de Trinit. c. 8. *quæ naturam cum suo Conditoris justificat.* & lib. de peccatorum meritis & remiss. cap. 10. *Legimus justificari in Christo, qui credit in eum propter occultam communicationem & inspirationem gratiæ spiritualis.* Traët. 26. in Joan. *Quid est justitia DEI & justitia hominis? justitia DEI dicitur, non quâ DEUS justus est, sed quam dat homini DEUS, ut justus sit homo per DEUM, & in Psalm. 98. Quis in nobis fecit justitiam, nisi qui nos justificavit? nos ergò impii, ille justificator, quando & ipsam justitiam ipse in nobis fecit, quâ illi placeamus.* Cyrillus Alexandrinus: *DEUS Spiritus est, qui simul & charitatem in nobis diffundit, & igne ejus mentes nostras inflam-*  
ma ve-

mauerit. Aliæ Patrum authoritates videri possunt apud Bellarminum lib. 2. cap. 8.

Probatum Quarto Ratione: Non implicat supernaturale donum, quo intrinsecè recepto anima redderetur munda, pulchra, ornata, & speciali in eam DEI amori proportionata; sed ex eo, quod hoc non implicet, debet censeri, quod tale donum conferatur cuiusvis justificationis: Tum, Quia hoc magis commendat divinam bonitatem & indubiè magis proficuum est homini: Tum; Quia quemadmodum cæteris creaturis, quibus finem naturalem præstitit DEUS, concessit dona & virtutes naturales eo fini consequendo proportionatas, ita par erat, ut homini elevato ad finem supernaturalem conferret dona, media proportionata tali fini adipiscendo:

Probatum Quinto: Iusti non tantum extrinsecè sunt grati DEO, quatenus scilicet terminant præcisè dilectionem specialem DEI volentis illis remissionem peccatorum, suam amicitiam, beatitudinem, verum etiam intrinsecè in quantum specialem aliquam bonitatem, quâ digni fiant eâ dilectione, licet non necessario, conferat, sed illa bonitas non est aliqua naturalis: quia non ob huiusmodi DEUS remittit peccata, aut dat beatitudinem, alias per opera naturæ salvemur, ut voluit Pelagius, ergo supernaturalis aliqua bonitas à DEO infusa, & prior eâ dilectione: Probatum maj: Tum, Quia S. Scriptura & Patres passim docent, iustos esse dignos DEI favore, amicitia, beatitudine, & in iis præcedere aliquid, ob quod specialius à DEO diligantur, ut patet ex illo Psal. 44: *Concupiscet Rex decorem tuum.* & illo Augustin. in Psalm. 103. *Gratia est nitor animæ sanctum concilians amorem.* Tum, Quia aliàs de facto justificatio consisteret in solâ remissione peccatorum, quod damnatum est per Tridentinum in sensu Calvinii, qui nusquam exclusit à justificatione acceptationem aut promissionem DEI de conferenda justificatio beatitudi-

ne, si talis in finem perseveraret, sed solam internam renovationem & sanctificationem per aliquod donum DEI intrinsecè receptum.

Nec hæc probatio contraria est doctrinæ præcedentis quæstionis; in quâ dictum est, posse hominem justificari per extrinsecam DEI adoptionem, nam simul consistunt posse quem fieri justum & DEO gratum, sicut DEUS ex suâ liberalitate illi remittat peccata, & statuatur conferre beatitudinem, eique velut amico benefacere, quod solum contendi præcedenti quæstione, & non posse sine intrinsecò dono facere justum, sic ut sit dignus independenter ab ipsa DEI dilectione, quin huiusmodi favores & dilectio præstentur, quod hic contendo.

Opponitur Primò: Apostolus <sup>iv.</sup> i. ad Corinth. 1. loquens de Christo <sup>Christus</sup> ait: *Qui factus est nobis Sapientia & iustitia, sanctificatio & redemptio,* ergo justificamur iustitiâ Christi, vel ipso Christo. Respond. neg: consequens: Christus enim dicitur nostra iustitia & sanctificatio, non quod ipso vel ejus iustitiâ formaliter sanctificemur, sed quod ipse sit nobis meritis id, quo formaliter sanctificamur, sic ut dicitur *Sapientia nostra*, non quod ipso ejusque sapientiâ formaliter sapiamus, sed quod illius merito sapientiam nobis intrinsecam obtinuerimus.

Arguitur Secundo: Iustitia, quâ homines iusti sunt coram DEO, debet esse pura & munda, sed sola iustitia DEI increata, vel saltem creata Christi est talis, ergo. Probatum min: primo ex illo Job 9. *Scio, quod non justificabitur homo compositus DEO.* & 25. *Nunquid justificari potest homo comparatus DEO, aut apparere mundus natus de muliere.* Psalm 102. *Non justificabitur in conspectu tuo omnis vivens.* Isaia 64. *Facti sumus ut immundus omnes nos, & quasi pannus menstruatus universæ iustitiæ nostræ.* Probatum secundo, nullius hominis alterius à Christo iustitia est exacta correspondentia, seu adæquatio cum lege DEI, nam *in multis offendimus;* & qui



*Et qui dicit, se esse sine peccato, mendax est, & seipsum seducit*, sed sola illa justitia est munda & perfecta, quæ est exacta correspondentia, & adæquatio cum lege DEI, nam ut dicitur ad Galat. 2. *Maledictus omnis, qui non permanet in omnibus, quæ scripta sunt in libro legis, ut faciat ea.* Respond. neg: min: ad primam ejus probam dico illis tribus prioribus & similibus S. Scripturæ & Patrum locis nunc significari, nullum esse hominem, quantumcunque justum de lege ordinariâ immunem ab omni prorsus culpâ, nunc verò justitiam hominis collatam justitiæ & sanctitati DEI nullam esse eo sensu, quo esse creaturæ comparatum ad esse DEI dicitur non esse, undè D. Gregorius 4. Moralium. c. 28. *Humana justitia divinæ justitiæ comparata injustitia est, quia lucerna in tenebris lucere cernitur, sed in solis radio posita tenebratur.* Locus etiam Isaïæ intelligitur ab Hieron. de Cærem. & Sacrific. Judæorum, quæ immunda erant, quia non ex fine virtutis, ■ DEI intuitu exercebantur ab illis. Ad secundam probam min: Respond. concessis maj: & min: si intelligantur de justitia operum consistente in observantia legis & adimplerione divinæ voluntatis, quæ de communi lege in nullo est viatore sine intermixtis aliquibus culpis vel defectibus, negando autem si intelligantur de justitiâ & sanctitate, quâ quis est formaliter justus.

Arguitur Tertiò: *Sicut per inobedientiam unius hominis peccatores constituti sunt multi, ita per unius obedientiam justii constituuntur multi.* ad Rom. 5. Sed eatenus multi constituti sunt peccatores per inobedientiam unius hominis, quatenus inobedientia seu peccatum Adam morali- ter imputatur posteris in eo tanquam in capite contentis: ergò eatenus unius obedientiâ multi justificantur, quatenus obedientia Christi iis imputatur, aliàs inepta antithesi usus fuisset Apostolus. Respond. dissimulatâ min: quam multi negant, neg: consequ: & ejus probationem.

Illam quidem, quia nulla ratio vel autoritas suadet, quidquam physicum esse vel posse esse in posteris Adæ, in quo consisteret ratio peccati originalis ipsorum. Multæ verò tum rationes, tum autoritates convincunt, posse & debere esse aliquid physicum, in quo consistat eorum justitia & sanctitas. Probationem autem nego, quia ut sermo Apostoli sit verus & aptus, sat est, ut tam verum sit ex obedientiâ Christi secutam fuisse justificationem multorum, quàm ex inobedientia Adam ipsorum originale peccatum, & vulgare est, non requiri ad similitudinem, quòd currat quatuor pedibus, aliàs in proposito, quemadmodum quilibet eorum, qui in Adamo ceciderunt, nascuntur peccatores, ita quilibet ipsorum, qui in Christo justificantur, nasci deberent justii.

Instatur: Justitia Christi posset sufficere pro causa non solum meritoria, verum etiam formali nos justificante: ergò dicendum de facto, quòd eâ formaliter justificemur, etiam si dentur in nobis quotiescunque justificamur, dona supernaturalia intrinsece, quandoquidem inter hæc omnia illa incomparabiliter excellat. Probatur consequ: Quia aliàs fieret injuria Christo, negando ejus justitiam habere omnem vim sanctificandi, quam posset habere. Respond. neg: consequ: & ejus probationem, quia si potest justitia Christi sufficere ad nos formaliter justificandos, potest etiam sufficere ad impetrandum nobis aliquod intrinsecum donum, quo formaliter & adæquatè justificemur, cum præstantius sit, sufficere ad hoc secundum, quàm ad primum, qui illud dicit, & hoc negat, deprimat potius, quàm extollit justitiam Christi. Respond. Secundò, distin: antec: posset sufficere pro causa formaliter nos justificante tali justificatione, quâ absque intrinsecâ dignificatione nostri consequeremur veniam peccatorum, & beatitudinem, conc: quâ ipsi intrinsecè dignificati verè & propriè diceremur DEI charitatem, semen, pignus, un-  
tionem,

tionem, imaginem adepti, quomodo de facto nos justificari clamant. S. Scriptura & Patres, neg: antec: & consequ.

Urgetur: Ergo justitia Christi saltem de facto est causa formalis justificationis, quatenus hæc importat remissionem peccatorum. Respond. neg: consequ: Quia licet remissio peccatorum absolute posset provenire à justitia Christi, ut causa formali, non tamen quando daretur, ut de facto datur intrinsecè in ipso justificato forma, à quâ sufficienter proveniret tanquam à causa formali: sic licet denominatio producti provenire posset à sola productione activâ, de facto tamen à sola passiva provenit, si hæc detur. Item albedo dicitur similis ob solam similitudinem, quam fundat, & tamen esset extrinsecè similis solâ similitudine, quam terminat, si sola daretur. Item expulsio frigoris haberetur à sola subtractione influxûs conservati, casu, quo in ejus subjectum nullus calor introduceretur, & tamen si ad inductum calorem pereat, solus calor erit causa formalis illius expulsionis.

Arguitur Quarto: Increata justitia seu sanctitas Verbi est forma intrinsecè sanctificans humanitatem Christi, ergo & reliquos justos, quia est infinite accepta DEO, & intrinseca cuivis justificatio. Confirmatur: Quia sola sua bonitas infinita potest movere DEUM ad benefaciendum homini, ergo sola est, quâ homo justificatur formaliter, nam eo, quo justificatur formaliter, movetur DEUS ad remittenda illi peccata, ad conferendam beatitudinem &c. Respond. quidquid de anteced: sit, neg: consequ: Quia sanctitas increata unitur physicè humanitati Christi, quæ cum ea coalescit in unam personam, aliis autem non unitur physicè, aliàs essent DEUS, nec sufficit, quod in illis sit vel per intimam præsentiam, quia etiam sic inest impiis, vel per præparationem concursûs ad actus supernaturales: quia sic etiam assistit peccatoribus, nec ullâ aliâ ratio-

ne speciali potest esse in illis, nisi ratione donorum, quæ communicat, quæ ipsa proinde potius dicenda sunt causa formalis justificationis, cum ob ea prius communicata Natura DEUS specialiter diligit homines. Ad Confirm: distin: antec: sola movere potest ultimatè, in quantum sua bonitas est, quæ ipsum determinat ad quodvis rectum & honestum amandum, & inhonestum odiendum, conc: sola proximè tanquam objectum, in quo sibi complaceat, neg: antec: aliàs enim frustranea esset passio Christi, velut cujus intuitu nil homini DEUS conferre posset.

### QUÆSTIO TERTIA.

Quid sit illud intrinsecum, per quod formaliter justificatur homo?

Cum firmâ teneamus fide intrinsecum esse, quo formaliter justificamur post quæstionem, an sit? ad quæstionem quid sit? progredior: Et quidem communis est opinio, justificationem tam parvulorum, quam adultorum fieri per formam, ab actibus ipsius justificati distinctam, quamvis non per illam solam, sed cum speciali favore, nempe remissione peccatorum; nam ipsum Concil. Trident. distinguit renovationem interioris hominis, & receptionem in amicitiam DEI à remissione peccatorum. Difficultas tamen est, qualis sit forma, transiens, vel permanens? & an sit de fide, non esse formam aliquam seu qualitatem transeuntem, in quâ materiâ Vega lib. 7. in Trident. cap. 24. Valentia, Bezañtius, Koning de actibus supernaturalibus Disp. 6. aliq; docent esse de fide nunc, licet ante Tridentinum non fuerit. Sotus verò lib. 2. de Gratia cap. 18. & 19. Suarez &c. licet nolint, & negent esse de fide, affirmant tamen esse fidei proximum, sic ut oppositum asseri nequeat sine temeritate. Vasquez idem cum ipsis censet, præterquam quod contendat non temerè dici

(\*) Cee

con-

1. Qui teneant esse de fide formam justificantem non esse transi-



contritionem perfectam seipsa formaliter justificare. Verumtamen in hoc omnes communiter conveniunt ante Tridentinum non fuisse de fide dari justitiam sive gratiam habitua-lem ab actibus distinctam, licet id fuerit tanquam probabilius declaratum in Concilio Viennensi sub Clemente V. & habetur Clementina de Sum. Trinitate, sed etiam hic recte advertit Koning, ibi potius Viennense supponere tanquam certum infundi adultis habitum gratiæ & virtutum, & inde concludere parvulis quoque infundi. Ast sit quidquid velit de hac censura, quam breviter infra expediam ad rem ipsam accedendo.

II.  
Intrinsicum,  
per quod  
justifica-  
mur, non  
est substan-  
tia, aut  
quantitas.

Dico Primò: *Illud intrinsicum, quo justificamur, non est substantia, quantitas, aut relatio, sed qualitas aliqua spectans ad primam speciem qualitatis.* Probatur quoad singulas partes, quia nullum habet effectum proprium substantiæ, quandoquidem inhæreat animæ, cum qua nequit facere ens per se unum. Nec quantitatis cum non tribuat extensionem aut impenetrabilitatem suo subjecto. Nec relationis, cum non referat actu suum subjectum ad quidpiam, nisi eo modo, quo quævis forma absoluta in se bona refert suum, in quantum scilicet ornat, venustat, aut constituit appetibile aut diligibile. Deinde si esset substantia aut quantitas, non esset supernaturale, ut esse debet forma justificans. Si esset relatio intrinsicus adveniens, deberet necessariò sequi ad positionem aliquorum extremorum posita saltem aliquâ ratione fundandi distinctâ ab actione, per quam produ-citur, sic autem non sequitur, cum posito quovis priore ad ipsum distincto ab ejus productione possit DEUS illam non producere, etiam sine miraculo, quantum est ex vi illius prioris. Si esset relatio extrinsecus adveniens, maximè unio quædam hominis justî (non enim habet cognationem ullam cum actione, passione, quando, ubi, aut situ) sed non est unio, aliàs justus esset Deus,

relinquitur ergò, quòd sit qualitas una vel plures, sed non potentia naturalis vel impotentia, cum non sit qualitas insita à natura, nec patibilis qualitas, vel passio, quia non est sensibilis sensu externo, nec forma, vel figura, quia hæc præsupponunt quantitatem, debet ergò esse habitus vel dispositio, & si sit quid permanens, erit habitus, si actus, aut aliud transiens, dispositio &c.

Dico Secundò: *Forma intrinsicè sanctificans non est actus, aut ulla qualitas transiens.* Est communis Catholicorum Doctorum contra hæreticos. Probatur Primò generaliter, quia S. Scriptura comparat gratiam unctioni, pignori, semini, sigillo, fonti, vesti nuptiali, ut patet ex variis ejus locis obviis, ergò debet esse aliquid permanens.

III.  
Intrinsicum  
justificans  
non est ali-  
quid transiens.

Probatur Secundò Authoritate Patrum: Augustini lib. 1. de peccat. meritis & remiss. cap. 9. ubi ait: *Hæc gratia baptizatos quoque parvulos suo inserit corpori, qui certè imitari aliquem nondum valent.* Sicut ergò ille, in quo omnes vivificabuntur, præterquam quòd se ad justitiam exemplum imitantibus præbuit, dat etiam sui spiritus occultissimam fidelibus gratiam, quam latenter infundit & parvulis. Basilii lib. de Spir. S. c. 26. *Quemadmodum ars est in eo, qui nactus est illam, ita gratia Spiritus in eo, qui recepit, semper quidem præsens, at non perpetuò operans.* Chrysostomi hom. 4. in 1. ad Corinth. *Si à crimine Regis beneficio absolutus est, inquinatam animam servat; quem abluit baptisma, non item; sed solis radiis puriorem mentem habet.* Sed parvulis non infundit DEUS ullum actum juxta eundem alibi, nec aliam qualitatem fluidam, de quâ constet, ergò.

Probatur Tertiò specialiter prima pars, si forma justificans esset ullus actus maximè attentio vel contritio, sed neutra est, ergò. Majorem omnes concedunt, quia, si quæ ratio vel autoritas suadet ullum actum esse formam intrinsicè justificantem, ea potissimum currit de hujusmodi



jusmodi actibus, aut altero ipsorum; & ne fusior excurrat probatio minoris, in quo tota vis subsistit. Hinc

IV.  
Attritio non  
justificat,  
intra se  
formaliter.

Dico Tertiò: Illud intrinsecum formaliter nos justificans non est attritio. Probatur Primò ex D. Augustino epist. 57. ad Dardanum, ubi ait: *Multum mirabilis res est, quemadmodum quorundam nondum cognoscentium DEUM sit inhabitator DEUS, & quorundam cognoscentium non sit. Nec illi enim ad templum DEI pertinent, qui cognoscentes DEUM, non sicut DEUM glorificaverunt, aut gratias egerunt: & ad templum DEI pertinent parvuli sanctificati Sacramento Christi regenerati Spiritu Sancto, qui certè per aetatem nondum possunt cognoscere DEUM. Unde quem potuerunt illi nosse nec habere; isti potuerunt habere antequam nosse. Idem docet epistolarios. ad Sixtum: atqui certum est, parvulos non habere usum rationis, aut ullum actum alium, ut idem S. Doctor ibidem fatetur, dicens: Nescire autem divina parvulos, qui nec humana adhuc noverint, si verbis velimus ostendere, vereor, ne ipsis sensibus nostris facere videamur injuriam, quando id loquendo suademus, ubi omnes vires officiumque sermonis facillimè superat evidentia veritatis, ergò justificantur sine ullo actu proprio, sed etiam adulti omnes non percipiunt ullum actum, quando attriti accedunt ad Sacramentum poenitentiae, per quod tamen justificantur.*

Probatur Conclusio Secundo: Si attritio esset forma sanctificans, attritus justificaretur ante Sacramentum susceptum contra Trident. Sess. 14. cap. 4. declarans contritionem imperfectam, quae attritio dicitur, esse donum DEI & Spiritus Sancti impulsus, non adhuc quidem inhabitantis, sed tantum moventis, quo poenitens adjutus viam sibi ad justitiam parat; si esset attritio, justificatio non esset donum distinctum à contritione, cujus oppositum habetur ex S. Scriptura iis locis, in quibus promittitur diligenter DEUM, aut ad ipsum per per-

fectam poenitentiam & contritionem conversis DEI gratia & remissio peccatorum, ut Isa. 1. Ezech. 18. Joëlis 2. Luc. 7. ibi: *Remittuntur ei peccata multa, quoniam dilexit multum.* & infra: *Cui minus dimittitur, minus diligit.*

Probatur Tertiò min: Quia attritio est dispositio ad justificationem, sed quod est dispositio ad justificationem, non est forma ipsa justificans, sicut nec dispositio ad calefactionem est calor, aut ad ignitionem forma ignis. Min: & consequenter admittitur ab omnibus: Item maj: habetur expressè in Trident. post verba supra citata ibi: *Et quamvis sine Sacramento poenitentiae per se ad justificationem perducere peccatorem nequeat (supple attritio) tamen eum ad DEI gratiam in Sacramento poenitentiae impetrandum disponit.*

Dico Quarto: Illud intrinsecum nos formaliter justificans non est quoque ipsa contritio. Hæc probatur ex Concilio Trident. Sess. 6. quod inter reliquas dispositiones praevias ad justificationem enumerat poenitentiam, quam agi oportet ante baptismum, hoc est detestationem peccati vel perfectam, quae est contritio, vel imperfectam, quae attritio est; & mox subjungit c. 6. *Hanc dispositionem seu preparationem justificatio ipsa consequitur.* Et Sess. 14. c. 4. *Contritio, quae primum locum inter dictos poenitentiae actus habet, animi dolor ac detestatio est de peccato commissio cum proposito non peccandi de cætero, fuit autem quovis tempore ad impetrandam veniam peccatorum hic motus contritionis necessarius.* Ergò secundum Trident. non attritio tantum, sed etiam contritio perfecta est dispositio ad justificationem, non enim illa determinatè, sed hæc vel illa indeterminatè & poenitentia, quam agi oportet ante baptismum, vel fuit quovis tempore necessaria ad remissionem peccatorum. Confirm: ex Can. 3. Sess. 6. *Si quis dixerit sine praeveniente Spiritus S. inspiratione atque ejus adjutorio hominem credere, sperare, diligere, aut poenitere posse sicut oportet, ut ei justificatio-*

V.  
Contritio  
non est forma  
intra se  
nos justificans.

(\*) Ecc 2

nis gr 4



nis gratia conferatur, anathema sit. ubi Concilium aperte supponit gratiam ab actibus fidei, spei, charitatis, & poenitentiae distingui.

Arguitur in contra: Perfecta Contritio, cum sit actualis dilectio DEI super omnia, & perfectior moraliter & physice habitu charitatis, & per consequens quovis alio, adaequat seu conformat hominem tanquam regulæ DEO, & omni ejus legi saltem obliganti sub mortali juxta illud Pauli: *Plenitudo legis est dilectio*, unit animam cum DEO, facit unum cum ipso spiritum, amor etiam transformat amantem in rem amatam, constituit etiam hominem objectum congruum amoris benevolentiae specialis DEI, ipsam naturam nobis dictante eum infallibiliter diligere diligentem se super omnia, ergo seipsam justificat. Confirm: Primò: Non potest DEUS odisse diligentes se super omnia, ergo non potest non remittere illis, si quæ habent peccata mortalia, quia hæc remittere non est aliud, quam DEUM nolle aliquem ob commissam transgressionem odisse, sed eodem modo formaliter, quo remittitur peccatum, justificatur de facto anima, ergo perfecta contritio vel dilectio, quæ tanquam objecto movetur DEUS ad non odiendum peccatorem illam elicientem, & per consequens ad remittendum illi peccatum, formaliter justificat, quia sic justificare non est aliud, quam sit movere DEUM. Antec: probatur: Quia talis nil habet odio dignum, nam maculam peccati ante perpetrati absterfit illa contritio, quæ majoris est bonitatis tum physicae, tum moralis, cum sit supernaturalis, & plenissima DEI dilectio, quam peccatum fuerit malitiae. Confirm: Secundò: Quia Sacra Scriptura & Patres tribuunt actui perfectæ contritionis & charitatis vim justificandi, Proverb. 8. *Ego diligentes me diligo*. Lucæ 7. *Remittuntur ei peccata multa, quoniam dilexit multum*. Joan. 14. *Qui diligit me, diligetur à Patre meo, & ego diligam eum, & manifestabo ei meipsum*. Augustinus tract. in epist. Jacob. *Ani-*

ma nostra sæda est per iniquitatem, amando DEUM pulchra efficitur. Et paucis interjectis: *Quomodo erimus pulchri amando eum, qui semper est pulcher, quantum in te crescit amor, tantum crescit pulchritudo, quia ipse charitas est anima pulchritudo*. In his autem aliisque similibus locis clarum est, sermonem esse de actu, non de habitu charitatis, ergo. Respon. neg: consequen: Quia licet contritio sit in se perfectissima, & voluntatem elicientem perfecte subigat & conformet divinæ, cum eaque uniat unionem affectus consistente in ipsa hujusmodi conformitate, ac constituat objectum congruum specialis cujusdam amoris & benevolentiae Dei, cui quodvis bonum specialiter in suo gradu complacet, nequit tamen ex se constituere hominem objectum congruum talis amoris, quo DEUS peccata illius remittat, ipsumque adoptet in amicum, filium, ac hæredem vitæ æternæ, & ex fundamentis Conclusionis constat, quod neque ex ordinatione divina id sit assecuta. Ad 1. Confirm: neg: antec: & quæ pro eo afferuntur: nullus enim hominis actus ex naturam suam potest delere peccatum habituale: Tum, Quia longè minor est bonitas & dignitas moralis ejus, quam indignitas & malitia peccati, cum illæ decrevantur & minores fiant, quo abjectior & vilior est, qui actum elicit, hæc crescunt ex circumstantia, sicut personæ offendentis, quæ abjecta, tum offensæ, quæ infinitæ perfectionis est: Tum, Quia licet bonitas actus boni excederet malitiam peccati, tamen cum illæ ex suppositione suæ existentiae, ut & voluntas, quæ producit, res propria DEI sit, non tenetur DEUS ejus intuitu peccatum remittere, multò minus ad suam amicitiam & vitam æternam cooptare seclusa de hoc promissione & ordinatione. Ad 2. Confirm: dist: ant: tribuunt vim justificandi dispositivè, & meritorie, concis formaliter, nego.

Dico Quintò: *Illud intrinsecum, per quod justificamur, est habitus unus vel plures*. Hæc sequitur ex prioribus, VI. Habitu al quo interius sicut justificamur.



bus, & Probatur: Quia nullo indicio constat dari in iusto quidpiam supernaturale fluidum seu transiens ab actibus distinctum. Secundò: Licet daretur, non posset sufficere, ut ratione ejus, jam præteriti verè diceretur DEUS inhabitare iustum, peculiari modo, quo nullum impium inhabitat, nam huic etiam est intus præsens per essentiam, sæpè etiam per moralem assistentiam, protectionem à malo, præparationem concursus ad opera supernaturalia, auxilia gratiæ, prædestinationem & jus ad vitam æternam. Tertio, ad opera naturalia dedit DEUS causas secundis qualitates operativas permanentes, ergò & homini ad opera supernaturalia, quæ ab illo exiguntur. Quartò, Quod sit permanens, aperte sentire videtur Tridentinum Sess. 6. ca. 7. Itaque veram & Christianam justitiam accipientes, eam seu primam stolam pro illa, quam Adam sua inobedientiâ sibi & nobis perdidit, per Christum JESUM illis donatam, candidam & immaculatam jubentur statim renati conservare, ut eam perseverant ante tribunal Domini nostri Jesu Christi. Ex his manet probata secunda pars.

**Dico Sextò: Nec ex Scripturâ Sacra evidenter probatur, nec expressè in Conciliis est definitum intrinsecum illud, per quod tam parvuli, quam adulti justificantur, esse qualitatem permanentem, id tamen manifestè sequitur ex iis, quæ determinat Concilium Tridentinum.** Probatur prima pars: Tum, Quia Innocentius III. in capite *Majores de Baptismo* tractans, an parvulis infundantur habitus, nihil decernit, sed tantum ait, sententiam affirmantem esse probabiliorem: Tum, Quia omnia loca Scripturæ, in quibus dicitur, aut ex quibus colligitur, nos justificari per habitus, explicari possunt de actibus supernaturalibus, mediantibus enim hujusmodi donis continuatis aut non retractatis per peccatum, DEUS posset dici habitare in nobis, & nos possemus dici regenerari, esse filii DEI, accepisse pignus hæreditatis,

semen, &c. ergò, Probatur secunda pars: Quia Concilium Tridentinum nullibi dicit esse formam permanentem aut ab actibus distinctam. Probatur tertia pars: Quia certum est ex Concilio parvulos justificari per aliquam formam intrinsecam, sed ex Augustino suprâ, & lumine naturæ notum est, eos non posse habere ullos actus fidei, spei, & charitatis, nisi DEUS extraordinariè & miraculosè cum eis concurreret, cujus miraculi sicut nulla est necessitas, ita nullum extat judicium, ergò illud, per quod justificantur, est qualitas permanens.

#### QUÆSTIO QUARTA.

*An qualitas habitualis intrinsecè formaliter justificans sit forma & qualitas distincta à charitate habituali?*

**D**ivus Thomas 2. 2. qu. 103. affirmat, quem sequuntur sui & Suarez lib. 6. de gratia cap. 12. dicentes: Gratiâ esse formam dantem animæ quoddam esse divinum, ei que inhærere, nec esse principium proximum operandi, sed radicem, ex quâ pullulant fides, spes, & charitas, quæ sunt principia operandi operationes spirituales, sicut Essentia divina, cujus est gratia quædam participatio spiritualis (ut colligunt ex 2. Petri 1. *Per quem maxima & pretiosa nobis donavit*) est radix attributorum divinorum. Sotus lib. de Nat. & grat. cap. 108. statuit habitum justificantem simul cum habitu fidei, spei, & charitatis. Noster Vega lib. 7. de Trinit. cap. 3. excludit priorem habitum, quem Sotus asseruerat, & ait, hos tres ultimò nominatos constituere gratiam sanctificantem, quam sententiam censet à Tridentino esse definitam, quamquam cap 25. sui, ut apparet, sit immemor, & contendat gratiam à charitate non distingui realiter, sed tantum eo modo, quo asserunt Scotistæ, ut eadem forma sit gratia, secundum quod reddit charum DEO, di-

L.  
Referentur  
sententiam  
Authorem

VII.  
Forma justificans est  
qualitas  
permanens.

(\*) CCC 3

catur



catur verò charitas secundum quod est principium diligendi DEUM, quod esset manifestè falsum, si habitus fidei & spei essent partialis causa justificationis, tunc enim essent partialiter seu inadæquatè ipsa gratia contra Jansenium, quatenus dicit, dilectionem DEI formaliter expellere peccatum. Verum

nem vi ullius operis antecedentis fidei, vel tanquam causæ formalis, vel tanquam dispositionis.

Probatur Secundò: Quia neque fides, neque spes est partialis causa justificationis formalis: Tum, Quia secundum probabilem & quasi communio rem sententiam, neutra est in Patria, qui tamen maximè justus sunt: Tum, Quia utraque manet in peccatore, qui nec ex toto, nec ex parte est Filius DEI vel amicus, sed planè inimicus, ergò.

Dico Secundò: *Illud, quod formaliter justificat hominem, est gratia, forma à charitate habituali non distincta.* Hæc est Scoti 2. d. 27. qu. un. & Scotistarum communiter. Et Probatur Primò ex Concilio Tridentino Sess. 6. cap. 7. ubi ait: *Demum unica formalis causa est justitia DEI, non quâ ipse justus est, sed quâ nos justos facit.* Et paulò post subdit: *Quamquam nemo possit esse justus, nisi cui merita passionis Domini nostri JESU Christi communicantur: id tamen in hac impii justificatione fit, dum ejusdem Sanctissimæ passionis merito per Spiritum Sanctum charitas DEI diffunditur in cordibus eorum, qui justificantur, atque ipsis inhaeret.* Idem docet cap. 11. supra citato, ergò expressè ex Concilio habetur, quod gratia & charitas non distinguantur realiter, nam postquam utriusque fecit mentionem singulatim, & pluribus distinctis terminis, subdit, quod infundatur & inhaereat, & consequenter manifestè insinuat esse unum & eundem habitum.

Probatur Secundò ex Scriptura, 1. Joanni. 3. *Videte qualem charitatem dedit nobis Pater, ut filii DEI nominemur & simus.* & cap. 4. *Charissimi, diligamus nos invicem: quia charitas ex DEO est; & omnis, qui diligit, ex DEO natus est, & cognoscit DEUM.* - - - *Et nos cognovimus & credimus charitati, quam habet DEUS in nobis. DEUS charitas est, & qui manet in charitate, in DEO manet, & DEUS in eo.* 1. Petri 4. *Charitas operit multitudinem peccatorum.* Ad Coloss. 3. *Super omnia charitatem habete,*

11.  
Fides sola  
non justifi-  
cat.

Dico Primò: *Illud, quod formaliter justificat impium, non est sola fides, si ve per justificationem intelligatur sola peccatorum remissio, si ve spes simul & interior renovatio Spiritus.* Hæc quoad primam partem est contra hæreticos: Et Probatur ex illo Jacobi: *Fides sine operibus mortua est.* Idem clarè probatur ex Augustini lib. 15. de Trin. c. 18. *Ipsam fidem non facit utilem nisi charitas, sine charitate quippè fides potest quidem esse, sed non prodesse,* & lib. de fide & oper. cap. 14. ubi ait: *Quoniam ergò hæc opinio tunc fuerat exorta, aliæ Apostolicæ Epistolæ, Petri, Joannis, Jacobi, Jude, contra eam maximè dirigunt intentionem, ut vebementer astruant, fidem sine operibus nihil prodesse: sicut etiam ipse Paulus non quamlibet fidem, quâ in DEUM creditur, sed eam salubrem planèque Evangelicam definiuit, cuius opera ex dilectione procedunt: Et fides, inquit, quæ per dilectionem operatur.* Undè illam fidem, quæ sufficere ad salutem quibusdam videtur, ita nihil prodesse asseverat, ut dicat: *si habeam omnem fidem ita, ut montes transferam, charitatem autem non habeam, nihil sum.* Præterea actus fidei, in quo potissimum hæretici statuunt vim justificandi, nimirum ille, qui quis credit intuitu mortis & passionis Christi sua sibi peccata non imputari, non fuit in illis, quos ex Scriptura constat justificados fuisse, v. g. Magdalena, cum illi dictum fuit: *Fides tua te salvam fecit, ut quæ nihil scivit de morte & passione.* Nec favet Adversariis illud ad Rom. 4. *Arbitramur hominem justificari per fidem sine operibus legis.* & ad Ephes. 2. *Salvati estis per fidem & non ex operibus.* Nam in his & similibus locis solum asseritur, non obtineri justificatio-

11.  
Charitas  
habitudo  
est forma  
justificandi

270  
Videat  
se  
in  
cap. 11.  
supra  
citato



bete, quæ est vinculum perfectionis. 1. Corinth. 13. Et si habuero prophetiam, & non verim mysteria omnia, & scientiam omnem: & si habuero omnem fidem, ita ut montes transferam, charitatem autem non habuero, nihil sum. Et si distribuero in cibos pauperum omnes facultates meas, & si tradidero corpus meum, ita ut ardeam, charitatem autem non habuero, nihil mihi prodest. Ex quibus sic argumentor, gratia justificans est perfectissimum donum DEI, atque charitas tale est donum, ut testatur D. Augustinus in Psalm. 113. *Nihil eminentius inveniri potest in Sacra Scriptura, quam charitas.* Unde Patres omnes gratiæ effectus illi scilicet charitati attribuunt, ut examinanti patebunt.

Probatur Tertiò ex Patribus: S. Augustino lib. de Natur. & grat. cap. 42. *Neque illud nimis curo, utrum fuerint hic aliqui, vel sint, vel esse possint, qui perfectam, cui nihil addendum esset, habuerint, vel habeant, vel habituri sint charitatem DEI.* Ipsa est enim verissima, plenissima, perfectissimaque justitia. Et paulò post: *Charitas DEI quantum plenissime natura nostra sana atque purgata capere potest, diffunditur in cordibus nostris per Spiritum Sanctum, qui datus est nobis.* Et cap. 38. *In Abel justo charitas DEI, quæ una verè justus est quicumque justus est, adhuc erat, quo posset & deberet augeri.* Lib. de mor. Eccles. cap. 13. ubi dicit: *Nemo venit ad Patrem, nisi per me. Huic habemus per sanctificationem. Sanctificati enim plenà & integrà charitate flagramus, quæ sola efficitur, ut à DEO non avertamur, eiq; potius quam huic mundo conformemur.* Prædestinavit enim, ut ait idem Apostolus, conformes nos fieri imagini filii ejus. sit ergo per charitatem, ut conformemur DEO, & ex eo conformati atque configurati. Cum Augustino idem docent alii SS. Patres, ut Prosper. lib. 2. de vita contemplativa. *Charitas est mors criminum, vita virtutum, anima sanctarum mentium, causa meritorum bonorum.* Gregorius hom. 27. in Evang. ait: *Charitatem esse fontem omnium virtutum.*

& hom. 37. *Esse vestem nuptialem, quæ qui carent, mitterentur in tenebras exteriores.* Bernard. serm. 83. super Cantica, probat nihil esse, quodd hominem magis DEO conjungat, quam charitas, ergò nulla datur forma re distincta à charitate, quæ adæquatè justificet, & per consequens ipsa charitas est saltem inadæquata causa justificationis, sed ex suppositione, quod sit nullo modo ejus causa, dicendum quod sit adæquata: Tum, quia id asserit ultimus locus ex Augustino adductus: Tum, Quia rationes sententiæ distinguuntis gratiam justificantem à charitate, vel nihil, vel charitatem, neque adæquatè, neque inadæquatè justificare probant.

Probatur Quarto: Tum, Quia nullà ratione vel authoritate colligitur aliqua alia qualitas, quæ vel partialiter vel totaliter posset justificare hominem: Tum, Quia si daretur, totaliter justificaret hominem, ut concedunt, qui eam ponunt donum perfectius & eminentius charitatè contra Augustinum in Psalm. 113. dicentem *Nil eminentius inveniri posse in sacra Scriptura quam charitas* esset falsum, quod dicit Apostolus 1. Corinth. 13. nec fides, nec quidpiam cæterorum donorum, si sine charitate habeantur, prodesse; nam sanè gratia sanctificans multum de facto prodest parvulis sine actu charitatis, multum etiam prodesset adulto, licet careret habitu charitatis ab illo realiter distincto, quia per eam fieret DEI amicus, filius ac hæres vitæ æternæ. Deinde effectus proprii gratiæ non possunt attribui habituali charitati tanquam causæ formali aut tanquam dispositioni, quomodo tribuitur actui perfectæ dilectionis & contritionis: Quia si distinguatur à gratiâ, posterius est illà tanquam naturam, ad quam sequitur, & per consequens in nullo sensu erit verum, quod est contra Sacram Scripturam & Patres, qui omnes gratiæ effectus illi tribuunt.

Opponitur Primò: *Authoritas Conciliorum, quæ distinguunt gratiam*



tiam à charitate, cœterisque donis, nam Viennense approbat sententiam, quæ dicit tam parvulis, quam adultis conferri in baptismo gratiam infirmantem, & virtutes, tanquam probabiliorem. & Trident. Sess. 6. c. 7. dicit: *Justificationem fieri per voluntariam susceptionem gratiæ & donorum.* Et Can. 11. damnat dicentem, homines justificari exclusâ gratiâ & charitate, quæ in cordibus eorum per Spiritum Sanctum diffundatur, atque illis inhæreat. Respond. neg: antec: nam Viennense per ly *virtutes*, quas condistinguit à gratiâ, & Tridentin. per ly *donorum* vel intelligit tantum fidem & spem, non verò etiam charitatem, sed potius ad majorem expressionem, & ob excellentiam gratiæ eam seorsim nominat, quomodo in Scriptura dicitur *Petrus & Apostoli*, non quòd ipse etiam non esset Apostolus, sed quòd inter eos eminentior. Can. autem 11. Trident. accipit gratiam & charitatem pro re eadem, ut patet ex verbis *diffundatur & inhæreat*, quæ aliàs in plurali poneret, si per gratiam & charitatem intelligeret res distinctas.

IV.  
Gratiæ con-  
sistit ho-  
minem &  
in ratione  
essendi gra-  
tiam & ope-  
randi,

**Arguitur Secundo pro Thomi-  
stis:** Qualitates operativæ natura-  
les præsupponunt suum subjectum  
constitutum per aliam formam prio-  
rem illas connaturaliter exigentem,  
ergò & virtutes infusæ, quæ sunt  
qualitates operativæ supernatura-  
les, præsupponunt hominem in or-  
dine supernaturali constitutum per  
formam supernaturalem, quæ illas  
connaturaliter exigit. Respond.  
dist: antec: Qualitates naturales de-  
bitæ subjecto, transeat: non debi-  
tæ, nego, patet enim, quòd nec lu-  
men in aëre, nec calor in aqua, nec  
species albedinis in oculo præsup-  
ponat formam accidentalem, vel  
substantialem, quæ illam exigit, aut  
subjectum sibi proportionet aliter,  
quàm reddendo illud sui capax seu  
receptivum, undè negatur conseq:  
Quia virtutes infusæ non sunt debi-  
tæ homini, aliàs non essent super-  
naturales. Addo, quòd nec ipsæ

qualitates naturales debitæ subjecto  
semper præsupponant ipsum con-  
stitutum per aliam formam acciden-  
talem, nam in Adversariorum sen-  
tentia, potentiæ, v. g. animæ, se-  
cundum ipsos sint tales, & sequan-  
tur immediatè ad ipsam animam,  
quòd autem omnes ejusmodi quali-  
tates præsupponant formam sub-  
stantialem, ad quam sequantur, mi-  
rum non est, quia aliàs ipsæ non es-  
sent, quales supponuntur subjecto  
connaturales.

**Instatur:** Philosophus ait, vir-  
tutem esse dispositionem perfecti ad  
optimum, ergò præsupponit suum  
subjectum perfectum, id est, pro-  
portionatum fini virtutis & conse-  
quenter charitas debet præsuppo-  
nere aliquam formam supernatura-  
lem, per quam homo proportionetur  
DEO, ut fini supernaturali. Re-  
spond. neg: antec: in sensu conse-  
quentis esse verum, nisi fieret sermo  
de virtutibus naturalibus, quas so-  
las novit Philosophus, aliàs fides in  
peccatore non esset virtus, cum non  
præsupponat ipsum proportiona-  
tum suo fini, seu constitutum in esse  
supernaturali per aliam formam: in  
alio tamen sensu, quo longè verifi-  
millimum est, locutum fuisse Philo-  
sophum, antec: est universaliter ve-  
rum, nimirum, quòd virtus sit dispo-  
sitio subjecti in suâ specie vel entitate  
sic perfecti, ut possit versari circa  
objectum talis virtutis perductivæ  
ipsius ad optimum statum, in quo  
possit circa illud perfectè operari.

**Urgetur:** Gratia est participatio  
quædam naturæ divinæ, juxta illud  
Petri 2. cap. 1. *Per quem maxima &  
pretiosa nobis promissa donavit: ut  
per hoc efficiamini divinæ consortes  
naturæ*, ergò, quemadmodum na-  
tura divina est radix attributorum  
divinorum, ita gratia est charitatis  
radix & cœterarum virtutum. De-  
indè S. Paulus quoque dicit, charita-  
tem esse diffusam in cordibus nostris  
per Spiritum Sanctum, *qui datus est  
nobis*, ergò secundum ipsum diffusio  
charitatis est effectus Spiritus Sancti  
in nobis inhabitantis, qui datus est  
nobis.



nobis, unde idem ad Galat. 3. dicit: *Fructus autem Spiritus est charitas, gaudium, pax, &c.* Respond. neg: consequ. Nam ut sit participatio naturæ divinæ sat est, quod constituat hominem Amicum DEI & dignum vitæ æternæ. Et sanè si simili modo, quo Essentia se habet ad attributa, se habere deberet gratia ad virtutes, sequeretur, quod quemadmodum essentia est realiter indistincta ab attributis, ita & illa à virtutibus. Ad illud D. Pauli similiter nego consequ: sufficit enim ad veritatem utriusque loci, quod Spiritus Sanctus causet in nobis charitatem, nosque inhabitet, licet non prius inhabitet, quam causet, adeoque nil facit contra nos, cum fatemur hominem prius recipere esse divinum seu supernaturale charitatis, quam per illud operetur.

V.  
Iustificatio  
non fit sine  
fide & spe  
charitate.

Arguitur Tertiò pro Vega: Non est justus, nisi qui prout oportet ad salutem credit, sperat, & amat, sed sic credere, sperare, diligere, non præstat sola charitas, sed tres Virtutes theologicæ simul sumptæ: ergò hæc & non una tantum earum sunt causa adæquata formalis justificationis. Confirm: Quia ex Trident. Sess. 6. cap. 7. *Iustificatio non est sola peccatorum remissio, sed sanctificatio & renovatio interioris hominis per voluntariam susceptionem gratiæ & donorum*: ergò juxta Trident. renovatio interna, quæ fit in justificatione, fit formaliter non per solam charitatem, sed per hanc & cœtera dona simul infusa. Respond. neg: consequ: solum enim sequitur formam sanctificantem nunquam conferri sine fide, spe, & charitate, quod verum est. Ad Confirm: distin: consequ: renovatio, quæ est effectus per se justificationis, nego. Quæ comprehendit & illam & omnem aliam inferiorem concomitanter fieri solitam, concedo. Solum enim vult Concilium, quod renovatio interior quoad accidentariam sui integritatem & complementum habeatur à donis distinctis à gratia, quoad essentialia justificatorum à

sola gratia, aliàs enim malè gratiam à donis distingueret, cum ipsa, si formaliter justificaret, esset ipsa gratia.

Arguitur Quartò pro Jansenio: Cum hoc, quod actus perfectæ contritionis vel dilectionis disponat ad gratiam sanctificantem, benè potest consistere, quod seipso formaliter expellat peccatum, quo subiectum redditur ineptum ad recipiendam gratiam, sicut calor, qui est dispositio ad formam ignis, expellit formaliter frigus, quo subiectum redditur capax formæ ignis, ergò cum S. Scriptura & Patres tribuant actui contritionis & dilectionis expulsionem peccati, dicendum, quod illud formaliter expellat, & per consequens quod habitus gratiæ seu charitatis non sit causa formalis justificationis, prout hæc involvit remissionem peccati, sed solum prout adoptionem in DEI filium. Confirmatur: Expulsio peccati præcedit infusionem gratiæ habitualis, ergò licet gratia habitualis sit expulsiva peccati, non ipsa tamen delet, sed supponit illud per actum perfectæ contritionis jam deletum. Antec: probatur ex illo ad Ephes. 5. *Surge, qui dormis, & exurge à mortuis, & illuminabit te Christus*, ubi asserit Apostolus Christum suam gratiā, quæ est pulchritudo animæ, illuminaturum peccatorem, modò ipse prius à morte peccati per poenitentiam perfectam exurgat, & seque emundet. Respond. negans: consequ: quia licet ex ordinatione divinā posset contritio non tantum disponere ad gratiam, sed etiam peccatum formaliter expellere, de facto tamen non sic expellere indè constat, quod nec ex naturā suā habeat eam vim, ut ostensum est in responsione ad objectionem contra conclusionem secundam præcedentis questionis, nec ex ordinatione divinā: Tum, Quia hæc esset omninò superflua, cum ipsa gratia peccatum sufficienter expelleret: Tum, Quia aliàs remissio peccati non esset beneficium distinctum à contritione aut dilectione (ut videtur per Scripturas (\*) Ddd & Pa-



& Patres) magis quàm expulsio frigoris ab inductione caloris: Tum, Quia aliàs falsum esset, contritionem perfectam vel imperfectam indeterminatè fuisse omni tempore necessariam ad impetrandam veniam omnium peccatorum, ut docet Trident. Sess. 14. c. 4. Ad Confirm: nego antec: nam universaliter prius naturâ forma introducit nova, quàm vetus opposita expellitur, & quamvis concederetur oppositum, non inde haberetur, expulsionem peccati non fieri formaliter à gratiæ habitu, quemadmodum expulsio frigoris fit à calore introducto & causa formali, siue hujus introductionem præcedat, siue sequatur. Ad locum Apostoli Respond. Si ullo modo agat de gratia sanctificante, eo tantum moneri peccatorem, ut si velit consequi DEI gratiam, se excitet, & præparet per poenitentiam, quæ ad eam disponit, non formaliter concurrat.

Ex dictis infero Primo: Gratiam specificativè sumptam non distinguere à charitate habituali, nisi quemadmodum res quælibet à se ipsa reduplicativè sumpta distinguitur per ordinem ad diversa connotata; sic ut eadem realiter & formaliter entitas, qua gratum reddit suum subjectum DEO, dicatur gratia, quæ verò principium actuum amoris DEI, dicatur charitas.

Infero Secundo: Gratiam non immediatè subjectari in essentia animæ, ut præter Div. Bonaventuram volunt, qui eam à charitate distinguunt realiter, sed in solâ voluntate, in quâ secundum omnes subjectatur charitas, cui illa juxta nos identificatur. Nec refert, quòd denominet & faciat non tantum voluntatem, sed & animam sanctam, nam ad hoc sufficit, quòd mediante voluntate subjectetur in anima, sicut ut anima sit peccatrix & immunda sufficit peccatum in voluntate suâ subjectatum, ut sit beata, sufficit DEI visio, fructioque, quæ etiam secundum Adversarios non insunt immediatè animæ, sed suis potentiis.

## QUÆSTIO QUINTA.

*An forma justificans seu gratia & charitas habitualis ex naturâ suâ, an verò ex acceptance divina reddat suum subjectum D E O gratum? filium ejus adoptivum? & dignum vitâ eternâ?*

**S**upponit hæc quæstio hos effectus formales à gratiâ haberi, quod de fide est contra Calvinum, qui statuit, justificationem in solâ non imputatione peccatorum, nunc pro sua immodestia negans, nunc adstruens sanctificationem & renovationem internam per gratiam internam inhærentem. Constat tum ex S. Scripturâ, Joan. 5. *Vos amici mei estis, si feceritis, quæ præcipio vobis.* Ad Rom. 5. *Nunc autem liberati à peccato, servi autem facti Deo, habetis fructum in sanctificationem, finem verò vitam eternam.* Ad Roman. 2. *Quicumque enim spiritu DEI aguntur, ii sunt filii DEI, non enim accepistis spiritum servitutis iterum in timore; sed accepistis spiritum adoptionis filiorum, in quo clamamus Abba Pater, ipse Spiritus reddit testimonium spiritui nostro, quòd simus filii DEI, si autem filii & heredes, heredes quidem DEI, coheredes autem Christi.* Ad Ephes. 1. *Qui prædestinavit nos in adoptionem filiorum per JESUM Christum secundum propositum voluntatis suæ, in laudem gloriæ gratiæ suæ, in qua gratificavit nos in dilecto filio suo.* Item ex Trident. Sess. 6. c. 4. ubi definitur, quòd justificatio impii sit translatio ab eo statu, in quo homo nascitur filius Adæ, in statum gratiæ & adoptionis filiorum DEI. & cap. 7. quòd in justificatione homo ex injusto fit justus, & ex inimico amicus, ut sit heres DEI secundum spem vitæ eternæ.

Pro resolutione Notandum, dupliciter concipi posse gratiam tribuere dictos effectus ex natura sua, uno modo sic, ut omnino repugnet eam esse in subjecto capaci, seu creaturâ rationali, cui non præstet dictos effectus,



effectus, seu quam DEUS eo ipso non haberet acceptam, gratam, amicam, ac dignam vitam æternam: alio modo sic, ut tantum connaturaliter exigat suum subiectum constituere sic gratum, acceptum, dignum ad eum modum, quo calor exigit expulsionem frigoris, vel quo quantitas constitueret corpus, in quo est impenetrabile, extensum.

11. *Gratia non causat suos effectus sic, ex natura sua physica primo sensu. Est communis Scotistarum & Nominalium, quos præter alios Recētiōres sequuntur Koning, Kuriel contra Aureolum in 1. d. 17. q. 1. Cajetanum 2. 2. a. 12. & alios. Eandem tenet Scotus in 4. d. 16. qu. 2. n. 5. quatenus dicit inter gratiam & peccatum non esse formalem repugnantiam, & in 1. d. 17. qu. 3. p. 26. & 27. quatenus dicit, quod habitus gratia est qualitas, & præter relationem, quam habet, ad rationem rectam, in quantum est habitus bonus formaliter, habet specialem relationem ad voluntatem divinam acceptantem ipsum, vel subiectum habens ipsum. Et paulo antè dicit: Condignationem meriti esse ex mera & gratuita acceptance DEI.*

Probatur Conclusio: Quia nulla res creata potest habere vim necessitandi DEUM seclusa ipsius promissione ad ipsam, aut aliud sui gratiam amandum amore ullo efficaci, seu quo determinaretur ad ullum bonum absolute, vel conditionate conferendum, sed ut gratia ex natura sua primo sensu præstaret dictos effectus, deberet talem vim habere, quia necessitaret DEUM ad sui gratiam amandum hominem, in quo subiectatur amore efficaci, & determinaretur ad illum acceptandum in specialem amicum & filium, ac ad conferendum ipsi absolute vel ex hypothese beatitudinem, ergo. Probatur maj: Primò: Quia talem vim inesse creaturæ ulli argueret in DEO magnam imperfectionem, quia absolutam à re finita dependentiam. Secundò: Quia, qui talem vim habe-

ret, necessitaret DEUM ad sui conservationem, & per consequens necdum producta ad sui productionem, adeoque contra suppositum non esset creatura, quia non esset contingens, sed necessarium.

Probatur Primò sequela: Quia bene fieri non potest nisi existenti, quæ res necessario exigit, aut ipsi, aut ei, in quo inest, bene fiat, & efficaciter ametur, exigit quoque necessario ut existat. Secundò etiam patet, quia eandem vim movendi ad sui amorem habet res, cum existit, ac cum non existit, respectu illius, à quo in utroque casu æquè perfecte cognoscitur.

Arguitur Primò: Causa formalis, sic exigit ex natura sua tribuere subiecto suum effectum formalem positivum, ut repugnet, eam esse in subiecto, & non illum tribuere, repugnat enim albedinem in subiecto esse, & non constituere illud album, sed gratia est secundum Tridentinam unica causa formalis, quæ quis sanctificatur & transfertur ad statum adoptionis filiorum DEI, fitque ex inimico amicus, ac hæres vitæ æternæ, ergo repugnat eam inesse ulli, quem non constituit DEI amicum, filium adoptivum, & hæredem vitæ æternæ. Respond. distin: maj: suum effectum formalem positivum primarium, conc: secundarium, nego. Gratia autem sive ex natura sua physica habeat, sive non, constituere DEI amicum & filium, hoc tamen non est effectus ejus primarius, sed denominare suum subiectum habens ipsam, sicut effectus primarius albedinis est reddere suum subiectum album, id est, habens albedinem: secundarius tantum & separabilis reddere illud visibile; & primarius effectus quantitatis est reddere quantum, id est, habens quantitatem. Secundarius verò reddere actu extensum.

Arguitur Secundò: Peccatum est finitæ malitiæ, & tamen ex natura sua movet DEUM ad habendum exosum & averſandum tanquam specialiter inimicum homi-



nem eo infectum, ergò non repugnat, quòd forma creata licet finitè bonitatis ex natura sua necessario moveat illum ad prosequendum. speciali amore suum subjectum ipsumque habendum pro specialiter amico: cur enim magis requireretur bonitas infinita ad determinandum ad actum amoris, quàm malitia infinita ad determinandum ipsum ad actum odii. Respond. in communi Adversariorum sententiâ peccatum esse infinitæ malitiæ, adeoque non esse paritatem. Respond. Secundò: Admisso antec: pro prima parte distin: illud pro secunda moveat ex naturâ suâ DEUM ad habendum eo infectum exosum odio efficaci, nego, inefficaci seu simplicis displicentiæ, conc: uti & consequi simili sensu.

Dices: Illud odium simplex, quòd peccatum ex naturâ suâ infert, ut quis dicatur simpliciter DEI inimicus, ergò & ille simplex amor, quem gratia infert ex natura sua sufficit, ut quis fiat simpliciter DEI amicus. Respond. trans: cum anteced: consequens: Si intelligatur de amicitia inefficaci præsertim ex suppositione, quòd nulla alia sit forma ex natura sua melior & acceptior DEO quàm gratia, si verò tam antecedens quàm consequens intelligatur de odio & amicitia efficaci, utrumque negandum est, imò consequens absolute melius negatur: quia per simpliciter amicum intelligitur is, qui terminat amorem efficacem, non qui tantum simplicem complacentiam.

III.  
Gratia ex  
naturaphy-  
sica non  
constituit  
filium DEI  
adopti-  
vum.

Dico Secundò: *Forma justificans seu gratia neque connaturaliter ex natura sua physica exigit, ut DEUS eam habentem acceptet in amicum, filium, aut heredem vitæ æternæ.* Hæc est contra eosdem, contra quos est præcedens, & insuper multos, qui præcedentem admittunt etiam Scotistas. Probatur Primò: Quia id exigere, non competit ipsi ex eo, quòd sit participatio naturæ divinæ, ut esse volunt Thomistæ ex illo 2. Petri 1. *Maxima & speciosa promissa donavit*

*nobis, ut divinæ efficiamur consortes naturæ*: neque ex eo, quòd sit supernaturalis, neque ex eo, quòd sit physicè vel moraliter perfectior cæteris formis, neque quòd sit causa formalis justificationis, ergò ex nullo capite. Probatur antec: Quia anima rationalis cum sit substantialis viva & expressa imago DEI in quantum est substantia viva, intellectiva, volitiva, memorativa, magis est participatio naturæ divinæ, & tamen quantumvis supponeretur carere omni peccato, non exigeret tanquam sibi connaturaliter debitum, ut DEUS ipsam aut ipsius intuitu hominem, in quo est, adoptet ad suam specialem amicitiam & vitam æternam. Item tale quid non exigit actus perfectæ dilectionis & contritionis secundum eosdem, aliàs esset forma justificans, & tamen est in substantiâ supernaturalis, ut patet, est quoque quovis habitu perfectior moraliter, cum sit formaliter honestus, ut non est ullus habitus, & physicè, cum sit vitalis, & ad DEUM velut ad finem ordinetur habitus charitatis, quo non constat dari perfectiorem, & voluntatem creatam ex se conformem divinæ, adeoque dici etiam possit ex se supernaturalis participatio naturæ divinæ supernaturalis, aut cæteris perfectior, neque ex eo, quòd sit causa formalis justificationis, quia esset verè & propriè talis licet non ex se, sed ex DEI ordinatione haberet constituere DEI amicum, filium, & dignum vitæ æternæ, quemadmodum character sacerdotalis est causa formalis verè & propriè constituens hominem formaliter potentem consecrare, & absolvere, licet non ex naturâ suâ, sed ex DEI ordinatione illum deputantis ad talem effectum.

Probatur Secundò: Repugnat, quòd ulla forma ex natura sua physica connaturaliter exigit ullum actum liberum alterius suppositi non necessarium, ut ipsa conservetur, vel suos effectus causet, sed adoptio in amicum & filium est ex se libera, nec ullo modo necessaria, ut causa physica



sua conservetur, aut causet ullum suum effectum, ergo. Probatur maj: Tum, Quia alias potero dicere, sistendo saltem in ratione naturali, quamlibet formam, quemcunque voluero actum liberum DEI, vel hominis ex natura sua exigere: Tum, quia connaturaliter omnis exigentia supponit indigentiam sui termini in suo subiecto, nullum autem subiectum indiget illo, quod non est necessarium, ut ipsum aut ullus ipsius effectus sit. Probatur min: principalis pro secunda parte (prima enim ex se patet) quia nulla est assignabilis forma physica, ejusve effectus physicus, vel ullus proprius, qui non possit haberi & conservari sine tali actu.

Dices: Effectus formalis gratiae est constituere ejus subiectum amicum & filium DEI: sed hoc nequit facere, nisi sit adoptio in DEO. Contra: Quia hoc est, de quo controvertitur, utrum scilicet amicum vel filium constituere sit effectus gratiae, quae est forma physica, & sane non potest ostendi, quod sit, nisi prius ostendatur, quod exigat talem adoptionem, imò, quod non sit positivè probatur: Quia eatenus praecisè esset, quatenus gratia esset talis naturae, ut congruum sit ejus intuitu DEUM moveri ad eum, in quo est, amandum & adoptandum in filium, sed quantumvis esset talis naturae, non proinde constituere amicum, aut filium adoptivum esset ejus formalis effectus. Probatur min: Primò: Quia licet regia dignitas sit naturae talis, ut congruum sit, quem ejus intuitu moveri ad venerandum Regem, nihilominus regem esse veneratum, non est effectus formalis regiae dignitatis, sed potius ejus venerationis. Secundò: Licet probitas & pulchritudo Pauli moveat Petrum, ut illum amet & adoptet in filium, Paulum tamen esse adoptatum, non est effectus formalis suae probitatis aut pulchritudinis, sed adoptionis, quae in Petro, vel à Petro est. Tertiò: Peccatum est talis naturae, ut congruum sit DEUM

eius contemplatione moveri ad peccatorem destinandum ad poenam, eumque aliquando puniendum, & tamen peccatorem esse sic destinatum, vel punitum, non est effectus formalis peccati, sed ipsius destinationis ad poenam & punitionem. Hinc

Probatur Tertiò Conclus. Quia idèd ponitur gratia ex se connaturaliter exigere suum subiectum adoptari in amicum, filium ac haeredem vitae aeternae, ut sic ostendatur, gratiam ex se esse causam formalem horum effectuum, seu quod idem est justificationis, sed quantumvis id exigeret, non propterea esset causa formalis istorum effectuum, sed potius causa seu obiectum motivum DEI ad ponendam causam eorum formalem, ut patet ex proximè jam dictis.

Dico Tertiò: *Gratia ex sola DEI acceptance habet vim justificandi seu constituendi hominem filium DEI, amicum, adeoque acceptatum ad vitam aeternam.* Haec conclusio sequitur ex superioribus, & probatur ex Scriptura, 2. Corinth. 1. *Qui & signavit nos, & dedit pignus spiritus in cordibus nostris.* Et ad Ephes. 1. *In quo & vos, cum audissetis verbum veritatis (Evangelium salutis vestrae) in quo & credentes signati estis Spiritu promissionis Sancto, qui est pignus hereditatis nostrae, in redemptionem acquisitionis, in laudem gloriae ipsius.* Gratiam appellat signum & pignus, quae non ex natura sua, sed ex libera DEI vel hominis institutione in esse talium formaliter constituuntur, cum hoc tamen consistit, quod gratia habeat ex natura sua majorem congruitatem, ut ea informatum adoptet DEUS, quam habeat ulla alia forma, cum inter permanentes sit perfectissima, & valdè congruum sit formam justificantem esse permanentem. Quod si quaeratur, qualis sit illa ordinatio tribuens gratiae vim justificandi, nam varias possumus imaginari, quarum tamen non quaelibet sufficit. Respond. esse volitionem, qua statuit

IV.  
Gratia ex  
acceptatione  
DEI habet vim  
justificandi.



DEUS quemcunque, cui gratiam infundet, eo ipso habere amicum & acceptatum ad vitam æternam. Per hujusmodi enim volitionem & ordinationem recipit gratia moralem quandam dignitatem, vi cuius formaliter sanctificat, seu constituit formaliter amicum, dimittit peccatum, & confert jus quoddam ad vitam æternam, ut ad hæreditatem, non ut ad præmium. Unde duo requiruntur, ut entitas, quæ ex natura sua non potest formaliter iustificet: Primum, ut sit verè forma & unita subiecto. Secundum, ut adsit ordinatio divina statuens eum, cui unita est, eo ipso, hoc est, nullo alio spectato, habere amicum, & acceptum ad gloriam, unde patet per hoc gratiam inesse causæ sanctificantis distingui à ratione signi, seu non esse purum signum signum justificationis.

**Arguitur Primò:** Qui diceret DEUM constituere aliquid album albedine, quâ donatur, non modò reputatur, sed verè est album, sed Trident. dicit gratiam esse, quâ donati non modò reputamur, sed verè iusti nominamur & sumus: ergò dicit eam per se & natura sua iustificare, quod est reddere hominem DEO gratum, peccati expertem, & acceptum ad vitam æternam. Respond. Primò, neg: consequ: Quia albedo est ens purè physicum, quale nullum potest in suo esse constitui per ullius acceptationem aut ordinationem, secus est de gratia, quæ secundum quod formaliter gratificat, est ens morale. Respond. Secundò, distin: min: Gratia est, quâ ex natura sua physica iusti nominamur & sumus, nego: ex natura sua morali, quam habet vi acceptationis divinæ, conced: min: & in hoc sensu consequentiam.

**Instatur:** Si gratia non ex natura sua, sed ex ordinatione divina sanctificat, sequitur, non ipsam solam esse causam formalem nostræ justificationis, sed etiam præter eam requiri extrinsecum DEI favorem tanquam alteram partialem causam

contra Tridentin: definiens unicam causam formalem nostræ justificationis esse iustitiam à DEO infusam, & nobis intrinsecè inhærentem. Respond. neg: sequelam: sicut enim verum est dicere, quod calor sit causa formalis adæquatè constituens lignum calidum, & expellens ab eo frigus, licet si DEUS non habuisset volitionem liberam illum producendi non haberet suum esse, nec per consequens hos effectus causare, ita verè dicitur, quod sola gratia & non favor, aut ordinatio extrinseca DEI sit causa formalis justificationis, licet non haberet vim iustificandi, nisi præcessisset extrinseca ordinatio DEI. Sic etiam verè dicitur Sacramentum, & non favor extrinsecus DEI, esse causa adæquatè instrumentalis gratiæ, quamvis non esset talis causa seclusa ordinatione, quâ DEUS illud instituit, & quamvis nunquam actu causaret gratiam, nisi ad ejus applicationem haberet DEUS voluntatem physicè producendi gratiam illius intuitu. Itaque solus ille favor extrinsecus DEI impediret gratiam esse causam adæquatam formalem justificationis, qui & supponeret gratiam ad rationem formæ iustificantis elevatam, & non esset vi istius saltem elevationis seu ordinationis ipsi necessariò debitus, sed nullus de facto talis favor requiritur ad justificationem, & per consequens nullus est vel partialis causa justificationis.

**Arguitur Secundò:** Sequeretur, quod solus favor extrinsecus DEI sit causa formalis justificationis, quod est damnatum in Tridentino. Probatur sequela, quod solitariè positum natum est tribuere aliquem effectum in genere causæ formalis, eundem tribuit etiam adæquatè, licet adjunctum habeat aliquid aliud, quod ex se non est causativum illius effectus, aut cum illo incompatible, ut patet de albedine, quæ sicut sola constituit album, ita etiam constitueret, tametsi haberet adjunctam dulcedinem, sed favor extrinsecus DEI, si solus poneretur, adæqua-



adæquatè constitueret justum juxta dicta supra, & gratia, quæ sine illo non est causativa illius effectus, neque cum illo incompatibilis, ergò non obstante, quod in justificatione fundatur gratia, non impedit, quominus is effectus habeatur formaliter & adæquatè per favorem extrinsecum ut causam formalem. Respond. neg: sequel: & distin: suæ probationis min: pro secunda parte; gratia non est ex se physice causativa ullius effectus, aut cum eo incompatibilis; conc: ex se moraliter non est causativa illius, & cum eo ut ab alia causa formali proveniente etiam incompatibilis, neg: min.

Instatur: Gratia, ut abstrahit ab extrinseco favore, aut ordinatione DEI non est physice vel moraliter; causativa illius effectus formalis, seu constitutiva justitiae, ergò de facto solus ille favor; qui alias posset, causat illum. Probatur consequ: Quia vim causandi; quam alias haberet, non potuit amittere propter inexistentiā gratiæ; quæ ut ab ipso abstrahit, nullam habet vim physicam vel moralem eundem effectum causandi; vel consequens impediendi; cum eatenus possit impedire, nè fieret per illum favorem; quatenus possit per se causare. Respond. neg: consequ: quia ille favor seu ordinatio divina; quæ alias se solā justificaret, modò non est, sed alia planè diversa, cum illa incompatibilis & affixa gratiæ; quā statuit DEUS cum solum & omnem habere amicum & acceptatum ad vitam æternam; cui inhæreret gratia. Undè quemadmodum non ipsa institutio Sacramenti est causa totalis, vel partialis instrumentalis gratiæ, licet Sacramentum ut abstrahit à tali institutione nullam vim physicam vel moralem causandæ gratiæ habeat, & insuper causari posset per solam extrinsecam volitionem DEI, ita nec ordinatio divina est de facto causa formalis totalis vel partialis excludens peccatum; constituens amicum, aut conferens jus ad regnum, sed sola gratia, cui affixa & allegata est ordinatio, sine

quā nihil horum physice vel moraliter præstare posset.

Arguitur Tertiò: Status justitiæ non consistit in acceptatione & ordinatione hominis ad vitam æternam, ac adoptionem ejus in filium, sed in adeptione doni supernaturalis ex se inferentis in DEO amorem complacentiæ, & constituentis hominem proximè acceptabilem ad DEI amicitiam & vitam æternam, sed datur hujusmodi donum; ergò siue gratia ex naturā suā inferat siue non inferat acceptationem ad gloriā; ex naturā suā physicā justificat. Respond. negando maj: pro utraque parte, & sanè si sufficeret, ut forma aliqua ex natura sua physica esset forma justificans, quod inferret amorem complacentiæ in DEO, & constitueret hominem DEO acceptabilem, fides, spes, & quodvis donum infusum esset forma ex natura sua justificans; cum cujusque contemplatione placeat homo DEO, & fiat talis, quem posset acceptare ad gloriā; quin imò ipsa rationalis animā sic placet ex se, & per consequens cum sit impertinens; an sit naturalis, an supernaturalis, modò cœtera præstet, forma ex se justificans posset dici, præsertim si absque peccato produceretur.

## QUÆSTIO SEXTA.

*An & quomodo forma justificans, seu gratia & charitas habitualis deleat peccatum?*

Sicut quæstio præcedens examinabat; an gratia ex natura physica constituat filium DEI adoptivum, ita etiam hæc quærit, an physice deleat peccatum? seu an hoc ex natura physica præstet? in quā materia Calvinus perversissimus mortalium in Antidoto Concilii Tridentini Sess. 5. & lib. 4. Institu. docet in justificato peccata verè manere, tegi tamen, & occultari in quantum habenti fidem non imputantur. Verum

<sup>1.</sup>  
Sententia  
Calvini

Dico



II.  
Gratia non  
tantum re-  
git, sed ve-  
re delet  
peccata  
mortalia.

**Dico Primò : Forma justifi-**  
cans seu gratia sanctificans non tan-  
tùm tegit, sed penitus delet peccata  
mortalia ejus, in quo est. Est de fide.  
Probatur Primò ex Trident. quod  
Sess. 5. conclusionem definit his ver-  
bis : Si quis per *JESU* Christi Do-  
mini nostri gratiam, quæ in baptisma-  
te confertur, reatum originalis pecca-  
ti remitti, negat; aut etiam asserit, non  
tolli totum id, quod veram & pro-  
priam peccati rationem habet, sed il-  
lud dicit tantum radi, aut non impu-  
tari : anathema sit. Et Sess. 6. c. 7. di-  
cens : Justificatio impii non est sola re-  
missio peccatorum, sed & sanctificatio  
& renovatio interioris hominis : Sed  
si verè peccatum remaneret, non  
verè sanctificaretur homo, nec fie-  
ret ex inimico amicus, sed perseve-  
raret ut antè inimicus, cum odio sit  
*DEO* impius & impietas ejus. Sa-  
pient. 14.

**Probatur Secundò : Quia Sacra**  
Scriptura sine restrictione dicit pec-  
cata *DEUM* remittere, utique in ju-  
stificatione, & per consequens per  
gratiam sanctificantem : item affir-  
mat, ab iis hominem verè liberari,  
Joann. 8. Si vos *Filius* liberavit, sci-  
licet à peccato, verè liberi estis. item  
illud ablui, auferri, deberi, longis-  
simè projici, fuisse & non esse. Eze-  
chiel. 36. Effundam super vos aquam  
mundam, & mundabimini ab omnibus  
inquinamentis vestris. 1. Joann. 1. San-  
guis *JESU* Christi emundat nos ab  
omni peccato. 1. Paralip. 2. Obsecro  
Domine aufer iniquitatem servi tui.  
Joann. 1. Ecce qui tollit peccata mundi.  
Isaiæ 44. Delevi ut nubem iniquitates  
tuas, & quasi nebulam peccata tua.  
Actor. 5. Confitemini ut deleantur pec-  
cata vestra. Psalm. 102. Quantum  
distat ortus ab occidente, longè fecit à  
nobis iniquitates nostras. Michæ 1.  
Projicit in profundum maris omnia  
peccata nostra. Psalm. 9. Quæretur  
peccatum illius, & non invenietur.  
1. Corinth. 6. Hæc quidem fuistis, sed  
abluti estis, sed sanctificati estis, sed ju-  
stificati estis. Ad Ephes. 5. Eratis ali-  
quando tenebræ, nunc autem lux in  
Domino.

**Probatur Tertiò ex Augustino**  
in Enchirid. cap. 52. Quemadmodum  
in illo vera mors facta est, sic in nobis  
vera remissio peccatorum, & quem-  
admodum in illo vera resurrectio, ita  
in nobis vera justificatio. & conc. 7.  
in Psalm. 115. Sicut *Agyptios* in mari  
obritos, ita baptismo peccata nostra  
demersa, & extincta luce, clarius in-  
timat Propheta dicens : projiciens in  
profundum maris peccata nostra. Gre-  
gor. epist. 9. lib. 9. Quia dicit, pecca-  
ta in baptismo non funditus dimitti,  
dicat in mari rubro *Agyptios* non ve-  
raciter mortuos.

**Probatur Quartò Ratione : Si**  
*DEUS* non verè & propriè peccata  
remittat justificato, ergò, quia vel  
non potest, vel quia non vult; non  
primum, quia verè remittere, non  
est facere, ut semel commissa non  
fuerint commissa, sed illa seriò con-  
donare, cur autem non posset *DEUS*  
seriò condonare peccata contra se  
facta, sicut homo injurias sibi factas?  
Non secundum, quia hoc esset con-  
tra promissionem suam locis citatis  
aliisque plurimis.

**Probatur Quintò : Si peccata in**  
justificato maneat, & tantum te-  
gantur, seu non imputentur, Quæro  
Primò, cui tegantur, hominè, an  
*DEO*? non homini, quia justificato,  
nec illa exponit, nec subducit ejus  
notitiæ : non *DEO* : quia omnia  
sunt nuda & aperta oculis *DEI*, ad  
Hebræ. 4. Quæro Secundò : ad quid  
non imputantur? ad culpamne, an  
ad pœnam? Si ad culpam non im-  
putantur, ergò in judicio cognitione  
*DEI* non manent quoad cul-  
pam, & per consequens nec verè, vel  
si sic, falsum est, quod ait Apostolus  
ad Rom. 2. Judicium *DEI* est secun-  
dum veritatem. Si ad pœnam tan-  
tùm non imputantur, ergò verè ma-  
nent & non excludunt à regno, ad-  
eoque falsum est illud : Nil inquina-  
tum intrabit in regnum cœlorum. Di-  
xi in conclusione peccata mortalia :  
quia cum venialibus nullam habet  
ex natura sua aut ex ordinatione di-  
vina oppositionem, aut incompati-  
bilitatem, ut suppono.

Oppo-



Opponitur Primò illud Psal. 21. *Beati, quorum remissa sunt iniquitates, & quorum tecta sunt peccata, beatus vir, cui non imputavit Dominus peccatum.* Ubi hæc tria remitti, tegi, & non imputari sic ponuntur, ut unum explicet aliud more S. Scripturæ, in quâ passim verba posteriora explicant priora. Item Psalm. 84. dicitur: *Remissisti iniquitatem plebis tuæ.* Et mox ut explicetur, quomodo remiserit, additur: *Operuisti omnia peccata eorum.* 2. Esdræ 4. *Ne operias iniquitatem eorum.* 2. Petri 4. *Universa delicta operit charitas.* Ex quibus sic fit argumentum: Remitti peccata vel minus est, vel majus, quàm tegi & non imputari? Si minus, ergò vera remissio, quæ de facto datur, non plus importat, quàm peccati opertio & non imputatio: Si majus, ergò ineptè & præpostere S. Scriptura post remitti addit tegi, & non imputari, quorum significata illius significato continentur: si idem, habetur intentum, nempe peccata eatenus remitti, quatenus teguntur & non imputantur. Respond. Idem esse, peccatum tegi & non imputari, ac ipsum penitus remitti & deleri, quia quamdiu non deletur, & non remittitur, nequit occultari DEO, aut ab ipso non imputari quoad culpam, & per consequens quoad odium displicentiæ, vel etiam de lege posita quoad exclusionem à gloria: ac verò peccatum tegi seu non imputari ad poenam, non est idem quod illud remitti, sed est potius effectus remissionis peccati, seu remissio poenæ consequens ad remissionem culpæ, quæ licet seorsim spectata longè minor sit, quàm remissio peccati, supra tamen cum omnibus, quæ de facto præsupponit, major & optabilior est, cum sic involvat remissionem peccati quoad culpam & poenam; sic exempli causâ perfectior est ordo Episcopalis Sacerdotali, si concederetur secundum omnia, quæ importat & præsupponit, licet sit longè imperfectior, si spectetur ut condistinguitur ab ordine sacerdotali.

Dico Secundò: *Gratia & peccatum mortale de facto nequeunt vel pro unico instanti compati in eodem.* Est communis contra Lorkam 2. 2. d. 22. Probatum: Quia aliàs falsum esset, quod ait Trident. Sess. 5. *In re hatis, hoc est, justificatis, nil odit DEUS.* Secundò damnata est à Pio V. hæc propositio Baji: *Homo existens in peccato mortali, si ve in reatu aeternæ damnationis, potest habere veram charitatem, & hæc charitas etiam perfecta potest consistere cum reatu aeternæ damnationis.* Vera tamen esset, si pro instanti possent gratia & peccatum inesse eidem. Nec valet dicere cum Lorka esse damnatam & falsam, si intelligatur de simultanea existentia peccati habitualis & gratiæ, non actualis: quia cum actualè sit magis propriè aversio à DEO, & majoris vel saltem talis malitiæ magis aut non minus debet esse incompatibile cum gratiâ.

Arguitur cum Lorka: Secundum Scorum 2. d. 37. n. 10. prius voluntas avertit se à DEO, quàm DEUS cesset conservare gratiam, id quod idipsum asserit Basilus hom. 31. de diversis. Et Trident. Sess. 6. c. 11. his verbis: *DEUS namque semel justificatos non deserit, nisi ab eis prius deseratur,* ergò pro illo priori gratiâ est simul cum peccato. Respond. neg: consequ: tantum enim sequitur & à Scoto, Basilio, & Trident. intenditur, peccatum in tempore vel instanti reali, v. g. A commissum esse in causa, cui DEUS non pergat pro eodem tempore vel instanti gratiam conservare, adeoque prius tantum natura prioritate à quo peccatum committi, quàm gratiam amitti.

Dico Tertio: *Gratia ex natura sua physica non delet peccatum necessario, v. g. ut lux tenebras, neque conaturaliter, ut frigus calorem.* Est quoad utramque partem Nominalium, ac conformior Scoto supra, ubi ait: *Non est igitur peccatum formaliter privatio gratiæ, quam non ex impossibilitate destruit, sed ut demeritum.* Et in 4. d. 16. q. 2. n. 5. Medinæ 1. 2. q. 110. Suarez lib. 7. de gratia

III.  
Gratia & peccatum de facto non se compatiuntur in eodem subiecto.

IV.  
Gratia ex natura sua physica non delet peccatum



tia justificante, Koning d. 21. de charitate & aliorum contra Vasquem. Probatur prima pars: Quia per se non habet oppositionem contradi-  
ctoriam, privativam aut relativam cum peccato, cum hoc non sit ejus privatio vel negatio, vel relatio ulla ad eam vel ejus subjectum termina-  
ta, ergo si quam habet oppositio-  
nem maxime contrariam: sed quæ  
opponuntur contrariè possunt esse  
simul de potentia absoluta, ut patet  
de frigore & calore in summo. Et li-  
cèt fortè sint aliqua contraria, quæ  
ex sua speciali ratione nequeant per  
ullam potentiam simul inesse ut e-  
jusdem assensus & dissensus, amor  
& odium, fides & scientia, non po-  
test tamen ostendi, quod illa specia-  
lis ratio oppositionis reperiatur in-  
ter gratiam & peccatum. Confirmatur:  
Quia eatenus gratiæ sua natu-  
ra competeret necessariò expellere  
peccatum, quatenus ex sua natura  
competeret ei constituere ut causa  
formalis suum subjectum DEO dile-  
ctum & acceptum ad vitam æter-  
nam, sed quantumvis hoc ipsi ex sua  
natura competeret, non tamen in  
ordine ad potentiam absolutam, sic  
actu constitueret, ergo. Probatur  
min: Quia in ea hypothese sic consti-  
tuere amicum & dilectum, non esset  
effectus ejus primarius, sed tantum  
secundarius, ergo posset ab ea sepa-  
rari de potentia absoluta, quemad-  
modum à quantitate, quod reddat  
suum subjectum impenetrabiliter,  
extensum, quod est effectus forma-  
lis secundarius.

Probatur secunda pars, ex qua  
à fortiori sequitur prima, Primò:  
Quia ut gratia ex natura sua physica  
connaturaliter deleteret peccatum,  
deberet ex natura sua constituere  
saltem connaturaliter DEI amicum  
& filium adoptivum, sed non consti-  
tuit ut patet ex quæstione præce-  
denti, ergo. Maj: patet, quia nisi ex  
se constitueret amicum, nullum ha-  
beret effectum formalem, quem  
peccatum impediret, licèt suppose-  
retur cum ipsa simul manere, ergo  
non nisi ex illa suppositione exige-

ret connaturaliter illud expelli: quia  
eatenus ulla forma ex se postulat ex-  
pulsionem alterius, quatenus altera  
si maneret, impediret aliquando e-  
jus effectum ex natura sua physica.  
Confirmatur: Esse ex se formaliter  
expulsivum peccati, non competit  
gratiæ ratione majoris perfectionis  
physicæ realis formalis, alias debe-  
ret competere actui perfectæ dile-  
ctionis & contritionis, qui longè  
perfectior est, physicè & moraliter,  
neque propterea quod peccator sit,  
quamdiu manet peccator indignus,  
cui infundatur, quia etiam indignus  
est actu charitatis, imò & quovis do-  
no supernaturali, & tamen quodvis  
non exigit expulsionem peccati, cum  
de fide sit, quod maneat cum fide  
supernaturali, & ipse actus perfectæ  
dilectionis illud non deleat formaliter,  
sed ad summum positivè. Nec  
propterea, quod incongruum sit  
tam excellentem formam superna-  
turalem infundi & conservari in ha-  
bente peccatum, quia magis incon-  
gruum videtur actum perfectæ dile-  
ctionis supernaturalis, qui voluntatem  
creatam divinæ perfectè subji-  
cit & conformat, sic infundi & con-  
servari, & tamen ipsi etiam Adver-  
sarii negant hujusmodi actum esse  
ex se, aut etiam ex ordinatione divi-  
na formaliter expulsivum peccati, &  
sanè si esset dicendus, esset ipse gra-  
tia sanctificans.

Dico Quarto: *Gratia ut subest*  
*ordinationi divinæ, à qua habet con-*  
*stituere DEI amicum & filium adopti-*  
*vum, sic est cum quovis peccato mor-*  
*tali incompatibilis, ut de potentia ab-*  
*soluta nequeant esse simul.* Est contra  
quosdam Scotistas. Sed ipsius Scoti  
in 4. d. 16. q. 2. n. 19. ubi dicit: Quod  
ordinari per culpam ad poenam &  
per amicitiam ad gloriam non stent  
simul pro eodem *nunc*. Probatur  
Primò: Quia implicat gratiam, quæ  
formaliter gratiam, seu ut subest di-  
ctæ ordinationi in esse animæ, quin  
eam constituat sanctam, mundam,  
DEO gratam, specialiter amicam, ac  
simpliciter dilectam, sed nequit vel  
de potentia absoluta talem consti-  
tuere

V.  
Gratia ut  
subest ordi-  
nationi di-  
vinæ abso-  
lutè est in-  
compatibi-  
lis cum pec-  
cato mor-  
tali.



tuere animam, quamdiu in ea manet peccatum, cum tamdiu necessarium sit simpliciter immunda, foeda, DEO ingrata, & inimica, & repugnet idem esse simpliciter mundum & immundum, gratum & ingratum, amicum & inimicum. Probatur maius quia constituere sic animam sanctam, dilectam, &c. est effectus formalis per se primarius gratiae quā gratia, & non tantum dare jus ad esse sui sanctam, amicam, dilectam, aliam sicut non est causa formalis hominis constitutiva in esse beati, licet conferat jus ad beatitudinem, ita non esset causa formalis constitutiva iusti, sancti, amici, &c.

Confirmatur Primò: Implicat DEUM esse eidem simul placatum simpliciter infensum, sed deberet esse, si in eodem essent simul peccatum & gratia sub ratione gratiae, ergo. Probatur minus: Quia cuilibet habenti mortale est necessarium infensus simpliciter, eo enim ipso, quod desineret illi esse infensus, remitteret peccatum, cum id remittere sit non odisse authorem, & cuilibet habenti gratiam sub ratione gratiae necessarium est simpliciter placatus, cum effectus formalis gratiae sit constituere simpliciter dilectum & amicum DEO.

Confirmatur Secundò: Repugnat quod vel de potentia absoluta inimicus quamdiu inimicus sit homini amicus, ergo & quod DEO, ac proinde cum peccator quamdiu peccator sit simpliciter DEO exosus & inimicus nequit, dum talis est, habere gratiam quā gratiam, per quam necessarium fieret amicus & simpliciter charus.

Confirmatur Tertio: Esse iustum, quod est effectus formalis primarius gratiae quā gratiae, vel est esse actu amicum & simpliciter charum DEO, vel est habere tantum ad hoc jus & exigentiam? Si primum, ergo implicat gratiam sub nomine gratiae inesse subjecto, cui non praestat illum effectum, & per consequens cujus peccatum, si quod habeat, non delet. Si secundum, ergo

gratia non est formalis causa constitutiva amici aut filii adoptivi plusquam beati, nec remissionis peccati plusquam collationis gloriae aut ablationis miseriae praesentis vitae, nec per consequens justificationis plusquam glorificationis, quod est aperte contra Trident.

Probatur Secundò: Ordinatio divina annexa gratiae, & à qua habet formaliter justificare, vel est ordinatio, qua voluit DEUS, ut quivis ea informatus eo ipso sit acceptatus ad amicitiam & vitam aeternam, vel quā ut sit sic acceptatus tantum ex suppositione, quod non habeat peccatum, vel quā tantum voluit, ut quilibet ea informatus habeat eo ipso jus, ut acceptetur in amicum & filium. Si primum dicatur, ut revera debet dici, evidens est, quod stante tali ordinatione implicet gratiam inesse homini, & non eum constituere amicum, & per consequens non delere peccatum, quo manente esset simpliciter inimicus. Si secundum, sequitur manifestè, quod gratia nec ex se, nec ex ordinatione divina sit causa formalis deletionis peccati, sed alia forma distincta, quā gratia vi istius ordinationis, sicut non exigit ad esse, ita non exigit in ejus absentia impium justificare. Si tertium dicatur, ergo sicut gratia non est causa formalis constitutiva beati, quantumvis conferat jus ad beatitudinem, ita nec deletiva peccati, aut constitutiva amici, licet det jus aut exigentiam ad remissionem peccati & acceptationem in amicum.

Dices: Quod det jus ad remissionem & acceptationem in amicum illico obtinendum, non autem ad gloriam obtinendam, donec quis ex hac vita migraverit, fueritque ab omni peccato etiam veniali & peccati poena purgatus, & hinc oriri, quod collatio gloriae, aut liberatio à miseriis praesentis vitae non sit ipsi tribuenda ut causae formali, quemadmodum tribuitur ipsi expulsio peccati & acceptatio in amicum, quos effectus exigit statim subsequi. Respond. hoc non sufficere, quia quantumvis

(\*) Ecce 2

tumvis



tumvis DEUS, quamprimum infunderet gratiam, daret ordinariè infallibiliter ipsam beatitudinem, adhuc tamen collatio beatitudinis non esset effectus formalis primarius vel secundarius gratiæ, quia non sequeretur in phylica vel morali gratia, vel effectus ejus primarii, sed potius alterius promissionis vel decreti divini concomitantis de mox satisfaciendo juri collato per gratiam, ergò nec remissio peccati, nec acceptatio in amicum est de facto ullus effectus formalis gratiæ, si ordinatio divina circa gratiam sit, quod quilibet eâ informatus tantum habeat jus ad eam remissionem & acceptationem, etiamsi mox obtinendam.

Addo, quòd dignitas regia quantumvis exigat reverentiam, detque suo subjecto jus ad illam, non propterea tamen dici posset istius venerationis, ut actu exhibitæ, etiamsi quamprimum & semper exhiberetur, causa formalis, sed potius finalis vel motiva, utique hoc ipso, quo DEUS dat aut conservat in homine gratiam suppositâ ejus destinatione ad justificandum in genere causæ formalis, sicut necesse est, ut ipsum habeat amicum & dilectum, ita necesse est, ut omnem priorem offensam mortalem illi remittat remissione quidem & condonatione non expressâ formali & purâ, quali homo homini frequenter offensam remittit, solâ scilicet depositione odii & inimicitiae, sed implicitâ & virtuali eminenter contenta in ipsâ ejus acceptatione in amicum & filium, quæ acceptatio non sequitur gratiæ infusionem, sed in ipsa involvitur eo modo, quo voluntas dealbandi parietem involvitur & imbibitur in ipsa productione albedinis in pariete, undè sicut in amicitia hominis ad hominem necessariò involvitur negatio odii, inimicitiae ac cujusvis gradus displicentiae ob ullam priorem offensam, ita etiam in collatione gratiæ sub ratione formæ justificantis necessariò includitur remissio & deletio omnis peccati mortalis præsuppositi. Sicque in sensu obvio

& proprio verum erit illud 1. Joanni. 3. *Omnis, qui natus est ex DEO, peccatum non facit, quoniam semen ipsius in eo manet, & non potest peccare, quoniam ex DEO natus, quod non videtur in sensu commodo fore verum, si gratia & peccatum possent simul consistere, ut patet ex 2. probatione.*

**Arguitur:** Ex ordinatione DEI annexa Sacramento, non sequitur, quòd Sacramentum necessariò causet gratiam in ritè disposito, sic quòd de potentia absoluta & non ordinaria posset eam non causare, sed solum sequitur, quòd connaturaliter exigat eam causare, & de potentia ordinaria infallibiliter causet, ergò similiter ex vi ordinationis, quæ charitas habitualis elevatur ad rationem formæ justificantis, non sequitur, quòd necessariò expellat peccatum, aut constituat amicum, sed tantum quòd connaturaliter exigat utrumque. Respond. neg: conseq: quòd si anteced: sit verum, ordinatio divina annexa Sacramento non involvit necessariò aliud, quàm quòd sufficit, ut Sacramentum evadat causa efficiens moralis gratiæ, ad hoc autem sufficit vis causandi in actu primo, licet hic & nunc impediatur miraculosè aut extraordinariè actus secundus. Ordinatio autem annexa gratiæ, cum elevet ipsam ad rationem causæ sanctificantis formaliter, hoc est constituentis Dei amicum & filium adoptivum, necessariò involvit, quòd si gratia sit in subjecto hunc illi effectum præstet, & non tantum jus aut exigentiam ejus obtinendi, cum causa formalis ut sic necessariò det suo subjecto suum effectum primarium. Respond. Secundò, neg: antec: Si enim ordinatio divina circa Sacramentum sit, prout esse debet, ut antecedens sit verum hujusmodi statuo ad applicationem baptismi v. g. producere gratiam, nisi cum extraordinariè oppositum voluero, in nullo casu, in quo nollet DEUS ad ejus applicationem gratiam producere, exigeret vi suæ institutionis gratiam conferre, cum is casus in ipsa



ipsa institutione sit exclusus, & per consequens pro tunc administratus, sicut nullo modo esset signum practicum gratiae, ita nec Sacramentum.

VI.  
Gratia formaliter delet peccata mortalia.

**Dico Quintò :** *Gratia est de se, ut subest ordinationi divinae, causa formalis dilectionis peccati mortalis.* Hanc praeter haereticos negant etiam nonnulli Catholici, qui dicunt remissionem peccatorum conjunctam quidem habere etiam infusionem gratiae, non tamen ab hac esse ut causa formalis, sed à sola extrinseca condonatione DEI fieri eo fine remittentis peccata, ut animam reddat capacem gratiae, quod etiam quidam Scotistae docuerunt. Conclusio tamen est sat communis, eamque secundum fidem certam esse existimat Kuriel 1. 2. q. 113. Probatur Primò ex verbis Trident. proximà Conclusionem adductis, ex quibus deducitur & definitur tolli per gratiam sanctificantem, quidquid habet veram rationem peccati, sed non tollitur per gratiam, ut per causam efficientem, materiale vel finale, aut ullam aliam quàm formalem. Secundò, Sess. 6. c. 7. definitur, quòd justificatio non sit sola peccatorum remissio, sed & sanctificatio, & renovatio interioris hominis, hoc est, quòd complectatur tam remissionem peccatorum, quàm positivam sanctificationem. Et paulò post: *Unicam causam formalem justificationis esse justitiam, seu gratiam inhaerentem.* Sed si gratia non sit causa formalis dilectionis peccati, falsum est, quòd sit unica causa formalis justificationis, nam praeter eam erit assignanda alia expellens peccatum, sive ea sit, ut volunt praefati authores, condonatio extrinseca DEI, sive ut Scotistae quidam, rectitudo quaedam moralis sublata per malitiam peccati, & reducta per illam condonationem. Confirmatur: Vel gratia exigit planè necessariò vel saltem connaturaliter, ut DEUS remittat peccata ejus, cui inhæret, vel neutro modo id exigit: Si primum, sequitur manifestè, quòd sit causa formalis deletionis peccatorum eo modo, quo lux de-

lectionis tenebrarum, aut cognitio ignorantiae, aut saltem quo calor expulsionis frigoris, quod catenus saltem expellit, quatenus connaturaliter exigit, quod ad sui positionem DEUS illud auferat. Si secundum, sequitur Primò contra Concilium, quòd justificatio tota consistat in justificatione interna sola, & nè partialiter quidem in remissione peccatorum. Secundò, quòd justitia Christiana non sit perfecta aut vera sanctitas, qualis esse nequit, quæ nec necessariò, nec connaturaliter exigit expelli, sed secum compatitur maculam, impietatem, ac immunditiam peccati. Tertio, falsa esse loca 8. Scripturae, in quibus dicitur per gratiam sanctificantem hominem sanari, mundari, vivificari &c. non enim mundat animam, quod nec seipso expellit, nec expelli exigit sordes, & inquinamenta peccatorum, nec sanat, quæ nondum abstergit infirmitatem, nec vivificat, quæ nondum mortem exclusit.

**Probatur Tertiò :** Quia ex dictis gratia habet vi ordinationis divinae absolutam incompatibilitatem cum peccato, tanquam tribuente effectum privativè oppositum primario effectui gratiae, quæ est forma justificans, ergò ut causa formalis illud delet, quia catenus ulla forma delet formaliter alteram, quatenus habet cum ea talem incompatibilitatem. Ex dictis hactenus habetur, non idèò peccatum deleri per gratiam, quòd hæc exigit, ut in suo subjecto desinat DEUS conservare peccatum: Quia revera nullum peccatum conservat DEUS, ut clarum est etiam de habituali, supponendo cum veriori sententia, quòd non sit aliquid physicè existens: neque idèò, quòd inducat in DEO volitionem peccatum remittendi posteriorem infusioni gratiae sub ratione formæ justificantis, sed quia ipsa volitio infundendi gratiam, sicuti formaliter est volitio sanctificandi & constituendi subjectum, cui infunditur, amicum, ita est eminenter volitio remittendi, si quod sit peccatum, quemadmodum

(\*) Ecce 3

dum



dum in humanis acceptatio alterius in amicum est eminenter condonatio omnis prioris offensae, & sublatio inimicitiae, sic ut superflueret omnis alius actus posterior ad eam condonationem faciendam.

### QUAESTIO SEPTIMA.

*An inductio Gratiae & deletio peccati sint mutationes distinctae, an necessariò connexae, an alterutra prior altera?*

*Quis sit  
sensus qua-  
estiois.*

**P**ROCEDIT hæc quaestio de passiva inductione Gratiae, non in quolibet, cum evidens sit, inductionem gratiae in eum, qui antecederet non habuit peccatum, v. g. in Christum, Divam Virginem, Angelos, nec fuisse, nec connexam habuisse remissionem peccati: Sed de inductione in impium seu peccatorem, de quo quaeritur, an mutatione unica & simplici, an pluribus? & si pluribus, an purè concomitantibus, an necessariò connexis? fiat ex peccatore justus?

*II.  
Inductio  
gratiae &  
expulsio  
peccati  
sunt mu-  
tationes  
separabi-  
les.*

Dico Primò: *Etiam in justificatione impii inductio gratiae & expulsio peccati sunt mutationes ex natura rei non eadem, sed separabiles.* Est Scoti in 4. d. 16. qu. 2. nu. 4. quem præter suos sequuntur, qui ponunt gratiam aut ex natura sua justificare, aut de potentia absoluta compati cum peccato, & favet magis, quam repugnat Div. Thomas, quamvis in oppositum citari soleat. Probatum Primò: Ex natura rei posset DEUS sine inductione ullius formae remittere peccata, ut probatum est supra. Item posset in animam peccato infectam inducere gratiam absque eo, quod ullum ejus peccatum condonet, ut patet ex Conclus. 3. & 4. qu. 6. Sed hæc essent impossibilia, si inductio gratiae & deletio peccati essent una realiter mutatio, aut etiam ex natura rei duæ planè inseparabiles.

Probatum Secundò: Expulsio peccati est mutatio, & inductio gra-

tiae est mutatio, sed non sunt una realiter mutatio, ergò diversae. Probatum maj: quia expulsio est transitus à peccato ad non peccatum, & infusio est transitus à privatione gratiae ad ipsam gratiam: omnis autem transitus subjecti à contradictorio in contradictorium est mutatio. Probatum min: primò: Quia de facto expulsio peccati multiplicatur, ubi non multiplicatur infusio gratiae, sed hoc repugnaret, si esset realiter una. Deinde quemadmodum quia homo & animal rationale sunt realiter idem, implicat dari plures homines, ubi non dantur plura animalia rationalia, ergò. Probatum hæc maj: Quia in justificatione peccatoris cujusvis tantum reperitur unica infusio gratiae, & tamen in singulis tot reperiuntur deletiones peccatorum, quot culpæ remittuntur.

Dices cum Cajetano, quod omnes culpæ secundum rationem genericam aversionis à DEO, in quâ conveniunt, sint terminus per se deletionis peccatorum, secundum verò rationes suas particulares sint termini tantum per accidentis, ac proinde earum secundum has rationes multiplicatio non inferat multiplicationem remissionis aut deletionis peccati. Respond. neg: antec: Id enim nullatenus dici potest. Primò: Quia cum singula peccata secundum proprias rationes remittantur & desinant, necesse est, ut uniuscujusque remissio habeat pro per se à quibus & ad quos esse & non esse talis particularis peccati. Secundò: Quia mutatio realiter una tantum duos per se terminos habet, formam scilicet & ejus privationem, sed inductio gratiae & destructio peccati habent quatuor terminos ab invicem separabiles, illæ non esse gratiam & gratiam, hæc peccatum & non peccatum. Tertiò: Idem essent unica mutatio, quod peccatum sit privatio gratiae, hoc enim est potissimum fundamentum oppositæ sententiæ, sed non est, quia unius forma in uno subjecto, non est nisi una privatio, pec-



peccata autem etiam specifica sunt plura in eodem.

III.  
Infusio gratiae & expulsio peccati sunt de facto inseparabiliter connexae.

Dico Secundò : *Infusio gratiae, ut subest ordinationi divinae, seu ut habet rationem formalem gratiae, non est realiter eadem, sed diversa mutatio ab expulsionem peccati, hanc tamen habet absolutè, & hac illam de lege saltem ordinariâ inseparabiliter annexam.* Probatur prima pars: Quia infusio gratiae est eadem realiter mutatio sive habeat sive non habeat annexam ordinationem divinam, vi cuius est expulsio peccati, vel sanctificativa sui subiecti, sicut ablutio externa, quae fit in baptismo, est eadem, sive habeat, sive non habeat annexam rationem Sacramenti, & excussio monetae eadem est, cum habet, & cum non habet valorem ex ordinatione Principis. Sed si non haberet annexam illam ordinationem, non esset eadem mutatio cum expulsionem peccati, ut patet ex praecedenti Conclusionem, ergò nec modò. Confirmatur: quantumvis ordinasset DEUS, ut mutationum aliàs separabilium una semper causaret, vel inferret alteram, v. g. calefactio aegrotationem adeoque elevasset calorem ad rationem causae moralis, formaliter expulsivae sanitatis, non proinde calefactio fieret una realiter mutatio cum aegrotationem, ergò quamvis dederit gratiae vim moralem expellendi peccata, & voluerit, quòd ejus infusio in peccatore semper haberet annexam deletionem peccati, & econtra, non prohibet illa infusio, & hac deletio factae sunt una realiter mutatio. Secunda pars patet ex quaest. 6. in qua probatum est, stante ordinationem divinâ de facto annexâ gratiae non posse etiam de potentiâ absolutâ gratia & mortale peccatum simul inesse. Tertia pars patet: quia de lege posita non contingit deletio peccati mortalis, nisi cum ritè suscipitur Sacramentum, vel DEUS super omnia diligitur, sed quoties fit alterutrum horum infunditur infallibiliter gratia, ut de fide est.

IV.  
Infusio gratiae est prior expulsione peccati.

Dico Tertiò : *Infusio gratiae est prior naturâ expulsionem peccati.* Haec videtur esse Scoti supra n. 18. quatenus dicit, quòd infusio gratiae inferat exclusionem peccati, non contra, quòd non esset verum, nisi infusio gratiae esset aliquomodo causa & per consequens prior expulsionem peccati, nam inter concomitantia, realiter, si nulla sit causalitas, nulla erit prioritas. Probatur: Quia necesse est prius naturâ uniri, & per consequens induci causam formalem in subiectum, quàm praestet illi ullum effectum formalem, praesertim distinctum ab hoc, quòd est constitui subiectum in esse habentis ipsam, sed expulsio seu deletio peccati est effectus formalis gratiae, ut patet ex antè dictis, & distinctus ab eo, quòd est subiectum esse habens ipsam formam, quae est formaliter gratia, ergò prius infunditur gratia, quàm expellitur peccatum illius, adeoque prior infusio. Maj: patet: Tum discurrendo per singulas causas formales, nam prius est quantitatem uniri subiecto, quàm illud faciat impenetrabiliter extensum, intellectio prius unitur potentiae, quàm constituat illam actu percipientem objectum, & calor prius unitur quàm expellat frigus: Tum, Quia inexistencia formae est conditio praerequisita, ut causet formaliter, sicut applicatio efficientis ad passum est conditio praerequisita, ut agat. Confirmatur: Prius naturâ suscipitur Sacramentum, quàm causet illum effectum, quem habet vi ordinationis divinae sibi annexae, ergò prius naturâ recipitur gratia, quàm causat ullum effectum vi ordinationis sibi annexae. Probatur consequens: Quia quemadmodum statuit DEUS, ut Sacramentum non conferat gratiam nisi ei, qui illud susciperet, ita etiam voluit, ut gratia non nisi, cui ipsa inest, conferat suum effectum.

Opponitur Scotus n. 18. supra citatus dicit exclusionem peccati, licet posterior sit perfectione, esse viâ generationis priorem, item esse prio-



priorem prioritate causæ, quatenus per formalem causam non infert infusionem gratiæ, sed ab ea inferatur. Et n. 19. dicit, quod prius ordine executionis vult DEUS homini non inesse culpam, quam inesse gratiam, ergo Conclusio est contra Scotum. Respond. neg: consequent: Scotus in iis locis intelligit per infusionem gratiæ effectum primum gratiæ, ut est forma justificans, seu ut subest coordinationi divinæ, qui est constituere sanctum, & DEI amicum, & hunc effectum dicit esse priorem viâ perfectionis & intentionis, exclusionem peccati, hoc est, esse perfectiorem & principalius intentum, ordine tamen executionis & generationis priorem esse remissionem culpæ, cum in sanctitate perfecta includatur tanquam pars absentia peccati, quod verum est.

V.  
Infusio gratiæ & remissio peccati sunt in instanti.

Quæres: An remissio peccati & infusio gratiæ fiant successivè? Respond. Quod dispositio prævia ad justificationem ordinariè fiat successivè, justificatio tamen ipsa, prout comprehendit tam infusionem gratiæ, quam remissionem peccati, fit in instanti ex suppositione, quod dispositio ultima compleatur primum in instanti, secus si in tempore. Ratio secundæ partis: Quia idè nulla mutatio fit successivè: Quia vel terminus per eam producendus, aut destruendus est ex se successivus, vel quia subiectum non est ultimè dispositum ad illum terminum recipiendum, vel quia agens non habet virtutem, aut si liberum, voluntatem producendi totum effectum, sed gratia, quæ terminus est unicus per se in justificatione producendus, quæ etiam, ut dictum est, peccatum formaliter expellitur, non est ex se ens successivum, cum sit qualitas permanens, & anima, in quam est inducenda, est ultimè disposita ad illam per debitam Sacramenti susceptionem, vel contritionem perfectam, ut suppono, & peccatum, si quid inest, non per aliquid prævium, sed per ipsam gratiam est expellendum, & DEUS, qui solus gratiam

producit, est & potens illam instantaneè producere, & volens: Quia cum ritè suscipienti Sacramentum aut perfectè contrito, promiserit justificationis gratiam, quæ multum indiget homo, & quam ille libenter suppeditat, tanquam cujus deliciae sunt esse cum filiis hominum, gratis & planè incongruè diceretur non quamprimum illum infundere. Dixi ex suppositione &c. quia tunc omnis ratio, quæ probat justificationem aliàs faciendam in instanti, probat etiam faciendam in tempore, quo primum verum esset dicere jam est tota dispositio prærequisita ad gratiam, non enim esset ratio differendi ad sequens instans infusionem gratiæ. Ratio primæ partis: Quia in eâ dispositione continentur plures actus etiam subordinati ad invicem, & qui ordinariè requirunt longam consultationem & moram.

## QUÆSTIO OCTAVA.

*An gratia sanctificans à solo DEO, & hoc per creationem propriè dictam producat?*

Suppono ex superius & in Philosophia dictis, creationem propriam esse productionem Entis nullo præsupposito subiecto. Suppono etiam non omnes formas creari propriè, sed multas educi de potentiâ materiæ, id est, de subiecto, educi autem nihil aliud esse, quam dependere in fieri & conservari à subiecto, hinc quia gratia dependet in conservari ab anima, difficultas oritur immediatè an creetur à DEO an verò educatur de potentiâ naturali vel obedientiali voluntatis, & hoc non quomodocunque, sed insuper an ejus productionem aliqua causa creata attingere possit, & ad hoc posterius primo respondendo

Dico Primò: Nulla creatura, quæcunque illa sit, potest physicè attingere productionem gratiæ sanctificantis. Hæc est conformis principiis Doctoris subtilis, & Probatur: Quia si quæ causa

I.  
Quid sit creatio propriè

II.  
Creatura nulla potest attingere physicè productionem gratiæ

causa creata & secunda attingeret physicè per virtutem obedientialem, aut aliam à DEO impressam productionem gratiae, maximè Christi humanitas, passio, Sacramenta, vel saltem dicti actus ad illam disponentes, vel ipsa anima: Tùm, Quia nulli alii potius quàm his tribuenda est ejusmodi aetivitas: Tùm, Quia iis & non aliis nonnulli Authores eam de facto tribuunt, ut Thomistae communiter humanitati & Sacramentis, Sotus & Capreolus etiam passioni, noster verò Vega lib. 8. in Trid. cap. 9. etiam dispositionibus ad justificationem, sed nihil horum attingit alterutro modo productionem gratiae. Probatur min: Primo quoad secundum modum: Quia nec ratio nec autoritas ostendit, Deum infudisse ulli virtutem ullam supernaturalem productivam gratiae adaequatam vel inadaequatam, & sanè si adaequatam infudisset, ea esset, perfectior contra Adversarios, qui illam super omnia creata efferunt: Si inadaequatam, ea quoque superflueret, si ut illi volunt res quaelibet infinitam habeat potentiam obedientialem, per quam scilicet DEO extraordinariè concurrente producere posset quodlibet: Secundò quoad primum modum de potentia obedientiali Probatur: Quia non est ullum fundamentum dicendi, quòd ulli praedictorum, aut alii quàm intellectui & voluntati in ordine ad actus supernaturales insit potentia obedientialis in ordine ad producendum quodlibet, quod nullo modo naturaliter potest attingere, ergò: antec: patet, quia licet possent fortassis esse aliquae creaturae, quae habeant hujusmodi virtutem obedientialem, possent nihilominus esse, quae non habeant, cum nulla sit in hoc repugnantia, nulli etiam mortalium constet ea, quae de facto sunt, non esse tales; ergò sive possibilis, sive impossibilis talis potentia gratissimè dicitur per eam de facto produci rem tam excellentem, ut est gratia, praeterea passio Christi secundum nihil sui existit, cum gratia producit, nam à tot saeculis praeterio-

rat. Deinde Sacramenta sunt successiva, & tunc primum gratia datur intuitu ipsorum, cum jam physicè defuerunt, humanitas etiam Christi, licet existat, ingenti tamen intervallo distat ab iis; in quibus gratia producit.

Dices: Dignificanda est humanitas Christi, quantum sine absurdo potest, ergò nisi posset absurditas ostendi aliqua vel contradictio, in hoc, quòd habeat potentiam obedientialem ad producendam gratiam, dicendum, quòd illam habeat, & contra, quòd ex ea mediante de facto producat gratiam, sed non potest talis ostendi, ergò. Fateor antec: omnino videri concedendum cum prima consequent: Sed secunda negari potest, sicut ab Adversariis etiam negaretur, quòd Christi humanitas coelum totumque mundum physicè conservet, vel in seipsa gratiam, aut unionem hypostaticam, licet secundum ipsos ad haec omnia habeat virtutem obedientialem, quae humano judicio cedere videtur ad majorem Christi gloriam. Addo videri repugnare potentiam obedientialem in humanitate ad producendam gratiam & à fortiori in Sacramentis & quibuslibet aliis entibus naturalibus, quia si talis daretur, ut in actum prodiret, indigeret concursu extraordinario DEI secundum omnes. Quaero ergò, an insupplebili; an supplebili per ullam creaturam? Si primum, sequitur, illum concursum, esse generalem, & consequenter naturalem, adeoque potentiam cum eo solo productivam gratiae esse naturalem & non obedientialem contra suppositum. Si secundum, quaero, per quam creaturam illa est supplebilis? Si per ullam naturalis ordinis, sequitur gratiam non esse supernaturalem in substantia contra suppositum, quia erit adaequatè producibilis à causa naturalis ordinis. Si per ullam ordinis supernaturalis adhuc contra ipsos Adversarios sequitur, dabilem esse causam secundam adaequatè productivam gratiae vi propria & innata. Deinde quaero, an illa concausa supernaturalis,

(\*) Fff

ralis,



ralis, quæ scilicet, si daretur, constitueret cum humanitate Christi, aut Sacramento causam adæquatam gratiæ. Quæro, inquam, an illa realiter sit producibilis per humanitatem & aliquam aliam formam supernaturalem, an non? si non, idem planè erit de ipsa gratia. Si sic, quæro idem rursus de illa, & sic in infinitum, & necessariò sistendum erit ad aliquam formam supernaturalem improducibilem per ullam causam secundam, ut per causam adæquatam, quod æquè ab initio faciendum erat, vel admittetur processus in infinitum in causis essentialiter dependentibus, qui absurdus est, & admissus præcluderet omnem viam demonstrandi causam primam, & præterea sequeretur, nullam causam ex iis, quæ in toto illo processu supponebantur supernaturales, esse supernaturalem.

Quod ut probetur: Omnes causas secundas supernaturales abjectis seorsim aliis redigamus in unam classem, vel ut sic redactas supponamus, quo facto sic argumentor: Nulla est ratio, quare ullæ ex his, quæ continentur in classe appellata supernaturali, esset supernaturalis potius quàm cœteræ, aut aliqua cœterarum, nisi quia nulla est earum connaturaliter debita illi subjecto, eo v. g. modo, quo calor igni, & omnes vel saltem aliqua eorum, à quâ cœteræ dependent, est à solo DEO producibilis, si enim alterum iis desit, nihil prorsus speciale habebunt præ exclusis ab ea classe, ob quod dicendæ sunt supernaturales, specialiter præ impetu, qui nulli subjecto debetur, & præ actibus intellectûs & voluntatis, qui necessariò præexistunt Angelos vel animam à solo DEO producibiles, ut sui causam connaturalem, ergò si in tota illa classe nulla, à quâ cœteræ in sui productione immediate dependeant, sit à solo DEO producibilis, nulla erit supernaturalis, ex quibus deduci potest, quæ sit repugnantia, quòd detur potentia obedientialis producendi quodlibet.

m. DEUS solus potest pro  
Dico Secundò: *Solus DEUS efficit physicè, & tanquam causa prim-*

*cipalis gratiam.* Probatur: Quia si ulla causa creata haberet virtutem naturalem producendi gratiam, maxime actus virtutum, qui ad illam proximè disponunt, & ad quos solos de facto infallibiliter sequitur, si enim ulla causa naturalis, siue realiter unica, siue confurgens ex pluribus realiter distinctis talem haberet virtutem, gratia jam non esset supernaturalis, & similiter, si ulla supernaturalis haberet, deberet gratia connaturaliter ad illam causam sequi, licet non procederent illi actus supernaturales, adeoque hi non essent dispositiones necessariò prærequiritæ ad gratiam, quod falsum est, ut postea patebit, sed illi actus non habent talem virtutem, ergò. Hanc min: in qua probanda sita est tota difficultas.

Probant aliqui Primò ex eo, quòd Trident. Sess. 6. c. 7. ubi causas justificationis & gratiæ determinat, non aliam illi causam efficientem, prout efficiens ab instrumentali & meritoria distinguitur, assignet quàm DEUM. Secundò, Probant aliqui, quia habitus gratiæ, si ab illis produceretur, non esset per se infusus, quia natura sua adæquatè producibilis à causa secunda. Tertiò Probant: Quia illi actus sunt imperfectiores gratiâ: quia hæc est participatio perfectior possibilis naturæ divinæ. Quartò: Probant alii, quia aliàs gratia non produceretur sine illis actibus, adeoque nec in parvulis. Quintò: Quia illi actus ex natura sua præsupponunt gratiam aut auxilium supplens defectum gratiæ, ergò ipsi nequeunt gratiam causare. Sextò: Quia ex Trident. supra sunt dispositiones ad ipsam gratiam, sed non essent, si illam physicè producerent. Septimò: Alii probant ex variis locis S. Scripturæ, in quibus justificare & peccata remitti tribuitur soli DEO cum exclusione creaturarum omnium, ut Job. 14. *Quis potest facere mundum de immundo conceptum semine, &c.* Isaiæ 44. *Ego sum, qui deleo iniquitates tuas.* ad Roman. 3. *Unus est DEUS, qui justificat &c.* Marci 2. *Quis potest remittere*

ducere  
physicè  
gratiam.



tere peccata, nisi solus DEUS. Sed nulla harum probationum urget sufficienter, aut evidenter convincit, valeant tamen apud quemlibet, quantum valere possunt, meâ opinionem melius sic probatur minor: Quia tunc gratia esset ex operibus justificationem antecedentibus, adeoque non esset gratia, sed debitum, juxta illud ad Rom. ii. *Si autem gratia, jam non ex operibus, alioquin gratia jam non est gratia.* Quem locum explicans Tridentinum cap. 8. ait: *Quod gratis justificari ideo dicamur: Quia nihil eorum, quae justificationem praecedunt, siue fides siue opera ipsam justificationis gratiam promeretur.*

Dices: Gratiam esse ex illis operibus, ut causa sui physica, non autem de condigno meritoria, quod solum negat Concilium, ergo inde non colligitur, quod non censeatur physice adaequatè produci per illos actus. Contra, ut aliquid sit causa de condigno alicujus meritoria, sat est, quod habeat respectu illius rationem talis meriti, cujus intuitu illud stante communi providentiâ DEI connaturaliter debeatur, sed illi actus secundum communem habent respectu gratiae rationem meriti, quia illam merentur de congruo, & quidem talis meriti, cujus intuitu stante communi providentiâ debeat connaturaliter infundi, si verum sit, quod respectu ejus producendae habeant virtutem adaequatam physicam.

Dices Secundo: Non sequi, quin illi actus habeant vim connaturalem inadaequatè producendi gratiam, & consequenter de facto sic producant, sed si sic producuntur, sufficit, ut sint causa principalis gratiae, quemadmodum ut intellectus sit causa principalis visionis beatificae, sufficit, quod per virtutem sibi connaturalem inadaequatè producat, ergo necdum habetur, quod non sint causa principalis gratiae. Contra: Quia si haberent virtutem naturalem inadaequatè producendi, prout vis naturalis distinguitur contra obedientialem, deberet esse sal-

tem possibilis alia concausa naturalis ordinis, quæ cum illa complere posset, seu integraret causam adaequatam gratiae, aliter enim nequit ostendi, quo sensu illa vis seu potentia non esset tam propriè obedientialis, quam est ea, quam habet intellectus ad visionem beatificam, sed si vel possibilis esset talis concausa, sequeretur possibile esse deberi gratiam connaturaliter intuitu aliquorum antecedentium justificationem, adeoque posse non esse gratiam, sed debitum.

Probatur Secundo: Quia licet non repugnet gratiae vel ex conceptu supernaturalitatis, vel ex conceptu causae formaliter justificantis, vel habitus infusi, esse producibilem à causa secunda praesertim supernaturali etiam si ad illam moraliter disponente, tamen cum non repugnet eam non esse sic producibilem, idque majorem in ea argueret perfectionem & conferret ad verificandum in sensu magis obvio & commodo loca S. Scripturae & Patrum simpliciter tribuentia gratiae efficientiam & productionem soli DEO, adeoque teneatur ab omnibus Theologis, debet dici, quod non sit sic producibilis, imò oppositum temerè diceretur. Confirmatur hoc: Quia dum Trident. supra definit, causam efficientem gratiae esse DEUM, intelligit, DEUM sic esse causam gratiae, quomodo non est ceterarum omnium rerum, alioquin enim frustranea & superflua esset illa ejus definitio, cum nemo dubitare posset, DEUM esse causam primam gratiae eo modo, quo ceterarum creaturarum, sed non esset causa efficiens gratiae ullo modo, quo non ceterarum omnium rerum, si ulla creatura concurreret, adaequatè in genere causae secundae ad illam producendam, ergo.

Dico Tertio: Gratia sanctificans producit per creationem propriè dictam, hoc est, producit sine ullo concursu causae materialis. Hæc est Alensis, D. Thomæ, D. Bonavent. & adeo erat apud antiquos commu-

IV.  
Gratia  
producitur  
per veram  
creatio-  
nem.



nis, ut Scotus 4. d. 2. q. 2. eam ita supponat, ut nullibi probet, tanquam sine controversia admittendam. Est contra Recentiores, & præsertim Suarez lib. 8. de gratia c. 2. Vasquez disp. 124. Probatur Primò ex Scriptura Sacra, Psalm. 50. *Cor mundum crea in me.* ad Ephes. 2. & 4. *Induite novum hominem, qui secundum Deum creatus est.* In quibus locis dicitur, quòd gratia, quâ cor mundatur, ex qua procedunt bona opera, per quam peccator constituitur novus homo, secundum DEUM creetur. Probatur Secundò: Quia tùm in Scriptura, tùm in Trident. dicitur infundi in cordibus eorum, qui justificantur, ergò non educitur de potentia materiæ, & consequenter creatur.

Dices: Hæc probatio non sufficit, quia verbum *creare* in S. Scriptura sæpè accipitur in latiori significatione, quàm significet creationem propriè dictam, ut patet 1. Genes. ubi dicitur, quòd *DEUS creaverit cælum & terram, cete grandia, masculum & feminam*, quæ tamen non sunt propriè creata, hoc est, producta sine dependentia formarum, quibus constant à suis materiis, ergò, quamvis habeatur in Sacra Scriptura, quòd gratia creetur, non inde habetur, quòd creatione propriè dicta. Deindè per hoc, quòd dicatur infundi, non necessario sequitur aliud, quàm quòd producat à solo DEO efficienter, sic autem produci posset, quamvis produceretur dependenter à materiâ.

Probatur ergò aliter: Quia possibilis est forma accidentalis independibilis à causa materiali seu subiecto, aut ex natura sua exigens non dependere ab influxu subiecti, eodem modo, quo anima rationalis exigit non sic dependere: nec enim in conceptu talis ulla involvitur contradictio, ut patet ex eo, quòd nonnulli de facto existiment, nullum dari influxum causæ materialis, sed ex suppositione, quòd possibilis sit forma sic independibilis à causa ma-

teriali, gratia censenda est esse talis: Tùm, Quia ejus efficientiam non attingit ullum efficiens creatum, cujus tamen activitas videtur debere extendi ad quodvis, ad quod se extendit causalitas materialis: Tùm, Quia & perfectissima formarum non vitalium, & assumpta ab eo ad munus justificandi formaliter homines, quâ saltem post unionem hypostaticam, nullum est sublimius, nullum homini optabilius, nullum magis gratuitum & remotius ab omni causalitate creaturæ. Tùm denique, quia sic præcitata S. Scripturæ loca erunt in sensu maximè proprio vera, & sanè hæc ratio ut minimum probat gratis & sine fundamento dici gratiam non creari, cum oppositum & fieri potuerit, & si fieret maximè congruum foret. Sed in contra

Arguitur Primò: Gratia est accidens, & consequenter non habet subsistentiam partialem, qua possit naturaliter per se subsistere, sed exigit connaturaliter inesse subiecto taliter, ut esset miraculum, si produceretur aut conservaretur extra subiectum, ergò petit produci dependenter à subiecto. Confirmatur: Quia idè colliguntur aliæ formæ substantiales præter animam rationalem, & accidentales absolutæ educi à potentia materiæ, & non creari, quia in fieri & conservari dependent à subiecto, & colliguntur sic dependere, quia naturaliter non producantur, nec conservantur extra subiectum, & esset miraculum, si sic producerentur, aut conservarentur, ergò cum gratia non producat aut conservetur extra subiectum, & esset miraculum, quòd aliter produceretur aut conservaretur, bene colligitur, quòd dependeat à subiecto in esse & conservari, & consequenter quòd educatur de potentia subiecti. Respond. neg. consequ. Quia sicut ex formis substantialibus quædam educuntur, quædam non educuntur de potentia materiæ, ita dicendum etiam de formis accidentalibus, licet subiectis suis adhærerent. Ad Confirm. Respond. neg. anteced. pro



pro secunda parte, non enim ideo præcisè colligitur, quòd ita dependant, quia naturaliter non possunt produci aut conservari, nisi in subiecto, sed ex hoc, & quia ulterius possunt dependere à subiecto, & nulla est ratio, congruentia, aut authoritas, ob quam censendæ sint non dependere. Undè sequitur, quòd quamvis gratia non producat, aut conservetur naturaliter nisi in subiecto, possetque produci dependenter à subiecto, tamen si etiam potest produci independenter à subiecto, & est congruentia, vel authoritas, ob quam dicatur produci, ita dicendum est. Ratio autem, cur pro-

ducatur & conservetur in subiecto, est, quia, cum non habeat operationes particulares, quas posset extra subiectum exercere, frustra extra subiectum produceretur aut conservaretur. Deindè ex communi ratione accidentis ut sic postulat inesse subiecto sive per inhærentiam, sive per adhærentiam.

Arguitur Secundò: Anima dicit inclinationem naturalem ad gratiam, ergò educitur de ejus potentia. Respondi. neg: conseq: Quia etiam ad animam rationalem datur potentia naturalis in corpore, & tamen non educitur de potentia ejus.

\*\*\*\*\*

## DISPUTATIO TERTIA.

DE

### Dispositionis requisitis ex parte justificandi.

**P**Lura sunt, quæ ex parte justificandi requiruntur, ut gratia justificans sibi infundatur, quæ omnia nomine dispositionum seu formarum, quæ ad gratiæ receptionem vel conservationem conferunt, comprehendendo, quæ habent, ut subiectum moraliter, vel physicè præparent, & adaptent, non tantum per accidens vel vi causarum præeant, aut gratiam comitentur. Sit igitur

#### QUÆSTIO PRIMA.

An & quæ dispositio requiratur ad gratiam?

1.  
Dispositio:  
hæc alia  
sunt phy-  
sica, alia  
morales:



**A**D Resolutionem Notandum: Dispositiones in duplici esse differentia, aliquæ enim sunt *physicæ*, alia *morales*. *Dispositiones physicæ* præparent & aptant subiectum ad aliquam formam, quæ non vi malitiæ suæ vel bonitatis moralis, sed propriæ entitatis subiectum reddunt capacius vel aptius ad recipien-

dam formam. *Dispositiones morales* verò sic subiectum disponunt & adaptant sola vi suæ bonitatis vel malitiæ moralis, dignitatis vel indignitatis moralis, si quæ autem forma in præsentia materia alterutro modo disponat, spectat reductivè ad causam materiale, quando hanc afficiunt, & recipiendæ gratiæ accommodant.

Notandum Secundò: Subiectum immediatum gratiæ recipiendæ esse voluntatem, mediatum verò esse animam, prout docet Doctor subtilis, nam gratia perficit animam in ordine ad determinatum actum

11.  
Gratia sub-  
jectum est  
voluntas;

(\*) Fff 3

scilicet



scilicet meritorium, anima autem ex se est indeterminata ad hunc actum, sed debet determinari per potentiam, quæ debet elicere actum meritorium, & hæc est voluntas, ad eoque in illa debet subiectari gratia, quoniam & in ipsa subiectatur gloria, ad quam gratia disponit, sicut ab opposito in voluntate est peccatum, quod gratia expellit tanquam in eodem subiecto impossibilis.

III.  
Fidem solam, & quam disponere ad gratiam juxta Sectarios.

**Notandum Tertiò :** Modernos Sectarios contendere ad justificationis gratiam obtinendam conservandamque nihil ex parte hominis requiri præter fidem, quæ tamen ipsa secundum eosdem, & præcipue Calvinum lib. 3. institutionum c. 12. & 13. non dispositionis vim habet, sed tantum vicem organi oblatis à D & O Patre Christi justitiam, quia una justificamur ad nos pertrahentis ad eum modum, quo manus apprehensam, vel ollâ in se contentam pecuniam, quâ ditamur, nobis approximat & apportat : unde Calvinus supra c. 11. *Fides*, inquit, *etsi nullius per se dignitatis sit, aut pretii, justificat nos Christum afferendo, sicut olla pecuniam referta homines locupletat.*

Porro non culvis fidei, sed certæ cuidam hanc vim tribuunt, triplicem enim fidem statuunt : unam *historicam*, quâ credimus, quæ in S. Scriptura reperiuntur, vera esse, de quâ intelligitur illud ad Hebræ. 11. *Fide credimus aptata esse secula. Altera miraculorum*, quâ sunt miracula, seu quâ credimus DEUM omnia posse, de quâ 1. Corinth. 13. *Si habuero omnem fidem, ita ut montes transferam, charitatem autem DEI non habuero. Tertiam promissionum*, quæ duplex est, una *generalis*, quâ credimus, veras esse promissiones divinas de danda ob Christi merita remissione peccatorum vitæ æternæ, &c. omnibus generaliter, qui in Christum credunt ; altera *specialis*, quâ unusquisque in particulari generalem illam promissionem sibi applicat, credendo certoque statuendo omnia peccata propter Christum esse remissa sibi, & hanc specialem

DEI misericordiæ nixam, quam nunc fiduciam, nunc fidem appellant, solam esse dicunt, quæ ad justificationem perducit. Limitat tamen Lutherus Tom. 1. propositione 3. modò nullum habeat bonum opus annexum : *Si enim, ait, fides nisi sit sine ullis etiam minimis operibus, non justificat, imò non est fides.* Quamquam ad caput 15. Genes. sibi contradicens dicat : *Scimus quod fides nunquam est sola, & adfert secum charitatem, & alia multiplicia donâ*, sed non idèò confundendæ res, & quod solius fidei est aliis tribuendum ; in quam sententiam abiit Calvinus in Antidoto Trident. ad Can. 11. Sess. 6. Melanchthon, Brentius, Kemnicus, asserentes, solam fidem seu fiduciam justificare, opera tamen vel actus aliarum virtutum requiri ut signa vivæ fidei, non ut aliqua per se conferentia ad justificationem. Addunt hujusmodi fidem justificantem solis dari prædestinatis, & semel adeptam nunquam deinceps amitti posse, sed inter gravissimos etiam lapsus aliquam ejus vivam & veram particulam perseverare.

**Dico Primò :** *Ad gratiam recipiendam in voluntate nulla requiritur dispositio physica.* Hæc est communis, & Probatur : Non requiritur dispositio physica, nisi ut expellat dispositiones conservantes formam oppositam formæ introducendæ, vel ut ex subiecto ad eam producendam, vel recipiendam physicam activitatem vel capacitatem, sed peccatum, quod est unica forma opposita gratiæ, non habet ullas dispositiones sui physicè conservativas, & voluntas, quæ est subiectum gratiæ, non debet habere ullam activitatem physicam & immediatam respectu gratiæ efficienter producendæ, vel conservandæ, & seipsa est tam ipsius recipiendæ proximè capax, quàm illius præeuntis dispositionis, quæ si statuatur supernaturalis, ut statuunt Thomistæ, nulla est ratio, quare quemadmodum anima est illius seipsa capax sine interventu alterius dispositionis, non esset quoque capax

IV.  
Dispositio physica ad recipiendam gratiam



capax ipsius gratiæ; quod à fortiori procedit, si statuatur ipsa dispositio esse naturalis, cum nulla forma naturalis sit proportionata gratiæ, quam ipsa anima & voluntas. Unde rejicitur ille tum ornatus, quem adstruunt produci per Sacramenta non producentia characterem, tum vis physicè dispositiva, quam respectu gratiæ ponunt in ipso characterem. Sed in contra

Arguitur: Lumen gloriæ requiritur tanquam dispositio physica ad visionem beatificam, ergo & ad gratiam aliqua. Respond. neg: antec: cum communi Scotistarum contra Thomistas, non enim requiritur, ut disponat vel aptet animam ad recipiendam visionem, quod solum est propriè loquendo disponere ad illam, sed tantum ut effectivè producat ipsam visionem cum intellectu, quoniam sine illo cum solo concursu extrinseco DEI illam producere posset, quidquid sine multa apparentia veritatis Adversarii reclamant. Respond. Secundo, negando consequ: quia lumen saltem complet intellectum in ratione principii productivi visionem, at nulla dispositio complet, animam vel voluntatem ad producendam gratiam, velut à solo DEO producibilem.

**V.** Dico Secundo: In adulto necessaria est de lege positiva dispositio moralis liberè ab ipso producta, & ex auxilio gratiæ profecta: nulla in parvulis aut perpetuo amentibus, aut etiam in aliis de potentia absoluta. Hæc est contra Lutheranos & Calvinistas, qui tollunt necessitatem liberæ dispositionis & contra Pelagianos, qui profectam negant ex auxilio gratiæ. Probatur prima pars, & imprimis quod requiratur, & quidem quæ sit operatio justificandi & libera ex S. Scriptura, in qua nunc admonemur, nunc præcipitur nostros actus proprios præparare & disponere, ut peccatorum veniam & DEI gratiam consequamur.

Probatur Secundo ex Patribus: Augustino serm. 15. de verbis Apostoli: Qui creavit te sine te, non sal-

vabit te sine te. Et lib. 50. hominum hom. 16. In tuo arbitrio DEUS posuit, cui paras locum DEO, an diabolo? D. Hieron. in illud ad Ephes. 1. Vult DEUS salvare omnes, & in agnitionem veritatis venire, sed quia nullus absque propria voluntate salvatur (liberi enim arbitrii sumus) vult nos bonam velle, ut cum voluerimus, velit in nobis ipse suum complere consilium. Chrysostomus 2. 9. in Job. Nullum servorum DEUS vult invitum, nullum coactum, sed eos tantum, qui eum spontè sua optant. Tum ex Trident. Sess. 6. c. 5. & Can. 4. ubi definitur, hominem ad justificationem disponi sic liberè assentiendo & cooperando vocanti & adjuvanti gratiæ DEI, ut possit dissentire, si velit.

Probatur etiam Tertiò Ratione: Tum à priori, quia valde congruum fuit, ut gratia sanctificans, quæ quis ex inimico DEI amicus & filius constituitur, non conferatur ulli rationis compoti, nisi eam volenti, peccatorum, si quæ commisit poenitenti, ac aliquomodo parato, non amplius DEUM graviter offendere. Tum à posteriori, quia alias, ut ait Scotus 4. d. 14. q. 2. n. 14. difficulter posset ostendi, quod DEUS non esset acceptator personarum, alias præ aliis absque ullo ipsorum merito & cooperatione justificans, nec verum esset, quod velit omnes salvos fieri, & ad agnitionem veritatis venire, nisi in sensu valde accommodato & restricto. Deinde, quod ea ipsa dispositio debeat esse ex auxilio gratiæ profecta, patet ex omnibus, per quæ probatur auxilium gratiæ universaliter requiri ad quodlibet opus conducent ad vitam æternam. & definitur in Trident. Sess. 6. Can. 3. Si quis dixerit sine præveniente Spiritus Sancti inspiratione atque ejus auxilio hominem credere, sperare, diligere, aut poenitere posse, sicut oportet, ut ei justificationis gratia conferatur, anathema sit. Et Sess. 14. de Sacram. poenitentiae c. 4. ubi definitur, attritionem, quæ disponit ad gratiam in Sacramento poenitentiae impetrandam esse

V.  
Dispositio  
moralis in  
adulto re-  
quiritur



*esse DEI donum & Spiritus Sancti impulsus.*

Secunda pars patet : Quia tales consequuntur gratiam in Sacramento Baptismi, & vi Baptismi, ut constat ex antiquissima praxi Ecclesiae eos baptizantis, & quoad parvulos, de quibus & de adultis eadem est ratio. Definatur Sess. 5. à Tridentino §. 3. & tamen pro illo statu nequeunt naturaliter habere ullum, actum moraliter honestum, vel liberum, & sanè si vel supernaturaliter haberent, jam constat oppositum, non essent rationis impotes.

Tertia pars patet : Quia nulla est repugnantia in hoc, quod DEUS adulto peccatori sine ullo praevio actu & dispositione gratiam infundat, ut patet ex Disputatione praecedenti.

Arguitur Primò : Si necessarium sit auxilium gratiae, ut homo se disponat ad gratiam sanctificantem, sequitur, quod si illud absit, impossibile erit homini se disponere ad justificationem, si adsit, necessariò, adeoque non liberè se disponet. Respond. sequelam pro prima parte non esse absurdam, nam licet de facto communiter adultis possibile sit proximè vel remotè se disponere ad gratiam, eò quod DEUS communiter illis suppeditet suae gratiae auxilia, quorum prioribus si cooperantur, ulteriora adjicit, tamen si quæ huiusmodi auxilia penitus denegaret, non esset absurdum, imò esset necessarium, quod non posset se disponere ad justificationem. Pro Secunda verò parte negatur sequela, quia ut definit Trident. Sess. 6. cap. 3. & can. 4. *Potest homo, si velit, gratia dissentiri.*

Arguitur Secundò contra secundam partem : Scotus 4. d. 14. q. 2. asserit, quod possit peccator ex naturalibus cum communi influenza elicere attritionem de suis peccatis, quæ sit dispositio sufficiens ad gratiam concedendam, ergò secundum Scotum, non oportet, quod dispositio necessaria ad gratiam pro-

cedat ex auxilio gratiae, quia si ulla deberet esse ex gratia, maximè poenitentia de peccatis. Respond. neg. conseq. Quia Scotus ibi tantum vult, quod possit quis sine praeexistente habitu gratiae sanctificantis, elicere actum contritionis ex sua naturali virtute cum communi influxu, hoc est, adjutus cooperatione extrinseca, seu concursu indebito DEI, qualem ordinariò & communiter praestat peccatoribus, & hunc esse sensum Scoti, ex textu ipso patere posset Adversariis, qui ipsi ob hunc locum Pelagianismi notam incurrunt, si tum attentè & sine passione legisent. Undè juxta hoc distingui posset antecedens : ex naturalibus cum communi influxu, prout hæc excludunt gratiam habituales, conct prout excludunt gratiam actualem, seu auxilia gratiae tam determinantia moraliter ad operandum, quàm suppletoria defectum gratiae, neg. hæc enim sæpius asserit Scotus ad opera meritoria requiri.

Dico Tertio : *Dispositio necessaria ad gratiam justificantem est fides actualis, non tamen sola.* Hanc docet Trident. Sess. 6. c. 6. & 9. contra Calvinistas, cæterosque modernos Sectarios. Probatuf prima pars Conclus. nempe fidem actualem esse dispositionem necessariam, quia ad hoc nihil requiritur, quàm quod sit necessaria ad justificationem, sit per se honesta, DEO placita, & aliquomodo impetratoria & meritoria justificationis, (neque enim in alio sensu Catholici eam appellant dispositionem) sed est necessaria ad justificationem adulti, de quo tantum est sermo, ut ipsi fatentur, & patet ex illo ad Hebræ. 11. *Sine fide impossibile est placere DEO, credere enim oportet accedentem ad eum, quia est, & requiruntibus se remunerator sit.* Et Joann. 1. *Quotquot receperunt eum, dedit eis potestatem filios DEI fieri, his, qui credunt in nomine ejus.* Est per se honesta, quia actus virtutis est DEO placitus, quia alias eam non præcepisset, non daret illam potius, quàm aliud quidpiam v. g. albedinem habenti.

VL  
Fides est  
dispositio  
necessaria  
ad gratiam  
sanctificantem.



bentibus, potestatem filios DEI fieri: falsum esset illud ad Rom. 3. *Credenti in eum, qui justificat impium, reputatur fides ejus ad justitiam*, si non extenderetur in eum fides, etiam centurionis aut Chananææ; nam Judæis interrogantibus Joann. 6. *Quid faciemus ut operemur DEI opera?* Respondit eis: *Hoc est opus DEI, ut credamus, quem misit.* Est etiam impetratoria & aliquomodo meritoria gratiæ, quia aliàs non dixisset Christus Luc. 7. *Mulier, cujus jam peccata remisit: Fides tua te salvam fecit.* Nec verum esset assertum Apostoli ad Rom. 3. *Arbitrari hominem per fidem justificari.* ad Ephes. 2. *Salvi facti estis per fidem.* Fallæ etiam essent sententiæ Augustini de prædestinatione Sanct. c. 7. *Fides primò datur, qua cætera impetrantur.* & lib. de Spiritu & litt. c. 30. *Per legem cognitio peccati, per fidem impetratio gratiæ, per gratiam sanitas animæ.*

VII.  
Fides sola  
non est dispositio ad  
gratiam.

Probatur secunda pars: Quia licet Sacra Scriptura tribuat fidei, quod justificet, scilicet dispositivè, sed nunquam quod sola, ergò Adversarii, præsertim cum contendunt nihil esse in rebus fidei astruendum, quod non contineatur in S. Scriptura, temerè asserunt, quod sola justificet. Lutherus ut consequenter erraret in 3. cap. Epist. ad Rom. inseruit ly sola, ut suppositam interrogantibus, cur id fecerit, daret rationem: *Sic volo, sic jubeo, sit pro ratione voluntas.*

Secundò: Quia à S. Scripturâ positivè asseritur, quod non sola justificet, seu ad justificationem sufficiat, Jacob. 1. *Quid proderit, fratres mei, si fidem dicat quis se habere, opera autem non habeat? nunquid poterit fides salvare ipsum?* Et infra: *Fides si non habeat opera, mortua est in semet ipsa.* Et paulò post: *Videtis, quomodo ex operibus justificatur homo, & non ex fide tantum;* ad Corinth. 13. *Si habuero omnem fidem, ita ut montes transferam, charitatem autem non habuero, nihil sum.*

Tertiò: Si sola sufficeret ad obtinendam, ergò sola quoque sufficeret

ad conservandam justitiam, quod ipsi ultrò fatentur, sed non sufficit ad conservandam, aliàs observantia mandatorum non esset necessaria ad salutem, contra Scripturam, Matth. 17. *Si vis ad vitam ingredi, serva mandata,* & per consequens soli Infideles damnarentur contra eandem Scripturam, in qua Matth. 15. inter damnandos censentur, qui opera misericordiæ non fecerunt: item Virgines fatuæ ob olei, id est, misericordiæ vel charitatis, non fidei, defectum, & servus piger ob non bene collocata talenta credita: Dives Epulo, Luc. 16. ob luxum & immisericordiam, Matth. 24. Judas ob traditum Christum. Deindè inutilis esset Sacramentorum receptio, aut certe non necessaria.

Dico Quarto: *Fides illa specialis hæreticorum, quæ credunt vel confidunt, sua peccata esse sibi remissa, nihil confert ad justificationem, imò nec fides est, sed sordida præsumptio.* Probatur Primò pars prima, quia sola illa fides confert ad justificationem, quam exegit Christus à justificandis, quam Sacra Scriptura commendat, quam Apostoli & SS. Patres prædicarunt, sed hæc non est ista specialis hæreticorum, ergò. Maj: ex se patet, min: probatur, quia nusquam in S. Scriptura aut alibi, quàm apud Sæctarios habetur ea specialis fides à Christo ipso, Apostolis aut Patribus fuisse commendata, multò minus necessaria asserta ad justificationem. Laudat quidem Christus apud Matthæum fidem Petri, sed qua dixit: *Tu es Christus Filius DEI vivi,* Centurionis, Luc. 16. Sed quâ is credidit, quod voce testatus est: *Tantum dic verbo, & sanabitur puer meus.* item fidem Nathaneelis, sed quâ confessus est, ipsum esse Filium DEI. exigit Marci ultimo à salvandis fidem, sed quâ credant Evangelio: A Martha pro Lazari resurrectione interpellante, Joann. 20. sed quâ credat ipsum Salvatorem, qui habeat mortis & vitæ imperium: *Ego sum resurrectio & vita &c. Credis hoc &c.* Philippus Actor. 8. ab Eunucho baptizatus

VIII.  
Fides hæreticorum  
specialis  
nihil confert  
ad justificationem



ptimum petente exigit, non ut credat sibi esse remissa peccata, sed Christum esse Filium DEI. S. Scriptura passim attribuit actibus fidei justificationem, sed illis tantum, qui explicantur Joann. 1. *Dedit DEUS potestatem filios DEI fieri iis, qui credunt in nomine eius. & 14. Hæc scripta sunt, ut credatis, quia JESUS est Christus Filius DEI, ut credentes vitam habeatis in nomine eius.* ad Rom. 3. *Justitia DEI per fidem JESU Christi in omnes & super omnes, qui credunt in Christum.* ad Rom. 10. *Hoc est verbum fidei, quod prædicamus, quia si confitearis in ore tuo Dominum JESUM, & in corde tuo credideris, quia DEUS eum suscitavit à mortuis, salvus eris.* Nullibi autem attribuitur fidei, aut suasioni, qua quis credit, se justificatum, vis justificandi, quin imò Lucæ 18. Publicanus de sua iniquitate metuens dicitur justificatus præ Phariseo suam justitiam credente.

. Probatur Secundò : Fides divina conducens ad justificationem haberi potest sine speciali revelatione, sed nullus sine speciali revelatione potest habere hujusmodi fidem, seu credere, se esse aut fore justum, consecutum aut etiam consecuturum peccatorum remissionem, quia nec hoc habetur ex communiter revelatis extra vel intra S. Scripturam, nec ex illis inferri potest, nisi detur aliquid aliud, quod independentè à tali inferat, seu causet justificationem : quod si admittatur tale aliquid dari, illa fides nunquam deserviret ad justificationem, quia semper hanc præsupponet.

Probatur Tertiò : Quia vel DEUS revelavit requiri ad justificationem, quòd quis divinam nixus misericordiam, credat se esse justificatum vel non. Si secundum, ergò gratis dicitur requiri ejusmodi fides. Si primum, ergò nullus destitutus eâ fide est justus, adeoque nec ullus, qui pro suis peccatis remittendis DEUM orat.

Probatur Quartò : Nulla persuasio est fides divina, nisi quæ ob te-

stimonium DEI elicitur, sed repugnat, quòd illa persuasio, quam Hæretici contendunt esse fidem justificantem, quæ scilicet credit quis, remitti sua peccata independentè ab illo ipso actu non remissa, eliciatur ob testimonium DEI, etiamsi gratis admitteretur DEUM promississe remissionem peccatorum & gratiam cuilibet id petenti, probatur minùs quia necesse est, ut illa persuasio prius naturâ existat, quàm intelligatur revelasse ejus objectum, cum non testetur peccata remitti, nisi ex suppositione talis actus elicti, repugnat autem produci ullum assensum ob testimonium necessariò posterius notum, quàm sit ipse assensus productus.

Probatur secunda pars simul cum prima : Nulla fides vel fiducia requiritur vel conducit ad obtinendam justificationem, quàm S. Scriptura dissuadet, sed illam, quæ quis sibi certò persuadet, se esse aut fore justificatum, dissuadet Eccles. 5. *De propitiato peccato noli esse sine metu.* Eccles. 9. *Nescit homo utrum odio an amore dignus sit, & omnia in futurum servantur incerta.* 1. Corinth. 4. *Nihil mihi conscius sum, sed non in hoc justificatus sum, qui autem judicat me, Dominus est.* Item ubicunque laudat & refert orationes justorum pro suis peccatis deprecantium veniam, nam hæc planè illicitæ essent, quia incredulitatis indices, si ad justificationem requireretur ex divina institutione fides obtentæ aut etiam absolute obtinendæ justificationis.

Probatur tertia pars : Quia omnis persuasio, quæ quis credit, vel confidit se consecutum, aut etiam consecuturum aliquod à DEO beneficium, præsertim ad salutem, non suppositis conditionibus per apertam DEI legem ex suâ parte requisitis, est ingens præsumptio, & quæ nequeat cadere, nisi in stupide ignorantum, sed ista persuasio est talis, cum apertè S. Scriptura, ut ex suprâ dictis patet, exigit ex parte justificandi aliam, quàm talem persuasionem, sive fides sive fiducia vocetur.

Dico



IX.  
Spei est  
quoque cum  
fide dispo-  
sicio ad ju-  
stificationem.

Dico Quinto: *Præter actum fidei circa ea, quæ credenda sunt necessitate mediæ, requiritur tanquam dispositio regulariter spes veniæ, & vitæ animæ.*

Prima pars probatur: Quia si ulla fides necessaria sit actualis ad obtinendam justificationem, maximè fides illorum, quæ necessaria sunt necessitate mediæ, aliàs illorum fides contra suppositum non esset medium necessarium, quare una est ad justificationem fides actualis DEI ubius Remuneratoris, hoc est, Entis increati, omnipotentis, summè perfecti, à quo omnia pendent, & perfecta sunt. Item juxta communioem præsertim SS. Patrum fides explicita Christi Redemptoris & Sanctissimæ Trinitatis. Item communiter juxta omnes regulariter nisi in casibus raris seu extraordinariis fides, quæ DEUS credatur, præstare poenitentibus peccatorum veniam, & si perseverent vitam æternam.

Dubitari autem posset, an non sufficeret, horum objectorum fidem actualem explicitam, necdum per hæresim vel infidelitatem revocata præcessisse? an verò opus sit, dum ultima dispositio ad gratiam videlicet contritio elicitur, ut actualiter illa credantur? & si sic, an satis sit, quòd confuso, indistincto, seu quodam implicito & virtuali assensu credantur. Ad quod Respond. Primò: Indubiè requiri actualem & præsentem fidem eorum, quorum cognitionem ex naturâ rei præexigunt, ceteri actus necessarii ad impetrandam justificationis gratiam; unde cum nequeat quis amare DEUM, aut ejus intuitu odisse peccata, vel eorum veniam sperare, nisi actu saltem confuso cognoscat, quòd DEUS sit dignus amore, peccata detestetur, eaque poenitentibus remittere soleat, necessaria est præsens fides actualis saltem confusa hujusmodi veritatum: nam quòd olim præcesserat earum fides, nisi etiam jam existat, nihil confert ad hoc, ut in præsentiarum prædicti actus producantur; non videntur tamen requiri assensus formales & expliciti

singulorum, aut ullius ex illis, sed sufficere videntur virtuales, hoc est, complexæ earundem veritatum apprehensiones, proximè determinativæ ad assensus formales circa eodem, ut dicitur in Tract. de fide: Tum ob rationes illic propositas: Tum, Quia aliàs vix unquam posset peccator in instanti, vel etiam momento justificationis gratiam obtinere, cujus oppositum communiter tenetur.

Probatur secunda pars: Tum ex eo, quòd S. Scriptura tribuat etiam spei tanquam dispositioni nostram justificationem, Psal. 90. *Quoniam in me speravit, liberabo eum.* ad Rom. 8. *Spe salvi facti sunt.* i. Joanni 3. *Qui habet hanc spem (scilicet visurum se DEUM) sanctificat se.* Tum ex eo, quòd homo in se reflexus nequeat nisi spe magni præmii allectus, omnium eorum, quæ à DEI servitio avertunt, amorem exuere, dolere de offensa, quam non sperat suo dolore condonandam. Unde Ambrosius lib. 1. de Poenit. c. 1. *Nemo potest bene agere poenitentiam, nisi qui speraverit indulgentiam.* Et Chrysost. de lege, fide, & Spiritu Sancto: *Necessarium est, ut præcedat vitam nostram spes in Christum, quæ postea pascenda est bonis operibus.* Dixi ordinariè, quia adultus extraordinariis gratiæ auxiliis, quæ stante etiam lege posita non repugnant, suppeditari; videtur posse ignarus & expertus gratiæ & gloriæ obtinendæ DEUM super omnia amare, & per consequens justificationem obtinere.

Dico Ultimo: *Ut justificatio fiat extra Sacramentum & Martyrium, necessaria est dilectio DEI super omnia.* Patet hoc Luc. 7. *Remittuntur ei peccata multa, quoniam dilexit multum.* Ad Galat. 5. *Neque circumcisio aliquid valet, neque præputium, sed fides, quæ per charitatem operatur.* Item: *Qui amat Patrem aut matrem plus quam me, non est me dignus.* i. Corinth. 13. cetera dicuntur sine charitate nihil prodesse, prodesse autem plurimum, si gratiam ipsamque charitatem habitualement.

X.  
Dilectio  
DEI est o-  
ptima dis-  
positio ad  
gratiam.

(\*) Ggg 2

impe-



impetrarent. Item ex Trident. Sess. 14. c. 4. ubi dicit, contritionem charitate perfectam & includentem votum suscipiendi Sacramentum baptismatis, aut poenitentiae perfecte reconciliare cum DEO, non verò attritionem, nisi cum reali susceptione Sacramenti, ex quo patet, cur in conclusione dixerim, extra Sacramentum: excepti etiam casum martyrii, non quod per hoc putem peccatorem morali peccato praesertim personali mortuum sine actu perfecta dilectionis justificationem obtinere. Nec enim hujus rei video efficax fundamentum, quamvis à multis asseratur. Sed quia id examinare per se spectat ad materiam de baptismo, nihil amplius de eo hic dico.

Porrò inter dispositiones ad justificationem praeter haec enuumeratas Tridentinum supra recenset timorem divinae justitiae, non quod formalis timor unquam per se necessarius sit, sed quod ordinariè ab eo inchoetur. Tridentinum recenset dolorem seu actum poenitentiae de peccatis personalibus, & propositum servandi mandata, ac suscipiendi Sacramentum per se renissivum peccati, nempe respectivè baptismum vel poenitentiam, sed quia in materia de poenitentia fuse disputavi, eos hic praetereo, solum adverteo ipsum etiam dolorem perfectum, qui contritio dicitur, esse formalem DEI dilectionem.

## QUAESTIO SECUNDA.

*An ultima dispositio ad gratiam producat ab eadem gratia, ad quam disponit?*

**N**omine ultimae Dispositionis hic intelligitur, quae in quocunque sit de facto, & infallibiliter infert seu importat gratiam justificationis, qualis est actus perfecta contritionis, DEIque super omnia dilectionis.

Dico: *Nec dilectio, nec contritio, quae ultimò disponunt ad gratiam*

*justificantem: ab ipsamet physice procedunt.* Est Doctoris 4. d. 14. q. 2. D. Bonaventurae, Durandi, & aliorum, quos citat & sequitur Suarez lib. 8. de gratia cap. 12. contra Thomistas communiter, non tamen, ut existimo, contra D. Thomam, nam conclusionem expressè tenet 1. parte q. 62. a. 2. ad. 3. & licet quaest. 113. a. 8. videatur dicere oppositum, reipsa non vult, nec probat aliud, quam auxilia gratiae esse priora actibus ad justificationem disponentibus eosque efficere. Probatur conclusio: Quia licet res aliqua causare posset physice causam sui finalem, vel meritoriam, eò, quod haec ut causent, non debeant realiter exercere, ut deambulatio sanitatem, & merces anticipata operam, cujus intuitu datur, tamen implicat, ut res ulla causet physice aliam, cujus physica existentia est causa vel conditio praerequisita ad proprium ipsius esse, alias enim ab illius reali existentia dependeret & non dependeret; dependeret, quia eam praerquireret ut causam, vel conditionem ad suum esse; non dependeret, quia haberet totum suum esse independentem ab omni sua propria causalitate, & per consequens ab omni effectu, & termino talis causalitatis, atqui physica existentia ultimae dispositionis ad gratiam est causa vel conditio praerequisita ad gratiae infusionem, ut patet ex his verbis Tridentini Sess. 6. c. 6. *Hanc dispositionem justificatio ipsa consequitur.* Tum, Quia verum est dicere idem Petro, v. g. dari jam gratiam, quia habet realiter & à parte rei contritionem: non econtra, idem habere contritionem, quia accipit gratiam, ut patet ex illo Luc. 7. *Dimittuntur ei peccata multa, quoniam dilexit multum.*

Probatur Secundò: DEUS promittit homini gratiam sanctificantem, si eliciat actum contritionis, ut patet ex illo Zachariae 1. *Convertimini ad me, & ego convertar ad vos.* Et Joann. 14. *Qui diligit me, diligetur à Patre meo.* Sed si homo non posset independentem ab habita illa sua gra-

procedit  
gratia, ad  
quam dis-  
ponit

1.  
Dilectio  
physica ad



tia DEUM diligere, aut de peccatis conteri, illa promissio esset absurda, quia dependens à conditione, quæ poni nequit, nisi ipsa promissione jam adimpletâ. Unde similis esset huic, sine dubio absurde & ridicule factæ secum, si videris, dabo tibi potentiam visivam, quâ videas, vel huic, fac te claudum, si ambulaveris, dabo tibi vim motivam, quâ ambules, ergo potest utrumque independentem ponere, & de facto per consequens sic ponit, adeoque neuter ille actus per illam gratiam causatur.

Probatur Tertiò: Si gratia sanctificans physicè influeret in actus, qui ad ipsam disponunt, esset illis prior naturâ, quemadmodum est omnis causa suo effectui, sed non est prior. Probatur min: Quia aliàs verum esset, aditum prius esse justificatum, quàm dispositum ad justificationem, nam gratia debet in ipso esse, & per consequens ipsum justificare pro illo priori, pro quo ipsa antecedit dispositionem ab ipsa com-  
produendam. Hæc conclusio confirmari potest per ea omnia, quibus in physica probatur mutuum causalitatem realem repugnare.

11. Gratia justificans secundum gradum genericum non potest præcedere ipsam.

Dices cum Thomistis: Quod gratia secundum gradum genericum prior sit & causet dispositionem, secundum gradum specificum sit posterior & subiectum justificet. Sed Contra Primò: Vel gratia secundum illum gradum genericum, secundum quem præcedit & causat dispositionem, est gratia, vel non? si est? ergo pro illo priori justificat. Si non? ergo gratia formaliter non præcedit, aut causat, sed gradus quidam communis in gratia contentus. Ex quo ulterius sequitur, quod cætera præter gratiam, in quibus similis gradus reperiri debet, præcedere possent dispositiones prædictas, quod est contra Adversarios & falsum, cum actus dilectionis nequeat produci à fide vel spe, licet charitas cum his conveniat in gradu generico. Contra Secundò: Quia absurdum est dicere, quod graduum rea-

liter & secundum ipsos Adversarios indistinctorum formaliter unus altero prius existat, aut realiter causare posset, vel quoque præstare, quod alter nequeat.

Dices Secundò cum iisdem: Dispositionem esse priorem gratiâ in genere causæ materialis, quia dicitur prius esse in subiecto, quàm gratia recipiatur, gratiam verò in genere causæ efficientis esse priorem, non quidem in subiecto, quia hoc implicaret, sed secundum suam essentiam & potentias, hoc est virtutes infusas, per quas ipsam dispositionem efficienter producit. Contra: Quia non potest gratia vel ulla ejus potentia nisi mediata, vel immediate unita voluntati cum ea coëfficere aliter, quàm per modum objecti actum dilectionis, aut alium vitalem, aliàs frustra & superflue unquam uniretur, præsertim cum secundum etiam Adversarios non dependeat ab ullo influxu subiecti. Præterea virtutes infusæ vel involvunt ipsam gratiam, vel præsupponunt.

Arguitur Primò: Nisi gratia justificans præcedat naturâ dispositionem ultimam, sequeretur, quod prius homo diligat DEUM amore, charitatis & amicitiae, quàm ab ipso diligatur, adeoque falsum esse illud Joann. 4. *Non quasi nos dilexerimus, sed quoniam ipse prior dilexit nos*, ergo. Probatur sequela: quia ante gratiæ sanctificantis infusionem DEUS non diligit hominem, aliàs ante ipsam infusam ipsum justificaret. Respond. distin: sequel: quàm à DEO diligatur dilectione amicitiae, scilicet, quali prosequitur justos, conciliet hoc est absurdum, sed necessarium, quàm diligatur dilectione prædestinante ipsum ad gloriam, aut conferente hic & nunc efficacia media poenitendi, de qua alterutra dilectione intelligendus est præcitatus locus, neg: sequelam. Addo: Si argumentum valeret, probaret contra Adversarios gratiam prius recipi in anima, quàm dispositionem produci, nam non diligit, nec justificat

III. Dilectione amicitiae quomodo diligamus DEUM.

(\*) Ggg 3 DEUS



DEUS, nisi propter gratiam jam habitam.

Arguitur Secundo : Voluntas nisi elevetur per habitum gratiæ & virtutem infusam, non est proportionata ad producendum actum supernaturalem, qualis est dispositio ad ipsam, ergo proportionatur per ipsam gratiam, ejusque potentias, hoc est, virtutes infusas, & per consequens gratia vel his mediantibus, vel immediate seipsa comproducit illam dispositionem. Respond. neg. antec: sufficienter enim proportionatur supplente DEO per suum concursum indebitum & supernaturalem efficientiam gratiæ & virtutem, quam nullo modo Adversarii negant per eum suppleri posse.

### QUÆSTIO TERTIA.

*An & per quæ gratia justificationis adeptæ possit amitti, conservari & augeri?*

**C**Alvinus negat gratiam justificationis adeptam unquam posse amplius amitti. Petrus Martyr & Kemnitius contendunt, gratiam habitualement ad tempus posse amitti & non pro semper. Verum cum Catholica fide

1.  
Gratia justificationis per solum de omni peccato mortali amittitur.

Dico Primo : *Accepta justificationis gratia potest amitti, & de facto amittitur per solum & quodvis peccatum mortale.* Hæc est definita in Concilio Tridentino Sess. 6. can. 22. *Si quis hominem semel justificatum dixerit, amplius peccare non posse, neque gratiam amittere, anathema sit.* Et patet Primo : Quia Angeli & primi Parentes à gratia sanctificante, in quâ conditi sunt, exciderant, & Angeli quidem irrecoverabiliter. Reprobatus censetur Saul 1. Reg. 15. & 16. ab initio sic justus, ut de eo dicitur cap. 9. quod non erat vir de filiis Israël melior illo. Lapsus David, postquam de eo dixit DEUS : *Inveni virum secundum cor meum.* Certus est lapsus, sed dubia secundum Augustinum salus Salomonis, de quo 2.

Reg. 12. *Dominus dilexit eum, misitque in manu Nathan Prophetæ, & vocavit nomen ejus amabilis, eo, quod Dominus diligeret eum.* Petrus ad Sacram Coenam mundus, negando Christum mortaliter offendit, teste Augustino in cap 66. in Joann. damnatus Judas, licet in probabiliore sententia prius justus, ut colligitur illo Joann. 17. *Pater, quos dedidisti mihi, custodi vi eos, & nemo ex eis perit, nisi filius perditionis.* Patet Secundo Ezechielis 18. *Cum averterit se justus à justitia sua, & fecerit iniquitatem, morietur in ea.* Matth. 21. *Quoniam abundavit iniquitas, refrigeret charitas multorum, qui autem perseveraverit usque in finem, hic salvus erit.* Tùm multi baptizatorum in infantia dein moriuntur magni peccatores : Tùm si semel justus nequeat deinceps à gratia excidere, hoc oritur ex eo, quod DEUS non sinat, ut deinceps peccet mortaliter, sed hoc falsum est, etiam secundum Adversarios, qui asserunt, omnia opera justorum esse peccata mortalia. Tùm, ideo non potest amitti justitia, quia non potest amitti fides, quæ juxta Adversarios vel justitia nostra est, vel est, quâ unicè applicatur nobis justitia Christi, quâ formaliter justificamur, sed potest fides amitti, ut patet ex dictis, & ex eo, quod Christus ait Luc. 8. *Quosdam esse, qui ad tempus credunt, & in tempore temptationis recedunt.* Et præterea falsum est, fidem esse, quâ formaliter justificamur.

Opponitur ad Rom. 8. *Certum sum, quod neque mors, neque vita poterit nos separare à Charitate DEI,* ergo gratia & charitas nequit amitti. Respond. Per charitatem DEI ibi intelligi eam, non quâ nos DEUM, sed quâ DEUS nos diligit, quam certum est nunquam à nobis, quamdiu in ejus gratia perseveraverimus separandam. Quod si intelligatur de charitate, quâ nos DEUM diligimus. Respond. Secundo cum Augustino sensum esse, quod Apostolus sit certus, prædestinatos omnes, in quorum persona loquitur, finaliter dis-



*Quest. III. An & per quæ gratia justificationis adeptæ possit &c.* 425

cessuros in charitate, vel, ut alii volunt, quod certus sit, hoc est, persuasum habeat, seu confidat (sic enim verbum in græco correspondendo significat) se nunquam casurum à DEI gratia.

Probatur secunda pars ex Jacobi 1. ubi dicitur: *Stipendium peccati mors.* & 2. *Quicumque autem totam legem servaverit, offendat autem in uno, factus est omnium reus.* Quantum scilicet ad effectum perdendæ divinæ gratiæ, & incurrens reatum damnationis æternæ.

Probatur tertia pars: Quia per veniale peccatum intelligitur transgressio, quæ non penitus tollitur DEI gratia vel amicitia, & per mortale ea transgressio, ob quam aufertur gratia, si præfuerat, & incurritur DEI inimicitia ac reatus poenæ æternæ.

Gratia conservatur observatione mandatorum Dei.

Dico Secundò: *Gratia conservatur observatione mandatorum, non sola fide, ut volunt Hæretici.* Hæc est definita in Trident. Can. 19. & 20. & 27. Probatur: Quia observatione mandatorum omnium non solum præcepti fidei evitatur omne peccatum mortale, quo solo & omni juxta jam dicta habitualis justitia & DEI amicitia destruitur, ergò. antec: patet: Quia nulla est ratio, cur transgressio præcepti fidei potius, quam cujusvis alterius præcepti esset peccatum mortale deletivum justitiæ, & per consequens, cur non æquè ad conservationem gratiæ necessaria esset cujusvis ipsorum observatio, Unde Christus Matth. 19. *Si vis ad vitam ingredi, serva mandata.* Et Joann. 15. *Si præcepta mea servaveritis, manebitis in dilectione mea.* Item: *Vos amici estis, si feceritis, quæ præcipio vobis.*

Fundamentum Hæreticorum, nempe observationem mandatorum esse impossibilem, damnatum est supra à Trident. Can. 8. & antè in Arausicano 2 Can. ult. & patet falsum: Tum ex S. Scriptura Matth. 11. *Jugum meum suave est.* Joann. 5. *Mandata ejus gravia non sunt.* Tum ex

Patribus Basilio oratione in illud: *Attende tibi, impium est dicere, impossibilia esse Spiritus præcepta.* Hieron. ad cap. 5. Matth. *Sciendum est, Christum non impossibilia præcipere.* Augustin. de natura & gratia cap. 43. *Non igitur DEUS impossibilia jubet, sed jubendo admonet, & facere quod possis, & petere quod non possis.* Idem patet Ratione: Quia crudeliter imposeret DEUS homini, præsertim cujus observatio illi esset impossibilis, & revera ejusmodi præceptum nec lex esset, nec præceptum, & quæ ratione vel æquitate imponi posset homini, posset & bruto.

Arguitur Primò: Præcipit Deus homini, ut vitet omne veniale, quod præceptum est impossibile observatu sine extraordinario favore DEI, qualem soli D. Virgini concessum agnoscit Trident. Can. 23. ergò posset illi præcipere observantiam mandatorum licet impletu impossibilem. Respondi. breviter omissis aliorum responsionibus distin: consequ: sub poena amittendæ divinæ gratiæ, & incurrendi reatus mortis æternæ, nego. Sub poenâ incomparabiliter mitiori, quomodo præcipit vitare omnia venialia, seu ut nullum veniale committatur, conc: consequ: modo simul daret homini auxilium gratiæ, cum quo posset quodlibet præceptum hic & nunc observare, quemadmodum dat ad vitandum hic & nunc quodvis mortale.

Arguitur Secundò: *In multis offendimus omnes, Jacobi 2. Et si dixerimus, quia peccatum non habemus, nos ipsos seducimus.* 1. Joann. 1. ergò non possumus de facto servare mandata, nam qui vel in uno offendit, fit omnium reus, juxta Jacobum. Respondi. observantia excludente omne peccatum veniale, concedo omne mortale, quod etiam inducit aliquomodo reatum transgressionis exteriorum præceptorum, neg: consequ:

Dico Tertiò: *Gratia augetur vi meritoria non physica bonorum operum, & potest esse major vel minor, tum in diversis, tum in eodem pro di-*

Gratia justificativa augetur per opera meritoria, tum in diversis, tum in eodem pro diversis.

versis temporibus. Prima pars definita est in Trident. Sess. 6. cap. 10. & Can. 23. Si quis dixerit justitiam acceptam non conservari, atque etiam augeri coram DEO per bona opera, sed opera ipsa fructus solummodo & signa esse justificationis adeptæ, non autem ipsius augendæ causam, anathema sit. Secundam partem tenet communis cum Scoto in 1. d. 17. qu. 6. §. contra istam, ubi dicit: charitatem etiam quoad augmentum creari. & in 2. d. 27. §. et si obijciatur. & in 3. d. 37. ad 4. ubi ait: ex actibus nullum acquiri habitum ejusdem speciei cum charitate. & in 4. d. 1. q. 2. Probatur, quia gratia propriè creatur, ergo non attingitur physicè à causa secunda. Confirmatur: Si augeretur vi physica ullius boni operis, aut causæ secundæ, maximè vi perfectæ dilectionis DEI, sed non vi hujus, aliàs hæc dum præcedit gratiam primam, eam physicè coëfficeret, cum constet gradibus ejusdem rationis, cum quibus postea augetur. Tertia pars sequitur ex prima, & ex parabola Christi de semine, quod in aliis trigessimum, in aliis sexagesimum, in aliis centesimum fructum fecit, & aliàs passim ex S. Scriptura, in quâ sæpè dicitur alius alio perfectior, sanctior, justior, ut Job. 10. 1. Reg. 9. Eccles. 44. 1. Corinth. 15. *Alia claritas solis, alia claritas lune, alia claritas stellarum, & stella differt à stella claritate.* ad Ephes. 4. *Unicuique nostrum data est gratia secundum mensuram donationis Christi.* quem locum & Ambros. & Hieronym. intelligunt de gratia sanctificante. Quarta pars ex hujus ac primæ partis probatione liquet, & insuper ex illo Eccles. 18. *Ne verearis usque ad mortem justificari.* Apocal. ult. *Qui justus est, justificetur adhuc.* Augustin. serm. 16. de verbis Apostoli: *Justificati sumus, sed ipsa justitia dum proficit, crescit.* Quod si quæretur, an quovis opere bono gratia augeatur? Respond. quod quovis propter Christum facto, quia bonis operibus justorum absque restrictione alia, quam quod sunt propter Christum in S. Scriptu-

ra promittitur vita æterna, quæ ad gratiæ mensuram confertur. & Tridentin. Can. 32. indefinite asserit ejusmodi operibus hominem mereri augmentum gratiæ & gloriæ, sed de his postea Disputat. sequenti de merito.

## QUESTIO QUARTA.

In quantum gratia justificans possit augeri?

Suppono cum Doctore subtili in 3. d. 13. q. 4. num. 2. quem sequuntur Durandus, Cajetanus, Henricus Paludanus, &c. dari statum in intensione qualitatum, & consequenter gratiæ sanctificantis, idque ut sustineat Christum summam gratiam habuisse possibilem, cujus gratia cum non fuerit infinita, consequenter dicendum, nec gratiam, nec ullam aliquam qualitatem posse in infinitum intendi, Quia si gratia secundum naturam suam est determinata ad certam intensiorem v. g. octo, decem, aut 100. graduum, non posset ulterius per ullum incrementum intendi magis, quam qualitatum specie diversarum, una per alteram, licet fortè nulla esset repugnantia in eo, quod uniretur ipsi nova pars, unione, quæ non esset propriè intensiva nec extensiva, sicut nec repugnat talis unio albedinis ad dulcedinem, quarum tamen neutra per alteram potest intendi, sed censenda est gratia, & idem de alia qualibet qualitate sic determinata. Tum, Quia nulla in hoc est repugnantia. Tum, Quia magis quadrat naturæ finiti: Tum, Quia aliàs sequeretur omnem omnino gratiam (& idem de omnibus singularum qualitatum individuis) poscere, sicut si ad invicem unionem intensivam, per quam natæ sint se invicem perficere, ita & idem numero subjectum, in quo recipiantur, quod est absurdum, nam hic quasi violenter distribuuntur in diversa subjecta, per quæ impeditur coitio ipsarum in unam qualitatem.

Dico



Gratia potest à justis intendi, quoad vivens

**Dico Primò :** De facto qui vivit justus potest, quamdiu vivit sicut in bonis operibus, ita & in gratia proficere, nunquam tamen ad infinitum pertingit. Prima pars est definita in Clementina. Ad nostrum. de Hæreticis contra Begardos, qui asseriebant hominem pervenire posse ad tantam gratiam, in qua nequeat deinceps crescere aut peccare. Et in Trident. cap. 10. & Can. 23. Patet ex illo Psal. 83. *Ibunt de virtute in virtutem.* Proverb. 4. *Justorum semita, quasi lux plens procedit & crescit usque ad perfectum diem.* Ad Philipp. 3. S. Paulus, qui, si nullus, post Christum & D. Virginem perfectionis apicem attigit, de se dicit: *Non quòd jam acceperim, aut perfectus sim.* Item ex SS. Patribus Hieronym. in Jovianum. Gregor. hom. 13. in Ezech. Ambrosio epist. 44. & aliis passim.

**Ratio etiam est :** Quia semper dum vivit homo, habet omnes condiciones requisitas ad merendum, ergò semper de novo potest mereri, & sanè absurdum esset, posse quem, dum vivit, peccare & demereri, & non posse semper mereri, quasi potentior & promior esset DEUS ad puniendum mala, quàm præmiandum bona.

**Nec refert :** Si fortè singulis ante prævisa ipsorum merita statuta sit certa mensura gloria, & per consequens gratiæ, quæ gloriæ commensuratur: hoc, inquam, non refert: quia providentia divina sic suaviter res & tempora disponit, ut cum electus ad eam mensuram gratiæ, ex qua non amplius lapsurus est, pervenerit, è vita discedat, priusquam habeat occasionem aut opportunitatem superaddendi bona opera.

**Secunda pars Probatur :** Quia nullus viator tamdiu vivit, ut infinita opera meritoria exercere posset, & numero finita, quæ exercet, non habent bonitatem vel valorem intensivè infinitum, quibus proinde nonnisi finitum gratiæ incrementum rependetur.

**Dico Secundò :** Justus bonis operibus non potest in tantum augere gratiam sanctificantem, quæ extinguat fomitem, aut quæ fiat, ut evitet longo tempore sine extraordinario privilegio omnia venialia. Probatur Primò ex Patribus: Nazianzeno in Julianum, cap. 16. dicente: *Quis adhuc in hac corruptibili carne existens hæc terræ bestias, id est, inordinatos carnis motus plenè edomat, cum ille ad tertium cælum raptus egregius Prædicator dicat, video aliam legem &c.* S. Bernardo serm. 6. in Adventu: *Sciebat (supple Paulus) non prius liberandum esse à pessima illa radice, quæ carni infixæ est, & à lege peccati, quæ in membris nostris est, donec ab ipso corpore solveretur.*

**Secundò Ratione :** Quia neque meritorie potest homo de lege ordinaria tollere fomitem, neque physice, aliàs Paulus, qui & plus omnibus laboravit alterutro modo sustulisset, nec est assignabilis alius modus, quo ipsum tolleret. Confirmatur, quia perfectiores Sanctos acrius quàm minus perfectos carnis stimulus exercet; Nec obstat, quòd in multis Sanctis, ut D. Benedicto, D. Thomà Aquinate aliisque legantur omninò, vel ferè extincti carnis stimuli, nam id accidit, non vi profectus in gratiâ sanctificante, quæ procul dubio major erat in Paulo, sed ex speciali & extraordinario DEI dono, quamvis dato intuitu anterioris actus heroici ad superandos hujusmodi stimulos exerciti.

**Probatur secunda pars Primò ex Eccles. 7. Non est homo justus in terra, qui faciat bonum & non peccet.** Proverb. 27. *Septies in die cadit justus.* Jacob. ult. *In multis offendimus omnes.* 1. Joann. 1. *Si dixerimus, quia peccatum non habemus, ipsi nos seducimus.* Secundò ex Patribus: Hilario in illud: *Sprevisisti omnes discedentes à justitiis tuis, si DEUS peccatores sperneret, omnes sperneret, quia sine peccato nemo est.* Basilio homil. 58. *Utilissimus est sermo de poenitentia hominibus, quia nemo sine peccato est.* Gregor. 21. Moral. *In hac*

III.  
Gratia non  
sic intendi-  
tur à justis,  
ut exin-  
guat fomi-  
tem.

IV.  
Gratia non  
intenditur  
ad cavendâ  
omnia ve-  
nialia.

(\*) Hhh

vita.



vita multi sine crimine, nullus verò esse sine peccatis valet. Augustin. de perfectione justitiæ Respons. 17. *Legitur homo sine crimine, legitur sine querela, at non legitur sine peccato, nisi filius hominis, unus denique DEI Filius.* Et de Natura & Grat. cap. 36. ubi excipit & Beatissimam Virginem. Tertio ex Tridentino supra cap. 11. *Licet in hac mortali vita quantumvis sancti & iusti in terra & saltem quotidiana, quæ etiam venialia dicuntur peccata, quandoque cadant, non propterea desinant esse iusti.* &c. Et Can. 23. *Si quis dixerit justificatum posse in tota vita peccata omnia etiam venialia nisi ex speciali privilegio, quemadmodum de B. Virgine tenet Ecclesia, vitare, anathema sit.* Ubi non negatur ejusmodi privilegium aliquando etiam Sanctis aliis conferri. Dixi in Conclus. longo tempore, quia brevi, ut v. g. horâ, vel etiam die, non nemo fortasse ab omni peccato per DEI gratiam se continet, unde Hieronym. lib. contra Pelagium: *Qui cautus & timidus est, potest ad tempus vitare peccata, quanquam fatendum sit etiam die integro sic abstinere ab omni prorsus peccato esse gratiam extraordinariam.*

Dices contra hanc partem: Tenetur quilibet tota vita devitare omnia & singula peccata venialia, ergo cuilibet datur gratia, per quam posset omnia & singula vitare, aliâs DEUS homini præciperet impossibile. Respond. distin: consequ: per quam posset absolute & physice, conc: moraliter nego.

Dices: Ergo frustra petimus auxilium, cum quo vitemus omnia peccata, aut proponimus ea vitare. Respond. neg: consequ: Quia bonum & laudabile est cõniti, quantum in nobis est, ad omnem fugam peccati, licet enim ex nostra fragilitate non simus omnia vitaturi, eò tamen plura vitabimus, quò majorem ad hoc conatum adjuti DEI gratiâ adhibuerimus.

Dico Tertiò: *Potest quis per bona opera in tantum augere gratiam justificantem, ut extinguat omnem pœ-*

nam suis peccatis præteritis debitam. *Hæc est communis, & Probatur: Quia plurimæ personæ, quæ vel innocentiam servarunt, vel amissam totâ reliquâ vitâ insigniter luxerunt, adeò erant in pœnitentiæ & virtutum operibus etiam supererogatoriis & heroicis frequentes & seduli, a vitiis item ac carnis voluptatibus alieni, ut incredibile sit, non omnem ejus culpam ac pœnam in hac vita esse remissam, & de multis eorum scribitur, quòd id certâ revelatione didicerint, de plurimis secuta mox ab ipsorum morte miracula, per eorum invocationem patrata, manifestum fecerunt. Fatendum tamen est, hujusmodi remissionem pœnæ non propriè fieri per gratiam sanctificantem, cum hæc in quantavis intensiōe compatibilis sit cum obligatione ad pœnam temporalem, sed tantum impropriè & remote, in quantum opera bona & satisfactoria, quorum intuitu peccatorum pœnas remittit DEUS, quò major est gratia elicientis, eò majorem habent moralem dignitatem, & vim satisfactoriam.*

## QUÆSTIO QUINTA.

*De certitudine nostræ justificationis, & perseverantia in ea.*

Quoniam Lutherus & Calvinus docent, & absolute contendunt, quòd homo justificetur per fidem specialem, quâ certâ fide credat, & confidat sibi remissa esse peccata, per imputatam sibi Christi justitiam, consequenter inferunt, quemlibet fidelem sine nova speciali DEI revelatione, certitudine fidei divinæ, cui falsum subesse non possit, certum esse ac esse debere se esse justificatum, seu sibi esse dimissa peccata. Idem vult Calvinus lib. 3. Institut. cap. 2. §. 16. sic concludens: *In summa verè fidelis non est, nisi qui solidâ persuasionē DEUM sibi propitium bene-volumque Patrem esse persuasus de ejus benignitate omnia sibi pollicetur, nisi qui divinæ erga se bene-volentiæ promissionibus fretus, indubita-*

*l. credere non obligamur, nos esse justos.*

*v. Gratia potest intendi ad delenda*



dubitam salutis expectationem praesumit. Verum Catholica fides docet, non debere hoc credi, sed nec posse absque speciali DEI revelatione, & ita definit Tridentinum Sess. 6. Can. 13. dicens: Si quis dixerit omni homini ad remissionem peccatorum assequendam necessarium esse, ut credat certo & absque ulla hesitatione propria infirmitatis & indispositionis peccata esse remissa, anathema sit. Et Can. 16. Si quis magnum illud usque in finem perseverantiae donum se certo habiturum absolutum & infallibili certitudine dixerit, nisi hoc ex speciali revelatione didicerit, anathema sit. Et quoad posse cap. 9. ubi sic habetur: Qui dum se ipsum suamque propriam infirmitatem & indispositionem respicit, de sua gratia formidare & timere potest, cum nullus scire valeat certitudine fidei, cui non potest subesse falsum, se gratiam DEI esse consecutum.

11.  
Certitudi-  
nem fidei  
habere ne-  
mo potest,  
se esse iusti-  
ficatum &  
in ea perse-  
veraturum.

Dico Primum: Nemo, nisi cui id specialiter revelatum est, debet aut potest habere certitudinem fidei, aut aliam intrepidam de sua iustitia, multo minus de sua perseverantia. Est Scoti in 1. d. 17. q. 1. & in 3. d. 27. ubi dicit: falsum esse, donec quis sciat, se esse in charitate, & expressè in 4. d. 3. q. 1. & d. 9. Probatur: Quia DEUS, qui nequit infidelitatem aut peccatum ullum suadere aut falsum dicere, iustos passim exhortatur in S. Scriptura ad timendum, adeoque etiam dubitandum de sua tum perseverantia, tum praesenti iustitia, ergo. antecedi quoad perseverantiam patet ex Psal. 2. *Servite Domino in timore* - - - *ne quando irascatur Dominus, & piteatis de via iusta.* Proverb. 28. *Beatus vir, qui semper est pauidus.* Rom. 10. *Tu autem fide sta, noli autem sapere, sed time.* 1. Joann. 3. *Nunc filii DEI sumus, & nondum apparuit, quid erimus.* Apocal. 3. *Tene quod habes, ut nemo accipiat coronam tuam.* Item ex omnibus locis, in quibus asseritur, ignotos esse mortalibus futuros eventus, aut aliquos à gratia & fide semel adeptis excidisse, ut Proverb. 27. *Ne glorieris in crastinum, ignorans quid superventura pariat dies.* 1. ad

Timoth. 4. *Spiritus manifestè dicit: quia in novissimis diebus discedent à fide.*

Quoad praesentem iustitiam probatur antec: Proverb. 10. *Quis potest dicere, mundum est cor meum, purus sum à peccato?* ad quem locum quidem responderi posset, quòd sit intelligendus de venialibus, nequeunt tamen sic respondere Lutherani, qui nullum peccatum admittunt, nisi mortale. Eccles. 9. *Iusti atque sapientes, & opera eorum in manu DEI, & tamen nescit homo, utrum odio an amore dignus sit, sed omnia in futurum servantur incerta, eo, quod universa aequè eveniunt iusto & impio:* quod de incertitudine gratiae justificantis explicat Hieronymus: 1. Corinth. 4. *Mihi autem pro minimo est, ut à vobis iudicer, aut ab humano iudice, sed neque meipsum iudico, nihil enim mihi conscius sum, sed non in hoc justificatus sum.* Ex quo loco incertitudinem remissionis peccatorum colligunt Ambros. & Chrysost. August. in Psalm. 41. Bernardi epist. 42. ad Henricum Senonensem Episcopum. Insulsa est expositio Lutheri & Calvini dicentium: Intentum fuisse Apostoli significare se non iustum ex ulla qualitate intrinseca, sed solum ex DEI misericordia non imputantis peccata; nam Apostolum per formam extrinsecam potius quam per intrinsecam iustum esse nil juvat ad probandum, quòd seipsum non iudicet, & multo minus ad persuadendum Corinthiis, quòd humana iudicia sint incerta, ac proinde evitanda, qui fuit ipsius principalis finis.

Aptior Responsio esset: Apostolum agere de peccatis venialibus, à quibus non audet se immunem facere, licet nullus sit sibi conscius, saltem circa fidelem dispensationem mysteriorum DEI, de qua illic sermonem instituit. Et sanè haec Responsio videtur mihi vera, & continere germanum sensum verborum Apostoli, quem verisimile est speciali revelatione cognovisse suam gratiam, cum ipse se asserat raptum ad tertium coelum, primitias Spiritus



accepisse, audivisse à Christo: *Sufficit tibi Paule gratia mea*, ausus insuper dicere, gratiam DEI in ipso gratis nequaquam fuisse, nihilominus tamen si Paulus talis ac tantus fateatur per se errare in iudicando suo statu quoad immunitatem à peccato veniali, rectè deducitur, alios ingenti intervallo imperfectiores & imperitiores posse decipi in ferenda sententia de sua immunitate à mortali. Probatur Secundo anteced: quoad perseverantiam ex August. 11. de Civit. c. 12. *Quis enim hominum se in actione profectuque injustitie perseveraturum usque in finem sciat, nisi aliqua revelatione ab illo fiat certus, qui de hac re iusto latentique iudicio non omnes instruit, sed neminem fallit.* Idem docet Prosper. lib. 2. de Vocatione c. ult. & D. Bernard. serm. 1. de Septuagesima.

**Probatur Secundo Conclusio:** Quia seclusa speciali revelatione nulli suppetit homini fundamentum, certò & intrepidè sibi persuadendi se esse in gratia, & multò minus in ea perseveraturum. ergò nec debet nec potest alterutrum certò & intrepidè credere, nisi adsit specialis revelatio. Probatur antec: quia te esse in gratia, non cadit sub cognitionem intuitivam tuam vel alterius mortalis, nec est ex terminis notum, neque ex sic notis deducitur, ut est evidens neque est à DEO in Scriptura & alibi revelatum, quempiam esse in gratia, nisi qui vel DEUM diligit super omnia amore supernaturali, vel ritè dispositus suscipit Sacramentum, sed nulli certum est certitudine fidei, scientiæ & experientiæ, se vel diligere DEUM super omnia, vel ritè dispositum suscepisse Sacramentum, nam imprimis id nulli revelatum est, si secludamus specialem revelationem, non est enim complexio necessaria, de qua sola haberi potest scientia, & quamvis concederetur experimentalis notitia certò constare nobis, quòd DEUM super omnia diligamus, quòd tamen falsum est, adhuc sub experientiam non cadit, utrum ea dilectio & cognitio, ex qua procedit,

sit supernaturalis, qualis utraque debet esse, ut per eas impetretur justificationis gratia. Demùm debet similiter constare de recta intentione ministri, quæ tamen nunquam cadit sub experientiam suscipientis Sacramentum, & ullam aliam certam notitiam; item attritionem perfectam esse ex fide supernaturali cognoscere debet.

**Dico Secundo: Seclusa speciali revelatione nemo est vel moraliter certus de sua perseverantia, & etiam de sua gratia.** Prima pars est communis Catholicorum, & patet, quia perseverantia dependet ab eventibus futuris, qui nobis planè incogniti sunt, & à nostra voluntate mutabili, & in sui perniciem pronà. Secunda est contra Vegam lib. 9. in Trideht. qui dicit, posse quem sine speciali revelatione esse moraliter certum de sua gratia, persuasione tamen trepida, ac est illa, quæ credimus esse Romam & Constantinopolim. Est tamen Vasquez l. 2. d. 20. c. 8. D. Bonavent. in l. d. 17. a. 1. Scoti 4. d. 9. q. 1. ubi solum concedunt viatori probabilem notitiam seu estimationem de sua gratia. Probatur: Quia tunc habetur certitudo moralis de re aliqua, quando ita homini nota est, ut de ea nequeat rationabiliter, speculative & saltem practice dubitare, sed nunquam extra casum specialis revelationis ita notum est homini, se esse in gratia, quin de hoc rationaliter speculative & practice (intra tamen anxietatem) timere & per consequens dubitare possit & debeat, ergò. Loca Sacræ Scripturæ & Patrum, quæ contra primam & præcedentem conclusionem adducuntur, quædam de certitudine fidei, sed conditionatâ, non absolutâ loquuntur, quædam de conjecturali persuasione, quæ ex bonis orta fundamentis parit animi tranquillitatem & fiduciam in DEO tam de præsentis iustitiâ, quàm futurâ perseverantiâ. Quòd si cui iustorum impertuat DEUS internas illustrationes, consolationes, affectiones, quòd certum & evidens est, quòd

III.  
Certitudi-  
ne morali  
quod non  
potest sciri  
quis absq.  
revelatio-  
ne, se esse in  
gratia.



quodd rarissimè contingit, non posse nisi à DEO esse, nec etiam justo conferri, talis credere poterit & debebit se esse justificatum, sed tunc illæ ipsæ notæ erunt specialis revelatio.

## QUÆSTIO SEXTA.

An sine gratia sanctificante possit homo aliquod opus moraliter bonum elicere?

I.  
Lutherus docet, omnia opera Infidelium esse peccata.

**Q**uod hic controversatur, est: An voluntas humana de facto possit aliquem actum moraliter bonum elicere sine concursu & influentia gratiæ sanctificantis, ita ut nullus actus in statu peccati mortalis sine habitu gratiæ ab homine elicetus sit, aut dici possit moraliter bonus? In hac materia hæretici Lutherani & Calvinistæ post suos Magistros dixerunt, non solum sine auxilio speciali gratiæ DEI, sed nec sine fide supernaturali & gratia justificante posse quidquam boni moralis ab homine fieri, quin potius omnium Infidelium; & in peccato mortali existentium opera esse peccata & sceleris obnoxia, ita sensit & docuit Lutherus in assertionibus art. 6. & 36. Philippus Melanchthon; Apologia Confess. Augustanæ; Calvinus in Antidoto Trident. Concil. Sess. 6. & lib. i. Institut. cap. 3. Kemnitius in examine Trid. Sess. 6. & idem specialiter de Joann. Hussio refert Concil. Constantiense Sess. 15. art. 16. ubi ait: *Omnia opera hominis peccatoris esse peccata*, usus maxime illo argumento ex Script. Matth. 7. *Non potest arbor mala bonos fructus facere*. Unde inferunt hæretici, nullum fructum boni operis posse ex radice peccato infecta prodire, & quia ipsi docent fidem solam justificare, consequenter dogmatizant, omnia opera sine fide divina esse mala, & peccata. De utroque in hac quæstione proinde agam.

Nec defuerunt inter ipsos Catholicos Doctores, qui circa præsentem difficultatem minus Catholice

scribebant, nam Michaël Bajus, Doctus olim Universitatis Lovanienfis, Vir aliàs doctissimus, & in S. Augustino versatissimus, docuit, imprimis propositione 35. *Quod quidquid agit peccator, aut servus peccati, peccatum est*. Item propos. 38. *Quod omnis amor creaturæ rationalis sit aut vitiosa cupiditas, quæ mundus diligitur, aut laudabilis charitas in corde diffusa, quæ DEUS amatur*. Et propos. 40. *Peccator in omnibus suis actibus servit dominantī cupiditati*. ac tandem propos. 26. docet: *Omnia opera Infidelium esse peccata, & virtutes peccatorum vitia*, quæ sicut & plures aliæ propositiones ejusdem authoris, fuerunt à duobus summis Pontificibus Pio V. & Gregorio XIII. condemnatæ tanquam hæreticæ & in fide multum erroneæ.

**Dico Primum:** *Homo in statu peccati mortalis constitutus potest absque habitu charitatis & gratia justificante elicere plures actus moraliter bonos*. Ita docent unanimiter Catholici omnes. Estq; de fide definitum in Trident. Conc. Sess. 6. Can. 7. his verbis: *Si quis dixerit, omnia opera, quæ ante justificationem sunt, quacunque ratione facta sint, verè esse peccata, vel odium DEI mereri, aut quanto vehementius quis nititur se dispoñere ad gratiam, tanto etiam gravius peccare, anathema sit*. Et longè antè in Concil. Constantiensi Sess. 15. a. 16. ubi Joannes Huss examinatus, degradatus, & condemnatus est. Constat etiam ex Bulla Pii V. Gregorii XII: à quibus prædictæ propositiones Michaëlis Baji tanquam hæreticæ & scandalosæ damnantur, & veritas Catholicæ nostræ conclusionis declaratur.

II.  
Opera moraliter bona possunt fieri in statu peccati mortalis.

**Probatur Primum Conclusio** ex omnibus illis Scripturæ locis, quibus peccatores invitantur ad poenitentiam, & ad benè operandum: *Convertimini ad me in toto corde vestro; jejunio; fletu; & planctu; & scindite corda vestra; & non vestimenta vestra, agite fructus dignos poenitentiae, redite prevaricatores ad cor*. Et innumera alia similia, quibus frustra



frustra in Scripturis Sacris invitarentur peccatores ad poenitentiam, si in peccato existentes nil boni possint, facere sine habitu charitatis, quem simul cum peccato nequeunt habere, ut quid enim rogarentur bene facere, qui nil boni possunt facere, frustra etiam rogarent peccatores sibi ignosci culpas dicendo quotidie: *Dimitte nobis debita nostra*, quia neque in hoc quidquam boni faciunt, tum habitum charitatis non habent, & sanè, si peccatores etiam in peccato existentes non possent sine gratia sanctificante quidquam boni facere, precluderetur ipsis omnis via revertendi ad DEUM per actus poenitentiae, nec poterunt unquam post admissum semel peccatum etiam cum auxilio speciali gratiae actualis ad ipsam charitatem pervenire, aut ullatenus justificari, cum omnia, quae facit peccator, aut servus peccati, peccatum sit, nisi fortè DEUS exercendo suam potentiam independentem ab omnibus meritis vel demeritis ipsius velit ipsi charitatem infundere, quod raro aut nunquam in adultis creditur facere.

**Probatum Secundò: DEUS** iustissimus & æquus & Arbiter & Judex, sicut nulla opera nostra, nisi mala punit, sic nulla opera nisi bona remunerat, sed ex multis Sacrae Scripturae locis DEUS remuneravit opera peccatorum & infidelium etiam & gentilium, ergò illa opera erant bona, vel ad minus non erant mala & peccaminosa. Maj: & consequenter patet: Probatum min: Exodi 3. Edificavit DEUS obstetricibus Aegyptiorum domos, ed quod pepercerint infantibus Judæorum contra iniquum mandatum Pharaonis. Et Ezechiel. 29. datur remuneratio exercitui Regis Nabuchodonosor, quantumvis peccatoris & Infidelis ob fidem servitutem suo Regi exhibitam contra Syrum: Unde Hieronym. in Comment. supra eundem locum: Ex eo, inquit, quod Nabuchodonosor mercedem accepit boni operis, intelligimus etiam Ethnicos, si quid fecerint, non absque mercede DEI

judicio prateriri. Et August. de Civit. DEI. cap. 15. asserit: DEUM dedisse Romanis quantumvis peccatoribus, & adhuc gentilibus tam amplum dominium, ut in hac vita bonas eorum virtutes remuneraret, ergò manifestum est dari quandoque in peccatoribus, & omni gratia sanctificante destitutis bona opera, quae vel in hac vita praemiatur DEUS, vel si ex fide & auxilio gratiae procedant, ad ipsam gratiam sanctificantem & vitam aeternam, de congruo ad minus disponi. Deinde Acton. 10. Orationes & Eleemosynae Cornelii adhuc peccatoris & gentilis dicuntur ascendisse in memoriam in conspectu Domini, quod de ipsis non posset dici, nisi essent bonae. Denique DEUS ipse fidelis in suis promissis promittit peccatori agenti poenitentiam veniam suorum peccatorum, Ezechielis 18. *In quacunque hora ingemuerit peccator, omnium iniquitatum ejus non recordabor amplius*: Sed hoc non fecisset DEUS, nisi actus poenitentis essent boni, & DEO accepti, vel ad minus si essent mali, quia tales non praemiatur DEUS, ergò dantur quandoque in peccatoribus sine gratia justificante aliqui actus boni, quibus veniam suorum peccatorum à DEO promerentur, alias enim neque Magdalena ex meretrice fuisset facta poenitens, neque Saulus ex persecutore vas electionis effectus.

**Opponitur Primò Authoritas S.** Scripturae, Matth. 7. *Non potest arbor mala bonos fructus facere, sed voluntas humana per peccatum à DEO averfa est arbor mala, ergò non potest sine gratia sanctificante fructum boni operis facere.* Secundò, Isaia 1. *rejecit DEUS victimas & sacrificia Judæorum, ed quod in peccatis offeriebantur*: Quo, inquit, *mibi multitudinem victimarum vestrarum?* Et infra: *Ne offeratis ultra Sacrificium frustra: incensum vestrum abominatio est mihi, calendae & solennitates vestras odit anima mea. usque ad illud: Cum extenderitis manus vestras, avertam oculos meas à vobis, & cum multiplicaveritis orationem, non exau-*

III.  
Opera munda  
ralia sine  
gratia non  
proficiunt ad  
vitam aeternam.



exaudiam, manus enim vestrae sanguine plene sunt. Ubi illas operationes detestatur DEUS ex hoc solo capite, quod à peccatoribus etiam fidelibus fiebant, ergo nulla opera peccatoris quomodocunque facta, possunt sine gratia sanctificante esse bona aut DEO accepta. Respond. Primò: Per arborem malam intelligi peccatorem, qui non potest facere bonos fructus scilicet meritorios vitæ æternæ, sicut nec homo iustus, cui assimilatur arbor bona, potest facere malos fructus, scilicet meritorios mortis aut poenæ æternæ, quia si peccaverit mortaliter, hoc ipso cessat esse iustus. Respond. Secundò, dist: maj: non potest arbor mala, quæ mala est, formaliter facere fructum bonum, conc: maj: non potest arbor, quæ hic & nunc per accidens est mala, facere ex se fructum bonum, neg: maj: nunc autem voluntas humana est ex natura sua arbor bona, libera tamen & indifferens ad faciendum fructum bonum vel malum, ut licet hic & nunc ratione peccati dicatur arbor mala, est tamen natura sua & ex propria libertate arbor bona, potestque ex propensione sua ad bonum bonos fructus facere, licet non conducentes ad vitam æternam, nisi atcedat gratia DEI. Ad locum Isaia Respondi ibi non reprehendi Sacrificia tanquam mala, sed potius sacrificantes, qui solis sacrificiis contenti alia bona opera omiserunt, totamque suam sanctitatem in illis sacrificiis collocaverunt. Vel secundum Augustin: lib. i. contra duas epist. Pelagii cap. 9. illa Sacrificia displicuerunt DEO, eo, quod non ex affectu justitiæ, sed ex servili quodam timore vel affectu lucri temporalis offerebantur, ex quibus circumstantiis malitiam aliquam contraxerunt, quæ DEO sunt abominabilia facta, ex quo non sequitur alia opera à peccatore sine malis circumstantiis facta non esse bona & DEO accepta, maxime si adsit gratia actualis DEI, unde neg: consequi.

Opponuntur, Secundò, varia loca Augustini, qui contrarium videtur

apertè docere lib. de grat. liber. arbit. c. 18. *Præcepta, inquit, charitatis tanta & talia sunt, ut quidquid se putaverit homo facere bene, si fiat sine charitate, nullo modo sit bene.* & lib. i. Retract. cap. 15. *Voluntas sine charitate tota est vitiosa cupiditas.* & lib. i. de gratia Christi cap. 26. *Quid boni faceremus, nisi diligeremus, quasi diceret nihil.* & infra. *Ubi non est dilectio, nullum bonum imputatur: nec rectè bonum opus vocatur.* Et in Enchirid. cap. 13. *Quid boni operari potest perditus homo, nisi in quantum à perditione liberatur.* Ergo ex mente Augustini nullum potest dari bonum opus sine charitate. Confirmatur ex Apostolo i. Corinth. 13. *Si linguis hominum loquar & Angelorum, charitatem autem non habeam, factus sum velut aes sonans, aut cymbalum tinniens. & si distribuero in cibos pauperum omnes facultates meas, & si tradidero corpus meum, ita ut ardeam, charitatem autem non habuerò, nihil mihi prodest.* Sed si ejusmodi actiones essent bonæ aut virtuosæ sine charitate, proderent homini, ergo sine charitate nil virtutis aut bonitatis continent. Respond. ad omnia ista & alia similia Augustini loca, ipsum & alios Patres, ubicunque prædicant necessitatem gratiæ sanctificantis, aut dicunt sine illa nihil bonitatis aut virtutis in peccatore reperiri, aliud non intendere, quam quod ullum opus fructuosum aut ad vitam æternam conducentis possit à peccatore eliciri, nam ut postea videbitur, omnia opera hominis peccatoris & in peccato existentis sunt mortua, cum vitam gratiæ non habeant, nec unquam ad fructum vitæ æternæ assequendum resurgant, cum quo bene stat, quod sint aliàs ex genere suo bona, & sine admixtione ullius pravitatis; unde dum ait Augustin: quod non fit ex charitate, non bene fit; sensus est, non fructuosè fit, nec utiliter ad vitam æternam consequendam, licet enim opera hominis peccatoris sint quandoque bona, & si ex adjutorio gratiæ procedant, mereantur charitatis infusionem, sunt nihilominus mor-



mortua, & ad vitam æternam consequendam infructuosa planè & inutilia, nec intuitu illorum assequitur homo ullum gradum aut augmentum gloriæ in cælo. Adde opera hominis peccatoris rarò fieri sine admixtione alicujus imperfectionis, aut circumstantiæ malæ, ac proinde dici à Patribus non benè nec virtuosè sine charitate fieri. Ad Confirmationem Respond. similiter, Apostolum non velle aliud, quàm quòd omnia opera, quæ sine charitate fiunt, nil sint, nec quidquam profint ad vitam æternam consequendam, quod verissimum est, sed profunt benè ad ipsam charitatem assequendam, maxime si ex adjutorio gratiæ actualis procedant, quod sufficit, ut dicantur bona, undè neg: consequi.

Instatur: Omnia opera hominis peccatoris sunt mortua & infructuosa ad vitam æternam, cum vita gratiæ careant, ergò omnia ejus opera sunt mala: Probatur consequi: Quia sicut DEUS justus Judex nullum malum relinquit impunitum, ita nullum bonum relinquit irremuneratum, ergò si opera hominis peccatoris careant omni mercede æternæ vitæ, non sunt nec possunt dici bona. Respond. conc: anteced: neg: consequi: ejusque probationis consequi: licet enim DEUS nullum relinquat bonum irremuneratum, sicut nec malum impunitum, non remunerat tamen quodlibet opus bonum mercede vitæ æternæ, maxime si fiat ab inimico & vitâ gratiæ destituito. Nec refert, quòd ejusmodi opera sint mortua, quia hoc solum efficitur, quòd sint infructuosa & quodammodo mortua ad vitam æternam assequendam, non autem quòd sint mala & vitiosa.

IV. *Opera moraliter bona etiam sine fide divina fieri possunt.* Dico Secundò: *Potest homo infidelis absque omni fide infusa, aut supernaturali DEI cognitione elicere, plures actus moraliter bonos, absque omni circumstantia vitianti.* Est communis sententia Theologorum; & Probatur Primò ex omnibus illis Scripturæ locis, quibus supra ostendi, DEUM pluries remunerasse ope-

ra Infidelium & Gentilium tanquam bona absque omni fide infusa, aut supernaturali DEI cognitione facta, quibus hic adde Regem Nabuchodonosor infidelem & ethnicum moneri à Propheta Daniel. 4. ut pœnam temporalem à DEO sibi propter peccata infligendam eleemosynis redimat, nunc, inquit, *Rex consilium meum placeat tibi, peccata tua eleemosynis redime*, sed si eleemosynæ hominis infidelis essent praviæ aut peccaminosæ, non posset per eas placari ira Omnipotentis, aut evitari pœna ab ipso infligenda, cum potius talibus accendatur ejus furor, ergò sentit Propheta eleemosynas etiam hominis infidelis, modò ex pravo fine non fiant, esse bonas, & posse avertere iram & vindictam DEI Omnipotentis. Confirmatur ex Bulla Pii V. & Gregorii XII. in quibus aperte damnatur sententia Baji & aliorum asserentium omnia opera Infidelium esse peccata, & virtutes Philosophorum vitia, ergò sentiunt Pontifices dari quandoque in Infidelibus aliqua opera virtuosa, quæ ex nullo fine aut circumstantiâ sint vitia, aut peccato obnoxia.

Probatur Secundò Authoritate SS. Patrum, qui in hoc omnes conspirarunt: Augustini lib. de gratia Christi c. 24. ubi de Ahasvero dicitur mitigationem Regis infidelis atque idololatræ esse donum DEI, his verbis: *Legant ergò & intelligant, intueantur atque fateantur non lege atque doctrina insonante forinsecus, sed interna atque occulta mirabili ac ineffabili potestate operari DEUM in cordibus hominum, non solum veras revelationes, sed etiam bonas voluntates.* Et consequenter mitigatio illa fuit opus moraliter bonum. & epist. 130. laudat Polemonis continentiam dicens: *Polemo ergò, si ex luxurioso continens factus, ita sciret, cujus esset hoc donum, ut eum abjectis superstitionibus gentium piè coleret, non solum continens, sed etiam veraciter sapiens & salubriter religiosus existeret: quod ei non tantum ad presentis vitæ honestatem, verum & ad futura*



*tura immortalitatem valeret. Vide, quomodo distinguat inter bona operatione honesta, & inter illa, quae ad vitam aeternam conducunt. Chrysost. hom. 67. ad populum Antiochenum: Non potest, inquit, malus omnino malus esse, sed evenit, ut aliquid habeat boni, neque bonus omnino bonus, sed nonnulla solet habere peccata. Hieronym. in cap. 1. Epist. ad Galatas: Ex quo, inquit, perspicuum est, naturae omnibus inesse DEI notitiam, nec quemquam sine Christo nasci, non habere semina in se sapientiae, iustitiae, reliquarumque virtutum, unde multi absque fide & Evangelio Christi vel sapienter faciunt aliqua, vel sancte, ut parentibus obsequuntur, inopi manum porrigunt, vicinos non opprimunt, aliena non diripiunt &c. Et in cap. 5. ad Galat. Quomodo, inquit, juxta Jacobum, fides absque operibus mortua est, sic absque fide, quamvis bona opera sint, mortua computantur. Et Fulgentius lib. de Incarn. & Grat. cap. 6. Quod si quibusdam cognoscentibus DEUM, non sicut DEUM glorificantibus cognitio illa nil profuit ad salutem, quomodo poterunt hi iusti esse apud DEUM, qui sic in suis moribus & operationibus bonitatis aliquid servant, ut ad fidem Christianae fidei non referant, quibus aliqua bona, quae ad societatis humanae pertinent equitatem, inesse possunt, sed quia non in charitate sunt, prodesse non possunt. Ergo ex mente SS. Patrum possunt dari, & de facto quandoque dantur in infidelibus aliqua opera virtuosa & moraliter bona.*

**Probatur Conclusio Tertia Ratione:** Quia secundum Philosophum 2. Ethic. cap. 4. ad rationem actus & moraliter boni per se loquendo sufficit, quod fiat ab homine sciente & diligente ac propter ipsum, id est, quod homo sciat opus, quod elicit, esse ex genere suo bonum aliàs. Deinde, quod libera voluntate, & non ex ulla necessitate ipsum eliciat, ac tandem quod praecise operetur propter ipsam in se virtutis honestatem. Sed haec omnia potest homo habere sine ulla fide infusa aut supernatu-

rali, ergo. Probatur minor, potest homo sine ulla fide supernaturali scire optimè, quod sit ex genere suo laudabile & honestum atque bonum, honorare parentes, operire nudum, pacificare discordes, subvenire egeno, quia hoc vel ipsa natura docente didicit. Potest item sine fide ejusmodi actus liberrimè & sine ulla necessitate exercere, idque praecise propter finem ipsius in se virtutis, naturali scilicet pietate in parentes excitatus, & quia commiseratione in pauperes & nudos commotus, ut eorum indigentiam sublevaret, quis enim dicere auderet Infidelem aut Ethnicum ex naturali quadam pietate honorantem parentes, aut ex pia commiseratione operientem nudum pacificantem discordes, & coetera; in his aut similibus actibus peccare, aut etiam non benè aut laudabiliter operari, maximè, si ea faciat propter finem & honestatem ipsius in esse virtutis, sine ulla planè circumstantia vanæ gloriæ, jactantiæ, servilis timoris, invidiæ, &c. sicut optimè potest facere. Nec refert, quod ejusmodi opera non referantur immediatè, formaliter aut proximè ad DEUM, tanquam in suum finem, & motivum, sicut ad rationem virtutis videtur requiri. Respond. enim non esse de essentia aut necessitate virtutis, aut operis virtuosus & moraliter boni, quod immediatè & formaliter proximè in DEUM tanquam in suum finem referatur, sed sufficere, quod fiat immediatè & proximè propter ipsius in se honestatem virtutis, v. g. ut actus dantis eleemosynam pauperi indigenti sit virtuosus & moraliter bonus, non requiritur, quod detur eleemosyna immediatè & proximè propter DEUM, aut in ipsum tanquam finem & motivum proximum referatur, sufficit enim, quod detur proximè ad sublevandam inopiam pauperis extremè laborantis, idque ex naturali quadam commiseratione erga ipsum sine ulla circumstantia mala, aut vitiante. Undè quicumque sive Ethnicus sive infidelis facit ex hoc fine & motivo eleemosynam pauperi, be-

re nudum  
esse bonum.



nè & laudabiliter operatur, licet ad vitam æternam nil ipsi conducatur.

VI.

Mundis omnia munda Eliculenta.

Opponuntur Primò varia loca Apostoli: Ad Titum 1. *Omnia munda mundis, coinquinatis autem, & infidelibus nihil est mundum, sed inquinata sunt eorum & mens & conscientia*: & ad Rom. 14. *Omne, quod non est ex fide, peccatum est*. Sed nil facit infidelis aut ethnicus ex fide, cum de ea nil sciat, ergò. Item ad Hebræi 11. *Sine fide impossibile est placere DEO*, ergò sine fide impossibile est dari aliquod opus moraliter bonum: Probatur consequi: quia si daretur aliquod tale bonum, sine dubio placeret DEO, nam ut ait Augustin. lib. 4. contra Julian. cap. 3. *Non potest bonum non placere quod bonum est*, ergò vel sine fide non potest dari bonum opus, vel sine ea potest homo placere DEO, ergò. Respond. ad primum locum Apostoli cum Hieronym. in Comment. supra eundem locum, & Augustin. lib. 3. contra Faustum cap. 4. Apostolum loqui non de operibus infidelium bonis aut malis, sed de cibis, qui secundum legem erant mundi vel immundi, ita ut sensus sit, omnia munda mundis, id est, omnes cibi sunt naturâ suâ mundi, & pro omni tempore post abrogatam jam legem prohibentem quosdam cibos tanquam immundos manducari mundè, & sine omni culpa manducantur ab hominibus, qui credunt legem veterem jam amplius non obligare: inquinatis autem & infidelibus Judæis, id est, omnes cibi sunt immundi, nec solum illi cibi, quos lex vetus judicavit immundos, sed & ceteri omnes, quos infideliter & errantè conscientia sumunt. Undè ait Apostolus: *Inquinata sunt eorum mens & conscientia*. Vel si intelligatur iste locus de operibus Infidelium, ut contendunt Adversarii, illud: *Infidelibus autem nil mundum* significare omnia opera infidelium esse peccata, interrogo ab illis, quid significet illud: *Omnia munda mundis*, an sit sensus, quod omnia opera justorum sint justa, cum ex Scriptura septies in die cadat justus, & oret quotidie:

*Dimitte nobis debita nostra*; sensus ergò est, omnia munda mundis, id est, opera justorum, quæ ex charitate & pietate procedunt, sunt munda & bona, inquinatis autem & infidelibus nil mundum, id est, nullum opus procedens ex infidelitate aut impietate potest esse mundum aut bonum, quod verissimum est, sed cum hoc stat, quod sine illis circumstantiis possit infidelis ex aliis motivis elicere actus aliquos moraliter bonos.

Ad secundum locum Apostoli Respond. ipsum ibi loqui de illis, qui contra dictamen conscientiae operabantur, ita ut sensus universalis & verus istius loci sit: *Omne, quod non est ex fide, peccatum est*, id est, quidquid sit ab homine contra dictamen conscientiae suæ, peccatum est, quia cum conscientia nostra sit prima regula agendorum, quicumque facit contra dictamen ipsius male facit. Vel si per fidem ibi intelligatur fides supernaturalis & infusa & non conscientia, prout velle videtur Augustin. pluribus in locis. Respond. sensum esse, quidquid non est ex fide, quidquid contra gratiam repugnat fidei, aut ex infidelitate nascitur, peccatum est, quod nil obstat nostræ sententiæ, quia potest bene infidelis ex alio fine quam ex infidelitate operari, ut dum largitur eleemosynas pauperi ad sublevandam ipsius inopiam, dum honorat parentes &c.

Ad tertium locum Respond. Sensus istius loci esse: Quod *sine fide impossibile sit placere DEO* in ordine ad vitam æternam assequendam, aut taliter, ut amicus DEI aut filius constituatur, licet bene sit possibile, placere DEO sine fide in ordine ad recipiendam mercedem aliquam temporalem, vel etiam quandoque ipsam fidem & gratiam sanctificantem, si ex adiutorio divinæ gratiæ ejus opera procedant. Undè in forma Respond. negando consequens ad cujus probationem distin: antec: tale bonum placeret DEO in ordine ad vitam æternam intuitu ejus conferendam, neg: antec: in ordine ad aliquam



aliquam mercedem temporalem conferendam, transeat antec:

Opponitur Secundo Authoritas D. Augustini lib. 4. contra Julian. cap. 3. ubi per tria integra folia probat misericordiam, eleemosynas, continentiam, bonaque opera, quae in fidelibus apparent virtuosa, esse vitiosa & peccaminosa in infidelibus: Porro, inquit, si veram iustitiam non habent impii, profecto nec alias virtutes comites & socias, quia cum ad suum Authorem non referuntur dona DEI, hoc ipso mali his utentes, efficiuntur iniusti, & si quas habent virtutes, veras non habent, ac per hoc nec continentia impiorum est vera virtus. Et paulo post: Absit, ut in aliquo sit vera virtus, nisi fuerit iustus, absit autem, ut sit iustus verè, nisi vivat ex fide, iustus enim ex fide vivit, ergo. Et circa finem capitis Respondet Juliano sic objicienti: Si ait, Julianus, Gentilis nudum operuit, nunquam, quia non est ex fide, peccatum est? Prorsus, inquit Augustinus, in quantum non est ex fide, peccatum est, non quia per se factum, quod est operire nudum, peccatum sit, sed de tali opere non in Domino gloriari, solus impius negat esse peccatum, quod ut intelligas, inquit Augustinus, quia magna res est, adhuc paulisper ausculta: Ecce eadem commemoro, quae ipse posuisti, si gentilis, qui non vivit ex fide, nudum operuerit, periclitantem liberaverit, egri vulnera forverit, divitias honestè impenderit: Quæro abs te, inquit Augustinus, utrum hæc opera bona faciant benè, an malè? Si enim, quamvis bona, malè tamen facit, negare non potes, eum peccare, quia malè quodlibet facit, sed quia non vivit eum, cum ista facit, peccare, profecto dicturus es, & bona facit & benè. Fructus ergo bonos facit arbor mala, quod fieri non posse, veritas dicit. Hæc Augustinus & paulo inferius: Sed forte dicturus es: misericors voluntas bona est, rectè istud dicetur. Ait Augustinus, si quemadmodum fides Ebrii, quæ per dilectionem operatur, semper bona est, ita misericordia semper esset bona, sed si reperitur misericordia

mala, si vitium est malè misereri, procul dubio vitium est infideliter misereri, quod si & ipsa per seipsam ex naturali compassione opus illud sit per se bonum, etiam isto bono malè utitur, qui infideliter utitur. Ergo ex mente Augustini, quidquid facit Infidelis, sive operiendo nudum, sive pacificando discordes, sive dirigendo errantes, cum ex verà fide non procedant, malè & peccaminosè facit. Respond. Augustinum ex duplici capite damnare opera infidelium tanquam mala & peccato obnoxia, Primò: Quia ut plurimum infideles & ethnici referunt opera sua in malum finem, v. g. vel in cultum falsorum Deorum, vel ad inanem gloriam, lucrum temporale, aut aliquid simile, ex quo fide facile inficiuntur eorum opera, cum bonum non nisi ex integra causa possit esse: & hinc in eodem cap. 3. contra Julianum ait Augustinus: Quidquid boni sit ab homine, & non propter hoc sit, propter quod fieri vera sapientia jubet, & si officio videatur bonum, ipso tamen sine peccatum est. Damnat ergo merito Augustinus omnia opera Infidelium tanquam mala & vitiosa, quia ab eis referebantur ut plurimum ad finem malum, attribuens proinde omnibus, quod majori parti operum convenit, cum quo benè stat, quod aliquando & fortè pluries benè & sine omni circumstantia mala aut perverso fine operentur, ex solo amore & honestate virtutis, honorando v. g. parentes ex sola naturali pietate, aut operiendo nudum & subveniendo pauperi ex sola naturali compassione & intentione indigentium, sine ulteriori ulla vana gloria, iactantia, invidia, aut alia circumstantia positivè vitiant. Secundo damnat Augustinus opera Infidelium tanquam mala & vitiosa, non quod verè aut reipsa sint peccata, aut condigna poenâ ullâ sive æternâ sive temporali, sed quia sunt mortua, sterilia, & infructuosa, inutiliaque ad vitam æternam consequendam: ex quo capite non vult Augustinus ea vocari veras virtutes, id est, fructuosas aut utiles ad vitam æternam.



consequendam, sed cum hoc optimè stat, quòd in seipsis & intra latitudinem virtutis moralis sint veræ virtutes, cum nullius malæ circumstantiæ mixturam habeant, hoc solo excepto, quòd ab operante non referantur immediatè ad DEUM tanquam in proximum finem & motivum, quòd ad rationem virtutis moralis non requiri partim jam ostendi, & amplius inferius patebit.

### QUÆSTIO SEPTIMA.

*Quid requiratur ad perseverandum in gratia, & in quo perseverantia & confirmatio in gratiâ à se invicem differunt?*

I.  
Declinare à malo & facere bonum, requiritur ad perseverandum.

**D**ico Primò : *Ad perseverandum in gratiâ requiruntur duo officia justitiæ declinare à malo & facere bonum.* Primum requiri patet ex innumeris S. Scripturæ locis, in quibus dehortamur, & deterremur à vitiis & peccatis, tanquam quæ nos à DEI amicitia & vita æterna excludant. Secundum patet, non quòd absolute nequeat homo non peccare & per consequens in gratia jam adepta perseverare absque eo, quòd ulterius ullum opus bonum exerteret, cum non repugnet, quòd quis invincibiliter DEUM ignoret, saltem per breve aliquod tempus v. g. mensem vel annum, & interea nullum opus eliciat ob finem virtutis, sed quòd nunquam aut rarò contingat, ut constitutus in gratia diu persistat in ignorantia invincibili Dei, & quòd si habeat ejus notitiam, necessarium sit ad ipsi superandas passim occurrentes peccandi occasiones ad illius opem per orationem aut alia bona opera recurrere. Undè Matth. 3. dicitur : *Omnis arbor, quæ non facit fructum bonum, excidetur, & in ignem mittetur.* & 2. Petri 10. *Satagite, ut per bona opera certam vestram vocationem & electionem faciatis.*

II.  
Perseverantiæ donum requiritur

**D**ico Secundò : *Ad perseverandum in justitia requiritur præter ipsam gratiam sanctificantem speciale*

*donum actualis gratiæ.* Hæc patet ex specialiori necessitate gratiæ actualis, de qua aliàs ad operandum bonum, & vincendas tentationes, quod utrumque requiritur ad perseverandum, unde Paulus 1. Corinth. 1. *Confidimus hoc ipsum, quia qui cepit bonum, ipse perficiet usque in diem Christi JESU.*

Dices : Ipse habitus gratiæ & virtutum infusarum sufficit ad bene operandum. Respond. Sufficere, physicè, sed non moraliter supposita infirmitate comuni humana contracta ex lapsu primi Parentis.

**D**ico Tertiò : *Donum perseverantiæ finalis nihil superaddit gratiæ habituali præter negationem novi lapsus in mortale peccatum, & efficacia auxilia gratiæ actualis hanc negationem inferentia.* Patet, quia positis hujusmodi auxiliis, sicut verum est, quòd Justus non peccet, aut cadat à DEI gratia, ita verum est, quòd in gratia perseveret : quare cum hujusmodi auxilia magnâ saltem ex parte consistant in illuminationibus & inspirationibus internis, quæ non eadem omnibus fiunt, sed sæpè longè diversæ rationis physicè sequitur, donum perseverantiæ non esse in omnibus ejusdem speciei, aut etiam generis proximi. Dixi in Conclusionem *efficacia*, quia licet auxilia, quæ sufficientia dicuntur, sufficerent, ut quis perseveraret in statu gratiæ, tamen de facto nunquam cum iis solis quispiam perseverabit, aliàs jam contra suppositum non essent tantum sufficientia, sed efficacia, vel certè non gratia voluntatem, sed voluntas gratiam determinaret.

III.  
Perseverantiæ donum quid addat gratiæ habituali.

**D**ico Quartò : *Donum confirmationis in gratia tantum superaddit donum plenæ & nunquam interruptæ perseverantiæ certam ex divina revelatione notitiam in eo, qui confirmatus dicitur de sua futura perseverantia.* Hæc est Vasquez 1. parte d. 90. & 1. 2. d. 200. contra Ockam & Catherinum requirentes ad donum confirmationis, quòd confirmato adempta sit potestas seu libertas ad peccandum. Probatum : Quia quem-

IX.  
Confirmati-  
onis do-  
num declaratur.

cunque



tuncque noscerent homines habere notitiam & securitatem ex divina revelatione de sua perseverantia, eum dicerent confirmatum in gratia, & quidem meritò esset à parte rei, & in sua ipsius cognitione sic stabilitus in gratia, ut nunquam foret ab ea casurus. Et sanè gratis diceretur requiri ultra hoc in confirmato necessitatem non peccandi aliam, quam consequentiæ, ortam scilicet ex divina revelatione, & moralem, ortam ex efficacia auxiliorum gratiæ, quæ infallibiliter determinabunt non physicè, sed moraliter ad omnem lapsum vitandum, præsertim cum sub quaestione sit, an possit voluntas aliter necessitari, & Paulus, qui indubie fuit confirmatus in gratia, specialem adhibuerit diligentiam ad vitanda peccata, corpus suum castigans

& in servitutem redigens, ut de se ipse testatur 1. Corinth. 9. & 2. cap. 2. quod opus illi non esset, si physicè impeccabilis fuisset. Alii id discriminis ponunt inter confirmationem & donum perseverantiæ; quod hoc detur per partes & successivè, prout opus est ad lapsum, quando imminet vitandum. Sed contra est, quod sic donum confirmationis sit quid permanens, & consequenter habitus, nam pro hoc statu nullus actus diu durat, atque non potest esse habitus, quia de fide est, ad singulos actus bonos & victorias tentationum, & per consequens ad perseverandum in gratia requiri auxilium gratiæ actualis, ultra verò donum confirmationis nil requiritur ad perseverandum.

## DISPUTATIO QUARTA.

DE

Adjutorio divinæ gratiæ ad justificationem  
acquirendam, & alias operationes  
eliciendas necessario.

### PROOEMIUM.



*N*emo potest venire ad me, ait æterna Veritas Christus, nisi Pater meus, qui misit me, traxerit eum. Id ipsum, loquor cum S. Augustino, aliis verbis repetendo in eo, quod ait, nisi fuerit ei datum à Patre meo. Ille quippè trahitur ad Christum, cui datur ut credat in Christum. Datur ergò potestas, ut filii DEI fiant, qui credunt in eum, cum hoc ipsum datur, ut credant in eum. Quæ potestas nisi detur à DEO, nulla esse potest ex libero arbitrio, quia nec liberum in bono erit, quod liberator non liberaverit. - - - Nemo igitur potest habere voluntatem justam, nisi nullis precedentiibus meritis acceperit veram, hoc est, gratuitam de super gratiam. Quare, Si quis dixerit, verba sunt Concilii Tridentini, sine præ-

(\*) Iii 3

venien-

Sess. 6. Ca-  
non. 3.

Araus. II.  
cap. 6.

cap. 5.

*veniente Spiritûs Sancti inspiratione, atque ejus adjutorio hominem credere, sperare, diligere, aut poenitere posse, sicut oportet, ut ei justificationis gratia conferatur, anathema sit.* Idem ante docuit Arausicanum, damnans eos, qui dicunt, absque illuminatione atque inspiratione Spiritûs Sancti nos posse cogitare aut elicere aliquod bonum opus ad salutem vitæ æternæ pertinens. Ac etiam Milevitanum: Quia ergo nec fides, nec dilectio, nec contritio procedunt à gratia, ad quam disponunt, & tamen omnes isti & quicunque alii ad salutem conducentes actus haberi non possunt sine auxilio divino adjuvante imbecillitatem nostram infirmam, quod præstatur per donum aliquod particulare actualiter præveniens, concurrens, & cooperans, & est gratia actualis, eaque specialis. Hinc postquam in superiori dispositione egi de requisitis ex parte justificandi, nunc de necessitate hujusmodi auxilii me acturum propono, de quo alias integer tractatus conficitur, ego autem aliquot Disputationibus sub gratiæ justificantis titulo favente eadem DE I gratia expediam. Est autem hujus materiae magna sublimitas & dignitas, quia gratia naturam perficit non destruit: Magna utilitas, quia vires nostras debiles & ad bona supernaturalia elicienda impares elevat: est denique maxima in illa explicanda difficultas, quod patet ex tot singulorum quasi sæculorum hæreticorum, & etiam quorundam Catholicorum erroribus, quos præliminariter censeo esse recensendos. Sit igitur

### QUÆSTIO PRIMA.

*De Hæreticorum erroribus gratiam auxiliantem impugnantium.*

1.  
Pelagii errores circa gratiam.

**P**rimus omnium insignissimus naturæ liberique arbitrii defensor, & infestissimus gratiæ divinæ osor, Choriphæus & Antesignanus eorum, qui circa hanc materiam errarunt, fuit Pelagius, vir alioquin doctissimus, & magnæ æstimationis secundum Chrysostomum epist. 4. ad Demetrium. Professione Monachus, natione Britto, cujus præcipui di-

scipuli ac sectatores fuerunt Coelestius & Julianus Episcopus Capuanus, contra quem 8. integros libros scripsit S. Augustinus, ac tandem à Coelestino Pontifice privationis sententiam accepit: Coelestius vero, à quo, secundum Augustinum, dicuntur Coelestini Hæretici, ante Pelagium condemnatus est in Concilio Carthaginensi sub Aurelio Anno 412. vocatus deinde & ipse Pelagius ad Concilium 14. Episcoporum Diopolitani in Palæstina cum sua hæresi condemnatus est, ejusque condemnatio Carthagine in Concilio 67. Episcoporum confirmata. Coeterum præcipuos errores Pelagii refert Augustinus hæresi 88. ex quibus sequen-



quentes ad nostrum hic propositum spectant.

Primò itaque docuit Pelagius, primum hominem Adamum in statu Innocentiae fuisse mortalem conditione naturae, & non de merito culpae, sed reipsa moriturum, siue peccasset, siue non peccasset. Contra quem errorem est Canon Primus Concilii Milevitani, ubi sic habetur: *Quicumque dicit Adam primum hominem mortalem factum, ita ut siue peccaret, siue non peccaret, moreretur in corpore, idque necessitate naturae, & non merito peccati, anathema sit.*

Secundò docuit, infantes nasci absque labe peccati originalis, adeoque peccatum Adami sibi soli & non posteris hocuisse, neque parvulos baptizari in remissionem peccati originalis, sed ad introitum Regni coelestis. Damnatur Can. 2. Concilii Milevitani & in Trident. Sess. 5. Can. 4. his verbis: *Quicumque parvulos recentem ab uteris Matrum natos baptizandos negat, aut dicit in remissionem peccatorum eos quidem baptizari, sed nihil ex Adam trahere peccati originalis, quod generationis lavacro expiatur, unde sit consequens, ut in eis forma baptismatis in remissionem peccatorum non verè, sed falsè intelligatur, anathema sit.*

Tertiò dixit, peccatum originale non origine, sed imitatione transfusum in posteros, & infantes recentem natos in eo statu esse (secluso rationis usu) in quo Adam fuit ante lapsum. damnatur in Trident. Sess. 5. Can. 3. *Si quis hoc Adæ peccatum, quod origine unum est & propagatione, non imitatione transfusum omnibus, inest unicuique proprium &c. per aliud remedium asserit tolli, quam per meritum unius mediatoris, &c. anathema sit.*

Quartò docuit, hominem per peccatum non fuisse secundum corpus & animam mutatum in deterius, sed anima permanente illæsa corpus ex peccato fuisse corruptioni subiectum. Damnatur in Tridentino Sess. 5. Can. 2. *Si quis Adæ prævaricationem &c. aut per inobedientiae pecca-*

*tum mortem & penas corporis tantum in omne genus hominum transfuisse, non autem & peccatum, quod est mors animæ, anathema sit.* Quod similiter habetur definitum in Concilio Arausicano Can. 1.

Quintò docuit, infantes sine baptismo decedentes habituros beatitudinem & vitam æternam extra regnum coelorum. Damnatur in Concilio Diospolitano art. 5.

Sextò: Magis ad propositum nostrum circa necessitatem gratiæ divinæ docuit gratiam DEI, quâ iustificamur per JESUM Christum ad solam remissionem peccatorum, quæ jam commissa sunt valere, non item in adiutorium, ut non committantur. Damnatur sub iisdem terminis in Concilio Milevitano Canone 3.

Septimò docuit, naturalibus sui arbitrii viribus absque gratia DEI posse mereri sibi vitam æternam, & cum in hoc de re nimis manifesta contra Scripturam argueretur, dixit gratiam dari nobis, non ut necessariam, sed ad facilius consequendam vitam æternam, quasi sine ipsa licet difficulter eandem vitam consequi possimus. Damnatur in Concilio Milevitano Can. 5. & Trident. Sess. 6. Can. 1. & 2. *Si quis dixerit, ad hoc solum divinam gratiam per Christum dari, ut facilius homo iuste vivere, ac vitam æternam promereri possit, quasi per liberum arbitrium sine gratia utrumque, sed egrè tamen & difficulter possit, anathema sit.*

Octavò docuit, gratiam DEI non dari ad singulos actus, eamque sitam esse in sola possibilitate naturæ, & in lege atque doctrina. Damnatur in Concilio Milevit. Can. 4. *Si quis dixerit; gratiam DEI per Christum propter hoc tantum nos iuvare ad non peccandum; quia per ipsam nobis revelatur & aperitur intelligentia mandatorum; ut sciamus quid appetere, aut quid vitare debeamus, non autem per illam nobis præstari; ut quod faciendum cognoverimus; etiam facere diligamus, ac valeamus;*



tantum posse, sed & ipsum velle & agere in nobis operari non intendentes nostram cooperationem ad tales actus excludere, sed volentes contra Pelagium necessitatem divinae gratiae ad omnes actus & operationes nostras adstruere.

Arguitur Secundo ex aliis Patribus: Anselmus super illud i. Corin. 15. *Non ego, sed gratia DEI mecum.* Notandum, inquit, quod superna pietas, prius aliquid agit in nobis sine nobis, ut subsequente nostro arbitrio bonum, quod appetimus, agat nobiscum. Et S. Ambrosius de grat. & lib. arbit. circa finem: *Verba*, inquit, *non mea sunt, sed Apostoli, qui omne, quod boni esse potest, id est, cogitare, velle, & perficere attribuit DEO, non suo arbitrio.* Si ergo, inquit Bernardus: *DEUS tria haec, hoc est, bonum cogitare, velle, & perficere operatur in nobis, primum profecto sine nobis, secundum nobiscum, & tertium per nos operatur.* Respond. SS. Patres hic & ubicunque videntur dicere DEUM in nobis sine nostra cooperatione, producere appetitum, amorem aut volitionem boni in actu secundo: Item cogitationem, fidem, aut intellectum ex parte intellectus, nil aliud velle aut intendere, quam tales actus produci in nobis initiative à solo DEO sine ulla nostra cooperatione, quatenus initium & radix operum nostrorum, quod est gratia operans à solo DEO in nobis sine nobis producit, non velle autem volitionem ipsam aut cogitationem in actu secundo & formaliter sine cooperatione nostra produci. Patres enim & Concilia attribuunt, quandoque actiones nostras soli gratiae divinae nulla facta mentione voluntatis, non quod haec effective aut physice ad tales actiones non concurrat, sed quia gratia est prima & praecipua ratio agendi in nobis pro statu naturae lapsae, & radix omnium meritorum nostrorum.

IV. **Arguitur Tertiò:** Si adjutorium divinae gratiae consisteret in actu primo, nulla esset distinctio inter gratiam primi hominis pro statu inno-

centiae, & gratiam Christi secundi hominis naturae lapsae, sed hoc est falsum, & contra Patres & Concilia, qui ubique utramque gratiam distinguunt. Probatur major: In hoc praecise distinguunt Patres, & maxime Augustinus inter gratiam primi & secundi hominis; quod illa dederit solummodo posse bene operari, posse bonum non deserere, conferendo actum primum boni operis, non autem ipsum opus in actu secundo, gratia vero secundi hominis, non tantum det posse velle bonum, posse bene operari, verum etiam ipsum velle & operari in actu secundo: unde Augustinus de correptione & grat. cap. 10. 11. 12. & quidem signanter cap. 11. hoc dicit: *Tale erat adjutorium primi hominis, quod desereret, cum vellet, & in quo permaneret, si vellet, non quo fieret, ut vellet.* Haec est prima gratia, quae data est primo Adam, sed haec potentior est in secundo Adam. Prima est enim, quae sit, ut homo habeat justitiam si velit: secunda vero plus est, quae etiam sit, ut velit, & tantum velit, tantoque ardore diligat, ut carnis voluntatem contrariam concupiscentem, voluntatem Spiritus vincat, ex quibus & aliis locis S. Augustini clarissime constat, ipsum hoc unice distinguere inter gratiam primi hominis pro statu innocentiae, & Christi secundi hominis pro statu ruinae, quod illa dederit solummodo posse, & non ipsum velle, aut operari, haec vero det non solum posse, sed & velle & operari in actu secundo, ergo si gratia Christi consistit in actu primo, aut qualitate aliqua supernaturali & mortua, non distinguetur à gratia primi hominis. Respond. neg. maj: ad cujus probationem dico, gratiam secundi hominis conferre quidem non solum posse, sed & ipsum velle & operari in actu secundo, non tamen sine cooperatione voluntatis nostrae, nec aliud continent loca S. Augustini. In hoc igitur distinguitur gratia primi hominis à gratia Christi secundi hominis, quod licet utraque gratia consistat in actu primo, & in principio quodam supernaturali, pro quo

(\*) LI

utro-



utroque statu innocentiae & ruinae  
elevantur & adjuvantur potentiae  
humanae ad supernaturaliter & me-  
ritorie operandum, prima tamen  
fuit multò debilior & longè infir-  
mior, quàm secunda, non enim in-  
digeat primus homo in apice liber-  
tatis constitutus, nullà infirmita-  
te circumdatus, nullà pugna aut  
contradictione carnis turbatus,  
tanto aut tam potenti auxilio gra-  
tiae ad refrænandam concupiscen-  
tiam, sicut pro statu naturae lapsae  
indigemus nos, in quibus caro con-  
cupiscit adversus spiritum, & spi-  
ritus adversus carnem; undè gra-  
tia primi hominis non determinavit  
nec trahebat voluntatem ad operan-  
dum, sed tantum offerebat expe-  
ctando & rogando beneplacitum vo-  
luntatis, non causando nec elicien-  
do: Gratia verò Christi secundi ho-  
minis multò potentior est & effica-  
cior, quae voluntatem ita dulciter &  
fortiter movet, excitat, stimulat, tra-  
hit, & inclinat ad operandum, non  
expectando aut rogando ut velit, sed  
ducendo & inclinando, ac efficien-  
do, ut velit, ita ut in primo statu ra-  
tio & radix agendi esset voluntas non  
sine gratia, in secundo verò gratia  
cum voluntate. Undè S. Augustinus  
de corrept. cap. II. distinguendo in-  
ter utramque hanc gratiam ait: *Ve-  
rum tamen etsi non latiore nunc, po-  
tentiore tamen gratia indigent isti.*  
Prima enim est, quâ fiebat, ut ho-  
mo habeat iustitiam, si vellet, secun-  
da verò plus est, quâ etiam fit, ut  
vellet.

nullam gratiam actualem concurre-  
re efficienter aut physicè ad actus  
nostros supernaturales & meritori-  
os, sed moraliter tantum, moven-  
do, inclinando, & moraliter concur-  
rendo cum potentiis nostris ad ejus-  
modi actus eliciendos. Ratio est,  
quòd nullus actus secundus intelle-  
ctus aut voluntatis possit efficienter  
aut physicè concurrere ad actus ea-  
rundem potentiarum, cum sint ex  
natura sua actus physicè transeun-  
tes. Qui verò dicunt, essentiam gra-  
tiae actualis consistere in actu primo  
& comprincipio supernaturali, con-  
sequenter ad hoc docent, gratiam  
actualem concurrere efficienter &  
physicè cum potentiis nostris ad o-  
perandum, & ratio est, quòd volun-  
tas nostra (idem de intellectu) post  
debilitatam per peccatum ejus vir-  
tutem, non est per se principium  
completum aut sufficiens etiam in  
rigore physico respectu ullius actus  
supernaturalis aut meritorii, ut satis  
ostendit Concilium Tridentinum,  
Sess. 6. Can. 1. 2. & 3. adeoque ut mo-  
do connaturali ad ejusmodi actum  
concurrat, debet compleri per ali-  
quod comprincipium effectivum si-  
bi superadditum, per quod elevetur  
& proportionetur ipsi, sicut intelle-  
ctus noster debet per lumen gloriae  
elevari & compleri in coelo ad visio-  
nem beatificam eliciendam, sed tale  
principium non potest esse ipse DE-  
US, aut aliquid potentiae extrinse-  
cum, ergò debet esse gratia aliqua  
operans, praeveniens & excitans,  
quae formaliter & intrinsecè inest, &  
inhæret potentiis nostris, easque  
complet, elevat, & adjuvat etiam  
physicè ad supernaturaliter agen-  
dum.

Dices: Ad hoc sufficere vel ipsos  
actus secundos intellectus & volun-  
tatis à solo DEO in nobis productos,  
& moraliter ad sequentes actus con-  
currentes, vel specialem & extrinse-  
cum concursum DEI, quo nobiscum  
specialiter & ex proposito concurrat  
ad actus supernaturales producen-  
do. Respond. Contra Primum, quod  
posito quocunque concursu morali  
poten-

V.  
Gratiaphy-  
sicè concu-  
rit ad actus  
bonos eli-  
ciendos.

Quæres: An prædictæ gratiae  
concurrant physicè & efficienter ad  
actus nostros aut tantum moraliter?  
Difficultas est de sola gratia actuali,  
suppono enim ex aliis materiis gra-  
tiam habitualemente concurrere effi-  
cienter & physicè cum voluntate ad  
suos actus eliciendos. De gratia igitur  
actuali Respond. juxta diversas  
opiniones de essentia gratiae actua-  
lis jam positas, qui enim docent es-  
sentiam gratiae actualis consistere in  
actibus secundis intellectus & vo-  
luntatis, convenienter ad hoc dicunt



potentiae nostrae non sunt sufficientes etiam physicè ad eliciendos actus supernaturales, nisi ad hoc habeant completa omnia principia physica in actu primo, sed talia principia non sunt completa sine aliquo com- principio supernaturali physicè con- currente contra Tridentinum iam citatum. Contra secundum etiam militat ratio eadem, quia omnis concursus extrinsecus DEI praesup- ponit ex parte nostra virtutem acti- vam in actu primo completam; cum nil ultra suas vires per quemcunque concursum extrinsecum posset age- re, sed ex Concilio iam citato volun- tas humana non habet ex suis pro- priis viribus virtutem sufficientem etiam in actu primo ad operandum supernaturaliter & meritorie, ergo antecedenter ad quemcunque con- cursum extrinsecum DEI requiritur ex parte potentiae comprincipium aliquod intrinsecum & supernatura- le, quo reddatur in actu primo pro- xime potens producere tales actus, & in actu secundo ad eorum produ- ctionem physicè concurrat.

#### QUAESTIO QUARTA.

*An Adiutorium divinae gratiae sit necessarium ad cognoscendas ve- ritates naturales & speculati- vas?*

I.  
Veritates  
speculativas  
& practicas  
quae sunt.

**A**ll imperfectioribus ad perfe- ctiora ascendendo incipio à na- turalibus operationibus intel- lectus, cum hic sit lumen ostendens quid agere, quidve omittere debea- mus. Itaque veritates naturales & speculativas voco illas, quae ex se & ex sua ratione non referuntur nec ordinantur ad movendum affectum ad bene vel male operandum, sed in sola & nuda speculatione sui objecti, sine ullo ordine ad opera virtutum moralium consistunt, quales sunt veritates Logicae, Physicae, Meta- physicae; Artes item Mechanicae & cognitiones experimentales, dum- modò ad opus morale non referan- tur; Veritates morales & practicae

sunt, quae ex sua ratione & sine mo- vent affectum, & inclinant volunta- tem ad bene vel male operandum, dictando ipsi practice, quae secun- dum virtutem agenda vel omit- tenda.

Vasquez tom. 2. d. 188. cap. 2. qu. 109. docuit, hominem pro hoc statu posse cognoscere veritates na- turales & speculativas sine speciali gratia Christi, non autem sine ali- qua gratia DEI, ubi per gratiam Christi, ut ibidem explicat, intelli- git solam illam; quae ordinatur ad justificationem nostram ex merito passionis & mortis Christi juxta il- lud Augustini epist. 105. *Christus, ait, non fuit mortuus, ut Mathematici, Physici, aut Rhetores simus, sed ut iusti fiamus*, per gratiam vero DEI intelligit omne aliud donum à DEO liberaliter hominibus concessum, & distinctum à dono creationis & con- servationis; docet itaque ad cognos- cendas veritates speculativas requi- ri specialem DEI providentiam re- moventis impedimenta, applicantis objecta, excitantis species; dispo- nentis complexionem. Neque ad hoc sufficere concursum generalem causae primae cum secunda; quas proinde vult ipse nomine gratiae in- telligi, quanquam fateatur ibidem, non esse dona supernaturalia. Se- cunda sententia est Suarez lib. 1. de gratia cap. 1. docentis: posse homi- nem etiam in statu naturae lapsae sine speciali gratia DEI aut Christi cogno- scere singulas veritates naturales & speculativas divisivè, licet non om- nes collectivè.

Dico Primum: *Ad aliquas veri- tates naturales & speculativas cog- noscendas non requiritur adiutorium speciale divinae gratiae supra exigen- tiam physicam naturae.* Est Scoti in 1. d. 3. quae. 4. per totum; ubi adducit quatuor genera cognoscibilium, quae à nobis naturaliter & sine spe- ciali illustratione gratiae possunt pro hoc statu certitudinaliter cognosci: Primum genus ponit Principia per se nota. Secundum, Conclusiones ex iis evidentè deductas. Tertium,

II.  
Veritates  
aliquae na-  
turales sine  
adiutorio  
divinae gra-  
tiae possunt  
cognosci.

(\*) LII 2

cogni-



cognitionem eorum, quae habentur per experientiam sensuum. Quorum denique actus seu operationes nostras. Quia secundum Philosophum 4. Metaph. tex. 26. per se notum est, hominem vigilare. Eandem conclusionem docet D. Thomas 1. 2. q. 109. art. 1. & 10. ubi ait: nullum esse adeo hebetem, qui aliquas veritates, praecipue ex his, quae sunt per se notae, non possit cognoscere cum solo concursu generali DEI.

Probatur Conclusio ex Scriptura ad Rom. 1. v. 20. ubi dicitur DEUM innotuisse gentibus ex cognitione creaturarum: *Invisibilia DEI*, inquit, *per ea, quae facta sunt intellecta conspiciuntur*. Et Sap. 13. *A magnitudine speciei & creatura poterit Creator rerum cognoscibiliter videri*. Et Psalm. 18. *Caeli enarrant gloriam DEI*. Si ergo ex creaturis possumus aliqualem DEI cognitionem attingere, poterimus à fortiori de ipsis creaturis cum communi influenza & concursu DEI certam aliquam habere notitiam.

Probatur Secundo Ratione. Non est recurrendum ad extraordinarium DEI concursum, aut singularem gratiam sine ullà necessitate, aut ubi effectus non excedit virtutem activam causae secundae cum concursu generali ejusdem, sed plurimae cognitiones veritatum naturalium & speculativarum non excedunt virtutem activam intellectus humani cum objecto aut specie ipsius & communi influenza causae primae, ergo ad tales cognitiones habendas non est recurrendum ad singularem DEI concursum, aut specialem gratiam. Maj: & conseq: patet. Probatur min: secundum Philosophum 3. de anima tex. 18. causa adaequata naturalis cognitionis est intellectus cum objecto aut specie ipsius, ergo sine ullo speciali auxilio gratiae poterit cum tali specie & generali concursu DEI ejusmodi cognitionem producere. Deinde non debet denegari potentiae superiori in ordine ad suum objectum, quod po-

tentis inferioribus circa sua objecta conceditur: sed potentia sensitiva tactus, v. g. sine speciali ulla gratia elicit sensationem circa suum objectum sentiendo frigus vel calorem, ergo non debet idem denegari intellectui circa suum objectum. Denique quid est facilius intellectui, quam scire prima principia luminis naturae nota, ut *Quodlibet est vel non est: Totum est majus sua parte*. Quae proinde dicuntur principia luminis naturae nota, quia primo intuitu & sine ulla difficultate ex natura ipsa terminorum innotescunt, intellectui cum solo concursu generali DEI, vel specie objecti, & sanè, qui hanc virtutem negat intellectui creato, aut dicit hominem non posse naturaliter cognoscere seipsum vivere, vigilare, sentire, constituit ipsum pejorem brutis, quibus sine omni gratia aut extraordinario DEI concursu dantur propriae sensationes circa sua naturalia objecta.

Opponitur Primò: Scriptura S. III. Cogniti-  
nea prae-  
ca ad ob-  
servantiam  
mandato-  
rum sine  
gratia ha-  
beri non  
possunt. quae pluribus in locis dicit cujuscunque veritatis cognitionem DEI esse donum, 2. Corinth. 3. *Non sumus sufficientes cogitare aliquid ex nobis quasi ex nobis, sed sufficientia nostra ex DEO est.* & 2. Paralip. 20. *Cum ignoremus, quid agere debeamus, hoc solum habemus residui, ut oculos nostros dirigamus ad te.* & 1. Corinth. 4. *Quid habes, quod non accepisti?* & Psalm. 93. *Qui docet hominem scientiam*, ergo ex mente S. Scripturae nullius veritatis cognitionem, imò nec cognitionem possumus sine gratia DEI habere. Confirmatur ex Concil. Milevit. Can. 4. ubi expressè ait, scientiam esse donum DEI: *Utrumque*, inquit, *donum DEI est.* & Can. 4. ubi expressè ait: *Quid agere debeamus, & diligere faciamus, ut edificante charitate, scientia non possit inflare, sicut enim de DEO scriptum est, qui docet hominem scientiam, ita etiam scriptum est, & charitas ex DEO est.* & ex Concilio Arausicano 2. Can. 22. ubi loquens de his, quae sunt hominum propria, ait: *Nemo habet de suo nisi mendacium & peccatum, si quis autem veritatem* aut



aut iustitiam habet, ab illo fonte est, quem debemus sitire in hac Eremo. Ergo ex mente Conciliorum Milevit. & Arausic. nulla potest dari in nobis cognitio cujuscunque veritatis sine adiutorio gratiae. Respond. in omnibus istis Scripturae locis sermonem esse potissimum de cogitatione, cognitione aut scientia practica mandatorum DEI, quae conducunt ad vitam aeternam & voluntatem ad bene operandum movent & inclinant, quos libenter concedimus, non posse à nobis sine gratia DEI haberi, sed negamus talem gratiam requiri ad habendam cognitionem speculativam multarum rerum, quae nec conducunt ad vitam aeternam, nec voluntatem ad bene operandum movent, unde nego consequi: ad Confirm. Respond. Similiter Concilia non velle aliud, quam cognitionem quaecunque aut scientiam mandatorum DEI conducentem ad vitam aeternam, & moventem voluntatem ad bonum esse non posse sine speciali gratia DEI, unde ait Concil. Milevitanum: *Donum DEI esse scire, quid agere debeamus*, utique in ordine ad vitam aeternam consequendam; cum quo bene stat, quod alias cognitiones naturales & speculativas ad hanc non conducentes possit ex solis naturalibus cum concursu generali & ordinario DEI habere, unde nego consequentiam.

Arguitur Secundo: Potest Deus absque ullo miraculo vel injuria hominis denegare ipsi omnem omnino cognitionem: ergo quod ullam de facto habeat, aut ad hoc praestet ipsi DEUS concursum suum, sit ex speciali gratia. Consequi: patet: Probatur antec: casu, quo moreretur homo in utero, aut quo crearetur in loco, ubi nullum haberet objectum applicatum, aut quo negaretur ipsi concursus sive generalis sive specialis DEI, nullam haberet omnino cognitionem, sed ista poterant contingere sine miraculo aut injuria hominis, cum ipsi non nisi ex liberalitate DEI donentur, ergo. Confirmatur: Homo lapsus ex demerito suo ino-

bedientiae contraxit grave vulnus ignorantiae in intellectu, quo ejus vires fuerunt multum enervatae, & quasi penitus extinctae, ergo absque speciali auxilio gratiae sanante hunc defectum, non poterit ullam cognitionem veri naturalis perfecte acquirere. Consequi: patet: Tum, Quia post tale vulnus minus potest intellectus tales cognitiones efficere, quam in statu naturae integræ, ubi nullum tale vulnus habuit, sed tunc non poterat ex suis naturalibus viribus alias veritates quam naturales attingere, ergo jam inflicto per peccatum tali vulnere, non poterit sine speciali gratia DEI has ipsas veritates attingere. Respond. neg: antec: ejusque probationis min: Quia hoc ipso, quod DEUS creaverit hominem, deditque ipsi potentias & vires naturales activas ad suos connaturalis effectus producendos, non potest sine miraculo, & absque maxima injuria ipsius impedire ipsum in suis effectibus, aut denegare ipsi concursum suum universalem; quod ratione suae generalis providentiae tenetur ad omnes effectus causarum secundarum concurrere, quomodo enim fieri potest, ut homo habens intellectum & voluntatem vivat, & non sciat seipsum vivere, aut alia, sine quibus vivere non potest, ignoret? Neque ista exempla faciunt ad propositum, quia Conclusio loquitur de statu hominum; prout de facto à DEO creantur & conservantur cum integritate potentiarum, & aliis naturali cursu rerum debitis. Ad Confirm. Respond. conc: antec: & neg: consequi: licet enim intellectus humanus per peccatum primi hominis contraxerit grave vulnus ignorantiae, quo ejus vires fuerunt multum enervatae, non fuerunt tamen extinctae, aut penitus sublatae, ut definit Tridentinum Sess. cap. 6. ac proinde poterit per reliquas, quas habet vires, cum generali DEI concursu plurimum veritatum naturalium cognitionem acquirere, licet non cum tanta facilitate, sicut in statu naturae integræ, in quo multo plurimum veritatum cognitionem habuit, quam



jam supposito tali vulnere posset habere.

IV.  
Veritates  
naturales  
omnes col-  
lectivè non  
potest in-  
tellectus  
noster co-  
gnoscere  
abique gra-  
tia.

Dico Secundo : *Non potest intellectus noster pro hoc statu omnes veritates naturales collectivè aut etiam divisivè cognoscere sine speciali adjutorio divinae gratiae totius naturae physice indebito.* Et quoad primam partem communis sententia ; & quoad secundam partem contra Suarez superius citatum, ubi ait, oppositum esse communem sententiam ; eam quoad utramque partem tradit Scotus pluribus in locis & praecipue quaest. 1. Prologi §. ad primum num. II. ubi negat, substantiam cognosci à nobis pro hoc statu perfectè, aut secundum propriam rationem, sed confusè tantum, & sub ratione aliqua generali abstrahibili à sensibilibus, quod in aliis locis saepissime supponit.

Probatur Conclusio quoad primam partem, quia nullus unquam inventus est, maximè post lapsum, qui omnes illas veritates cognoverit ; quis enim unquam, quantumvis longissimà vità vixerit, & omnium naturalium donorum excellentià floruerit, potuit omnes complexiones inter causas naturales & suos effectus percipere, omnium herbarum & animalium naturas & virtutem penetrare, occultas rerum omnium essentias perscrutari, cum nec Salomon ipse, qui singularissimam in hoc genere à DEO Ter Maximo gratiam infusam accepit, credatur omnia cognovisse. Undè meritò in Scripturà Sacrà arguit DEUS ignorantiam & inscitiam hominis, Job. 38. 39. & 40. ubi plurima enumerat, quae homo naturaliter, aut ex omnibus naturae viribus non potest cognoscere ; Per quod etiam patet secunda pars conclusionis, quia nullus unquam purus homo scivit etiam divisivè rerum essentias, quidditates & naturas, cum hae sint innumerabiles propè, earumque quaedam occultissimae & difficillimae. Neque Philosophus ipse sequendo in hoc naturalis rationis ductum statuit aliud objectum motivum intellectus no-

stri pro hoc statu, quàm quidditatem rei sensibilis, undè fuit illud commune axioma ipsius : *Nihil est in intellectu, quin prius fuerit in sensu.* Et illud : *Intelligentem oportet phantasmata speculari.* Item illud : *Quod intellectus intelligit, phantasia phantasiatur* : sed quidditas rei sensibilis non includit virtualiter, aut formaliter omnes veritates, quae per se cadunt sub objecto motivo intellectus creati secundum se considerati, ergò non possunt pro hoc statu à nobis distinctè & secundum proprias rationes cognosci. Adde plurimas veritates naturales nobis innotuisse, per fidem, quas Philosophi naturales, quantumvis lumine naturae illustrati penitus ignorarunt, & nos nisi altiori lumine fidei essemus illustrati, pariter negaremus, ut existentiam accidentis in Eucharistia sine omni subjecto, positionem ejusdem corporis in duobus locis, ac duorum in uno, DEUM ad extra contingenter agere, immortalitatem animae, & plura similia, quae secluso lumine fidei per solius naturae vires cognoscere non valemus.

Arguitur : Potest homo naturaliter plures veritates cognoscere juxta primam nostram conclusionem, sed non est major ratio de illis, quàm de aliis quibuscunque veritatibus naturalibus, ergò poterit omnes cognoscere. Confirmatur : Si ad tales veritates cognoscendas requireretur gratia DEI specialis, vel hoc est per modum comprincipii concurrentis cum intellectu, eumque illustrando, vel tanquam removens impedimenta, quibus à productione suarum operationum impeditur intellectus, vel denique tanquam applicans objectum ad potentiam, sed haec omnia videntur per ipsam naturam posse suppleri, ergò. Respondi. conc: maj: & neg: min: cum paritate, quia aliquae veritates sunt faciliores scitu, & magis sensibilibus connexae, aliae verò à sensibus remotissimae, ac proinde scitu difficillimae, quas proinde nullus intellectus alligatus sensibus, nisi singulariter illu-

illustratus potest investigare, unde neg: consequ: Ad Confirm. Respon. Gratiā requiri tūm ad illustrandum intellectum per novas species, quas ab objecto non potest homo percipere, v. g. substantiae spiritualis, vel etiam materialis, dum intellectus dependet à sensibus: tūm etiam ad removenda impedimenta & distractiones occurrentes: tūm denique ad applicandum objectum, quod per se immediatè non potest movere potentiam.

Dices: Homo habet naturalem appetitum & inclinationem ad cognoscendum omnes veritates naturales, ergò potest eas naturaliter cognoscere, quia frustra videtur potentia naturalis, quæ per suas proprias vires non possit reduci ad actum. Deindè si ad ejusmodi cognitiones habendas requireretur gratia specialis, non essent naturales cognitiones, sed supernaturales, sed hoc est fallum, & contra suppositum nostrum, ergò. Respond. ad Primum, neg. consequ: quia habet homo innatum appetitum ad beatitudinem, quam tamen secundum fidem non potest propriis viribus acquirere, neque frustra est potentia vel appetitus, quæ per suas proprias vires non potest reduci ad actum, ut patet in materia prima, quæ potest & appetit omnes formas recipere, quas tamen non potest naturaliter simul aut successive habere. Ad Secundum Respond. ejusmodi cognitiones esse quidem in modo supernaturales, sicut est illuminatio cæci, quia modus producendi tales cognitiones est extraordinarius, & præter vires naturæ pro hoc statu, non sunt autem supernaturales in substantia, sicut sunt actus fidei, spei, charitatis, visionis beatificæ, &c. quæ proinde dicuntur supernaturales in substantia, quia superant omnem virtutem activam cujuscunque naturæ creatæ pro quocunque statu. Illud autem voco supernaturale quoad modum, quod licet de facto in quibusdam circumstantiis excedat virtutem talis naturæ, tamen sim-

pliciter potest haberi per naturam aliquam in aliquo alio statu positam, sicut in proposito nostro licet cognitio intuitiva rerum omnium sive collectivè sive divisivè non possit pro hoc statu ab homine haberi propter dependentiam ejus à sensibus aliisque impedimenta, quæ faciliè ipsum impediunt, non repugnat Angelo vel animæ separatæ ejusmodi cognitiones habere, adeoque sunt de facto in substantia naturales, & in modo tantum supernaturales.

## QUÆSTIO QUINTA.

An adjutorium divinæ gratiæ sit necessarium homini ad veritates practicas cognoscendas?

**H**Æc quaestio per eadem principia, quibus superior, potest resolvi, & probari, hoc solum hic Notandum est: Veritates practicas esse in duplici differentia, aliae sunt communes & universales, ut sunt prima principia practica, v. g. *Bonum est amandum, malum fugiendum: Parentes honorandi: Quod tibi non vis fieri &c.* Et Conclusiones in Philosophia morali ex talibus principiis evidenter deductæ: Aliae sunt particulares, quæ scilicet afficiuntur omnibus circumstantiis ad honestatem actus in individuo requisitis, ut sunt circumstantiæ, finis, mediocrum, loci, temporis, personæ, &c. quæ quia à pluribus circumstantiis dependent, difficilius possunt ab intellectu cognosci, quam principia communia sive speculativa sive practica, quæ à talibus circumstantiis non dependent.

Dico: *Quamvis ad cognoscendas omnes veritates practicas & morales in particulari & de omnibus agendis sine periculo errandi judicandum, necessarium sit homini lapso ad adjutorium divinæ gratiæ, quæ ejus gressus dirigunt, potest nihilominus plures veritates morales & practicas tam universales, quam particulares sine omni auxilio gratiæ cognoscere.* Est quoad utramque partem communis

I.  
Veritates  
practicas  
sunt dupli-  
ces.

II.  
Veritates  
practicas  
mores non  
possunt  
cognoscere  
ne gratia



munis sententia. Probatur prima pars omnibus rationibus, quibus conclusionem secundam praecedentis quaestionis probavi, non posse intellectum pro hoc statu sine adjutorio gratiae cognoscere omnes veritates speculativas simul aut successivè, quae ad propositum possunt applicari; vulnus enim ignorantiae per peccatum inflictum homini, non magis laedit intellectum speculativum, quam practicum, neque majores patitur homo difficultates in suis cognitionibus speculativis, quam practicis, utpotè à pluribus circumstantiis loci, temporis, personae dependentibus, ergò si intellectus sine adjutorio gratiae non potest omnes veritates speculativas simul aut successivè cognoscere, nec à fortiori poterit omnes veritates practicas sine maximo errandi periculo cognoscere, nisi adsit ipsi specialis gratia DEI.

Deindè plurimi de facto Philosophi naturales, aliaque praeclara ingenia erraverunt circa praecepta Decalogi deferentes DEUM verum, & convertentes se ad idola: alii putarunt praeceptis secundae tabulae prohiberi solum externos actus, ut v. g. adulterii &c. non actus internos, ut testatur Josephus lib. 12. Antiqu. cap. 13. ergò signum est, non posse omnes illas veritates sine gratia DEI cognosci. Denique plures veritates practicae conducunt & dirigunt ad ultimum finem, ergò non potest earum perfecta notitia sine gratia DEI haberi: *Utrumque enim donum DEI est, ut loquitur Milevit. & scire quid facere debeamus, & diligere ut faciamus.*

Secunda pars Conclus. etiam patet, quia plurimae veritates practicae maximè prima principia sunt in se facillima, & lumine naturae nota, ut bonum amandum, malum fugiendum, quod tibi non vis fieri &c. unde August. lib. 2. Retract. cap. 4. *Manu, inquit, Formatoris in ipsis cordibus veritas scripsit, quod tibi non vis fieri, alteri ne feceris.* Et Hieron. in epist. ad Algasium q. 8. *Lex, inquit,*

*quae in corde scribitur, omnes continet nationes, & nullus est, qui hanc legem nesciat, ergò ad cognoscendum plures veritates practicas non est necessario recurrendum ad speciale adjutorium gratiae DEI.* Deindè constat idem per rationes, quibus praecedenti quaest. ostendi posse intellectum nostrum cognoscere plures veritates speculativas sine speciali ullà gratiâ DEI, quae ad propositum possunt applicari. Denique nil est facilius, quam in generali cognoscere bonum esse faciendum, malum fugiendum, parentes honorandos, & plura similia, quae etiam pueri sine ulla difficultate sciunt, ergò in his non est recurrendum ad speciale auxilium gratiae.

Dices: Intellectus noster sicut se solo potest sine omni gratia aliquas veritates morales & practicas cognoscere, ita videtur sufficere ad omnes cognoscendas, cum nulla sit, quae magis ejus captum superet, quam alia, adeoque vel nullam vel omnes simul poterit cognoscere. Respond. non esse eandem rationem, de cognoscendis quibusdam veritatibus practicis, iisque paucis, & per se notis, ac de omnibus; quia in primis aliquae veritates practicae sunt nimis universales & per se notae, quae proindè sine omni difficultate possunt ab intellectu cognosci, aliae vero sunt difficiles, & à sensibus & captu nostro valde remotae propter multiplices, quas habent, circumstantias loci, temporis, personae, finis, motivi, &c. quae nunc magis nunc minus impediunt potentias nostras. Deindè aliquae sunt veritates morales, quae conducunt & dirigunt ad ultimum finem nostrum, & quae proindè non possunt à nobis sine gratia cognosci, de quibus non est eadem ratio, ac de aliis veritatibus practicis, quae ad talem finem per se non conducunt.

Arguitur contra secundam partem, 2. Corinth. 3. *Non sumus sufficientes cogitare aliquid ex nobis, sed sufficientia nostra ex DEO est.* & Concil. Milevit. Can. 4. *Utrumque donum DEI*

121.  
Veritates  
practicas a-  
liquas sine  
gratia pos-  
sunt intelli-  
gi.



DEI est, & scire, quid agere debeamus, & diligere, ut faciamus. Et Arausic. 2. Can. 9. Divini muneris est cum rectè cogitamus, & pedes nostros à falsitate & injustitia tenemus. & Canon. 22. Nihil habet homo de suo, nisi mendacium & peccatum. Si quis autem veritatem & justitiam habet ab illo fonte, quem omnes sitire debemus in hac eremo, ergò juxta mentem Scripturæ & Concil. nullam veritatem moralem & practicam potest homo ex propriis viribus sine gratia DEI cognoscere. Respond. Apostolum imprimis non loqui de quacunque cogitatione, sed de cogitatione salutari ac sancta, quæ ad justitiam & pietatem confert; sicut ipsum in dicto loco exponit, & intelligit Augustinus lib. 1. de prædestin. Sanct. cap. 2. Nec aliud voluerunt Concilia adducta, egerunt enim Concilia contra Pelagianos, aliosque hæreticos, qui necessitatem divinæ gratiæ ad opera pietatis penitus negarunt; adscribentes omnia opera nostra viribus liberi arbitrii; Contra quos proinde definiunt Concilia, hominem non posse scire aut cogitare, multò minus agere quidpiam, quod ad pietatem, justitiam, & æternam salutem conducatur sine gratia DEI, prout clarius ostendit Concil. Arausic. Canon. 7. Si quis, inquit, per naturæ vigorem bonum aliquod, quod ad salutem pertinet vitæ æternæ, cogitare, ut expedit, aut eligere posse affirmat absque illuminatione & illustratione Spiritus S. hæretico fallitur Spiritu, non intelligens vocem Domini in Evangelio dicentis, sine me nihil potestis facere, & illud Apostoli: Non sumus idonei cogitare aliquid ex nobis &c. ubi definit solummodò Concilium, cogitationem illam aut cognitionem, quæ ad pietatem & justitiam confert, non posse à nobis sine gratia DEI habere, quod libenter concedo, sed cum hoc benè stat, quod alias cognitiones morales, quæ ad pietatem aut salutem non ita pertinent, aut conducunt, possit homo sine omni gratia habere.

Dices: Omnem cognitionem & cogitationem veri moralem, ut DEUM

esse amandum, præcepta servanda, parentes honorandos, ad salutem & pietatem conducere, ergò juxta dictum jam Concilium, hæreticum est asserere talem cogitationem, aut cognitionem posse sine gratia DEI haberi. Respond. neg. antec: non enim omnis cogitatio bona moralis ad veram pietatem & justitiam, de qua loquitur Concil. pertinet, sed ea duntaxat, quæ ad gratiam justificationis, vel ad meritum vitæ æternæ ordinatur aut disponitur, quia nulla opera nostra ad veram pietatem, justitiam; aut salutem æternam faciunt, nisi propter DEUM fiant, & ad ipsum aliquomodo referantur, quomodo non est opus omnes cogitationes nostras circa veritates morales & practicas referri.

Arguitur Secundo: Si nostris viribus sine gratia DEI possemus cognoscere verum morale, haberet homo undè posset gloriari, contra illud Apostoli 1. Corinth. 4. Quid habes, quod non accepisti, si autem accepisti, quid gloriaris, quasi non acceperis? Respond. Apostolum loqui contra eos, qui sibi tribuebant ea, quæ verè ad gratiam pertinent, ut sunt fides; & alia opera supernaturalia, quæ omnes naturæ vires superant; & quæ sibi tanquam propria adscribebant Corinthii; ab Apostolo ibi acriter reprehensi; nam ut docet Augustinus lib. 1. de prædestinatione Sanctorum, cap. 4. & 5. Illi, quos Apostolus reprehendit, non gloriabuntur de forma, sanitate, ingenio, aut ullo naturali dono; sed de donis, quæ pertinent ad salutem, & pietatem, undè ait Apostolus: quis est, qui te discernit, id est, undè habes, aut quis tibi dedit, ut fidelis esses, quid habes, quod non accepisti? Adde etiam in ipsis naturalibus non esse nobis gloriantum, sed in DEO, à quo naturam, & vires omnes naturales accepimus, & sine cujus generali ad minus auxilio nil possumus.

Quæres: An intellectus noster ex propriis viribus possit cognoscere aut consentire aliquibus propositionibus fidei, aut ullas veritates su-

(\*) Mmm

IV.  
Credere nō  
potest ali-  
quis sine  
adjutorio  
gratiæ Dei.  
per-































rem naturæ, & quem totius Universi Creatorem & Conservatorem agnoscit, esse super omnes creaturas, quas ipse condidit, amandum, eiq; magis quam ulli creaturæ adhærendum, ergo poterit similiter voluntas humana sibi relicta & non impedita eundem DEUM Authorem suum & Benefactorem propriis viribus super omnes creaturas amare. Min: patet: Probatur maj: Sicut Ens ut sic sub ratione veri est objectum adæquatum intellectus humani, ita idem Ens sub ratione boni est objectum adæquatum voluntatis humanæ, ergo sicut potest intellectus humanus suis propriis viribus sine auxilio gratiæ procedere & tendere in DEUM Authorem naturæ cognoscendo ipsum sub ratione veri, ita poterit voluntas humana sine ulla gratia tendere in eundem volendo & amando sub ratione boni. Probatur consequ: Voluntas humana non est minoris activitatis in ordine ad ea, quæ sub suo objecto adæquato continentur, ergo si potest intellectus propriis viribus sine auxilio gratiæ DEUM tanquam Authorem naturæ, & bonorum omnium Largitorem cognoscere eumque sub hac ratione voluntati super omnia diligendum proponere potest, poterit & voluntas sub eadem ratione velle & amare ipsum super omnia sine ullo auxilio gratiæ, utpotè, quæ nulla ratione potest dici magis necessaria voluntati, quam intellectui in ordine ad actus ejusdem ordinis.

Probatur Secundò: Voluntas humana non est magis per peccatum vitata, neque ejus vires magis enervatæ, quam sunt vires intellectus, ergo si non obstante vulnere peccati, potest intellectus sine ullo auxilio gratiæ cognoscere DEUM tanquam Authorem naturæ esse super omnia diligendum, eumque voluntati sub ea ratione practice propugnare, poterit voluntas propriis viribus & sub eadem ratione eundem velle & amare, & hinc Apostolus ad Rom. 1. meritò objurgat gentiles, quia cum naturaliter & ex crea-

turis cognoverint DEUM esse Authorem naturæ, & omnium naturalium donorum Largitorem, & totius universitatis Conservatorem, eum nihilominus non sicut DEUM glorificaverunt, aut coluerunt: *Invisibilia, inquit, DEI à creaturâ mundi, per ea, quæ facta sunt, intellecta conspiciuntur, sempiterna quoque ejus virtus & divinitas, ita ut sint excusabiles, quia cum cognovissent DEUM, non sicut DEUM glorificaverunt, aut gratias egerunt.* Ubi supponit Apostolus non minus potuisse gentiles per voluntatem amare & glorificare DEUM ex creaturis cognitum, quam per intellectum eundem cognoscere, & ex creaturis colligere.

Probatur Tertiò: Si legè ipsa gratitudinis potest & debet homo amare & quantum in ipso est, regratificari proximo, cui est multum obligatus, & à quo plurima recepit beneficia, quantum magis debet super omnia alia amare & revereri DEUM, quem ex ipso lumine naturæ sui Authorem cognoscit, qui dedit ipsi esse & vivere, eumque in suo esse perpetuò conservat, & omnia naturalia dona corporis & animæ concessit: aut cur non propter hæc ipsa dona meritò deberet homo gratias agere DEO, eumque super omnes, quas condidit, creaturas amare, eligendo potius omnes, quam ipsum offendere, idque non tantum amore concupiscentiæ, & quia nobis per sua dona proficius, sed etiam amore amicitiae, & quia in se summè bonus & ex sua infinita bonitate super omnia diligendus.

Agitur Primò contra Primum: V.  
Dilectio  
DEI & charitas  
quantum  
pro eadem  
accipiuntur  
In Scripturis, Patribus, & Conciliis pro Synonymis semper accipiuntur dilectio DEI super omnia, & charitas DEI, neque alterius dilectionis DEI, quam ejus, quæ ex charitate est, ullam faciunt mentionem, sed charitas DEI ex DEO est, 1. Johan. 4. *Fructus autem Spiritus est.* ad Galat. 5. *Diffunditur in cordibus nostris per Spiritum Sanctum.* ad Rom. 5. ergo non potest dilectio DEI haberi propriis viri-























plura opera moraliter bona & virtuosa sine ullo adjutorio gratiae, ut amare DEUM super omnia amore naturali, operire nudum, subvenire pauperi extremè laboranti, vitare plura peccata ex bono motivo, & honesto fine, & pleraque praecepta Decalogi quoad substantiam adimplere, sicut haftenus docui, & de facto videmus in plurimis etiam haereticis fieri, qui opera misericordiae erga proximum exercent, & ex naturali quadam honestate ab illicitis & prohibitis abstinere: sed non est possibile, quòd DEUS justus Judex & aequus Arbiter intuitu talium operum non moveatur aliquomodo ad largiendum ipsi suam gratiam, vel ad minus non sentiantur magis dispositi ad recipiendam gratiam, quàm qui talia opera nullo modo exercent, ergò potest homo ex solis naturae viribus se disponere aliquomodo ad recipiendam gratiam DEI.

Respondet Vasquez Disp. 199. art. 2. n. 7. & acriter reprehendit aliquos Recentiores Theologos, quos tacitis nominibus citat, eò quod docuerint, DEUM propter aliqua opera bona ex naturae viribus facta, dare quandoq; primum auxilium gratiae, non ex justitia aut promissione ulla certa & infallibili, sed ex merà misericordiā & quadam quasi congruitate, quia scilicet congruum est, ut benè operanti & facienti, quod in se est, DEUS det auxilium gratiae, quo plura possit operari, quia, inquit Vasquez, non potest tamen temperari opinio Massiliensium, qui initium salutis posuerunt in homine, & gratiam secundum merita dari nostra: quia si detur auxilium gratiae intuitu bonorum operum solius liberi arbitrii, etiamsi nulla intercedat promissio vel debitum, non dabitur omninò gratis, aut ex sola misericordia, sed ex quadam gratitudine & secundum merita nostra.

Respond. igitur Secundò, conc. maj: quoad omnes suas partes, & neg: min: & consequ: loquendo de positiva ulla dispositione ad gratiam; licet enim possent homines ex

solis naturae viribus plura ejusmodi opera elicere, negant tamen Patres & Concilia eos per hæc mereri, aut ullatenus movere DEUM ad largiendum ipsi suam gratiam, maxime quoad primum ejus auxilium, sed merè gratuito & sine ulla dispositione, motivo, vel occasione ex parte nostra ab ipso dari, quibus, quando, quoties, & quantum vult, ne ex ejusmodi occasionis aut dispositionis assertionem daretur ansa evacuandi gratiam DEI, aut initium salutis in homine constituendi, dum non omninò gratis, sed secundum merita nostra daretur. Nec valet dicere, tales homines frustra sic laborare, & gratis ejusmodi opera elicere, quia esto per talia opera non mereantur primum auxilium gratiae, nec ad ipsum se positivè disponant, fiunt tamen per ea magis negativè dispositi, hoc est, minus indispositi, quàm illi, qui talia opera non exercent, quia minoribus peccatis & vitiis involuti, deinde in hoc mundo accipiunt mercedem aliquam temporalem propter sua opera, & si finaliter damnantur, mitius puniuntur.

Pro Coronide hujus Disputationis, & ut Scotum nostrum de variis quorundam contumeliis & calumniis circa gratiae necessitatem defendam. Notandum, eum ab aliquibus Doctoribus, praesertim ex Societate JESU, in hac quaestione de necessitate gratiae graviter & indignè censurari, quasi docuisset, posse hominem ex propriis viribus, & sine ullo auxilio gratiae se disponere ad gratiam recipiendam, & credere, sperare, diligere, & poenitere sicut oportet, & requiritur ad peccati deletionem, & gratiae divinae infusionem, quem proinde eorum aliqui non verentur Massiliensibus haereticis & Semi-Pelagianis annumerare, quasi cum ipsis initium salutis naturae tribuisset, & gratiam secundum merita nostra dari, praecipue in 4. dist. 14. q. 2. n. 14. & 15. Et in 2. dist. 27. q. 1. n. 23. Et in 2. dist. 28. q. un. n. 7. & 8. & alibi saepius, in quibus videtur dicere posse





QUÆSTIO PRIMA.

De Efficacia adiutorii divinae gratiae.

I.  
Gratia effi-  
cax descri-  
bitur.

**E**fficax gratia divina secundum omnes est illa, quæ semper & infallibiliter habet sibi conjunctum effectum taliter, ut nunquam contingat illo frustrari, unde in Scriptura sæpius vocatur *secundum propositum*, quæ scilicet ita vocantur homines à DEO, ut infallibiliter sequantur vocantem, eamque vocat D. Augustinus *vinctricem delectationem*, per quam aufertur cor lapideum, & datur cor carneum, quæ facit, ut faciamus, & ita dat posse, ut certò det velle. Tota ergò difficultas est de radice hujus efficaciæ, unde scilicet gratia habeat tantam efficaciam, aut infallibilem connexionem cum suo effectu, ut nunquam contingat eo frustrari.

II.  
Gratiæ di-  
vinæ effica-  
ciam expli-  
cant Tho-  
mistæ per  
prædeter-  
minationem.

Prima sententia communiter ascribitur Thomistis, qui docent, efficaciam gratiæ provenire à qualitate quadam supernaturali, à DEO voluntati immissa, quam prædeterminationem physicam vocant, & quæ secundum ipsos ita efficaciter determinat voluntatem ad consensum & opus, ut nec per DEI potentiam possit ab effectu separari. Dicitur autem *Prædeterminatio*, quia præcedit voluntatis creatæ determinationem. Et dicitur *Physica*, ut excludatur determinatio moralis, quæ fit suggestionem, consilio &c. Secundum aliquos consistit in ipsa actione physica præviè determinante voluntatem ad consensum: Secundum alios consistit in motionem actualem, vel aliqua qualitate physica & creata, quæ ita determinatur voluntas ad consensum, ut eam positam impossibile sit, non sequi effectum.

Probant Fautores hujus sententiæ his rationibus: Primò, ex Autoritate Scripturæ, ad Roman. 9. *Moyse enim dicit: Miserebor cujus misereor: & misericordiam præstabo, cujus miserebor. igitur non volentis, neque currentis, sed miserebor est Dei.*

Ubi conversionem unius fidelis præ alio refundit in solam divinam gratiam, adeoque DEUS prædeterminat totaliter hominem ad credendum & ad se sequendum, unde Div. Augustinus lib. 1. ad Simplicianum q. 2. ait: *Si propterea solum dictum est, non volentis neque currentis est hominis, sed miserebor DEI, quæ voluntas hominis sola non sufficit, ut justè rectèque vivamus, nisi adjuvetur misericordia, potest & hoc modo dici, quia non miserebor est DEI, sed volentis est hominis, quia misericordia DEI sola non sufficit, nisi consensus nostræ voluntatis addatur. Et paulò post: Ad illud, inquit, manifestum est, frustra nos velle, nisi DEUS misereatur, illud autem nescio quomodo dicatur, frustra DEUM miserebor, nisi nos velimus, si enim miserebor etiam volumus, ad eandem quippè misericordiam pertinet, ut velimus, DEUS enim est in nobis, qui operatur in nobis & velle.*

Probant itidem ex illo ad Ephes. 2. *DEUS est enim, qui operatur in nobis & velle, & operari pro bona voluntate*, sed velle nostrum non potest operari, nisi vel ipsum producendo, vel voluntatem prædeterminando, ergo.

Probant Tertiò ex D. Augustino variis in locis, docente gratiam se habere respectu voluntatis, sicut sessor respectu equi, sed sessor non solum præbet equo rectum cursum, sed etiam physicè applicat ad hanc vel illam viam capiendam, ergo etiam similiter gratia determinat physicè voluntatem ad agendum.

Probant Quartò ex illo communi axioma: *Omne movens movet, in quantum movetur ab alio*, sed voluntas est movens, ergo in tantum movet, in quantum ab alio: Subsumunt: sed DEUS est causa prima, sine qua causæ secundæ nihil operari possunt, & quæ necessariò à DEO motum accipere debent, ergo in tantum operatur gratia in homine, in quantum à DEO prædeterminatur.



postquam semel accepit à DEO ipsam qualitatem prædeterminantem, non amplius est in potestate ipsius resistere gratiae, aut consensum denegare, quia ad agendum & consentiendum est per talem qualitatem determinata.

Si huic responsioni opponatur definitio Concilii Trident. Sess. 6. Can. 4. ubi expressè definitur, voluntatem humanam per nullam præviam motionem cujuscunque qualitatis necessitari ad agendum: *Si quis, inquit, dixerit, liberum hominis arbitrium à DEO notum & excitatum (ecce sensus compositus) nihil operari assentiendo DEO vocanti & excitanti, neque posse dissentire, si velit, anathema sit.* Ad eòq; ex mente Concilii, non obstante motione actuali gratiae, aut alterius qualitatis præviae in voluntate, poterit adhuc etiam in sensu composito dissentire, & consensum negare. Respondent, posse quidem in sensu composito gratiae ejusque motionis voluntatem humanam resistere & dissentire, non autem in sensu composito ipsius qualitatis prædeterminantis, hoc est, positâ gratiâ ejusque motione actuali in voluntate posse adhuc non obstâre talimotione voluntati resistere, & negare consensum, quod negavit Calvinus, contra quem est iste locus Tridentini: Secus verò esse in sensu composito istius qualitatis prædeterminantis, quæ ita fortiter & firmiter prædeterminat voluntatem ad agendum, ut eâ semel positâ non possit amplius voluntas actum suspendere, aut consensum negare. Neque contra hoc quidquam facere Canonem Tridentini, qui de solo sensu composito gratiae, ejusque motionis potest intelligi, prius enim secundum aliquos est poni gratiam, ejusque motionem in voluntate, quam à DEO per istam qualitatem determinari ad agendum, undè quantumvis ex Trident. possit voluntas humana à DEO in illo priori per suam gratiam mota & excitata resistere gratiae, aut eam abjicere etiam in actu secundo & in

sensu composito, non potest tamen resistere in sensu composito istius qualitatis prædeterminantis, neque hoc convincitur ex Tridentino.

Secundâ sententia est Patrum Societatis prior à diametro opposita, quæ constituit efficaciam gratiae in quadam congruitate vocationis, quæ fundatur in scientia DEI, quam conditionatam vocant, quâ prævidet DEUS Petrum, v. g. convertendum infallibiliter, si in talibus circumstantiis loci, temporis & occasionis vocaretur, ita ut gratia effitax vocetur ab his Doctoribus *Congrua vocatio*, quia scilicet hic & nunc in his circumstantiis loci, temporis, occasionis, & dispositionis personæ vocatur, in quibus prævidit illum DEUS consensurum, si vocaretur, undè secundum hanc sententiam cum minori gratia data in talibus circumstantiis converteret se homo, qui in aliis circumstantiis fortiori & majori gratiae resisteret, ita ut tota efficacia gratiae secundum illos consistat præcisè in hoc, quod datur in talibus circumstantiis, & in tali occasione ac dispositione voluntatis humanæ, in quibus DEUS ab æterno sua scientiâ conditionatâ prævidit illam consensuram, si daretur ipsi gratia.

Hanc sententiam probant Primò ex Scripturâ Sacrà, ad Rom. 8. ubi dicitur: *Quos DEUS præscivit, & prædestinavit, conformes fieri imaginis Filii sui, quos autem prædestinavit, hos & vocavit, hos & glorificavit.* ubi Apostolus in serie prædestinationis & vocationis divinæ ponit primò omnium præscientiam DEI, ergò ex mente Apostoli, antequam DEUS prædestinasset aut vocasset electos, præscivit, quid essent facturi habitâ gratiâ ipsius, ergò ulterius radix efficaciae gratiae, & congruitas vocationis debet in talem præscientiam refundi.

Probatur Secundò ex D. Augustino lib. 1. ad Simplicianum 2. admittit vocationem congruam, sed hæc congruitas non potest aliter explicari quam per ordinem ad præ-

IV.  
Modus Jesu  
suarum re-  
concilian-  
di cum li-  
bertate gra-  
tiae effica-  
ciam ex sci-  
entia me-  
dia.



autem hanc sententiam parum differre à priori, quia idem inconveniens sequitur ex eo, quod efficacia gratiae petatur à dispositionibus, & circumstantiis personae, ac in ipsius voluntatis refundere cooperationem. Idem enim videtur dicere, quod DEUS videat voluntatem humanam in his, vel in illis circumstantiis consensuram, & bene operaturam, si haberet gratiam, quam proinde in talibus circumstantiis ipsi confert, ac dicere, quod idem ultimatè & radicaliter gratia sit efficax, quia voluntas in his circumstantiis est consensura, & cooperatura, non quia gratia ex se est talis naturae, ut faciat eam infallibiliter operari & consentire.

Istam opinionem probant illius Authores & defensores hoc modo: Primò ex Concilio Tridentino sæpè citata Sess. 6. ubi definitur, quod gratia quantumvis efficax & intensa non potest habere effectum absque consensu & cooperatione voluntatis humanae, potestque secundum Tridentinum à voluntate rejici, & suo effectui frustrari, ergò quod habeat effectum, vel non habeat, provenit præcisè ex cooperatione & consensu voluntatis: ergò ulterius ex eadem cooperatione habet gratia, quod sit, vel non sit efficax. Probatur ultimò: Quia indè provenit efficacia gratiae, undè provenit infallibilis connexio effectus cum illà, sed hæc provenit ex cooperatione voluntatis humanae, ergò & efficacia gratiae. Confirmant: de fide est, liberum arbitrium posse resistere gratiae, ergò potest facere, ut non sortiatur effectum, neque sit efficax, ergò ulterius præcisè idem est gratia efficax, quia voluntas non resistit, sed potius cooperatur ipsi.

Probant Secundò ex D. Augustino de Prædestinat. & grat. cap. 13. ubi inquit, cur Nabuchodonosor à DEO flagellatus egerit poenitentiam, & Pharaon similiter flagellatus non egerit, sed potius fuerit induratus. Respond. ex libertate voluntatis utriusque contigisse his verbis: *Am-*

*bo homines, ambo reges, ambo populum DEI captivum possidentis, ambo clementer admoniti, cur ergò medicamentum unius medici manu confectum, alii ad interitum, alii valuit ad salutem, quod fines eorum facit esse diversos, nisi quod unus manum Domini sentiens in recordatione propria iniquitatis ingemuit, alter libero contra DEI misericordiam pugnavit arbitrio.* ubi S. Doctor supponit utrumque æqualiter advocatum & flagellatum, & tantum unum ex libertate suà non resipuisse, & alterum acceptasse gratiam, ergò ex mente Augustini, non ex vocatione DEI, aut entitate gratiae, quæ in utroque isto rege supponitur æqualis, sed ex libera cooperatione & consensu voluntatis humanae provenit efficacia gratiae. Confirmant ex eodem August. lib. 12. de Civit. DEI. cap. 6. ubi causam malae voluntatis inquirens, asserit, posse fieri, ut ex duobus quoad animam & corpus æquè affectis æquali gratiâ donatis, eadem tentatione vexatis unus succumbat, & alter non succumbat, & victoriam illius sicut & casum alterius in liberum refundit arbitrium, ergò ex mente Augustini radix efficaciae in gratia reduci debet ultimatè ad voluntatis arbitrium, quæ pro suo libitu potest ipsi cooperari. Probatur consequentia, quia alioquin deberet S. Augustinus victoriam tentationis in casu proposito gratiae, & non voluntati adscribere, quod tamen non facit.

Si opponantur ipsis Scripturae, 1. Corinth. 4. *Quis est, qui te discernit? quid habes, quod non accepisti, si autem accepisti, quid gloriaris, quasi non acceperis?* Et alibi sæpè, ubi dicitur, non esse volentis &c. ex quibus videtur, quod si efficacia gratiae ex cooperatione proveniret, quod homo posset seipsum ab alio discernere; sibi aliquid tribuere, si enim duæ essent æqualis gratiae, unus posset cooperari, & alter non, qui cooperaretur utique se ab alio discerneret, qui non cooperaretur. Respondent ipsi in tali casu conversum



itaque nec illi debent sibi tribuere, qui venerunt, quia vocati venerunt, nec illi, qui noluerunt venire, debent alteri tribuere, sed tantum sibi, quoniam, ut venirent, vocati erant in eorum libera voluntate; propterea, & si quisquam sibi tribuat, quod vocatus venerit, non potest sibi tribuere, quod vocatus esset, quia ut invocatus etiam venit, sicut non habuit meritum praemii, ut vocaretur, sic inchoat meritum supplicii, cum vocatus venire neglexit. Idem habent alii Patres communiter, & constat ulterius ex Concilio Colonienfi Anno 1536. Quamquam, inquit Concilium, nemo convertatur ad Dominum, nisi tractus per Patrem, attamen nemo excusationem praetexat, quod non trabatur, cum ille semper stet ad ostium pulsans per internum & externum verbum commonens, ut convertamur a via nostra pessima.

Quibus omnibus adde Declarationem Innocentii X. anno 1653. contra Jansenium ejusque Sectatores in Bulla, quae incipit: Cum ex occasione impressionis libri: ubi inter alias ejus propositiones hanc in ordine secundam tanquam haereticam & erroneam damnat: Gratiae interiori in statu naturae lapsae nunquam resistitur. Ex qua definitione Pontificis sic breviter argumentor: Haereticum est & definitioni Pontificis contrarium asserere, nullam dari gratiam veram internam, cui de facto & in statu naturae lapsae quandoque resistitur, ergo de hinc est, dari aliquam gratiam internam, cui sic actualiter & in effectu quandoque resistitur. Sed gratia, cui sic resistitur, non potest esse aut dici efficax gratia, cum secundum ipsum Jansenium & veritatem sit ita infallibiliter conjuncta cum effectu, ut nunquam contingat eo frustrari, ergo ex mente & definitione Pontificis praeter gratiam efficacem datur alia gratia verè interna & sufficiens, qui pro statu naturae lapsae sapientius resistitur, de qua pròinde hortatur Apostolus 2. Corinth. 6. Ne in vacuum gratiam DEI recipiamus.

Et 1. Timoth. 4. Noli negligere gratiam, quae in te est.

Aguitur Primò: Si daretur ulla gratia interna, quae non esset efficax, sed sufficiens tantum, posset homo cum ea sola bene agere, & suam salutem operari, sed impossibile est hominem cum sola gratia sufficienti bene agere, aut comparare sibi salutem, ergo nulla talis gratia est admittenda. Maj: patet: Quia idem praecise datur ulla gratia homini, ut quod per naturam non potest facere, possit per gratiam, suam videl. salutem operari, & ad DEUM converti. Probatur ergo min: Si cum sola gratia sufficienti posset homo operari suam salutem, esset hoc ipso efficax, & non sufficiens tantum, cum reipsa & actualiter sit conjuncta cum suo effectu, sed impossibile est eandem entitatem gratiae transire à sufficienti in efficacem, sicut nec ulla species potest transire in suam conspeciem, ergo vel cum sola gratia sufficienti non potest operari homo suam salutem, vel certè nulla talis, quae esset sufficiens tantum; & ab efficaci distincta, est admittenda.

Confirmatur: Gratia illa sufficiens tantum, vel habet quandoque & in aliquo individuo suum effectum, vel nunquam habet? primum dici non potest, quia secundum nos tam certum est & infallibile, gratiam sufficientem nunquam habituram effectum, quam est infallibile, gratiam efficacem nunquam eo frustrari. Si secundum, ergo frustra & sine ulla utilitate datur homini talis gratia. Probatur consequentia. Illa gratia, quae in nullo unquam individuo habet ullum effectum, nec quidquam in homine operatur, est inutilis & frustranea, ergo si gratia sufficiens se sola nihil in homine operatur, nec ullum habet unquam effectum, est inutilis & frustranea. Respond. neg: maj: si sic intelligatur, ut per solam gratiam efficientem sine ulteriori & efficaciori auxilio possit homo operari salutem suam, potest quidem homo cum gratia sufficienti bene agere, in quantum ea mediante

)\* ( R r r

potest



potest orare & DEUM rogare pro ulteriori & efficaciori gratia, cum qua possit ultimè bonè agere, sed cum ea sola sine ulteriori gratia in re ipsa nunquam habebit effectum ultimum: Pro cujus intelligentia.

VIII.  
Effectus  
gratiae du-  
plex est, ul-  
timatus &  
non ul-  
timatus.

Notandum: Duplicem posse considerari effectum gratiae sufficientis, ultimum scilicet, & non ultimum. *Effectus ultimus* gratiae dicitur ille, qui ultimè & principaliter intenditur ab autore ejus, & in ordine, ad cujus consecutionem dat homini gratiam suam. *Effectus non ultimus* est medium quoddam ad obtinendam ulteriorem gratiam, per quam possit effectus ultimus produci, diciturque gratia sufficiens in ordine ad ulteriorem gratiam illam obtinendam, sed insufficiens se sola ad producendum ultimum effectum, v. g. DEUS per suam gratiam sufficientem inspirat peccatori, ut agat poenitentiam, vel haereticum, ut ad fidem convertatur, sicut multoties sentiunt plurimi tales inspirationes, sed quia ista gratia aut inspiratio non est tam potens aut efficax, ut faciat fidem aut conversionem in DEUM magis placere homini, quam placent opposita motiva à conversione & fide retrahentia, hinc non potest homo cum ea sola converti, aut in DEUM credere, sed debet, ut loquitur Tridentinum, *cum ea facere quod potest, & petere, quod non potest*; unde in forma distincta: min: tam est infallibile, gratiam sufficientem se sola non habituram effectum ultimum, quam gratiam efficacem eo nunquam frustrari, conced: effectum non ultimum, neg: min: & consequ: Nec valet dicere, illam gratiam esse frustraneam, quia ejus fructus & utilitas in eo cernitur, quod inspirat homini, quid debebat facere, & ad quem pro ulteriori auxilio debeat in necessitate confugere.

Dices: Si gratia sufficiens se sola haberet ullum effectum, non posset commodè distinguì à gratia efficaci, sed hoc est contra nos, ergò. Pro-

batur maj: in hoc principaliter distinguitur gratia efficax à sufficienti, quòd illa habeat effectum sibi semper conjunctum, hæc verò nunquam, sed in sua sola sufficientia & possibilitate consistat, ergò si gratia sufficiens habet quandoque se sola effectum, non poterit commodè distinguì à gratia efficaci. Respond. esto gratia sufficiens habeat aliquando suum effectum, sufficienter adhuc distinguì ab efficaci per hoc, quòd gratia efficax habeat sibi semper & infallibiliter conjunctum effectum, sufficiens verò non, nisi valde fallibiliter, & ita, ut in plerisque ipsi resistatur. Deindè gratia efficax habet sibi conjunctum ultimum effectum, sufficiens verò non nisi immediatum & proximum.

Arguitur Secundo: Si daretur gratia ex natura sua sufficiens tantum, vel daretur omnibus indifferenter hominibus, parvulis & adultis, fidelibus & infidelibus, idque semper & pro omni tempore, vel aliquibus tantum, & aliquando: non primum, quia frustrà & in perniciem potius, quam in utilitatem daretur gratia illis, qui vel nolunt cooperari cum possint, ut sunt plurimi adulti, fideles & infideles, qui, ut loquitur Scriptura, *Spiritui Sancto semper resistunt*, vel non possunt velle & cooperari, ut sunt parvuli; ad quid autem daret DEUS suam gratiam illis, quos prævidet abusus, & minimè obtemperaturos, nisi velit eorum peccatum aggravare, & ex hoc poenam multiplicare, ac sic in perniciem magis quam in utilitatem ipsis cedere. Si secundum, ergò injuria fit illis, quibus nulla gratia sufficiens vel efficax confertur, neque poterit illis imputari ullus actus, quantumvis malus in peccatum, cum nec possint vitari peccata sine gratia, quæ ipsis denegatur, nec peccent in eo, quod vitare non possunt, & insuper convincitur DEUS acceptor personarum, cum aliquibus potius quam aliis suam gratiam conferat, cum tamen deberet illi esse æqualis cura de omnibus, cum om-

nes indifferenter homines salvos fieri, & ad cognitionem veritatis venire velit. Respond. in sequentibus ostendendum, quibus datur gratia sufficiens, an omnibus vel aliquibus? & quibus? illud enim in praesenti certum est, eam de facto dari pluribus, qui nec inspirationi acquiescunt, nec gratiae ullatenus cooperantur, sed, ut loquitur Apostolus, *Gratiam DEI in vacuum recipiunt*, & Spiritui Sancto interiori inspiranti resistunt, & cum quaeritur, ad quid DEUS similibus suam gratiam daret. Respond. posse similiter interrogari, quare Christus praedicaverit Judaeis & signa ac virtutes fecerit in Corozaim & Betzaida, quos tamen optime novit non convertendos nec credituros, quare item DEUS ab initio reliquit hominem in manu consilii sui exponens ei bonum & malum, vitam & mortem, ei que ad perseverandum suam gratiam non exhibuerit, quem tamen ab aeterno praescivit calurum, & sibi ac posteris originalem justitiam perditurum, quare denique de facto dedit legem & praecepta pluribus, quorum inobedientiam & transgressionem praevидit, de quibus possent similiter conqueri, quod magis in ruinam & damnationem, quam in fructum & utilitatem ipsorum cedat, & plura similia, quae nefas esset dicere, DEUM frustra fecisse, quantumvis homines ex sua perversitate eis abutantur, & ex defectu cooperationis suo sine frustrentur, & sicut non frustra praedicavit DEUS Judaeis, aut signa fecit in Corozaim & Betzaida, quantumvis ei non crediderunt, ita nec frustra dat etiam suam gratiam illis, qui resistunt & nolunt cooperari, sed in utroque ostendit suam bonitatem & misericordiam erga genus humanum dando ipsis talia auxilia ad salutem, quibus si velint cooperari & bene uti, impetrarent a DEO ulteriora auxilia, quibus re ipsa converterentur, & bene agerent. Nec refert, quod talibus gratia sit magis in perniciem quam in utilitatem, quia *perditio tua ex te Israel*, sic praedicatio Evangelii, patratio

miraculorum, mors & passio Christi fuerunt Judaeis in ruinam & scandalum, juxta illud ipsius Salvatoris: *Nisi venissem & locutus eis fuissem, peccatum non haberent, nunc autem excusationem non habent de peccato suo.* Sic etiam buccella dominica tempore coenae fuit Judae in perditionem: *Non*, inquit Augustinus tract. 26. in Joann. *quia malum accepit, sed quia bonum male malus accepit.* Sic etiam in proposito gratia cedit in perniciem & damnationem multorum magis quam in fructum & utilitatem, non quod gratia non sit ex se bona & ad bonum finem & utilitatem ipsorum a DEO collata, sed quia ipsi ex sua perversitate abutantur gratia ipsius, nec cum possint, volunt cooperari, aut suam salutem prosequi.

Ad illud de acceptione personarum dico, si DEUS det suam gratiam omnibus, si aliquibus tantum, nulli tamen facere injuriam, quia neque illis, quibus confertur, neque illis, quibus denegatur, ullam ratione debetur, sed ex sola misericordia datur quibusdam & ex summa justitia aliis denegatur ab eo, qui, cujus vult, misereatur, & quem vult, indurat, neque illi, quibus subtrahitur, possunt conqueri, quod injuste illis subtrahatur, & aliis conferatur, nisi forte sint ex illorum numero, quibus propter similem invidiam a Domino dictum est: *Nunquid oculus tuus nequam est, quia ego bonus sum, an non mihi licet facere de meo, quod placet, tolle quod tuum est, & vade*; nec per hoc dicendus est DEUS acceptor personarum, quia vitium acceptionis personarum habet solummodo locum in iis, qui secundum justitiam praesertim distributivam aliquid aliis debent, sicut DEUS quantum ad dona gratiae nemini quidquam debet, adeoque sine nota injustitiae vel acceptionis personarum potest suam gratiam conferre uni & non alteri, aut omnibus simul sub-

12.  
DEUS non  
est acceptor  
personarum.

## QUAESTIO TERTIA.

*An DEUS omnibus adultis det auxilia divinae gratiae ad minus remotè sufficientia ad salutem?*

I.  
Christum  
pro omni-  
bus passum  
aliqui ac-  
tanti.

**Q**uod in proposito quaeritur, est: An DEUS pro omni tempore, & omni statu dederit adultis sive fidelibus sive infidelibus gratiam verè internam, & auxilium proximè sufficiens, quo, si vellet, posset homo se ad DEUM convertere, & salutem suam procurare? vel an saltem DEUS ex parte suâ ita providerit omnibus, ut neminem sine auxilio ad minus remotè sufficienti reliquerit, dando omnibus & pro omni tempore legem & praecepta, quibus se possent conformare, offerendo pro singulis passionem & mortem Filii sui, qui pro omnibus est indifferenter passus & mortuus, instituendo pro omnibus indifferenter Sacramenta, aliaque salutis remedia ex seriâ intentione & proposito eos salvandi, licet non impediatur naturalem ordinem & cursum rerum, quibus multoties fit, ut haec remedia proximè & immediatè hominibus non applicentur, nec fortè pluribus ad haec suscipienda ullam gratiam internam contulerit, & quoad hanc ultimam partem potest aequaliter intelligi de parvulis ac de adultis, an scilicet Christus pro omnibus omnino hominibus sive adultis sive parvulis sit mortuus & sanguinem fuderit, sua Sacramenta instituerit, suam legem condiderit &c. ac per hoc omnibus providerit de remediis proximè vel remotè ad salutem necessariis & conducentibus.

Negant quoad utramque partem Bajus & Jansenius aliique nonnulli, quos in suam partem traxerunt, & cum D. Augustino (ut ipsi existimant) doceant, Christum non pro omnibus hominibus, sed pro solis praedestinatiis & electis mortuum fuisse, & sanguinem fuisse, nec ulla obtinendae salutis divinae remedia proximè vel remotè sufficientia reprobis parasse aut reliquis-

se, licet eorum aliqui, videlicet qui ad tempus bene agunt, & in gratia persistunt, promeritis sit gratiam aliquam temporaneam: *Semi-Pelagianum est*, inquit Jansenius tract. 3. lib. 3. de gratia Salvatoris cap. 21. *Dicere Christum pro omnibus omnino hominibus mortuum esse, aut sanguinem fuisse.*

**Dico Primò: DEUS optimus, maximus omnibus cujuscunque status adultis fidelibus & infidelibus reprobis & electis providerit remedia remotè ad minus sufficientia ad salutem.** Haec Conclusio est communissima inter Theologos antiquos & Recentiores, & non tam probatione, quam expositione indiget. Sensus igitur conclusionis est, quod DEUS post praevium peccatum primi hominis, & in ipso totius posteritatis infectionem decrevit ab aeterno incarnare Filium suum pro salute omnium hominum indifferenter, & sine ullius personae exclusione aut exceptione, & quod ipse Filius in tempore pro omnibus indifferenter fuerit passus & mortuus, quod pro omnibus & ex intentione salvandi omnes instituerit Sacramenta Novae & Veteris Legis, aliaque salutis remedia providerit, quae si re ipsa & debito modo omnibus applicentur, sufficerent ad eorum salutem procurandam, licet interim pluribus & innumeris ferè non applicentur, neque mortis Christi beneficium recipiant, idque vel propter defectus causarum secundarum, quarum naturalem cursum vel ordinem non vult, nec tenetur DEUS impedire, vel propter perversitatem & malitiam ipsorum, qui nolunt applicari sibi remedia ad ipsorum salutem ordinata, vel denique in poenam peccati originalis vel actualis, quibus reddiderunt se indignos tali favore & gratia.

Probatur Conclusio Primò ex Scripturâ, Sapient. 11. *Misereris omnium, quia omnia potes, & dissimulas peccata hominum propter poenitentiam, diligis omnia, quae sunt, & nihil odisti eorum; parcis autem omnibus, quoniam tua sunt, qui amas animas.* Et Eze-

II.  
Auxilia  
gratiae  
remotè  
sufficientia  
DEUS omnibus  
providet.



Et Ezechiel. 18. *Nunquid voluntas mea est mors impii, dicit Dominus, & non magis ut convertatur & vivat.* Et alibi *Nolo mortem peccatoris, sed ut magis convertatur & vivat.* Et ad Rom. 8. *Proprio Filio suo non percipit DEUS, sed pro omnibus tradidit illum.* & 2. Corinth. 5. *Si unus pro omnibus mortuus est, ergo omnes mortui sunt, & pro omnibus mortuus est Christus.* & 1. ad Timoth. 4. *Speramus in DEUM vivum, qui est Salvator omnium hominum, maxime fidelium.* & 1. Joann. 2. *Ipse propitiatio est pro peccatis nostris, non pro nostris autem tantum, sed pro totius mundi.* & 2. Petri 3. *Non vult DEUS aliquos perire, sed omnes ad poenitentiam reverti.* Et 1. ad Timoth. 2. *Hoc enim bonum est (nempè pro omnibus orare) & acceptum coram Salvatore nostro DEO, qui omnes homines vult salvos fieri, & ad agnitionem veritatis venire, unus enim DEUS, unus & mediator DEI & hominum Christus JESUS, qui semetipsum dedit redemptionem pro omnibus.* Ex quibus omnibus autoritatibus sic argumentor: Nisi DEUS providisset omnibus hominibus cujuscunque statûs aut temporis, & præcipuè adultis ac ratione utentibus media communia ad salutem, remotè ad minus sufficientia & requisita, non posset intelligi aut commodè explicari, quomodo omnium salutem indifferenter velit, & exoptet, nullius peccatoris mortem aut interitum desideret (sed potius positivè nolit) Filium suum in redemptionem dederit. Nec potest declarari, qualiter ipse Filius sit pro omnibus passus & mortuus, Redemptor omnium factus, propitiatio pro peccatis totius mundi: Sed istæ & similes locutiones ex Sacra Scriptura sunt verissimæ, ergo verum erit DEUM providisse omnibus, præcipuè adultis de generalibus & communibus istis mediis ad salutem remotè sufficientibus. Maj: patet: Quia intelligi non potest, quomodo dicatur Christus pro omnibus passus & mortuus, nisi suam passionem & mortem pro omnibus obtulerit.

Confirmatur ex Bulla Innocentii X. contra 5. propositionem Jansenii, cujus hæc erat in ordine quinta: *Semi-Pelagianum est dicere, Christum pro omnibus omnino hominibus mortuum esse, aut sanguinem fuisse.* Quam propositionem in hunc modum damnat Pontifex: *Quintam, inquit, propositionem, Semi-Pelagianum est dicere, falsam, temerariam, scandalosam, & intellectam eo sensu, ut Christus duntaxat pro salute prædestinatorum mortuus sit, impiam, blasphemam, contumeliosam, divinæ pietati derogantem, & hæreticam declaramus, & uti talem damnamus.* Ergo ex mente & definitione Pontificis non pro solis prædestinatis & electis: sed pro omnibus indifferenter hominibus passus & mortuus est Christus.

Probatum Conclusio Secundò ex Concil. Trident. Sess. 6. cap. 3. ubi eadem veritas manifestè docetur: *Verum, inquit, etsi pro omnibus mortuus est Christus, non omnes tamen mortis ipsius beneficium recipiunt, solum ii duntaxat, quibus meritum passionis ejus communicatur.* Ubi docet Concilium, Christum mortuum esse non solum pro iis, qui salvantur, & meritum passionis ejus recipiunt, sed etiam pro omnibus indifferenter hominibus bonis & malis, reprobis & electis, sive de merito passionis communicent, sive non.

Probatum Tertio ex SS. Patribus communiter, quia in hoc ferè omnes conveniunt, quòd Christus Dominus fuerit pro omnibus natus, passus, & mortuus, undè Leo Papa Serm. de Nativ. 1. *Sicut, inquit, Christus Dominus nullum à reatu liberum invenit, ita pro liberandis omnibus venit.* Sed in contra

Arguitur Primò: Christus Dominus instituit sua Sacramenta & alia salutis remedia pro iis solis, pro quibus est dignatus mori & pati, sed pro solis electis passus est Christus, ergo. Probatum min: pro solis electis oravit Christus, & suam passionem DEO Patri obtulit, ergo pro

III.  
Christus  
inefficaci  
ter oravit  
pro dam-  
nandis, se-  
cundò tamen



medicinam, nullus est, qui ausit affirmare. Respond. ergo Secundò: Frustra pararet medicus corporalis medicinam infirmo, de cujus sanitate desperatur, si medicina sit ex se sanativa infirmi etiam in isto casu desperationis, si debite applicaretur, & insuper in manu ipsius infirmi sit causam suae mortis ponere, vel non ponere, suamque infirmitatem virtute medicinae sanare, si eam applicare vellet, aut sibi applicari permitteret, neg. antec: & consequ: Secus, transeat antec: & consequ: In proposito verò nostro mors & passio CHRISTI, Sacramenta Ecclesiae, & alia salutis remedia à Christo instituta sunt ex se medicinae tam efficaces ac salutare, ut de quacunque infirmitate spirituali etiam desperatissima possint liberare, & liberent reipsa, si debite applicentur, & insuper in manu ipsius infirmi est suam damnationem, & spirituales mortem ponere, vel non ponere, cum liberè peccet, & causam suae mortis liberè ponat, poteritque infirmitati ipsius mediante hac medicina succurri, dummodò à se, vel ab alio ipsi applicetur, nec proinde frustra aut inutiliter similibus paravit DEUS tam salutarem medicinam, quàm, si velint debite uti, certò sanitatem contulisset, & à leprâ peccati mundasset.

Addo, plurimos esse finaliter reprobos, qui quoad tempus in hoc mundo benè vivunt, in gratia persistunt, quibus proinde ad temporalem ad minus sanitatem conducit hæc medicina, licet non ad æternam.

Instatur: Saltem, qui nec in hoc nec in futuro sæculo quidquam participant de fructu hujus medicinae, non debet dici parata, ergo non est generale remedium pro omnibus omnino hominibus præparatum. Antec: patet, quia, ut jam dixi, frustra diceretur Christus pati, aut hanc medicinam præparare pro illis, qui nec in hoc, nec in futuro sæculo quidquam participant de fructu ejus aut merito. Respond. neg: absolute

anteced: cujus falsitas ex jam dictis constat, licet enim plurimi sint & fuerint, qui nec in hoc nec in futuro sæculo quidquam participant de fructu & merito passionis, aut mortis Christi, ut loquitur Tridentinum supra, hoc tamen non est ex defectu medicinae aut virtutis sanativæ ipsius, quæ ex se generalis est, & pro omnibus indifferenter hominibus præparata, ac potens omnes spiritualiter sanare, si debite applicaretur, unde nego consequ.

Urgetur: Benè novit Christus, quod ista medicina nunquam applicaretur reprobis saltem pluribus, ergo pro illis ad minus frustra eam præparasset. Respond. neg: consequ: Sicut nec frustra vocavit ad coenam Evangelicam etiam illos, quos optimè novit non venturos, nec frustra invitat omnes ad poenitentiam, licet non omnes convertantur, nec denique frustra pararet medicus corporalis medicinas aliquas generales pro universo populo sibi commisso ex intentione omnibus indifferenter subveniendi, nisi ipsi ponant obstaculum, aut medicinam pro omnibus præparatam nollent petere vel acceptare, licet interim benè sciat, quod non omnes petent, neque omnibus applicabitur, quod ipsorum defectui, non curæ aut providentiæ medici debet imputari. Sic in proposito CHRISTUS paravit unam generalem medicinam pro omnibus indifferenter sanandis ex intentione omnibus subveniendi, si verò æger, aliquis aut infirmus ex suo demerito, perversitate, aut negligentia tanto beneficio actam salutari remedio seipsum fraudabit, sibi & non medico imputari debet.





## QUESTIO QUARTA.

*An DEUS preparaverit omnibus, dederitque omnibus gratiam internam sufficientem ad salutem?*

I.  
Auxilio de  
internofuf-  
ficiente va-  
ria opinio-  
nes.

**H**ÆC Quæstio priorem sequitur, & quod illa de externâ & generali gratiâ discussit, hæc de interna & auxilio intrinsecè movente ad benè ac salutariter operandum assumit examinandum, totaq; difficultas in hoc consistit, an videlicet præter generalia superius recensita remedia, & auxilia externa omnibus communia, detur adhuc cuilibet adulto, fidei & infidei, reprobo vel electo auxilium gratiæ interioris & proximè sufficiens ad salutem procurandam & medicinam istam generalem debitè sibi applicandam. Jansenistæ omnes, & qui ipsos sequuntur, negant pro statu naturæ lapsæ dari ullam gratiam interiorem, quæ esset sufficiens tantum, sed hanc sententiam suprâ sufficienter rejeci.

Alia sententia & inter Theologos satis communis docet, dari quidem gratiam interiorem & sufficientem plerisque, aut saltem pluribus Fidelibus & Infidelibus, quâ possint vitare peccata, & suam salutem prosequi, sed negat eam omnibus indifferenter etiam adultis conferri, loquendo maxime de obstinatis & induratis, qui vel de DEO nihil unquam audiverunt, vel si audiverunt, tanquam fabulas contempserunt, & in suâ perfidiâ obstinaciter perstiterunt.

Tertia denique sententia, quæ etiam in Scholis est valdè communis, distinguit gratiam duplicem, interiorem, & sufficientem, unam remotè & alteram proximè sufficientem, & hanc ultimam negant dari omnibus indifferenter hominibus, præcipuè adultis, fidelibus & infidelibus, reprobis & electis, idque pro omni tempore & statu, & ut eorum aliqui in suis manuscriptis ex-

plicant, per eam intelligunt notitiam quandam generalem & naturalem, quam de DEO ex creaturis habemus, quæ sufficienter admonet, quemque suæ conversionis, & sicâ velit benè uti, satis instigat ad orandum DEUM pro ulteriori auxilio gratiæ, qua re ipsa & proximè possent converti, ita ut inexcusabiles sint, nisi ex notitia sic habitâ DEUM pro ulteriori auxilio ac sufficienti rogent, juxta illud Apostoli ad Rôm. 1. *Invisibilia DEI à creaturâ mundi per ea, quæ facta sunt, intellecta conspiciuntur, ita ut inexcusabiles sint, quia cum DEUM cognovissent, non sicut DEUM glorificaverunt.* Sed ut verum fatear, hanc distinctionem duplicis gratiæ interioris, quantumvis inter suos satis communem, non possum capere, quia si per gratiam interiorem & remotè sufficientem intelligunt notitiam aliquam generalem, quam de DEO ex creaturis habemus, vel aliud quodcunque donum aut beneficium ordinis naturalis, non video, quomodo pertineat, aut dici possit gratia sufficiens & interna, de quâ in proposito loquimur, quia hic non agitur de ullo dono naturali, aut ex naturæ viribus vel debito proveniente, sed de gratiâ internâ ordinis supernaturalis à solo DEO citra omne debitum infusa, & ex se sufficienti ad moraliter & meritorie operandum, qualiter non sufficit ullum donum naturale quantumvis excellens, de hac igitur gratiâ supernaturali & internâ quæritur in proposito, an detur omnibus adultis cujuscunque status ac conditionis, an aliquibus tantum, & quibus?

**Dico Primo:** *Nulla ratio evidens, nec authoritas convincens præstat dari semper, aut pro omni tempore, & occasione adultis omnibus cujuscunque status aut conditionis gratiam verè sufficientem, & internam.* Est sub ista limitatione inter Theologos satis communis contra quosdam, qui putant, se contrarium evidenter demonstrare, quorum demonstrationem inferius adducam.

**Dixi**

II.  
Auxilium  
sufficiens  
& interio-  
re, semper  
omni sta-  
tutè dari  
nulla con-  
vincit.



















tantum vult omnes homines salvos fieri, in quantum voluit, ut id nos velimus, & quantum in nobis est, studeamus omnium salutem procurare, qui nescimus, qui sunt reprobi vel electi: *DEUS*, inquit Augustinus loco cit. *vult omnes homines salvos fieri, quoniam non facit id vel- le*. Sic ad Galat. 4. dicitur: *DEUM* misisse spiritum Filii clamantis Abba Pater, id est, nos facientis clamare, si ergo, inquit Augustinus, clamantem Spiritum recte dixit Scriptura, à quo efficitur, ut clamemus, recte etiam volentem *DEUM*, à quo efficitur ut velimus, ergo.

Respondent alii Secundo ex eodem Augustino cap. 102. Enchirid. *DEUM* dici, velle omnes homines salvos fieri, tanquam si diceretur nulum hominem fieri salvum, nisi quem salvum ipse fieri voluerit, & ideo sit rogandus, ut velit: Sic in Evangelio, inquit Augustinus, intelligimus, quod scriptum, qui illuminat omnem hominem venientem in hunc mundum, non quia nullus est hominum, qui non illuminatur, sed quia nisi ab ipso nullus illuminatur.

Respond. Tertio ex eodem Augustino cit. Enchirid. loco: Locum istum Apostoli per distributionem accommodam debere intelligi, accipiendo omnes homines pro generibus singulorum, non pro singulis generum, ut sensus sit, *DEUS* vult omnes homines salvos fieri, id est, vult ex omni genere hominum aliquos salvos fieri, non autem quod omnes omnino homines velit salvos fieri dando cuilibet gratiam aliquam internam sufficientem vel efficacem, sic in Evangelio dicitur Phariseis: *Decimatis rutam & mentam & omne olus*, sic etiam dicitur: *Omne animal fuisse in Arca Noë*, ergo, inquit Augustinus, quocunque alio modo intelligatur, dummodo credere non cogamur, aliquid Omnipotentem *DEUM* voluisse, factumque non esse. Si enim, inquit Augustinus, omnia quaecunque voluit, fecit, profecto facere noluit, quaecunque non fecit. Sed quidquid sit de his solutionibus.

Respond. denique ad illam propositionem magis ad propositum nostrum distingu: maj: *DEUS* vult omnes homines salvos fieri voluntate consequenti aut efficaci, neg: maj: voluntate antecedenti & inefficaci, conced: & neg: min: & consequ: sufficienter enim intelligitur, *DEUS* velle omnes homines salvos fieri per hoc, quod providerit omnibus indifferenter hominibus media generalia & extrinseca salutis, idque ex intentione salvandi omnes, quantum in ipso est, licet multoties contingat, vel ex defectu causarum secundarum, quarum cursum *DEUS* non tenetur impedire, vel ex propria quorundam perversitate talia remedia pluribus non applicari.

Opponitur Secundo ex eodem Apostolo ad Rom. 5. *Sicut per unius delictum in homines omnes in condemnationem, sic & per unius justitiam in omnes homines in justificationem vitae*, & ibidem: *Non sicut delictum ita & donum, si enim unius delicto multi mortui sunt, multo magis gratia DEI & donum in gratia unius hominis JESU Christi in plures abundavit*. Sed ita delictum infecit omnes homines, ut nullus omnino, excepto Christo & Beatissima ejus Matre, ejus infectionem evaserit, ergo gratia ad minus sufficiens ab interna debuit omnibus conferri. Respond. Apostolum per istum aut similem modum loquendi non voluisse aliud, quam quod sicut ex peccato unius hominis contrahunt omnes peccatum & injustitiam originalem, ita per mortem unius hominis Christi provisum sit omnibus de remedio contra istam maculam, præparando singulis media generalia salutis, & plerisque conferendo gratiam internam.

Dices: Si *DEUS* vellet salutem parvulorum, aut providere ipsis media ad hoc sufficientia deberet, aut impedire causas secundas, quæ ipsorum applicationem impediunt, ergo, cum hoc non faciat, signum est cum non velle salutem ipsorum, nec ipsis talia remedia præparasse. Respond. Si vellet ef-









pturis, cum hoc tamen discrimine, quod nos omnem gravem divinæ legis transgressionem de facto habere rationem talis mali meriti asseramus, hæretici verò, maxime Lutherani, dicant, solam infidelitatem tale esse demeritum, unde Lutherus lib. 1. de captiv. Babyl. cap. de Bapt. ait: *Vide, quàm dives sit homo Christianus, vel baptizatus, ut etiam volens non possit perdere salutem, quantumcunque peccet, nisi nolit credere, nulla etiam peccata possint damnare, nisi sola incredulitas.* Sed hoc falsum esse constat Tum ex Scriptura, nam in iudicio Matth. 25. ad sinistram collocaturus est, qui opera misericordiæ non fecerunt: Tum ex Patribus, August. lib. de fide & operibus cap. 15. ubi ait: *Sibi, mandatis, non servatis, ad vitam venire potest per solam fidem, quæ sine operibus mortua est. Illud denique, quomodo verum erit, quod eis, quos ad sinistram positurus est, dicet: Ite in ignem æternum, qui paratus est diabolo & angelis ejus, nec increpat, quia in eum non crediderunt, sed quia bona opera non fecerunt. Nam profectò ne sibi quisquam de fide, quæ sine operibus mortua est, promittat æternam vitam. Propterea omnes gentes segregaturum se dixit, quæ permixta eisdem pascuis utebantur, ut appareat eos illi dicturos. Domine quando te vidimus illa & illa patientem, & non ministravimus tibi? qui in eum crediderunt, sed bona operari non curaverant, tanquam de ipsa fide mortua, ad vitam perveniretur æternam. An forte ibunt in ignem æternum, qui opera misericordiæ non fecerunt, & non ibunt, qui aliena rapuerunt, vel corrumpendo in se templum DEI, in seipsos immisericordes fuerunt. His præmissis & prænotatis.*

**Dico Primò:** Meritum ut sic bene describitur, quod sit actus humanus laudabilis exigens aliquam rationis compensationem. Colligitur ex Doctore in 3. 38. Probat: Quia non potest assignari ullum meritum, cui non competeret hæc descriptio, nec convenit alicui, quod non est meri-

tum. Probat: Secundo declarando ipsam: Dicitur *Actus humanus*, id est, liber: Dicitur *laudabilis*, id est, moraliter bonus. Dicitur *exigens recompensationem* seu præmium, quia ob hoc habet formaliter actus, qui est laudabilis, esse meritum, & non sola laudabilitate præcise, quia posset considerari actus ut laudabilis, quin consideretur ut meritorius, nam si consideretur ut actus elicitus juxta præscriptum rationis rectæ, habebit esse bonus & laudabilis, non tamen ut meritorius, ergo.

**Arguitur:** Actus virtutum, quos beati libere exercent, non sunt meritorii, sed actus boni moraliter, ergo non bene describitur meritum, quod sit actus bonus moraliter exigens recompensationem. Quod si dicatur ad meritum ultra hoc requiri statum viæ: Contra est, quia actus charitatis animæ separatæ existentis in purgatorio sunt actus moraliter boni, exigentes recompensationem, & procedentes à viatore. Respond. neg. maj: ex suppositione, quod non sint actus meritorii animarum separatarum existentium in purgatorio, quia etiam si sint ejusdem rationis physice loquendo cum aliis actibus elicitis ab animabus corpori passibili conjunctis, non sunt tamen ejusdem rationis moraliter loquendo: rationem autem assignare disparitatis difficile est, aliqui dicunt rationem esse, quia animæ separatæ & beatæ non habent difficultatem operandi ortam ex fomitis rebellionis carnis, sicut habent homines, sed contra est, quia Angeli viatores meruerunt, & tamen non habuerunt talem difficultatem, cur ergo idem non posset fieri de animabus separatæ aut beatæ. Secundo: Fortasse difficile est valde de facto animabus in purgatorio exercere actus virtutum in medio talium tormentorum. Tertio: Sicut non obstante carentia talis difficultatis operationes earum possent esse actus virtutis perfectæ, cur non possent esse etiam meritorie, aut cur ad meritum requireretur major difficultas,



sicut & quod tali tempore creaverit mundum, ex possibilibus tales homines produxerit; ex his illos ad gloriam elegerit. &c.

Dices: Nullus actus potest esse demeritorius, nisi malus & liber, ergo: Respond. neg: consequ: nam juxta communem, DEUS non potest ordinare hominem ad poenam, nisi ob praevium peccatum; potest tamen ordinare ad gloriam sine praevisione meriti. Respond. Secundo: Non esse certum, quod DEUS non posset ordinare aliquem ad gloriam propter actum indifferentem.

Instabis: Eo ipso, quod talis actus esset meritorius, esset moraliter bonus, & consequenter non poterit quis dici actu indifferenti mereri gloriam. Respond. distin: antec: esset bonus bonitate antecedente rationem meriti; neg: antec: bonitate concomitante, seu proveniente formaliter ex ratione meriti, conc. antec: & distin: similiter consequ: actu indifferenti, quantum ad omnia, quae antecedunt rationem meriti; neg: consequ: includente ipsam rationem meriti, conc: consequentiam.

Dico Tertiò: De facto actus meritorius, ut de ipso hic agitur, debet necessario etiam in ordine ad potentiam absolutè esse liber. Est communis cum D. Thomà 1. 2. q. 114. & supponitur à Doctore 3. d. 8. contra Gab. hic & alios, cum quibus non bene afferit Vasquez convenire Doctorem Masiliū & Durandum, ex eo, quod hi putent opus reddi posse meritorium per ordinationem DEI; quod aliàs non esset meritorium; nam ex hoc non sequitur, quod similiter de potentia DEI posset actus non liber fieri meritorius, quia licet meritum possit dependere ab ordinatione DEI, tanquam ab aliquo necessario praerequisito, ac etiam dependeat à libertate, ex hoc tamen sequitur, quod DEUS possit facere opus non liberum meritorium, ut examinanti patet.

Probatur Conclusio Primò ex Scriptura, 1. ad Corinth. 7. Quod

vult faciat, non peccat, si nubat, aut qui statuit in corde suo, non habens necessitatem, potestatem autem habens suae voluntatis. & cap. 9. Si autem volens hoc facio, mercedem habeo.

Probatur Secundo ex Patribus: Augustinò lib. 83. qu. 24. Meritum poenae peccatum: & meritum praemii rectè factum est: nec peccatum, nec rectè factum imputari cuiquam justè potest, qui nihil fecerit propria voluntate. Est igitur & peccatum, & rectè factum in libero voluntatis arbitrio. Chrysostom. hom. 22. in Gen. Nonne manifestum, sua quemque voluntate, vel malitiam vel virtutem eligere: nam nisi ita esset, neque naturae nostrae potestas insita esset, neque illos puniri, neque justos praemia virtutum accipere oportebat, verum quia in nostra voluntate totum relictum est; ideo & peccantibus supplicia proposita sunt, & bene operantibus merces & praemia. Hilarius in Psalm. 2. Quid honoris ac praemii bonitatis necessitas meretur, cum malos nos esse vis quaedam inserta non sineret? Voluntati ergo permissum, ut praemium sibi bonitatis acquireret. Hieronym. lib. 2. contra Jovinianum. D. Bernardus serm. 8. in Cant. Ubi non est libertas, nec meritum.

Probatur Tertiò Ratione: Tum, Quia sicut nemo meretur poenam in eo, quod necessario facit; ita nec praemium, unde D. Augustinus Disp. 2. contra Fortunatum Manichaeum dicit: Ego dico peccatum non esse, si non propria voluntate peccetur, hinc esse & praemium, quia propria voluntate rectè facimus, aut si poenam meretur, qui peccat in vitio, debet & praemium mereri, qui bene facit in virtute. Potest quidem DEUS acceptare aliquem ad vitam aeternam ob opus non sibi liberum; sicut de facto acceptavit passionem Infantum Innocentium non illis liberam, non tamen efficere, ut illud sit meritum praesertim de condigno: Tum, Quia nomine meriti strictè sumpti, seu ut ab eo excluduntur actiones brutorum, intelligitur non quodvis, quod sic acceptat DEUS, ut ejus contem-

platio.

platione benefaciat habenti, sed quod tale est, & insuper ratione elicitionis habet bonitatem moralem, alioquin bruta possent propriè mereri.

Dices: Canes puniuntur, quando furantur, mordent; & idem est de amentibus, & ebriis, sed non habent actus liberos, ergò. Respond. neg: maj: loquendo de punitione, propriè dicta, quia hæc respicit culpam moralem, qualis nequit esse sine libertate.

**X.** Dico Quarto: *Actus meritorius debet esse bonus moraliter, etiam in ordine ad potentiam DEI absolutam.*

Meritum debet esse actus bonus moraliter.

Est communis contra eosdem Authores. Et Probatur: Quia meritum, de quo hic agitur, debet esse actus moraliter laudabilis, sed talis est, qui est bonus, ergò. Neque in hoc potest esse alia quæstio, quàm de nomine, id est, dependens ab eo, quid intelligatur per hoc verbum meritum strictè sumptum, per quod intelligo actum liberum moraliter bonum, intelligant alii quidquid velint.

Dices: Si quis ex pacto laboraret in vinea pro floreno in die Dominico, quamvis malè ageret moraliter, dummodò physicè laboraverit juxta pactum, meretur florenum, & alter, cui laboraret, deberet ei reddere ex justitia, ergò actus meritorius non necessariò debet esse bonus moraliter. Confirm. Quia potest aliquis puniri propter actum moraliter bonum, ergò & premiari propter malum, & consequenter actus malus potest esse meritorius & bonus demeritorius. Probatur antec: Quia si servus faceret negligenter aliquid, quia existimaret illud sic faciendum, licèt benè moraliter ageret, quia secundum conscientiam, posset tamen à domino puniri propter negligentiam, ergò. Respond. distint antec: meretur merito propriè dicto, neg: antec: merito largè sumpto, conc: antec: atque tunc meretur solum cum proportionem ad illum modum, quo equus benè currens dicitur mereri pabu-

lum: Et ratio meriti sic laborantis fundaretur in æquivalentia physicà istius laboris ad præmium, & cum pacto sine respectu ad laudabilitatem moralem ejus; ratio verò proprii meriti fundatur in laudabilitate morali actus, & eam necessariò exigit ex communi Doctorum sensu. Per quod patet etiam ad Confirmationem: ille enim servus non posset puniri justè punitione propriè dicta, nisi ignorantia ejus esset invincibilis, cujus contrarium suppono.

Dices Secundo: Mendacio officioso obstetrices Egyptiorum conservantes filios recenter natos populi Israëliti, meruerunt præmium temporale. Item de Raab meretrice, quæ exploratores missos à Josue reservavit mendacio officioso, ergò, quamvis meritum vitæ æternæ & donorum supernaturalium debeat esse actus bonus moraliter, non tamen meritum præmii temporalis, nec consequenter meritum ut sic abstrahendo ab his. Respond. primò: Si posset quis mereri propriè bonum temporale propter actum peccaminosum habentem obiectum, vel circumstantias bonas, posse etiam talem actum saltem de potentia esse præmium respectu doni spiritualis conducentis ad vitam æternam. Respond. secundò: neg: antec: nam licèt obstetricibus & meretrici fuerit collata aliqua remuneratio, non tamen propter peccatum, sed propter alios bonos actus, quos tunc habuerunt, quòd si tamen dicatur præmium ipsis esse collatum propter præservationem illam peccaminosam ob circumstantiam mendacii. Respond. tertio, distint: antec: meruerunt merito strictè accepto, neg: largè accepto, conc: antec: & neg: consequ: fortè hoc etiam totum argumentum deficit in suppositione, quia illæ fortè invincibiliter ignorarunt malitiam mendacii in illis circumstantiis.

Dico Quintò: *Meritum ut sic non exigit, ut procedat à persona justificata neque à viatore. Docet esse*

**XI.** Meritum ut sic non debet esse à persona justificata.



communis & Probatur prima pars: Quia nulla ratio suadet, quod meritum præmiit temporalis requirat talem circumstantiam, & peccatores disponentes se ad justificationem, mererentur illam, cum tamen non sint in statu gratiæ sanctificantis. Probatur secunda pars: Quia beati in cælo vel merentur de facto nobis multa bona, vel possunt mereri, cum nihil impediatur, quo minus id facere possint, sed non sunt viatores, ergo.

**Dico Sexto: Meritum omne requirit acceptationem aliquam illius, à quo quis meretur, quæ tamen acceptatio debet esse antedecens productionem actus.** Est Doctoris contra omnes eos, qui negant acceptationem requiri ad meritum de condigno, ut patebit infra. Probatur prima pars: Quia si quis faceret quemcunque actum in gratiam alterius propter præmium, si ille alius antè significaret, se nolle dare præmium, non censeretur moraliter mereri præmium ab illo, sive de condigno sive de congruo, ergo. Deindè ad meritum requiritur, quod inducat aliquod debitum in eo, à quo quis mereri per ipsum dicitur saltem congruitatis aut inconvenientiæ, ita tamen ut non tam convenienter agere videretur, si negaret præmium, ac si ipsum conferret, supposito merito, sed tale debitum nequit esse absque consensu vel formali vel interpretativo, talis autem consensus est acceptatio aliqua, ergo requiritur talis. Confirmatur: Quia si quis faceret aliquid in gratiam alterius absque hujusmodi consensu ipsius, & exigeret præmium, ille alter posset se benè excusare, quod factum esset sine suo consensu, sed hoc est signum sufficiens ad colligendum, quod actus ille non sit meritorius.

**Probatur Secundo: Quia meritum debet esse factum in gratiam alterius, à quo expectandum est præmium, ergo, sed hoc non potest cognoscere, nisi cognoscat aliquomodo consensum ipsius, nec suf-**

ficit, quod cognoscat probabiliter futurum ex aliquo extrinseco, neque supponente consensum præteritum vel præsentem, quia illæ conjecturæ ponunt aliquam obligationem in altero, ob quam deberet habere illum consensum futurum, ergo requiritur consensus præteritus vel præsens.

**Probatur Tertiò: quando quis petit ab altero eleemosynam, quamvis petat moraliter benè, non censetur accipere tanquam præmium, sed hujus non potest assignari melior ratio, quàm quod non acceptaverit antedecenter illam petitionem tanquam meritum: ergo.**

**Probatur secunda pars: Quia meritum debet habere meriti rationem pro illo instanti, quo producit, sed acceptatio sublequens non est pro illo instanti, ergo nequit sufficere.**

**Dices: Quando quis facit obsequium alteri, dicitur mereri, licet alter ante non cognosceret ullo modo, quod faceret illa, & idè non acceptaret illa, neque consentiret, ergo.** Respond. distin: antec: dicitur mereri merito strictè sumpto, de quo hic agitur, neg. largè sumpto, conc: antec: & distin: conseq: quod verò tale meritum non esset meritum.

**Dico Septimò: Requiritur ad meritum, de quo hic, quod fiat intuitu merendi à persona, à qua quis meretur.** Probatur: Quia aliàs non esset ratio ulla, ob quam exigeret præmium moraliter per modum debiti alicujus, & non esset ratio, ob quam unum potius, quàm quodcunque aliud daretur propter meritum, ex natura meriti. Confirmatur: Tum, Quia, si actus fieret ob solam bonitatem actus, aut si non ordinaretur ad ullam personam, nulla persona deberet dare præmium, ergo debet ordinari ad personam propter præmium: Tum, Quia meritum est medium consequendi præmium à præmiante, ergo debet ordinem dicere ad utrumque, & merens applicans

**XIII.**  
Meritum debet fieri intuitu merendi.

(\*) Uuu

meri-















DEO, solvuntur in tractatu de Jure & Justitia. Sed adhuc in contrarium

Opponitur Primò : *Authoritas Scripturae S. ad Roman. 6. Stipendia enim peccati mors. Gratia autem Dei vita aeterna in Christo JESU Domino nostro. & cap. 11. In hoc tempore reliquiae secundum electionem gratiae salvae factae sunt. Si autem gratia jam non ex operibus, alioquin gratia jam non est gratia. Ergò si vita aeterna est gratia, & si esset ex operibus, jam non esset gratia, minus esset si vita aeterna esset ex justitia. Respond. neg. antec. & ad utrumque textum dico cum S. August. lib. de grat. & lib. arbit. cap. 8. Ideò vitam aeternam dici gratiam, quia vita nostra bona nihil aliud est, quàm DEI gratia, sine dubio & vita aeterna, quae bona vitae redditur, DEI gratia est, & ipsa enim gratis datur, quia gratis data est illa, cui datur, sed illa, cui datur, tantummodo gratia est, haec autem, quae illi datur, quoniam praeium ejus est, gratia est pro gratia, tanquam merces pro justitia, ut verum sit, quoniam verum est, quia reddet unicuique DEUS secundum opera ejus. Hæc Augustinus. Respond. Secundò, ex eodem D. Augustino in epist. 105. ad Sixtum : Ideò D. Paulum postquam dixisset : Stipendium peccati mors est, non opposuisse bonis operibus stipendium justitiae vitae aeternae, quia sicuti merito peccati tanquam stipendium redditur mors, ita merito justitiae tanquam stipendium vita aeterna. Aut si nollet dicere justitiae, diceret fidei, quoniam justus ex fide vivit, undè etiam & merces appellatur plurimis sanctarum Scripturarum locis, nusquam porrò dicta est merces justitia & fides, quia justitiae vel fidei redditur merces, quod est autem merces operanti, hoc militanti stipendium, sed B. Apostolus adversus elationem, quæ usque ad eò magis tentat irrepere, ut & sibi propter ipsam dicat, datum Angelum Sathanæ, à quo colaphizaretur, nè verticem præsumptionis erigeret, adversus hanc ergò elationis pestem vigilantissimè militans, sti-*

pendium, inquit peccati mors, rectè stipendium, quia debetur, quia dignè retribuitur, quia meritò redditur. Deindè ne justitia de humano se extolleret bono merito, sicut humanum meritum malum non dubitatur esse peccatum, non à contrario retulit, dicens : stipendium justitiae vita aeterna, sed gratia, inquit, DEI vita aeterna. Vides causam, quare Apostolus non dixit stipendium operum bonorum esse vitam aeternam, nè fortè quis extollatur, ut ipsemet Apostolus subjungit.

Opponitur Secundò *Authoritas Patrum* : Augustini lib. 1. Confess. cap. 4. dicentis : *Reddit DEUS debita nulli debens.* Bernardi serm. 1. de Annunt. *Neque enim talia sunt hominum merita, ut propter ea vita aeterna detur ex jure, aut DEUS injuriam aliquam faceret, nisi eam donaret,* ergò. Respond. neg. consequ. ad veritatem illorum & similium locorum sufficit, quod etiam opera justorum, secluso pacto & promissione non habeant cum vita aeterna æqualitatem, vel non proportionem talem, propter quam DEUS teneatur reddere pro iis vitam aeternam, cum hoc tamen benè consistit, quòd pro iis reddenda sit ex justitia, supponendo quòd DEUS illam omnibus tanquam bravium certaminis, victoriæ coronam, operis stipendium proposuerit, sicut verum est, quòd cursus prævenientis ceteros in stadio non habet ex se æqualitatem, aut etiam proportionem ad constitutum bravium, valorem v. g. mille imperialium, supposita tamen prudenti expositione talis præmii, debetur ex justitia promerenti & præcurrenti.

### QUÆSTIO TERTIA.

*An ad Meritum de condigno requiratur status Gratiae sanctificantis ?*

**G**ratiam actualem requiri ad hoc, ut quis mereatur aliquid à DEO sive de condigno, sive de congruo, omnium penè Theologorum

*L. Gratia. Analis requiritur ad meritum.*



































































*Quest. I. An ad bene agendum egerit Adami liberum arbitrium. &c.* 361  
 trio potuerit adhuc venialiter peccare. Deinde, an in ipso post  
 peccatum sicut & in nobis manserit liberum arbitrium. Hinc  
 progrediar ad naturam actuum humanorum examinandam, de  
 quibus agunt Magister 2. d. 21. & deinceps. S. Thomas in prima  
 secundæ. & Scotus 2. Sentent. Estque materia hæc necessaria  
 scitu, nam per illos actus distinguitur creatura rationalis ab om-  
 nibus aliis ratione carentibus, his enim solis vel acquiritur vel  
 amittitur ultimus finis, ad quem homo creatus est, quid autem  
 prodesset homini, si haberet omnem scientiam, si se neglecto &  
 ignorato, alia incumberet, oraculum proinde etiam divini Apol-  
 linis est: *Nosce te ipsum.* Sic itaque

# DISPUTATIO PRIMA.

DE

## Libero Adami Arbitrio.

### QUÆSTIO PRIMA.

*An ad bene agendum egerit Adami liberum arbitrium gratiæ divinæ auxiliis?*



De quæstionem brevi-  
 ter respondendo reso-  
 lutivè:

Dico Primò: *Adam in Statu Innocen-  
 tiæ potuit peccare, & potuit etiam  
 non peccare.* Hæc est de fide, & Pro-  
 batur tum ex Scripturis suprà, & in-  
 frà citandis: Tum ex S. Augustino  
 lib. 22. de Civit. cap. 30. ubi ait: *Li-  
 berum arbitrium, quod homini datum  
 est, quando primum creatus est rectus,  
 potuit non peccare, sed potuit & pec-  
 care: hoc autem novissimum eo poten-  
 tius erit, quò peccare non poterit. Ve-  
 rum hoc quoque DEI munere, non sue  
 possibilitate natura.* Et lib. 3. Hypo-  
 gnost. cap. 2. *Nam ut calcatus libe-  
 rum arbitrium cum possibilitatis bono,  
 quo valeret implere, quod voluisset,  
 Adam factum intelligas, audi, quid di-  
 cat Scriptura sancta in libro Ecclesia-  
 stico, DEUS, inquit, ab initio fecit*

*hominem, & reliquit illum in manu con-  
 siliisui, adjecit mandata & præcepta;  
 Si volueris mandata servare, conser-  
 vabunt te, & fidem facere beneplaci-  
 tam in perpetuum. Apposuit tibi ignem  
 & aquam, ad quod volueris, porrige  
 manum tuam. Ante hominem est vita  
 & mors, bonum & malum, & quod  
 voluerit dabitur illi: Quid est autem,  
 & reliquit illam in manu consilii sui,  
 nisi dimisit eum in possibilitate liberi ar-  
 bitrii sui? in manu enim possibilitas  
 intelligitur. Ipsa est prima gratia, quæ  
 primus homo stare potuisset, si servare  
 mandata Domini voluisset.*

Dico Secundò: *Liberum arbi-  
 trium Adami in statu innocentie tam  
 ad bene agendum, quam ad perseve-  
 randum egiisset adjutorio divinæ gra-  
 tiæ.* Hæc etiam est de fide, & proba-  
 tur ex Patribus Augustino epist. 106.  
 ad Bonifacium, ubi dicit: *Natura  
 humana etiam si in illa integritate, in  
 qua condita est, permaneret, nullo  
 modo seipsam Creatore suo non adju-  
 vante servaret. Cum igitur sine DEI  
 gratia salutem non posset custodire,  
 quam accepit, quomodo sine DEI gra-  
 tia potest reparare quam perdidit. Ec  
 in Enchiridio ad Laurent. cap. 106,*

*Sine*

I.  
 Adam po-  
 tuit pecca-  
 re & non  
 peccare.

II.  
 Adami li-  
 berum ar-  
 bitrium,  
 egiit DEI  
 gratia.

Sine gratia nec in paradiso ullum meritum esse potuisset. Quia etsi peccatum in solo libero arbitrio erat constitutum, non tamen justitiæ retinendæ sufficiebat liberum arbitrium, nisi participatione immutabilis boni divini adjutorium præberetur. Sicut enim mori est in hominis potestate, cum velit, nemo est enim, qui non seipsum, ut nihil aliud dicam, vel non vescendo possit occidere, ad vitam verò tenendam voluntas non satis est, si adjutoria sive alimenterum sive quorumcunque tutaminum desint. Sic homo in paradiso ad se occidendum relinquendo justitiam idoneus erat per voluntatem: ut autem ab eo teneretur vita justitiæ, parum erat velle, nisi ille, qui eum fecerat, adjuvaret. Et tractatu de Cant. novo cap. 8. Quid valeat liberum arbitrium non adjutum, in ipso Adam demonstratum est. Ad malum sufficit sibi, ad bonum non, nisi adjuvetur à DEO. Primus enim ille homo accepit liberum arbitrium rectum, & posuit DEUS ante eum, sicut Scriptura dicit, ignem & aquam. Hilarius in epist. ad S. Augustinum de Semi-Pelagianis scribens ait: Molestè ferunt ita dividi gratiam, quæ vel primo homini data est, vel nunc omnibus datur, ut ille acceperit perseverantiam, non qua fieret & perseveraret, sed sine qua per liberum arbitrium perseverare non posset.

## QUÆSTIO SECUNDA.

*An stante gratia & libero Arbitrio Adam in statu innocentiae potuerit prius venialiter quàm mortaliter peccare?*

I.  
Quomodo  
hæc quæ-  
stio ab aliis  
moveretur.

Scotus noster movet quæstionem hoc modo: An peccatum hominis primum in statu innocentiae potuit fuisse veniale? S. Bonavent. in titulo: An peccatum Adæ potuerit esse veniale? in textu autem: Utrum primum peccatum hominis potuerit esse veniale? Aliqui Scotistæ: Potueritne Adam in statu innocentiae peccare prius venialiter quàm mortaliter? Aliqui denique: Utrum in

statu innocentiae potuerint homines peccare simul in eodem statu perseverando. Ego verò propono sic, An in statu innocentiae stante gratia & libero arbitrio Adam potuerit venialiter peccare: tot modi quærendi, hoc unicum efficiunt, quòd pateat discrimen peccati mortalis à veniali fuisse agnitum antiquitati, posteritati esse commendatum contra petulantiam hæreticorum novatorum, quibus subindè sufficit, ut oderint dogma aliquod, quod videant illud Catholicis probatum. Ego in hac quæstione examinabo & resolvam, an Adam stante innocentia illà peccare potuerit? num mortaliter, an solum venialiter? quo genere peccati? sive contra quod præceptum & virtutem? Item quo genere peccati amittebat statum in sui conditione acceptum?

Notandum autem pro evitandâ omni æquivocatione, quæ videtur Adversarios aliquos decepisse, quæ est in tō *status innocentiae*, innocentia enim dicit carentiam omnis culpæ, sed cum carentia omnis culpæ certum est, nullam culpam posse stare, ac proindè non potest negotium sic intellectum controversi, tantum abest, ut evinci possit ab affirmantibus posse culpam inveniri, cum statu vel in statu innocentiae; verum sic hæc non accipitur; vera autem acceptio & theologica status innocentiae est, ut intelligatur esse, fortunata illa conditio, quæ collocata est primo homini, & dependebat ab innocentia ejus, sive impletionem mandati divini. Hunc dico posse compati secum culpam aliquam, saltem levem, itaque

II.  
Innocentia  
dupliciter  
capi potest.

Dico Primò: In statu innocentiae habuit Adam sic liberum arbitrium, quòd potuerit peccare tam primo peccato, quàm secundo venialiter. Hæc est contra S. Thomam, & S. Bonaventuram, &c. Eam tamen tenet Doctor subtilis, & Probatur Conclusio: Non potest gravitas obligationis cadere supra parvam materiam, sed in statu innocentiae poterant sæpè occurrere parvæ materiæ, ergò aliquæ,

III.  
Innocentia  
in statu po-  
tuerunt venialiter  
peccare.

quæ, quæ non paterentur gravitatem obligationis vel reatum gravem in transgressione. Conseq: patet. Min: etiam est certa, quis enim dubitet, quin in illo potuerit contingere morosa aliqua cogitatio rei minus utilis, vel etiam honestæ, Periphrasis aliqua & circumlocutio, quâ objectum explicaretur pluribus verbis quàm necesse foret, motus quispiam iræ leviusculus, bolus quispiam ultra necessitatem in cibo, & similia, quæ humanâ diligentia vitari non possunt. Maj: autem, quæ est fundamentum totius, probatur: Quia divina præcepta, sive eorum transgressiones decrescunt ob parvitatem materiæ, non decrescerent autem, si parva materia esset capax magnæ obligationis, nam aliud nihil deest. Imperans est summæ authoritatis, subditus est summè labilis, ergo; sit exemplum, ex præceptis Decalogi est illud: *Non furaberis*. Quæ lex est absoluta & universalis, neq; meminit magni damni aut non magni, & tamen parvum furtum non est grave peccatum, eo ipso, quia parvum est, ergo jam parvitas ex se est incapax gravitatis, atque ita quemcunque statum assignes in eo parvum parum erit, & parum oberit, ergo.

Probatur Secundo: Levitas offensæ oritur ex defectu libertatis, item ex defectu attentionis, non enim est dubium, quin Adam in illo statu potuerit imperfectè aliqua concipere, eo autem facto imperfectè volet, sive amabit, aut prosequetur objectum, nam quod non est præcognitum, non est volitum, ergo quod imperfectè cognitum, etiam imperfectè volitum est; Probatur antec: Quia intellectus hominis primi dependebat à phantasmatibus, & usu sensuum in intelligendo. Prout communiter Adversarii in hoc negotio tenent, eum pependisse à sensibus in intelligendo, & tunc debent succumbere rationi, quæ non evaditur nisi à tenente eum fuisse independentem ab illis. Deindè detur, quod non dependeat, ut probabiliter sentio de Adamo, quia licet per

sensus non possit falli, nisi qui dependet ab illis in intelligendo, tamen per objecta ipsa potest ob nimiam distantiam, quod etiam Angelis contingere potest, sed idè vix evenit ipsis, quia ipsi, tametsi non possint, semper sistere sibi objecta, tamen possunt se sistere præsentibus objectis, quod Adam non potuit ob molem corporis & gravitatem.

Probatur Tertiò argumento Scoti: Nulla forma magis opponitur peccato, quàm gratia sanctificans, hæc enim quasi formaliter excludit illud, sed forma sanctificans non ita excludit omne peccatum, quin permittat committi & durare secum aliquod veniale, ergo nec status justitiæ originalis Adami ita opposebatur peccato, nè compatetur secum veniale, sed omninò illud admittebat tam in fieri quàm in facto esse: maj: valet quàm maximè in sententia Adversariorum, qui absolute volunt gratiam ex natura sua justificare, atque excludere peccatum directè ac formaliter. Denique in egressu à rectitudine prius curvatur aliquid parva obliquitate quàm magnâ, veniale peccatum est parva obliquitas, mortale magna, ergo juxta rationem prius incurrendum est veniale quàm mortale.

Arguitur in contra Primò: Ille status consistebat in subjectione animæ hominis ad DEUM, & subjectione sensûs ad animam, ex quibus subordinationibus secunda dependebat à prima, ergo sublata primâ desinebat secunda, sed per peccatum quodlibet tollebatur subordinatio animæ ad DEUM, ergo & subordinatio sensûs ad hominem, in quâ consistebat felicitas illius statûs, ita ferè S. Thomas 12. qu. 83. art. 3. & ex ipso alii. Respond. in illo statu fuisse quidem utramque subjectionem, sed non æquè necessario, in re ipsa est melior subjectio hominis ad DEUM, quàm sensûs ad hominem, tamen in ordine ad illum statum instituendum magis principalis erat illa secunda, quia status ille fuit cujusdam felicitatis corporalis & præternaturalis, atque

(\*) Bbb

cujus-



cujusdam immunitatis à corporali-  
bus incommodis, nempe à morte &  
verecundia, sive concupiscentia,  
quòd autem una subjectio depende-  
ret ab alia, asserunt quidem Adver-  
sarii, sed non probant satis. Deinde  
datur, hæc omnia verè assumi, facile  
adhuc solvitur argumentum, dicen-  
do, quòd per peccatum quodcunq;  
tolleretur subjectio hominis ad DE-  
UM, sed differenter per levìa leviter,  
per gravia notanter, atque ita per  
peccatum veniale non tolleretur,  
planè ille status, sed ut maximè mi-  
nuebatur. Imò possum utcunque  
retorquere ratione theologicâ sic:  
Peccatum veniale non tollebat ami-  
citiâ hominis cum DEO, imò non  
imminuebat eam, quia gratia san-  
ctificans non minuitur per venialia,  
alioquin tolleretur tandem per mul-  
ta talia, & sic plura venialia facerent  
mortale, ex quo antecedente secun-  
dum arguentes sequi debet, quòd  
nec veniale aliquod, imò nec multa  
talìa imminuebant illum statum, ne-  
que auferabant aliquid de felicitate  
ejus, quod est Scoti intentum.

Inflatur: Potuit DEUS ita dare  
homini illa dona, ut si peccaret ullo  
modo, etiam venialiter, omnia amitte-  
ret. Respond. Primò, retorquendo  
argumentum: Potuit ita dare illa,  
ut per solum mortale amitterentur:  
itaque fateor, id DEUM potuisse, de  
facto autem quid fecerit, est igno-  
tum. Ego dico, illum statum non  
pependisse ab alio, quàm ab esu ta-  
lis ligni, quoniam lego Dominum  
DEUM dixisse: *In quacunque die  
comederis, morte morieris.* Item illud,  
*aperiuntur oculi vestri.* Quod licet à  
diabolo, tamen verissimum dictum  
refert Moyses, & probat experi-  
entia.

Arguitur Secundò: Quòd si ve-  
niale peccatum non tolleretur illum  
statum, fieri posset, ut in illo homo  
acquireret habitus vitiosos, & qui-  
dem intensos inclinantes ad venialia,  
per quos etiam disponderetur ad  
mortalia; præterea multiplicatis  
hominibus, multiplicari possent  
fraudes, mendacia, ambitiones, &

similia, quæ non leviter turbarent  
illam Rempublicam. Respond. Pri-  
mò, contrarium verius esse, si enim  
peccata forent levìa, non nisi levi-  
ter turbarent eam. Respond. Se-  
cundò: actus leves non generare  
habitum, non enim possunt genera-  
re intensiorem seipsis, ipsi autem  
sunt singuli ut unum v. g. quod non  
vocatur habitus, sed potentia, nam  
nulla potentia v. g. voluntas potest  
elicere actum minus intensum quàm  
ut unum, si autem actus ut unum sit  
intensus, quæro, quis sit remissus.  
Respond. Tertiò, in eo statu nun-  
quam genitum iri habitus contra  
perfectiorem ejus v. g. habitum lu-  
xuriæ, aut erubescentiæ, morbum  
habitualement, & si quæ alia erant pri-  
vilegia illius statûs, ratio est, quia  
cùm DEUS abstulerit hominibus il-  
lis ipsam potentiam naturalem & a-  
ctum primum concupiscendi ac eru-  
bescendi, non fuit conveniens neque  
possibile rationabiliter, ut permit-  
teret habitum, cùm hîc semper sup-  
ponat potentiam, & sit quoddam  
augmentum ejus. De aliis autem  
defectibus aut vitiis, jam dixi, quòd  
fuerint impertinentia ad illum sta-  
tum evertendum, aut labefactan-  
dum.

Arguitur Tertiò: Quia si status  
ille esset capax peccati, esset & pœ-  
nitentiæ, sed illi statui repugnabat,  
pœna, & omnis omnino molestia,  
ergò & omne peccatum. Confirma-  
tur: Quia tunc decedens in eo statu,  
transiret ad purgatorium, quod vi-  
detur eo indignum. Respond. argu-  
mentum in ipsorum principiis vale-  
re, non æquè in nostris, qui proin-  
dè differimus ab illis, quia ipsi sta-  
tum naturæ integræ reddunt beati-  
ficum, nos autem non, sed medium  
inter miserum hunc & illum beatum.  
Ponimus ergò, quòd homo tunc  
posset leviter sicut peccare, ita & do-  
lere ac tristari. Audiendus Subtilis:  
*Nec fortè necesse est ponere, quòd nul-  
lus sensitivus appetitus potuit tunc  
tristari, potuit enim visus tunc vide-  
re turpe visibile, & auditus audire  
turpe audibile, & utrumque potuit  
offendere appetitum sensitivum, sicut  
& con-*













ergò dicerem, quod me dixisse mentiris: negari liberum arbitrium, si gratia commendetur, & negari gratiam, si liberum commendetur arbitrium. Redde verba mea, & vaneſcet calumnia tua. Hucusque S. Augustinus. Idem refutat lib. 2. de Nuptiis & Concup. cap. 3. & lib. 1. contra duas epistol. Pelagian. cap. 2. & alibi: Si autem liberum arbitrium ejusque libertas non acciperetur pro libertate indifferentiæ, sed pro libertate à coactione, non esset quod ratio tam docti viri angustiaretur, quia hanc à coactione quilibet idiota posset cum gratia concordare.

Deindè D. Augustinus doctrinam negantem liberum arbitrium post dogma Pelagii non minus quam antè retulit in hæresim Manichæorum. hæresi 46. & lib. 4. contra duas epistol. Pelagianorum cap. 4.

Tertiò: Quia cum Monachi Aduerſarij sentirent per gratiam destrui liberum arbitrium, hanc ob causam ex professo assumpsit occasionem scribendi librum de gratia & libero arbitrio ad Valentinum, undè cap. 2. ait: Revelavit autem nobis per Scripturas suas sanctas, esse in homine liberum voluntatis arbitrium. Quomodo autem revelaverit commemo vos non humano eloquio, sed divino. Primum, quia ipsa præcepta divina homini non prodesſent, nisi haberet liberum voluntatis arbitrium, quod ea faciens, ad promissa præmia perveniret. Ideò enim data sunt, ut homo excusationem de ignorantia non haberet: sicut Dominus dicit in Evangelio de Judæis: Si non venissem, & locutus eis fuisset, peccatum non haberent. Et epistol. 46. ad Valentinum. Non est autem credibile, Monachos Aduerſarios ita desipuisse, ut putarent per gratiam lædi libertatem à coactione, cum oppositum quisque evidenter experiretur, sed putabant tolli libertatem à necessitate, quam tam industriose in illo defendit libro.

Quartò: Quia nunquam S. Augustinus reprehendit Pelagianos, quod defendant liberum arbitrium,

sed quod nimias ei vires tribuant, undè lib. 2. de Nuptiis & Concupisc. cap. 3. dicit: Liberum itaque in hominibus esse arbitrium, & DEUM esse nascentium conditorem, utrique dicimus, non hinc estis Celestiani & Pelagiani: liberum autem quoniam esse bonum sine adjutorio DEI, & non erui parvulos à potestate tenebrarum, & sic transferri in regnum DEI, hoc vos dicitis, hinc estis Celestiani & Pelagiani.

Probatur Conclusio superior 4. Rationibus ex præfatis Augustini textibus assumptis Primò: Quia aliàs homini gratis exponerentur præcepta, cum homo non esset illis obligatus, utpotè, quæ servare non posset, sicut de facto pueri & phrenetici nullis ligantur præceptis, undè lib. de fide contra Manichæos dicit: Quis enim non clamat, stultum esse, præcepta dare ei, cui liberum non est, quod præcipitur, facere: & iniquum esse eum damnare, cui non sunt potestas jussa complere? Et hæc injustitia & iniquitates miseri non intelligunt Deo se adscribere. Sed quid verum est, nisi & Dominum dare præcepta, & animas liberæ esse voluntatis, & malum naturam non esse, sed esse versionem à DEI præceptis, & esse justum judicium DEI, quo damnet reccantes? Ex quo sequitur ratio

Secunda: Quia aliàs homines non possent mereri vel demereri, per id enim, quod non est in nostra potestate, ut ponamus vel non ponamus, nihil possumus mereri vel demereri, hinc quoque tolluntur præmia & supplicia, quæ meritis & demeritis correspondere debent.

Tertiò: Quia in homine est consultatio de pluribus mediis, eamque sequitur electio alicujus medi ad libitum, ut experientia cujuslibet patet, ita ut si homo verè liber esset, (sicut de facto eum liberum & Scriptura omnis, Ecclesiæ antiquitas, & universitas Gentium tenet) non alia quam quæ nunc libertatis experientia haberetur. Quod Confirmatur ad hominem Calvinistam, si medium à voluntate necessariò eligatur,







ponens ipsam libertatem. Videatur ibidem Augustinus.

Arguitur Tertiò : Opponendo libertatem DEI in amore suo, Beatorum in amore DEI, Christi in adimplatione praeceptorum à Patre datorum, daemonum in peccando, in quibus omnibus libertatibus deficit indifferentia, & subest necessitas physica, ergò ad liberum arbitrium sufficit libertas à coactione, & non requiritur à necessitate. Undè S. Augustinus lib. 22. Civit. cap. 30. ait: *Sicut prima immortalitas fuit, quam peccando Adam perdidit, posse non mori, novissima erit non posse mori: ita primum liberum arbitrium, posse non peccare: novissimum non posse peccare - - - Certè DEUS ipse nunquid quia peccare non potest, ideò liberum arbitrium habere negandus est? Respond. neg: consequ: Quia licèt physica necessitas sit in amore, quo se-*

ipsum DEUS amat, & passim à Doctoribus supponitur esse in fruitione beatorum, & juxta aliquos in actionibus malis daemonum, qui consequenter non peccant; attamen rectius dicitur & simpliciter tenendum, eos esse physicè liberos tum in electione variorum peccatorum, tum in electione & omissione peccati, quamvis de facto semper peccent aliquibus peccatis ex voluntaria obstinatione, quæ statuit tantum necessitatem moralem & consequentem, unde verè peccant, licèt non demereantur, quia sunt extra statum viæ. Econtra de facto non peccant omitendo actum aliquem supernaturalem, utpotè ipsis defectu principii supernaturalis impossibilem. De CHRISTO dico, eum fuisse præditum libertate indifferentiæ ad meritum requisita, ut dico in tertio Sententiarum. Sit igitur

\*\*\*\*\*

## DISPUTATIO SECUNDA.

DE

### Nostro libero Arbitrio.

**L**iberum arbitrium esse in homine etiam post lapsum primi Parentis nostri Adami, definiunt Concilia, & signanter Trident. suprà, probant Patres, & universa tenet Ecclesia, ita quòd D. Augustinus lib. 3. Hypogn. paulò post medium dicat: *Est liberum arbitrium, quod quisquis esse negaverit, Catholicus non est: Et quisquis esse sic dixerit, quòd sine DEO bonum opus, id est, quod ad sanctum ejus propositum pertinet, nec incipere, nec perficere possit, Catholicus est. Quibus enim dicitur in Psalmis, nisi liberum arbitrium habentibus: venite filii, audite me, timorem Domini docebo vos, Item à Domino in Evangelio Discipulis: Omnis, qui audit verba mea hæc, & faciet ea. Item, vos amici estis, si feceritis, quæ ego mando vobis. Et iterum: Quomodo autem unicuique secun-*

(\*) Cccc 2

dum



Dicere Secundò: Esse demonstrabile DEUM dari, etiam ut Judicem prohibentem mala, & bona præmiantem, quod non esset verum, nisi in homine daretur liberum arbitrium. Ast pergo refutando, hoc iterum nihil convincit, quia major pro secunda parte negatur, nec ulla ratione demonstrabitur, DEUM esse supremum Judicem malorum aut bonorum moralium, prius enim debet demonstrari dari bonum aut malum moraliter, quod fieri non potest, ergò. Dicere denique, homines terroribus & minis coerceri, & blanditiis allici, nihil quoque probat, quoniam etiam bruta minis & terroribus coercentur, & blanditiis alliciuntur, cum tamen non sint libera.

III.  
Liberum  
arbitrium  
non est a-  
ctus aut ha-  
bitus.

Dico Secundò: *Liberum arbitrium non est actus ullus, vel habitus.* Est communis contra Authores supra citatos. Probatur prima pars: Quia ex unanimi Patrum sententia, liberum arbitrium est quid creatum naturæ nostræ insitum, & inamissibile, sed nullus actus seu intellectus, seu voluntatis est quid tale, imò sunt amissibiles, tanquam naturæ supervenientes, suntque multiplices, non unum quid, ergò. Quod confirmatur: Quia alias careret libero arbitrio, qui careret actu, illudque perderet toties, quoties perderet actum, & reciperet, quoties reciperet actum.

Probatur Secundò eadem pars contra Hervæum, quia posita simplici apprehensione objecti, vel est in potestate voluntatis elicere actum deliberandi, vel non elicere: vel necessario elicit talem deliberationem, si primum, ergò in voluntate reperitur libertas ante affectum & effectum deliberandi, & consequenter liberum arbitrium non consistit in prima apprehensione objecti & voluntate habente affectum deliberandi. Confirmatur: Quia liberum arbitrium dicitur communiter posse agere, & non agere, quod non actui convenit, sed principio actus, quare licet aliquando Patres secundum gramma-

ticum communem sensum accipiant liberum arbitrium pro quadam volitione & exercitio voluntatis, nihilominus propriè accipitur pro principio hujus actus.

Probatur secunda pars ex natura habituum: *Habitudo non est naturæ inditus, sed acquisitus per frequentes actus, vel infunditur, quo carere possumus, & iterum illum amittere, liberum arbitrium autem est naturæ inditum & concreatum: habitus tantum sunt ad faciliter operandum, liberum arbitrium est simpliciter necessarium principium ad agendum cum indifferentia.* Habitus determinant naturaliter ad unum inclinando potius, quam ad ejus oppositum, liberum arbitrium autem est indifferens ad opposita: *Habitus non agunt, nisi determinentur à potentia, cui insunt, quæ si naturalis est, determinabit naturaliter, & sic actus non erit liber, si sit libera, jam præter habitum dabitur potentia libera, in qua consistet liberum arbitrium: Denique liberum arbitrium est entitas substantialis, habitus accidentalis & à subjecto sui destructione separabilis, ergò.*

Dices: S. Bernardum Tract. de grat. & lib. arbitr. definire liberum arbitrium per habitum, ergò. Respond. conc: antec: & neg: consequ: Quia mellissus Doctor utitur vocabulis ad suum propositum, & habitum ibi accipit pro habitudine ad actum, & talis habitudo est ipsamet potentia. Sic etiam intelligendus est S. Bonaventura, & alii Patres, qui aliquando liberum arbitrium per actum ipsum explicant, seu pro actu ipso sumunt aliquando pro habitudine, & tunc habitum appellant, quamvis semper voluntatem intelligent esse illorum principium. Similiter quando Patres dicunt, liberum arbitrium consistere in actibus intellectus & voluntatis, intelligendi sunt præsuppositivè unus, alter tanquam effectus liberi arbitrii, seu voluntatis.

Dico Tertiò: *Liberum arbitrium consistit in potentia aliqua, illa tamen*

(\*) Cccc 3

IV.  
Liberum  
arbitrium  
non est in















rum, & e contra? Quæ difficultas coincidit cum ea, quam movet Scotus q. 16. quodl. quærens, An libertas voluntatis & necessitas operandi possint compati in eodem, respectu ejusdem actus & objecti? Qua in re conveniunt omnes loquendo de libertate contradictionis, vel contrarietatis eam esse incompatibilem, cum necessitate operandi, nec omne voluntarium perfectum esse liberum hac libertate. Primum patet: Quia indifferentia ad opposita non potest stare cum determinatione ad alterutrum. Secundum etiam patet: Quia Pater & Filius in Divinis perfecte voluntarie producant Spiritum Sanctum juxta omnes, non tamen libere libertate indifferentiæ, quia summè necessariò producant, ut docent omnes Theologi.

Secundò, conveniunt, omne liberum esse perfecte voluntarium, discrepant tamen, an ita sit vice versa, atque adeò dum de productione Spiritus Sancti agunt, quamvis unanimiter doceant eam esse necessariam, & simul perfecte voluntariam, controvertunt tamen, num sit dicenda libera, cujus controversiæ ratio fundatur in alia controversia philosophica potius, an videlicet omne necessarium dicendum sit naturale, & omne liberum contingens. Qua in re Thomistæ communiter sic loquuntur, ut dicant, naturale & necessarium esse omninò idem, & utrumque opponi non solum contingenti, sed etiam libero, ita ut quod necessariò fit, nequaquam liberum dici queat, atque adeò asserunt perfecte voluntarium & liberum non converti, sed potius se habere ut superius ad inferius, ita ut omne liberum sit voluntarium, non tamen e contra.

Secundò examinandum est: An hæc libertas conveniens cum voluntario perfecto sit sufficiens ad malè vel benè agendum. Tertiò: Quænam sit illa libertas requisita ad hoc, ut voluntas habeat rationem liberi arbitrii, ad benè scilicet & malè moraliter agendum? Et tandem,

An voluntas in eodem instanti, quo operatur, adhuc libere operetur? quæ omnia breviter hic resolvam. Unde

Dico Primò: *Perfekte Voluntarium & liberum ad se in vicem convertuntur, ita quòd liberum possit stare cum necessitate operandi non minus, ac voluntarium.* Ita Scotus Quodl. 16. a. 3. & in 1. d. 10. q. un. §. ad quæst. dico, & d. 2. qu. 7. quem sequitur universa ejus Schola. Prima pars non potest melius probari, quam evolvendo unicum fundamentum Adversariorum, probando nimirum Naturale & Necessarium non esse convertibilia, adeoque nec omne necessarium opponi omni libero, quod sic probo: Ad perfectam libertatem non requiritur essentialiter indifferentia ad bonum & malum, imò stare potest cum necessitate ad bonum, ergò necessitas operandi stat cum vera & essentiali libertate, & consequenter nihil obstat, quòd minus perfecte voluntarium & liberum sint convertibilia. Consequen: patet.

Antec: probatur Primò ex August. in Enchirid. cap. 105. qui sic ait: *Oportebat prius hominem fieri, ut & benè velle posset, & malè, postea verò sic erit, ut malè velle non possit, nec ideo libero carebit arbitrio, multò quippe liberius erit arbitrium, quod omninò non poterit servire peccato.* Ubi expressè docet, ad perfectam & veram libertatem non requiri indifferentiam illam ad opposita, quam nunc habemus. Secundò probatur idem ex Anselm. de lib. arbitr. cap. 1. ubi discipulo percontanti definitionem liberi arbitrii & dicenti: *Cur non sit liberior illa voluntas, quæ ad utrumque se habet, non video?* Respondet Anselmus: *An non video, quoniam qui sic habet, quod decet, & expedit, ut hoc amittere nequeat, liberior est, quàm ille, qui sic habet hoc ipsum, ut possit perdere? est liberior itaque voluntas, quæ à rectitudine non peccandi declinare nequit, quàm quæ illam potest deferere, ergò cum quæstio sit de nomine.* Et D. Augustinus & Anselm.

III.  
Liberum &  
voluntarium  
um perfecte  
tum con-  
vertuntur.



























































DEUS ad intra necessitatem, & ad intra indifferentiam, sed implicat DEUM ad extra necessario agere, aut ad intra indifferenter, ergo implicat voluntatem creatam simpliciter necessitari circa aliquod objectum.

Probatur Tertiò: Necessitas agendi ad intra in voluntate divina fundatur in sola & summa activitate & simul rectitudine illius, secundum quas non potest non amare bonum, ergo sicut repugnat voluntati creatæ summa rectitudo & activitas in agendo, ita & necessitas. antec: patet: Quia nullum esset assignabile aliud principium illius necessitatis à DEO

Probatur Quartò: Defacto nec gratia habitualis vel actualis, nec inclinatio potentiae ad summum bonum, nec clara DEI visio, nec notitia legis, nec decretum DEI efficax, nec (secundum Thomistas) prædeterminatio physica necessitat voluntatem ad amandum DEUM, sed non apparet alius modus possibilis necessitandi voluntatem, ergò. maj: supponitur quoad omnes partes ex diversis materiis Theologicis, saltem secundum cujuslibet Scholæ sententiam & mentem.

Arguitur Primò: DEUS est omnipotens, & voluntas creata subicitur ejus dominio, ergo non repugnat DEUM simpliciter necessitare voluntatem. Confirmatur ex Augustin: Enchirid: cap: 28. dicente: *Posse DEUM, quia omnipotens est, mutare voluntatem hominis quando voluerit, & ubi voluerit.* Respond: distin: antec: pro secunda parte: Subjicitur in jis, quæ ex terminis non repugnant suæ naturæ, conc: secus, neg: non enim potest DEUS facere, quod voluntas videat, aut intellectus velit. Ad Augustin: Respond: Illum loqui de mutatione, quæ non repugnat voluntati, puta de conversione libera à malo ad bonum, & similibus aliis.

Instatur: Intentio efficax finis necessitat ad electionem mediorum, ergò. Respond: distin: antec: secundum quid, & supposita libera inten-

tione finis, transeat: Simpliciter, neg: potest enim voluntas nec finem, nec media eligere, imò etiam posita efficaci intentione finis manet adhuc libera quoad hæc vel illa media eligenda.

Arguitur Secundò: DEUS potest necessitare voluntatem ad cessandum ab omni actu, ergo & agendum, antec: patet, Quia DEUS potest suspendere omnem suum concursum, quo casu voluntas non poterit non cessare, conseq: etiam patet, quia indifferentia voluntatis non magis respicit agere quam non agere, ergo si ad unum potest necessitari etiam ad alterum. Respond: neg: antec: Quia supposito, quod DEUS dederit talem intrinsecam indifferentiam voluntati operando vel cessando, implicat, quod hunc modum agendi immutet, manente natura voluntatis. Ad prob: cum dicitur, quod DEUS posset suspendere concursum, dico, quod sicut DEUS præbendo concursum voluntati non necessitat eam ad agendum, ita nec suspendendo suum concursum necessitat eandem simpliciter ad suspendendum actum. Et sicut DEO concurrente voluntas liberè & contingenter concurret, ita DEO suspendente suum concursum voluntas etiam liberè & non necessario simpliciter suspendit suum actum.

Instatur: Scotus 4. d. 49. q. 6. §. dico ergò. admittit voluntatem beati ab extrinseco reddi impeccabilem potentiâ proximâ per voluntatem divinam prævenientem illam voluntatem, ut continuet actum fruendi, ita quod non potest potentiam suam remotam non fruendi reducere unquam ad actum, ergo videtur Scotus admittere voluntatem posse necessitari. Respond: Scotum ibi tantum velle, quod voluntas DEI præveniens voluntatem creatam ad continuandam fruitionem, vel suspendens ad non peccandum sit prima & principalis radix omnis contingentiae in voluntate creata, adeoq; prima causa cur fruitio perpetuò continuetur (contingenter tamen)

II.  
DEUS suspendendo  
concursum  
non necessitat  
absolutè voluntatem





























































































tionem hujus objecti, & nullo modo ad oppositum, quod, inquam, voluntas viatoris ad illum actum necessitaretur, sed consequens est falsum, ut patet in voluntate Christi, in ordine ad actum præcepti, stante impeccabilitate ejus, & libertate, ergò. Probatur sequela: Ille actus est necessarius, cujus contrarium vel contradictorium non est in potestate voluntatis, sed si omissio pura non esset in potestate volentis, nec contradictorium, nec contrarium illius actus esset in ejus potestate hic & nunc, ergò. Probatur min: Non contrarium, quia ex hypothese non habet concursum DEI ad oppositum, sine quo simpliciter operari non potest: Nec contradictorium, quia secundum adversarios omissio, quæ est contradictoria physicè loquendo, nequit esse absq; aliquo actu positivo eam causante, nullus autem actus est possibilis hic & nunc, defectu concursus præter actum oppositum omissioni, quæ cum illo proinde nequit stare, ergò.

Probatur Quarto: Eliciens actum ordinabilem ad finem aliquem, v. g. poenitentiae, non necessariò ordinat illum ad eum finem, neq; necessariò habet nolitionem, vel finis, vel talis ordinationis, ergo potest ad tempus deliberare cum pura omissione utriusq;. Item propositis duobus mediis ejusdem finis voliti, potest eligere unum, nullum exercendo actum circa aliud, ergo in his & similibus actibus potest habere omissionem.

Probatur Quintò: Nihil est tam in potestate voluntatis, quam ipsa voluntas, juxta D. Augustinum lib: Retract: cap. 2. Sed est in potestate voluntatis suspendere aliquam potentiam inferiorem ab omni actu, ita ut illa habeat postea puram omissionem omnis actus v. g. potentiam visivam, ergo erit etiam in sua potestate suspendere se ab omni actu, alias esset aliquid magis in sua potestate, quam ipsamet voluntas. Confirmatur: Omnis libertas, quæ non implicat, est attribuenda voluntati, sed

non implicat ipsam posse puram omissionem habere, ergo est ipsi danda libertas ad puram omissionem liberam: Min: probabitur ex solutione oppositorum argumentorum; quare in contra

Arguitur Primò: Illud, quo mediante formaliter voluntas exercet libertatem, debet esse quid vitale, sed pura omissio non potest esse quid vitale, seu purè agendo ommissivè non ageret vitaliter, ergo per illam voluntas non potest exercere suam libertatem. Respond: distin: maj: Debet esse quid vitale, id est, procedens à principio vitali, conc: maj: debet esse secundum se formaliter vitale, & positivè sensibile, neg: maj: & similiter distin: min: sed pura omissio non est quid vitale positivè, conc: min: negativè & privativè, neg: min: & consequ: In hoc enim distinguitur voluntas à cæteris potentiis & causis naturalibus, quòd non solum producendo effectum positivum, sed etiam negativè se habendo, & suspendendo omnem actum possit se habere indifferenter ad agendum & non agendum, etiam positis omnibus requisitis, quod alias causæ, & potentiae non possunt.

Instatur: In exercitio libertatis necessariò actus secundus debet aliquid addere potentiae, à quo distinguatur, & cognoscatur esse in actu secundo, sed pura omissio nihil addit super voluntatem, prout sumitur per modum actus primi, & consideratur in ratione potentiae, ergò pura omissio non potest dici exercitium libertatis: Probatur min: voluntas in pura omissione nihil est aliud, quam voluntas, & potentia cum privatione omnis actus, sed voluntas in actu primo considerata, non est nisi potentia absq; omni actu, ergo pura omissio nihil addit super voluntatem, sumptam per modum actus primi. Respond: neg: min: ad probationem distin: min: sed voluntas considerata in actu primo non est nisi potentia absq; omni actu, necessariò, conc: liberè, neg: Unde licet in voluntate sumpta per modum

IV:  
Omissio  
pura qua  
ratione sit  
voluntaria



dum primi actus, sit ommissio talis actus, illa ommissio in actu primo est necessaria, sit autem libera per liberam suspensionem voluntatis, unde exercitium libertatis super actum primum addit illam liberam omissionem.

V.  
Mutatio  
que fit in  
pura omis-  
sione.

Urgetur: In omni transitu de contradictorio in contradictorium debet esse aliqua mutatio, sed voluntas transiens à non exercitio suæ libertatis, ut est in actu primo, ad exercitium ejusdem, transit de contradictorio in contradictorium, ergo debet immutari: Subsumo, sed omnis mutatio fit per aliquid positivum, ergo voluntas ut mutetur omittere, debet elicere actum positivum. Respond: neg: subsumptum: Nam contradictoria, inter quæ fit transitus, in proposito est determinatio libertatis ad unum extremum, extrema autem ponenda sunt actus ex una parte, ex altera verò ejus ommissio, seu privatio moralis; sicut ergo voluntas positivè & intrinsecè mutatur determinando se ad actionem, ita etiam determinando se ad aliud extremum, mutatur mutatione proportionata isti extremo, quæ mutatio potest vocari privativa, eò quòd voluntas hic & nunc posset habere actum, & tamen non habet. Aliter, posset responderi: Non requiri ad hunc transitum ullam mutationem realem intrinsecam ex parte voluntatis, sed sufficere, quòd ex parte intellectus concurrentis repariatur mutatio, voluntas enim nunquam liberè aliquid omittit sine prævia consideratione positiva intellectus: Exemplum hujus sit secundum sententiam Thomistarum: Actio est formaliter in passio, & non in agente, & tamen agens agendo transit à contradictorio in contradictorium, fit enim de non agente agens, ergo ad hanc mutationem salvandam sufficit aliquid positivum extrinsecum de novo fieri. Verius exemplum potest haberi in DEO, qui transit à non creante ad esse creantem, nulla in se recepta mutatione intrinseca.

Arguitur Secundo: Ut ommissio aliqua sit libera, debet esse ob aliquem finem volitum vel nolitum, ergo non potest dari pura ommissio libera. Probatur antec: Quia agens liberum est agens ex proposito, & consequenter agens propter finem, sed nequit agere propter finem, nisi quatenus finis movet, non movet autem nisi mediante actu, ergo. Responderi solet communiter, voluntarium agens semper agere ex proposito, & propter finem, aut formaliter, aut interpretativè, ita scilicet, ut quando voluntas velit exercere suam libertatem per actus positivos debeat tunc elicere tales actus propter finem formaliter sumptum sic cognitum, & moventem voluntatem ad illos actus positivos: Quando autem exercet suam libertatem per actus non positivos, sed per interpretativos, vel puras omissiones, tunc sufficit, quòd agat propter finem interpretativè, & consequenter dicitur agere ex proposito, ac sufficienter exercet suam libertatem. Hæc ut dixi, est communis Responsio, quæ tamen non videtur Pontio nostro sufficiens d. 44. de voluntate, in lib: de anima. Hinc Respond: Secundo aliter: Neg: antec: & distingu: probationis maj: Est agens ex proposito semper, neg: maj: Est agens ex proposito, id est, quod potest agere ex proposito, conc: maj: Itaq; voluntas agit semper ex proposito, id est, mediante intentione alicujus finis, quatenus agit per actionem positivam, seu per volitionem & nolitionem, quia ipsamet volitio, aut nolitio est talis intentio, vel propositum, & sic verum est, negatur tamen consequ:

Arguitur Tertiò: Voluntas in actu primo, seu ut est potentia potens actum ponere, vel non ponere ante omne exercitium libertatis, habet puram omissionem omnis actus, ergo pura ommissio non potest dici libera: Antec: patet: quia ut sic considerata habet negationem omnis actus, sed talis negatio æquivalet puræ omissioni, ergo. Consequ: Prima Proba-



Probatur: Quia id, quod est ante exercitium libertatis, ejusq; actum non potest dici liberum, sed illa pura ommissio, ejusq; actus sic se habet, ergò. Respond: Solutionem hujus argumenti patere ex dictis in prima oppositione, & illius instantia, nè quid tamen desit, Respond: adhuc negando primum antec: ad cujus probationem disting: maj: Habet tunc negationem omissionis liberæ, neg: maj: Necessariæ & per modum subjecti, conc: maj: Ommissio autem, de qua in proposito est libera privatio actus, qui deberet & posset inesse, hinc ad illam requiritur non solum ut potentia intelligatur nullum habere actum, sed ulterius ut adsit consideratio intellectus, & reliqua necessaria in ordine ad ponendum hic & nunc actum, quantum est ex parte voluntatis, quæ si adsit ommissio, erit negatio liberrima.

VI.  
Ommissio  
pura pec-  
can inofa  
potest da-  
ri.

Dico Secundò: *Potest defa-cto dari pura ommissio peccaminosa sine actu positivo.* Hæc non est tam contraversa, ac sequens. Probatur Primò: Ex Scriptura Proverb: 13. *Vult, & non vult piger*, id est, habet complacentiam boni, non tamen applicat media ob difficultatem, vel resistantiam appetitus sensitivi, sed talis non habet nolitionem positivam boni, imò potius illud vult, & in isto sensu sibi complacet, ergo talis habet puram omissionem, vel propter negligentiam, vel omissionem mediorum. Probatur Secundò: Quia secundum Concilium Arausicanum can: 22. Prosperum, contra Collator: cap. 24. Fulgentium, & alios Patres communiter, citatos in materia de gratia, per peccatum originale non est nobis sublata potentia ad peccandum propriis viribus, sed solum ad benè agendum, sed habens ex propriis viribus potentiam absq; ullo impedimento poterit uti sua libertate contrarietatis & contradictionis, ergo: Probatur min: Voluntas habet plenum dominium suæ libertatis in ordine ad peccandum, ergo sicuti potest positivè nolle bonum, ita etiam privativè omittere.

Dico Tertiò: *Defa-cto in natura corrupta non datur pura ommissio moraliter bona, & meritoria.* Est conformis Scoto 2. d. 29. §. *Potest dici*, ubi ait: Voluntatem natam esse condelectari appetitui sensitivo, nec posse sine difficultate retrahi à condelectando eidem, nisi feratur positivè in aliquod delectabilius, unde infert necessitatem justitiæ, vel gratiæ originalis. Ex quo

vii.  
Ommissio  
pura meri-  
toria defa-  
cto non da-  
tura

Probatur conclusio Primò: Difficultas conveniens voluntati, ut est activa in ordine ad benè agendum non vincitur, nisi operando positivè, sed defa-cto habet difficultatem operando benè, vel vincendo tentationes, ergò non potest eam vincere nisi operando positivè: Probatur maj: Resistentia positiva non vincitur solâ omissione, vel negatione, ergo potentia ut vincat difficultatem, oportet quòd aliquod positivum habeat, quòd homo effectum præstet.

Probatur conclusio Secundò: Et est confirmatio prioris: Ex duobus principiis Patrum, Primò ex necessitate gratiæ, nam Concilia, ut Arausicanum II. can: 4. §. 6. 7. contra Pelagianos, & semi Pelagian: item D. Augustinus lib: de correptis & grat: & alibi, Prosper, Hilarius &c. Nullum aliud agnoscunt bonum in natura lapsa, quod non est bona voluntas, aut bonam voluntatem, ejusq; initium non sequitur, sed pura ommissio mali nec est bona voluntas, nec bonam voluntatem, aut ejus initium sequitur, ergò nequit dici bonas Maj: patet ex dictis de gratia. Probatur min: Per opus intelligunt Patres prosecutionem finis per media ordinata, Per voluntatem intelligunt efficacem intentionem finis: Per initium verò bonæ voluntatis intelligunt primum motum pium à DEO nobis inspiratum, atqui hæc omnia sunt positiva, ergo ommissio pura nunc & defa-cto non erit bona & meritoria, patet min: ista: Quia de opere non potest esse dubium, quin sit positivum, de initio vero operis & bonæ voluntatis est quoq; certum, quia

*Quaest. IV. De Actu concurrente, vel concomitante ad omiss. &c. 631*

quia illud initium est pia affectio, prout est à DEO inspirata, ergo. Probatum etiam ex secundo Patrum principio, nempe ex infirmitate naturae humanae ad bonum, sic: Infirmitas naturae ad bonum radicatur in ignorantia, & maxime in ejus appetitu inordinato ad malum secundum illud D. Augustini lib: 1. de peccat: merit: & remiss: cap. 7. *Ignorantia igitur, & infirmitas seu concupiscentia vitia sunt, quae impediunt voluntatem, ne moveatur ad faciendum bonum, vel ab opere malo abstinendum.* Item de spir: & litt: cap. 29. docet, confugiendum esse ad misericordiam DEI, ut inspirata gratiae suavitatem per Spiritum Sanctum fiat plus delectabile, quod praecipit, quam delectat, quod impedit, hinc oritur necessitas gratiae tam ad vincendas tentationes, quam ad quodvis bonum opus & meritorium, sed gratia actualis Christi consistit formaliter non tantum in aliqua qualitate positiva ad intellectionem & volitionem, sed in ipsis actibus formaliter, ut multi Theologi probabiliter docent, ex D. Augustino lib: de corrept: & grat: cap. 12. ergo cum infirmitas naturae non possit sine his actibus moveri, sequitur, puram omissionem excludentem hos actus non esse bonam. Sed in contra

**Arguitur:** Omnia illa argumenta opponenda, quae pro prima conclusionem adducta fuerunt, ergo potest dari pura ommissio libera, bona & meritoria. Respond: negando consequens: Quia illa probant tantum potestatem voluntatis, non autem usum in ordine ad bonum, à potentia autem ad actum secundum, non valet consequens, v. g. in potestate voluntatis est dissentire, vel non dissentire gratiae, aut eandem rejicere ex Trident: non sequitur autem, ergo dissentiet. Item potest voluntas non ponere actum praevium à DEO, sed non sequitur, ergo ponet, similiter est in proposito: Est potentia in voluntate nostra omittendi omnem actum malum, non sequitur, ergo omittet, nisi gratia praeveniatur, si au-

tem gratia adsit, jam non erit pura ommissio, vel si contingeret pura ommissio absque gratia, deberet connumerari inter indifferentia, quia nullum bonum in lapsa natura sine gratia ex Tridentino, & aliis Conciliis citatis.

**Arguitur Secundo:** Exercendo actum furti demeretur homo, ergo si pure omittat (quod videtur ex potentia sine ulla gratia esse posse) meretur, quia observat per hoc mandatum. Respond: neg: consequens: Quia bonum est ex integra causa, malum ex quocunque defectu, nec mandatum ab isto observatur proprie, nam & asini abstinere à furto, & tamen non habent omissionem moralem, unde materiale furtum sine ullo actu voluntatis est indifferens, & nullo modo vitiosum, sicut ejus materialis ommissio nullo modo est virtuosa, sed indifferens, ergo.

**QUAESTIO QUARTA.**

*De Actu concurrente, vel concomitante ad omissionem puram, & tempore quo ipsum omissionis peccatum contingit?*

**P**ossunt cum omissionem varii actus concurrere, vel boni, vel mali ex objecto, si sint mali non est dubium, duplicem esse malitiam omissionis malae, & actus concurrentis mali, si vero sint boni, vel indifferentes, quaeritur, An habeant, vel contrahant ex omissionem specialem malitiam? Ubi sciendum actus concurrentes ad omissionem, vel eam causare, vel solum comitari, aut sequi omissionem; Causant v. g. si aliquis eo fine omittat audire Sacrum in die festo, ut domi studeat. Comitatur vero actus, si tam longe ab Ecclesia ob venationem recessit, & non animo omittendi Sacrum, quod non possit tempestive adesse. Denique sequitur, si, postquam deliberato animo constituit omittere Sacrum, domi se exerceat in aliqua occupatione indifferente, vel honesta, & de his omnibus movetur difficultas. Ad quam

*Adus tri-  
pliciter  
concurrat  
ad omissionem.*



II.  
Actus cau-  
sas omissi-  
onem ma-  
lam malus  
est.

Dico Primò: *Actus alioquin ex genere suo bonus, vel indifferens, si causat omissionem malam, erit peccatum, sed non distinctum quoad malitiam ab ipsa omissione.* Prima pars est communis; Secunda est contra Henricum quodl: 12. q. 14. & quosdam antiquos, qui tenent esse malitias distinctas, quarum una est peccatum omissionis, altera commissionis. Sed Probatur prima pars: Finis malus, sicut inficit actum ex medio bonum, ita e converso, sed ommissio est malum medium, ergo inficit finem quantumcunq; ex genere suo bonum, hinc furari ob finem misericordiae, ut eleemosynam largiatur, furtum est malum, ergò.

Probatur secunda pars: Malitia est privatio rectitudinis, quæ deberet inesse secundum legem, sed nulla rectitudo debetur actui causanti omissionem, nisi illa, quæ directè opponitur omissioni, ergo est una utrinq; malitia. Secundò, Tam graviter peccat omittens sine ullo actu elicitò, quàm si propter studium illud omittat, ergo studium in tali casu non habet distinctam malitiam: Consequ: est clara, quia si haberet distinctam malitiam, gravius foret peccatum: Antec: verò probatur: Quia finis bonus non augeat malitiam mediæ mali, quin potius aliquantulum minuit, in quantum plus de libertate tollit, is enim, qui ob studium sibi valde gratum omittit Sacrum, sit minus indifferens ad oppositum, quàm si nullum tale motivum haberet, hinc etiam timorati fideles in confessione solum confitentur omissionem, & non actum, qui fuit causa ejus, nec confessarius de eo inquisitionem facere debet, modò constet omissionem hic & nunc fuisse peccatum, vel nisi illa causa excuset omissionem à peccato, quod aliquando posset contingere.

Arguitur Primò contra primam partem: Talis actus non est contra aliquod præceptum, quia non contra aliquod determinatum, ergo non est peccatum. Respond: neg: antec:

Est enim contra præceptum affirmativum, quod omittitur

Arguitur Secundò contra secundam partem: Exercitium cujusq; actus habet eandem inordinationem, quam habet ejus volitio, sed volitio studii tempore sacri habet distinctam deordinationem ab inordinatione omissionis sacri, ergo & distinctam malitiam: Probatur mint: Illa volitio est contra charitatem, vel obedientiam, ommissio verò contra virtutem Religionis, ergò sicut hæc sunt virtutes distinctæ, ita erunt privationes planè diversæ: Probatur antec: Aliquid DEO præferre est contra charitatem, sed istud studium præfertur DEO, ergò. Deinde certum est, omissionem esse contra virtutem Religionis, ergò. Respond: conc: maj: & neg: min: ad probationem neg: antec: & ad ejus probationem distin: maj: Aliquid DEO præferre virtualiter, vel interpretative est contra virtutem charitatis, in quantum est specialis, & distincta à cæteris, neg: maj: ut enim sit formalis deordinatio contra charitatem, debet comparatio directè fieri inter DEUM, & aliud bonum: In quantum charitas obtinet rationem gratiæ, quæ quovis peccato mortali demeritoriè pellitur, conc: maj: sicut ergo in quovis peccato omissionis v. g. furti non est alia malitia contra charitatem, alia contra justitiam, sic in proposito, cum sola Ommissio sit prohibita per se, etiam studium hic & nunc non nisi præcisè propter omissionem est malum.

Ad cognoscendum autem, quando, & quomodo actus sit causa omissionis, Vasquez disp: 34. cap. 2. duas regulas assignat: Prima est hæc: Illa actio exterior, quæ secundum se alioquin incompatibilis est hic & nunc cum observatione præcepti, quæ primò ponitur post firmum propositum omissionis, est causa omissionis, adeòq; semper mala, v. g. si postquam aliquis decrevit omittere Sacrum in die festo, debet domi manendo vel cubare, vel dormire, vel studere &c. Prima ergò occupatio,

III.  
Regula ad  
cognoscendum  
actum esse  
causam omissionis

*Quest. IV. De Actu concurrente, vel concomitante ad omiss. &c. 653*

patio, quam ex his assumpserit post firmum propositum manendi domi, est causa omissionis, & mala, reliquæ verò non, fundamentum hujus ait esse, quia causa omissionis exterioris sola non est propositum omittendi, sed necessario oportet, ut concurrat aliqua actio externa incompatibilis cum observantia mandati, & consequenter prima actio, ad quam se determinavit voluntas omittens, debet dici omissionis causa. Secunda Regula ejus est: Omnis illa operatio, quæ secundario eligitur post priorem, vel simul cum illa, non est causa omissionis, nec ex hoc capite mala. Veruntamen dico, quòd prima regula careat fundamento, & est contra communem sententiam, omissio enim potest sequi, & frequenter sequitur ex motivo incommodi, vel difficultatis, quia videlicet aliquis non potest sine incommodo propositum implere, unde proponit omittere, & vi istius præcisè omittit, quòd si postmodum orationi vacet, frivolum esset dicere, quòd talis oratio sit mala, cum per illam possit impleri aliud præceptum, v.g. de recitando divino officio. Deinde non est ulla ratio, quòd prima occupatio, quam assumit, sit mala potius, quàm secunda & tertia, quia æq; influunt in omissionem, nec enim propter unam vel alteram sit, ut suppono.

Verior ergo est Regula hæc, Quòd omissio tunc solum dicenda sit causari ab aliquo actu, quando actus habet vel rationem medii, vel finis respectu omissionis, si enim ordinetur studium, v.g., ut omissio sacri sequatur, studium tale erit malum, & econtra etiam, si omissio sacri fiat propter studium.

Dico Secundo: *Actus concomitans, vel subsequens omissionem, quantumvis alias sit incompatibilis cum observantia præcepti, quando non habet rationem medii, vel finis respectu omissionis male, nullam ab ea participabit malitiam.* Hæc est contra Capreolum in 2.d.35. Probatur: Quidquid advenit effectui determinato quantum ad in-

entionem & executionem, nullam respectu ejus exercet causalitatem, sed non potest aliunde contrahere naturam omissionis, nisi quia aliquo modo illam causat, vel ut medium, vel ut finis, ergò. Confirmatur exemplo: Melius est homini nolenti audire Missam hic & nunc, nè interim sit otiosus, studere, vel infirmos visitare, quàm suspendere se ab omni actu, maxime cum similibus posset aliquando impleri præceptum, ut si dum quis omissionem eligit, interim breviarium recitet, ergò: Quia severum esset dicere, quòd tales actus alioquin ex se boni, quantumvis essent incompatibiles cum observatione præcepti, sint peccata.

Arguitur in contra Primò: Accessus ad unum extremum incompatible, est necessario causa recessus ab altero extremo, sed omne opus incompatible cum observantia præcepti causat recessum ab observantia ejus, ergò causat omissionem malam. Respond: distin: maj: Moraliter vel liberè semper, neg: maj: Physicè, transeat; & similiter distin: maj: Solum enim opus, quod liberè ordinatur ad recessum talem est causa moralis talis recessus, opus verò concomitans, vel subsequens, non ordinatur sic, sed merè per accidens habetur, nego ergo consequi.

Arguitur Secundo: Sacerdos apud se statuens non recitare horas, & postea projiciens Breviarium in mare, peccat postmodum singulis diebus omittendo horas, sed illa peccata causantur ex impedimento consequente intentionem, & executionem omissionis horarum, ergò quodcunq; tale est malum: Probatur min: Non ex prima nolitione, quia supponamus, quòd eam retraxerit, ergò ex illa sola projectione cogitur, dum navigabit, omittere horas. Respond: distin: maj: Si non pœniteat illius facti, conc maj: Si sic, nego. Similiter distin: min: ex impedimento consequente primam omissionem, conc: consequente alias omissiones, neg: min: Illa verò projectio est antecedens, & causa aliarum

IV.  
Actus concomitans non participat malitiam omissionis.

(\*) Nann 2

rum



rum omissionum, quæ sequuntur, quia talis prævidet, & prævidere debuit, se non satisfacturum amplius suæ obligationi remoto Breviario. Itaque projectio est medium ad omissionem, & ex hoc capite est mala, quod si retractaverit pœnitendo illius actus, tunc aliæ omissiones non imputabuntur ad peccatum. Progre-  
dior nunc ad tempus omissionis, circa quod est controversia, quoniam tempore imputatur omissionis peccatum, Marsilius 2. q. 21. art: 2. docet illud imputari præcisè eo tempore, quo implendum erat præceptum, nullo autem modo, dum causa ejus inevitabilis ponitur, & consequenter docet posse aliquem obdormire in gratia, & evigilando habere peccatum mortale, eò quod tempus impletionis præcepti inciderit in moram illam, quâ dormivit; huic sententiæ videtur favere D. Thomas 2. 2. q. 79. art: 3. Econtra docent alii, tunc tantum imputari omissionem ad culpam, quando ponitur ejus causa inevitabilis, Ita Alensis in 2. parte q. 113. n. 7. & plures alii. Tertia sententia asserit utroq; modo, & tempore peccari, primò quando ponitur causa liberè: Secundò, quando contingit effectus. Ita Scotus 4. d. 12. q. 1. art: 7. Cajetanus 2. 2. q. 15. art: 4. Ego

V.  
Tempus  
omissionis  
quando  
imputatur  
ad culpam.

Dico Tertiò: *Omissio non imputatur ad culpam tunc primùm, quando in effectu contingit transgressio actualis.* Est communis contra Marsilium. Probatur: Omissio actualis, cui data est antè causa, potest contingere in somno, vel in ebrietate, sed pro tunc non est capax malitiæ, ergò: Probatur min: peccatum non committitur nisi per exercitium libertatis, nam ut ait Augustinus, peccatum adeò voluntarium est, ut si voluntarium non sit, peccatum non sit, sed nullum libertatis exercitium perfectum in somno, vel ebrietate habetur, ergò si tunc contingeret adesse tempus implendi præceptum, omissio aliam malitiam non habebit, quàm malitiam derivatam à positione causæ, inde enim libertatem ha-

bet. Vel sic formo argumentum: Actus externus tam diu est capax malitiæ moralis, quamdiu est capax libertatis, sed actus contingens in somno, vel ebrietate non est capax alterius libertatis quàm causæ, ergò nec alterius malitiæ, & consequenter positâ causâ planè inevitabili, ponitur malitia omissionis.

Probatur Secundò: Ex opposita sententia sequeretur posse hominem in eodem puncto temporis habere perfectam contritionem, & simul peccare mortaliter, sed consequens est absurdum, ergò: Probatur sequela: Posito casu, quod injustè alterum lethaliter vulneraverit, aut ei venenum propinaverit, si postmodum de hoc peccato habeat perfectam contritionem, poterit in eodem puncto me nolente is mori, cui dedi causam, ergò si effectus externus imputetur semper ad peccatum, quando contingit, ero reus homicidii, & simul contritus.

Dices: Omissionem tunc non fore malam, quia retractata est volitio, quæ fuit causa ipsius. Contra: Illa volitio, quâ vulneravi hominem, vel quâ impedimentum posui nè audiam Sacrum, omnem effectum, quem potuit habere, habuit, & transit in præteritum, ergò jam non est amplius in mea potestate, ergò omnem effectum, quem aliàs daret omissioni, aut commissioni revera dedit, & consequenter non obstante illa retractione omissio habuit totum quod potuit, vel aliàs habuisset. Deinde ex hac ipsa solutione habetur intentum conclusionis, si enin à positione causæ habet omissio suam malitiam, ergò non solum tunc peccatur, quando ponitur omissionis effectus, sed etiam, & quàm maxime quando datur causa inevitabilis. Quod confirmatur ex sæpè dictis, medium ex se indifferens, si habeat malum finem, vel e converso, semper erit malum, sed causa necessaria transgressionis debet esse, vel medium, vel finis respectu omissionis, ergò malitiam omissionis participabit.

Dico

*Quest. IV. De Acta concurrente, vel concomitante ad omiff. &c. 655*


VI.  
Omissionis  
peccatum  
principaliter  
ex causa  
positio-  
nis imputa-  
tura

Dico Quartò : *Peccatum omiffionis* ( *Idem est de quorvis habente causam* ) principaliter ponitur ex positione cause, si non sit in voluntatis potestate talem effectum vel impedire, vel retractare, si verò sit, consummatur ipsa positione effectus. Hæc est conformis menti antiquorum, Alensis &c. Eamq; habet Vasquez d. 94. art: 4. Probatur Primò pars : Præceptum obligans ad actum vel ejus omissionem, obligat etiam ad omnia necessario requisita, & consequenter ad non ponendum obicem tali actui, vel omissioni, sed ad malam omissionem vitandam necesse est, ut ei non detur causa inevitabilis, ergò dando talem causam peccatur inchoative contra præceptum de non omittendo. Dixi, *si non sit in potestate voluntatis*, &c. Propter dicta in priori conclusionem, quod enim non est in potestate, non est capax novæ malitiæ, quòd si sit in ejus potestate, jam non est causa inevitabilis, vel certè liberum erit retractare peccatum agendo poenitentiam, antequàm effectus sequatur, quod si non fiat, censetur homo velle effectum de novo moraliter, ac per hoc consummatur malitia. Sed in contra

Arguitur Primò : Loth ebrius peccavit peccato incestus, ergò non requiritur ad malitiam effectus, quidum contingit, posset non poni, vel retractari. Antec: Probatur ex S. Ambrosio lib: de Eccles: & jejuni cap. 4. & 5. dicente : *Fuit ebrietas Loth origo incestus, pessima regeneratricis deterior partus*. Ubi secundum Glossam cap. *Inebriavit* distin: 1. per regeneratricem intelligitur Ebrietas genita à vino, quæ postmodum ge-

nuit partum deteriore, scilicet incestum, sed certum est, Loth non advertisse hoc malum dum contigit, ergò ex positione malæ causæ potest contingere malitia in effectu per se non voluntario. Respond: Loth excusari à peccato incestus secundum Chrysost: hom: 44. in Gen: ubi ait : *Nunc autem & superna dispensatione factum, ita fuisse eum aggravatum vino, ut omnino ignoraret, nè scilicet fieret criminum reus, ea enim peccata nos condemnant, quæ scientes & voluntarie facimus*. Idem sentit Hieronymus epist: 22. de custodia virginittatis, Origenes hom: 5. in Gen: D. Thomas 22. q. 25. art: 4. Idem videtur sentire S. Augustinus lib: 22. contra Faustum cap. 44. ubi ait : *Inebriarunt filie Loth, & eo nesciente se misceverunt, quæ propter culpandus est quidem, non tamen quantum illæ, incestus, sed quantum illa meretur ebrietas*.

Arguitur Secundò pro Marfilio : Præceptum affirmativum non obligat, nisi pro tempore determinato, ergò quamvis ponatur ante illud ejus causa inevitabilis non fit transgressio, nisi secuto effectu, unde si quis prævideret ex dormitione sua omissionem sacri die festo, evigilaret autem postea casu, & missam audiret, non peccaret. Respond: distin: antec: Quantum ad exercitium actus, conc: quantum ad non ponendum obicem, vel impedimentum tali exercitio, neg: antec: & consequ: cum exemplo allato, talis enim verè peccaret inchoative, & si casu evigilando omitteret, gravius adhuc peccaret, quia renovaret causam omissionis.



# DISPUTATIO SEPTIMA.

DE

Regulis bonitatis & malitiæ Actuum  
Humanorum.

## PROOEMIUM.

**E**X dictis per decursum hujus tractatus constat bonitatem, & malitiam humanorum actuum, in genere moris desumendam esse ex conformitate, vel difformitate ad regulas morum, quarum una est remota, scilicet divina voluntas, quæ est lex æterna, ut dicit D. Augustinus lib: 22. contra Faustum cap. 27. *Peccatum est dictum, vel factum, vel concupitum aliquod contra æternam legem, lex verò æterna est ratio divina, vel voluntas DEI, ordinem naturalem conservari jubens, perturbari vetans.* Et ab hac dimanant cæteræ leges naturales, & humanæ: Altera proxima, & immediata, scilicet recta ratio, seu conscientia, applicans & proponens nostræ voluntati legem DEI æternam, cæterasq; ab ea dimanantes. Hinc ad meliorem intelligentiam dictorum de actibus liberi arbitrii, seu humanis in hac disputatione cum communi censeo esse agendum. Unde sit:

### QUÆSTIO PRIMA.

*An, quomodo, & in quibus teneatur homo se conformare voluntati divinæ?*

I.  
Voluntas  
humana  
quatuor  
modis po-  
test con-  
formari di-  
vinæ.

**P**RO resolutione hujus quæstionis Notandum Primò: Nostram voluntatem cum divina quatuor modis conformari posse: Primò, quatenus voluntas nostra vult idem quod divina: Secundò, quatenus propter eundem finem vult: Tertio, quatenus vult per eundem habitum, vel formam: Quartò, quatenus vult id, quod DEUS vult illam

velle. Constat autem non esse necessarium tertio modo nos conformari divinæ voluntati, quia non semper debemus operari ex charitate, ex qua DEUS operatur, licet ad hoc obligemur, ut nihil velimus charitati contrarium: Nec etiam secundo modo juxta Scotum, nam non debet homo semper operari propter DEUM, quidquid dicant alii, sed sat est, ut nihil contra DEUM faciamus: Quare tota controversia est circa primum & quartum modum.

Notandum Secundò: DEUM <sup>II.</sup> posse tribus præcipuè modis velle <sup>DEUS tri-  
bus modis  
potest velle  
nos ali-  
quid velle.</sup> nos aliquid velle: Primò, solum approbando, ut quando volumus aliquid ex se quidem bonum, sed majoris



joris boni impeditivum: Secundò, consulendo, qua ratione vult omnes amplecti Evangelica consilia; & patet ad hæc duo per se loquendo nos non obligari, nisi aliunde votum, aut præceptum accedat. Tertiò præcipiendo, & tunc constat, nos debere conformare divinæ voluntati. Si vis tum comunioni adde quartum modum, scilicet permittendo, sed improprie, nam ut Scotus 1. d. 47. q. un. n. 3. dicit, quæ DEUS solum permittit, non vult fieri, sed solum vult non impedire.

III.  
Voluntas  
DEI alia  
antece-  
dens, alia  
consequens.

Notandum Tertiò. Voluntatem DEI inter alias ejus divisiones, quæ in primo sententiarum videri possunt, dividi in *Antecedentem* & *Consequentem*. *Voluntas antecedens* dicitur illa secundum Damascenum, lib. 2. cap. 8. & 29. quæ DEUS efficaciter à seipso determinatus absolute aliquid vult, non respiciendo determinationem causæ secundæ, seu nihil præsupponendo ex parte creaturæ, quare ita velit: ex hac voluntate fuit mundi creatio, gratuita primæ gratiæ, & bonorum spiritualium collatio. *Voluntas consequens*, quæ & *Beneplaciti*, & ab aliis dicitur *subsequens*, vel *concomitans*, est illa, qua DEUS aliquid vult non absolute, sed conditionate, vel dependenter ab actione causæ secundæ, vel ex præsupposito aliquo ex parte creaturæ, quare ita disposuerit, vel facit, sic DEUS dicitur determinari à nostra voluntate, & cum ea concurrere ad hunc, vel illum actum, per hanc dedit gratiam & infligit poenam, quia præsupponitur ex parte creaturæ causa, videlicet peccatum: confert similiter gloriam, eò quod præsupponatur medium, ex his autem quædam vult immutabiliter, ut omnes homines semel mori, & poenas damnatorum esse æternas, quædam vult conditionate, & mutabiliter scilicet, nisi hominū industriā aut præcibus avertantur, sic vult vastationes regnorum, & peccatorem nondum defunctum punire poenā gehennæ æternā.

IV.  
Voluntas

Notandum Quarto. Volunta-

tem antecedentem ab aliis aliter explicari: *Antecedens* dicitur: Quæ DEUS leges rectas condit, & quantum est de se necessaria auxilia confert ad ipsas implendas, nisi ponatur obex. Hac voluntate vult omnes homines salvos fieri, 1. Timoth. 2. *Consequens* verò huic opposita est, quæ DEUS ipsum effectum in particulari tribuit, dando scilicet gratiam & tollendo omnem obicem, & de hac non potest intelligi præfata authoritas Scripturæ, ut supra dixi, quare istæ diversæ acceptiones benè notandæ sunt ad evitandas & solvendas æquivocationes, quæ ex hujusmodi diversitate suboriri solent. His prænotatis

Dico Primò. Tenetur homo se conformare voluntati DEI præcipienti, vel prohibenti aliquid, quamvis ejus præceptum non sit alioquin signum divinæ voluntatis in re, sed solum obligationis, quam inducit. Est communis, & 1. pars patet ex illo Matth. 19. Si vis ad vitam ingredi, serva mandata. Secunda pars etiam patet ex illo Gen. 22. ubi DEUS præcepit immolari Isaac, quod tamen re ipsa noluit, ut demonstravit effectus, atque adeo præcepto illo intendit obligare Abraham ad obediendum, ut fides ejus magis ostenderetur, unde Augustinus eleganter hoc explicat lib. quaestio. super Gen. q. 57. & 58. dicens: Tentat vos Dominus DEUS vester, ut sciat, si diligitis eum, etiam hoc genere locutionis, ut sciat, dictum est, ac si diceretur, ut scire vos faciat: quoniam vires dilectionis suæ hominem latent, nisi divino experimento etiam eisdem innotescat. . . modo enim cognovi, quoniam times DEUM tu. Etiam ista quaestio simili locutione solvitur: hoc est enim, nunc cognovi, quoniam times DEUM tu: quod significat, nunc te feci cognoscere.

V.  
Homo te-  
netur se  
conforma-  
ri DEI vo-  
luntati.

Dico Secundò: Voluntati DEI permittenti, vel consulenti non tenemur conformari, licet semper possimus licite velle omne illud, quod DEUS vult servato illo motivo, propter quod DEUS vult. Est communis. Probat 1. pars: Quia ad sola præcepta

VI.  
Voluntati  
DEI con-  
sulenti pos-  
sumus non  
tenemur  
semper  
conforma-  
ri.

cepta, obligamur, sed consilia non sunt præcepta, nec positiva, nec naturalia, ergò. Secunda pars etiam probatur Matth. 6. docet nos DEUS orare, ut fiat voluntas DEI in omnibus, sed quod licite oramus, licite volumus, ergò. Confirmatur ex D. Augustino super Psalm. 100. ubi ait: *Tunc rectum est cor hominis, quando omnia vult, quæ DEUS vult.* Ratio etiam est, quia omnia volita à DEO etiam ipsa permissio peccati sub motivo, quo eam vult DEUS, est bona, & conformis rectæ rationi, sed licet velle omne bonum, ergò.

Dices: Contra præceptum de diligendo proximo facit, qui vult, ut peccet, sed volendo permissionem peccati à DEO volitam, vult ut proximus peccet, ergò. Probatur min. ad illam permissionem sequitur infallibiliter peccatum, ergò volens illam, consequenter vult peccatum. Respond. distin. min. Volendo permissionem ex eo motivo, quo DEUS illam vult, neg. min. sub alio motivo, in quantum est causa inimicitiae cum DEO, conc. min. Ad prob. neg. consequ. quoties enim antecedens est simpliciter bonum, nullo modo potest esse causa mali consequentis, sic autem est, quod voluntas permissiva DEI sit bona simpliciter, & nullatenus causa malitiae consequentis, ergò velle ipsi conforme in motivo non potest vitari per malitiam consequentis: Hinc de damnatione æterna jam alicui facta, potest quis licite lætari sub motivo iustitiæ, ut docet D. Bernardus in Psalm: *Qui habitat.* His verbis: *Ego in interitu vestro ridebo, sanè inquit, quod sapientiæ placuit, sapientibus universis necesse est placere, non quòd quadam inumanitate crudelitatis in ipsa ultione complacent, sed quòd modus divinæ ordinationis super modum oblectet, cum sit pulcherrimus.*

**VII.**  
Voluntas  
antecedens  
debet se  
homo conformare.  
**Dico Tertiò: Quæ DEUS**  
vult fieri antecedente voluntate, ut  
creare mundum, quòd in æstate sint dies  
longiores; Et etiam voluntate consequente inevitabiliter in iis, quæ amplius à libero arbitrio non dependent,

ut sunt pœna æterna damnatorum, præmiatio justorum, illi voluntati debet se voluntas creata conformare, si non positivè, saltem negativè. Est D. Thomæ 1. 2. q. 19. art. 10. Probatur quoad I. partem: Omnia, quæ defacto contigerunt, vel contingunt in mundo absque concursu voluntatis creatæ, constat esse efficaciter volita à DEO voluntate antecedente, ergò debet se homo tali voluntati conformare: Probatur consequ. Quia talis homo nolendo efficaciter, quod DEUS vult efficaciter, aut vellet reddere divinam voluntatem irritam, & impotentem, aut certè ei bellum indiceret apertè, quod esset magnæ impietatis, & grandis malitiæ. Deinde Voluntas divina jure creationis & gubernationis habet dominium jurisdictionis in voluntatem creatam, sicut superior in inferiorem, ergò sicut subditus peccaret nolendo efficaciter, quod superior efficaciter vult, ita in proposito; unde etiam Philosophus dixit, quod parum valentes intellectu, ex ipsa natura sint servi eorum, qui ingenio pollent, quia hi debent esse pro regula istis.

Secunda Pars etiam probatur ex D. Augustino lib. 7. de Civ. DEI cap. 24. dicente: Illicitum esse orare pro eo, quem constat esse in inferno, quia hoc esset conari ipsum eripere, & juvare contra efficacem DEI voluntatem, & determinationem. Et in Psalm. 35. ait: *Voluntas DEI est, ut aliquando sanus, aliquando egrotus sis, si quando sanus, dulcis est voluntas DEI, quando egrotas, amara, non recto corde, & quare? Quia non vis voluntatem tuam dirigere ad voluntatem DEI, sed DEI vis incurvare ad tuam.* Dixi saltem negativè, quia si non semper teneor conformari, saltem debet mihi non displicere. Hinc etiam S. Augustinus jam citatus non reprehendit simplicem displicentiam ægritudinis, sed voluntatem absolutam, quòd autem positivè teneremur velle, nullum apparet præceptum tantam inducere obligationem.

Dico

VIII.  
Voluntati  
consequenti  
dependen-  
ter à no-  
stro con-  
sensu non  
tenetur  
nos con-  
firmare.

**Dico Quarto : Quæ DEUS** vult fieri voluntate consequente, de-  
pendenter à nostro libero arbitrio, non  
tenemur in illis nostram voluntatem  
conformare, sed possumus efficaciter  
conari contrarium. Probat : Quia  
hæc, cum sint disconvenientia, prin-  
cipaliter imputantur voluntati crea-  
tæ, sine cujus consensu DEUS ista  
non vellet, ergò. Hinc quando Pe-  
trus cognovit permissionem & vati-  
cinium divinum de suo peccato fu-  
turo, poterat & debebat nolle illud,  
& quantum potuit conari ad resi-  
stendum. Ratio autem ulterior est,  
quia cum DEUS illa non velit abso-  
lutè, sed sub conditione, nisi huma-  
no intento, & industria avertantur,  
nullo modo repugnat, aut contraria-  
tur ipsius voluntati, qui dictam con-  
ditionem conatur ponere, aut ponit,  
qua posita DEUS amplius non vult  
ipsa ponere : hinc patet, quòd si DE-  
US alicui revelaret propriam dam-  
nationem, quòd posset, imò tene-  
retur omnibus precibus illam impe-  
dire & orare, nè DEUS illam ponat,  
quia damnatio dependet à libero ar-  
bitrio voluntatis humanæ, & debe-  
ret cogitare, quòd comminatoriè  
DEUS loquatur, sicut Ninivitis sub-  
versionem ; si tamen non tantum  
comminatoriè revelaretur, sed etiam  
determinatè finalis in peccato per-  
manentia & mors, puto talem homi-  
nem non teneri ad impediendam  
suam damnationem, ratio est, quia  
ad impossibile nemo tenetur. Docet  
etiam Vasquez disp. 72. cap. 3. Eum,  
qui certa revelatione didicit se pec-  
caturum, non debere efficaciter im-  
plorare auxilium divinum, nè pec-  
cet, sed hoc non videtur sustinen-  
dum, quia secundum D. Bonaventu-  
ram semper accipi debent, ut com-  
minatoriæ. Deinde homo secundum  
se tenetur conari, nè peccet, ergò po-  
test etiam auxilium alterius petere  
ad eundem effectum.

**Dico Quintò : Illa, quæ DEUS** vult efficaciter voluntate antecedente,  
potest homo nolle inefficaciter. Proba-  
tur, DEUS decrevit efficaciter pas-  
sionem Christi, sed simplicem ejus

displicentiam habuit Christus, dum  
dixit : Si possibile est, transeat à me ca-  
lix iste, &c. Item D. August. c. 101. En-  
chir. Aliquando, inquit, bona volun-  
tate homo vult aliquid, quod DEUS  
non vult, tanquam si bonus filius pa-  
trem vellet vivere, quem DEUS bo-  
na voluntate vult mori. Hinc Ansel-  
mus lib. de similibus dicit : Discipu-  
los S. Martini fore crudeles, si nolint  
sanctum mori, quem DEUS voluisse  
noverunt. Denique ex opposita sen-  
tentia sequeretur, non licere habere  
ullam displicentiam de bellis, perse-  
cutionibus, & similibus malis poenæ,  
quæ tamen DEUS efficaciter vult.

**Arguitur in contra : 1. Reg. 16.**  
Reprehenditur Samuel, quòd luxe-  
rit Saulem à DEO reprobatum : Us-  
quequò tu luges Saul, cum ego proje-  
cerim eum, nè regnet super Israël ? non  
est autem credibile, quòd luctus Pro-  
phetæ præcesserit ex voluntate con-  
tradicens efficaci voluntati DEI, er-  
go ob inefficacem, & simplicem no-  
litionem illius, quod DEUS efficaci-  
ter voluit intelligitur reprehensus.  
Respondi : cum Lyrano nostro, negi,  
ante : Nulla enim vox reprehensio-  
nis habetur in textu, sed tantum cer-  
tificatur Samuel de divina dispositi-  
one circa Regem Saul, quem ante  
non cognovit determinatè, vel si est  
verum, quòd reprehensus fuerit, dic  
ideò fuisse factum hoc, secundum  
Cajetanum, quia excessit in luctu.

**Opponitur Secundò : Authori-  
tas S. Augustini in Psalm : 35. supra  
citati, ubi videtur improbare displic-  
entiam de infirmitate à DEO im-  
missa & ab eo volita, ergò. Respondi :**  
S. Augustinum loqui de eo, qui ha-  
bet voluntatem & displicentiam po-  
sitivam de voluntate DEI, ejusq;  
suavissima dispositione, non verò  
de simplici displicentia ; Aut loqui-  
tur de eo, qui contra obmurmurat,  
& impatienter acceptat, vel renuit  
acceptare, non verò de eo, cui displicet  
morbus, quatenus naturæ con-  
trarius, placet tamen absolutè, qua-  
tenus morbus subest divinæ disposi-  
tioni, cui se totum subjicit.

(\*) O o o o

Argui-

IX.  
DEUS qui  
vult effica-  
citer potest  
homo non  
vult ineffi-  
caciter.



Arguitur Tertiò : Qui vult contrarium ejus, quod vult DEUS, optat saltem implicite, ut divina voluntas frustretur suo effectu. Resp. neg. assumptum, cum non velit absolute contrarium illius, quod vult DEUS, sed simplici, vel conditionato affectu, quem divinæ voluntati submittit cum tacita saltem conditione, si DEO placeret, vel nisi DEO aliter visum esset, aut optat divinum decretum non esse positum: aut denique à divino decreto præscindit, & in illa præcisione considerando rem secundum se, desiderat simplici affectu, morbum non adesse, vel patrem v. g. non esse mortuum.

**X.**  
Voluntas  
DEI ex ef-  
fectibus  
cognosci-  
tur.

Quæres : Unde potest DEUM aliquid velle colligi? Respond. Ex omnibus effectibus positivis; partim, si non sunt alia lege prohibiti, nam nihil existere potest illo nolente; antequam autem effectus existant, non potest aliunde colligi, nisi ex revelatione, quæ tamen revelatio, si sit de aliquo futuro, vel damnatione, regulariter intelligi debet in sensu conditionato, vel comminatorio, nisi aliud distinctè & expresse contineatur in revelatione, ut jam supra dixi, quod benè declarat D. Thom. q. 23. de veritat. art. 2.

## QUÆSTIO SECUNDA.

*Quid, & quotuplex sit Conscientia?*

**I.**  
Conscien-  
tia est pro-  
xima regu-  
la actus hu-  
mani & va-  
riè accipi-  
talis.

**C**onscientia proxima Regula actus humani & moralis diversimodè accipitur à Patribus, & Authoribus, nam D. Augustin. præfatione in Psalm. 31. circa medium in illud 1. Tim. 1. *De corde puro & conscientia bona*, accipit conscientiam pro spe, quia spes bona ex bona nascitur conscientia dicens: *Finis, inquit, præcepti est charitas de corde puro, & conscientia bona, & fide non ficta, pro spe conscientiam posuit. Ille enim sperat, qui conscientiam bonam gerit. Quem verò pungit conscientia mala, retrahit se à spe, & non sibi sperat, nisi damnationem. Ut ergo speret regnum, habeat bonam conscientiam, &*

*ut habeat bonam conscientiam, credat & operetur, quia quod credit, fidei est, & quod operatur, charitatis est.*

Secundò accipitur pro ipsa voluntate, seu inclinatione ejus ad bonum, & malum; aut operatione huic inclinationi conformi; aut etiam pro ipso tali opere, juxta hanc acceptio- nem videtur locutus fuisse D. Paulus ad Hebræos 9. *Quanto magis Sanguis Christi, qui per Spiritum Sanctum semetipsum obtulit immaculatum DEO, emundabit conscientiam nostram ab operibus mortuis, ad serviendum DEO viventi*, proprium autem est voluntati emundari, sicut proprium est illi peccato coinquinari, hinc oritur communis loquendi modus, quo dicuntur homines bonæ, vel malæ conscientiæ, sic etiam dicunt confessarii pœnitentibus, ut examinent conscientiam suam, id est, opera & facta, quæ latent in conscientia, & quibus voluntas aggravata est, unde Authores nonnulli sumpserunt occasionem statuendi conscientiam in actu voluntatis, ut Henriquez. Alii in voluntatis habitu, ut videre est apud Vasquez disp. 39.

**II.**  
Conscien-  
tia accipi-  
tur etiam  
pro opere  
voluntatis.

Tertiò, & propriè sumitur Conscientia pro aliquo pertinente ad intellectum, quod etiam Ethymologia nominis indicat, dicitur enim Conscientia, quasi scientia cum seipso, licet exterius nihil dicat; vel quasi cordis proprii scientia; vel ita dicitur, ut significetur esse scientia cum applicatione principiorum ad particularem actionem; Unde D. Augustin. Enarrat. in Psalm. 34. dicit: *Quod alienum est ab opere, alienum est à conscientia, quod alienum est à conscientia, videtur & alienum à scientia.* Vel denique ut loquitur S. Antoninus, ut sit concludens scientia, concludens scilicet, quid in particulari sit agendum, dico autem notanter in particulari, ut significetur distinctio à Synderesi, quæ dictat de primis principiis generalibus morum, hæc verò de particularibus, & practicis, ex illis deductis conclusionibus. Hinc optimè conscientia dici potest concludens scientia, id est, cum alia scientia concludens,

**III.**  
Conscien-  
tia Ethy-  
mologia.



dens, id est, cum Synderesi & recta ratione, nam Synderesis dicit, omne malum est fugiendum, subjungit recta ratio, vel prudentia, adulterium est malum, concludit conscientia, ergo adulterium est fugiendum. Pro quo

IV.  
Synderesis  
& Consci-  
entia fre-  
quenter  
pro eodem  
accipiun-  
tur.

Notandum: Quamvis Synderesis, & Conscientia strictè loquendo inter se distinguantur, prout una respicit principia universalis practica, altera verò conclusiones in particulari ex iisdem deductas, nihilominus sæpè ex communi Patrum usurpatione confunduntur pro eodem, ita ut unius actus, vel officium alteri tribuatur; Et idè tam Synderesis, quam Conscientia dicitur *Lux*, vel *Lumen intellectus nostri*, Psal. 4. *Signatum est super nos lumen vultus tui.* Item ab Augustin. & Basil: vocatur *Naturale iudicatorium animæ*. Ab Hieronym. dicitur: *Lex naturalis, & scintilla rationis*. Ab Origene vocatur *Spiritus, seu Corrector, & Pædagogus animæ sociatus*. Dicitur etiam *Facies animæ*, quia sicut facies hominis manet semper discooperta cæteris membris occultatis, sic Synderesis vel Conscientia non potest ita cooperiri, quin vel hic aliquando per remorsum, aut per suos effectus, vel tandem in morte, aut in iudicio manifestetur.

V.  
Synderesis  
est habitus  
de princi-  
piis primis  
moralibus.

Dico Primò: Synderesis est habitus intellectualis inclinans intellectum ad assentiendum primis principiis practicis dictantibus in universali aliquid laudabiliter prosequendum, vel fugiendum. Probatur: Explicatione singularum partium dicitur: *Quod sit habitus*, & non actus, quia Synderesis ponitur ab omnibus tanquam quoddam naturaliter inclinans ad bonum, & remurmurans contra malum, & dicitur esse inextinguibile, sed hæc nequeunt convenire actui, cum sit potius id, ad quod inclinat. Synderesis, sitque facile mobilis ab intellectu. Per eandem rationem patet, quod non sit passio aliqua, cum hæc sit aliquid consequens ad actum secundum.

Probatur autem quod sit habitus condistinctus ab ipsa potentia animæ contra aliquos, nam sicut in speculabilibus præter habitum inclinantem ad assensum conclusionis, ponitur alius habitus inclinans intellectum ad assensum primorum principiorum speculabilium, qui ab Aristotele vocatur *Intellectus*, seu *Lumen intellectus*, ita à fortiori in operabilibus seu practicis, præter illos habitus, qui inclinant ad assensum conclusionum practicarum, seu qui dirigunt circa agenda in particulari, ponendus est in intellectu alius habitus inclinans & dirigens circa prima principia practica, & hunc vocamus Synderesim. Quod Synderesis sit habitus intellectus, & non voluntatis. Probatur I. Quia hæc vocatur ab omnibus lumen, & scintilla rationis, estque quo assentimur principiis practicis, hæc autem sunt propria intellectui, & non voluntati, ergo. Probatur 2. ex Ethymologia nominis, quia Synderesis, vel potius *Syntberesis* derivatur à verbo Græco *Synthereo*, quod Latine significat attendo, vel considero, quod est proprium intellectus. Ex his patet Henricum malè derivasse Syntberesim à *Syn*, quod est *con*, & *beresis*, quod est *electio*, quasi coelectio, per hoc volens ostendere, quod Synderesis ad Voluntatem spectet.

VI.  
Conscientia  
non est  
quid vo-  
luntatis.

Dico Secundò: Conscientia non est actus, aut habitus voluntatis, sed est actus intellectus. Ita D. Thomas 1. p. q. 49. art. 13. Scotus 2. dist. 39. q. 2. Prima pars est contra 1. & 2. opinionem, sed probatur secunda pars, ex qua manebit probata etiam prima, ex Scripturâ, Eccles. 7. ubi dicitur: *Scit enim conscientia tua, quia & tu crebro maledixisti aliis.* Item ad Rom. 2. *Qui ostendunt opus Legis scriptum in cordibus suis, testimonium reddente illis conscientia ipsorum, & inter se invicem cogitationibus accusantibus, aut etiam defendentibus.* 2. ad Corinth. 1. *Gloria nostra hæc est, testimonium conscientie nostræ, ubi actus conscientie dicitur testimonium, sed scire & testari sunt actus intellectus, &*  
(\*) O o o o 1 non



non voluntatis, testis enim debet esse oculatus, & non cœcus, sic Damasc: lib: 2. de fide cap. 12. vocat conscientiam legem intellectus nostri, alii cognitionem sui ipsius, alii aliter, ut visum est in notabili præmissio. Tandem conscientia dicitur vera, vel falsa, verum autem & falsum ad intellectum spectat, ergo. Sed contra sic

**Arguitur :** Conscientia dicitur bona, & mala, juxta illud 1. Timoth: 1. *Finis autem præcepti est charitas de corde puro, & conscientia bona, & fide non ficta*, sed bonum & malum competunt voluntati, ergo conscientia est actus, vel habitus voluntatis potius, quam intellectus. Respond: distin: maj: Conscientia dicitur bona, vel mala formaliter, seu subjectivè, neg: maj: objectivè, conc: similiter distin: min: & neg: consequ: Unde Nota ex D. Thoma q. 17. de veritate, & aliis, quandoq; conscientiam vocari ipsum intellectum, sic dicitur lumen conscientiae non extinguì, aliquando verò sumitur pro objecto, sic dicitur, quod in confessione aperiamus nostram conscientiam, id est, id quod in conscientia hominem accusabat, sed istae acceptiones sunt impropriae, ut supra dixi, sic etiam dum dicitur bona, vel mala conscientia, intelligitur objectivè, ac si diceretur conscientia de bono vel malo objecto.

VII.  
Conscientia proprie dicta est actus intellectus.

**Dico Tertiò :** Benè describitur Conscientia proprie dicta, quod sit actus intellectus judicantis in particulari aliquid esse fugiendum, vel prosequendum, præmiò, vel pœnâ dignum ex principiis practicis cum aliqua credibilitate deductis. Vel breviter, Conscientia est scientia actualis acquisita inclinans ad assensum Conclusionis deductae ex principiis practicis universalibus dictans in particulari quid sit agendum. Utraq; definitio patet, & prima non indiget nisi explicatione. Dicitur *Actus intellectus judicantis*, ut excludantur non solum habitus, sed etiam omnis actus voluntatis, ac omnia alia, quæ præcedunt rationalem cognitionem, ut sunt prima apprehensio, consilium, deliberatio, quæ

sunt actus intellectus, aliud enim est apprehendere, consiliari, deliberare de faciendo vel non faciendo, aliud judicare, hoc esse faciendum vel non, per quem actum tamen formatur conscientia. Dicitur in particulari, quia ad synderesim spectat judicare, bonum esse amandum. Dicitur, *Ex principiis*, quia cum conclusio sit de praxi, debet procedere ex principiis ejusdem generis, hinc talis erit conscientia, qualia sunt principia, si erronea; si probabilia probabilis; si certa, certa. Additur præterea *Cum aliqua credibilitate*, Quia conscientia debet adhærere principiis aliquam speciem credibilitatis habentibus, hinc si non apprehendatur credibilitas principiorum, ut sunt, quæ ex mera malitia dicunt bonum malum, & malum bonum (esto vulgi dicantur habere malam conscientiam improprie loquendo) nullam habent conscientiam: Ratio hujus est, Quia talis non adhæret conclusioni propter ulla principia, quæ novit esse falsa, sed propter solam suam malitiam, tales sunt, qui hæreses fingunt, scienter spargunt, de quibus D. Paulus admonet suum Timoth: in 1. epist: cap. 1. *Hoc præceptum commendo tibi fili Timothee, secundum præcedentes in te prophetias, ut milites in illis bonam malitiam, habens fidem, & bonam conscientiam, quam quidam repellentes, circa fidem naufragaverunt*: Ubi dicit, eos, qui scienter falsam doctrinam tradunt, repellere bonam conscientiam, non dicit autem eos habere ullam. Sed in contra

**Opponitur Primò :** **Authoritas** VIII. Doctoris subtilis 2. d. 39. q. 2. n. 4. ubi docet, Conscientiam esse habitum principiorum, ergo conscientia non est actus, sed potius habitus intellectus. Respond: neg: consequ: Quia conclusio non negat, quin etiam conscientia possit habere rationem habitus, sed tantum asserit propriam & præcipuam rationem consistere in actu, ut patet ex illis particulis ibidem limitantibus, unde ajo cum Doctore, Conscientiam etiam pro dictamine habituali posse accipi, nam

VIII.  
Conscientia potest etiam dici esse habitus.



nam ab isto denominantur etiam homines dormientes rectae conscientiae, qui sunt habitualiter iusti & DEUM timentes. Putarem tamen istud habituale dictamen, non esse aliquem unum habitum, qui dicatur conscientia habitualis, sed partim esse ipsam vim potentiae intellectivae, & innatam dispositionem, partim multiplicem habitum aggregatione unum, sicut aliqua scientia totalis dicitur una.

**Arguitur Secundò:** Patres vocant synderesim lumen naturale intellectus, seu naturale iudicatorium, ergò non est habitus superadditus, sed aliquid ab ipsa natura inditum intellectui. Respond: negando consequi: Quia synderesis vocatur lumen naturale &c. non quòd sit à natura nobis congenita, sed vel quia ita facile acquiritur, ut videatur à natura indita, sicut aliqui quandoq; tam facile addiscunt artes, ut videantur à natura habere ipsas, unde etiam in communi sermone solemus dicere, hunc à natura esse Musicum, à natura Poëtam &c. Vel certè dicitur lumen naturale, quia ita inclinat ad assensum principiorum sine ullo iudicativo medio, ut videatur nihil differre ab ipso intellectu, & ex hoc vocatur *naturale iudicatorium*, sicut per eandem rationem Philosophus vocat habitum primorum principiorum in speculabilibus nomine proprio ipsius *Intellectus*.

**Arguitur Tertio:** Synderesis est remurmurare malo, & instigare voluntatem ad bonum: Et Conscientiae est remordere, nam Glossa super illud 1. ad Corinth: *Nihil mihi conscius sum*, sic exponit: *In nullo me conscientia remordet*, sed remorsus est quidam dolor & passio, ergò pertinet ad potentiam affectivam, qualis est voluntas, & non ad intellectum. Respond: distin: antec: Synderesis est remurmurare effectivè, neg: antec: ostensivè, quia ostendit voluntati esse objectum fugiendum, conc: antec: & neg: consequi: Itaq; hac ostensione habita, voluntas cujus proprium est formaliter fugere à malo, forma-

liter remurmurat. Eodem modo dico de remorsu conscientiae: Conscientia enim dictat & concludit ex principiis per synderesim & rationem notis, hoc malum in particulari esse detestandum, quo dictamine posito voluntas formaliter remordet, & detestatur malum.

**Arguitur Quarto:** Conscientia est potentia animae, ergò non est actus, aut habitus ejus: Probatur antec: soli potentiae competit esse subiectum peccati, sed conscientia est subiectum peccati, juxta illud ad Titum 1. *Inquinatae sunt eorum, & mens, & conscientia*, ergò. Respond: neg: antec: ad prob: trans: maj: & neg: min: ad illud ex ad Titum dico, in tantum dici conscientiam inquinatam, quando non sequitur synderesim, vel conscientiam sic vel sic faciendum dictantem, & in hoc sensu vocatur *Spiritus Corrector*, non quòd sit ipsa mens, vel potentia animae, sed quòd sit actus, vel habitus, quò anima seu Spiritus actualiter vel habitualiter corrigit & redarguit hominem.

Venio ad secundam partem tituli quaestionis, nempe Conscientiam primò dividi in actum intellectus, seu *judicium de rebus faciendis*, quo sensu dicimus nos debere accommodare conscientiae, & *conscientiam de rebus jam factis*, sic dicimus nos habere remorsum conscientiae, id est, cognoscit se malè fecisse, aut peccasse; & è contrario in bonis, ut Paulus ait de Rom. 9. *Testimonium mihi perhibente conscientia mea*. Inter has autem duas significationes haec est differentia: Quòd Prima sit iudicium practicum, id est, dirigens ad operationem. Secunda verò, id est, de peccato jam facto est speculativum, & non deservit ad malitiam moralem, nisi quatenus inde sequitur obligatio postea aliquid faciendi, ut homo exsurgat à peccato, sed tunc necessariò debet sequi iudicium illud practicum de faciendis, à quo sumitur immediata regula actionum humanarum, nam contra conscientiam, (\*) O o o o ; malum,



malum, secundum verò illam operari, bonum est.

**IX.**  
Conscientia officia.

Ex data divisione colligitur hæc esse officia Conscientiæ, Primò respectu præteritorum pertinet ad ipsam testificari, laudare, & consolari super benè facta, ut Paulus ait: *Nihil mihi conscius sum*, respectu verò malè factorum est ipsius accusare, reprehendere, & remordere, nempe ostensivè. Secundum officium est in ordine ad agenda, & futura, & tunc ipsius est, ligare, seu obligare, instigare & dirigere voluntatem ad operandum; respectu verò tam factorum, quàm fiendorum, agendorum, & actorum, universaliter pertinet ad conscientiam judicare & dijudicare. Verum data conscientiæ divisio videtur potius esse ex objectis & actibus, attento autem ejus primo & universali officio ad secundam questionis partem

**I.**  
Conscientia variaz divisiones.

Dico Quarto: *Conscientia ut sic benè dividitur in quinque species.* Quæ sunt *Recta, Infallibilis, seu Vera: Dubia seu Incerta: Erronea seu falsa: Probabilis seu Opinativa: Et Scrupulosa.* Hæc est communis apud Sayrum, Castro, Sanchetz, Vasquetz, Layman, contra Posnaniensem, Julium Mercorum Dominicanum &c. Antequam conclusionem probem, explico singulos terminos. *Recta & infallibilis* est actus deductus ex principiis infallibilibus, ut sunt lex divina, naturalis, divina positiva, atq; etiam humana clarè proposita. *Erronea* est, quæ sequitur principia erronea, cujusmodi sunt conscientiæ hæreticorum, & infidelium in multis, ut dum putant se offendere DEUM, cum missam audiunt, imagines venerantur &c. ex eo, quòd sibi persuadeant, absq; tamen debito examinatione, hæc accedere ad idololatriam. *Conscientia Probabilis* dicitur ex principiis opinativis, in quibus semper est aliqua formido de opposito. *Dubia* est, quando nulli parti adhæret, sed manet judicium suspensum. *Scrupulosa* est, quæ licet adhæreat uni parti, tamen frivolis motivis inquietatur, & rapitur in oppositum

magis per imaginationem, quàm per rationem. His præmissis

Probatur conclusio: Tot sunt, & benè assignantur sub aliquo genere species, quot deprehenduntur differentiæ formales dividentes illud genus, & cum eo constituentes species, sed sub generali nomine, & re Conscientiæ, quinque assignatæ differentiæ, reperiuntur, ergò &c. maj: patet. Probatur min: Quia intellectus noster ejusq; judicium vel consistit in veritate, rectitudine, & conformitate cum universalissimis principiis, in particulari hic & nunc debite, & rectè applicatis, & voluntatem rectam dirigentibus, cum omnibus, quæ adesse debent: Vel errat in illis principiis judicando illa aliter quàm in se sint, & bona fide credit aliquod objectum esse honestum, quod revera tale non est, & vice versa existimat inculpabiliter aliquod esse inhonestum, quod tamen in rei veritate est honestum, nam bonitas & malitia in voluntate non attenditur prout res in se sunt, sed prout ab intellectu tanquam conveniens, vel disconveniens proponitur. Subsumo, sed primum judicium constituit Conscientiam rectam, veram & infallibilem; secundum autem Conscientiam erroneam, ergò bona est divisio conscientiæ quoad hæc duo membra. Progredior ulterius: Judicium intellectus aliquando est ambiguum, fluctuans, neutri parti adherens, & suspensum manens; Aliquando verò adhæret & assentitur, sed cum formidine de opposito; Aliquando deniq; judicium intellectus movetur levibus quibusdam fundamentis magis ad unam partem, quàm ad alteram, & hoc ex timore & suspitione: Si primò modò dirigat intellectus operationem voluntatis, est conscientia dubia; si secundo, est conscientia probabilis, si tertio est conscientia scrupulosa, ergò quinque erunt diversæ conscientiæ, quia tot differentiæ judicium intellectus dividentes & constituentes.

Brevissimè sic potest fieri argumentum: Veritas, Falsitas, Ambiguitas,



guitas, Opinio, & Suspicio sunt quinque diversae species, sed hae species constituunt, & dividunt conscientiam, ergo tot diversae conscientiae.

Aliqui addunt adhuc aliam speciem nempe *fatuam*, quam & *hypochondriacam* appellant, quae ex nullo principio intellectus, sed potius ex humore aliquo melancholico delirando procedit, adeoque non meretur nomen conscientiae. Suarez, supra addit adhuc unam speciem nempe *Temerariam*, à Temeritate suam habentem differentiam, sed quia temeritas sine fundamento debito precedit non dijudicando, an licitum aliquid sit vel illicitum? Ideo non inter conscientias, sed inter defectus conscientiae est numeranda, quas etiam in ultima referam quaestione. nunc sit

### QUAESTIO TERTIA.

#### De Conscientia Recta & Infallibili?

I.  
Conscientia Recta describitur.

**I**lla dicitur Conscientia infallibilis & recta, cujus principia sunt recta & infallibilia, seu quando iudicium intellectus regulans voluntatem ad prosequendum, vel fugiendum aliquod objectum à parte rei est tale, quale proponitur ab intellectu, & sic conformatur ipsi objecto secundum bonitatem vel malitiam. Certum autem est, qui ex illa operatur, bene & meritorie, si coetera adsint, operari, unde D. Augustinus Praefat: in psalm: 31. circa medium hortatur omnes dicens: *Qui vult habere spem bonam, habeat bonam conscientiam, ut autem habeat bonam conscientiam, credat, & operetur. A medio imus ad initium & finem, credat & operetur, Quod credit fidei est, quod operatur charitatis.* Unde de Conscientia recta nullae particulares occurrunt difficultates; si quae sunt, breviter expediam, &

II.  
Conscientiam contra rectam agens peccat.

Dico Primo: *Quisquis contra Conscientiam rectam agit, peccat.* Est D. Thomae 1. 2. q. 19. art: 5. & 6. &

communis. Probatur Primò: Ex D. Paulo ad Rom: 14. *Omne quod non est ex fide, peccatum est*, id est, ut Patres communiter explicant, omne quod est contra conscientiam peccatum est &c. Secundò ex ratione: Quia voluntas toties peccat, quoties non sequitur regulam suam, sed conscientia rectè præcipiens, vel prohibens est proxima regula voluntatis, ergo si non sequatur illam, peccabit, si postmodum non sequatur in actibus suis elicitis, si in imperatis aliarum potentiarum, nam etiam alias potentias juxta regulas movere debet. Sed quo genere peccati? Existimo ego eodem peccati genere peccare, quo peccat transgrediendo legem & præceptum DEI, & Ratio est, quia eadem obligatione, qua tenetur servare præceptum, tenetur obedire conscientiae præcipienti aliquid fugiendum, vel prosequendum.

Dico Secundò: *DEUS non potest dispensare, ut agat quis contra conscientiam rectam, quā proprie talem, bene tamen auferre præceptum, vel obligationem.* Ita tenet Vasquez. Probatur, Quia DEUS non potest dispensare, ut quis peccet, cum DEUS sit impeccabilis in se & etiam respectu aliorum, sed agere contra conscientiam est peccatum, ergo DEUS non potest dispensare. Confirmatur: Quia dispensando in dato casu faceret, ut quis peccet, & non peccet, atqui hæc est formalis contradictio, ergo. Probatur maj: Quia peccaret, edò quod ageret contra conscientiam, non verò peccaret, quia DEUS dispensaret. *Bene tamen potest*, per quod limitavi conclusionem, tollere præceptum vel prohibitionem, & tunc posset quis operari, vel non operari, & tamen contra conscientiam non ageret.

III.  
DEUS non potest dispensare, ut agat quis contra conscientiam.

Dico Tertiò: *Ad bene agendum non semper requiritur conscientia recta & infallibilis, sed sufficit quandoque probabilis.* Est communis. Probatur: Plures sunt casus, in quibus non potest haberi certitudo, ergo tunc sufficit, ut opinionem probabilem sequa-

IV.  
Conscientia infallibilis non semper requiritur ad operandum.

sequamur, vel certe erimus semper perplexi: Antec: est manifestum, namparet, quod in resolutione multorum casuum Doctores sibi adversentur, quod non contingeret, si casus esset certus & clarus. Confirmatur: Licet Professoribus docere opinionem probabilem, ergo licet in praxi illam sequi. Antec: patet ad oculum. Probatur consequ: Quia alias frustra illam docerent, & non esset regula operandi. Res haec clare patebit ex dicendis infra de opinione. Sed in contra

**Arguitur:** Regula operandi in moralibus debet esse actus prudentiae, sed virtus prudentiae est semper infallibilis, ergo: Probatur min: Ad rationem verae virtutis intellectualis videtur requiri certitudo. Confirmatur: Imprudenter ageret, qui timens sibi aliquid non licere, nihilominus ageret, sed qui sequitur puram opinionem, habet semper timorem de opposito, ergo non licet talem sententiam probabilem sequi. Respond: neg: min: & distinguo prob: antec: debet esse certa, certitudine practica, & in regulando, conc: ant: speculative & assentiendo, nego. Hoc est dicere, ipse assensus respiciens objectum fallibile hic & nunc est fallibilis speculative, quia tamen judicat operans rationabiliter hic & nunc operandum taliter, tale iudicium est practicum habens certitudinem regulae, quae opponitur perplexitati & errori: Exemplum sit, controversia est inter Doctores, utrum peregrini teneantur legibus territorii, per quod transeunt, multi affirmant, unde exortum est illud: *Si fueris Romae* &c. multi alii negant, dicentes: Illud axioma tunc tantum habere locum, quando ex transgressione legis sequeretur scandalum, vel ejus periculum, si ergo contingat me ire ex domo, ubi non servatur jejunium Sabbathi, & veniam in patriam, ubi servatur tale jejunium, poterit secluso scandalo non jejunare, Primò, Quia incertum est, quae ex his sententiis speculative sit verior, certum tamen juxta re-

gulas prudentiae posse judicare, quod secunda sit tuta & licita, est enim in possessione suae libertatis, donec ostendatur, quod lex ipsa obliget, & haec est certitudo practica sufficiens ad operandum.

**Ad Confirmationem Respond.** disting. min. habet semper formidinem intrinsecam, nego; extrinsecam, concedo. *Intrinseca formido* est, quae reddit operantem anxium & dubium, tollens certitudinem practicam, & cum tali timore & formidine nunquam licet operari. *Extrinseca vero formido* est, quae etsi operans in intrinseco iudicio resolvit se pro una parte controversiae rationabiliter amplectendo, ab extrinseco tamen id propter multitudinem Doctorum oppositam scientiam defendentium, vel etiam rationum probabilium, formidat de suo iudicio, & haec formido non impedit, quo minus possit operari aliquis, quod autem certitudo practica non omnem excludat timorem, patet ex Apostolo ad Philipp. 2. *Cum metu & tremore salutem vestram operamini.* Et Prov. 28. *Beatus homo, qui semper est pavulus.* Sed de his redibit fusior sermo in propria disputatione, cum de conscientia probabili egero, nunc sit

## QUESTIO QUARTA.

### *De Conscientia Dubia.*

**R**ectae & infallibili Conscientiae ordine & dignitate proxima est alloqui illa, quae probabilibus, tutis, & tutioribus innititur principiis, ob quae communiter vocatur Conscientia probabilis, sed quia materia illa de probabilitatibus fusiolem exigit discussionem, pro nunc transeo, de probabili particularem reservans disputationem, ad fluctuantem, seu dubitantem Conscientiam explicandam, pro quo

**Notandum Primò:** Dubium non esse assensum, vel dissensum, sed indeterminatam quandam mentis trepidationem, vel metum intellectu

V. Formido intrinseca & extrinseca.

I. Dubium quid sit

Atque ad utramque partem, propter motiva apparentia retrahentia animum dubitantis à determinatione ad alteram partem, unde dicitur *Dubium æquilibræ* de aliqua re, quando æqualiter de ea, & de ejus opposito ob æqualia motiva dubitatur, unde etiam Conscientia dubia ea est, quæ velut in æquilibrio pendens neutri parti contradictionis assentitur, & melius negatio conscientiæ, quam conscientia vocatur.

III.  
Conscientia dubia  
alia speculativa  
alia practica.

Notandum Secundò: Quòd sicut dubium dividitur primò in speculativum, & practicum, ita etiam conscientia dubia alia est *Positiva*, alia *negativa*. Illa est, quæ dicitur propter vim aliquarum rationum neutri parti esse assentiendum. Hæc verò est, quæ absque ullo fundamento hæret inter partes contradictionis. Item alia est *conscientia speculativa dubia*, quæ respicit ipsam legem, vel aliquid, quod immediatè non ordinatur ad actionem, & contingit non solum in materia speculativa, ut an astra paria sint? Angeli ejusdem speciei? Sed etiam in materia practica, ut si dubitetur, utrum Religiosus nondum sacris ordinatus teneatur recitare Breviarium? An castitatis votum admiserit? Huic enim dubio non opponitur conscientia, sed potius scientia. Ex his tamen & similibus potest sequi conscientia practice dubia, seu practica, vel practica dubietas, ut v. g. utrum hic & nunc obliget ad recitationem Breviarii &c. Dubium ergò practicum immediatè respicit ipsam actionem.

III.  
Dubium aliud est  
Juris, aliud  
facti.

Notandum Tertiò: Aliud est *Dubium Juris*, aliud *Facti*. *Dubium Juris* est, quando de ipsa lege dubitatur, autoritate Legislatoris, promulgatione, receptione, an Actus commissus, vel omissus sit contra legem, vel in genere, vel in specie? *Facti* respicit ipsam actionem; Et utrumque potest esse antecedens, & concomitans, vel subsequens, v. g. dubitat quis, an sit jejunandum hodie? Hoc dubium vel præcedit transgressionem jejunii, vel subsequitur. Item dubitat quis, an mortale pec-

catum commiserit? Vel si sic, an fuerit confessus? Et hoc est antecedens, item an jam peccet, vel teneatur in præsentem confiteri? Tria ergò hic quæri possunt Primò: Utrum liceat operari stante conscientia dubia. Secundò an & quomodo dubium sit confitendum? Et tandem, Quomodo, & qua ratione dubium sit deponendum? Ad primum igitur

Dico Primò: *Licet potest quis operari cum conscientia dubia speculativè, scilicet de materia operis secundum se, v. g. dubitat quis speculativè, utrum hæc res, quam possidet, sit sua vel aliena, non dubitat, quin in dubio sit melior conditio possidentis, possitque post diligens examen rem illam retinere, talis enim non est dubius practice, quia non decernit, quid sibi agendum est.* Ratio est, quia qui solum speculativè dubitat, & practice certum, vel probabile judicium habet, sufficientem etiam habet regulam, cui hic & nunc se posset conformare, quia dubium speculativum, quod hic intervenit hic & nunc impertinenter se habet ad operationem, ac proinde illo non obstante licebit se conformare conscientiæ certò ac probabiliter dictanti hoc esse.

IV.  
Dubio  
stante speculativo  
potest quis  
licet operari.

Dico Secundò: *In nullo casu licet operari manente conscientia practice dubia, si ve postmodum dubium sit positivum, si ve negativum, si ve juris si ve facti.* Hanc tradit Doctor subtilis q. 2. Prologi, & tenent multi Recentiores, ut Suarez, Vasquez 2. 2. disp. 63. cap. 1. Corduba noster lib. 3. q. 5. & alii. Probatur Primò: Ex D. Paulo ad Rom. 14. *Qui autem discernit, si manduca verit, damnatus est: Quia non ex fide. Omne autem, quod non est ex fide, peccatum est:* Quod D. Hieronymus & alii exponunt de conscientia bona, quod autem ex conscientia practice dubia non est ex fide, ergò. Confirmatur: Ex illa regula juris, *In dubiis tutior pars est eligenda.* Probatur Secundò à Priori: Quia *bonum est ex integra causa, malum ex quocunque defectu*, sed ad bonitatem requiritur particulariter & præcipuè cognitio, quæ nisi sit deter-

V.  
Dubio practico  
licet stante  
nunc  
quam licet  
operari.



minata, non potest esse sufficiens causa, cum non sit integra, & perfecta illius rei cognitio, ergo quod fit cum dubio, non est bonum. Hæc veritas etiam colligitur ex Scoto 2. d. 25. §. *sed hic occurrunt* ubi dicit: *In moralibus quando sunt altercationes de peccato, ut si unus peritus in scientia dicat, quod licet sic mercari, & alius quod non liceat, tutius est non procedere sic vel sic, sed expectare, quousque veritas pateat aliunde.* Probatur Tertiò: Quia, qui agit cum dubio, exponit se periculo peccandi, qui amat periculum, dicit Eccles: cap. 3. *peribit in illo.* Quarto: Quia, qui ageret aliquid dubitans, an amicitiam proximi læderet, ageret contra leges amicitiae, ergo similiter de DEO, qui iudicat vel dubitat, an DEUS offendatur, & cum hoc dubio agit, lædit amicitiam, quam habuit cum DEO.

Probatur Quintò: Ab Exemplis, Nam peccat Medicus applicans infirmo medicinam, de qua propter multorum aliorum contrariam opinionem dubitat, quod inferat mortem, ergo à fortiori idem sentiendum in periculo animæ. Deinde, qui dubitat de vita prioris conjugis peccat exigendo debitum à secunda, ex cap: *Dominus de secundis Nuptiis.* Et secundum Doctores communiter, non alia ratione, nisi quia agit id, de quo dubitat valde, & quod secure potest omittere, ergo. Sed in contra-

Opponitur Authoritas Doctōris subtilis 3. dist: 23. ubi dicit, quod fides non excludat omnem dubitationem, sed eam solum, quæ vincit & trahit in oppositum credibilis. Et dist: 24. dicit: Notitiam Prophetarum infusam fuisse certiores fide, quia fides, inquit, admittit aliquam dubitationem, illa autem notitia non sic: Ex his sic: Si fides, quæ est multò certior, quam opinio compatitur secum aliquam dubitationem circa creditum, ergo à fortiori dubitatio potest stare cum iudicio opinativo sufficiente ad bene agendum, & consequenter poterit dubium stare cum

ipso bono opere, de quo dubitatur, an sit licitum. Respond: omiſſa expositione Lycheti in prædictum locum Scoti, cum Vega lib: 9. de Justificatione cap. 4. & 27. & Corduba lib: 3. q. 5. Scotum in primo loco loqui expressè de fide actuali acquisita, logica, vel humana, quæ scilicet humanæ innititur authoritati, vel rationi, quia licet sit assensus certus, & sine formidine actuali, non tamen credit aliquem adeò certum, ut credat testimonium, cui innititur non solum non fallere, sed nec fallere posse, & propterea Scotus ibidem dicit, præter talem fidem humanam acquisitam necessariam esse fidem infusam, vel theologicam acquisitam, innixam authoritati divinæ infallibili, quam fidem quidem theologicam Scotus, ubi supra comparat cum revelationibus, & visionibus Prophetarum, dicitq; hos esse quodammodo certiores illa, in quantum hæc compatitur aliquos motus subreptitios, scrupulos, & dubia levia, non autem pertinacia, & quæ traherent ad oppositum credibilis, ut ipse magis declarat in Respon: 3. dist: 24. q. 1. talia autem non admittit visio, vel revelatio facta Prophetis. Ad propositum ergo concedo, quod sicut fides Philosophica admittit leves dubitationes, ita iudicium operativum sufficiens ad bene operandum, adeòque ipsum bonum opus admittit similes leves dubitationes & scrupulos, non autem graves, & suspendentes iudicium, de legitimitate operis, de quibus loquitur conclusio.

Dico Tertiò: *In moralibus* <sup>VL</sup> *quando sunt altercationes de aliquo* <sup>In dubiis</sup> *an sit peccatum v. g. si unus doctus dicat: Licet sic mercari, alius non, tutius* <sup>tutior pars est eligenda, quando sit.</sup> *est non procedere sic vel sic, sed expectare, quousque veritas pateat aliunde.* Ita Doctor subtilis in 3. d. 25. §. *sed hic occurrunt.* Probatur: Quia tutior pars est illa, in qua nullum peccatum esse potest, vel in qua, ex duobus malis minus eligitur ad evitandum majus, sed cessando ab opere, de quo dubitatur an sit peccatum, non

non est periculum peccandi, ergo.

Dico Quarto: *In dubiis questionibus quando commodè, vel saltè sine gravi incommodo potest vitari pars minus tuta, quantumvis probabilis, tutior est eligenda.* Ita Faber in 4. d. 14. q. 1. disp: 6. Vasquez 1. 2. disp: 66. eam tradit expressè Scotus 4. d. 3. q. 2. §. de 3. in fine. Et q. 2. Prologi dicens: *Si possibilitas adest, via tutissima est eligenda, vel si non adest possibilitas, via tutissima proxima est eligenda,* quam doctrinam, quamvis tradat Scotus circa dubia orientia circa materiam & formam Sacramentorum, v. g. ut ipse exemplificat in 4. dist: 11. q. 6. dubitat quis, an panis confectus ex amylo sit materia consecrabilis, & opinio contraria sit probabilior, peccaret consecrando, nihilominus in omni materia, quantum fieri potest, commodè servanda sunt. Ratio est, Quia servando hanc doctrinam, vel sequendo, nullum vel saltè minus periculum habet peccandi, secus verò faciendo incurrit periculum, qui autem amat periculum, &c. Confirmatur ex cap. ad audientiam, & cap. significasti in 1. & 2. ubi in dubio homicidii præcipitur abstinendum à ministerio altaris propter suspensionem, aut dubium irregularitatis, cujus rationem reddit Pontifex, cum *in dubiis tutior pars sit eligenda.* Vide Sylv: verbo dubium q. 4. Navarr: cap. si quis de poenit: disp: 7. à num: 35. ad 41. & alios apud Vasquez.

Dico Quinto: *Quando non ita commodè, aut sine gravi jactura persone, vel fame, vel etiam bonorum temporalium non potest quis sequi tutiorem partem, tunc minus tuta eligi potest, si secum habeat sufficientem probabilitatem.* Ita Navar: supra, Faber ubi supra. Ratio est, Quia oppositum esset nimis durum, nam si oporteret sequi semper viam tutiorem, sequeretur, quòd dubitans an res sua sit sua, teneretur restituere, quandoquidem hoc sit tutius. Item sequeretur, quòd dubitans, an statim, postquam peccavit, teneatur confiteri, deberet confiteri, cum hoc sit

tutius, quòd tamen est valde grave, & sæpè incommodum. Idem dic de eo, qui dubitat, an omnes circumstantiæ, etiam non instantes speciem sint confitendæ. Item sequeretur, quòd nullibi ferè haberet locum illa altera regula communiter recepta: *In dubiis melior est conditio possidentis.* Deindè, si oporteret semper sequi tutiorem, non liceret unquam recurrere ad consilium peritorum, cum quisq; facile per se noscat, quæ sit tutior pars, saltè ut in plurimis. Tandem sæpè pars minus tuta firmioribus nititur autoritatibus ac rationibus, sed regula generalis est, quòd possimus partem probabiliorē sequi, ut docet Scotus q. 2. Prologi, ubi dicit, quòd in rebus dubiis utilis sit labor Doctorum, & Expositorum, & consequenter quando plures Doctores docent aliquam partem esse probabiliorē, quamvis sit minus tuta, possum illam sequi absq; periculo. Et propterea addidi in conclusione, si secum habeat annexam probabilitatem, quia si adhibito peritorum consilio adhuc fluctuat & dubitat, an debeat id facere, debet potius abstinere, vel suspendere judicium, donec per alias vias judicium dubium illud deponat, quia, ut supra dixi, faciens id, de quò valde dubitat, an sit peccatum, peccat, maxime quando certum est, quòd abstinendo non peccet. Hæc de dubiis nunc breviter dicta sufficiant, plura invenies, in tractatu de probabilitatibus. Quantum ad quæsitum Secundum

Dico Sexto: *Nec dubium facti unquam, nec dubium juris in genere est confitendum necessario.* Ratio patet ex dictis: Quia possessio stat ex parte dubitantis, quoties dubitat an actu commiserit, vel contra legem egerit. Ex quo infertur, quòd sacerdos dubitans, an heri dixerit Breviarium, non tenetur hoc confiteri. Idem dic de similibus multis casibus.

Dico Septimò: *Quando possessio stat ex parte legis dubium grave concomitans actum contra legem militantem, est semper confitendum: Non verò dubium*

VII.  
Dubium  
facti in ge-  
nere non  
est confi-  
tendum.

VIII.  
Dubium  
concomi-  
tans actum  
est confi-  
tendum.

bium antecedens, nisi fiat concomitans: *Dubium juris consequens, nisi deponatur ante sequentem confessionem obligat.* Ratio patet ex dictis: Quia qui dubitat, an id, quod agit, sit mortale vel veniale, peccat mortaliter, quia se periculo exponit. Ratio alterius partis est, quia non obligat, nisi quoties ex illo est operandum, ex dubio autem antecedenti non procedit operatio, nisi in quantum concomitatur actum, si enim deponatur antecedens ante actum, nihil facit ad rem, quod si non deponatur, jam fit concomitans. De dubio vero juris consequente, ut si quis dubitet, an commiserit hoc vel illud peccatum, patet resolutio, quia possessio est ex parte legis, talis enim scit se obligatum, & nescit, an satisfecerit, ergo stante dubio tenetur legi deferre. Nunc ultimum resolvendum restat, unde

IX.  
Dubia deponendi  
modi &  
via.

Dico Octavo: *Dubium in operabilibus triplici via securè deponi potest, nempe per diligens studium, per securam electionem, & per benè fundatam possessionem.* Probatur Prima pars & via Ex cap. *Inquisitioni 44. de sent: Excomm:* ubi dicitur, quod conjux deposita conscientia dubia, potest petere & reddere debitum, quia adhibuit diligentiam inquirendo rationes, quibus se resolvit; aut resolvere potuit, unde fit, quod dubio succedat opinio per studium acquisita. Probatur Secundo: Quia dubitans, an aliquid sit licitum, vel illicitum facere, ne evidenti peccandi periculo se exponat, non potest meliorem viam habere, quam diligenter studere, per se si doctus sit vel per alios viros timoratae conscientiae, ut dubium evincat inquirendo veritatem facti.

X.  
Electio tripliciter fieri potest in dubiis.

Probatur secunda pars: Ex cap. *Ad audientiam 12. cap. significasti 18. cap. Petitio tua. 24. & cap. Juvenis 3. de sponsalibus*, ubi dicitur: *In dubiis tutior pars est eligenda*, ergo optima via deponendi dubium est securae electionis, in qua exercenda nullum reperitur peccandi periculum, ut v. g. si dubites, an tenearis jejunare, audire

Missam, securius eligitur jejunium, & tutius auditur Missa, quia benè operando nemo peccat.

Secundo: Electio tuta & securae fit hoc modo, ut in duobus malis & viis, in quarum alteram incidere necesse est, minus malum eligatur, si discernere sufficienter potest, ex cap. *1. dist. 13. cap. Jura vit 4. cap. non solum 7. 22. q. 4.* ubi tamen Notandum, hanc regulam non valere in malis intrinsicis, in quibus non datur electio, quamdiu non sunt denudata à sua malitia, ut mendacium, fornicatio, idololatria &c.

Tertio potest securae fieri electio, si duo praecepta concurrant, ut observetur illud, quod magis urget, & evitetur majus peccatum, v. g. dubitat quis, an debeat servire infirmo, vel audire Missam, tutius & securius eligit primum, quam secundum, quia magis urget, similiter magis urget praeceptum superioris majoris, quam inferioris, ex cap. *Non semper 92. & seq: 11. q. 3. in cap. 97.* ubi dicitur: *Non utiq; contemnis potestatem, si eligis majori servire: Nec hinc debet minor irasci, si major Praelatus anteponatur.*

Probatur tertia pars. De benè fundata possessione, Ex regula Juris 65. *In dubiis melior est conditio possidentis*, quae non solum in materia justitiae, sed etiam aliarum virtutum habet locum, ut dicam infra, & tenet Suarez, Sanchez, contra Vasquez.

Dices: *Possessor male fidei nunquam praescribit*, ut dicit alia regula juris, ita ut fundata possessio incipiat à bona fide, sed qui dubitat, non habet bonam fidem, ergo. Respond: distin: Dubitans dubio antecedente non habet bonam fidem, transeat; dubio subsequente, nego. Quia superveniens dubium possessioni non destruit bonam fidem transferendo possessionem in malam fidem, nam dubitatio nequit operari ultra suas vires, dubium enim non egreditur ultra sphaeram dubietatis.

QUAE-



QUAESTIO QUINTA.

De Conscientia Erronea.

I.  
Conscien-  
tia erronea  
qualis?

**V**lris iis, quæ ad conscientiam dubiam spectant, de Conscientia Erronea agendum est. Itaque Conscientia erronea est, quæ ex falsis principiis apprehensis ut veris iudicat, aliquid practice faciendum esse, quod non est faciendum, vel è contra. Si enim ex nullis principiis credibilibus fingatur iudicium practicum, non erit error, sed malitia: Si verò principia apprehendantur ut probabilia, & non ut vera vel certa, Conscientia non erit simpliciter erronea, sed vel opinativa, vel dubia, v. g. aliqui olim certò apprehendebant legalia esse asservanda promulgato jam Evangelio, vel hæreticos esse rebaptizandos, ex quo intulerunt, ergò Christianus jam tenetur circumcidi: Vel Joannes, quem constat mihi fuisse lapsum in hæresim, est necessariò rebaptizandus. Hujus conscientia fuit S. Cyprianus, alius autem istius temporis poterat non certò, sed opinativè idem iudicare, vel dubitare, & talis haberet conscientiam vel dubiam, vel probabilem, non verò simpliciter erroneam. Denique si iudicium non sit de opere faciundo hic, sed tantum sistatur in materia speculativa, erit potius error contra scientiam, quam contra conscientiam, hoc Notato quaeritur hic, an conscientia erronea obliget ad sui sequelam, ita ut contra illam agere sit peccatum, vel qualiter sit deponenda?

II.  
Conscien-  
tia erronea  
proponens  
tantum li-  
cium non  
obligat.

Nota autem, extra omnem dubitationem esse, quòd si conscientia proponat erroneè aliquid licitum esse tantum, & non obligatorium, v. g. furandum, ut possim dare elemosynam, neminem obligari ad sequelam talis dictaminis, quaestio ergò præcisè potest esse de conscientia dictante hic & nunc secundum legem DEI sic, vel sic operandum ex obligatione, & difficultas solum potest esse, quando error est invincibilis, seu inculpabilis, qui videlicet morali studio, & diligentia vinci non

potest, si enim error est vincibilis & culpabilis, non est dubium neminem talem licitè sequi.

III.  
Conscien-  
tia erronea  
invincibili-  
s, obligat  
ad sui se-  
quelam.

Dico Primo: Conscientia erronea invincibilis actu proponens hic, & nunc esse obligationem ad operandum vel non operandum, obligat sub culpa mortali, vel veniali juxta dictamen propositum ad sui regulam, seu sequelam. Probatur Primo: Ex Scriptura ex Apostolo ad Galat. 5. dicente: Testificor omni homini circumcidenti se, quia debitor est universae legis faciendae, sed hæc obligatio, vel debitum ex sola conscientia erronea processit, ergò talis obligat ad sui sequelam. Probatur min. Apostolus in illo loco argumentatur contra illos, qui dicunt, legem de circumcisione esse observandam, in quo errarunt, & sic argumentatur: qui credit se teneri ad circumcisionem, debet etiam credere se teneri ad omnem legem, circumcisioni impositam, ergò clarum facit omni homini circumcidenti se, quia debitor est universae legis. Confirmatur: Ex eodem ad Rom. 14. ubi ostendit, quòd Judæi circumcisi existimantes erroneè cibos gentilium esse communes, seu immundos, si comedant ex eis peccare: Confido, inquit, in Domino JESU, quia nihil commune, id est, immundum per ipsum, nisi ei, qui existimat, quid commune esse, illi commune est, qui autem discernit, id est, qui putat cibos gentilium esse immundos, si manduca verit, damnatus est. Et ita hunc locum exponunt Origenes, Chrysostomus, Ambrosius, Theophylactus, Theodoretus, Anselmus, & Glossa: Qui discernit, id est, qui iudicat, vel qui putat, aliquem cibum esse prohibitum, quamvis revera non sit, peccat comedendo, quod non est ex fide, id est, quod non concordat conscientia, peccatum est.

Probatur Secundo: Ex Canone Cap. Inquisitioni. de Sent. Excomm. Et Cap. Libertas. de Restit. Spoliat. Et Cap. ultim. de Prescrip. ubi damnatur crimine, qui agunt contra conscientiam.

(\*) Pppp 3

Pro-

**Probatur Tertiò :** Rationibus  
**Primò :** Regula proxima voluntatis est conscientia proponens illi legem, ergò voluntas illi difformis subvertit debitum ordinem, & exponit se periculo peccandi, & quantum in se est, recedit à recto, ex quo non constat illi de errore intellectus. **Probatur Secundò :** Qui agit contra legem superioris creditam, seu apprehensam, & aestimatam, licet non verè obligantem, contemnit superiorem, & consequenter peccat, sed agens contra conscientiam erroneam, agit contra legem superioris creditam, ergò : maj. declaratur : Nam qui percuteret aliquem existimans esse Regem, hoc ipso reus esset læsæ Majestatis, ergò. **Probatur Tertiò :** Volitio agentis contra conscientiam erroneam, tendit in objectum malum & prohibitum, ergò est culpabilis : **Probatur anteced.** Objectum voluntatis præsertim in genere moris tale est, quale per rationem apprehendit, & voluntati repræsentatur, sed ratio, vel conscientia quamvis erronea proponit voluntati tale objectum obligatoriè vitandum, vel prosequendum, ergo voluntas secus faciens tendit in objectum moraliter malum.

IV.  
 Obligatio  
 diversimodè  
 conscientiarum.

Hic tamen notandum ex Corduba : Conscientiam rectam & erroneam, vincibilem & invincibilem diversimodè obligare : Recta enim obligat absolute ad conformandum se illi faciendo, vel omittendo, eo modo, quo dictat : Erronea verò obligat distinctivè, id est, vel ad conformandum errori, vel ad tollendum eum : Erronea invincibilis, ex quo amplius non potest deponi, quamdiu sic manet, hic & nunc dictans aliquid faciendum obligat absolute ad se conformandum ei, hoc modo Jacob Genes. 29. cognovit Liam invincibiliter credens suam : Conscientia autem erronea vincibilis non obligat nos ad confirmandum ei, sed tantum ad deponendum illum, & hoc ex vi alterius præcepti divini, vel naturalis, quo quolibet tenetur

vitare errorem culpabilem & periculofum, juxta illud Eccles. 17. *Non demoreris in errorem.* Sed contra

**Arguitur Primò :** Si æstimatio erronea intellectus induceret obligationem ad non agendum contra ipsum, hoc esset Virtute alicujus legis naturalis, vel divinæ verè obligantis, quam prædicta conscientia erronea notificat nobis, sed conscientia erronea non habet talem virtutem alicujus legis, ergò non obligat : maj. patet : Quia conscientia non obligat virtute propria, sed tantum ostensivè, & ut præco Regis notificans legem superioris : min. verò probatur : Quia sicut præco Regis non habet à Rege virtutem obligandi homines etiam homines ostensivè per legem promulgatam, nisi verè se conformet præco legi ipsius Regis, quod ex eo patet, quia homines transgredientes falsam legem falsò promulgatam, non puniuntur ut transgressores, ergò similiter conscientia erroneè promulgans voluntati legem superioris, quam superior non statuit, non obligat voluntatem ad non agendum contra illam, maxime quando dictat contra legem verè obligantem, cui magis obediendum est, quam præconi. **Respond.** neg. min. ad probationem neg. paritatem, nam aliud sentiendum est in foro humano, & externo, ubi non judicatur de occultis cordium, aliud verò in foro conscientie & coram DEO, ut hic agitur, quamvis paritas sit utrobique quoad forum conscientie, nam revera, si præco falsus creditur verus, tenentur ei credentes in foro conscientie servare ea, quæ tanquam verus præco promulgat, si aliàs sint justa, & non repugnent legi Superioris.

**Arguitur Secundò :** Voluntas difformando se conscientie erronee non difformat se à sua regula, nec exponit se periculo, ergò non peccat : **Probatur antec.** Regula voluntatis humanæ, est ratio proponens legem DEI, vel superioris, sed ratio errans non proponit legem superioris, ergò difformando se ab ipsa non peccatur.

tatur. Respond. neg. antec. ad probat. disting. maj. Verè vel apparenter proponens, conc. Verè semper proponens, nego. sufficit enim, quòd ratio æstimet se proponere legem superioris.

Dices : Ergò voluntas conformans se conscientia vincibiliter erronea dictanti esse furandum, fornicandum, vel mentiendum pro salute corporali proximi, non solum non peccaret, sed etiam mereretur. Probatur sequela : Quia voluntas tendit in objectum æstimativè bonum, & conveniens, & consequenter conformans se legi superioris æstimatae meretur. Respond. neg. conseq. ad prob. neg. conseq. Quia ad bonitatem actus non sufficit, quòd sit circa objectum bonum, & conveniens etiam in re, sed etiam requiritur, quòd sit circumstantionatus aliis requisitis ad bonitatem, cuiusmodi in proposito non est talis actus, utpotè qui est circumstantionatus ignorantia culpabili, quam tenetur homo deponere.

Arguitur Tertiò : Ex hac doctrina sequeretur, aliquem fore ita perplexum, ut quidquid agat, necessario peccet, hoc videtur inconveniens, ergò. Probatur sequela : dato casu, quòd iuraverit Petrus, se nullum secretum Paulo revelaturum, interim Petrus secretò revelat Paulo, se velle Pauli parentem occidere, in hoc casu, si tacerit Paulus, sentit se parricidam; si moneat patrem, ut fugiat, sentit se perjurum, ergò non poterat evadere perplexitatem, si teneatur sequi utramque conscientiam. Resp. neg. sequelam, ad casum illum & similes dico, quoties dictamina contraria decurrunt, esto censeatur malum sequi, vel hoc, vel illud; tamen minus semper est preferendum, sicut duobus præceptis impossibilibus simul occurrentibus oportet præceptum magis obligatorium semper observare. Itaque in illo casu oportet revelare secretum, ut vitetur homicidium, quod fortius prohibetur, quam perjurium, nec tunc poterit dici perju-

rium, tamen si conscientia erronea dictet perjurium, oportet illam deponere. Dixi in Conclus. Conscientia actu proponens, si enim habitualiter tantum remaneat error in mente, poterit quis contra errorem agere.

Dico Secundo : *Laborans conscientia erronea, si vel modica ei suspicio de errore, vel malitia occurrit, tenetur inquirere de veritate, antequam operetur, si vero nulla suspicio vel cogitatio habetur, non tenetur.* Est communis, & ratio est, Quia occurrente tali suspicione conscientia erronea redditur vincibilis, si vero non, erit invincibilis. Modus autem deponendi errorem occurrente illa suspicione, est consulere Authores, si est doctus; vel alios peritos maxime Confessarios, qui sunt animarum directores, secundum illud Deuter. 32. *Interroga Patres tuos, & dicent tibi, majores tuos, & annuntiabunt tibi;* & juxta horum judicium oportet captivari intellectum, faciendo quod jubent contra dictamen illud erroneum, de quo habetur suspicio: & expediret talem formare discursum, cui commissæ est cura regendi animam meam, estque alioquin vir doctus, & DEUM timens, is non debet judicari, quòd velit me decipere, aut in errorem inducere, ergò cum nunc dicit, hoc vel illud esse faciendum, probabile est omnino esse securum ejus dicto acquiescere, & consequenter æstimari debet contrarium judicium erroneum. Sed hic nonnulla pulchra dubia occurrunt resolvenda, quæ pro directione valent conscientiarum.

Sed hic alia oritur difficultas: An liceat contra conscientiam agere ex præcepto superioris, & legis? Ad quam inprimis respondetur: Certum esse, si conscientia sit erronea, & vincibilis subditum teneri ad præceptum superioris deponere illum errorem, & formatam bonam conscientiam obedire superiori, v. g. superior mandat scrupuloso, erroneè æstimati, se singulis horis teneri ad reiterandam confessionem, non reiterare toties, tunc tenetur subditus illum

V. Conscientia erronea debet deponi, si minima suspicio

VI. Superiori est obediendum in conscientia vincibiliter ignorante.



lum scrupulum deponere, & obedire superiori, & in hoc sensu intelligendus est S. Bonavent. 2. d. 31. art. 3. q. 3. ad ultimum, ubi dicit: *Plus standum esse praecepto Prælati, quam conscientie*, maximè quando Prælati mandat id, quod potest, & quod debet. Nec in hoc sensu potest esse amplius difficultas, attamen major est, an subditus teneatur obedire superiori, quando inferior invincibiliter putat esse contra praeceptum divinum, vel naturale id, quod præcipit. Ad quod

VII.  
Superiori  
non est o-  
bediendū  
si conscien-  
tia sit in-  
vincibilis.

Dico Tertiò: *Nullo modo etiam ad praeceptum superioris, aut legis, licet agere contra conscientiam invincibiliter erroneam, quamdiu manet.* Ita Corduba lib. 3. q. 10. Probatur primò ex illo ad Rom. 14. *Omne quod non est ex fide, peccatum est*, id est, quod sit contra conscientiam, ergò contra jus naturale & divinum, ad praeceptum cujuscunque superioris, non licet facere, quamdiu conscientia erronea dicit id non licere. Probatur Secundò Ratione: Ille illicitè operatur, qui vult facere id, in quo judicat se malè agere, sed agens contra conscientiam etiam ex superioris praecepto judicat se illicitè agere in eo, quod agit, ergò talis non potest ad praeceptum superioris agere contra conscientiam: min. patet, maj. etiam, quia talis tendit in objectum formaliter malum, vel saltem sub ratione mali sibi præsentatum, & consequenter contra legem naturalem dictantem: *Non esse malè faciendum*, & subvertit debitum ordinem rationis, cui se rectè deformare non potest, ergò talis illicitè operatur. Sed in contra

Arguitur: Plus tenetur subditus sequi opinionem superioris quam propriam scientiam, vel conscientiam, ergò magis tenetur legi, vel praecepto superioris, quam suæ conscientiae: Probatur antec. Quia in Prælato supponitur major scientia, sufficientia, ac discretio, ergò. Respond. disting. antec. Si propria conscientia potest deponi, conc. sin minus, neg. Quia cum conscientia sit

proxima regula agendorum, quamdiu manet, obligat nos ad conformandum ei ex lege naturali. In opinionibus autem probabilibus, dubiis & scrupulis, qui debent & possunt deponi, tenentur obedire superiori. Pro fine

Quæres: An Confessarius teneatur semper liberare pœnitentem ab errore, in quantum potest? Respond. primò affirmative, quotiescunque salus æterna pœnitentis id requirit, unde si pœnitens errorem habeat circa media necessaria ad salutem, v. g. quod sine fide, contritione, aut baptismo possit salvari, debet Confessarius ipsum instruere. Ratio est: Quia ignorantia quantumcunque invincibilis horum mediorum non liberat à damnatione. Respond. Secundò: Quoties pœnitens judicat erroneè aliquid esse peccatum, quod planè peccatum non est, vel esse mortale, quod est tantum veniale, tenetur Confessarius ipsum instruere. Ratio est, quia tenetur liberare pœnitentem à peccato, & periculo peccandi mortaliter, quantum in ipso est, sed periculosum est laborare tali ignorantia, si enim quis ex illa agat, etiamsi materia sit indifferens, vel levissima, peccabit mortaliter, ergò cum sola informatione hoc possit vitari, tenetur Confessarius hoc præstare. Unde damnandus est quorundam indiscretus zelus, qui pietatis prætextu, ne subditi vel pœnitentes evadant negligentes, vel persuadent illis, quòd aliqua levia, ut violatio silentii, vel alicujus consuetudinis bonæ, sine peccata gravia, aut qui non corrigunt suos pœnitentes existimantes talia esse gravia, & stulta dissimulatione permittunt illos in errore, cum periculo sæpius peccandi mortaliter, ubi nullum aliàs foret peccatum, vel ad summum leve, non oportet ergò Christianis in libertatem vocatis graviores sarcinas imponere, quam imposuit DEUS, & Ecclesia. Resp. Tertiò: Si deprehendatur pœnitens errare circa actus, vel omissiones futuras, judicando scili-

VIII.  
Confessa-  
rius reco-  
tur pœni-  
tentem li-  
berare ab  
errore.



scilicet se non peccaturum, si hoc vel illud agat, aut omittat, tenetur Confessarius per se loquendo ipsum instruere de veritate contraria, etiam non obstante, quod poenitens sit peccaturus, v. g. Petrus vult ducere in uxorem Catharinam, quam invincibiliter esse monialem, vel in gradu prohibito junctam sanguine, ignorat, & ita ad hoc apparet inclinatus, ut si sciret veritatem, non minus eam duceret, tenetur nihilominus Confessarius, vel Superior eum informare de veritate, ejusque malitiae postmodum tribuendum erit, si non obtemperaverit, maxime cum nullis adhuc veris angustiis prematur. Veruntamen si Confessarius, vel Superior praevideat poenitentem in magnis angustiis, & scandali periculo futurum, non ex sua malitia, sed ex aliis circumstantiis, probabile est, quod possit tacere relinquendo Subditum in suo errore invincibili. Declaratur hoc exemplo jam dato, si enim Petrus duxit illam uxorem, & praesumitur, quod planè nolle eam dimittere, melius videtur, ut habeat errorem, invincibilem, quam notitiam sui peccati, hæc enim circumstantia est à parte rei valde urgens Petrum, nè dimittat Catharinam propter scandalum, & multa alia; laborare tamen Superior debet vel Confessarius, ut possit legitimari contractus omnimodo, quo potest, primum tamen credo esse verius. Imò in simili casu, si practicè contingeret, deberet Catharina criminis conscia vel sanguinis admoneri, nè in tale consentiat matrimonium, cum nullum sit, sunt & alii modi tales juvandi. Interim sit

## QUESTIO SEXTA

### De Conscientia scrupulosa & fatua.

I. Scrupulus definitur.

**I**N hac quaestione videndum est, quid sit scrupulus? an contra illum agere liceat? quibus modis deponi, quibusque remediis curari debeat? & qualiter differat à con-

scientia fatua. Scrupulus metaphoricè desumptus, à minutioribus lapideis granulis, qui in calceis pedes aliquando molestant, secundum ethymologiam ex communi Doctorum sententia, est *quedam suspicio, anxietas, vel aestimatio ex levibus orta conjecturis conscientiam torquens, eamque in agendo aliquomodo dubiam, vel trepidantem reddens*; in hoc enim differt scrupulus à vero dubio, quod dubium suspensum animum teneat ab utraq; parte, scrupulus verò nunc in unam, nunc in aliam partem velut arundinem vento agitatam animum inflectat, pro una quidem parte semper habens rationem probabilem, vel certam, pro altera verò leves & frivolas conjecturas, quibus in constantia animi redditur homo turbatus, & anxius in sua actione, unde scrupulosus in aliena causa solet prurumque benè judicare, sed in propria semper vacillat, ex quo colligi poterit, an homo scrupulo, vel dubio laborat, aut ignorantia?

Notandum Secundò: Quod <sup>II. Scrupulus est duplex.</sup> scrupulus alius dicatur *Bonus*, alius *Malus*. *Bonus* dicitur, qui est rationalis, & ducit ad bonum, facitque hominem timoratum, diligentem, & cautum in rebus honestis. *Malus*, seu *Puillanimis* dicitur, qui ad malum ducit, qui parit scilicet perturbationem conscientiae, perturbatio autem sæpè desperationem, & hæc interitum; Quia sicut scintilla crescit in flammam, sic scrupulus crescit in dubium, & inde in opus contra conscientiam.

Notandum Tertiò: Conscientiam præter alias divisiones supra, varias adhuc sortiri denominationes: <sup>III. Denominaciones variae sunt conscientiae.</sup> Dicitur enim imprimis *Bona*, quia concordat bonæ voluntati. *Recta*, Quia dicat conformiter ad rectam legem superioris. *Pura*, Quia nullum crimen admittit juxta illud Ecclesiæ: 13. *Bona est substantia, cui non est peccatum in conscientia*. Dicitur *Syncera*, ex simplicitate intentionis, sine duplicitate, uti dicebat Paulus: *Studeo sine offendiculo conscientiam habere ad DEUM, & ad homines* semper.

(\*) Q999



IV.  
Conscientia  
laus.

*Per. Act. 20.* Dicitur *Tranquilla*, Quia sine remorsu vermis, sine inquietudine, & perturbatione scrupulorum, unde Bernardus lib. 2. de Consideratione: *Quid ditius? quid dulcius, quietius atque securius bona & tranquillâ conscientia? Nam talis conscientia bona & recta, est radix charitatis, nitor veritatis, ornatus venustatis, retractorium à peccatis, thesaurus honestatis, testimonium & signum bonitatis, convivium delectabile, atque jucundum.* Per oppositum dicitur mala conscientia *Inquinata*, propter peccatum, quod cognoscitur inesse voluntati juxta illud ad Titum 1. *Inquinata sunt eorum mens, & conscientia.* Dicitur *Cauteriatâ*, 1. Tim. 4. *Cauteriatam habentes conscientiam*, id est, læsam, & corruptam, per pravam intentionem & adultam igne malæ conscientiae, cauterium enim est corruptio carnis igne facta. Dicitur *Inquietâ & perturbata* ex irrationabilium scrupulorum aculeis, inducentium ad peccatum, aut ex remorsu vermis, nolentium admittere aliquid remedium. His prænotatis

V.  
Scrupulus  
conscientia  
cum contra  
eum est agere.

Dico Primum: *Contra scrupulos leves, & propriè sumptos licet agere, imò sæpe utile, atque necessarium est agere.* Hæc est communis. Probat<sup>ur</sup> Primum: Quia ex quo tales scrupuli sunt leves non obligant ad illos sequendum, ergo contra eos agendo non exponit se periculo, nec agit contra conscientiam. Probat<sup>ur</sup> Secundum: Sæpè tales scrupuli impediunt majus bonum, & sunt occasio mali, faciuntque hominem inconstantem in bono, tristem, turbatum, inquietum, patet, qui ex scrupulo non vult communicare, vel non tam forti animo aggreditur opus bonum. Quod autem aliquando necessarium sit agere contra ejusmodi scrupulos, vel eos contemnere patet, Quia quando tales scrupuli impediunt majus bonum, & maxime obligatorium, tunc eadem lege, quâ tenemur ad illud bonum agendum, tenemur etiam ad scrupulos impediētes deponendos. Notat

autem Corduba, quod aliquando licitum, & utile sit agere secundum conscientiam scrupulosam, modo inde alias non relinquatur opus bonum, nec sit causa ad aliud malum, gravius, ratio est, quia tunc timorati<sup>us</sup>, humili<sup>us</sup>, cauti<sup>us</sup>, diligent<sup>ius</sup> prosequimur bonum, & fugimus malum. Major difficultas est de modo deponendi conscientiam erroneam, dubiam, vel scrupulosam, quare

VI.  
Scrupulus  
conscientia  
non est  
temere de  
ponenda

Dico Secundum: *Conscientia scrupulosa, & dubia non est temerè, sed prudenter deponenda.* Ita Corduba lib. 3. q. 12. 13. 14. & probatur Tum, Quia temerè agere est peccatum: Tum, Exponit se periculo agendi contra conscientiam rectam, qualis fortè est, quam sic temerè deponit: Pro quo sciendum, quod quatuor modis contingat temeraria, & culpabilis depositio conscientiae, & dubiorum, Primum per contemptum formalem, aut interpretativum ipsius conscientiae: *Formalem* quidem, quando quis attendens ad dubium, vel scrupulum nihil curat, sed agit contra illud. *Per Interpretativum* vero, quando quis voluntariè avertit intellectum à consideratione actuali conscientiae contradicentis, vel dubitantis, ut liberi<sup>us</sup> peccet. De his ait Job. 21. *Qui dicunt DEO, recede à nobis, scientiam viarum tuarum nolumus.* Isaia 13. *Qui dicunt aspicientibus, nolite aspicere nobis ea, quæ recta sunt, loquimini nobis placentia, & hi non verè deponunt conscientiam.* Secundum temerè deponitur per culpabilem distractionem, ut si quis probabiliter dubitans se contraxisse matrimonium cum Berta, & postea ex libidine, vel alia causa culpabiliter oblitus, vel inconsideratus tunc ipsam cognoscit, quo casu licet non peccet contra conscientiam, vel dubium, utpotè quod deposuit, sed peccavit in eo, quia temerè deposuit, & inconsideratè, & hinc dicitur Proverb. 4. *Palpebrae tuae precedant gressus tuos.* Tertio modo deponitur temerariè conscientia, per rationes quidem, sed insuf-

Contem  
ptus for  
malis & in  
terpretati  
vus.

ficien-



ficientes ad contrarium suadendum, ut cum quis considerat insufficientiam causarum, ex quibus prius credidit aut dubitavit, per quas tamen rationes non habet adhuc iudicium probabiliter certum & sufficiens ad persuadendum sibi licere id agere. Et hoc modo verè in effectu non est sufficienter deposita conscientia, vel dubium. Quarto modo deponitur, quando quis motus ex irrationabilibus & levibus motivis deponit omnino conscientiam, vel dubium, irrationabiliter existimans sibi licere id, quod antea irrationabiliter aestimabat, aut dubitabat non licere, & hinc licet deponat conscientiam, peccat tamen, irrationabiliter & temerè illam deponendo. Ex his fit conclusio.

VII.  
Modi liciti  
deponendi  
scrupulos  
vitiis

Dico Tertio: *Omnis scrupulus, contra quem est licitum agere excepta temeritate culpabili, licite deponitur quocumque modo ex illis quatuor.* Ratio est, quia secundum omnes licet tales scrupulos contemnere, vel per oblivionem, vel voluntariam distractionem, vel ex levi quocumque motivo, secus est, quando conscientia est erronea vel probabiliter dubia, tunc enim tenetur advertere, nè temerè agat, & ideo addidi excepta temeritate. Ut autem quilibet facile cognoscere possit, quibus mediis rationabiliter deponi possit conscientia erronea, dubia, & scrupulosa, sequentes assigno modos.

Modus primus  
deponendi  
scrupulos

Primus modus est, debite se præparare ad gratiam, & favorem divinum propriis, & alienis orationibus, Sanctorum invocationibus, jejniis, & aliis bonis operationibus, humiliter & devote quoad DEUM, & homines se habendo.

Modus secundus  
deponendi  
scrupulos

Secundus modus est, de consilio prudentum agere contra scrupulos, eorumque causas, ut ex consuetudine eis resistendi fiat homo robustior in via DEI, juxta illud Isaia 35. *Confortamini pusillanimes.* Unde Gregor: in Moral: assimilat diabolum Myrmecoleoni, quod animal dicitur Leo formicarum, quia formicis, quæ minutissimæ sunt, insidiatur, & occidit, ab aliis verò majusculis animalibus

conculcatur & occiditur, sic diabolus investigat complexiones hominum, & quos videt parvi cordis, seu pusillanimes, aggreditur, ut scrupulis & vitiis occidat, sed à fortioribus spe, & oratione urgentibus, proster nitur & abjicitur contemnendo & contra scrupulos agendo, pro quo

VIII.  
Scrupulo-  
rum origo  
& causa

Notandum: Scrupulum, seu pusillanimitatem aliquando oriri ex complexione apta ad timorem, & dubium: qualis est complexio frigida, frigus enim constringit cor, ad quem motum constrictionis imaginatio movetur à timoris dispositione, ita ut apprehendat aliquod malum futurum. Quandoque ex ægritudine, atra bile, vel melancholia, quæ lædit imaginationem, & inde iudicium, rationemque turbat. Tertio causatur à Dæmone tranquillitatis inimico, nam sicut aliquando vehemens inflammatio, seu tentatio carnis provenit à dæmone, ut fuit in Paulo ab Angelo Sathanæ illum colaphizante secundum Doctores, ita potest dæmon permittente DEO movere melancholicos humores in homine, & varia phantasmata, per quæ imaginatio potest turbari, & duci ad timorem inordinatum, gaudium, tristitiam, &c. Quarto causatur aliquando ex immoderata abstinence, aut vigilia, unde Hieronymus ait: *Rationalem hominis dignitatem amittit, qui vel jejunium charitati, aut vigiliis præfert, ut per immoderatam abstinentiam, vel indiscretas psalmorum, vel officiorum decantationes incurrat notam amentie, vel tristitie, i.e. melancholice.* Quinto causatur ex societate cum scrupulosis. Sexto, Ex ignorantia, quia trepidamus timore, ubi non est timor. Septimo, Ex nimia imaginatione, consideratione, sollicitudine nimis intenta ad cavendum plus debito, quod nocere potest in via DEI, sicut qui per locum altum ambulans, si nimis intense considerat profundum, vel si ei undique acclamaretur, cades, cades, cave, ut solet sæpè dæmon, statim turbatur sensus & imaginatio, & cadit, ubi alias non caderet. Contra

(\*) Qqqq

has

has causas præter duos supradictos modos

Tertius modus est, Medicina contra Melancholiam, & alios malos humores debilitantes.

Quartus, Distrahere cogitationem, & imaginationem à re scrupulosa, ejusq; causis supradictis, præsertim ab illa parte, ad quam sentit se pronum, v. g. si est timidus ad cantandum, vel legendum coram aliis conetur pellere timorem, & id facere, quod timet: si est iracundus fugiat occasionem: si Zelosus etiam in via DEI, & experitur se cum impetu spiritus nimis efferri, laboret cum modestia illum impetum temperare. Et sic de aliis.

Quintus modus est, sollicita, & discreta Prælati inquisitio per se, vel per alios, & opinionis probabilis tuta electio, ad quod etiam juvat, quod scrupulosus debeat cogitare, quale consilium daret ipse rationabiliter alteri in simili casu, & idem faciat in suo statu.

Sextus, & optimus modus deponendi scrupulos, est prudens legum & scripturarum secundum Epickeiam, seu æqualitatem moderatio, seu interpretatio, pro quo Nota, quod Epickeia sit idem, quod æqualitas, æqualitas autem est justitia dulcore misericordiae temperata, ejus actus proprius est in casibus specialibus discedere à verbis legis generalis, servata tamen legis intentione, attentis omnibus circumstantiis. Secundum hanc ergo virtutem possemus præcepta DEI, Ecclesiæ, Superiorum in dubiis benignè interpretari ad intentionem legis & legislatoris, licet in verba offendamus, modò id fiat prudenter & rationabiliter, attentis omnibus circumstantiis cum bono animo, & sine contemptu, credentes sic nos faciendo non peccare mortaliter, & parati nullo modo id facere, si putaremus esse mortale.

Septimus, & ultimus modus deponendi scrupulos est Doctorum, prudentum, bonorumq; virorum,

præsertim superiorum, consilio; judicio, vel imperio se humiliter submittere captivando suum intellectum illorum judicio, quia Proverb: 3. *Ne innitaris prudentia tue.* & Deuteron: 32. *Interroga Patres tuos, & dicent tibi, Majores tui, & annuntiabunt tibi.* Per Majores intellige eos, qui multis experienciis eruditi sunt in agilibus, quorum judicia dicit Aristoteles 1. Ethic: esse recipienda tanquam vera, *propter multa vidisse.* Pro quo facit celebre illud exemplum D. Bernardi apud Gerson 2. parte Summæ Alphabeticæ: Cum quidam Discipulus S. Bernardi non posset deponere scrupulos, propter quod non audebat accedere ad altare, dixit ei Bernardus: *Vade frater, & in fide mea celebra*, obedivit illi simpliciter, & sic omnis ejus scrupulus perpetuò recessit. Nec contra hæc facit illud vulgatum: *In dubiis tutior pars est eligenda*: Vel id: *Qui amat periculum, peribit in illo*, quia revera in scrupulis nihil tutius, aut minus periculosum est, quam prædictas regulas, & modos observare. Nec refert illud D. Gregorii: *Bonarum mentium est agnoscere culpam, ubi non est*, quia verum est in generali cognoscere se peccatorem, & habere peccata alia occulta, non autem in speciali absolutè, & sine conditione.

Visis modis, quibus scrupuli deponi possint, & debeant, nunc videndum restat, quibus remediis curari valeant, & quia eadem medicina non valet æqualiter omnibus morbis, sed particulares specialibus curandi sunt medicamentis, unde potiora hic assignabo remedia; Et Primò quidem contra scrupulosos reputantes se, nunquam fecisse bonas confessiones, vel non sufficienter, dicit Corduba, si talis replicatio confessionis eorundem peccatorum mortalium, vel venialium, magis inquietat ipsos vel alios, quàm tranquillet, tunc consilio peritorum, vel superiorum inhibeat a confessione illorum, peccatorum, de quibus scrupulosè dubitat, an sint mortalia, vel sufficienter confessa, projiciendo se fiducialiter

IX.  
Scrupulosi  
nihil tutius  
habent.

X.  
Remedium  
pro scrupulo-  
sis in  
confessione.



tialiter ad pedes misericordiae divinae potius, quam in justificationibus suis sperando, quia secundum Gerson Tract: de remediis contra pusillanimitatem, Nemo per infallibilem, & absolutam certitudinem sine speciali revelatione potest scire an sit in gratia, vel an verè sufficienterq; poenitens, & ideo non fatiget se homo stultè ad sciendum, vel faciendum impossibile, ad quod non obligatur.

XI.  
Remedium  
scrupuloso-  
rum in ora-  
tione.

Remedium contra eos, qui ob nimios scrupulos in orationibus, vel officio divino, vel sacro, praesertim circa consecrationem replicant toties verba, & videtur eis, quod non dixerint, nec protulerint plenè verba. Tales secundum Ioannem Gersonem non debent replicare, quod semel dictum est etiam sine actuali intentione, sed ad hoc sufficere virtualem, aut quod se advertenter, aut per notabilem negligentiam non distraxerint (secundum communiter Doctores) advertant insuper tales, quod ex ejusmodi reiteratione non assequantur suum intentum, quia eorum conscientia per hoc non quietatur, sed potius inquietatur, & hoc etiam verum est in reiteratione verborum consecrationis, in quibus sufficit, quod maneat significatio verborum, quamvis non fuerit exacta pronuntiatio litterarum M., sive alterius alicujus. Imò saepe fit, ut isti scrupulosi nimis occupando suam mentem ad hoc ut sint attentì, potius evagentur, quam attendant, quia tunc habebunt attentionem pro objecto intentionis, magis quam ipsum DEUM, aut reverentiam servandam in Verborum pronuntiatione, cum tamen haec debeant esse principaliter intentae.

XII.  
Remedium  
scrupuloso-  
rum in tur-  
pibus cogi-  
tationibus.

Remedium contra importunas cogitationes spurcitarum, blasphemiarum contra DEUM, B. Virginem, fidem, castitatem, & praesertim inter orandum, vel contemplandum. His sic praescribit Gerson tract: contra pusillanimes, & Tract: de Discretis exercitiis devotorum, remedium esse Primò, quod taliter afflicti debeant considerare, quod nunquam est pec-

catum saltem mortale in talibus horrendis cogitationibus, nisi quando voluntas consentit, aut cum complacentia & delectatione amplectitur, unde, quando displicent, imputantur potius ad meritum. Secundò, Homo sic tentatus transeat consideratè & fortiter in via Domini, non curans talia spurca tentamenta, quae laedere non possunt nisi consentientem, sicut bellator fortis magis animatur, & prosequitur victoriam, pertransitq; sordes ab inimicis immixtas super caput ejus, quia tunc signum est, quod inimici jam deficientes non habeant alia arma fortiora, quibus ipsum laedant. Tertiò recurat semper ad auxilium divinum per orationem aliquam jaculatoriam dicens: *DEUS in adjutorium meum intende. Nihil proficiat inimicus in nobis.* &c.

XIII.  
Remedium  
nimis ti-  
mentium.

Remedium contra nimis timentes, nè DEUM in quovis verbo vel opere offendant. Tales considerent Primò per se, vel per alios ad quid sub mortali teneantur secundum moralem, & probabilem certitudinem, juxta prudentum aestimationem, & hoc sollicitè observare curent, venialia non nimis solliciti sint in speciali confiteri, sed ab eis caveant, quod si non possunt, non nimis anxientur. Quia sic DEUS promittit Iesum & Amorrhæos sub tributo servire, & saepius rebellare in terra promissionis, ut ex hoc magis timorati & cauti incedamus in via Domini. Secundò, Divertant timidas suas imaginationes, ut supra dictum est. Tertiò, Considerent DEI misericordiam, & quod non sit DEUS carnifex, dicantq; cum Psalte 53. *In te Domine speravi, in justitia tua libera me.* Et Psalm: 83. *Beatus vir cuius est auxilium abs te, ascensiones suas in corde suo disposuit, id est, disponit, & proponit resurgere, & ascendere, & si millies cadat.*

XIV.  
Remedium  
de suffici-  
enti con-  
tritione  
anxiis.

Remedium contra scrupulosè timentes, An sint in gratia DEI, vel sufficienter contriti cum sufficienti proposito non peccandi. Similes secundum doctrinam Gersonis faciant (\*) Qqqq 3 Primò,



Primò, quod in se est, secundum moralem certitudinem, & prudentum æstimationem. Secundò, sic timeant justitiam DEI, ut tamen præponderent misericordiam, quia *miseri- cordia ejus super omnia opera ejus*. Tertio, Petant à DEO illuminari & confortari. Quarto, Considerent, quod in hac vita vix aliquis potest sufficienter, & sine omni defectu facere suum debitum. Quod si quis scrupuletur ex eo, quod non fecerit, quidquid potuit, cogitet (secundum Doctores) quod viator non teneatur facere omne, quod potest, vel omnem possibilem examinationem vitæ suæ, sed solum ad id, ad quod obligatur in lege, alioquin non daretur ullum opus supererogatorium. Ex quo patet, quid respondendum ad tentationem, quærentem à te, qui habuisti filium ex adulterio tibi gratissimum per omnia: nunquid velles potius carere tali filio, quam unquam commisisse adulterium? Respondendum est enim sub distinctione, quod scilicet jam post factum, placet filius, utilitas, & effectus bonus per DEI misericordiam secutus, sed displicet causa & peccatum, ex quo secutus est.

IV.  
Remedium  
contra  
prædesti-  
narios.

Remedium contra nimis timen- tes, & secum disputantes, an sint præsciti, vel prædestinati? Tales divertant se quamdiu possunt ab ejusmodi cogitationibus ad alia confide- randa, scientes, quia *scrutator maje- statis obruetur à gloria*. Secundò, Cogitent, quod quidquid DEUS de illis ordinaverit, rectum sit, & sic faciant, quod in se est, ad promeren- dum auxilium & favorem divinum. Tertio, Considerent, quod DEUS non potest mentiri, & proinde cum dicat, se non velle mortem peccato- ris, sed potius omnes salvos fieri, de- bet quilibet confidere, quod sit sal- vandus, si faciat, quod in se est cum DEI adjutorio. Quarto, Quod (se- cundum Scotum, & communiter Doctores) licet merè DEUS libera- liter, & sine ullis prævisis meritis prædestinet hunc vel illum ad glori- am, neminem tamen reprobatur, nisi

propter propria demerita, ideo non est, quod dubitet ex parte DEI, si ipse ex sua parte faciat quod suum est. Quintò, Cogitent, quod quam- vis DEUS ab æterno prævideat, & decernat de hominibus quidquid in tempore videt, aut facit circa eos, v. g. quod salvaberis, vel damnabe- ris, tamen non decernit ab æterno taliter, ut in exequendo in tempore ejusmodi decretum, excludat no- stram cooperationem, sed potius in- cludit nostra opera, tanquam media ad finem illum, opera autem nostra nec bona nec mala sunt, nisi sint li- bera, & per consequens expedit in hac vita benè operari, ut salvemur in altera.

Quod si urgeat tentatio dicens: DEUS de me decrevit, quidquid est factururus, & jam scit an benè, vel malè sim operaturus, & sic frustra la- boro in benè, vel malè operando, quia necesse est, ut fiat id, quod DE- US de me jam decrevit, vel ordina- vit. Vide, num acceptares ejusmodi consilium, si fuisses in deserto, ubi nullus adest cibus comedendus; si diceretur tibi, DEUS scit te comesturum, vel non comesturum, non est ergò quod sis nimis sollicitus de ci- bo, quia si DEUS videt te comesturum, & si mancas ibi comedes, si au- tem videt te non comesturum, et si facias quidquid velis non comedes, mane ergò ibi. Quod si hoc consili- um non velis suscipere, nè credas diabolo tibi circa mysterium præ- destinationis similem scrupulum, suggerenti. Sextò, Consideret talis scrupulosus, quod ideo damnati nul- lam habebunt spem salutis, quia non possunt benè converti ad DEUM, nec DEUS eis auxiliatur, & proinde cum videamus à DEO nobis multas inspirationes, desideria bona, affe- ctus circa salutem, dedisse, Præcep- ta observanda, debemus colligere, quod possimus per DEI gratiam fa- cile salvari, quia hæc omnia frustra dedisset nobis, nisi vellet nos salvari, nec est verisimile, quod impiis & per- versis tam longam dedisset vitam, nisi expectaret eorum conversio- nem.



nem. Isaia 30. *Expectat Dominus, ut misereatur nostri*, unde dicunt Doctores cum Chrysost: super illud Joann: 8. *Vos in peccato vestro moriemini*, quod etsi absolute reveletur alicui, quod sit reprobatus, non est sic absolute intelligendum, sed comminatorie, & conditionaliter, scilicet si non convertatur, aut si non finaliter perseveret in bono, & sic Christus statim ibi se explicavit addens: *Nisi credideritis, in peccato vestro moriemini*. Septimo, Recurrat sub alas Christi in cruce pendentis; dicatq;: *In te Domine speravi*, pius est meus Judex Christus JESUS, frater meus, me justificans, pro me mortuus est, in suis meritis salvabor.

XVI.  
Remedium  
contra dul-  
cedinem  
affectan-  
tes.

Remedium contra nimis sollicitos de quaerenda dulcedine spiritali, & valde tristes, & desperantes; quia illam non sentiunt; sed ariditatem, & indevotionem; atq; nullum ferè affectum ad divina. Istos jubet

Gerson saepe citatus, ut considerent. Primo, Quod illa dulcedo & experientia devotionis non sint efficacia, & infallibilia signa gratiae, nec contra ariditas est signum peccati. Secundo, Considerent, quod licet illa dulcedo de se juvet ad bonum, tamen propter nostram frigiditatem saepe est occasio majoris periculi, & praesumptionis, erroris, propriae affectionis, nimiae confidentiae. Tercio, Quod ceteris paribus magis meretur quis faciens bonum propter DEI honorem, quam habens illa dulcia experimenta ratione difficultatis & pugnæ, quam patitur.

Fatua tandem Conscientia non rationibus; vel levibus quidem apparens, sed planè stultis innititur, & nihil aliud est, quam delirium. quoddam particulare; unde nomen conscientiae non meretur, nec ulteriorem examinationem. Sit igitur

XVII.  
Fatuitas  
est consci-  
entia fatua.



TRA-

## TRACTATUS VI.

DE

CONSCIENTIA

PROBABILI,

ET

MODO UTENDI PROBABILITATIBUS.

SEU

PROBABILITAS MODIFICATA.

PROOEMIUM.

**P**ROBABILITAS & debitus probabilitatum usus à modernis Scholasticis tam diligenti investigatur exercitio, tam fundamentalì examinatur diligentia, ut liberrimè opinionantium divagationes intra arctiores disciplinæ cancellos restringantur, postquam enim Alexander VII. pastoralì sollicitudine invigilando gregi sibi commisso relaxativas quorundam sententias anathemate perstrinxisset, complures Theologi penitus materiam opinionum discutere cœperunt, & maximo continuârunt fervore, ut quemadmodum Ecclesia in Sanctis, in dilatatione, aliisq; perfectionibus magis magisq; semper clarificatur, & per hæresum oppugnationem stabilius solidatur, ita etiam Theologia Scholastica singulis crescat sæculis in sua perfectione, & veritatis solidiori cognitione, usq; dum ad perfectam claritatis attingat diem, ad cognoscendam omnem veritatem in se ipsa in lucidissimo totius veritatis fonte DEO, nunc enim in fide & ænigmatibus illius ambulamus, & ex parte cognoscimus per opiniones,

cum



cū autem venerit quod perfectum est, evacuabitur quod ex parte est. Sicut igitur aliis temporibus diversæ quæstiones acriter ventilatæ fuerunt, ita à principio hujus sæculi usq; ad ejus finem hinc inde plures concertationes tam inter ipsos Theologos, quàm hos & Jurisperitos exortæ fuerunt, & adhuc perseverant, dum aliqui pro libertate humana pugnant, alii pro lege æterna & divina decertant, nam aliqui naturæ humanæ fragilitatem considerantes, piâ commiseratione moti, in benigniorem sensum ad scrupulos sedandos, & conscientias à perplexitatibus liberandas multa excogitârunt, & probabilem opinionem quamcunq; sequi posse docuerunt, unde & *Probabilista* vocati sunt, & *Benignista* meritò dicuntur: Alii verò fervore accensi, *Zelantes Zelum legis* ad refrænandam nimiam opinandi libidinem, & effrænatam opiniones fingendi libertatem edomandam, omnem penitus probabilitatum usum auferre conati sunt, qui idèd *Severista* dici, & *Probabiliorista* compellari solent & possunt, & non abs re hoc extremo utuntur ad instar Magni Ecclesiæ Doctoris D. Augustini lib: 5. contra Julianum cap. 8. prout eundem citat S. Bonaventura in 2. d. 33. art: 3. q. 1. & hunc Doctor noster subtilis in præfato loco: *Frequenter sancti extinguendo contra se hæreses pullulantes excessivè locuti sunt, volentes declinare ad aliud extremum, & ita multum ponderandum est, contra quos hereticos sancti sunt locuti: Sicut Augustinus contra Arrium videtur quasi declinare ad Sabellium, & è converso similiter videtur contra Pelagium declinare ad Arrium, & è converso.* Et veritas ista in præclara fundatur Aristotelis doctrina in 2. Ethicor: ubi dicit: *In moribus via deveniendi ad medium, est aliququaliter procedere ultra medium versus extremum.* Et hac ratione etiam severioris sententiæ Patroni & Probabilioristæ sanctè intendunt, cū ad alterum extremum contra nimios Benignistas vergunt, ut alii utrumque extremum cognoscentes periculosum, mediâ discant incedere viâ, utrumq; autem extremum esse vitiosum, quis non videt? Nam Benignistæ sub pietatis specie, sub commiserationis titulo, & sub fragilitatis hu-

manæ prætextu nimis conscientias relaxant, & quælibet audendi, fingendi, & opinandi liberè remittunt habenas, & dum scrupulosos à desperationis periculo liberare intendunt, amplum alia suaviori & dulciori via introitum pandunt ad barathrum: Severitæ verò dum omnem probabilitatum usum tollunt, humanam nimium constringunt fragilitatem, conscientias terrent, & torquent, jugum exasperant Christi, & quod ipse leve dixit & suave, acerbis involvunt perplexitatibus; mediâ autem nobis incedendum esse viâ satis insinuârunt sanctissimi & zelantissimi Pontifices Innocentius XI. & Alexander VIII. ille enim laxitatem satis restrinxit, cum damnavit, ad prudenter agendum omnem, dummodò probabilitatis terminos non exuat, sufficere opinionem: Iste verò quando anathematizavit alteram extremam quòd, *non liceat sequi opinionem vel inter probabiles probabilissimam*. Ex quibus clarè constat, nec omnem opinionem admittendam, nec rejiciendam omnem, quare ego quoq; his in decisionibus me fundando mediâ incedam viâ, attentèq; perpendam, nè quid remissiùs & benignius statuam, quàm salus animarum requirat, nec quid durius aut severius quàm humana ferat fragilitas. Porro Tractatum hunc in tres disputationes dividam, quarum prima veluti præambula explicabit naturam opinionis secundum esse suum physicum, & metaphysicum. In secunda examinabo ejus moralitatem, qualiter usus opinionum probabilium sit licitus & sufficiens regula ad actiones humanas dirigendas, saltem in ordinariis casibus, & ad propriam personam pertinentibus, ostendendo idem non valere in Sacramentis, Medicis, judicibus, & universaliter in omnibus quæstionibus facti, unde grave damnum, præjudiciûmve oriri posset. Et in tertiâ ostendam modum, quomodo probabilitate cognitâ ut tali possim uti in concursu opinionis probabilioris, & hæc clariori & breviori methodo, ut soleo, devitando superfluas ambages, aliorum censuras, & solam adducendo rei & Veritatis substantiam. Sit igitur

# DISPUTATIO PRIMA.

DE

## Natura Opinionis probabilis.

### PROOEMIUM.

**C**um conscientia probabilis sit illa, quæ deducitur ex principiis probabilibus moralibus, seu cum sit iudicium practicum, quod dicitur hic & nunc esse aliquid licitum vel illicitum, posse vel non posse fieri sine peccato mortali aut veniali, hinc necessarium est primo scire, quid sit Probabilitas, seu quid sit probabile, opinio probabilis, & probabile iudicium, à quo conscientia humana possit appellari probabilis, sicut etiam ab opinione quandoq; dicitur opinativa, quare materiae de actibus humanis, in qua etiam fuit actum de regulis eorundem actuum, tam prima, quæ est divina voluntas, quam de secunda & intrinseca nobis, quæ est conscientia recta de corde puro & fide non ficta, subjungo difficultatem, de qua disceptatur, an conscientia probabilibus tantum innixa principiis, sit sufficiens regula actuum humanorum, quod in hoc tractatu præstabo, quem ideo in titulo de conscientia probabili & probabilitatum debito usu, & compendiosè *Probabilitatem modificatam* voco, in hac autem disputatione naturam ipsam opinionis, & probabilitatis examinabo. Pro quo sit

### QUESTIO PRIMA.

*Quid sit opinio Probabilis in genere moris?*

1. Probabile diversimodè accipitur.



**A**nte omnia tanquam certum supponendum est, Probabilitatem, & probabile nunc apud Theologos & Philosophos Christianos aliter accipi, quam olim acceperint Gentiles & Ethnici, nam Aristoteles 1. Rhet: cap. 2. probabile vocat, quod plerumq; contingit Et Academici, ut

refert S. Augustinus lib: 2. contra illos cap. 11. dicens: *Id probabile vel verisimile Academici vocant; quod nos ad agendum sine assensione potest invitare. Sine assensione autem dico, ut id, quod agimus, non opinemur verum esse, aut id nos scire arbitremur; agamus tamen. ut verbi causa, utrum hesternæ nocte tam liquida ac pura, hodie tam lætus sol exoriturus esset, si nos quispiam rogaret, credo, quod nos id scire negaremus; diceremus tamen ita videri. Talia inquit Academicus; mihi videntur omnia, quæ probabilia, vel verisimilia putavi nominanda.*

(\*) Rrrr 2

quis



quæ tu si alio nomine vis vocare, nihil repugno. In quo multum diversificant Christiani, nam Academici sine assensione probabile posse invitare, Theologi autem docent, probabilitatem veram positivum posse causare assensum; Academici ex isto probabili agebant, non opinantes esse verum, nos autem verum opinamur veritate proportionata ad objectum contingens. Academici probabile suum non deducebant ex rationibus, sed vel ex arbitrio, vel sola imaginatione, unde omne illud, quod sibi videbatur probabile, tale credebant, asserebant, & faciebant. Theologi autem non ex imaginatione, apprehensione, vel arbitrio, sed in solidis rationibus suam probabilitatem fundant, hinc quia diversæ rationes possunt esse secundum efficaciam & urgentiam, ideo etiam dicimus alias probabilitates esse majores, alias minores, attendendus est enim usus verborum, quo sensu accipiantur in comuni praxi hominum, dico itaq; cum Trigetio Augustini interlocutore loco cit: *Placet nobis, cum res nota sit, de verbis nullas calumnias commovere.* Unde præliminariter

11.  
Opinio describitur.

**Notandum Primò:** Opinionem ut sic benè describi, quòd sit *Assensus rationis, adhaerens uni parti contrarie, vel contradictorie ex principiis tantum probabilibus ortus.* Dicitur *Assensus rationis*, quamdiu enim ratio, vel intellectus operantis assensum non præbet propositioni, erit potius dubium, vel resignatio, vel quid simile, non autem opinio. Dicitur *Alteri parti*, quia cum opinio semper habeat formidinem de opposito, oportet, ut propositio, de qua est opinio, habeat aliquam aliam propositionem contrariam, vel contradictoriam sibi oppositam, assensus enim circa propositionem aliquam disparatam est potius simplex resolutio, quàm opinio in rigore. Dicitur *Ex principiis tantum probabilibus*, quia si principia sint certa, generabunt scientiam, vel fidem, non opinionem. Conscientia ergò opinativa, vel probabilis est illa, quæ ex

probabilibus principiis judicat practice in re morali quasi sententiando, posse hic & nunc operari, si enim quis apud se non formet judicium de probabilitate sententiæ, non dicitur sequi sententiam probabilem, sed tantum habere forsan scientiam, quidquid alii hac in re sentiant. Hæc definitio est conformis S. Bernardo, qui lib: 5. de considerat: cap. 3. sic definit scientiam, fidem, & opinionem: *Quorum intellectus rationi innititur, fides auctoritati, opinio sola verisimilitudine se tuetur. Habent illa duo certam veritatem, sed fides clausam & involutam, intelligentia nudam & manifestam.* Cæterum opinio certi nihil habens, verum per verisimilia quærit potius quàm apprehendit. Et paulò post subjungit: *Possumus singula hæc ita definire: Fides est voluntaria quædam certa prælibatio necdum propalata veritatis. Intellectus est rei cujuscunq; in visibilis certa & manifesta notitia. Opinio est quasi pro vero habere aliquid, quod falsum esse nescias, ergo ut dixi fides ambiguum non habet: aut si habet, fides non est, sed opinio.*

**Notandum Secundò:** Veritatem & Certitudinem esse duplicem, una est *Naturalis*, seu *Physica*, vel *Metaphysica*; altera *Moralis*. *Naturalis* est conformitas intellectus cum re intellecta, quæ aliter esse nequit, quia ejus objectum est necessarium, & est tale, quale apprehenditur à parte rei, unde evidenter constat intellectui objectum esse tale, prout fuit apprehensum, & à se judicatum, & ob hanc causam certitudine etiam naturali illi adhæret, quia evidenter cognovit esse verum, quod aliter esse non possit. Veritas & certitudo *moralis* est conformitas intellectus practici cum re intellecta, non prout est in se, sed prout apprehenditur secundum motiva rationabilia, quamvis evidentiam non possit habere propter objecti contingentiam, quæ in agilibus sufficit, cum scientiam habere non possumus, & hinc non tam firmiter adhæremus judicio tali, quamvis moraliter

III.  
Veritas duplex, naturalis & moralis.



raliter certos nos existimemus, nam subest ei aliqua formido, vel saltem subesse potest. Pro quo

Notandum Tertiò: Veritatem hanc duplicem *Naturalem* scilicet, & *Moralem*, aliter dici *Speculativam* & *Practicam*: *Speculativa* quidem, quia attingit objectum, prout est in re, & præscindit ab operationibus. *Practica* verò, quia fundatur tantum in probabili apprehensione & æstimatione, ex gravibus motivis orta, unde illa speculativa dicitur, quia est scientifica & evidens, practica verò non. In hoc autem utraq; veritates differunt, quòd speculativa, cum sit de objecto, prout est in re, consistat in indivisibili, unde etiam explicatur per contradictoria, quòd aliqua operatio sit licita vel non licita. Veritas practica non consistit in indivisibili, sed habet latitudinem, & ratio est, quia non attenditur ad hoc, quòd ita res se habeat, vel non se habeat, sicut enuntiatur, sed attenduntur diversæ rationes, media & motiva probabilia, quibus innititur, quæ cum plura esse possint, apta nata sunt majorem vel minorem inducere veritatem probabilem seu probabilitatem veram, unde etiam hæc excusat à peccato, quamvis mala esset operatio, quæ fieret ex dictamine practico, quia licet materialiter malè ageret, non tamen formaliter, sicut Jacob dum accessit Liam, putans esse Rachelem.

Dices: Veritatem practicam sic explicatam abusivè dici veritatem, sed potius dicendus est error excusabilis, sicut in exemplo specificato cum Jacob & Lia contigit, unde dixit D. Augustinus in epist: ad Donatum: Excepta una veritate non est alia veritas, & ita non possunt duo veridici veraciter dici, sicut una veritas naturaliter non potest dividi, ergò malè confunditur opinio cum veritate dicendo aliam esse speculativam & aliam practicam contra S. S. Patres, qui operationes malas ex ignorantia proficisci dixerunt, non ex veritate practica. Respond: neg: antec: Quia veritatis distinctio in pra-

cticam & speculativam omninò admitteri debet in sensu explicato, ita ut veritas speculativa sit, prout est res in se certa & evidens. Practica verò prout per rationes & motiva gravia proponitur, unde practica dicitur, quòd in operationibus humanis sit sufficiens ad rectè operandum. Et hæc veritas, in qua conscientia probabilis oritur, omninò distinguenda est ab errore, qui conscientiam erroneam constituit, quia conscientia erronea semper est connexa cum errore, dictando aliquid esse licitum, quod revera est illicitum, & vice versa. Non sic autem conscientia probabilis, quæ in dictamine nunquam habet errorem, licet quandoq; in re sit error, unde licet veritatis nomen non possit applicari errori, vel mendacio, potest tamen applicari opinioni, vel nec poterit applicari opinioni probabiliori, cui etiam potest subesse falsum, & frequenter subest, nam Aristotele docente: *Multa falsa sunt probabiliora veris.*

Notandum Quartò: Formidinem, quæ in opinione includitur, esse timorem aliquem suspicantem, nè contraria opinio sit vera, & nè propria opinio sit falsa; quæ potest esse duplex *Actualis* scilicet, & *Aptitudinalis*, seu *Radicalis*. Illa actualiter timet, & existimat contrariam opinionem fortè esse veram, quod magis est dubitantis & suspicantis quàm opinantis, quia talis non adhæret suæ opinioni. *Radicalis* verò est illa, quæ actu non occurrit, radicaliter tamen in ipsa opinione continetur, nam cum objectum sit contingens, intellectus non potest attingere illud, prout est in se, quod proprium est scientiæ, sed tantum secundum nostram existimationem, quæ cum non innitatur principiis evidentibus, sed tantum rationabilibus ad opinandum, & credendum sic esse, ideo hic formido subesse potest, quæ radicalis dicitur, & sequitur opinionem tanquam propriam passionem. Hæc formido dicitur *objecti*, & altera *subiecti*, id est hominis timoris. His prænotatis

IV.  
Formido  
describi-  
tur, quæ  
duplex est.



V.  
Opinio  
probabilis  
quæ dica-  
tur.

Dico Primò : *Opinio probabilis* benè describitur, quòd sit assensus practicus, verus, & moraliter certus, adhaerens uni parti tanquam licitæ vel illicitæ, ad prosequendam vel fugiendam actionem, ortus ex motivis rationabilibus, intellectum opinantis determinantibus, cum aliqua formidine. Hæc satis patet ex præmissis Notabili 1. & explicatur. Dicitur *Assensus*, Quia sicut conscientia, ita etiam probabilis opinio est actus intellectus, unde Patres & Doctores, ut D. Thomas, Doctor subtilis, & D. Bonaventura opinionem definiunt per assensum, & quidem ultimus in 3. d. 24. art. 2. q. 2. dicit : *Opinio est Assensus unius partis cum formidine alterius, opinio adhaeret rationi propter se, unde deficiente probabilitate rationis, deficit probabilitas opinionis.* S. Augustinus lib. 3. contra Cresconium cap. 75. pulchrè describit probabile dicens : *Probabile quando dicitur, non consequenter est verum, cum ea dicuntur, quæ fieri possunt, ac solent, & idè probantur, hoc est approbantur, & creduntur, etiamsi facta non sint : quod autem verum est, cum ostenditur, necessario probabile est, & illo utiq; probabilius.* Dicitur *practicus*, quia per talem assensum intellectus dirigit voluntatem ad benè & rectè operandum, vel non operandum juxta regulas conscientiæ probabilis. Dicitur *Verus* non veritate metaphysica, sed morali, quia per talem assensum intellectus moraliter certificatur esse licitum id, quod opinatur esse tale, & proindè determinatur ad præscribendum voluntati hoc esse prosequendum vel fugiendum, dico autem esse verum veritate morali, quæ quidnam sit, patet ex Notabili secundo. Dicitur etiam *moraliter certus*, quoniam certus ille dicitur, qui non est dubius, ut dicitur cap. 20. de præben. in 6. v. *Certiores*, sed opinio excludit dubium, ergò. Item certum est, & dicitur tale, quod est verisimile, & tale esse apparet, ut habetur L. Certum 6. ff. si cert. pet. sed in opinione apparet certitudo per rationes efficaces, & quasi demonstrantes, ergò. Unde Scotus in 1. d. 3.

q. 4. §. *Iste rationes*, dicit, si non dubitamus de eorum veritate, & non fallimur, ut patet, ergò certi sumus de cognitis per viam sensus, nam certitudo habetur, quando excluditur dubitatio & deceptio. Tandem ex veritate consequitur certitudo, quòd enim judicamus, rem esse veriorum, eò magis sine formidine, quòd est esse certius, ei adhæremus. Hinc in descriptione statim subjungitur, *adhaerens uni parti*. Quia operari volens debet se determinare & judicare, hoc sibi licere, aut non licere. Dicitur deniq; *ortus ex motivis* &c. nam sine motivis talibus non potest haberi opinio, quæ fulciri & inniti debet firmis & optimis rationibus, quæ possint determinare intellectum, ut hic præscribat voluntati, quidnam sit agendum. Addunt aliqui, ut non sit difformis aut repugnans legi naturali, vel positivæ. Hæc particula licet non sit necessaria, esse tamen convenientem probatur : ultima & principalis regula omnis bonæ actionis est lex naturalis, vel positiva divina, vel humana, ergò sicut qui juxta regulas illas agit, benè agit, ita qui contra illas operatur, aut difformiter ad illas malè operatur, & per consequens illa opinio, quæ est difformis, aut repugnans his regulis, non est probabilis, sed potius erronea. Addunt alii, quod rationes illæ, quibus innitur probabilitas, non solum debeant esse solidæ positivè, sed etiam negativè, id est, quòd nulla ratio opposita earum enervet efficaciam, sed existimo hanc particulam non esse necessariam ad constituendam opinionem probabilem, benè tamen ad formandum judicium practicum, ut quis probabilem opinionem sequi possit. Verum contra veritatem opinionis

Arguitur Primò : Opponendo VI.  
Cap. A nobis 28. de sent. Excom. ubi non debet  
dicitur : *Judicium autem Ecclesiæ non esse contra legem.*  
nunquam opinionem sequitur, quam & fallere sæpè contingit, & falli, propter quod contingit interdum, ut qui ligatus est apud DEUM, apud Ecclesiam sit absolutus, & qui liber est apud DEUM, ecclesiastica sententiâ sit innotatus,



*zatus*, ergo opinio non est assensus verus, quod enim fallere & falli potest, non potest esse verum. Respond: neg: consequ: Ex textu enim allegato non probatur intentum, nam quod aliquando fallatur Ecclesia, id contingit in judiciis, ubi procedit secundum allegata & probata, unde opinio non sumitur ibi pro assensu vero, & rationibus debitis fultito, sed pro fide humana, qua credit dictis & factis allegatis & probatis in foro exteriori, & secundum exteriora, de quibus iudicat.

Instatur: Veritas & falsitas sibi opponuntur, ergo si falsum subest, verum subesse nequit: Probatur, consequ: Quia una tollit aliam. Respond: distin: antec: Veritas & falsitas physica sibi opponuntur, conc: antec: Veritas moralis, & physica falsitas sibi opponuntur, neg: antec: Quia igitur veritas physica inculpabiliter ignoratur, non nocet veritati morali, cui non physica, sed falsitas moralis opponitur, quæ non reperitur in opinione probabili.

Urgetur: In duabus propositionibus moralibus sibi contrariis necessario una est vera, altera falsa, quia quod una affirmat, altera negat, v. g. una dicit: *boc opus est licitum*: altera tenet: *boc opus non est licitum*, ergo una vera, altera falsa, aut concedi debet, duas propositiones contradictorias posse esse simul veras, quod magis absurdum videtur, ergo. Respond: neg: antec: Quia utraq; potest esse vera, eo enim ipso, quod utraq; sit opinio, utraq; habet suam veritatem, & suam verisimilitudinem. Et hæc est disparitas à veritate physica, quod in moralibus unum posset esse diversis modis verum, nam sicut Scripturæ sacræ verba diversimodè possunt esse vera; sic etiam dictamina rationis, textus enim ille in principio creavit DEUS cælum & terram, diversis & oppositis modis interpretatur à Patribus. Illud Joannis: *Expediit ut unus moriatur pro populo, & non tota gens pereat*, aliter intellexit Caiphas, ali-

ter Spiritus Sanctus, & utrumque fuit verum.

Confirmatur hæc doctrina ex D. Augustino lib: 12. Confess: cap. 30. *In hac diversitate sententiarum verarum, concordiam pariat ipsa veritas, & DEUS noster misereatur nostri, ut legitime lege utamur, præcepti sine, purè charitate, ac per hoc, si quis querit ex me, quid horum Moyses ille tuus famulus senserit, non sunt hi sermones confessionum mearum, si tibi non confiteor, nescio, & scio tamen illas veras esse sententias.* Et cap. 31. subdit ibi pulchra: *Ita cum alius dixerit boc sensit quod ego, & alius imò illud quod ego, religiosius me arbitror dicere, cur non utrumq; potius, si utrumq; verum est? Et si quid tertium, & si quid quartum, & si quid omnino aliud verum quispian in his verbis videt, cur non illa omnia vidisse credatur, per quem unus DEUS sacras litteras vera & diversa visuris multorum sensibus temperavit.*

Confirmatur Secundo: Quia etiam in physicis opinionibus & notitiis unum aliquod potest esse pluribus modis verum, pluribus modis probari, & demonstrari, nam DE I existentia demonstratur scientiâ, & scitur etiam fide, quæ dicitur largiori in acceptione scientiæ. Objecta nonnulla alia demonstrantur ex locis scientificis, & etiam simul ex topicis seu probabilibus, & quamvis sint diversa media, Physicæ, & Metaphysicæ, seu naturali veritati non opponuntur, nec sibi contradicunt, quia diversitas mediorum omnem tollit contradictionem, sic censeo etiam in moralibus diversis modis aliquid verum esse posse, & quicumq; conformiter ad suum dictamen, & verisimilitudinem agit, benè operatur, unde quoties plures propositiones habent suas efficaces rationes & verisimilitudines, omnes moraliter veræ esse possunt. Sed contra certitudinem opinionis

Opponitur Secundo Authoritas D. Augustini lib: 19. Civit: cap. 18. ubi ait: *De quibusdam rebus, quas neq; sensu, neq; ratione percepimus, neq; nobis*

nobis per Scripturam canonicam claruerunt, nec per testes, quibus non credere absurdum est, in nostram notitiam pervenerunt, sine iusta reprehensione dubitamus: sed quæ præter scientiam & fidem cognoscimus, hæc opinamur, ergo ista nullam habent certitudinem, cum ex mente S. Augustini iuste dubitemus. Respond: S. Augustinum sibi loqui de opinionibus speculatis, unde non requirunt aliquam certitudinem, nec excludunt dubitationem, longè diversum est in practicis.

**Arguitur Tertiò:** Opponendo authoritatem Aristotelis 1. Post: cap. 26. dicentis: *Est enim infirma semper & incerta opinio, usq; ac natura ipsius in hac infirma assensione continetur.* Et lib: 3. Ethic: cap. 2. *Ea opinamur, quæ certò non scimus*, in quibus locis Philosophus ab opinione excludit omnem certitudinem, ergo. Respond: neg: antec: Quia Aristoteles ibi negat opinioni certitudinem physicam natam ex principiis evidentibus, non verò moralem, quæ respectu evidentis potest dici infirma, id est, non tam firma.

**Instatur:** Implicat contradictionem certum esse, & probabile, quia probabile est non certum, unde dicit Scotus 3. d. 24. q. un. §. contra hæc: *Certitudo & non certitudo de eodem sunt extrema contradictionis, igitur sunt impossibilia*, ergo opinio probabilis non est certa. Respond: neg: antec: si sit sermo de certitudine evidenti & morali, quia non est secundum eandem rationem, aut respectu ejusdem motivi, sed sunt diversæ certitudines, sicut sunt diversa motiva, ubi enim motiva sunt evidentiæ, certitudo generatur evidens, ubi motiva obscura, ut in fide divina, oritur certitudo obscura, infallibilis tamen; & tandem ubi sunt principia probabilia, nascitur certitudo probabilis seu moralis, & sufficiens ad prudenter operandum, unde Scotus citatus in 1. supra: *Certitudo conclusionis tantummodò dependet ex certitudine principiorum, & ex evidentia illationis*, unde cum dicit in tertio,

libro in objectione citata, certitudinem & non certitudinem esse contradictionem, intelligendus de eadem certitudine, & ex iisdem principiis generata; sufficere autem quamlibet certitudinem sive evidentem, sive obscuram fidei, sive probabilem, aut ex probabilibus deductam, ad prudenter operandum clare deducitur ex cap. *Ego solis §. Aliot autem*, dist: 9. ex D. Hieronymo dicente: *Non ideo verum putem, quia ipsi ita senserunt, sed quia mihi per alios Authores, vel canonicas, vel probabiles rationes, quod à vero non abhorreat, persuadere potuerunt*, ergo & authoritas, & probabiles rationes persuadere possunt ad prudenter agendum, consequenter habent aliquam certitudinem.

**Urgetur:** Certitudo est perfecta determinatio ad unum, probabilitas autem est indifferens ad unum, & ad ejus oppositum, ergo nequit esse certitudo, ubi tantum est probabilitas. Respond: distin: antec: Probabilitas est indifferens obiectiva, conced: formalis, nego. Quia probabilitas hæc v. g. determinatur ad unum hoc per suam unam hanc rationem, vel rationes, & probabilitas altera determinatur ad aliud unum per alias suas rationes, ita quod quælibet probabilitas habet suam propriam, & proportionatam veritatem, & certitudinem. Hinc

**Dico Secundo:** *Opinio, quaecumque verè est probabilis, excludit formidinem actualem de opposito, unde solam continet aptitudinalem & radicalem.* Ita Mastrius in 2. disp: 5. q. 2. art: *Noter Bordonus.* Probatur Prima pars: Quia opinio eo ipso quod sit probabilis, reddit securum & tutum operantem secundum iudicium illud probabile, atqui sic securè operari excludit omnem actualem formidinem, ergo: Probatur min: si in tali iudicio esset formido actualis, practica saltem, crederet contradictoria simul esse vera, sed hæc non possunt sic credi sub eadem ratione.

**Probatur secunda pars:** Quia assentiens ex probabilibus motivis uni

vt  
Opinio  
excludit  
formidinem  
actualem



uni parti ex contradictoriis, vel contrariis in tantum dicitur formidare, in quantum rationes illae intellectum non convincunt, & in quantum non assentitur propter rationes demonstrativas, & convincentes, sed haec non est nisi radicalis formido, quae semper in opinione continetur, cum non sit assensus cum evidentia & certitudine aliqua metaphysica, ergo. Confirmatur: Quia eo ipso, quod sit aliquid opinio, non excludit oppositae partis formidinem, alioquin non esset opinio, sed evidentia, haec tamen non debet esse actualis; nam ut aliquis prudenter operetur ad excludendum omne peccatum, sufficit, ut excludat formidinem actualem, credendo id, quod operatur, licitum sibi esse, licet aptitudinalem retineat formidinem, cum haec non excludat determinationem intellectus, sed solum firmitatem assensus, quae propter motiva & principia, ex quibus oritur, non est tanta, sicut est in assensu evidenti.

## QUAESTIO SECUNDA.

### Quotuplex sit Opinio probabilis?

I. Probabilitas alia speculativa, alia Practica.

**V**arias omnino divisiones opinionum tradunt Authores, principales ego conabor referre: Itaque opinio probabilis Primò dividitur in probabilem *speculativè*, & *Practicè*: Illa opinio dicitur *probabilis speculativè*, quae non ordinatur ad dirigendos actus morales, sed in sola veritate indaganda consistit, huiusmodi sunt; An mundus sit ab aeterno? An relatio in Divinis distinguatur ab Essentiâ? &c. *Probabilis practice* est, quae actionem liberam immediatè, vel mediatè per modum principii respicit; huiusmodi sunt tam conclusiones, quae dicunt hoc vel illud esse faciendum, vel omittendum, quam principia, ex quibus conclusiones similes inferuntur v. g. circa illam propositionem, an aliquid sit peccatum mortale, vel veniale, potest esse duplex opinio, vel speculativè sistendo in consideratione connexionis praedi-

cati cum subiecto in se, absque ordine ad aliquod opus. Secundò in quantum ex illa inferitur, quod hoc aut illud sit faciendum, aut omittendum hoc practico discursu: *Omne peccatum est vitandum, hoc est peccatum, ergo est vitandum.*

Unde nonnulli Authores opinionem etiam practice probabilem, id est, eam, quae pertinet ad genus morum, dividunt in *speculativè* & *practicè* probabilem, ita quod illa sit *speculativè probabilis*, quae in communi & generalibus terminis per modum synderesis dicitur aliquid esse licitum, vel non licitum, abstrahendo à circumstantiis, quae possunt occurrere in praxi. *Practicè probabilem* vocant, quae consideratis omnibus circumstantiis occurrentibus ostendit opus esse licitum vel illicitum, quae distinctio, quamvis videatur quibusdam arbitraria, eò quod omnis opinio speculativa probabilis sit etiam practice probabilis, si nihil occurrat in oppositum, nihilominus bene est advertenda, contingit enim aliquando, quod quaedam ingenia sublimia inveniant tales rationes apparentes, quibus ostendant, actiones quasdam esse licitas adductis paritatibus, vel solutis rationibus in oppositum, quae tamen in praxi non sunt probabiles, id est, practicabiles, quod annotare volui ad magis fundamentaliter penetrandos terminos Adversariorum, in quibus quandoque totam suam vim & efficaciam ponunt, aut per similitum terminorum ambiguitatem oppositas rationes solvunt, seu verius eludunt.

II. Probabilitas alia extrinseca, alia intrinseca.

**Opinio probabilis Secundò: Dividitur in Extrinsicam & Intrinsecam.** Probabilitas *Extrinseca* est, quae oritur propter authoritatem dicentium & docentium sententiam aliquam, de qua dicit Aristoteles I. Topicorum I. *Probabilia sunt, quae probantur, aut omnibus, aut plurimis, aut certè sapientibus, & iis aut omnibus, vel plurimis, vel iis, quorum spectata est & perspecta sapientia.* Itaque opinio extrinsece probabilis est illa, quando assentior alicui propositioni propter

II. Probabilitas alia extrinseca, alia intrinseca.

(\*) SSSS

propter solam auctoritatem dicentis alterius, quem puto esse hominem probum, & doctum, & tali modo opinioni probabili ordinariè assentiunt homines rudes & simplices, nec in illis requiritur, ut assentiant propter aliquam rationem, nam cum illi simplices sint, non possunt subtilitatem rationum investigare. Sciendum tamen, quod si aliquis vit doctus unam sententiam doceret, absq; ulla proffus ratione, illa non esset probabilis, sed potius falsa & erronea, quia non infertur ex principiis probabilibus, unde ut opinio probabilis sit, debet saltem Doctor, qui eam docet, pro illa habere aliquas rationes probabiles. Opinio *probabilis intrinsecè* est, dum assentitur opinioni propter rationes, quibus fulcitur, eò autem opinio est probabilior, quò fortioribus nititur rationibus, sicut & quæ debiliores habet rationes vocatur improbabili<sup>or</sup>. Ex hoc collige, illam opinionem esse improbabilem, quæ nec auctoritati, nec rationi innititur, vel si sic, operans, dum operatur, non operatur propter rationem vel auctoritatem.

positivum sed hoc semper præsupponit, nam sanctior non esset, nisi quis foret ante sanctus. Sed contra hanc divisionem

Opponitur auctoritas S. Augustini lib: 3. contra Academ: cap. 16. ubi dicit: *Turpe est errare, & ideo nulli rei consentire debemus: sed tamen cum agit quisq; quod ei videtur probabile, nec peccat, nec errat. Illud tantum meminerit, quicquid occurrit vel animo vel sensibus, non pro vero esse approbandum*, ubi agendo cōtra Academicos existimantes omne, quod animo & sensibus occurrit esse probabile, adeoq; si Juveni ut probabile occurreret insidiandum pudicitiae alienæ uxoris, eam posse deperire, ergò ex mente S. Augustini probabile idem est quod falsum, imaginarium & phantasticum, ac erroneum, adeoq; nec verum probabile admittit nec magis, aut minus, adeoq; probabile tanquam absurdum habet, unde concludit: *Sed hoc omittamus, minus id ad nos, minus ad vitæ nostræ discrimen, minus ad fortunarum periculum pertinet. Illud est capitale, illud formidolosum, illud optimo cuiq; metuendum, quod nefas omne, si hæc ratio probabilis erit, cum probabile cuiquam visum fuerit esse faciendum, tantum nulli quasi vero assentiat, non solum sine sceleris, sed etiam sine erroris vituperatione committatur*, ergò si Augustinus post Aristotelem docet, aliquid esse probabile in aliquo loco, accipit tunc pro eo, quod nunc probabilius appellatur, adeoq; nec antiqui Philosophi, nec Patres & Theologi noverunt distinctionem de probabili & probabiliori. Respondi neg: D. Augustinum ibi probabile accepisse pro probabiliori, quod nec ex Aristotele, nec ex alio quopiam Doctore, vel Philosopho comprobari potest. D. Augustinus enim agit ibi contra Academicos, qui probabile vocabant, quod quilibet ex suo arbitrio fingeat, licet enim tantum sensui aut phantasiæ occurrebat, unde non erat necesse distinguere inter probabile & probabilius. Opinionem autem probabilem

III.  
Opinio  
probabilis  
& probabili-  
or expli-  
catur.

Opinio probabilis Tertiò: Dividitur in Probabilem & Probabilio<sup>rem</sup>. Opinio *probabilis*, prout contra opponitur probabiliori, est illa, quæ bonis, validis & firmis rationibus fulcitur. *Probabilior* verò, quæ firmioribus, validioribus, & melioribus rationibus constat, quare à quibusdam Doctoribus & Legisperitis vocatur *Verior*, & in Cap. Capellanus 4. de feriis dicitur *Potior*. Utraq; tamen opinio conveniunt in ratione veritatis, & certitudinis causatæ ab eorum argumentis, & motivis inducentibus probabilitatis rationem, & tantum differunt in ratione majoritatis & minoritatis, quod proprium est qualitatium, quæ majus & minus natæ sunt suscipere, nec iste excessus unius præ altera destruit rationem veritatis & certitudinis moralis, ut patet de albedine ut quatuor, & ut sex, & insuper liquet, quia comparativum non destruit.

334014



bilem & probabiliorem nos discernimus per rationes, motiva, & argumenta, inter quæ potest fieri accessus & recessus ab objecto, verius & perfectius, vel minus perfecte attingendo, unde licet Philosophi non usi fuerint fortè expresso hoc termino *probabilis*, id tamen satis Aristoteles suprâ insinuavit, dum ait: *Probabilia esse, quæ probantur aut omnibus &c.* quæ autem omnibus probantur, omninò probabiliora sunt, quàm quæ quibusdam tantum, & consequenter ex disjunctione probabilium, benè colligitur Aristotelem sensisse probabilia alia esse magis, alia minus talia. Respond: Secundò: Negando illatum. Videlicet nec antiquos Patres, aut Doctores novisse distinctionem illam opinionis probabilis, & probabilioris, nam primò ex jure civili, ut refert Fagnanus, colligitur idipsum, idq; ex *L. 1. versu, sed verior §. de contrahend. empt. Institut. de empt. §. Item pretium &c.* ubi propositio probabilior vocatur *Verior* &c. Tum ex jure canonico num: *cap. Martha. 6. de celebrat. Miss.* Ex tribus propositionibus de conversione aquæ in vinum, affirmativa dicitur probabilior, ubi tamè aliæ duæ non damnantur, ut notat Glossa, adeòq; probabiles relinquuntur. Item in *Clemētina, de Summa Trinit. §. final.* inter duas opiniones, quarum prima asserit in baptismo remitti parvulis solum peccatum originale, Alteram verò, quæ dicit tam parvulis, quàm adultis in baptismo conferri gratiam & virtutes tanquam probabiliorem esse eligendam, oppositam autem non damnat.

Arguitur Tertiò: Opinio probabilis debet posse movere intellectum ad assensum, sed concurrente probabiliori simul non potest movere, ergò non potest habere rationem probabilitatis: Probatur min: Quotiescunq; concurrunt motiva urgentiora, solidiora, & veriora, intellectus non potest determinari ad assensum à debilibus motivis, quia debilius nunquam in ratione vincit illud, quod est fortius. Re-

spondi: negando min: cum sua probatione, cujus probat: antec: distinguo: Non potest moveri à debiliori, si fortiora sint evidētia, concedo, si illa fortiora abstrahant ab evidētia, nego. Et ratio disparitatis est, Quia in opinionibus liberè opinamur, in evidētibz verò intellectus necessariò assentiri debet, quòd autem liberè opinemur, patet, nam proposita utraq; opinione voluntas libera est ad unam vel alteram eligendam, & electa una determinat intellectum ad assensum illius, nec tamen intellectus errat assentiendo, quia assentitur vero, proposito suo modo ut tali, licet aliud esset verius, nam *Verum* sub positivo, & non sub comparativo, est intelligibile à natura rationali.

Quartò dividitur opinio in *Singularem & Communem*: *singularis* est illa, quæ est unius Authoris tantum, & hoc ratione originis, & principii, nam opiniones quasi omnes prius fuerunt singulares, quæ successu temporis à pluralitate Doctorum factæ sunt communes, sicut omnes res ab uno incoeperunt, & in plures creverunt, ut patet de solo & magno Immaculatae Conceptionis B. V. Mariæ mysterio, quæ primitus fuit singularis, nunc autem omninò communis & pientissima est. *Communis* igitur opinio est, quæ plures habet Doctores eam amplectentes, differuntq; solum per extrinsecam auctoritatem, intrinsecam autem probabilitatem potest habere majorem opinio, etiam unius Authoris, si habeat rationem efficaciorē & urgentiorē, prout subtiliora solent adinvenire ingenia, nam ut dicitur *L. 1. Cod. de veteri jure enucl. Potest unius sententia & multos & majores in aliqua parte superare.* Et D. Augustinus docet, non multitudinem Authorum considerandam, sed de rebus ipsis judicandum lib: 19. Civit: c. 3. dicens: *Hec sensisse atq; docuisse veteres Academicos, Varro asserit, autore Antiocho magistro Ciceronis, & suo, quem sanè Cicero in pluribus fuisse Stoicum, quàm veterem Academicum*

IV.  
Opinio singularis & communis

V.  
Opinio u-  
nius Au-  
thoris.  
quomodo  
valeat.

*micum vult videri. Sed quid ad nos, qui potius de rebus ipsis judicare debemus, quam pro magno de hominibus, quid quisque senserit, scire?* Unde sententia illa n. 27. ab Alexandro VII damnata: *Si liber sit alicujus junioris & moderni, debet opinio censeri probabilis*, explicatur à Bordonio, quòd intelligenda sit de illa, cujus probabilitas in sola dicentis autoritate consisteret sine intrinseca ratione, quasi verò sola libri impressio faceret auctoritatem, vel probabilitatem, quæ tamen nullo modo ad rem pertinet. Et ita intelligendam esse damnationem factam sub distinctione illa probat quinque rationibus: Primò, Quia alioquin viris doctis præcluderetur via imprimendi novas opiniones hætenus nondum excitatas, quæ tamen semper crescunt. Secundò, Non posset Confessarius in casu novo sibi proposito, nova uti opinione ad animarum salutem, quia unum & idem est de opinione nova, sive sit impressa, sive non. Tertiò, Negata illa distinctione videretur inferri probabilitatem magis ab auctoritate quam ratione desumendam. Quartò, Papa non prohibet distinctionem super illas sententias, ut colligitur ex conclusione Decreti, quod nec verbum prohibens distinctionem habet. Quintò, Quia tota damnatio refundi potest in illud verbum *Debet*, quasi sit debitum tenendi unius auctoris sententiam tenendam esse ut probabilem. Admissa ergò hac distinctione, & declaratione, potest his rationibus probari, sententiam unius Auctoris, si motivis efficacibus innitatur, esse probabilem. Primò, Quia potest aliquis tam perspicacis esse ingenii, & invenire pro aliqua opinione rationes tam nervosas, ut illam probabilem reddat. Secundò, Quia si unius Doctoris contra Theologos omnes opinio bene rationibus fulcita non esset probabilis, sequeretur, quòd paucas haberemus opiniones probabiles, nam vix aliqua opinio est, quam nunc multi tenent, quæ aliquando unius tantum Doctoris non fuisset, quæ postea rationibus aucta,

plurium esse cœpit. Unius Doctoris opinionem esse probabilem hoc argumento probat Caramuel: *Opinio, quam docent tres Doctores secundum communioem est probabilis*, sed plus quam tres docent unius Doctoris opinionem esse probabilem, ergò unius Doctoris opinio est probabilis. Min: probat multos citando auctores, qui id docent.

Pro hujus divisionis meliori intelligentia Notandum: Communem opinionem esse multum privilegiam, nam imprimis in judicando non est facile ab illa recedendum, ut habet L. 1. §. *sanè crebrior ff. de offic. quest.* ita quòd judex recedens à communi vocatur ignarus, excipe, nisi singularis haberet aliam legem oppositam, aut efficaciores rationes. Secundò, *Opinio communis habetur pro lege.* Ita Innocent: in cap. *Veniens. de verbo: signif.* Tertiò, *Opinio communis excusat, & facit opus licitum*, ut habetur L. *si quis 3, ff. ad senat. Consult. Macedo. Gloss. Marg. L. Athletas, 4. ff. de iis, qui not. infam.*

VL  
Opinionis  
communis  
privilegia

*Communior opinio est, quæ excedit in numero Doctorum, & in judiciis in numero votantium, secundum judices omnes. hoc tempore suas formant sententias. Communissima opinio est illa, quæ nullum ferè habet contradictorem, & in usu apud omnes practicatur.*

Quintò dividitur opinio probabilis in *tutam, tutiorem, & tutissimam.* *Tuta, & secuta* est idem, quod probabilis, nam eo ipso, quòd probabilis, demonstret honestatem actionis humanæ, eo ipso est tuta & secuta, quamvis periculum aliquod peccati materialiter accepti subesse possit, non subest tamen formaliter considerati. *Tutior* est, quæ est remotior à periculo peccati materialiter accepti, nam formaliter accepti nullum est peccati periculum in sententia & opinione probabili, nam per opinionem probabilem redduntur certi & securi. Ubi notandum, unam opinionem posse esse probabiliorē, & aliam tutiorem, quia probabili-  
bilio-  
rior

VII.  
Opinio tu-  
ta & tutis-  
sima.

bilior respicit solam rationem intrinsecam. Tutior autem refertur ad periculum peccati & ejus privationem v. g. posset jurista clarissime demonstrare possessorem bonae fidei v. g. non esse obligatum ad restitutionem, si quis tamen restitueret, tutiorem sequeretur opinionem, tutiusq; ageret. Item probabilior est sententia, quam multi tenent Recentiores, non esse peccatum mortale, si orem divinum officium absq; intrinseca attentione (cujus sententiae rationes videantur apud Caramuellem in lo: super Regulam D. Benedicti) attamen multo tutior est, quae docet, esse orandum cum intrinseca attentione, quia in prima potest esse periculum peccandi, non autem in secunda.

### QUAESTIO TERTIA.

An Opinio sit species Prudentiae?

**N**emo potest dici prudenter agere sine prudentia, qui autem opinantur, prudenter se agere distitant, ac proinde praevie examinandum erit, An opinio sit species prudentiae, sive consideretur quoad actum, sive quoad habitum, Nam, opinio secundum Aristotelem dicitur habitus verus, pro quo

1.  
Prudentia  
variae defini-  
tiones.

Notandum Primò: Prudentiam ethymologicè derivari à *providendo*, seu à *porro videndo*, teste S. Ildoro lib: 10. Ethym: cap. 15. & D. Augustino in psalm: 73. ubi ait: Prudens enim dictus est porro videns: *Si prudens porro videns: fide videtur porro, oculis vix ante pedes videtur tota die*: Unde idem S. Doctor lib: 1. de lib: arbitr: cap. 13. sic prudentiam definiens ait: *Considera nunc, utrum tibi videatur esse prudentia appetendarum, & vitandarum rerum scientia*. Et in psalm: 83. *Prudentia qua dignoscimus inter bonum & malum*. Et elegantissimè lib: 83. qq. q. 31. *Prudentia est rerum bonarum, & malarum, & neutrarum scientia*. Deniq; nec Philosophi definitio est hic omitenda, quam tradit 6. Ethic: cap. 5. sic: *Prudentia est habitus cum ratione*

*vera circa bona humana aditus*, ubi alii legunt: est *Habitus verus* &c. unde aliqui ex ipso prudentiam sic definiunt: *Est recta ratio agendorum*. Ex quibus omnibus tanquam quid certum habetur prudentiam esse actum, vel habitum intellectualem habentem pro objecto actiones humanas, juxta cujus dictamen istae dicuntur verae vel falsae, malae vel bonae, adeoq; vel fugiendae sunt, vel prosequendae.

Notandum Secundò: Objectum prudentiae esse contingens, nam cum versetur circa actus humanos, qui non sunt necessarii, nec impossibiles, sed contingenter fieri possunt, & produci, ideo eo modo eos considerat, quo modo fieri nati sunt, nam ut praclare docet noster Faber dispu: 8. in 1. Metaph: sub init: *Ea, quae sunt necessaria, vel impossibilia, non cadunt sub consilio, ut sunt actus humani*, unde Prudentia est virtus consiliativa eorum, quae sunt amplectenda vel fugienda, & ideo Aristoteles 6. Ethic: cap. 15. dicit: *Ea scilicet, quae hominibus iusta, honesta, & bona sunt, omne agibile per hominem juxta ad alterum, sed bene ad semetipsum, immediate constituunt adaequatum objectum ejus*, supple Prudentiae.

II.  
Necessaria  
non cadunt  
sub consilio.

Notandum Tertiò: Objectum quodlibet habere sibi proportionatas qualitates & entitates, unde sicut non entis non sunt ullae qualitates, ita etiam objecti contingentis non sunt aliae qualitates & proprietates, unde neq; habet, aut habere debet veritatem & certitudinem nisi contingentem, non ergò necessariam, ad differentiam objecti necessarii, quod sicut invariabile & aliter se habere non potest, ita etiam requirit necessariam & infallibilem veritatem & certitudinem, quam supra vocavi naturalem, physicam, & speculativam, alteram verò appellavi moralem, vel intentionalem, imò etiam formalis potest dici, prout opponitur objectivae, in quantum scilicet in ipso intellectu subiectatur, qui credit ita se rem habere, prout rationes occurrentes id insinuant, quamvis

(\*) S s s s 3

aliquan-



aliquando aliter eveniat. His prænotatis

III.  
Opinio est  
species pru-  
dentia.

Dico Primò: *Opinio est species Prudentia, imò analoga Prudentia, vel Prudentia soror.* Hanc solam impugnare possunt, qui probabilitates oppugnant, sed nec omnes, qui vel probabiliiores admittunt sententias. Probatur conclusio Primò: Ex Aristotele 6. Eth: cap. 4. ubi agens de habitibus acquisitis ex actibus intellectum nostrum perficientibus sic eos enumerat: *Erunt, quibus animus verum prospiciat assentiendo, vel dissentiendo quinque numero: Ars, scientia, prudentia, Sapientia, Intellectus*, Ex quibus tres versantur circa necessaria, ut *Scientia, Sapientia, & Intellectus*, & circa contingentia solummodò *Ars, & Prudentia*, cum hac tamen differentia, quòd *Prudentia* sit circa contingentia agibilia, *Ars* verò circa factibilia contingentia, hæc per actionem transeuntem, illa per immanentem.

Ex quibus sic argumentor: *Habitus intellectum perficientes ad aliquem ex supra numeratis reduci debent, sed opinio est habitus intellectum perficiens, ergò ad aliquem ex dictis reduci debet: maj: patet, probatur min: Tum ex S. S. Patribus Bernardo, & Augustino infra sæpè citandis, quorum ultimus lib: de utilitate credendi cap. 11. dicit: Tria sunt item veluti finitima in animis hominum distinctione dignissima, intelligere, credere, & opinari, ergò opinari pertinet ad intellectum, seu animum hominis: Tum ex Aristotele lib: 2. Posteriorum cap. 26. ubi sic ait: Atqui omnes habitus, quibus vera noscuntur, sunt intelligentia, scientia, opinio, & quæ ab his cognominata sunt.*

Subsumo: Sed opinio convenientius ad nullam reduci potest quàm ad prudentiam, ergò: patet subsumptum: Tum, quia hæc videtur fuisse Aristotelis ratio, quòd in primo loco citato omiserit opinionem, & posuerit prudentiam, & in secundo loco omisit prudentiam, & posuit opinionem, quasi prudentia pro opinione, & opinio pro prudentia sumen-

da esset, ergò: Tum, quia ad nullam aliam convenientius reduci potest, ergò: probatur antec: Quia non ad scientiam, intellectum, vel sapientiam, quia horum objectum est necessarium, opinio verò est contingentium. Neq; ad *Artem* reducenda est, quia hæc est factibile, opinio verò agibile, & consequenter ad aliam convenientius non reducitur, quàm ad Prudentiam.

Dices: Aristotelem distinguere opinionem tanquam particularem speciem ex habitibus ad intellectum, quæ tamen illum non perficit, intellectus verò non perficitur nisi per verum, opinio autem est indifferens ad verum & falsum, ergò non debet reduci ad prudentiam. Respond: Primò: Distingui: antec: tanquam speciem subalternantem, nego; subalternatam, seu subjectivam prudentiæ, conc: nam etiam intellectus & scientia ponuntur tanquam species distinctæ, & tamen scientia est habitus, ad intellectum subalternatus, nam conclusiones pertinent ad eandem speciem, quòd pertinent principia, ergò sicut scientia ad intellectum, ita opinio ad Prudentiam.

Probatur conclusio Secundò: Quæ habent idem objectum, eandem rationem formalem tendendi in illud, eundemq; finem, sunt ejusdem rationis & speciei, quamvis in aliquibus differentiis particularibus disconvenirent, atqui opinio ut est habitus, vel actus, hæc eadem habet, ergò: maj: patet à pari de Justitia: Quia omnes virtutes, quæ jus suum alteri tribuunt, justitiæ species sunt: Probatur min: Quia opinio versatur circa objectum contingens agibile, sicut prudentia, tendit in illud sub ratione dirigibilitatis, & pro fine habet regulare omnes actiones humanas, sub ratione bonitatis, morales amplectendi, & malitiæ fugiendæ, ergò etiam ad Prudentiam pertinebit.

Probatur Tertiò: Ex D. Augustino lib: 83. qq. q. 31. Prudentiæ partes has enumerat: *Partes ejus, memoria, intelligentia, providentia. Memoria*

moria est, per quam animus repetit illa, quae fuerunt. Intelligentia, per quam ea perspicit, quae sunt. Providentia, per quam futurum aliquid videtur, antequam factum est: Unde communiter Theologi partes prudentiae integrales assignant; praeteritorum memoriam, intelligentiam praesentium, & futurorum praevidentiam, quod non in Aristotele 6. Ethico: q. sed in scriptura sacra Spiritu Sancto Magistro fundatur Deuteronomio: 17. Si difficile & ambiguum apud te iudicium esse perspexeris inter sanguinem & sanguinem, causam & causam, lepram & lepram: & iudicium intra portas tuas videris verba variari: Surge & ascende ad locum, quem elegerit Dominus DEUS tuus, veniesque ad Sacerdotes Levitici generis, & ad iudicem, qui fuerit illo tempore: queresque ab eis, qui indicabunt tibi iudicii veritatem. Sed opinio haec omnia habet, nam praeteritorum recordari debet, praesentia debite examinare, & futura prospicere, ergo erit etiam Prudentiae species.

Probatnr Quarto: Opiniones Physicae, Medicae, & Metaphysicae reducuntur ad easdem scientias, circa quarum objectum versantur, ergo etiam opinio debet reduci ad eam virtutem intellectualem, circa cuius versatur objectum nempe Prudentiam: antec: patet, Quia opiniones, quae circa materiam physicam versantur, ad scientiam eandem reducuntur; & physicae opiniones appellantur, ac in re sunt, & frequenter evenit, quod in aliqua scientia sint plures conclusiones opinativae quam scientificae, ut patet per singulas scientias discurrenti, ergo etiam a pari cognitio opinativa circa morales actiones hominis, prudentialis cognitio vocari debet, sicut in rei veritate est. Confirmatur: Quia in experientia & usu videmus eos vocari prudentes & prudentiores, qui meliores & probabiliores rationes, motiva, & argumenta, quamvis nullum sit evidens, sciunt invenire, ergo signum est, opinionem participare veram Prudentiae rationem. Sed.

Opponitur in contra Authoritas Aristotelis 1. Posterior: 26. excludit ab opinione omnem certitudinem dicens, Est enim infirma semper, & incerta opinio. Et lib: 3. Ethic: cap. 2. ait: Ea opinamur, quae non certo scimus, sed Prudentiae objectum & principia sunt certa, ergo opinio non est species prudentiae, certa enim & incerta in nullo convenire possunt, sicut nec vera & falsa. Respond: distingu: maj: Aristoteles excludit ab opinione certitudinem naturalem, physicam, & evidentem, conc: maj: Excludit ab ea certitudinem moralem, neg: maj: demonstrativam ergo certitudinem Philosophus in opinione negat, quia alias non esset opinio, sed scientia, certitudinem tamen moralem saepius adstruit, ut in 1. Ethic: cap. 3. ubi ait: Non enim in omnibus disputationibus limitatum, accuratumque genus similiter requirendum est, sed est, non in omnibus est necessaria demonstratio, quod est accuratum genus disputandi, & perfectissimus modus sciendi: Et intra concludit: Ergo satis erit eos, qui ex his & de his rebus verba faciunt, pingui quadam minerva, & subjecta veluti rudi forma, quid in quaque veri sit, demonstrare: quale enim est objectum, talis de eo & in eo requiritur veritas proportionata, cum ergo contingentia propter variabilitatem non habeant veritatem necessariam, sufficit de iis habere moralem. Respondi ergo etiam ad min: distingu: eandem modo quo supra, Prudentiae objectum est certum certitudine morali, conc: certitudine physica semper, neg: min: & consequi: Nam prudentia est particularium, quae nobis non innotescunt nisi per experientiam, ita enim Aristoteles docet lib: 6. Ethic: cap. 8. & 9. Juvenes quidem & Geometras, & Mathematicos esse, & sapientes in huiusmodi, at prudentes fieri non videntur; huius causam (ait) in singularibus est Prudentia, quae experimentum nobis innotescunt, Juvenis autem non est expertus, longitudo temporis experimentum facit. Unde etiam ibi cap. 5. Prudentia ibi est, ubi est vis opinandi,

*nandi*, quare nec prudentiæ obiectum est certum, maxime certitudine physica & naturali, bene tamen moralis scilicet, quæ ut in pluribus contingere solet, ut matres diligunt filium, ut plurimum verum est, licet quandoq; contingat oppositum, ut plurimum tamen verum est: *Certus enim est, qui non est dubius*. Dicit cap. 20. de Prebend: & ut Scotus ait in 1. dist: 3. q. 4. §. 1. *versu secundo apparet: Certitudo habetur exclusis dubitatione & deceptione, quæ ab opinione procul absunt.*

*Instatur: Aristoteles docet opinionem esse indifferentem tam ad verum, quam ad falsum, ergo nullam habet certitudinem.* Respond: negando consequ: seu prout est communis probabilis & improbabili, & sic genericè sumpta, dicitur esse de obiecto incerto modo vera, modo falsa, quando autem dico opinionem seu habitum opinativum, & actum prudentiæ esse speciem, non sumo illam genericè, sed pro opinione hac in specie, quæ probabilis est, & probabilibus innititur fundamentis, talis enim non inclinatur nisi ad verum, quamdiu rationes, quæ eam probabilem constituunt, perseverant & subsistunt, quod si enervantur, aut reprobantur, evanescit probabilitas, & ipsa ratio opinionis formalis, ergo.

*Urgetur: Quod potest de vero transire ad falsum, non potest habere rationem virtutis prudentialis, quia prudentia semper se habet ad bonum, & ad verum, & nunquam ad malum, sed ipsi opinioni probabilis ut tali potest subesse falsum, ergo non potest habere rationem virtutis.* Respond: negan: maj: Quia ut docemus, communiter habitus virtutum moralium possunt esse nunc vitiosi, nunc virtuosos, mutata lege, vel intentione, aut fine, ergo non est mirandum de virtute opinativa, quamdiu probabilis & virtutis prudentialis rationem habere potest, nam propter opiniones probabiles dicitur homo probus, probatè agere, honestè & rectè vivere, quia tunc

semper voluntati proponit operationes sub honestate, & vero apparente, in quantum regulæ prudentiales dictant, quæ majorem certitudinem sæpè non habent, quam probabilem, eò quod sint de obiecto tam contingente, quam sit ipsa opinio probabilis. Nam Sapient: 9. dicitur: *Incertæ providentiæ nostræ*, id est, consilia, ex quibus tamen putamus nos prudenter operari.

*Arguitur Secundo: Omne dictamen prudentiale debet esse certum excludens formidinem omnem, sed opinio non excludit formidinem, ergo: maj: patet min: probatur, quia formido est proprietas opinionis.* Respond: permittendo tautè transire majorem, distingu: min: *Opinio excludit formidinem radicalem, conc: actualem, neg: min: & consequ: nam tit supra insinuavi, & infra sæpius allegare debebo, duplex in opinione reperitur formido, radicalis, quæ alias dicitur obiecti, & actualis, quæ est potius opinantis, & vocari potest subjecti. Radicalis est de intrinseca ratione opinionis propter incertitudinem obiecti & ejus contingentiam, quod licet intellectus cognoscatur ut verum, potest tamen subesse falsum. Deinde formido est ratio distinctiva opinionis à scientia, quia hæc habet evidentiam, non illa. Formido actualis autem non necessariò inest, nam multa opinamur sine formidine, ut ex antiquis historiis Notariis, Magistris, ex soliditate rationis, ex presumptione, & ex pietate, ut dicam in disput: 3. q. 1. Itaq; simpliciter dicendum est, formidinem non tollere certitudinem, ratio est, quia formido nullum infert judicium oppositum, cum sit simplex apprehensio in voluntate, & appetitu rationali, quæ non judicat, consequenter non tollit judicium factum ab opinione, & ratione, adeoq; illud judicium firmum stat, usq; dum per contrarias rationes enervetur, vel per auctoritatem tollatur.*

*Instatur: Dictamen rectæ rationis debet conformari legi æternæ tanquam*



tanquam primae regulae, sed dictamen cum formidine non potest conformari legi divinae, ergo: maj: patet. Probatur min: quia lex divina est incommutabilis, opinio autem formidolosa plenae mutationi & errori subjacet, ut timor & formido indicat, ergo. Respond: neg: min: cum sua probatione: Quia non obstante formidine assensus opinativus conformatur legi aeternae, eo ipso, quod procedat ex dictamine rectae rationis, nam lex aeterna licet ipsa sit incommutabilis, non vult alia omnia à nobis incommutabiliter cognosci, sed sic incommutabiliter & proportionatè ad objectum, ut necessaria necessariò, & contingentia contingentèr cognoscantur, unde formalis ratio judicii opinativi, per quod conformatur legi aeternae, est, quod sit assensus firmus ex solidis argumentis & motivis stabilitus.

IV.  
Opinio potest dici  
virtus pen-  
denalis.

**Dico Secundò: Opinio, seu habitus opinativus potest etiam dici virtus prudentialis.** Probatur Primò ex definitione generali virtutum, nam Philosophus 2. Ethic: cap. 5. dicit, quod virtus sit *Ea, quae habentem perficit, ejusdem opus bonum reddit*, cui non absimilem tradit S. Augustinus lib: 2. de lib: arbit: cap. 19. *Quà bene vivitur, nemo male utitur*, dicit enim ibidem: *Virtutes igitur, quibus rectè vivitur, magna bona sunt: Species autem quorumlibet corporum, sine quibus rectè vivi potest, minima bona sunt: potentiae verò animae, sine quibus rectè vivi non potest, media bona sunt. Virtutibus nemo male utitur: cæteris autem bonis, id est, mediis & minimis, non solum bene, sed etiam male quisque uti potest. Et ideo virtute nemo male utitur, quia opus virtutis est bonus usus istorum, quibus etiam non bene uti possumus.* Ab Aristotele alibi vocatur *Dispositio ad optimum*, & in Ethicis *Moderatrix passionum*. Similem tradit definitionem prudentiae S. Bernardus serm: 49. in Cantica dicens: *Est discretio non tam virtus, quam quaedam moderatrix & auriga virtutum, ordinatrixque affectuum, & morum doctrix.* Tolle hanc, & vir-

tus vitium erit, ipsaq; affectio naturalis in perturbationem magis convertetur, exterminiumque naturae, sed opinativus habitus est bona qualitas mentis procedens ab intellectu, & inclinans atq; dictans id, quod honestum est, amplectendum esse, quod turpe fugiendum, secundum quam etiam rectè vivitur, & quamdiu in probabilitatis terminis subsistit, nemo male utitur. Est dispositio ad optimum, ad virtutem, est moderatrix passionum, &c. ergo

## QUAESTIO QUARTA.

An, & quomodo duae opiniones contrariae possint esse probabiles?

**Q**uestio hæc tam philosophicè & physicè, quam theologicè & moraliter tractari potest, & negata una parte, neganda profecto erit & altera, nam si duae propositiones v. g. an idem corpus possit circumscriptivè poni in duobus locis, affirmativa & negativa simul, non possent esse probabiles, id neq; in moralibus contingere posset, ex quo multae orirentur inconvenientiae, ut patebit ex probatione 2. & 3. infra. In qua materia Reverendissimus Pater Mercorus docet, repugnare eundem intellectum posse simul assensu opinativo assentire utriq; parti contradictionis, bene tamen si una pars sit probabilis ab extrinseco, & altera ab intrinseco, posset de utraq; aliquo modo opinari, scilicet de una speculativè, & practicè de altera; Quod si tamen actualiter videret utramque contradictionis partem esse æqualis probabilitatis ad neutram se posse determinare. Pro quo

I.  
Opiniones  
duae philo-  
sophicae  
possunt si-  
mul esse  
probabiles.

**Notandum Primò: Opiniones de eadem materia & objecto oppositas, magis contrariè, quam contradictoriè sibi opponi, quamvis Doctores antiqui utantur termino contradictionis, & ratio est, quia doctrina tam physica, quam moralis versatur circa universalia dirigendo ea in particularibus, & maxime in singularibus, propositiones autem in**

II.  
Opiniones  
duae sibi  
contrariè  
opponun-  
tur.



universali discordantes tantum secundum qualitatem, non opponuntur contradictorie, sed tantum contrarie, ut docent Logici, & particulares atq; singulares sub eis, dicuntur contineri subcontrarie, propter magnam tamen analogiam, quam ad se invicem habent, pro eodem aliquando accipiuntur, nam contradictoriae & contrariae in nulla materia possunt esse ambae verae, bene tamen contrariae in materia contingenti ambae falsae. Contradictoriae vero in qualibet materia una semper est vera, altera falsa.

Notandum Secundò: Has leges veras esse de propositionibus objectivis, & materialibus remotis, non verò de formalibus, eorumq; motivis eas specificantibus, quae sunt ipsa media, quibus innituntur, & penes quae diversificantur, unde sicut ipsa media & motiva sunt diversae & disparatae res, ita diversas & disparatas constituunt opiniones in esse entitatis, unde quando authores tenentes unam opinionem speculativam, censurantes alteram de falsitate, non sunt intelligendi de falsitate reali, & à re, sed de falsitate contraria veritati probabilitatis. His praenotatis

III.  
Opiniones  
duae morales  
possunt  
esse simul  
probabiles.

Dico Primò: *Duae propositiones & opiniones contrariae, possunt esse simul probabiles, ita quod intellectus possit de illis speculative utramq; talem judicare.* Ita Reding, Bordonus &c. Probatur Primò ab Experientia, Quia potest aliquis habere opinionem probabilem ab intrinseco ex mediis & motivis rationabilibus atq; efficacibus, & etiam alteram amplecti probabilem ab extrinseco, nam non solum indocti, sed etiam docti propter auctoritatem dicentium & docentium tenent frequenter aliorum opiniones contrarias suis. Ergò unus & idem intellectus potest habere opinari duas opiniones oppositas esse probabiles: antec: patet: ex diversis & oppositis opinionibus Thomistarum & Scotistarum, qui Magistrorum opiniones sequuntur, ex eo, quòd illi urgentia & solida pro

sua quisq; opinione habuerit, & licet impugnentur, quòd ab opposita parte non enerventur, sit casus & exemplum: Est controversia, & dubia quaestio, an iudex possit ex allegatis & probatis damnare innocentem, quem ex privata scientia cognoscit esse innocentem. In hac materia tenet S. Thomas partem affirmativam, & Doctor subtilis negativam, potest quis tertius supervenire, & examinatis rationibus pro & contra judicare utramq; opinionem esse probabilem, ergò in eodem intellectu possunt duae opiniones esse simul probabiles. Confirmatur haec ratio à paritate duarum opinionum oppositarum, & speculativarum, quarum utraq; ab eodem intellectu potest judicari probabilis v.g. in sententia Peripateticorum & Zenonistarum de compositione continui, de replicatione unius ejusdem corporis, de locis &c. ergò etiam hoc potest in moralibus contingere, unde videmus subtiliora ingenia frequenter suas conclusiones problematicas defendendas proponere, quòd non facerent, nisi utramq; viderent esse probabilem.

Probatur Secundò: Illa est opinio probabilis, quae innititur gravi & solido fundamento, atq; ut talis intellectui repraesentatur, atqui possunt duae oppositae opiniones inniti solidis, gravibusq; fundamentis & motivis, & in eodem intellectu sic repraesentatis, ergò possunt esse in eodem intellectu probabiles. Probatur min: Possunt duo intellectus judicare tales opiniones esse probabiles, ergò & unus ac idem, probatur cōsequentia: Potest unus idemq; intellectus penetrare omnia fundamenta utriusq; opinionis, & cognoscere rationes oppositas, non solve- re alteras, sed quamdiu rationes oppositae unius & alterius non solvuntur, tamdiu manent opiniones probabiles, ergò potest etiam illas ut tales judicare. Confirmatur Conclusio ab Inconvenientia: Quia si duae propositiones contrariae non essent simul probabiles, nullus posset relicta opinio-



**Quest. IV. An, & quomodo duae opiniones contrariae possint &c.** 701

opinionem una amplecti aliam, neque Confessarius posset, uti debet, relicta sua opinione accommodare sententiae & opinioni poenitentis, quod utrumque tanquam inconveniens habetur, ergo. Noster Pater Franciscus Bordonus pro confirmatione conclusionis nostrae, & primae probationis, alia duo exempla allegat & adducit, Primò, quod liceat emere chyrographum minori pretio, non obstat legi iustitiae, quia cum pecunia absens in chyrographo ematur per pecuniae praesentis solutionem, quae magis valet, iudicio prudentum, iustitia, quae aequalitatem in contractibus petit, dicat, chyrographum emi posse minori pretio. Aliud exemplum: Licitum est recitare Missam ante Matutinum, quia Rubrica Missalis non est praecipitiva, sed tantum directiva; & Missa cum non numeretur inter Horas Canonicas, perversio huius ordinis, cum non sit intra ordinem earum, nullum est peccatum, si enim perversio ordinis inter ipsas Horas est tantum venialis, si inversio est voluntaria, si ex causa, nec venialis, ut docet ex communi Bonacina disp. 1. q. 3. p. 4. num: 2. à fortiori nullum erit peccatum recitare etiam voluntarie Missam ante Matutinum. Contra tamen plures Doctores asserunt esse peccatum mortale, probantes ex consuetudine, & ex Lege Rubricae praescribentis: *Sacerdos celebraturus Missam, praevia Confessione Sacramentali, quando opus est, & saltem Matutino cum Laudibus absoluto, orationi aliquantulum vacet.* Stante ergo hac lege contra nostram opinionem, videtur non probabilis, sed improbabilis; sed absit hoc, quia haec Rubrica non est lex praecipitiva inducens peccatum contra transgressorem, sed tantum directiva, cuius transgressio non est culpa, ut probat per Doctores allegatos à Quarto sect. 2. p. 2. Prooemial. concl. 2. Ita Bordonus nonnullis mutatis.

Probatur Tertiò: Quia intellectus etiam potest duo contradictoria, vel duo contraria habere pro ob-

jecto, sicut defacto habet, quando assentitur huic generali principio: *Idem nequit esse, & non esse tale sub eadem ratione*, ergo potest etiam iudicare, *idem potest esse & non esse tale sub diversa ratione*, in quo casu non solum speculative, sed etiam practice moveri potest intellectus per motiva diversa, ita, ut dicere cogatur, hoc respectu talis motivi est probabiliter verum, & hoc respectu alterius motivi est quoque verum, ergo quamvis non simul & eodem actu utramque possit amplecti, alioquin judicaret duo contradictoria esse simul vera, potest tamen successive, ut mox in sequenti Conclusionem dicam. Si autem quaeras, per quid tunc intellectus determinabitur ad assensum unius opinionis praeter alteram? Respondet: Posse hoc contingere primò per voluntatem determinantem intellectum ad amplectendam unam & non alteram. Secundò per superveniens prudentiale aliquod dictamen & iudicium determinativum intrinsecum, vel extrinsecum, quod qualiter sit necessarium, infra dicam, quo vel ex motivo possessionis in sua libertate, vel ex motivo tutioris partis eligendae amplectatur hanc vel illam v. g. in casu exempli allegati de Matutino dicendo ante Missam, dicit intellectus Matutinum est dicendum ante Missam, quia propter Rubricas hoc est securius, & tutius; vel dicit Matutinum non est dicendum ante Missam, quia dubium est, an illa Rubrica habeat rationem praeccepti, vel solum consilii directivi, ex quo sum liber in possessione mea, ergo. Sed de hac re plura infra, nunc assero argumenta in oppositum. Pro quo sic

Arguitur Primò ex Philaletho: In nullo casu potest res esse, & non esse, ergo nec per diversa media intellectus iudicare, & opinari potest, quod res sit, & non sit: Probatur antec: alioquin tu & ego facere possemus, quod Petrus esset, & non esset, atqui hoc nec DEUS potest facere cum toto mundo, ergo. Respondet: distin: antec: Nullo modo potest esse & non esse objective, concedo.

(\*) Tttt 2

Esse

IV.  
Opiniones  
duae simul  
verae non  
involvunt  
contradictionem.

Esse intentionaliter, & non esse ob-  
jectivè, neg: antec: Quia sic potest  
intellectus judicare & opinari, esse  
aliquid tale, & non esse tale, non per  
eandem cognitionem & intellectio-  
nem, ut falsè supponere Philaetus  
videtur, sed per diversas cognitio-  
nes, diversâsq; intentionales tenden-  
tias, nam esse objectivum unum est,  
intentionale & cognitivum duplex,  
tot scilicet, quot diversa motiva sunt,  
hinc etiam objectum idem nequit es-  
se, & non esse, possunt tamen plura  
intentionalia de illo fieri per diver-  
sos respectus motivorum, sub qui-  
bus objectum illud consideratur, ut  
autem contradictoria de aliquo ve-  
rificentur, debent prædicari de illo,  
secundum eandem rationem, respec-  
tum, & motivum, quod facile de-  
clarari potest exemplo corporis per  
divinam potentiam replicati v. g.  
Pragæ & Viennæ, quod Pragæ mo-  
veri potest, non tamen Viennæ, er-  
gò similiter potest aliqua actio esse  
licita sub hac ratione, & sub alia non  
esse licita diversis motivis, propter  
quæ cessat omnis contradictio.

Instatur: Ex futuris contingen-  
tibus duabus, una est determinatè  
vera, altera falsa, ut docent omnes  
Logici, sed agibilia v. g. duo sunt fu-  
tura, ut supponitur, & contingentia,  
ergò una est necessariò vera, altera  
falsa, ergò nequeunt ex quocunq;  
etiam motivo diverso esse simul ve-  
ræ. Probatur consequent: quamvis  
enim probabilia motiva possent o-  
stendere opiniones esse probabiles,  
veras tamen facere nequeunt, mul-  
tùm enim differunt esse probabile,  
& esse verum. Respond: distin: maj:  
Una est determinatè vera, altera fal-  
sa, in rebus physicis, & in esse futu-  
rionis realis & objectivæ, conc:  
maj: in rebus moralibus & intentio-  
nalibus, nego maj: & distin: similiter,  
min: nego consequ: ad cuius probati-  
dico, eo ipso, quod aliquæ proposi-  
tiones sint probabiles, eo ipso sunt  
veræ, veritate scilicet proportiona-  
ta ad probabilitatem, non quidem sci-  
entifica, evidenti, reali, & objectiva,  
sed veritate probabilitatis, veritate

apparenti, & prout apprehenditur  
bona fide propter motiva, quæ ex  
neutra parte vincere sufficienter po-  
test, ab intellectu, ut enim benè &  
prudenter operetur voluntas, non  
requiritur, ut ab intellectu propo-  
nantur res, prout sunt, sed prout ad-  
hibitâ diligentia agnoscuntur, unde  
Cicero definit lib: 1. de Juvent: *Pro-  
babile est id, quod verè fieri solet, aut  
quod in opinione positum est, aut quod  
habet in se ad hoc, quandam similitu-  
dinem.* Confirmatur hoc, scilicet pro-  
babilitatem inferre suam proportio-  
natam veritatem: Tum ex definitio-  
ne opinionis, *Quæ est assensus contra-  
dictoriae unius partis cum formidine  
oppositæ*, nè fortè opposita sit vera,  
sed opposita non potest esse vera,  
nec timeri, quòd sit vera, nisi ex sua  
probabilitate, ergò etiam opinio v. g.  
amplexata vera erit ex sua probabi-  
litate, nam oppositorum eadem est  
ratio & disciplina, v. g. ego teneo u-  
nam opinionem probabilem, rem  
esse licitam, hæc opinio habet for-  
midinem de opposito, nè sit vera: Et  
tu tenes rem non esse licitam, sed  
cum formidine, nè oppositum affir-  
mativum sit verum, ergò sicut utræ-  
que opiniones conveniunt in pro-  
babilitate, ita etiam conveniunt in  
veritate, quia non minus una dicit  
formidinem quàm altera, cum con-  
ceptus formidinis æqualiter illis in-  
sit, sicut conceptus probabilitatis,  
adeòq; veritatis. Tum, quia proba-  
bilitas non generat errorem aut fal-  
sitate; quia absurdum omninò vi-  
detur probabile & rationabile infer-  
re vel continere errorem & falsita-  
tem, ergò probabilitas infert & ge-  
nerat veritatem sibi proportiona-  
tam.

Arguitur Secundo ex Mercoro:  
Assensus opinativus est, quando in-  
tellectus ex se indifferens ad utramq;  
contradictionis partem determinat  
se ad unam ex illis, licet cum formi-  
dine, ergò si de utraq; haberet assen-  
sum opinativum, utramq; eligeret,  
consequenter adhuc esset indeter-  
minatus, intellectus enim sicut & vo-  
luntas tunc se determinat, quando  
spreta

Interpretata una parte eligit aliam, ergo si de utraq; opinaretur, intellectus esset determinatus, & non determinatus. Respond: neg: maj: Quia assensus opinativus non est, quando se intellectus determinat, sed quando intellectus determinatus adhæret uni parti contradictionis, non enim est intellectus in moralibus & probabilibus se determinare, sed voluntatis, in scientificis verò necessario in illa fertur. Deinde frustra dicitur se determinare tunc, quando spernit aliam, seu interpretata aliam: Tum, quia voluntatis est spernere: Tum, quia relinquens alteram non spernit eam, sed tantum formidat. Deniq; si admittatur Mercoro, intellectum esse indifferentem ad se determinandum ad unam vel alteram partem, necessario fateri debet, tam unam quam alteram partem esse probabilem, cum se & ad hanc, & ad illam determinare possit, ergo simul duae opiniones sunt probabiles speculative, atq; practice tam una, quam altera successive amplecti potest.

Dices: In diversis intellectibus potest quidem assensus opinativus esse de utraq; parte contradictionis probabilis, sicq; simul judicari, non tamen in eodem intellectu, ergo. Probat: consequ: Quia si unus intellectus utraq; motiva consideret, & examinet, suspenditur ejus determinatio, & manet dubius, atq; æquilibrium, sicut si in bilance & statera duo æqualia pondera appenderent, nec hinc nec illinc statera inclinatur, quamvis quodlibet separatim illam trahat deorsum. Respond: neg: antec: Quia si in diverso intellectu assensus opinativus contradictionis potest hinc & illinc esse probabilis, etiam potest hoc esse in eodem intellectu, quia motiva habent suam efficaciam æqualem, tam respectu unius intellectus, quam plurium, & intellectus unus habet suam activitatem respectu utriusq; motivi, quod autem postmodum magis adhæreat uni quam alteri, hoc provenit ab imperio voluntatis determinantis intellectum ad hoc, vel illud

sentiendum, nec ante determinationem manet dubius sed formidolosus, si autem practice maneret dubius; tunc si opinari vellet, dubium deponere deberet, stante enim dubio operari nequit.

Arguitur Tertiò: Duæ opiniones non ab extrinseco, nec ab intrinseco possunt esse probabiles, ergo nulla ratione: Probat: antec: non ab intrinseco, quia certum est contradictoria & contraria simul non posse esse vera, vel simul falsa, sed duæ opiniones, quarum una negat, & altera affirmat, sunt contradictoriae vel saltem contrariae, ut dictum est in prænotatis, ergo ab intrinseco non possunt esse simul probabiles, alias possent esse simul verae vel falsae, quod implicat, quia quanto magis unum accedit ad veritatem, tantum alterum recedit: Probat: antec: principale etiam quoad alteram partem, secundum leges & juridicam praxim, quando duo testes æqualis auctoritatis & dignitatis pro parte affirmante aliquid asserunt, & duo alii similis honoris & prærogativæ idem negant, nihil probant, ut habet Glossa in cap: *Licet causam. de probat.*: nec Judex potest uni parti magis, quam alteri assentire, nec potest judicium suum terminare hac viâ, sed alio modo, ergo: Sed in duabus opinionibus possunt sex affirmare aliquid, & alii sex ejusdem doctrinae & probitatis idipsum negare, ergo non poterunt facere, ut illae duæ opiniones sint probabiles. Respond: neg: antec: quia duæ opiniones possunt esse probabiles utroq; modo, vel etiam tertio, nempe una probabilis ab intrinseco, altera ab extrinseco, in quantum auctoritas Doctorum plurium æquivaleret rationi efficaci alterius opinionis. Deinde Respond: ad primam probationem dist: maj: ut supra: Non possunt esse simul verae &c. veritate vel falsitate physica, aut metaphysica, transeat: morali; neg: maj: & distin: similiter min: neg: consequ: Quia probabilitas habet tantum veritatem moralem, intentionalem, & non objectivam,



nam, aut physicam, unde cum in moralibus objecta sint contingentia, & intellectus nequeat ob illam rationem attingere veritatem objectivam ad prudenter agendum, pro hoc statu sufficit habere rationes apparentes, & rationabiles ostendentes hoc aut illud esse prosequendum vel fugiendum. Respondi quoque ad secundam probationem, neg: consequens. Disparitas est: Quia testes in iudicio adhibentur ad attestandum de aliquo facto, seu de quaestione facti, ut infra dicam, ac consequenter si duo affirmant factum aliquod, & alii negant, iudex necessario redditur perplexus, nec unum nec alterum potest credi verum, quia unum est necessario falsum, quia unus necessario mentitur, factum vero non dependet ab alicujus imaginatione, sed a positione effectus per suam causam. Quando autem duo aut sex auctores aliquid affirmant, & totidem alii negant, non versantur in quaestione facti, sed *Juris*, nec ibi adhibentur tanquam testes, sed tanquam legum & obligationum interpretes in quaestionibus juris, an opus aliquod sit licitum, vel illicitum, quod vel per rationes demonstrant, unde quod meliores quis adducit rationes, congruentias & motiva, tanto facit opinionem esse probabilior, quae intellectum ad assensum pertrahere possunt, & si sunt aequales per omnia tam in autoritate, quam in ratione, faciunt utramque opinionem esse probabilem & sufficientem, ut prudenter quis dicatur agere, sive hanc sive illam amplectatur.

V.  
Intellectus  
ex duabus  
opinionibus  
aequalibus  
potest ample-  
cti quam  
vult.

Dico Secundo: *Ex duabus opinionibus aequaliter probabilibus potest intellectus practice cuicunque parti assentire, & primo uni, ac postmodum alteri adhaerere.* Ita Auctores supracitati. Et Probatur Primo: Ex axioma legali *Par in parem non habet imperium*, ergo nec par probabilitas opinionis habet virtutem movendi intellectum magis, quam altera, vel impediendi aut removendi illum ab assensu. Probatur consequens: Quia in aequalitate opinionum nulla po-

test afferri ratio, cur una debeat magis determinare intellectum quam altera, ergo intellectus tam potest uni adhaerere, quam alteri, & modo uni, modo alteri. Confirmatur a paritate de duobus ponderibus aequalibus in bilance positis, unum non trahit bilancem magis deorsum quam alterum, ergo etiam duae opiniones probabiles, quae pari gravitate argumentorum pollent, una non plus determinabit intellectum quam altera, consequenter intellectus amplecti poterit quamcunque voluerit voluntas, vel ipsemet se determinaverit, seu alio pondere motus pertractus fuerit.

Probatur Secundo a Paritate physica: Ita se habet intellectus ad verum & falsum, sicut se habet voluntas ad bonum & malum, sed voluntas potest ex duobus aequalibus bonis, & solum apparentibus esse talia, eligere sibi quodcunque vult, ergo etiam intellectus ex duobus veris apparentibus aequaliter propositis potest amplecti quodcunque voluerit, ab omnimoda paritate, nam sicut voluntas in omne bonum etiam apparens potest ferri actu prosecutionis, ita etiam intellectus potest ferri in verum apparens assensu, qui est ipsius actus prosecutionis. Nec dicas disparitatem esse, eo quod voluntas in utroque objecto inveniat rationem boni, non sic intellectus; non dicas, inquam, quia etiam intellectus in utraque probabilitate invenit rationem veri, licet non objectivi, saltem apparentis & rationalis, unde se habet verum reale, verum apparens, & magis verum ad intellectum, sicut se habet bonum, & magis bonum ad voluntatem, & sic omnia ista vera continentur intra latitudinem objecti intellectus, & hac ratione possunt etiam vocari differentiae & species veri, ab intellectu cognoscibilis, sicut voluntatis differentiae sunt bonum verum, apparens, honestum & delectabile.

Dices: Aliam esse disparitatem, quia voluntas est potentia libera, quae positis omnibus requisitis potest



test agere & non agere, intellectus autem est naturalis, quæ necessario fertur in objectum prout proponitur. Sed contra: Si intellectus necessario fertur in objectum, ergo quando duo objecta æqualiter proponuntur vera, æqualiter potest in utrumq; ferri, ergo si intellectus non potest se determinare nullis adventibus particularibus rationibus determinativis, saltem poterit illa potentia, cuius est eligere, mandare, ut hanc potius quam illam ex duabus æqualibus amplectatur, & modo unam, ac postmodum alteram.

Probat **Tertio**: Intellectus potest assentiri prudenter cuicunq; objecto probabiliter vero, & ut tale cognito, sed in concursu duarum opinionum probabilium, utriusq; objectum est æqualiter propositum ut verum, ergo æqualiter potest uni assentiri nunc, modo alteri: Probat **maj**: Quia intellectus non habet pro objecto solum verum physicum, & metaphysicum, sed etiam apparens & probabile, sicut illius non est tantum scire, sed etiam credere & opinari, ut docet Augustinus & Bernardus ergo in objectum tale potest ferri sub sua propria & formali ratione. **Min**: patet ex suppositione, quod duae propositiones & opiniones sint æqualiter probabiles, consequentia ergo est optima. Sed in contra

Arguitur **Primò** pro Mercoro. Judicare utramq; partem contradictionis esse æqualis probabilitatis, est judicare utramq; partem non minus apparere veram, quam falsam, nam quælibet ex proprio motivo apparet vera, & ex motivo suæ oppositæ apparet falsa: unumquodq; enim motivum quanto magis suam partem facit apparere veram, tanto magis suam oppositam facit apparere falsam, ergo cum ex utraq; parte motiva sint æqualia, utraq; pars apparebit æqualiter vera & falsa, sed nullus potest opinari de opinione, quæ sibi apparet æqualiter vera & æqualiter falsa, cum opinari sit judicare propositionem veram cum solâ

formidine, quod opposita sit falsa, ergo cum in casu intellectus judicat utramq; partem contradictionis esse æquè probabilem, de neutra potest opinari. Respond: **neg**: **majo**: quia falsum est judicare utramq; propositionem esse æqualiter probabilem, esse facere apparere æqualiter veram & falsam, quia utriusq; assensus primò & principaliter cadit expresse super veritatem utriusq; supposito, quod utraq; appareat probabilis ex iudicio intellectus sic opinantis, & sentientis, subsequens autem formido non est actualis, sed aptitudinalis, & radicalis, consequenter illa nullum causat iudicium de falsitate unius aut alterius opinionis, neq; facit dubium, nam formido solum impedit omnimodam certitudinem, non verò determinatum assensum, unde si aliquando contingat quempiam actualiter dubitare, hoc per accidens ex defectu proprii iudicii ob debilitatem ingenii, ejusq; inconstantiam evenit, seu, ut communiter dicimus, ex *ratione opinantis*, non verò ex *ratione ipsius opinionis*, quæ immediate est nata causare assensum, consequenter falsum est, quod æquè primò, & æqualiter demonstret falsitatem ac veritatem, cum falsitas non dicatur inesse, sed tantum mediatè deducitur ex formidine, nè forte subsit in opinione amplexata sit falsitas, & in opposita sit veritas, ergo non obstante formidine potest intellectus judicare utramq; esse probabilem, & proportionatè veram, & consequenter successive unam vel alteram amplecti.

Instat Mercorus, & probat hoc fieri non posse per complura exempla, si mercator pro re vendita exhiberet tibi duas monetas, quarum scires unam esse falsam, licet apparent esse æqualis bonitatis, neutram amplectereris, & contractum potius rescinderes, ergo idem dicendum de opinionibus duabus, ubi sub una est falsitas. Deinde si tibi navigaturo proponerentur duae naves æqualiter apparentes bonæ, quarum tamen unam scires naufragaturam, neutram



neutram conscenderes. Tertiò: Si tibi proponerentur duo pocula, quorum unum esset venenatum, ex neutro biberes. Deniq; in bivio, in quo via una esset subjecta latronum periculo, non procederet, nisi de tutiori primò esses securus, ergò etiam in opinionibus duabus probabilibus nullam poteris amplecti, in qua subesse potest, & subest falsi periculum. Respond: negando consequ: nam omnia allegata exempla nihil simile probant, disparitas enim est manifesta, quia ibi expressè supponitur cognitio certa & evidens, quod in uno ex duobus extremis sit infallibile & certum periculum, quod omninò fugiendum esse prudentia dicat, in opinionibus autem probabilibus nullum tale periculum evidens apparet, imò nec probabile, sed solum timor, formido, & trepidatio quædam, eaq; in confuso & remotè, non quòd periculum subit, sed subesse possit, unde stante determinatione voluntatis sine actuali formidine, intellectus hoc vel illud opinari potest.

**Arguitur Tertiò: Ex Illustrissimo Fagnano:** Ex communi Theologorum sententia, ut quis honestè operetur, necesse est, ut habeat certitudinem saltem moralem de honestate operationis, sed talis certitudo nequit haberi de utraq; contradictoria, in qua ex una parte affirmatur honestas operationis, & ex altera negatur, in casu si utraq; sit probabilis, ergò. Respond: concessi maj: neg: min: cujus falsitas pendet ex radice infecta illius contradictionis suppositæ, quæ tamen negatur in opinionibus probabilibus, nam veritas physica non opponitur veritati morali utriusq; opinionis, sed falsitati physicæ; nam veritas moralis est quidem diversa à veritate physica, non tamen adversa, seu contraria, posse autem circa idem subjectum & objectum versari tam moralis veritas, quàm physica, patet ex eo, quod de eodem possit esse scientia & opinio, per diversa scilicet media, nempe evidentiæ & topica, & sic quoq;

circa idem objectum potest haberi diversa veritas moralis per diversa motiva, ergò.

**Instatur:** Posito, quòd utraq; sit probabilis, & utraq; vera moraliter propter diversa media, implicat tamen, quòd utriq; vel alterutri possit assentiri, ergò: Probatur antec: Quia implicat, quòd se determinet intellectus probabiliter, certò moraliter, & cum formidine ad duo opposita, ergò. Respond: neg: antec: cum sua probatione, aut potius distinguo, determinet se practicè operando, transeat: speculativè approbando, neg: antec: & similiter distin: probat: in actu exercito operando, transeat. In actu signato judicando, neg: antec: Quia quando duæ sunt probabiles opiniones, æquè probabiles, quarum una sit affirmativa aliquam operationem esse licitam, & alia negativa, utramq; intellectus potest judicare, judicio cadente super ipsas propositiones formales, simultate veritatis esse veras, seu in actu signato, non tamen potest utriq; simultate temporis assentire, & dissentire, sed successivè benè, & non quomodo unq; sed posteaquam accesserit aliquod aliud motivum qualecunq; sive extrinsecum sive intrinsecum, ratione cujus ipse operans determinetur potius ad hanc quàm alteram amplectendam, nam ut dicam, nequit aliquis bona operari, nisi ipse operans judicet se nunc & defacto ex dictamine, quod ipse habet in se, posse licitè & benè operari, non verò potest præcisè propter hoc, quòd sciat alios Authores asserere hoc licitè posse fieri. Posse autem voluntatem determinare intellectum, ut hanc vel alteram opinionem amplectatur, etiam sine judicio determinativo, controversatur, mihi videtur, quod sic, unde.

**Dico Tertiò:** *Voluntas ex alto suo dominio, quod habet super alias potentias, potest imperare & præcipere intellectui, ut opinetur quamlibet opinionem sive probabilem, sive probabiliorem, sive amba sint æquales, vel non.* VI. Voluntas potest determinare intellectum, ad quamlibet opinandum. Hæc est omnium, qui tenent probabi-

probabilem sententiam amplecti posse relicta probabiliore, & Probat-  
tur hæc Conclusio Primò : Ex Scri-  
ptura Matth. 21. ubi Christus ad Pha-  
risæos & Judæos ait : *Venit ad vos  
Joannes in via justitiae, & non credi-  
distis ei : publicani autem & meretrices  
crediderunt ei : vos autem videntes  
nec poenitentiam habuistis postea, ut  
crederetis ei.* Actorum 17. *Cum au-  
dissent autem resurrectionem mortuo-  
rum, quidam quidem irridebant, qui-  
dam verò dixerunt : Audiemus te de  
hoc iterum. . . . . Quidam verò  
viri adherentes ei, crediderunt : in  
quibus & Dionysius Areopagita, &  
mulier nomine Damaris, & alii cum  
eis.* Ex quibus sic argumentor : Tes-  
timonia fidei & prædicatio Evange-  
lii est magis credibilis (imò & evi-  
denter credibilis) quam sint omnes  
probabiles & probabiliores opinio-  
nes, sed in propositione obectorum  
credendorum per prædicationem  
potest voluntas præcipere, ut cre-  
dat, vel non credat, assentiat vel dis-  
sentiat, ergò etiam potest idem im-  
perare, & præstare in propositione  
duarum opinionum æqualiter, aut  
etiam magis, vel minus probabi-  
lium, ut unam potius amplectatur  
quam alteram : maj: est certa ex Ps.  
118. *Testimonia tua credibilia facta  
sunt nimis.* Min: liquet ex Scriptura  
assumpta, nam in primo loco arguit  
Pharisæos, quòd non crediderint,  
cùm tamen essent obligati ad cre-  
dendum, si ergò stante obligatione  
intellectus, potest voluntas contra-  
rium præcipere intellectui, multò  
magis quando homo est, vel credit  
se esse in libertate. In secundo au-  
tem loco clarè ostenditur, quòd ali-  
qui positivè dissenserint, alii actum  
judicium suum suspenderint, & ali-  
qui assenserint, ergò si in fide potest  
voluntas imperare, ut hunc potius,  
quam alterum actum eliciat intelle-  
ctus, idem poterit in opinione, & à  
fortiori.

Probatur Secundo Authoritate  
S. Augustini lib. de util. credendi.  
cap. 11. *Tria sunt item velut finitima  
sibi in animis hominum distinctione*

*dignissima, intelligere, credere, opina-  
ri.* Ex qua autoritate sic arguen-  
tor : Voluntas potest præcipere &  
movere intellectum, ut exerceat o-  
mnem speciem operationum, cùm  
dominium plenum habeat super il-  
lam, sed species operationum intel-  
lectus sunt tam opinari, quam crede-  
re, ergò potest etiam imperare, ut  
hunc potius actum eliciat, quam il-  
lum, si ipsi proponantur, motiva &  
rationes convenientes ostendantur :  
Maj: est certa, min: patet : Tùm ex  
Augustino & communi Philosopho-  
rum opinione, consequentia ergò  
est optima.

Probatur Tertiò Ratione morā-  
li : Actus intellectus sunt boni & ma-  
li, meritorii, & demeritorii, & con-  
sequenter liberi, quia nihil bonum  
aut malum meritorium vel demeri-  
torium est, nisi actus honestus vel in-  
honestus, liber, ad DEUM relatus,  
vel à DEO aversus, sed hanc liber-  
tatem, aversionem, vel conversio-  
nem intellectus non habet, nisi à vo-  
luntate, in quantum illi ab ista impe-  
rantur, eliguntur, & præcipiuntur,  
ergò voluntas potest actus intelle-  
ctus facere bonos & malos, & con-  
sequenter ut eliciat actum quemcun-  
que. Infero ulterius, ergò potest vo-  
luntas facere, ut intellectus operetur  
ex bonis & malis motivis, ex levibus  
& gravibus argumentis : Probatur  
hæc consequ: Temerarium judici-  
um est peccatum, unde Christus  
Matth. 7. dicit : *Nolite judicare, ut  
non judicemini,* judicium verò pium,  
seu probum sentimen de proximo  
est bonum, tam diu censendus quis  
esse bonus, usque dum probetur malus,  
sed judicium temerarium innititur  
levibus argumentis, & bonitas gra-  
vibus v. g. possessionis suæ famæ, &  
bonitatis publicæ, ergò voluntas  
potest, relictis gravibus rationibus,  
præcipere intellectui, ut judicet se-  
cundum leviores : An autem hoc  
benè vel malè fiat, licitè vel illicitè  
hic præscindo, nam primò in gene-  
ralibus examino, quid intellectus  
possit, in sequenti autem disputatio-  
ne discutiam, an licitè possit volun-  
(\*) U u u u tas

tas minus probabilem opinionem imperare relicta probabiliori. Pro nunc

Dices: Temerè judicantes non judicare ex motivis levibus quàm talibus, sed gravibus saltem sibi apparentibus, ergò ex hac ratione non potest colligi, intellectum posse assentire opinioni minus probabili. Respond. neg. consequ. Quia si revera judicantes temerè crederent, esse motiva urgentia & gravia, non peccarent, quia laborarent ignorantia, quæ ipsos exculparet, quod tamen dici non potest, alioquin tolleretur peccatum temerarii Judicii. Quod si instas, illos peccare ob pravam dispositionem voluntatis, quia licet id quandoque contingere possit, quòd ex pravo affectu existiment grave esse, quod revera erat leve, frequentius tamen benè advertunt temerè judicantes, longè majores rationes esse pro innocentia hominis, & opposita indicia non esse tam solida & fundata, quæ possint movere intellectum ad tam certum assensum, & tamen tunc temerarium format judicium, ergò ex libertate & imperio voluntatis totum procedit hoc judicium.

Probatum Conclusio Quarto Ratione naturali: Quotiescunque concurrunt plures opiniones æqualiter probabiles, vel etiam magis & minus tales, occurrunt motiva tam ad assensum quàm ad dissensum, vel etiam ad suspendendum omnem actum, ergò debet determinari ab aliquo, non ab alio, quàm à voluntate, quæ vel præcipit intellectui, ut meliora argumenta exquirat ad assentiendum, vel ut actum suspendat, vel ut dissentire possit, prout ex uno vel altero argumento magis sibi bonum, vel commodum sequi possit, ut pulchrè docet Scotus in 3. d. 36. quæst. un. ubi docet, quòd malitia dupliciter possit excoecare intellectum uno modo privativè, alio modo positivè. Privativè, quia avertit à consuetudine recta: voluntas enim eligens oppositum alicujus rectè dictati, non permittit intellectum diu stare in il-

lo recto dictamine, sed avertit ipsum ab illo, & convertit ad considerandum rationes pro opposito, si quæ possint esse sophisticæ vel probabiles, saltem avertit ad considerandum aliud impertinens, ne stet illa actualis displicentia, quæ stat in remorsu illo, qui habetur in eligendo oppositum dictati.

Arguitur in contra: Implicat, quòd oculus judicet esse objectum aliquod album, quod sibi videtur similis nigro, ergò etiam implicet, quòd intellectus judicet esse verum, quod apparet similis falso: Subsumo, sed in concursu probabilis & probabilioris, probabilis videtur verisimilior falsa, & probabilior verisimilior vero, ergò implicat, quòd intellectus probabilem amplectatur relicta probabiliori. Respond. neg. consequ. Disparitas est: Quia objectum similis nigro cognitum ut tale, facit judicium & cognitionem experimentalem & realem, prout est objectum in se, nec enim unquam contigit similia nigro esse alba, cognitio verò opinionis probabilis non oritur ex reali subsistentia veritatis, nec ex motivo infallibili, sed fallibili & contingenti, adeoque potest unam & alteram amplecti. Nec unquam contingit similia nigro esse alba, benè tamen similia vero esse falsa.

Arguitur Secundo: Voluntas non potest determinare potentias sibi subordinatas nisi ad bonum potentiarum, sed determinare intellectum ad minus probabilem opinionem est determinare ad malum intellectus, quia est determinare probabilius ad falsum, ergò. Respond. distin: maj: Voluntas rectè & justè operans, conc: maj: voluntas depravata, & sua libertate abutens, aut suum bonum commodum, vel delectabile attendens, neg: maj: nam intellectus frequenter meliora proponit, & voluntas approbat, deteriora tamen sequitur, unde præclarè docet Doctor subtilis citatus stante judicio recto in intellectu, voluntatem posse facere pravam electionem, & etiam



etiam intellectum avertere à cognitione honesti, & imperare intellectui ad inveniendas sophisticas rationes, ad excusandas excusationes in peccatis.

Instatur : Intellectus, quantum est de se, semper adhæret veritati, ad quam naturali pondere inclinatur & fertur, ergo nec per voluntatis imperium potest à probabiliore averti, quam cognovit esse veriore, vel verosimiliorem. Respond: distin: antec : Intellectus adhæret veritati

evidenti, reali, & objectivæ, conc: antec: Veritati contingenti, quæ non nisi probabilibus innititur motivis, neg: antec : & consequ: in his enim voluntas potest imperare, ut amplectatur unum aut alterum, an autem benè faciat & licitè operetur taliter determinando intellectum, in hac quaestione præscidi, sed examinabo in sequenti, hic enim non egi nisi de naturali suo posse, postea de morali licetate, quod enim licitè non facimus, fieri non posse dicimus. pro quo sit

=====

## DISPUTATIO SECUNDA

### Licito Probabilitatum Usu.

**I**ctus quasi theologicus Mundus pluribus conclamaverat annis licitum esse probabilitatis usum, non quomodocumque, sed etiam in concursu alterius opinionis probabilioris, ita videlicet, ut si duæ opiniones concurrerent, quarum una staret pro libertate naturæ humanæ, quæ esset probabilis : & altera, quæ staret pro lege, sive æterna, sive temporanea, quæque foret probabilior, licitum esse hanc deferere, & amplecti alteram; Quia tamen nimia ista benignitas, & favorabilis indulgentia plures generavit abusus, Christianæ disciplinæ remissiones, & quasdam planè exorbitantias, ipsimet Benignistæ sententiam libertati contra legem nimium faventem diversimodè modificaverunt, & etiam complures viri zelosi tollere conati sunt, inter quos primus solenni scripto hanc sententiam refutavit Candidus Philalethus Presbyter Genuensis, evulgavitq; libellum, & *Disputationem de Praxi opinionum*, in qua 20. argumentis probat, non esse licitum minus probabilem partem amplecti, relicta probabiliore; edidit suum opus primò Madriti Anno 1645.

2. Antonius Merenda Foroliviensis, Juris Consultus, Papiæ & Bononiæ publicus Juris Interpres, edidit librum intitulatum *Di-*

*ssutationes de consilio*; in quibus invehitur contra tenentes opinionem probabilem relictâ probabiliore, prodiit in lucem Anno 1655. dividit illud in duas partes, quarum primam vocat Præfationem, alteram Disputationem, sed vix ullo servato ordine, qui etiam docet, in nullo casu sequendum esse minus probabilem, excepto *De duobus malis, minus est eligendum*.

3. Julius - - Mercorus, Natione Cremonensis, professione Dominicanus, officio Inquisitor Mantuæ, composuit opus eruditum, cui titulus: *Basis totius Theologiae moralis*.

4. Illustrissimus, ac Reverendissimus D. Prosper Pagnianus, insignis Juris Consultus, Romæ utriusque Signaturæ Referendarius, qui tribus Pontificibus Urbano VIII. Innocentio X. & Alexandro VII. in gravissimis negotiis servivit. Novissimè autem accedit

5. Reverendissimus P. Thyrsus Consalez S. I. Præpositus Generalis in suo fundamento Theologiæ moralis, seu tractatu, *De recto Ufu Opinionum Probabilium* edito 1694. cujus tamen opus videre fortunam diu non habui, quod etiam non nisi perfunctoriè revolvere valui, magna tamen satisfactione. Hi omnes licentiosam hanc opinandi libertatem acerrimè oppugnant, quamvis Reverendissimus P. Præpositus Generalis rigorem suum satis modificet, in quo Zelum suum pariter, & discretionem palàm contestatur, itaque ad rem scholastica & ordinaria methodo mea proponendam aggredior; sit igitur:

### QUÆSTIO PRIMA.

*An Probabilitatum usus sit novus,  
& recens inventum?*

I.  
Opinio-  
num diver-  
sitas circa  
probabili-  
tatis usum.



**I**mpugnatores opinio-  
nis probabilis jacti-  
tant, nullum ex anti-  
quis Patribus, Theo-  
logis, juris professori-  
bus doctrinam ali-  
quam tradidisse de libera electione  
opinionis probabilis in moralibus,  
eò quod cognoverint, judicium pro-  
babile non posse assumi pro regula  
rectè operandi, adeoque opinio pro-

babilis non est regula sufficiens acti-  
onum humanarum, ita Fagnanus,  
Merenda, qui ante se vix 30 annis  
incepisse de probabilitate doctri-  
nam ait; Mercorus, qui pro se & su-  
â sententiâ, *Peccatum scilicet, esse se-  
qui opinionem probabilem, relictâ pro-  
babiliore*, non nisi viginti tres Doc-  
tores, inter quos sunt quatuor San-  
cti Patres, citat part: 2. art: 26. &  
sunt sequentes: S. Augustinus *de  
doctrina Christiana* lib: 2. S. Antoni-  
nus part: 3. tit: 3. cap: 10. Armilla V.  
*Opinio*. Adrianus *de restitut*: 4. An-  
gelus q. 1. Antonius Merenda *de Cō-  
silio*. Cajetanus V. *Opinio* Comitulus  
L. 1.



*Quaest. I. An Probabilitatum usus sit novus, & recens inventum?* 711

L. 1. q. 13, Corduba L. 2. q. 3. Corrad: de contr. 1. 7. q. ult. Candidus Philalectus de elect: praxi. Gerson tract: 36 Gravina in Cherubin Paradisi. Henricus quodlib: 4. q. 33. Joannes Major in 4. q. 1. tom: 3. S. Joannes Chrysostomus homil: 4. in Matthaeum. Navar. C. 37. Paulus Fraxinellus de obligat: Missar: Pegrinus to: 3. C. 1. n. 10. S. Thomas quodl: 8 art: 13. Tabiena V. Dubium. Scotus in 4. dist: 1. q. 6. Et Sotus l. 3. de just: q. 5. & 6.

Pro contraria sententia nihilominus contra se citat sexaginta Doctores, ubi tamen ut suam doctrinam repudiantem opinionum probabilitatem mordicus defendat, aliam ponit quaestionem: An videlicet Authores sui tanquam antiquiores, abstrahendo ab eo, an sint pauciores vel plures sint? majoris auctoritatis sint, quam citati pro opposita parte, & affirmativè respondet, supponendo auctoritatis gradus in scriptoribus non esse arithmeticè computandos secundum ipsorum pluralitatem, sed secundum qualitatem, & bonitatem, ratione cujus fundant praesumptionem, quod veritatem doceant, hujusmodi autem praesumptiones sunt sequentes: *Verisimilitudo, Sinceritas, Ratio & Concordia* ipsorum in attestanda veritate, quas habere asserit suos Authores, qui omnes asserunt, non esse licitum sequi opinionem minus probabilem minúsque tutam absque peccato mortali, relictâ probabiliore & tutiore.

Præter sexaginta Authores, qui contrarium docent, quosque Mercorus contra se citat, scilicet licitum esse, & absque peccato posse hominem in omni quasi casu sequi probabilem relictâ probabiliore, eandem amplectuntur Caramuel, Sperellus, Vericellus, Castillus, Sotó major, Hurtadus, Passerinus, Armilla, Hermannus Busebaum, Thomas del Bene, Sotus, Sylvester, Angelus Bosius, Spinula, Albertus Magnus, Innocentius in cap: *Ne innitaris* de Constit: aput Spinulam quos citat Bordonus.

Inter has duas extremas senten-

tias est tertia media, docens in actionibus humanis ordinariè occurrentibus, ut prudenter quis agat, posse licitè & rectè sequi opinionem probabilem dictantem aliquid esse licitum & honestum, etiam relictâ probabiliore & tutiori, in rebus tamen valdè gravibus, & magni momenti non licere sequi opinionem probabilem relictâ tutâ & probabiliore, unde diversimodè Authores sententiam suam limitant, aliqui, non licere in materia Sacramentorum; alii ubi damnum versatur tertii; salus corporis aut animæ periclitatur, unde Confessarius, Judex, Medicus, Advocatus dicuntur non posse relinquere tutam opinionem & probabiliorem, & amplecti minús probabilem. Pro hac sententia citantur Scotus, D. Thomas, & sequuntur Vulpes noster, Matrius, Pontius, Sannius, Suarez, Vasquez, Sanchez, Medina, Pasqualyus, Tannerus, Salado, Lezana, Valentia, Becanus, Arriaga, Aversa, Amicus, Oviedo & plures alii. His præmissis

Dico Primò: *Probabilitatum usus in actu exercito non est bujus seculi inventum novum, nec prioribus temporibus fuerunt pro peccatoribus habiti, qui probabili usi sunt opinione, quamvis in actu signato ipsa doctrina circa finem prioris, & initium bujus seculi decimi septimi magis clarescere ceperit.* Hæc est contra Merendam, Mercorum, Fagnanum, & est conformis secundæ & tertiæ sententiæ.

Probatum Primò: Quod est naturæ humanæ seu congenitum, seu ex originali culpa appropriatum, non potest dici novum inventum, sed opinari magis & minus probabiliter est naturæ nostræ pro statu isto proprium: maj: patet: probatur min: Quia per peccatum Adami perdidimus scientiam perfectissimam, quam ipse habuit, & nos habuissimus, si non peccasset, & successit ignorantia; ut est certissimum; quæ defacto statui nostro est propria; ergo etiam opinio est propria: probatur consequ: Quia opinio oritur ex ignorantia, ideo enim opinamur;

Uuuu 2

quia

17.  
Probabilitatum usus non est inventum novum.



quia nescimus, & ideo opinio habet sibi annexam formidinem radicalem, quia ignoramus an verum sit, & timeamus, ne forte oppositum verum sit, ergo opinari naturæ nostræ lapsæ quodammodo proprium.

Confirmatur ab Experientia, Quia videmus intellectum nostrum non solum in moralibus, sed etiam in pluribus naturalibus valde obtenebratum, unde homines non valentes habere scientiam, ad minus opinantur, constat proinde tantam esse opinionum abundantiam, quanta est scientiarum perfectarum penuria, ita ut vulgò sit proverbium *Mundus opinionibus regitur*. Et hoc bene, nam etiam opinioni sua inest veritas, ut docet Aristoteles 6. Ethic. cap: 9. *Et opinionis, quod rectum est, appellatur veritas*. Præterea jam definitum est, & certum id omne, de quo est opinio, ergo opiniones valent ad regulandas actiones humanas, & ad totum regendum mundum, ex naturæ humanæ conditione pro isto statu.

Nec obstat ignorantia, ex qua oritur formido, & hæc iterum tanquam propria passio inest formidini, quia hæc ignorantia non est culpabilis, sed potius invincibilis, & inculpabilis, quæ per adhibitam diligentiam vinci totaliter non potest, quamdiu latet physica & naturalis veritas, ac proinde talis operando juxta opinionem non peccat, sed bene operatur, ut docet D. Augustinus lib: 3 de lib: arbitr: cap: 20. *Hanc ignorantiam & difficultatem studiosis & benevolis evincendam ad coronam gloriæ valere, Deum præstare, & cap: 22. ait: Non enim quod naturaliter nescit, & naturaliter non potest, hoc animæ deputatur in reatum: sed quod scire non studuit, & quod dignam facultatē comparandæ ad recte faciendum operam non dedit. Loqui enim non nosse, & non posse infanti naturale est: quæ ignorantia difficultasq; sermonis non modo inculpabilis sub grammaticorum legibus, sed etiam humanis affectibus blanda, & grata est.*

Probatur conclusio 2. Non potest dici novum inventum, quod in scriptura sacra invenitur fundatum, ab Apostolis practicum, & autoritate jurium roboratum, ac à Patribus sanctis frequentatum, sed usus opinionis etiam minus probabilis invenitur in Scriptura sacra, & in iuribus tam pontificio, quam imperatorio, ergo: major patet de se, probatur min: quoad singulas partes, & primò Opinionem usum esse in Scriptura sacra fundatum, nam Danielis 10. fit mentio de Principe Persarum, Principe Græcorum, & Michaële Archangelo auxiliante: *Princeps Regni Persarum restitit mihi viginti & uno diebus*, quod dicit Gabriel Angelus, Custos & Princeps Judæorum captivorum, qui duo Principes Angeli, duas habuerunt contrarias opiniones, nam Princeps Persarum opinabatur, Judæos adhuc detinendos in Perside ex duplici motivo; Primò, ut Persæ à Judæis discerent cultum veri Dei: secundò, ut Judæi meliores fierent in adversis, quam fuerant in prosperis: Tertiò, ut peccata antiqua afflictionibus & captivitate sua expiarent. Econtra autem Princeps Græcorum, & Custos captivorum Judæorum opinabatur Judæos esse statim dimittendos, ne in Perside remanentes paulatim diffuerent ad mores Persarum, & relicto verò Deo ad Idolorum cultum se converterent, quia opinionem suam una ratione solum fultam tuebatur tanquam veram & justam, ergo usus probabilitatum est planè antiquissimus, & nequaquam novum inventum. Similiter David & Saul erant diversæ opinionis inter se, nam Saul existimabat Davidem esse puerum non valentem resistere Giganti Goliath, & David credebatur, seu opinabatur, se esse sufficientem, quia ursum & leonem occidisset.

Dices cum Merenda: Diversas esse Patrum expositiones de duobus illis Angelis, quæ ad præsentem materiam non faciunt, omnes tamen in eo conveniunt, diversitatem illam sententiarum ab Angelis Deo pro-

III.  
Angeli habent divinas opiniones.



propositam fuisse per modum precationis, quæ sic pendeant à futuris eventibus, ut possent prudenter variare in suis desideriis, quæ DEO absolute subjiciebant. Sed contra, si illa Angelorum discordia fuit oratio, siue deprecatio, illa tamen habuit ortum ex diversitate opinionum, rationum, & motivorum, unde quod divinæ voluntati desideria sua subjecerint, etiam facit, quia diversimodè opinati fuerunt, nam ad præsens parum refert, conditionatè vel absolute operari ad DEUM respectu opinionum, Quia DEUS se accommodat arbitrio hominis, nec illi imputat ad culpam, quando bona fide agit, putans benè operari, dum agit juxta regulam probabilitatis.

Dices Secundo cum Candido:

Illos duos Angelos non fuisse opinatos, nam fuerunt duo Advocati Persarum & Judæorum, sed advocati quando causas suorum clientum proponunt, non opinantur, quia definitivè non adhærent, neque judicant, ergo nec etiam Angeli fuerunt opinati, sed tantum quilibet suam causam coram DEO proposuit. Respond. neg. min. Quod advocati proponentes causam suorum clientum non opinantur, imò quàm maxime hoc faciunt, quia stabiliunt opiniones suas motivis, & mediis, quibusq; melioribus possunt, unde si illi duo Angeli non fuissent opinati, non fuissent ad se invicem altercati, ut textus loquitur: *Restitit mihi viginti & uno diebus*, & sicut ad advocatos non pertinet ferre sententiam, sed ad judicem, ita non erat Angelorum definitivè adhærere suæ opinioni, quamvis revera sic senserit unus contra alterum, sed ad DEUM, qui ut æquissimus Judex resolvit pro opinione minus probata, scilicet pro remissione populi Judaici à dura Persarum captivitate.

Probat Secunda Pars principalis majoris, Ex novo Testamento, nam ut legitur in Epistola ad Gal. 2. Petrus & Paulus in eadem fuerunt opinione, quod eis simulatè liceret judaizare cum Judæis, & cum Genti-

libus conversis ad fidem Christi, & de Petro quidem patet in dicto capite, de Paulo autem ex Actibus Apostolorum cap. 16. ubi legitur, circumcidisse Timotheum, & cum Judæis fuisse purificatum, & uterque faciebat ex hoc motivo, quod ista simulatione esset utilitas ad conversionem, & secundo, ut Judæi & Gentiles facilius ad se invicem convenirent in eadem lege utriusque Testamenti, postmodum verò D. Paulus relinquens dictam opinionem Petri, videns talem simulationem amplius non esse necessariam, denegavit illis usum Legalium tanquam perniciosum Evangelio, quia credere potuissent Gentiles, aut observantiam Evangelii non esse necessariam, sed solum Legis Moisaicæ, vel potuissent existimasse, se obligatos ad utramque Legem observandam, unde postea reprehendit Petrum, & D. Petrus celebravit Hierosolymis Concilium super Legalium observantiam, attamen in priori opinione simul manserunt usque ad annum Christi 51.

Confirmatur ex D. Paulo Apostolo ad Rom. 14. ubi dicit: *Infirmum autem in fide assumite non in disceptationibus cogitationum*, - - *Nam alius judicat diem inter diem: alius autem judicat omnem diem: unusquisque in suo sensu abundet*; ubi clarè docet Doctor Gentium, infirmum in sua opinione assumendum, & non in disceptationibus cogitationum, nè forè deserat fidem, & unumquemque dimittendum suæ conscientiae, ut præclare Apostolum interpretatur noster Lyranus.

Probat Tertia Pars majoris principalis ex Jure Canonico, seu Pontificio Cap. *Litteras 13. de Restit. Spoliat.* ubi ex allatis duabus propositionibus ibi, neutram reprobat dicens: *Nos autem ad præsens nullam ex prædictis sententiis reprobamus, nec cuiquam illarum aliquod præjudicium ex nostra responsione volumus generari*, ergo usus probabilis propositionis & licitus est, & antiquus. Secundo ex cap. *Ego solis. 5. dist. 9.* ex D. Augustino supra cit. q. 1. in soluti

argu-

IV.  
Tunc de  
Paulo in  
opinionibus  
concordabant,  
& discordabant.

argumenti secundi. Item ex cap. i. de homicid. in 6. ubi dicit, assassinos probatos tales per probabilia argumenta, eò ipso incurrere sententiam excommunicationis, dicens: *Et postquam probabilibus constiterit argumentis, aliquem scelus tam execrabile commississe, nullatenus alia excommunicationis, vel depositionis, seu diffidationis adversus eum sententia requiratur*: ex quo loco non solum deduco, probabilitatum usum esse antiquum, sed etiam probabilitatem in positivo esse sufficientem ad mortem alicui inferendam, ergò etiam erit sufficiens ad actiones humanas dirigendas ab omnimoda paritate.

Dices: In præcitato loco esse sermonem de morte temporali, non valet autem argumentatio à minori ad majus, sed salus & mors animæ major est, & gravior, quam corporis, ergò ad illam non valet paritas, consequenter licet ex probabilibus possit mors corporis inferri, nequit tamen mors animæ per usum probabilitatum. Resp. neg. maj. Quia licet non valeat in mandatis ex jure, & quando est diversa ratio, aut etiam in privilegiis, ut infra dicam in locis topicis opinionum; valet tamen in casibus eandem rationem habentibus, ut hic est, quod clarè colligitur ex *Authent. multò magis, Cod. de SS. Eccles.* Et Glossa, in *Clement. de Religios. & V. Profecto*; & ita docet quoque Farinacius. Deinde negatur suppositum min. per usum probabilitatum inferri mortem animæ, quia eo ipso, quod est opinio probabilis omne mortis periculum aufert ab anima.

Probatur Quarta Pars majoris principalis argumenti, de jure Imperatoris, l. i. §. *Sed neque. Cod. de veteri jure enuclean.* ubi dicitur: *Sed neque ex multitudine authorum, quod melius & equius est judicatote, cum possit unius forsitan, & deterius sententia, & multos, & majores aliqua ex parte superare*; ergò jam tempore Justiniani, qui cœpit regnare anno Christi 527. jam fuit usus opinionum probabilium, nam in allegato loco

clara fit mentio de opinionibus tam plurium, quam unius authoris, atq; docet unius authoris sententiam posse superare plurium, quia potest habere solidiores, efficaciores, & subtiliores rationes, quam plures, in quo consistit probabilitas intrinseca, in numero authorum verò, sola est extrinseca. Adde l. i. *vers. sed verior. ff. de contrab. Empt. & Instit. ejusdem tit. §. Item pretium*, ubi distinguitur inter opinionem verior, & veram, & primam amplectens secundam non reprobat, ergò probabilitatum usus est antiquus.

Probatur denique major argumenti quoad ultimam partem, nempe Patres etiam tenuisse probabilitatum usum, & unam opinionem post aliam fuisse amplexatos, ex quibus sufficit Augustinus unus audiri, nam suo tempore duplex erat opinio, una tenens neminem cogendum esse ad fidei unitatem, sed rationibus esse persuadendum; altera verò asserbat, hereticos autoritate seculari non solum posse, sed etiam debere ad fidem compelli, itaque S. Doctor epist. 48. ad Vincentium prope medium, tom. 2. sic de se loquitur: *Mea primitus sententia erat, neminem ad unitatem Christi esse cogendam, verbò esse agendum, disputatione pugnandum, ratione vincendum, ne fideos catholicos haberemus, quos apertos hereticos noveramus, sed opinio mea non contradicentium verbis, sed demonstrantium superabatur exemplis: nam primò mihi opponebatur civitas mea, quæ cum tota esset in parte Donati, ad unitatem catholicam timore legum imperialium conversa est, quam nunc videmus ita hujus vestre animositatis perniciem detestari, ut in ea nunquam fuisse credatur. Ita alia multe, quæ mihi nominatim commemorabantur, ut ipsis rebus agnoscerem, etiam in hac causa rectè intelligi posse, quod scriptum est. Da sapienti occasionem, & sapientior erit. Vide duplicem opinionem, quarum unam fundatam dicit in verbis, alteram in exemplis, utramque probabilem, neutram falsam, primam tenuit primitus,*

Infidelis  
ad fidem  
posuit  
compelli.  
Opinio est  
Augustini.



mitus, postmodum alteram, in nulla tamen erravit. Idem refert aliam opinionem duplicem de baptismo Catechumenorum, de quo infra.

IV.  
Exempla  
Regum re-  
luctum  
DEI, cul-  
sum.

Unde etiam argumenta oppositæ sententiæ probabilis postmodum in epist. 50. ad Bonifacium circa medium tom. 2. sic solvit: Quod enim dicunt, qui contra suas impietates leges justas constitui nolunt, non petiisse à regibus terræ Apostolos talia, non considerant aliud fuisse tunc temporis, & omnia suis temporibus agi. Quis enim tunc in Christum crediderat Imperator, qui ei pro pietate contra impietatem leges ferendo serviret, quando adhuc illud propheticum complebatur: Quare fremuerunt gentes, & populi meditati sunt inania? Astiterunt reges terræ, & principes convenerunt in unum adversus Dominum, & adversus Christum ejus. Nondum autem agebatur, quod paulò post in eodem Psalmo dicitur: Et nunc Reges intelligite, erudimini, qui judicatis terram, servite Domino in timore, & exultate ei cum tremore. Quomodo ergò Reges Domino serviunt in timore, nisi ea, quæ contra jussa Domini sunt, religiosa severitate prohibendo atque plendendo? Aliter enim servit, quia homo est, aliter quia etiam rex est: Quia homo est, ei servit vivendo fideliter: Quia verò etiam rex est, servit leges justas præcipientes, & contraria prohibentes convenienti vigore sanciendo: Sicut servivit Ezechias lucos & templa idolorum, & illa excelsa, quæ contra præcepta DEI fuerant constructa destruendo. Sicut servivit rex Ninivitarum, universam civitatem ad placandum Dominum compellendo. Sicut servivit Darius idolum frangendum in potestatem Danieli dando, & inimicos ejus leonibus ingerendo. Sicut servivit Nabuchodonosor, de quo jam diximus; omnes in regno suo positos à blasphemando DEO lege terribili prohibendo. In hoc ergò serviunt Domino reges in quantum sunt reges, cum ea faciunt ad serviendum illi, quæ non possunt facere nisi reges.

Probatur Secunda Pars de actu signato, Quia nec in D. Thoma, nec

Scoto, nec aliis antiquioribus Theologis invenitur materia probabilitatum sic examinata, prout moderno emoriente sæculo discutitur, & ventilatur, ergò signum manifestum probabilitatum usum in actu signato cum fine prioris sæculi & hujus principio magis in scholis examinatum, & traditum esse, quàm olim practicum: Antec. de D. Thoma patet, quia in illo non invenitur altera doctrina circa hoc, nisi quodl. 2. art. 13. ubi resolvendo quæstionem, An ille, qui habet plures præbendas, peccet? Tripliciter respondet, Primò, si talis agat contra legem DEI per magistros propositam, peccat, licet non agat contra conscientiam: Aut si est vera opinio, quam sequitur, attamen in conscientia contrarium sentit, peccat etiam, quia licet non agat contra DEUM, agit tamen contra conscientiam. Aut nec contra legem est, nec contra conscientiam est, operatur tamen cum dubio, & tunc etiam peccat, quia propter dubium exponit se periculo; ex quo manifestè patet, illum materiam hanc ex professo non tradidisse. Similiter nihil deprehendo in Scoto, imò in 1. d. 3. q. 4. §. quantum ad secundum amplectitur rationem Philosophi tanquam bonam 4. Metaph. ubi vult, quod oppositum primi principii, scilicet hujusmodi, impossibile est idem esse & non esse, non potest venire in intellectu alicujus: quia tunc essent opiniones contrariæ simul in mente, quod utique verum est de opinionibus contrariis, id est, repugnantibus formaliter, quia opinio opinans esse de aliquo: & opinio opinans non esse de eodem, sunt formaliter repugnantes: alias parum vel nihil inveniatur in ipso. Similiter nec apud Fabrum, nec Arctinum, Vulpem, & alios antiquiores quidquam particulare inveni, præter Antonium Cordubensem, qui in suo quæstionario Theologico, quod anno 1571. editum fuit, uti colligo ex regio decreto, dato nominato anno, die 26. Januarii, nam ego habeo ad manus editionem Tarvisinam, de anno 1604. ubi lib. 2. q. 3.

(\*) XXXX

quærit



quærit : *Utrum sit tutus in conscientia, qui sequitur opinionem aliquorum Doctorum, si contingat, quod eos sequendo erret?* Atque resolvit, & ponit primam conclusionem talem: *Quando opinio probabilior definit, quod secundum se à parte rei tutum est, & condemnat oppositum, tunc necessario talis opinio tenenda est.* . . . & exemplificatione factâ subjungit: *Et in hoc omnes Doctores consentiunt,* ergo signum est, quod tunc temporis de probabilitate minori quæstionem nondum examinaverint Doctores, alioquin de opinione probabiliori non posset dicere *omnes consentire.* Quando ergo D. Thomas & Scotus opinionibus probabilibus usi fuerunt relicta probabiliori fecerunt, tunc in sensu, à me in disputatione tertia, explicando, quia ipsi in propria mente judicârunt hoc esse verisimilius, non verò attenderunt ex aliorum mente, sine rationum examinatione & sine diligentia. Quo tamen non obstante progredior ultra, &

sive physicis, sive moralibus, in his enim isti excellunt.

Probatur Secundò ex Edicto Theodosii Imperatoris ad annum 435. dicentis : *Ubi di-versæ sententiæ proferuntur, potius numerus vincat Authorum,* atqui Authores defendentes probabilitatum usum excedunt numero oppositos, nam Mercorus pro se citat solummodò viginti tres authores, & pro nostra opinione ultra sexaginta, quibus Bordonus superaddit alios quadraginta unum, ut habet in suo propugnaculo cap. 6.

Probatur Tertiò : Quia recentiores Authores omnes habent præsumptiones pro se, quas pro suis, ut ait, antiquioribus allegat Mercorus, nam habet *verisimilitudinem*, eo ipso quod habeant probabilitatem, quia verisimilitudo, & probabilitas idem sunt, nam Cicero lib. I. de Juvent. dicit : *Probabile esse id, quod habet in se quandam similitudinem ad hoc*, unde etiam verisimilitudo & probabilitas à Gratiano cap. 878. n. 16. dicuntur cognata naturæ, id est, conformia legi naturali & æternæ divinæ. Deinde Doctores recentiores habent etiam *Sinceritatem*, quia indefesso studio scrutantur veritatem; Habent quoque *Rationem*, Quia probabile in opinione excludit dubium, & includit certitudinem, ac veritatem, & consequenter rationem, nullibi enim veritas esse potest absq; ratione, eo ergò ipso opinio probabilis est, rationabilis est & non irrationalis, adeoque conformis rectæ rationi, ac proindè sequentes opinionem probabilem, sequuntur dictamen rectæ rationis, quæ non potest non dictare de non licitate & honestate objecti, & operationis. Confirmatur : Quia probabile infert veritatem, ergò rationem, quia illa fundatur in ratione : Probatur antecedit. Quia si non infert veritatem, ergò falsitatem, sed hoc est absurdum, nimirum quod illud, quod est probabile, sit falsum, quia esset probabile, ex suppositione : & non probabile ex supposita falsitate, necesse

VII.  
Authores  
recentes  
aque vera-  
ces sunt, ac  
veteres.

Dico Secundò : *Malè dicitur, sententiæ & opiniones recentiorum Authorum non habere eandem veritatem, ac etiam majorem, quàm habeat doctrina antiquorum, quamvis in allegatis præsumptionibus sit fundata.* Hæc est omnium Probabilistarum, & Probatur Conclusio Primò : Ex Scriptura Danielis 12. *Tu autem Daniel claude sermones, & signa librum, usq; ad tempus statutum : plurimi pertransibunt, & multiplex erit scientia.* In quem locum D. Hieronymus Homil. 9. in Ezechiel. dicit : *Quantò plus approximabit finis sæculi, tantò magis DEUS mittet acutissimos Doctores, quos illustrabit singulari ingenio plusquam prædecessores,* ergò recentiores non minus æstimandi sunt quàm antiquiores, sed multò magis : concedo quidem in materia fidei & traditionum Apostolicarum, quæ ad nos per manus illorum pervenerunt, Antiquiores utique, qui vicinioribus temporibus Christi & Apostolorum fuerunt, esse præferendos, non tamen in doctrinis aliis,



cesse ergo est, ut probabile inferat verum, & rationem.

Probatur denique, Authores opinionum, & probabilitatum habere quoque *Concordiam*, quam Mercorū requirit, & praesumptionem fundare dicit, quia omnes docent, probabile sub forma probabilitatis univocè convenire probabili opinioni, & probabiliori, & simul docent utramque sub ratione probabilitatis esse sufficientem regulam actionum humanarum, sicut genus praedicatur de omnibus speciebus perfectis & perfectioribus, animal de homine & asino, &c. ergo sunt in hoc concordēs, quod verò in tradenda hac probabilitatum doctrina procedant declarationibus, ampliationibus, & restrictionibus juxta materiae exigentiam, hoc provenit, ex natura rerum moralium, quae pro objecto habent ipsa singularia variis subjecta circumstantiis & conditionibus, consequenter haec non obstant concordiae in sensu, & univocationi in rebus. His igitur duabus praemissis conclusionibus, quibus liberavi Probabilitatum doctrinam ab indebitis censuris, nunc ad rem progrediendo, sit

## QUAESTIO SECUNDA.

*An Probabilitatum usus sit licitus?*

**H**ic est Scopus totius difficultatis, & praesentis Disputationis, & quidem si opinio probabilis consideretur, separatim, & secundum se, nemo ambigit, illam esse sufficientem humanarum actionum regulam, cum in moralibus contingentibus, mille varietatibus obnoxiiis, certitudo Physica, realis, & naturalis haberi nequeat, prudenter agit, quisquis ex opinione probabili operabitur: Ast controversia est de opinione probabili conjunctim accepta, in concursu alterius opinionis probabilioris, liceat hac relicta alteram amplecti? Ad quod resolutivè

Dico Primò: *Ad regulandas actiones humanas ordinarias sufficit conscientia probabilis, unde voluntas licite potest inter opinionem probabilem & probabiliolem frequenter eligere quaecunque voluerit, & etiam relinquere probabiliolem.* Hæc est Authorum pro secunda & tertia sententia citatorum, & colligitur ex Doctore subtili in 4. d. 6. q. 8. vers. *Et si dicas*, ubi loquens de opinione probabili excusat à censuris, ergo etiam à peccato. Et d. 13. q. 2. dicit, cingulum sacerdotale non requirere benedictionem, quod tamen minus probabile est. d. 15. q. 2. in fine, ubi dicit: Furantem in extrema necessitate non teneri ad restitutionem in pinguiori fortuna, etiamsi opposita sit tutior, & etiam secundum aliquos probabilior. Et alibi sæpè nunc hanc nunc aliam amplectitur sententiam, per quod satis insinuat usum probabilitatum esse licitum.

Dices: Scotum expresse docere, semper amplectendam esse partem tutiorem, ergo non tenet conclusionem. Respond. neg. anteced. & conseq. Quia Doctor ubi asserit, tutiorem esse amplectendam partem, loquitur in materia & rebus dubiis, quando scilicet adhibitâ Doctorum diligentia, & peritorum consilio, adhuc mens & ratio opinantis manet dubia, & fluctuans, tunc enim certum est, talem non posse operari bene, stante dubio, sed tutiorem debere eligere, sed nec talis censendus est opinans, sed dubitans, assensus autem opinativus omne dubium excludit, & solam radicalem continet formidinem.

Probatur nunc Conclusio Primò: *Authoritate SS. Patrum D. Augustini, qui omninò probabilitatum usum approbat, quod clarè patet ex totis Retractionū libris, in quibus priores opiniones dimittit, & alias amplectitur, quarum non tam una quam altera frequenter aeq; est probabilis, & expresse id colligitur ex lib. de adulterinis conjugibus cap. 26. ubi inter duas sententias & opiniones: An Catechumenus omni lo-*

X x x x 2

quela

II.  
Usus Probabilis  
cum est licitus etiam in concursu opinionis probabilis.

quela destitutus sit baptizandus? Ipse tenet affirmativam, alteram tamen relinquens, & docens atq; probabilem, & amplecti posse, de qua proinde sic loquitur loco citato: Catechumenis ergo in hujus vite ultimo constitutis, si morbo seu casu aliquo sic oppressi sint, ut quamvis adhuc vivant, petere sibi tamen baptismum vel ad interrogata respondere non possint: prosit eis, quod eorum in fide Christiana jam nota voluntas est, ut eo modo baptizentur, quo modo baptizantur infantes, quorum voluntas adhuc nulla patuit. Non tamen propterea damnare debemus eos, qui timidius agunt, quam nobis videtur agi oportere, ne de pecunia conseruo credita improbius, quam cautijs judicare voluisse judicemur. Satis quippe in talibus respiciendum est illud Apostoli, ubi dicit: Unusquisque nostrum pro se rationem reddet DEO. Non ergo amplius in vicem judicemus. Sunt enim, qui vel in his, vel etiam in alijs obfervandis putant, quod dixisse Dominum legitis: Nolite sanctum dare canibus, neque profeceritis margaritas vestras ante porcos. Et ista Salvatoris verba referentes, baptizare non audent eos, qui pro se respondere nequi verint, ne forte contrarium gerant voluntatis arbitrium. Quod de parvulis dici non potest, in quibus adhuc rationis nullus est usus. Sed non solum incredibile est, nec in fine vite hujus baptizari Catechumenum velle, verum etiam si voluntas ejus incerta est, multo satius est nolenti dare, quam volenti negare: ubi velit an nolit, sic non apparet, & tamen credibilis sit eum, si posset, velle se potius fuisse dicturum ea Sacramenta percipere, sine quibus jam credidit non se oportere de corpore exire. Vide præclaram doctrinam, unde nunc quoque Doctores Catholici non solum Catechumenis baptismum, sed etiam morientibus Sacramentum poenitentiae, quamvis nullum signum dederint, posse absolvi tenent, & communiter docent. Denique D. Augustinus satis superq; insinuat usum probabilitatum esse licitum, cum de sententijs suis & opinionibus affir-

met, eas non sic ab illo proponi, quasi non liceret etiam aliorum sequi, nam lib. de dono perseverantiae cap. 21. dicit: *Neminem velim sic amplecti omnia mea, ut me sequatur, nisi in iis, in quibus me non errare perspexerit. Nam propterea nunc facio libros, in quibus opuscula mea retrahenda suscepi, ut nec meipsum in omnibus me secutum fuisse demonstrem, sed proficenter me existimo DEO miserante scripsisse, non tamen à perfectione coepisse: quandoquidem arrogantius loquor quam verius, si vel nunc dico, me ad perfectionem sine ullo errore scribendi jam in ista etate venisse.*

S. Augustino adjungo D. Bonaventuram, & S. Thomam de Aquino, qui in pluribus locis secutus est opiniones minus probabiles, ut illam citat Bordonus in suo propugnaculo in conclus. n. 95. In 22. q. 88. art. 11. his verbis: *Et ideo in voto solemnizato per professionem Religionis non potest per Ecclesiam dispensari, & rationem assignat Decretalis, quia castitas est annexa regula Monachali. Decretalis est in cap. Cum ad Monasterium 6. de Statu Monachali. Opinio autem S. Thomae fundatur in hac Decretali, quæ videtur hoc dicere expressè extremis hisce verbis: Abdicatio proprietatis, sicut & custodia castitatis adeo est annexa regula Monachali, ut contra eam nec summus Pontifex possit licentiam indulgere. Et sic fundatur in ratione illa, quod castitas est annexa essentialiter regulae Monachali, & statui religioso. Et S. Thomam sequuntur nonnulli relati à Barbosa. ad dict. c. 6. n. 12. Qui sequ. num. 13. refert, ultra quadraginta Doctores asserentes Papam dispensare posse aliquem religiosum etiam Sacerdotem ad contrahendum matrimonium faciendo illum de religioso non religiosum, quod dicunt dispensare in sensu diviso, unde in ea Decretali negativa accipitur in sensu composito, ut scilicet religiosus remanens religiosus sit indispensabilis, ut Doctores communiter eam Decretalem explicant, quos refert dictus Barbosa n. 14. qui n. 13. regulat*



rat plura exempla religiosorum sic dispensatorum ex legitimis causis, valde urgentibus, ubi tamen probabiliter tantum negat Papam posse dispensare, & tamen altera est probabilior. Aut si dicas D. Thomae opinionem esse probabilior, infero ego, ergo Pontifices approbant, probabilitatum usum, etiam in concursu opinionis probabilioris. Secundum testimonium accipit ex 22. q. 10. art. 10. & part. 3. q. 68. art. 10. apud Dianam part. 2. tract. 15. resol. 45. ubi S. Thomas dicit, non licere infantes baptizare invitis parentibus infidelibus, contra opinionem aliorum magis probabilem; quia eorum parentes indigni sunt tali jure quantumvis naturali super filios suos, cum sit illis valde nocivum, & exinde nullum possit sequi periculum corporis baptizati, cum post baptismum educantur apud Catholicos.

III.  
S. Thomas  
sive pro-  
babilitate  
in.

Tertium ex 4. Sent. d. 27. q. 3. art. 3. asserit, Episcopum posse dispensare bigamum ad ordines minores tantum. Contraria autem sententia est multo probabilior, Sanch. l. 7. disp. 86. n. 9. Addit ibidem alia duo testimonia, sed haec pro nobis sufficiant. Porro S. Bonaventuram zelantissimum purae conscientiae amatorem etiam probabilitatum usum tenuisse, clare ex eius deducitur operibus, nam in 4. dist. 17. art. 2. q. 3. agitando quaestionem: An omnes peccatorum circumstantias confiteri teneamur? De circumstantiis intracandem speciem aggravantibus duas adducit opiniones, primam affirmativam, & alteram negativam, quam reputat probabilior, & quamvis hanc secundam teneat, illam tamen quoque admittit, licet minus probabilem. Et dist. 31. art. 2. q. 3. quaerens: An qui concupiscentiae explendae gratia cum uxore coit, semper mortaliter peccet? Duas adducit opiniones, primam affirmativam, alteram negativam, & quamvis primam dicat esse probabilem, quia tamen in praxi nimis dura videtur, censet secundam esse praefendam.

Et d. 32. art. 3. q. 1. Examinans, an mulier tempore menstrui vel reddere, vel petere possit debitum? Tres affert dicendi modos tanquam probabiles, ultimum vero dicit esse probabilior, & in solutione objectionum dicit, quod licet ultimus modus videatur probabilior, primus tamen est securior, & sanior, quoniam standum est pro matrimonio, & valde durum videtur, quod mulier viro debitum non reddat instanti petenti, cum non appareat infirmitas gravis & manifesta, ex quo patet S. Doctorem hic sequi minus probabilem, licet magis tutam.

Dices: S. Bonaventuram in locis citatis semper probabilior, vel tutiorem amplecti sententiam, & opinionem. Respond. Id quidem verum esse, attamen hoc non fecit, quia sic necessario est faciendum, nam etiam alias opiniones judicat, esse probabiles, & tuta conscientia teneri posse, sed quia melius, & rationi conformius videbatur, & quia quod licet, non semper expedit, propter quae etiam infra superaddam conclusiones limitativas usus probabilitatum.

Probatur Conclusio Secundo ex Jure Canonico cap. Ego solis v. Vel probabiles rationes, dist. 9. ubi ex Div. Augustino dicitur: Non ideo verum putem, quia ipsi ita senserunt, sed quia mihi per alios authores, vel canonicas, vel probabiles rationes, quod a vero non abhorreat, persuadere potuerunt, ubi Glossa in fine opinionem aequiparat Canon, sed canon est regula certa ad operandum, ex cap. 2. d. 3. ergo & probabilis ratio, & opinio in probabili ratione fundata. Deinde ex Jure Canonico ille solum tenetur tutiorem partem sequi, qui versatur in dubio, ut habetur cap. 12. 18. 24. de homicid. sed opinans probabiliter non dubitat, ergo non tenetur sequi partem tutiorem, sed potest adherere probabili, quamvis habeat formidinem radicalem de opposito. Probatur min. quia opinio est assensus determinatus, non sic dubium, & haec duo verè & reali-

X x x x

ter



ter distinguuntur, nec unum cum altero confundi debet.

Dices cum Fagnano : Jura non solum de dubitante, sed etiam de opinante idem docent, ut habetur, *cap. Per suas 35. de Simon. & cap. Inquisitioni 44. de Sent. Excommun.* quia formidans exponit se periculo. Respond. neg. anteced. Quia dicta jura non agunt de opinione, sed de conscientia errante, vel si loquuntur de opinione, tunc opinio sumitur pro credulitate discreta, non verò de opinione solido fulcita argumento.

IV.  
DEUS non  
præcipit  
impossibi-  
lia.

Tertiò : Jus Canonicum & Civile docent, DEUM & legem non obligare ad impossibile, ut habetur *cap. Erit autem Lex, dist. 4. l. Titius. §. final. de Excusat. Tutor. l. que sub conditione. §. quoties, ff. de cond. Inst. Impossibile enim nulla lex & obligatio*; ubi inter impossibilia numerantur quoque valde difficilia & gravia: sed in moralibus non possumus eligere certo scita, ergò sufficiet in actibus humanis invenire aliquam certitudinem, non quidem sicut in demonstrationibus, sed secundum quod convenit tali naturæ : Probatur min. Quia prudentia humana in moralibus non versatur circa universalia, sed circa particularia, quæ cum sint contingentia, non potest de eis haberi certitudo demonstrativa, propter variabilitatem singularium, ergò in moralibus possumus habere certò scita; & consequenter ad hæc obligare homines, esset obligare ad impossibilia.

Dices cum Fagnano, negando suppositum totius probationis, quasi verò esset supra humanam facultatem habere certitudinem moralem de omnibus eligibilibus, quia hoc est contra Scripturam, nam *Eccl. 37. dicitur : Ante omnia opera, verbum verax præcedat te, & ante omnem actum consilium stabile*; ergò non est supra humanam facultatem. Respond. Dominum Fagnanum male solvere argumentum, dicendo, non esse supra facultatem habere certitudinem moralem, quia proba-

dicat & loquitur de certitudine Physica, & reali, quam in omnibus habere est supra vires naturæ humanæ, moralem autem libenter concedo, & cum aliis hoc ipsum teneo, ad operandum rectè sufficere iudicium verax, & certum, quod habet à probabilitate. Deinde Scriptura allata non est nobis contraria, quia DEUS adhortatur ibi, ut homo sit verax, & non mendax, qui proximum suum decipiat : Et quòd consilium sit stabile, id est, ut bonum consilium & non malum det proximo, ut patet ex antecedentibus, & subsequentibus.

Instabis : Philosophi definiunt Prudentiam, *Esse habitum cum ratione vera circa bona humana adhibendum*, & illius objectum esse verum, ergò non est supra vires humanas attingere : Probatur consequ. Quia non est impossibile attingere veritatem, quam omnes scire desiderant. Respond. dist. antec. quoad secundam partem, verum evidens, & demonstrativum est objectum prudentiæ, nego : verum morale, conced. anteced. & neg. consequ. nec enim Aristoteles, nec alius quispiam Philosophorum aliam veritatem, vel certitudinem in actibus humanis acquisivit præter moralem, nam 6. *Ethic. cap. 5. in fine dicit : Prudentia autem ibi est, ubi est vis opinandi.* Unde etiam communiter tenetur post S. Thomam; Prudentiam esse certum, ad minus, ut in pluribus.

Probatur Tertiò Ratione à priori: Qui operatur rectè & prudenter, non peccat, sed sequens opinionem probabilem rectè & prudenter operatur, ergò non peccat : maj de se patet, quia peccare est deviare à rectitudine, cum quâ actus ab agente procedere debet, si ergò rectè & prudenter agit, producit actus cum sua rectitudine, quæ tam actui, quam potentiæ inesse debet : Probatur minor, Quia ratio probabilis causans opinionem, seu in qua fundatur opinio, dicit verisimilitudinem, & magnam veritatis apparentiam, ergò qui secundum illam agit, rectè

V.  
Prudentia  
a gens non  
peccat.

rectè & prudenter operatur, cum secundum Ethymologiam nominis probabilitas deriveretur à probatione, & quasi approbatione, vel etiam à probitate, unde homo probus dicitur devotus, benè agens, & benè operans. Deinde probatur eadem min. secundò: Propositiones oppositæ & contrariæ debent posse operari contrarios effectus, sicut etiam habent diversas rationes ex l. final. ff. de edend. leg. l. Qui accusare. ff. de Accusat. sed qui operatur cum opinione improbabili, utpotè quæ caret ratione & prudentiâ, peccat, ergò qui operatur cum opinione probabili fundatâ in verâ ratione, non peccabit.

Dices cum Fagnano: Min. esse falsam, quia ad rectè & prudenter operandum non eligendum est probabile, sed verum, quod est objectum prudentiæ, probabile autem indifferens est ad verum & ad falsum, consequenter ratio nihil probat. Sed Respond. argumentum subsistere, nam eligens probabile eligit verum, non physicum & naturale, sed morale, & prout bona fide ab intellectu voluntati eligenti proponitur, nam probabile habet suam veritatem, cum qua falsitas non miscetur, nam ut dicit Aristoteles lib. 2. poster. cap. 26. *Omnes habitus, quibus vera nascuntur, sunt intelligentia, scientia, opinio, & quæ ab his cognominata sunt*, unde etiam præclare D. Thomas 22. q. 60. art. 3: in respon. ad 1. dicit: *In humanis actionibus invenitur aliqua certitudo, non quidem sicut in demonstrationibus, sed secundum quod convenit tali materiæ, falsum ergò est, quod ait Fagnanus, probabile non esse objectum prudentiæ.* Per hoc solvitur etiam responsio Candidi Philaleti.

Dices Secundò cum Candido Philaeto: Ut licitè, rectè, & prudenter agam, non sufficit, ut judicet quis, rem esse probabilem, sed necesse est, ut judicet esse veram, sed in mea potestate non est, ut opiner utramque esse reveram, nec ut opiner esse veram, quam volo, sed ut opiner esse

veram, quæ habet fortiora argumenta, qualis est magis probabilis, ergò necesse est, ut sequar magis probabilem, ad hoc ut rectè agam. Respond. maj. instantiæ hujus esse veram, sed neg. min. quia intellectus opinativus liber est ad opinandum verum in opinione probabili, quia etiam ad hoc movetur ab argumentis ejus, ut judicet illam esse veram, nam utraque argumenta repræsentant se potentiæ sub ratione veri, magis & minus, veritas enim in positivo consistit, non in comparativo, & comparativus superadditus positivo non destruit illam, & consequenter nec veritas major minorem, sed potius auget in comparatione opinionis omninò probabilis. Responsiones D. Merenda, & P. Mercori in idem ferè reincident.

Probatur igitur Conclus. Quarto: In rebus & objectis speculativis licet absq; erroris & deceptionis periculo opinari, & defendere quasunque opiniones, modò illæ sint probabiles, secundum quod dicit Apostolus: *Unusquisque in suo sensu abundet*, Rom. 14. Et patet ab experientia opinionum probabilium diversarum in utraq; Schola Reali Thomistarum & Scotistarum, ergò etiam in moralibus idem licebit absq; periculo peccati, cum sit eadem utrobique ratio. Et Confirmatur: Judicium probabile in actionibus humanis ad mores non pertinentibus est sufficiens ad prudenter operandum, aliàs vix quidquam in rerum natura fieri posset, propter incertitudinem rerum practicarum, ergò idem judicium probabile erit sufficiens in moralibus ad honestè operandum, cum nulla possit afferri sufficiens diversitas, ergò sicut judicium sufficit in aliis probabile, ita etiam sufficiet in iis, quæ spectant ad mores conscientiae.

Dices cum Fagnano: Neq; in speculativis licere omnibus Magistris & Professoribus opinari, benè tamen iis, qui onus docendi ex officio non habent, quam distinctionem facit ipsemet S. Bonaventura. Deinde

VI.  
Probabilitas  
tas valet in  
speculati-  
vis.

Deinde negat paritatem, nam à speculativis non licet inferri consequentiam ad moralia, in illis enim nullum est peccati periculum, bene tamen in istis. Sed contra: Distinctio illa de Professoribus, & non habentibus onus docendi est planè arbitraria, nam non video, quomodo privati debeant esse melioris conditionis, quàm illi, qui ex dono naturæ & gratiæ apti, & vocati sunt ad docendum, quorum libri si legantur, inveniemus eos plenos opinionibus, nec distinctionem datam habet S. Bonaventura 2. d. 7. art. 3. q. 1. num. 52. in resolutione hæc quidem habet: *Dicendum, quod deceptio, & error venit ex deordinatione, seu deviatione iudicii: iudicium autem duplex est in quolibet ratiocinante, unum, quod est cognoscendorum, quod est veri, sub ratione veri; aliud agendorum, quod est boni, sub ratione boni.* S. autem Doctor ibi agit solum de dæmonibus, de quibus ita resolvit: *Dæmones in multis speculabilibus, & maxime in contingentibus decipi possunt, cum eorum intellectus per culpam obnubilatus fuerit; at verò in agibilibus, cum habeant intellectum practicum omnino subversum dicuntur facti tenebræ,* quæ tamen Professoribus & Magistris applicari nequeunt, cum supponantur non habere intellectum in speculativis obnubilatum, neque subversum in practicis. Respond. ad alteram instantiam, Illustris. Fagnanum malè negare paritatem ob periculum salutis, quia utens opinione probabili nullum incurrit periculum salutis, quia prudenter agit, & facit quod in se est, habetq; libertatis suæ possessionem justam, consequenter non peccat, nam invincibiliter ignorat exinde futurum peccatum.

Probatur Quintò à pari: Qui agit secundum conscientiam invincibiliter ignorantem, non peccat, ut patet ex supra dictis, ergò neq; qui operatur secundum conscientiam probabilem, Probatur conseq. Quia melior est conscientia probabilis, quàm erronea, nam erronea in infi-

nitum distat à veritate objecti, quod non est tale, quale conceptum fuit ab errante conscientia, probabilis verò non multum distat à veritate objecti, cui approximatur per prudentiam æstimationem, & verisimilitudinem, licet fortè physicè non attingat, quia non est sciens intellectus, sed opinans, adeoque contentatur veritate morali, ergò etiam benè operabitur quis ex conscientia probabili, cum conscientia melior non debeat esse deterioris conditionis, quàm conscientia minùs melior. Hinc Confirmatur: Melior est conditio in opinante, quàm in errante, quia ambo ignorant veritatem naturalem & physicam objecti, cum hac tamen differentia, quod intellectus errans invincibiliter supponatur, nullam adhibuisse diligentiam in indaganda veritate, quod sine ulla dubitatione credidit tale, quale ei prima apprehensione fuit propositum; Intellectus verò opinans ex natura opinionis de formidine oppositi dubitavit, & vicit dubium, cum per solidas rationes & motiva excusso dubio suam opinionem ut probabilem firmavit, unde magis esset excusandus quàm errans, ergò si errans operando non peccat, nec opinans peccabit.

Dices: Non omnis, qui agit secundum conscientiam ignorantem, excusatur à peccato, ergò nec qui agit cum conscientia opinante, antec. probatur ex D. Thoma citato, & abundantius inferius citando, qui in quodl. 8. q. 13. dicit: *Qui facit contra legem DEI, non excusatur à peccato, quamvis non faciat contra conscientiam.* Respond. neg. antec. & ad probat. ex Div. Thomà dico, illum textum satis difficilem, esse necessariò explicandum, & ad mentem S. Doctoris applicandum, quia certum est Angelicum Doctorem non negare, imò affirmare ignorantiam invincibilem excusare, nam 1. 2. q. 74. art. 3. dicit: *Si verò sit talis ignorantia, quæ omnino sit involuntaria, si ve quia est invincibilis, si ve quia est ejus, quod scire non tenetur, talis ignorantia*



tia omnino excusat à peccato, ergò subsistit nostra paritas etiam in opinione S. Thomæ. Unde Respond. Secundo: Textum illum allegatum intelligendum esse, vel in casu, & de ignorantia vincibili, quia tenebatur quis scire legem DEI, unde idè culpandus est, quia neglexit scire, licèt tunc actu non agit contra conscientiam, unde dicit D. Augustinus lib. 3. de lib. arbitr. cap. 22. *Non enim quod naturaliter nescit, & naturaliter non potest, hoc animæ deputantur in reatum: sed quod scire non studuit, & quod dignam facultati comparandæ ad rectè faciendum operam non dedit;* qui ergò tenetur legem scire, licèt non agat contra dictamen conscientiae, peccat, v. g. qui agit contra decem præcepta, & similia, quæ sunt inter fideles nota, & facile sciuntur, ac sciri possunt, aut quæ ex determinatione Ecclesiæ, & unanimi consensu inter Doctores sunt certa.

quia est probabilior, quia inter probabilem opinionem & probabiliorem non intercedit notabile discrimen, nam nec major probabilitas in ista attingit physicam certitudinem, & naturalem veritatem, nec minor in illa attingit dubium, sed licitum est sequi opinionem probabiliorem licet non sit tutior, ut modò dictum est, ergò licebit quoque sequi probabilem, etiamsi non sit probabilior. Confirmatur hoc: Quia si non liceret sequi probabilem relicta probabiliore, hoc esset, quia operans cum probabili operaretur, cum formidine oppositæ partis, sed si hæc ratio valeret, urgeret etiam de opinione probabiliore, quia formido est de ratione opinionis, prout à scientia distinguitur. Probatur deniq; minor principalis quoad tertiam partem: Quia cum non teneamur sequi opinionem tutiorem, vel probabiliorem disjunctim, non tenemur quoque conjunctim.

VII.  
Opinio  
probabili-  
tatem ex nullo  
opini te ma-  
gis obligat.

Probatur Conclusio Sextò: Ex refutatione principalis fundamenti Adversariorum, quia tenentes nos non posse sequi opinionem probabilem relicta probabiliore, Idè est, Opposita vel est tutior, vel probabilior, vel tutior & probabilior simul, in quibus omnibus abest periculum peccandi, ita quòd si tale periculum timeretur, nec tunc talis posset amplecti, sed ex nullo dictorum capite tenemur semper sequi opinionem probabiliorem, ergò fundamentum adversariorum est nullum: maj. est illorum: Probatur min. quoad singulas partes: Non idè, quia opposita probabili est tutior, quia non semper tenemur sequi opinionem tutiorem, quod probò: Quia tutius est diebus festis dolere de peccatis, confiteri circumstantiam dici festi, confiteri statim post lapsum, ex mutuo ratione lucrari cessantis nihil accipere, juramentum in re levi ad mortale obligare, lucrum ludi prohibiti restituere, & alia multa, quæ omnia sunt tutiora, nec tamen tenemur ea amplecti, ergò. Probatur min. etiam quoad secundum, nempe nec nos teneri,

Dices: Probabiliorem eligendam esse, quia magis removet à periculo. Respond. disting. antec. Removet à periculo peccandi materialiter, transeat; formaliter, neg. anteced. & conseq. Quia sequendo opinionem probabilem removeo me æque à periculo peccandi formaliter, quàm probabiliorem, quæ non nisi materialiter magis removet, quia tale periculum excluditur per judicium prudens, quo hic & nunc mihi id licere sentio, & tunc ad summum me expono periculo faciendi rem materialiter malam, sicut invincibiliter ignorans hodie esse Vigiliam SS. Simonis & Judæ, si comedit carnes, dicitur facere rem materialiter malam, quia est in se prohibita, non autem formaliter, quia hic & nunc non imputatur ratione invincibilis ignorantiae. In hoc ergò sensu comedens in die jejuniæ ad collationem sex uncias, & non octo, est magis tutus à peccato materialiter, quàm qui comedit octo, non tamen formaliter, supposita probabilitate utriusque sententiae.

(\*) Yyyy

Pro

VIII.  
Opinio tu-  
tior & pro-  
babilior  
non se in-  
vicem in-  
ferunt.

Pro majori intelligentia notan-  
dum: Hos terminos tutum & tutius  
probabile & probabilius compara-  
tivè ad se sumptos benè se invicem  
inferre, non tamen isti duo tutior &  
probabilior, unde probabile non  
infert tutum, nec tutum probabile,  
quia proveniunt à diversis extremis  
& mediis. Ratio tuti & tutioris à  
minori vel majori carentia periculi  
peccandi: Ratio verò probabilis à  
motivis demonstrantibus probabi-  
litate opinionis, cum ergò sint di-  
versa, unum ab alio inferri non po-  
test, quia ex diversis non fit illatio,  
quare potest dari, & de facto opinio  
tuta, & etiam tutior, & tamen minus  
probabilis.

Probatur Conclusio Septimò:  
Ex multis absurdis, quæ sequen-  
tur, Primò, si non liceret sequi opi-  
nionem probabilem relictà pro-  
babiliori, peccarent omnes Docto-  
res & Professores, tradentes in Scho-  
lis opiniones probabiles, quia præ-  
berent occasionem peccandi uten-  
tibus illas. Deinde frustranei es-  
sent omnes labores Theologorum  
& Summistarum, qui casus consci-  
entiæ tradunt & explicant, nun-  
quam enim liceret illis aliquam o-  
pinionem probabilem evulgare, as-  
serentem, actionem aliquam esse li-  
citam, si extaret opposita opinio te-  
nens esse illicitam, quia si tutum est  
non facere, illa sola opinio deberet  
evulgari, quia maximè distat à pec-  
candi periculo. Tertio, frustra Theo-  
logi dividerent opinionem proba-  
bilem & probabiliorem, quia non  
esset admittendum unum membrum  
cum destructione alterius, data enim  
opinione probabiliori, necessarium  
est etiam dari opinionem minus  
probabilem, non tamen improba-  
bilem in comparatione alterius ma-  
gis probabilis, comparativum enim  
non est ad seipsum, sed ad alterum,  
cum comparatio fiat inter duo, quæ  
participant eandem formam quali-  
tatis secundum magis & minus.  
Quarto sequeretur, quod quilibet  
teneretur facere quod melius &  
perfectius est, sed nemo tenetur fa-

cere quod melius est, & perfectius,  
ut habet Glossa V. *Qui præstantior.*  
*cap. licet. 15. 8. q. 1. ergò.* Probatur  
sequela, quia facere melius & per-  
fectius est tutius, ergò. Probatur  
min. Tum, quia nemo tenetur vo-  
vere, neque esse castus, vel virgo,  
cum potest ducere uxorem, neque  
jejunare sine voto, licet hoc sit me-  
lius: Tum, quia objectum rectitu-  
dinis, quia nemo peccat, est bonum  
secundum esse positivum, non se-  
cundum esse comparativum, ergò  
quandocunq; actus habet hanc bo-  
nitatem & rectitudinem, per illum  
operans satisfacit suæ obligationi,  
& non peccat, ergò tutà conscientia  
potest sequi opinionem in positivo  
probabilem relictà probabiliori, &  
quavis meliori, vel si non licet, te-  
nebitur facere, quod melius & per-  
fectius est.

Dices cum Fagnano contra pri-  
mum: Doctrinam de libera electio-  
ne opinionis esse in Ecclesia novam,  
& hoc decimo sexto Sæculo intro-  
ductam, nam antiqui oppositum do-  
cuerunt; essetque consilium à mo-  
dernis recedere, & veteribus nume-  
ro pluribus adhærere, juxta illud  
Job. 12. *In antiquis est sapientia. Et*  
*quod à pluribus sapientibus queritur,*  
*facilius invenitur.* Verum tamen Re-  
spond. Fagnanum hic imposturam  
committere, nam ut supra ostendi,  
usus probabilitatum est antiquissi-  
mus. Deinde plures ex antiquo-  
ribus eundem admiserunt, quam  
oppugnârunt, imò Recentiores mo-  
dèni in antiquis se fundârunt, un-  
de modernorum opinio est proba-  
bilior quam eorum veterum, quos  
Fagnanus pro se allegat, quod fa-  
cile contra eundem convincitur ex  
proprio suo principio: *Quod à plu-  
ribus sapientibus queritur, facile in-  
venitur,* sed exquisitior Recen-  
tiorum est diligentia, & diligentior  
inquisitio eorundem, maximè dum  
ab opposita sententia negantium  
gravius impugnatur, opposita enim  
juxta se posita magis elucescunt. Fa-  
teor equidem, quorundam Recen-  
tiorum factum esse audaciâ, quod  
plures

IX.  
Nemo te-  
netur fac-  
ere quod  
perfectius

plures sententias nimis habenas laxaverint, & ad interitum viam straverint, qui jure cavendi sunt, damnandi, & reprobandi, verumtamen, juxta vulgatum axioma, *usus* est relinquentus, & *abusus* tollendus, prout etiam tales Ecclesia & Pontifex vigilantia pastorali debitis censuris perstrinxit, ut patet ex tot Sententiis à Summis Pontificibus damnatis, nam Alexander VII. Anno 1665. feria V. die 24. Septem. damnavit 28. Propositiones, & Anno 1666. die 18. Martii, feria V. septemdecim alias simul 45. Innocentius XI. An. 1678. feria V. die 2. Martii, damnavit alias 65. & Alexander VIII. Anno 1690. feria V. die 7. Decembris 31. Proposit. quas omnes pro directione & cautela infra referam.

Ad locum autem illum ex Jobo allatum dico, illum loqui de sapientia & prudentia, quæ in nobis non nascuntur, aut ex ingenii subtilitate & fecunditate oriuntur, sed experientia longi temporis acquiruntur, de quibus dicitur: *Ars longa, vita brevis*, nos autem loquimur de prudentia, quæ argumentis & rationibus acquiritur; Et si verum est, quod Fagnanus docet, Antiquum esse, qui excedit quinquagesimum annum, certum est Probabilitatum defensores jam complures esse antiquatos, ut patet de Sanchez, Suarez, Vasquez, &c.

**Probatur Octavo ex aliis Inconvenientiis:** Tum, quia intolerabile onus foret, multisque scrupulis expositum, & verè contra suam DEI providentiam, atque doctrinam CHRISTI dicentis: *Jugum meum suave est, & onus meum leve*. Matth. 11. & Joan. epistol. 1. cap. 5. *Mandata ejus non sunt gravia*, si opiniones probabiliore investigare, atque in maximas angustias conjicerentur homines, ergò sufficit minus probabilem eligere. Probatur conseq. Quia DEUS non exigit plus quam humanæ vires admittunt, ergò cum in præsentī statu non possumus evidenter, & certè omnes veritates assequi, satis erit &

prudentiæ consonum facere id, quod viri docti affirmant, rationes probabiles suadent, & homo ipse judicat esse licitum: Tum, quia non obligamur ad id, quod perfectius & tutius est, ut demonstravi supra, sed sufficit id, quod in praxi judico rectum & tutum, alioquin teneremur ad consiliorum observantiam, ergò satis erit sequi opinionem, asserentem, actum illum esse rectum, neq; erit necesse amplecti tutiorem, vel probabiliorem.

Dices cum Philaleto, antecedens primum non esse verum, quia sufficit diligentia moralis, & juxta gravitatem & difficultatem dubii occurrentis proportionata, prout fit in negotiis sæculi, in quibus proinde cum adhibeamus magnam diligentiam, examinemus exactè causas, discutiamus consilia, & adhibeamus advocatos, cur non deberemus etiam in negotio salutis animæ ea omnia, & majori cum sedulitate præstare. Sed Respond. Revera non obstantibus allegatis, intolerabile foret onus, si in qualibet actione morali, quæ privatis frequenter occurrere solent, in quibus Authores passim discrepant, nam quod unus, v. g. Mastrius, dicit esse probabilius, hoc negat Pontius, & ubi à multis Mastrius dicitur excellentior, à Patribus Hibernis præfertur Pontius, & quis inter ipsos erit Judex? Nec obstat, quod in sæcularibus causis major adhibeatur diligentia, quia hoc tantum denotat hominum majorem ad temporalia effectum, non aliquod præceptum, vel obligationem, nam etiam in rebus & negotiis DEI, viri spirituales magnam adhibent diligentiam, & solent metuere culpas, ubi non sunt, hoc tamen non fit ex præcepto.

Dices Secundo cum eodem neg. conseq. Quia opinio minus probabilis, simpliciter non est probabilis, quia non potest generare probabilem assensum, quare qui illam sequitur, agit contra judicium, & dictamen rationis, & sic peccat non solum ex negligentia, sed etiam

(\*) Yyy y z

ex ma-

x.  
Mandata  
DEI non  
sunt gra-  
via.



ex malitia. Respond: neg. anteced. Quia opiniones probabiles non solum secundum quid, sed simpliciter sunt probabiles, quia in se habent rationem formalem probabilitatis, hoc enim ipso, quod denominatur probabilis à forma ei inhærente, unde etiam in opinante potest generare effectum probabilitatis:

Dices Tertiò: Cum Merenda, si diceretur opinionem probabiliorē, ut sic eligendam esse homines posse in aliquas conjici angustias, quia multis modis accideret, difficile esse cognoscere, quæ sit probabilior, si verò dicatur, non esse eligendam probabilem, donec gravem videtur difficultatem pati, nulla oritur angustia, & ratio est, quia in conclusione practica & opinabili, major procedit à prudentia, quæ habet sua generalia principia, quæ facile possunt sciri: minor autem in præmissis assumitur ab habilibus virtutum, ad quas materiæ ipsæ spectant, circa quas debet fieri operatio, & in his potest quidam esse aliqua obscuritas, quæ tamen per regulas prudentiæ facile dispellitur. Respond. seu unum seu alterum dicatur, semper grave onus manebit hominibus, si debent examinare, quando confurgat & oriatur sufficiens probabilitas, nam quod dicat majorem in conclusione practica, procedere ex prudentiæ principiiis generalibus, verum est, sed falsum alterum, quod minor procedat ab habitibus aliarum virtutum, quia procedit etiam à prudentia, quia minor semper fit de homine, vel actione aliqua singulari, ergo si in uno erit difficultas, etiam erit in altero.

XI.  
Pontifices  
dispensa-  
runt in vo-  
to castita-  
tis & ma-  
trimonio  
rato.

Probatur Conclusio Nonò: Ex practica Pontificum, nam non obstante Decretali *cap. cum ad monasterium in 6. de statu Monach.* ubi dicitur: *Abdicatio proprietatis sicut & custodia castitatis, adeo annexa est regulæ monachali, ut contra eam nec Summus Pontifex possit licentiam indulgere.* Quam sententiam etiam tenet S. Thomas 2.2.q.88.art.11. nihilominus plures Pontifices cum solemniter

professis dispensarunt sæpius, tenentes oppositam opinionem affirmativam, nam Cælestinus dispensavit cum Constantia, filia Rogerii Moniali professa, ut cum Henrico VI. matrimonium contraheret, ex quo genuit Fridericum II. Alexander III. cum Justiniano monacho professo, ut à Religione ad nuptias transiret. Similiter dispensarunt in matrimonio rato, ut enim legitur in lib. Additionum ad manuale Navarri, Pius V. dicitur quater dispensasse: Gregorius XIII. tredecim vicibus, & alii in aliis casibus, cum tamen negativa opinio sit tutior, quia magis removeret peccati periculum. Ex quibus colligitur, Pontifices præposuisse opinionē affirmativā negativæ, spectatis rationibus, & argumētis reddentibus illas probabiles secundum magis & minus.

Probatur Conclusio Decimò: Ex communi usu Doctorum: Quia illud censetur esse magis probabile, quod majori & potiori Doctorum parti apparet tale, quando nimirum illis proponuntur utriusque partis motiva & argumenta, eaque debite examinant, sed majori & potiori parti Doctorum hoc sæculo videtur, quod possit quis sequi tuta conscientia opinionem probabilem, etiam concurrente probabiliore, ergo. Hoc argumentum putant aliqui esse demonstrativum, sed mihi non videtur, nam opinio in majori & minori diversimodè accipitur, in majori enim capitur supra singulas practicas opiniones cadentes super agibilia, quæ in praxi & usu tales manent, quales olim fuerunt: In minori autem sumitur opinio speculative, prout solum doctrinam respicit, & nullo modo praxim, seu aliquid agibile, nisi mediatè & genericè, adeoq; non censeo esse demonstrationem, Quia objectum hujus controversiæ, de sequenda vel non sequenda opinione probabili, est ipsa opinio minus probabilis in actu signato concepta, & in comuni præscindendo à praxi hujus vel illius in actu exercito, clarum autem est, ab actu signato ad exercitum nullam debitam fieri consequentiam.

Dices:

Dices : Cum Candido acerbo opinionum probabiliū, ususq; earum impugnatore minorem argumenti esse falsam : Tum, quia si spectes argumenta intrinseca partis negantis, licitum esse sequi opinionem minus probabilem, nondum sunt soluta à Doctoribus partis affirmantis, quantumvis ea solvere sint conati : Argumenta verò pro parte affirmante evidentem continēt æquivocationem, & sic nihil probant : Tum, quia pro parte negante sunt gravissimi Authores, ut Augustinus, Chrysostomus, D. Thomas, ex quibus citat Chrysost. hom. 44. in cap. 23. Matth. ubi dicit : *Si vestimentum empturus unum gyras negotiatorem, & alterum, & ubi meliores vestes inveneris, & pretio viliori ab illo comparas ; quando non oportet populum circuire omnes Doctores, & inquirere, ubi sincerè veritas Christi venundatur, & ubi corrupta, & veritatem eligere plusquam vestimentum.* Verùm Respond. tam facile me probare illam minorem, quàm facile illam Candidus negat, nam imprimis doctissimi viri solverunt exactè tam Candidi, quàm Mercori, atque Merendæ argumenta, quorum nullum video esse conveniens, nec ab auctoritate, nec à ratione, nam Candidus sua potissimum fundat in Aristotelis dicto : *Non est nobis liberum opinari*, 2. de anima. textu 153. Necessè est enim verum aut falsum dicere, ex quibus multa inconvenientia deducit, cum tamen Aristotelis genuinus sensus sit iste, quod opinari liberum non est nobis eò modò, quo imaginatio libertatem habet fingendi scilicet sibi objecta quæcunque vera & falsa, chymeras, & alia non entia, unde etiam S. Augustin. lib. 3. contra Academicos cap. 16. redarguit Academicos sic somniantes, & imaginariè opinantes, intellectus autem verè, & realiter opinans hanc libertatem non habet, sed determinatur ad intelligendum ab objectis minus fortibus quàm fortioribus, & à voluntate imperatur ad hoc, vel illud opinandum.

Quoad Authores autem à se citatos reverentiam eis exhibeo debitissimam, sed nullum ex SS. Patribus adduxit Candidus, qui expressè docuisset, non licere nobis sequi opinionem minus probabilem, vel debere sequi magis probabilem relictà minus probabili, ad locum igitur ex D. Chrysostomo adductum Respond. & dico, cum benè loqui, si tamen quis diligenter attendat, videbit illum non suadere electionem verioris opinionis, sed præscribit, nos debere sequi verum intellectum sacrarum Scripturarum, non falsum, nec alienum ab interpretatione SS. Patrum, quod præceptum est SS. Conciliorum, unde facit comparisonem à re corporali & materiali ad spiritualem intelligentiam Scripturarum, si enim in illis comparandis omnem diligentiam adhibemus, magis in spiritualibus.

Instabis : Illa particula, *oportet*, satis significat præceptum & obligationem sequendi etiam in moralibus veriore opinionem, ergò. Respond. Particulam, *oportet*, non semper significare præceptum, sed aliquando honestatem, ut tenet Glossa V. *oportet*, cap. 1. 25. q. 1. cap. Ep. 7. dist. 64. Aut si in auctoritate allegata significat præceptum, illud cadere super articulos, & propositiones fidei, non verò super opiniones, quin unam possimus sequi potius quàm aliam, per hoc satis probata manet conclusio nostra affirmativa, & potiores argumentorum solutiones ab adversariis factæ manent enervatæ, atq; rationes nostræ tantò fortius roboratæ.

Dico Secundo : *Ad hoc, ut quis utatur opinione probabili, relictà probabiliori, necessarium est, ut ad minus judicium probabilitatis ante electionem præcedat.* Hæc est communis inter Benignistas, & Probatur, Quia opinio vel assensus probabilis, consequens factum nihil confert ad propositum. Exemplum sit : Aliquis post actum commissum antequam ad confessionem accedat, apud quem ser-

XT.  
Opinio probabilis debet præcedere electionem.

vantur authores, reperit opinionem probabilem defendentem factum illud à peccato, talis opinio inventa non excusabit præcedens factum à peccato, si ante operationem non fuit adhibita diligentia debita, ut sciretur, an actus esset licitus, an illicitus, & consequenter illa opinio sequens actum, hominem non iustificat, valebit tamen pro futuris actibus excusandis, quod est valdè notandum, & hinc sequitur, quod Advocatus videns causam, quam sumit defendendam, esse injustam, postmodum tamen pervolvens Corpus Juris, invenit sua subtilitate argumenta, quibus illa causa reddatur probabilis, graviter peccet, quia hæc diligentia, cum sit sequens contractum, non influit in actum præcedentem, quo malâ conscientia sumpsit defendendam iniquitatem. Itaque universaliter ut quis licitè procedat secundum opinionem probabilem, necesse est, ut de ipsa probabilitate intrinseca, vel extrinseca iudicium formet, antequam operetur, si enim hoc non facit, operatur vel ex ignorantia, vel ex dubio, quod planè non licet. Et ob hoc in Conclus. dixi, id minus iudicium probabilitatis antecedere debere, nam inferius dicam, etiam iudicium de intrinseca probabilitate præcedere necesse esse, seu iudicium subiectivum, non obiectivum, proprium, & non alienum; progredior nunc ad solvendas oppositiones, itaque sit

### QUÆSTIO TERTIA.

*An usus Probabilitatum sit contra Sanctos Patres & Doctores, veteresq; Theologos.*

**P**robabilioristæ rigidiores, seu Severistæ, qui gravissimè oppugnant probabilitatum usum, sunt præcipui R. D. Candidus, & alii supra enumerati, qui plurimas congerunt authoritates, & rationes ad ostendendum usum probabilitatum non esse licitum, atque esse novum commentum, & hoc sæculo inventum, quorum autem combinare

sensum perdifficile est, nam dicunt, sanctos Patres prioribus sæculis opinionum usum semper impugnasse, & tamen ajunt, hoc inventum esse recens, quæ sibi contradicere videntur, si enim novum hoc esset commentum, quomodo ergo Patres impugnarunt, quod nondum erat natum: si autem oppugnarunt, ergo jam tunc aliqui fuerunt, qui probabilitatum usum defenderunt, ac tenuerunt, adeoq; nihil novum; Aut si Benignistæ novi sunt, profectò Severistæ adhuc recentiores, nam illi primitus his modernis temporibus Benignistas impugnare cœperunt, videntes aliquos excessisse limites, quos nec ego approbare, vel sequi præsumo, sed omnes conscientiae relaxationes damno, ac media incedere viâ intendo, unde nunc Severiorum argumenta, quoniam frequenter coincidunt, sine citatione nominum, aut ordine, quo ab ipsis proponuntur, sed methodo mea, ordinaria incipiendo ab authoritatibus, iisque urgentioribus, potissimas proponam difficultates.

Opponitur Primò: **Authoritas** II.  
Scripturæ sacrae, Eccles. 37. *Ante omnia opera verbum verax præcedat.* Consilium stabile et iudicium.  
*Et ante omnem actum consilium stabile.* bitationem.  
Ex quo Merenda potissimum deducit, & infert, ante omnem operationem bonam debere iudicium certum moraliter de rectitudine actus præcedere, nisi enim hæc adsit, non potest iudicium stabile, & verbum verax dici, unde etiam authores & interpretes dicunt, in operationibus sequendum esse iudicium non quodcunque, sed veris rationibus stabilitum, atqui probabilis opinio non innititur veris & rectis rationibus, ergo. Secundò: Prov. c. 2. *Si intraverit sapientia cor tuum, & scientia animæ tuæ placuerit, consilium custodiet te, & prudentia servabit te, ut eruaris à via mala, & ab homine, qui per-versa loquitur, sed opinio probabilis nequit inducere in cor hominis operantis rectum consilium & prudens, quia hic est effectus proprius sapientiæ & prudentiæ,*



sententia, ut dicit Scriptura, unde idem sapiens videtur carpere Doctores Probabilitatū, quando c. 14. dicit: *Est via, quæ videtur homini iusta: novissima autem ejus deducunt ad mortem.* Tertiò ibidem, cap. 28. *Viri mali non cogitant judicium; qui autem inquirunt Dominum, animadvertunt omnia,* ergo viri religiosi, & salutis suæ studiosi, ut benè operentur, debent omnia prius inquirere, consequenter non possunt quæcumq; sententiam probabilē amplecti. Respond. nego consequ. omnem, quæ ex his auctoritatibus deduci posset, quia revera nullus sacræ Scripturæ locus ex allegatis aliquid probat, vel reprobatur opinionē probabilem, concedo ergo consilium stabile & verbum verum præcedere debet operationem, sed non veracitati naturali, sed morali, non entitativa, sed rationabili, non evidente, sed verisimili, seu quæ habet fundamentum in ratione prudenti, in auctoritate gravi, & similibus, alioquin nec ipsi possent sequi opinionem probabilem, quia nec hæc habet evidentiam, nec superat probabilem, nisi secundum magis & minus, in reliquo habet etiam annexam formidinem, nè subsit falsum, & etiam subesse potest, satis ergo erit consilium stabile, si excludat dubitationem. Ad secundum locum dico, Salomonem ibi in proverbiiis accipere sapientiam & scientiam pro quacumq; prudenti cognitione, quæ stultitiam temeritatemque excludit, ita ut etiam opinionem comprehendat, in quantum scilicet hæc etiam consilium rectum & prudens inducit, si enim loquitur de sapientia & scientia propriè dicta, pro ut natæ sunt attingere veritatem naturalem objecti, nempe per media certa & evidentia, tunc æq; concluderetur opinio probabilior, ac probabilis, quia neutra sic objectum suum attingit, unde illud, quod 14. dicitur, convenit benè opinionibus, temerariis, præsumptuosis, stultis, & imaginariis illorum authorum, quibus inest quælibet audendi potestas, non tamen opinionibus verè probabilibus, quæ hinc inde exami-

nant debite rationes & motiva utriusq; partis, quibus deferenda est utendi facultas, reliquas verò censeo ut temerarias & incertas omnino rejiciendas. Quare ob eandem rationem concedo illud, quod quarto loco ex Proverbiis adducitur, si enim quispiam non examinet rationes & difficultates opinionis suæ, quod semper assero necessarium ex infra dicendis, peccabit, quia operabitur non ex probabili sententia, sed ex vincibili ignorantia.

Opponuntur Secundò plures Authoritates Scripturæ ex antiquo Testamento, Eccles. 3. *Qui amat periculum, peribit in illo,* ex quo sic argumentantur: Qui non vitat periculum peccandi materialiter, quantum potest per diligentiam humanam, iste amat periculum, & perit in illo, seu peccat formaliter, atqui qui sequitur probabilem opinionem, non vitat, quantum potest & quantum tenetur periculum, ergo a maj. patet. Probatur min: qui eligit monetam, non habentem veram rationem monetæ valentis, non adhibita diligentia debitâ, & servus, qui emit equum domino suo, non habentem signa boni equi, nec fecit diligentiam in emendo bono equo, peccat, ergo à pari. Secundò Eccles. 19. *Qui citò credit, levis est corde,* id est, in rebus dubiis, non tam facile est præstandus assensus, sed inter duas opiniones probabiles, qui citò unam amplectitur, facilem præbet assensum in rebus dubiis, quia ex duabus talibus in unâ necessario subest falsitas. Tertiò, Job. 29. dicitur: *Causam, quam nesciebam, diligentissime investigabam,* scilicet non ob aliam causam, quam ut assequeretur quod verum & rectum esset, sed qui amplectitur opinionem probabilem, non diligenter inquit causam, ergo: min. probatur: Quia si duo in bivio existentes unus ostenderet mihi peregrinanti hanc viam, alius alteram, manerem dubius, nec quo me verterem, scirem, quantum enim faceret unus viam credibilem, tantum alter faceret incredibilem, atqui

III.  
Periculum  
amans,  
quomodo  
peccat in  
illo.

atqui in opinionibus hoc idem evenit. Denique lib. 3. Reg. cap. 12. legitur: *Responditq; Rex populo dura, derelicto consilio seniorum, quod ei dederant*, propter quod Roboam reprehenditur, eò quòd consilium deterius juvenum apprehenderet, sed qui sequitur opinionem probabilem, derelicta probabili ori sequitur consilium juvenum, relicto sapientum & seniorum, ergò.

Respond. Nec istas omnes Auctoritates nec divisim, nec collectivè sumptas, aliquid contra probabilitatum usum probare, & ut singulas ex ipsis illationes solvam, ad primum Respond. neg. minor. quia supponit, & ait, in opinione probabili esse periculum, quod nunquam adhuc probatum est. Aut si est aliquod periculum, illud est remotissimum, adeoq; in consideratione non habendum, quòd Sanchez lib. 1. cap. 9. n. 14. vocat materiale & imaginarium, intelligitur ergò Ecclesiastici dictum de periculo proximo. Ad probat. min. dico: Illum, qui bonam pro mercibus monetam accipit, bonumque equum pro Domino emit, non peccare, sed satisfacisse suæ obligationi, licet potuisset meliorem accipere, nisi negligentiam aliunde commisisset, quod longè abest ab opinione probabili; unde exemplum allatum de moneta, videtur esse pro opinione probabili, nam in *l. custodiam. 3. ff. de periculo, & com. rei.* quod quis in rebus alienis exactiorem debeat habere diligentiam, quàm in suis, ergò si servus recipiens monetam bonam, licet potuisset accipere meliorem, non peccat, ergò nec peccat, qui amplectitur opinionem probabilem. Respond. ad 2. neg. min. Nam errant omnes, qui existimant in opinione probabili includi dubium, in intellectu sano opinante, potest quidem aliquando præcedere dubium, sed illud est deponendum, ut monet S. Thomas quodl. 5. cap. 4. potest quidem aliquando incidere scrupulus, quòd hoc sit illicitum, sed hoc contingit ignorantibus, differentiâ inter scrupulum

pulum & dubium, quare absolute negandum est, cum, qui sequitur opinionem probabilem, citò credere, id est, imprudenter & temerè, eo enim ipso quòd moveatur firmis rationibus, quibus probabilis innitur opinio, quasq; examinavit, & præmissis diligenti studio cognovit ut tales, & ex eo, quòd non sit improbabilis, nec temeraria, non dicitur citò credere, sed ex ratione fundata, consultò ac prudenter, & consequenter Scriptura illa hic non habet locum, sensus ergò illius Scripturæ est: Qui citò & facile credit homini, aliquid de proximo suo narranti, & maxime eidem detrahenti, is levis est corde, & *minorabitur*, id est, patietur detrimentum famæ & existimationis suæ. Quod autem in isto, & non alio sensu sit Ecclesiasticus intelligendus, audi quid Apostolus dicat: *Charitas omnia credit, omnia sperat*, id est, sicut omnia sperat à DEO promissa, id est, bona æterna, non temporalia, quia scit, DEUM fallere non posse; sic etiam omnia credit DEO, id est, quæcunque DEUS revelavit, vel per se, vel per Ecclesiam suam, ea statim indubitanter omnia suscipit & credit, & tamen qui ex charitate citò credit, & sperat, non est levis corde, ergò nec qui post debitam diligentiam veritatis inveniendæ, opinatur, levis est corde. Respond. ad 3. neg. min. Quia aliud est, quod diligentissime Job inquisivit, quia causam penitus ignorabat, idèd usus fuit superlativo, qui autem opinatur, non ignorat, sed scit, se prudenter operari & benè, si tamen ignoraret causam, etiam diligentiam adhibere deberet ad inveniendam causam, non talem quidem, quam ille sanctus vir & præfectus adhibuit in superlativo, sed in positivo, unde in eodem libro Baldad cap. 8. dicit: *Interroga generationem pristinam, & diligenter investiga Patrum memoriam*, ubi Job loquens jubet, eum tantum diligenter investigare Patrum & Seniorum memoriam; & tamen quòd diligentiam in positivo ponat, propter hoc non reprehenditur. Exemplum

emplum allatum non est ad propositum, quia si duo illi viri me instruere deberent, v. g. hic Pragæ de via Viennam versus, quam scio sitam ad Orientem, & unus diceret, me debere ire per Egram, quæ est versus Aquilonem, & alter juberet ire per Znoymam, quæ etiam est versus Orientem, statim colligerem primum dicere falsum, veritatem autem secundum, & consequenter non est paritas, vel aliqua similitudo de opinione probabili & probabiliiori; Esset tamen exemplum ad rem, si ex duobus illis unus mihi diceret, via Viennam bona est per Znoymam, brevior, sine montibus iter planum & commodum; alter autem assereret, via Viennam est melior Fratri Minori per Novam domum, licet sit longior, est propter Conventus commodior, licet sit difficilior; si primam complectar, ibo viâ planâ per opinionem probabilem, si secundum per opinionem probabiliorem & difficiliorem, & sic est exemplum ad propositum, sed nihil contra opinionem probabilem, ut examinanti patebit.

IV.  
Consilium  
juvenum,  
de se non  
est aliud,  
quæ aliis.

Respond. ad Quartum Perperam illam comparisonem fieri de consilio juvenum, cum usu & electione opinionum probabilium, nec propter consilium juvenum, quia juvenum reprehenditur Roboam, quia juvenes ætate, senes quandoque sunt, & cani sensibus, unde dicit David Psalm. 118. *Super senes intellexi, & super omnes docentes me intellexi*, sed reprehenditur Roboam, quia secutus fuit consilium impium & iniquum juvenum, quod manifestè tale esse colligitur ex contextu, nam in eodem capite sic habetur: *Et dixerunt ei juvenes, qui nutriti fuerant cum eo: sic loqueris populo huic, qui locuti sunt ad te, dicentes: Pater tuus aggravavit jugum nostrum, tu releva nos. Sic loqueris ad eos: Minimus digitus meus grossior est dorso patris mei. Et nunc pater meus posuit super vos jugum grave, ego autem addam super jugum vestrum: Pater meus cecidit vos flagellis, ego autem*

*cadam vos scorpionibus.* Quis autem non videt perversum & plenum crudelitatis hoc esse consilium? Senum verò fuit justum & rationabile propter sublevationem populi.

Opponuntur Tertiò Authoritates Scripturæ ex D. Paulo ad Galat. 4. *Opus autem suum unusquisque probet*, opus autem probare est, illud examinare, & velut bonum approbare, quod non facit, qui sequitur opinionem probabilem. Deinde ad Ephes. 4. *Ut jam non simus parvuli fluctuantes, & circumferamur omni vento doctrinæ in nequitia hominum, in astutia ad circumventionem erroris*, nulli autem magis circumferuntur ventis doctrinarum, nisi qui probabilitates sectantur. Et cap. 5. *Videte itaque fratres, quomodo cautè ambuletis, non quasi insipientes, sed ut sapientes redimentes tempus, quoniam dies mali sunt.* Ubi benè notanda, est particula *cautè*, quam non videtur opinio probabilis curare, quia non cautè ambulat, qui cum periculo & formidine de opposita falsitate incedit. Denique in epist. 1. ad Thessalonic. cap. 5. sic exhortatur omnes: *Omnia autem probate: quod bonum est tenete, ab omni specie mali abstinete vos*, in quo loco Doctor Gentium monet: *quod bonum est tenendum, non quid videtur bonum, ergò non probabile, sed à parte rei verum*, unde pro majori energia, subdit: *Ab omni specie mali*; quid autem magis habet speciem mali, quàm opinionem probabilem præferre probabiliiori, ergò.

Respond. Nec hæc loca enervare argumenta pro usu & probabilitatum defensione, concedo enim omnia nostra opera examinanda, in dandis consiliis doctos debere incedere cautè, Prædicatores & Confessarios vitare speciem mali, non relaxare hominibus habenas, cum natura humana absque hoc ab adolescentia sua sit in malum prona, ex quo tamen non sequitur, quin aliquando in concursu probabiliiori etiam probabilis opinio possit adhiberi, maxime si post diligens exam-

(\*) Zzzz

men



men sine affectu pravo cognoscat, quis opinionem verè esse probabilem: Unde ad primum locum dico, benè Paulum docere ibidem, non esse absolutè bonum semper sequi minus probabiles opiniones, quia per tales relaxaretur nimis vita mortalis. Porro in secundo loco D. Paulus non loquitur de opinionibus probabilibus in genere prudentiæ, sed de falsis doctrinis falsisque dogmatibus, quæ obtrudebantur veræ fidei à Philosophis, ut illam destruerent, & hoc omninò est reprobandum, sicut etiam reprobò omnes opiniones, quæ ut probabiles circumferuntur, & tales non sunt; Mea opinio solùm in hoc consistit, licitum est quandoque in privatis prudentiæ operibus sequi opinionem probabilem, relicta probabiliori, dummodò illa fuerit verè probabilis cognita, id est, rationibus, argumentis & motivis efficacibus munita, non verò superficialibus, vanis, acutis & luforiis, in verbis meris subsistentibus, has enim reprobò, & omninò rejicio. Ad quartum denique locum Div. Pauli pariter Respond. ibi non reprobari probabilitatum usum, sed adhortatur, ut in omni nostra actione simus circumspecti, & cauti, quantum scilicet sufficit ad evitandum peccatum, & si quid ultra prætereundum videretur, hoc magis foret consilium, quàm præceptum. Nec D. Paulus per *quod bonum est*, intendit physicam & naturalem bonitatem, sed prout conscientia operantis bona fide repræsentat, alioquin nec probabilior esset amplectenda, quia nec ista evidenter attingit objectum, ut est à parte rei, & eidem potest subesse falsum; Deniq; per opinionem probabilem vitamus omnem mali speciem, quia sub specie boni illam conspicimus, & bona fide, quod bonum & rectum est, in quantum cognoscitur, proponit, ergò

cipiuntur, præponendas eas esse, quàm plures, gravioresq; recipiunt, his quàm pauciores, minorisq; authoritatis Ecclesiæ admittunt, ergò semper juxta majora & graviora motiva est judicandum, atqui probabilior sententia habet graviora motiva, ergò. Secundò: In Clement. Unica de Summa Trinit. determinatur esse eligendam magis probabilem, dicens: *Opinionem secundam tanquam probabilior, &c. duximus eligendam.* Tertiò: Cap. Capellanus, de Feriis, dicitur: *Sed posterior sententia meliori & subtiliori nititur ratione;* ergò utiq; & semper probabilior est eligenda. Respond. neg. conseq. Juribus enim istis oppono textus alios citatos in quæstione priori in conclusione prima. Et particulariter ad primum locum dico: Ibi nec mentionem esse de probabili vel probabiliori opinione, sed de libris Canonicis sacrae Scripturae, quia forsan nondum erat determinatum, quinam pro talibus essent habendi, unde benè docetur illos præferendos, qui à pluribus & gravioribus, majorisq; authoritatis Ecclesiis recipiuntur, si tamen ad materiam præsentem velis applicare, dicam etiam tunc nobis non præjudicare, sed utriq; favere, quia opinio probabilior erit illa, quæ à pluribus & gravioribus authoribus recipitur, minus probabilis quæ à paucioribus, & minoris authoritatis admittitur, atqui sententia defendens probabilitatum usum à pluribus & gravioris authoritatis admittitur, ut patet ex supradictis, quàm sint Phalaetus, Merenda, aut Mercurus, ergò. Deinde assero quoque, aliud esse opinionem probabiliorē esse præferendam minus probabili, sed aliud quoq; est, probabiliorē esse de necessitate sequendam, primum gratis concedo, secundum vero simpliciter nego.

Ad secundum locum Respond. in Clement. priorem opinionem haberi pro improbabili, cum posterior à quampluribus habeatur pro fide, nec obstat, quod Papa posteriorem appellet probabiliorē, ac proinde

v. **Opinio**  
plurium,  
quando sit  
dæponen-  
da.

**Opponuntur** Quartò plura loca Juris Canonici, ut *cap. in Canonicis d. 19.* ubi ex D. Augustino dicitur: *In illis scripturis, quæ non ab omnibus re-*

proinde videatur priorem tenere probabilem, quia in toto illo discursu nec vocat illam probabilem, & ideo duxit eligendam posteriorem, quasi excludendo priorem à probabilitate. Denique in *Cap. Gappellanus*, &c. Papa non interrogatur super usu opinionum, sed quanam illarum sit probabilior, & respondet prædictam, vide supra citatam in priori quaest. nullam eorum reprobando, reprobatio enim non præsumitur, nisi expressè de eo constet, ut infra dicam.

**Instatur: Cap. Proposuit de Cleric. Excom. ministr.** dicitur, quod probatio plenior absorbet, & confundit minus plenam directè oppositam, ut etiam tenet *Glossa V. Mentionem. cap. In nostra. de Procurat.* ac proinde testes numero plures prævalent paucioribus, similiter in discordia plus valet iudicium plurimorum, & duæ rationes vincunt unam, una fortior superat debiliorem & minus fortem, ac consequenter probabilior excedit probabilem, ergo. Respond. neque ex his textibus, & rationibus aliquid concludi, quia totus discursus procedit de probationibus, non de opinionibus, in quibus proceditur per rationes, non verò per testimonia, præsumptiones aut conjecturas, ut faciunt iuristæ, opinio enim non pendet ab autoritate dicentis, vel credentis, sed ab efficacia rationis, per quam in esse probabilitatis primò constituitur, si postmodum autoritas accedat, auget eandem, sed ab extrinseco tantum, ergo.

III  
ob  
VI  
Papinianus  
quomodo  
præfatu  
am.

**Opponitur Quintò: Jus Civile** in edicto Theodosii, quod sic sonat: *Ubi diverse sententia proferuntur, potior numerus vincat Authorum, vel si numerus sit equalis, ejus partis præcedat autoritas, in qua excellentis ingenii vir Papinianus emineat, qui ut singulos vincit, ita cedit duobus, ergo si opinio probabilior ex principio extrinseco præferenda, à fortiori sequenda est illa, quæ ex utroque principio est probabilior.* Hinc etiam praxis omnium Judiciorum, Regno-

rum, Imperiorum, Rerumq; publicarum jam obtinuit, atque hodie etiam obtinet, quòd omnes controversias definiant per suffragiorum pluralitatem, ita ut nunquam duo vel tres cujuscunq; ingenii vel autoritatis fuerint, prævaleant illos, qui numero sunt plurimi, ergo id multo magis practicandum est in causa salutis animæ, ita quòd pudere deberet Theologos, quòd ad duorum, vel trium hominum sententia tantæ molis negotium decident. Confirmatur ex *Instit. de Emptio*: ubi definitur: *Sed Proculi sententia dicentis, Permutationem esse propriam speciem contractus, merito prævaluit, quæ sententia in ff. de contract. Empt. etiam dicitur verior,* ergo in contrarietate opinionum prævalere debet probabilior & verior sententia. Respond. neg. consequ. Quia prima autoritas solummodo procedit in casu, ubi in suffragiis dandis ex sola assertionem votantis sine ratione & argumento fertur sententia, adeoq; non est multum ad propositum nostrum, qui loquimur de opinione fundata in ratione, sine qua non potest opinio esse probabilis, adeo quòd autoritas carens ratione, non faciat aliquid ad opinionem. Deinde edictum hoc non invenitur in Corpore Juris, & posito quòd ibi esset, Jus Civile non est regula actionum humanarum quoad animam. Denique si verum est in materia conscientia valere pluralitatem votorum, ergo sententia nostra est amplectenda, quæ in hac controversia sine comparisonem habet majora & plura vota, tot scilicet, quot Authores probabilitatum usum defendunt. Ad Confirmationem dico, antiquitus fuisse utramq; opinionem probabilem, scilicet emptionem esse permutationem, & emptionem esse particularem speciem contractus, postmodum autem indagatione perfectiore facta deprehensum esse distinctas species, adeoq; cessavit prioris probabilitas, nec exinde contra nos aliquid infecti potest, qui versamur in materia conscientia & animæ.

(\*) Zzzz 2

Oppo-



VII.  
Scire qui  
conatur,  
peccato  
excusatur.

Opponitur Sexto Authoritas S. Augustini, quem sparsim per omnes suos tractatus adducunt Probabilioristae, ego ejus sententias hic simul colligam, Primo Enarrat. in Psal. 35. ubi dicit: *Aliud enim est, quando quis conatur aliquid intelligere, & per infirmitatem carnis non potest, aliud autem, quando perniciosius agit adversus seipsum cor humanum, ut quod possit intelligere, si bona voluntas accederet, non intelligat*; ubi S. Doctor distinguit inter simplices, & doctos tales sese venditantes, primi, id est, indocti excusantur, quod opiniones & doctrinas existimantes sequantur per infirmitatem carnis, inculpan- tur verò docti per defectum bonae voluntatis, qui nolunt indagare veritatem per media talia, quibus moraliter uti possent. Secundo, in Psal. 39. ait: *Voluntas DEI nostra regula est, illa autem integra manet, regula enim est incommutabilis*, si ergò voluntas DEI est regula incommutabilis, uti est, ergò quicquid mutabiliter agitur, non conformatur regulae aeternae DEI, atqui probabilitas mutabiliter tam ad verum, quam ad falsum se habet, ergò, unde bene. Pro Tertiò: In Psalm. 110. Probabilistas sic alloquitur: *In regula non vos agnosco, novi enim regulam justitiae meae, non illi congruitis, declinatis ab ea, distorti estis*, non alia ratione, nisi quia regula aeterna est incommutabiliter vera, probabilitas autem indifferens, tam ad verum & falsum, semper habens annexam formidinem, nè oppositum sit falsum, ergò. Denique lib. de utilitat. credendi cap. 3. dicit: *Rectè factum nullo modo esse potest, quod à recta ratione non proficiscitur*, porro recta ratio est ipsa virtus, cui autem hominum virtus nisi sapientia animo praesto est? Solus igitur sapiens non peccat, quod autem rectae rationi, & incommutabili veritati absolute non convenit, non potest spectare ad virtutem sapientiae & prudentiae, ergò nec probabilitas, &c.

Respond. Admissis Authoritatibus illis negando omnes ex eis de-

ductas illationes, nam si legitime perpendantur singulae, non plus impugnant Probabilistas, quam Probabilioristas, nam quoad distantiam ab incommutabili veritate, omnino aequales sunt, nulla enim absolutam, veram, & physicam rei veritatem attingit, nam differunt solum secundum magis & minus. Quantum ad formidinem de falsitate, quae subesse potest, sunt quoque pares, formido enim opinionis, non opinantis, seu formido ex objecto, non ex subjecto, est quaedam opinionis proprietas necessario eam sequens. In probabilitate pariter conveniunt, nam principia intrinseca, & motiva, quibus innituntur, solam habent certitudinem moralem, eamque nunquam excedunt, ergò tantum contra ipsos adversarios, quantum contra nos valent textus illi allegati, si quid probant. Veruntamen Resp. Specialiter ad singulos, & ad primum dico, S. Augustinum ibi agere de ignorantia crassa, affectata, & malitiosa, unde & ibidem statim subdit: *Non quia difficile est, sed quia voluntas adversa est. Hoc autem fit, dum amant peccata sua, & oderunt praecepta DEI.* Sermo enim DEI adversarius tuus est, si tu amicus sis iniquitatis tuae. Et paulò post: *Sunt enim homines, qui quasi conantur querere iniquitatem suam, & timent illam invenire, quia si illam invenerint, dicitur illis: Recedite ab illa. Hec fecisti, antequam scires, iniquitatem fecisti cum esses in ignorantia.* Dat DEUS veniam, modo cognovisti eam, dimitte illam, ut facile possit ignorantia tua venia dari: ut libera fronte dicas DEO: *Delicta juventutis meae, & ignorantia mea ne memineris.* Hac illam querit, bac timet, nè inveniat illam: dolose enim querit. Non sciebam, quia peccatum est, quando dicit homo? Cum viderit, quia peccatum est, & destiterit facere ipsum peccatum: quod ideo faciebat, quia ignorabat. Verè sic voluit nosse iniquitatem, ut inveniret & odisset. Nunc autem multi dolose agunt, ut inveniant iniquitatem suam, id est, non ex animo agunt invenire & odisse, sed quia in ipsa

VIII.  
Stultus de  
bet sequi  
consilium  
sapientum.

ipsa inquisitione dolus est, in in-  
ventionem defensio iniquitatis erit.

Dices: Sed Probabilistae nolunt  
uti omnibus mediis pro inveniendâ  
veritate, quibus moraliter uti po-  
tuerunt, & ex eis colligere, doctri-  
nam probabilitatû, secundum quam  
consilium dare debent, tam graves  
pati difficultates, ergo habent igno-  
rantiam culpabilem. Respond. neg.  
conseq. Quia ad evitandam ignoran-  
tiam culpabilem sufficit adhibere  
omnem diligentiam, quam homo  
debet, & qualis sufficit ad evitandum  
peccatum, & peccati periculum, non  
verò quam moraliter potest, quia  
hoc esset nimis durum. Quando  
tamen occurrit casus, & necessitas  
dandi consilium, sum hujus opinio-  
nis, vel non licere, vel non expedire,  
dare illud idiotis juxta probabilem  
relictâ probabiliori, vel saltem te-  
neri quoque probabilioris illis ape-  
rire, quibus consulunt, maximè cum  
contrarias difficultates non suffici-  
enter solvunt, nam ut infra dicam,  
ut quis probabilitate utatur, & se-  
cundum illam operetur, debet ipse  
utens judicare, eam esse talem judi-  
cio determinativo & practico, & in-  
tellectum quasi convincere suum, &  
hoc bona fide, sine ullo pravo affe-  
ctu, quod si non faciunt juxta pro-  
babilem non consulunt, sed juxta  
improbabilem, & temerariam, quia  
probabilitas adversas difficultates  
solvere debet, ut operans sine du-  
bio saltem practico operari possit.

Instabis: Ut quis benè opere-  
tur, aut benè consulat alteri ad ope-  
randum rectè, non solum practicum  
dubium, sed etiam speculativum de-  
bet excludere, quia inaniter est ista  
distinctio excogitata, ergo. Re-  
spond. neg. antec. cum sua ratione,  
quia ista distinctio est receptissima  
in omni schola, contingere enim  
potest, quod operans nulli ex dua-  
bus propositionibus contrariis spe-  
culative adhæreat, ut veræ, quia  
fortè non potest illam assequi me-  
diis evidentibus & certis, ac proinde  
judicium suspendit, & dubius ma-  
net speculative de veritate, quo du-

bio non obstante, potest postmo-  
dum ratione ab extrinseco ascita, vel  
ratione suæ libertatis, vel aliunde  
determinare se practice ad adhæ-  
rendum uni magis, quàm alteri par-  
ti, ad dubium enim practicum ex-  
pellendum sufficiunt rationes pro-  
babiles morales, ad speculativum  
autem requiruntur rationes neces-  
sariæ & demonstrativæ.

Respond. ad secundum locum  
S. Augustini, in principali oppositio-  
ne allatum, illum æqua lance milita-  
re contra Probabilioristas, nam in-  
numeræ opiniones, quæ olim erant  
probabiliores, nunc factæ sunt mi-  
nus probabiles, ut patet de Imma-  
culatæ Conceptionis mysterio, &  
aliquæ planè à Sede Apostolica re-  
probatae, unde licet divina lex sit  
incommutabilis in se, potest tamen  
aliqua ratione mutari in modo pro-  
ponendi illam, uti factum est cum  
lege Mosaica, & aliquando etiam fit  
ex debilitate intellectûs nostri, qui  
pro hoc statu nequit omnem veri-  
tatem debitè & clarè attingere, unde  
cum ipse sit regula proxima actio-  
num nostrarum, sufficit, quod ille  
bona fide & absque pravo affectu  
proponat, quantum potest. Per  
hoc idem patet, quid dicendum sit  
ad tertium & quartum, aut dicito,  
omnia illa pertinere ad virtutem  
prudentiæ, quæ rectæ rationi vel  
speculative, vel practice, vel physi-  
cè aut moraliter conveniunt, dicta-  
mina autem opinativa licet aliquan-  
do speculative & physicè non con-  
veniant rectæ rationi secundum ve-  
ritatem naturalem, conveniunt ta-  
men practice, & secundum verita-  
tem moralem.

Opponitur Septimò alia Autho-  
ritas D. Augustini, lib. de mendacio  
ad Crescentium cap. II. ubi relatis  
tribus operationibus intellectûs in-  
telligere, credere, & opinari, ait, ter-  
tium nunquam sine vitio est, ut etiam  
citatur Philaletus, imò pro adversariis  
ex eodem Augustino ibidem sub-  
jungo, opinionem planè appellare  
errorem, & ab errore originem tra-  
here, ait enim: Quod intelligimus igitur,

IX.  
Opinio  
que non  
sit sine vi-  
tio.

(\*) Zzzz 3

tur,

tur, debemus rationi: quod credimus, auctoritati: quod opinamur, errori. Sed intelligens omnis etiam credit: credit omnis & qui opinatur: non omnis, qui credit, intelligit: nullus, qui opinatur, intelligit. Respond. nego. conseq. Quia S. Augustinus non loquitur de opinionibus in eo sensu, quo defacto à Theologis accipitur, sed de opinione scientiam prætendente, vel scientiæ comparante, existimando certum esse, quod est incertum, atque sæpè falsum, & ideo opinio cum existimatione scientiæ nunquam sine vitio esse dicit, unde ipsemet post paululum causam addit, quare non sit sine vitio dicens: Opinari autem duas ob res turpissimum est: quod ediscere non potest, qui sibi jam se scire persuasit, si modo discere illud potest: & per seipsa temeritas non bene affecti animi signum est. Imò inferius magis iudicat opinandum, ut nos accipimus defacto, quia suadet sapientibus esse credendum, in iis, quæ nescit, atqui sapientibus credere est opinionem ab extrinseco probabilem sequi, ergo, ita enim ait: Nam qui dicunt, nihil esse credendum, nisi quod scimus, id unum cavent nomen opinionis, quod fatendum est turpe ac miserrimum: sed si quis diligenter consideret plurimum interesse, utrum se scire quis putet, an quod nescire se intelligit, credat aliqua auctoritate commotus: profecto erroris & inhumanitatis atque superbiæ crimen vitabit. Et tandem concludit: Quæcumque ita sunt, quis mediocriter intelligens, non planè viderit stultis utilius atque salubrius esse præceptis obtemperare sapientium, quam suo iudicio vitam degere? Nam omne factum, si rectè factum non est, peccatum est. Nec rectè factum ullo modo esse potest, quod non à recta ratione proficiscitur. Porro recta ratio est ipsa virtus. Cui autem hominum virtus, nisi sapientis animo præsto est? Solus igitur sapiens non peccat. Stultus ergo omnis peccat, nisi in iis factis, in quibus sapienti obtemperaverit, à recta enim ratione talia facta proficiscuntur, nec, ut ita dicam, dominus sui facti stultus

existimandus est, cum est tanquam instrumentum ministeriumq. sapientis.

Opponitur Octavo ultima, eaq. secundum Adversarios urgentissima Autoritas D. Augustini libi 3. contra Cresconium, cap. 73. docentem, comparativum semper præsupponere positivum, si ergo probabilius quid est, ergo alterum probabile, quem sic alloquitur: Tu verò callidus examinador, appensorq. verborum, doces nos quid valeat comparativus gradus, & tanquam victor exultas, quod non possem dicere, traditionem probabilius nos vobis obijciamus, nisi vos nobis eam probabiliter obijcere confiterer. Si enim vos, inquis, probabilius, nos ergo probabiliter. Et hoc doces, quia sic est probabiliter & probabilius, ut si dicas, verè & verius: & quia gradus iste quod ante positum est auget, non quod ante dictum est improbat. Adjungis alia verba, quibus hoc evidentius intelligamus: ac dicis, sic est bene & melius, male & pejus, horribiliter & horribilius, sic esse ostendens probabiliter & probabilius. Unde colligis putas, quia si ego probabilius quod falsum est, obijcio, superest, ut vos probabiliter quod verum est obijcere confirmes. Hic ego nunquid dico, quod in questione vel disputatione ecclesiastica nos artificiali grammatici docere conaris, quid valeat comparativus gradus, quia id, quod ante positum est, auget, non quod ante dictum est improbat? Video enim quam hoc ineptè tibi obijciam, quod tu videre nolisti, quando mihi antecategoriam velut ex arte Rhetorica obijciendam putasti, quod genus questionis ubi dicitur, non ego feci, sed tu fecisti, etiam in auctoritate Prophetica demonstravi. Quam objectionem sibi factam S. Doctor solvit duplici via, primò ex Scriptura, cap. 74. dicens: Considera tamen diligentius, nè forte invenias in latina locutionis auctoribus, quibus grammaticorum artificialia serviunt, non semper istum gradum, quod ante gradum positum est augere, sed aliquando contrario superferri. Cujus locutionis exemplum, interim mihi ex Apostoli Epistola



Epistola occurrit, quam scripsit ad Hebraeos, cum enim loqueretur de benedictione terrae, quae accepta pluvia fructum reddit, deinde subiecit, Proferens autem spinas & tribulos, reproba & maledictioni proxima est, cuius finis in uisionem. Quod ne illis, quibus loquebatur optasse videretur. Confidimus autem, inquit, de verbis fratres charissimi, meliora & herentia saluti. Attendis certè, quomodo hic dixerit, meliora: non quia bona erant, quae supra dixerat, proferre spinas & tribulos, & uisionem mereri; sed magis, quia mala erant, ut illis devitatis meliora eligerent & optarent, hoc est, bona tantis malis contraria.

Secundò hoc idem refutat per Authoritatem Grammaticam ex Virgil. lib. 3. Georg. desumptam cap. 75. Quanquam nec secundum Grammaticos in verbo me errasse reprehenderes, si saltem verborum ipsorum auctores vel attendere, vel memoriter recolere voluisses. Pueriles enim habent literae, sed non à puero imperito dictum:

Dii meliora piis, erroremq; hostibus illum:

Discissos nudis laniabant dentibus artus.

Quomodo ergò meliora piis, quasi bona essent istis, ac non potius magna mala, qui discissos nudis laniabant dentibus artus? Jam vides certè, quia sicut iste piis potuit optare meliora, quamvis illa, in quorum comparatione optabat, non essent bona: sic & ego potui dicere, traditionem probabilius vobis objicimus, quamvis eam vos nobis non probabiliter objiceretis, ergò probabilius idem est quod probabile. Respond. Quanquam D. Augustinus agendo contra Cresconium impugnaverit ejus falsam illationem, ex eo, quod Augustinus dixerat, se probabilius suas traditiones demonstrare, ergò, intulit Cresconius, nos demonstramus nostras probabiliter, consequenter & veras habemus, sicuti vos, quamvis habeatis illas paulò verius, nihilominus S. Doctor nec docet probabile, & probabilius summi pro eodem, nec negat, ubi ali-

quando probabilius quid est, ibi quoque non esse, vel non praesupponi etiam probabile, nam postquam retulisset varias opiniones, ait: In hac diversitate sententiarum, &c. supra de baptizandis parvulisve, sed in diversitate sentent. una est probabilior altera. Imò D. Augustinus assumit eandem regulam pro se ad confutandum Cresconium dicens: Sed ut omittam, quia & probabile, quando dicitur, non consequenter est verum; cum ea dicuntur, quae fieri possunt ac solent, & idè probantur, hoc est, approbantur & creduntur, etiamsi facta non sint: quod autem verum est, cum ostenditur, necessario probabile est, & illo utiq; probabilius. Deinde secundum aliam regulam S. Augustini in communi disputatione non attendendū est tam rigor Grammaticus verborum, quam consuetudo & usus populorum, prout verba accipere consueverunt, & intelligere sunt assueti. Deniq; si probabile idem est quod probabilius, infero ergò ego, sed probabiliorē opinionem sequi possumus, ergò & probabilem, quia idem est.

Tandem Augustinus ipsemet usus est termino probabili, & probabilitate ad confutandos Hæreticos, nam lib. 2. contra Academicos cap. 3. alloquens Romanianum, dicit: Itaque jam cum Alpio, te Fautore, confligam, & tibi facile persuadebo quod volo, probabiliter tamen, ergò Div. Augustinus absolute non improbat terminum probabiliter, sed illomet utitur, & re ipsa, ut jam supra annotatum est. Ultimò dico, Augustinum si quando probabile impugnat, non reprehendere illud in sensu Christianorum, sed in. & secundum errorem Academicorum, qui nullum verum agnoscebant, & probabile dicebant, quod uniuscujusq; imaginationi incidebat, putantes hoc sufficere ad prudenter agendum.

Adducunt Adversarii plures alias Authoritates ex eodem S. Doctore, sed in veritate rei nihil probabilitatum usum in nostra acceptione impugnat,

pugnat, nam semper loquitur de opinione, quā quis putat se scire, quāquamvis in hoc vitium habet, quod à remeritate procedat, eam tamen excusat à mendacio, & peccato, ita enim docet lib. de mendacio ad Crescentium cap. 2. *Quisquis autem hoc enunciat, quod vel creditum animo, vel opinatum tenet, etiamsi falsum sit, non mentitur. Hoc enim debet enunciationi suae fidei, ut illud per eam proferat, quod animo tenet, & sic habet, ut profert.*

I.  
Bernardus  
S. non tol-  
lit proba-  
bilitate.

**Opponitur Nonò : Pro Patre**  
Mercoro, autoritas S. Bernardi, quem citat super regulam S. Benedicti, verum ego deprehendo illum locum in tractat. de præcepto & dispensat. ille allègat cap. 38. ego invenio in 14. ubi ait: *Ego verò, ut interior oculus verè simplex sit, duo illi esse arbitror necessaria, charitatem in intentione; & in electione veritatem. Nam si bonum quidem diligat, sed verum non eligat: habet quidem zelum Dei, sed non secundum scientiam: & nescio, quemadmodum iudicio veritatis vera esse possit cum falsitate simplicitas: ubi S. Bernardus ad rectitudinem conscientiae requirit electionem veritatis, sed eligens opinionem probabilem relicta probabiliori, non eligit veritatem, quia talis doctrina est magis dubia, quàm vera.* Confirmatur ex eodem S. nam ibidem subdit: *Patet ergò laudabilem illam, & à Domino laudatam simplicitatem absque his duobus non esse bonis, benevolentia atque prudentia, ut oculus videlicet cordis non solum pius, qui fallere nolit, sed & cautus sit, qui falli non possit: ubi Mellissus docet, oculum operantis debere esse cautum, ut falli non possit, sed qui eligit minus probabilem, falli potest, quia talis opinio non minus potest esse falsa, quàm vera.*

**Respond. neg. conseq.** Quia S. Bernardus in illo capite tractat quaestiunculam: *Cur conscientia errans non aequè convertat malum in bonum, uti bonum in malum? cum utrumque fiat ex fide, seu ex conscientia, & tantum videtur posse ope-*

rari oculum simplicem quoad bonum, quàm oculum nequam quoad malum, & resolvit, utrumque esse peccatum, dicens: *Utrumque proinde complectitur praesens capitulum, omne, quod non est ex fide, peccatum est, &c. & circum videlicet malitiam, & deceptam innocentiam, quia quod à nesciente fit, & bonum prorsus condemnat intentio prava, & malum non penitus excusat recta. Si ve itaq; malum putes bonum, quod fortè agis, si ve bonum malum, quod operaris, utrumque peccatum est, quia neutrum ex fide, licet sanè levius admodum peccetur, ubi sana intentione sola reprehensibilis actio foris apparet, quam ubi maligna latet etiam in mala actione intentio.* Sed dic, quæso, quid faciunt illa ad opinionem probabilem, ubi recta intentio simplex oculus ad rectam operationem inclinat, dirigit, & efficit: Nam illa, quæ ex autoritate subsumuntur, jam sæpè sunt refutata, nempe quod probabilitas non habeat suam veritatem, aut quod relinquat hominem dubium, unde cum dicit, oculum simplicem duo facere, nempe benevolentiam & prudentiam, utramque autem habet opinio probabilis, nam per benevolentiam neminem fallit; per veritatem verò non fallitur, quare per opinionem probabilem in mea limitatione, cautè quilibet ambulat, licet ille, qui sequitur probabilior, ambulat cautius, satis autem est esse cautum, consequenter nihil contra nos. Imò in præcitato tractatu S. Bernardus multa docet in favorem subditorum, quibus superiores non possunt præcipere ea, quæ sunt præter, aut supra regulam. Cap. namque 5. post discussionem longam, à Prælati legem obedientiae non esse extendendam, hanc facit Conclusionem: *Ergò Prælati jussio vel prohibitio non prætereat terminos professionis. Nec ultra extendi potest: nec contrahi citra. Nil me Prælati prohibeat horum, quæ promisi, nec plus exigat, quàm promisi. Vota mea nec augeat sine mea voluntate: nec sine certa necessitate.* In quo loco satis favet Mellissus opinioni probabili,



probabili, non volens obligare subditos ad sectandum illud quod perfectius est, quod melius, quodque probabilius, sed ad bonum, perfectum, & probabile, indubitatum enim est, obedire superiori illimitatè, etiam in iis, quæ supra vel præter regulam sunt perfectius esse, quam limitatè intra regulam, in priori enim etiam materiale peccandi periculum abest, in posteriori fortè posset timeri aliquod remotum periculum, sed de hoc instituam inferius sermonem, ubi acturus sum, quomodo subditi habeant se in opinionibus conformare voluntati superiorum in obediendo perfectissimo modo.

Omitto hinc etiam plures opponere Patrum Authoritates, quia si benè perpendantur, aliud non intendunt, quam nos debere esse cautos, in via DEI sollicitos, quia quilibet actus licet ex objecto & intentione bonus, facile ex circumstantia viciari potest; quod autem debeamus sequi viam veritatis, aut viam iustorum, totum quoque verum est, sed semper negatur viam probabilitatis non esse viam veritatis, aut viam iustorum, licet non sit perfectiorum.

Opinatur Decimò Authoritas

**XL**  
Opinari non est in nobis, sicut imaginari.  
Aristotelis, in quo se quàm maximè fundant Mercurus, Philaetius, Fagnanus & reliqui Adversarii, nam 2. de Anima, textu 152. dicit: *Intelligere in quo est rectè quidem prudentia, & scientia, & opinio vera, non rectè autem contraria horum.* Rectè autem intelligere est sequi opiniones veras, qui autem sequitur probabiles, ut plurimum sequitur falsas, nam ratione naturali discernimus, quid sit bonum, quid sit malum, quia signatum est super nos lumen vultus DEI, & hoc lumen est lex naturæ, quæ est impressio divini luminis in creatura rationali. Deinde text. 153. dicit: *Non est eadem phantasia, & opinio, imaginari namque possumus, cum libet, & fingere quidquid volumus, opinari autem non est in nobis, necesse enim est, aut verum, aut falsum dicere,*

ergò si intellectus non habet libertatem opinandi, nec habebit minus probabilem opinandi, sed cogetur plura & fortiora motiva sequi, nam sicut statera inclinat in eam partem, in qua gravius est pondus, ita intellectus, dum æqua lance librat utriusque opinionis rationes, violenter trahitur ad partem illam, in qua præponderant graviora motiva.

Respond. neg. conseq. Quia Aristoteles benè loquitur, verum enim est, quod sic intellectus ducatur à prudentia, à scientia, à vera opinione, quod non aberret à veritate, si tamen contrariis afficiatur, decipitur, ut explicant illum Conimb. V. *Non igitur idem.* Certum autem est, quod opinio probabilis habeat in se veritatem, eo ipso, quod est probabilis, vel si non habet, probabilis non erit, unaquæque enim habet suam veritatem, sicut habet probabilitatem, & sicut veritas non est indifferens ad rectum & obliquum, ita nec probabilitas, sed semper determinatur ad rectum, & quæ non sic determinatur, illa est improbabilis, & falsa opinio. Ad rationem, quæ primæ authoritati subiungitur, dico, quod lumen naturæ, quod est lex naturæ, nos inclinat ad cognitionem boni & mali, ut illud amplectamur, & hoc fugiamus, non tamen abstergit à nobis ignorantiam, cum qua nascimur, sed indigemus labore, quo etiam cum diligentia adhibito vix unquam in moralibus transimus ab opinione ad scientiam, lumen ergò naturale inclinat nos quidem ad cognitionem veri, sed non semper manifestat nobis claram & evidentem veritatem.

Respond. ad Secundum: Qui est potissimè Achilles, quo omnes arietant probabilitatum usum, & dico, nec istum textum 153. absolute in nobis negare opinionem, sed solum distinguere imaginationem ab opinione, quia nobis est liberum imaginari quod volumus, dicit enim Aristoteles ibidem, ut citant eum Conimb. *Ante oculos ponere, perinde ac si faciunt, qui artificiose memoria*

(\*) Aaaaa

*moria comparatis, atque dispositis locis, imagines fingunt, ac simulacra collocant, At opinari in nobis non est fitum, scilicet sic opinari, ut nobis imaginemur; In imaginatione enim non est assensus, sicut in opinione, & ideo debemus opinari eo modo, quo nos movet ratio tribuens opinioni probabilitatem veram, quâ inclinamur ad assensum verum, necesse ergo est, quod intellectus opinando dicat verum, vel falsum, juxta illud, quod ratio movet illum ad assensum, unde ex autoritate illa Aristotelis nihil probatur contra opinionem probabilem, Imò ex eâ sequeretur, quod nec intellectui liberum esset opinari probabilius, quod est contra Adversarios, cum & hoc sit opinari simpliciter. Ad rationem & comparisonem hic allegatam dico à materialibus ad spiritualia non valere argumentum, cum ex diversis rebus non fiat debita illatio, ut etiam jura docent. Deinde sicut si unus in statera addat pondus, mutabit judicium in libra mutata, sic addita ratione & autoritate mutatur opinio. Deniq; dici potest, intellectum non esse liberum ad opinandum, quia debet præstare assensum juxta exigentiam rationum propositarum, attamen regina potentiarum voluntas potest ei imperare, ut eliciat assensum opinionis minus etiam probabilis, eo ipso quod sit probabilis, & vera veritate morali, quod non contingit in libra, quæ naturaliter inclinatur ad hanc vel illam partem, qui tamen eam regit, potest ita disponere, ut nunc ad dextram, nunc præponderet ad sinistram.*

*Instatur: Cicero dicit lib. de Senect. Magne felicitatis est veras opiniones in senectute saltem assequi, sed veras assequi non possumus per evidentiam, ergo debemus conari, ut saltem magis probabiliter veras assequamur, & non minus probabilibus inhærere. Respond. neg. consequ. nam Cicero gentilis fuit, adeoque non habuit hæc fundamenta, & principia ad veras opiniones cogno-*

*scendas, sicut nos habemus supposita fide, unde nos cognoscendo probabiles etiam cognoscimus veras, non per demonstrativam evidentiam, sed per moralem certitudinem, nam qua ratione adversarii cognoscunt magis probabiles, nos cognoscimus probabiles, quæ suam quoque habent veritatem & proportionatam certitudinem, nam veritas, ut sæpè dictum est, non desumitur à comparativo, sed à positivo, nam comparativum supponit suum positivum in esse, ad quod illud sequitur, & quod augeat, juxta doctrinam Aristotelis in *Præd. qual. & 2. Topic. loco. 41.* ubi etiam docent Juristæ, Jason in *l. Stipulationum quedam ff. de verb. signif.* Farinac. & alii, adeoque opinio probabilis in gradu positivo suam habet honestatem, & licitum usum, antequam adveniat gradus comparativus, qui sicut non destruit positivum, sic nec tollit probabilitatem, sed tantum augeat. Deinde probabilitas à principio quando constituit propositionem probabilem, vel est otiosa, vel operativa, non otiosa, nec inutilis, ergo operativa, consequenter statim operatur, & producit suum effectum, antequam augeatur vel minuatur. Hæc doctrina tota confirmari excellenter potest per D. Augustinum, qui lib. 3. de Trinit. cap. 2. & tract. 74. in Joann. ubi docet, quod prius cuilibet rei sit esse in natura, quam ut hoc sit vel illo modo, aut quod augeatur, vel minuatur, in ultimo enim loco sic ait: *Proinde non solum non habenti, verum etiam habenti non in cassum promittitur: non habenti quidem, ut habeatur: habenti autem, ut amplius habeatur.* Nam nisi ab alio minus, ab alio amplius haberetur, sanctus Heliseus sancto Helie non diceret, *Spiritus qui est in te, duplex sit in me.* Et paulò post subdit: *Erit in eis, ut maneat, non manebit ut sit: prius est enim esse alicubi, quam manere.**

*Urgetur: Aristoteles docet 6. Ethic. cap. 3. Opinionem probabilem esse indifferentem ad verum & falsum,*

XII.  
Veritas  
constituitur  
positiva

falsum, sed innumeræ sunt controversiæ morales, quibus tribui non potest dispositio ad verum, ita ut non tantum contingat aliquando esse falsas, sed etiam quandoque convincantur de falsitate, ergo nec in positivo, secundum Aristotelem, opinio habet veritatem. Respond. disting. maj. ex autoritate Aristotelis opinio est indifferens ad verum & falsum, in ratione objectiva ipsius rei physica & naturali, concedo maj. est indifferens in ratione morali per rationes proportionatas intellectui nostro, secundum apparentiam demonstratas, nego. In primo sensu locutus est Aristoteles, quia invincibiliter ignoramus, quale sit objectum, & res in se ex ratione suæ contingentiae, In esse autem morali benè attingit intellectus objectum illud per cognitionem sibi proportionatam, secundum quam prudenter per sua motiva à nobis apprehenditur, adeoque tunc respicit veritatem, ita tamen ut mutari possit adveniente aliqua ratione, fortiori, aut etiam tolli per inhibitionem, ut benè docet Illustrissimus Caramuel in sua Theologia fundamentali.

XIII.  
Scotus 2 l.  
citatur cō-  
tra proba-  
bilitatem

Opponitur Undecimò Autoritas Doctoris subtilis pluribus in locis, ita quod Bordonus ex Merenda adducat 28. loca & textus, qui tamen omnes, si benè perpendantur, vix à longè probant, aut improbant probabilitatem usum, itaq; in fine quaestionis 2. prologi, dicit Scotus: *Multa in actibus humanis sunt dubia, utrum peccata sint mortalia, etiam suppositis omnibus doctrinis Doctorum & Expositorum, tamen non est dubia via salutis, quia à talibus tanquam periculosis debet homo sibi cavere, & se custodire, ne, dum exponit se periculo, incidat in peccatum, quod si noluerit querere salutem, sed non curando exponit se periculo, ubi fortè actus de genere suo, non est peccatum mortale, tamen peccabit mortaliter sese periculo exponendo.* Ubi ait Merenda, hoc argumento semper fuisse usos Doctores impugnantes probabili-

tatem, nam in controversia, an actus sit licitus, nec ne, adhærere propositioni affirmanti, semper est periculosum. Secundò affert locum ex 4. d. 11. q. 9. his verbis: *Hic breviter potest dici, farinam tritici purgatam, secundum communem purgationem esse materiam convenientem ad faciendum panem consecrabilem, & dubium sit, an amygdum sit hujusmodi materia, & pars negativa multis sit probabilior, non sine peccato quis exponit se tali dubio, maxime ille, qui præparat hostias consecrabiles:* ubi Scotus manifestè dicit, ex duabus propositionibus probabiliorē esse eligendam, nam quod amygdum non sit talis materia, multis videtur probabilior, non tamen omnibus, vel plerisque, quod propterea inducit periculum peccandi, licet opinio contraria sit probabilis, nisi enim opposita quoque esset probabilis, non diceret multis, sed omnibus. ergo. Tertium locum assumit ex tertio sentent. d. 36. q. un. lit. G. ubi sic habet: *Malitia potest dici, quod excecet intellectum dupliciter: uno modo privativè, alio modo positivè: Privativè, qui avertit à consideratione recta: Voluntas enim eligens oppositum alicujus rectè dictati, non permittit intellectum diu stare in illo recto dictamine, sed avertit ipsum ab illo, & convertit ad considerandum rationes pro opposito, si quæ possint esse sophisticæ, vel probabiles; saltem avertit ad considerandum aliud impertinens, ne stet illa actualis dissimulatio, quæ stat in remorsu illo, qui habetur in eligendo oppositum dictati.* His postremis verbis ait, Scotum expressisse diversitatem recti dictaminis manifestam habentis rectitudinem, & dictaminis etiam habentis illam non adeò manifestam, ut non possit probabiliter impugnari: Cum verò adversarii admittant velut probabilem omnem doctrinam adhærentem rationi probabili, utiq; fateri debent, Scotum comprehendere eos, qui avertunt intellectum à consideratione graviorum rationum pugnantium pro malitia actus, ut insistant speculationi rationum probabiliū

(\*) Aaaaa 2

babilium



babiliū pugnantiū pro bonitate actūs, quod continere peccatum apertè docet, ita Merenda. Sed

Respond. Primò generaliter ad omnes tres authoritates simul: Has non improbare probabilitatum usum, benè tamen abusum, quasi verò liceret uti opinionibus in omni materia, & quocunq; casu, ut complures Recentiores nimis licentiosè docuerunt, verumtamen ostendant adversarii, ubi Scotus unquam impugnaverit opinionem illam probabilem, quæ quando adhibetur tanquam opportunum remedium, ad tollendos scrupulos pusillorum, in hoc enim sensu nec Scoti auctoritatem, nec alicujus Patris adducere poterunt, nec ipsi intendere rationabiliter valent. Nunc specialiter

XIV.  
Via salutis  
nō est nobis  
dubia.

Respond. ad primum locum: Merendam non benè citare Scotum, nam in loco allegato combinat ipse tam objectionem, quàm responsionem, sic autem genuinè habet Scotus: *Et si objicias, multa in actibus humanis sunt dubia, utrum sint peccata mortalia, etiam suppositis omnibus doctrinis doctorum & expositorum: Respondeo, non est dubia via salutis simpliciter, quia à talibus, tanquam à periculosiss, debet homo sibi cavere, & cœtera ut supra, unde tamen non sequitur impugnatio probabilitatum usus, imò magis aluit illum, nam intentio & finis authoris attendi debet, nam Scotus, ibi docet multas veritates in Scriptura explicitè non contineri, adeoq; non esse inutilem laborem Doctorum & expositorum, quos proindè operans consulere debet, quando plures occurrunt rationes pro affirmativa, si autem negativam semper teneremur amplecti dicentem non esse alicuiusmodi aliquem licitum, non esset opus consulere Doctores, hoc enim negativum quilibet facillè cognoscit, & hoc etiam maxime removeret omne periculum peccandi tam formaliter, quàm materialiter. Deindè Scotus manifestè & apertè ibi docet, viam salutis nobis non esse du-*

biam, licet multa sint dubia in actibus humanis, an sint peccata vel non? quo non obstante via salutis non est dubia, quia stante dubio non est ulli operandum, nam hoc etiam modo cavetur omne peccatum, quamvis res alioquin non esset peccatum, tamen propter dubium fieri potest peccatum, adeoq; qui vult operari, dubium deponere debet, & tunc transit dubium in opinionem, quam quilibet sequi potest, si est verè & realiter probabilis, & post sufficiens examen cognoverit ut talem.

Respond. ad secundum: Etiam in hoc loco Merendam textum Scoti alterasse, nam ponit: *Pars negativa sit multis probabilior*, cum tamen non sic sit, sed multum probabilior, ut quilibet in fonte quærendo videre potest, mihi sol. 177. & idè oppositam planè videtur excludere à probabilitate, unde contrariam accepit pro non opinione, seu pro opinione improbabili, sicut etiam sumitur in Clementina unica, ubi inter duas opiniones vocat unam probabiliorē, quamvis altera nec quidem sit opinio, sed planè secundum potissimum, contra fidem, sic quoque in præsentī materia opinio de amydo, seu de amylo, non est opinio, sed error, quia contra Florentinum, quod in decreto Eugenii dicit: *Tertium est Eucharistia Sacramentum, cujus materia est panis triticeus, & vinum de vite.* Deindè Scotus hic egit de materia Sacramentorum, in quibus nulla ratione potest omitti via certa, & amplecti, aut adhiberi dubia, vel opinativa, nam in 4. d. 3. q. 2. §. Tercio de forma dicit: *Universaliter in omnibus dubiis quantum ad materiam, & formam baptismi sunt tres maxime: prima est ista, si possibilitas adest, via tutissima est eligenda: secunda, si non est possibilitas, via tutissima proxima est tenenda: tertia est ista, cessante impossibilitate, cautè est supplendū, quod impossibilitas prohibebat.*

Instabis: Scotus ibi non loquitur de dubio strictè sumpto, quando scili-

do scilicet intellectus nulli parti adhaeret, sed de dubio largè considerato, pro quacunq; materia controversa, quando pro utraq; parte sunt rationes probabiles, antiqui enim Theologi omnia sic controversa vocabant dubia, unde etiam Scotus ait: *Universaliter de omnibus dubiis, &c.* ergò etiam in quacunq; materia controversa est licitum operari. Respond. Transc. anteced. Quidquid sit, utrum Scotus de uno dubio magis locutus fuerit, quàm de altero, quod sicut faciliter asseritur, ita non difficulter negaretur, attamen distinguo consequens, ergò non est licitum operari stante dubio, concedo: dubio converso in opinionem, & iudicium practicum, nego consequ. Nec enim ego sentio aliquem posse operari cum dubio, etiam largè sumpto, nec cum opinione probabili, quæ non solvit sufficienter rationes pro altera parte urgentes, siue ergò sit dubium strictum, quando scilicet intellectus propter motiva utrimq; æqualia in nullam partem inclinat, sed manet suspensus & anceps: siue dubium largo sumatur modo, hoc est, pro ipsa materia controversa, quando intellectus examinatis rationibus utriusq; partis, licet ex pondere rationum in unam inclinet, nondum tamen determinatum præbeat assensum, ed quòd prematur adhuc gravitate aliqujus rationis pro altera parte militantis, ratione cujus iudicium adhuc fluctuat, tunc enim opinio nondum pervenit ad statum perfectæ probabilitatis, sed manet intra lineam suspicionis potius, quàm probabilis opinionis, quod contingit, quando post superatas & solutas oppositas difficultates intellectus determinat & iudicat, se hic & nunc licitè posse operari, quamvis fortè maneret adhuc aliquod dubium speculativum, dummodò nullum adsit practicum, unde Scotus in q. 6. citata dicit: in administratione Sacramentorù Ecclesiam semper tenere consuetudinem, quæ conformis est institutioni Christi, & promulgationi factæ per ejus Vicarium Petrum.

Respond. ad tertium: Neq; hæc propositiones probabiles damnari, earumque usum, nam Scotus expressè docet in concursu manifestæ rectitudinis, & manifesti dictaminis voluntatem non posse convertere se ad probabilem & non manifestam opinionem, seu dictamen, aut si convertet, tunc voluntatem facere ex malitia, & ut suam mentiatur iniquitatem quærere rationes sophisticas & probabiles, itaque Scotus ibi intendit docere voluntatem ex sua libertate posse se à recto dictamine avertere, & convertere ad sophisticum, juxta vulgatum Poëtæ dictum: *Video meliora proboq; , deteriora sequor*, ita videlicet, ut dictamine recto stante in intellectu, per quod habitus prudentiæ in illo generari potest, adhuc tamen non sequatur in voluntate virtus moralis, ed quòd ex malitia velit oppositum illi, quod per rectam rationem fuerat dictatum.

Opponuntur iterum aliæ auctoritates ex Scoto. Primò in 4. d. 6. q. 8. lit. A. ubi ait: *Eadem est ratio de omnibus istis, quia talis dat operam rei illicitæ, de qua re debet scire, quòd sit illicita (quod contingit, quando est illicita ex præcepto divino) & si nesciat (esse illicitam, vel ei à jure divino, vel humano esse inflictam poenam) nullo modo debet illam exequi, quousq; consulat peritos, per quos posset scire, illam esse illicitam, ergò nullo modo est licitum secundum probabilitatem operari.* Secundò in eodem 4. dist. 9. quaest. un. ubi dicitur de accedente ad sacram Synaxim: *Tenetur enim se examinare secundum diligentiam nostræ fragilitati possibilem, antequam communicet.* Si autem non sit negligentia crassa, puta quia præcessit examinatio sufficiens & nullum occurrit peccatum, de quo non fuerit, vel sit contritus, & confessus prius, non peccat communicando, licet forte aliquid lateat, vel traditum fuerit oblivioni. Vide qualiter Scotus doceat esse negligentiam crassam, si non præcedat diligens examinatio, & insuper considera, quòd examen illud diligens



diligens extendat usq; ad possibilitatem nostræ fragilitatis, ergo etiam Probabilistæ committunt negligentiam crassam, dum non adhibent diligentiam usq; ad posse fragilitatis nostræ in quærenda veritate probabiliori, & consequenter peccant, quod confirmant, dum assertum suum tertio probat: *Quia tunc non esset Sacramentum viatoris: quia talis certitudo non convenit viatori. Propter hoc dico, quod diligenti inquisitione facta secundum possibilitatem nostræ fragilitatis, & præmissa contritione & confessione, quantum videtur homini sufficere; si tunc communicet, non peccat: immo si qua alia peccata lateant, per istud Sacramentum etiam remittuntur.* Limites ergo nostræ diligentiae extenduntur usq; ad possibilitatem fragilitatis nostræ. Tertio in 1. d. 17. q. 2. dicit: *Respond. quod bonitas moralis est integritas omnium conditionum in actu & circumstantiarum: & hoc præcipue, ut illæ conditiones dictantur à recta ratione, debere inesse actui simpliciter, ergo est necessarium ad bonitatem actus moralis, quod eam præcedat dictamen completum rationis rectæ, cui recto dictamini conformetur tanquam mensuratum mensuræ, sed dictamen completum non potest esse quamdiu durat controversia de honestate actus, sicut durat in opinionibus probabilibus, ergo illæ non habent dictamen completum, consequenter ex illis nemo operari potest.*

*Respond. Nec istas autoritates aliquid contra nos concludere, Et primus quidem non, quia ibi loquitur de reiteratione baptismi, resolvendo ignorantiam juris non excusare rebaptizantem ab irregularitate, unde concludit talem dantem operam rei illicitæ, quam scit, aut scire debet, esse illicitam, non posse illam exequi cum tali ignorantia, sed debere consulere viros peritos, est enim ibi sermo de hominibus simplicibus & idiotis: qui nequeunt habere iudicium proprium determinatum conscientiae suæ sine formidine alterius partis, quod procul*

abest ab opinione probabili, quæ ignorantiam crassam excludit propter diligentiam sufficienter adhibitam, pellitq; omnem formidinem per rationes graves, quæ intellectum determinant ad assensum, ergo.

*Respond. ad Secundum: Scotus in dicto loco aliquid non intendere, nisi illum, qui sufficienti examine præmisso communicat, si postea recorderetur alicujus peccati obliti, non peccare communicando, quia peccatum oblitum remissum fuit per Sacramentum, ut dicit in confirmatione, & tertia sua probatione, ubi ait, non esse necessarium, quod communicaturus certo sciat, se esse in charitate, quia talis certitudo non convenit viatori; Ex quo contra adversarios potius deducitur, veritatem practicam stare posse cum falsitate à parte rei, objectiva & naturali, quam alii vocant speculativam, nam Scotus dicit, quod communicans præmisso examine diligenti esse actum honestum, moraliter bonum, etiamsi à parte rei lateat aliquod peccatum, aut oblivioni fuerit traditum, quæ est falsitas à parte rei, seu speculativa, sed sufficit, quod conformetur veritati practicæ, & morali existimationi, seu opinioni, se esse in gratia & sufficienter dispositum, nec requiri certitudinem majorem, quia alias non esset Sacramentum viatoris. Et sic quoq; dico in usu probabilitatum, necessarium esse præmittere diligens examen de sufficiente probabilitate.*

*Quanta autem debeat esse diligentia, ut sit secundum possibilitatem fragilitatis nostræ, quod Scotus requirit, varia variè dicunt, ego puto etiam in probabilitate tunc sufficientem esse adhibitam diligentiam, quando quis per rationes & motiva ad tantam certitudinem pervenit, ut excludat omnem anxietatem & sollicitudinem, de quocunq; malo possibili, unde quando quis pervenit ad illum gradum certitudinis, ut pro hoc statu major & amplior haberi*

XVI.  
Diligentia  
in proba-  
bilitate ad-  
hibenda,  
qua sit

beri non possit, quamvis sit absolute major in re, tunc sufficere probabilitatem ad moraliter bene operandum, nec tunc tenetur ad ulteriorem inquisitionem, alioquin iugum CHRISTI nimis grave esset, & conscientiae infinitis implicarentur anxietatibus, de qua re inferius plura, cum agam de iudicio ad probabilitatem necessariò.

Respond ad tertium: Dictamen practicum opinionis probabilis omninò debere esse completum, in hoc sensu, quatenus actus, ut dicatur esse moraliter bonus, debet esse conformis ad rectam rationem plenè dictantem de omnibus circumstantiis illius actus, quòd videlicet sit proportionatus ad potentiam, ad objectum, ad tempus, ad finem, ad locum, ad modum, quoniam bonum ex integra causa, in qualibet autem opinione probabilis reperitur sic dictamen completum ex motivis, quibus opinio vocari potest dictamen completum, non verò vult Scotus, quod debeat esse completum taliter, ut non maneat ulla controversia de honestate actus, alioquin ne probabilior haberet dictamen completum, quia semper contra eandem militant rationes opinionis oppositæ, quæ quandoq; non plenè solvuntur.

Instatur. Scotus q. 2. Prologi, ait: *Assertiones non videntur fuisse sine mendacio, si asserens non fuit certus, quia asserere dubium, vel est mendacium, vel non longè est à mendacio*, ergò quicumq; aliquid asserit, de quo non est certus, ut non sunt Probabilistæ, mendacium committit, vel mendacio proximus consequenter nequit cum tali incertitudine, & durante controversia operari. Respond. neg. conseq. Quia ibi Scotus loquitur de articulis fidei in Scriptura contentis, revelatis Prophetis & Apostolis, qui inspirati Spiritu Sancto locuti fuerunt, & cum illi maximè damnent mendacium, signum est, eos non fuisse mentitos, qui enim aliquid asserit à DEO dictum, vel revelatum, si non est sic,

profectò mentitur, unde pulchrè S. Augustinus supra de mendacio ad Consentium cap. 3. opinantem non mentiri dicit: *Quisquis autem hoc enunciat, quod vel creditum animo, vel opinatum tenet, etiamsi falsum sit, non mentitur. Hoc enim debet enunciationi suæ fidei, ut illud per eam proferat, quod animo tenet, & sic habet, ut profert.*

Instatur adhuc: Scotus in 4. d. 17. q. un. dicit: *Ubi est via facilior, id est, magis in potestate hominis, & certior ad gratiam recuperandam, tenetur quilibet ad illam viam, ita quod non omissa illa attentet aliam difficiliorem, & incertiolem, quia tunc exponeret se periculo salutis suæ, & videretur esse contemptor propriæ salutis*, sed si ad gratiam recuperandam necesse est sequi certiolem & faciliorem viam, ut Scotus docet, ergò etiam ad conservandam per opera honesta, moralia, & actus humanos, consequenter non est licitum sequi opinionem probabilem, quæ est minus certa, & minus securæ. Respond. conc. totum usque ad ultimam illationem: Quia Scotus ibi agit de confessione Sacramentali, quam probat necessariò esse amplectendam ad remittenda peccata, & gratiam recuperandam, quamvis sit alia via, per quam recuperari possit, scilicet per contritionem, quia tamen via confessionis est facilior & certior, idè est sequenda, per quod non reprobatur opiniones probabiles, sed tantum demonstrat necessitatem Sacramenti Pœnitentiæ, imò Scotus ibi magis videtur approbare probabilitatum usum: Tum, quia dicit, viam faciliorem esse eligendam, sed via probabilitatis est facilior, ergò. Tum, quia Scotus ibidem tenet attritionem cum Sacramento conferre gratiam, quæ est utiq; via facilis & certa, atq; eligenda, quamvis altera via sit multò certior, & securior, accedere ad confessionem cum contritione, quàm cum sola attritione, ergò Scotus adhuc ibi sequitur viam facilem relicta securiori, & certiori.

Oppo-











moveant voluntatem prout sunt à parte rei, sed prout ab intellectu repræsentantur, consequenter operatio non desumit bonitatem vel malitiam à bono & malo reali, sed à bono & malo apprehenso, & existimato.

**Instatur :** Qui sequitur opinionem probabilem apprehendit, & ab intellectu repræsentatur ut magis probabiliter falsum; ergò etiam talis nec ob apprehensionem potest amplecti tanquam bonam, & tanquam licitum opus. Respond. disting. antec. specificativè & speculativè, transeat; reduplicativè & practicè; neg. antec. & similiter disting. conseq. non potest amplecti reduplicativè quâ falsam, conc. specificativè, quæ falsa, neg. conseq. Itaq; sicut voluntas, cum fertur ex libertate sua in minus bonum, relicto majori bono, non reduplicativè quatenus minus bonum est, sed quatenus ejus minor bonitas continetur intra sphæram objecti adæquatæ voluntatis, ita etiam intellectus ex imperio voluntatis potest acceptare opinionem minus probabilem, quam tamen cognoscit, & judicat probabiliter veram relicta probabiliori, non quatenus minus vera, vel magis falsa reduplicativè, sed quatenus ejus minor veritas, vel probabilitas continetur intra sphæram intellectus, habens sufficientia fundamenta ac rationes, quæ intellectum convincunt & determinant ad pertrahendum & se determinandum ad assensum, ergò.

**Urgetur :** Probabilitas ut duo sive reduplicativè sive specificativè sumatur, non habet sufficiens motivum in præsentia probabilitatis ut quatuor, ut intellectus possit se determinare ad assensum, ergò nulla solutio. Respond. neg. antec. Nam cum neutra probabilitas, id est, nec major, nec minor, nec æqualis convincat intellectum, quando omnes simul proponuntur illi cum suis rationibus & fundamentis, relinquunt adhuc illum indifferentem, ut amplectatur hanc vel illam juxta vo-

luntatis imperium, solius enim veritatis accidentis hæc est prærogativa, quod intellectum convincat, & quando illa adest, intellectum ad illud determinat, quod possunt præstare omnes probabilitates, & consequenter dum voluntas noluit acquiescere majori probabilitati, potest imperare minorem tanquam sufficientem, ut intellectus in illam feratur, & tanquam veram, quam sine peccati periculo amplecti possit, hocq; judicio præmissis semetipsum ad illam voluntas se determinet.

**Arguitur Quartò :** Ille non licite agit, qui non sequitur dictamen rationis, sed qui utitur probabili opinione, non sequitur dictamen rationis, ergò. Probatur min. Ille non sequitur dictamen rationis, qui non sequitur inclinationem rationis ad assensum, quod hoc sit faciendum, vel non faciendum, sed qui sequitur minus probabilem relicta probabiliori, non sequitur inclinationem rationis ad assensum, ergò maj. patet, quia dictamen rationis est inclinatio ejusdem ad assensum, sive illa inclinatio & assensus sit cum evidentia, ut in scientia, sive cum formidine, ut in opinione. Probatur min. secundi argumenti, Quia inclinatio ad assensum fit eo ubi sunt plura & fortiora motiva, sed in minus probabili perpensa cum magis probabili non sunt plura & fortiora, sed potius pauciora, & infirmiora motiva, ergò, qui hanc sequitur, non sequitur inclinationem intellectus ad assensum, seu assensum ipsum, nam illi intellectus assentitur, quod fortius movet, & in quod fortius inclinatur, cum non sit liberum opinari, quamvis fortè possit assentiri minus probabili, cum non proponitur simul magis probabilis. Respond. neg. min. ad cujus probationem disting. maj. Inclinatio naturalis, ubi fortiora sunt argumenta convincentia, conc. probabilia tantum & opinativa, nego in istis enim eo inclinatur, quo à voluntate determinatur, cum omnes probabilitates intelle-

VI  
Inclinatio  
intellectus  
est ad ve-  
ram.









































































quam esse probabilem, & aliud judicare probabiliter verum esse illud, de quo est formata illa opinio, v. g. an contractus ille sit licitus, primum judicium est scientificum, secundum vero est opinativum: primum judicium non potest esse regula actionis humanæ, cum judicium nihil de actione affirmet, sed totaliter cadat super propositionem in actu signato existentem. Deinde opinio debet esse assensus rei tanquam probabiliter veræ, cum formidine de opposito, sed judicium, quo judico probabilem esse propositionem, non est assensus rei, quam veram existimarem, sed assensus propositionis, quam probabilitatem habere judico, certum autem est, quod nos sæpè habeamus assensus de similibus propositionibus, quas probabiles judicamus, non tamen existimamus rem per illam assertam esse veram, nec ipsam sequimur. Hinc ulterius pro tertio, certum est, quod quando judicamus unam propositionem esse probabilem, possumus imò judicamus sæpè alteram quoque contradictoriam esse probabilem, & tamen tale judicium non est sufficiens regula, ergò. Probatur anteced. Exemplo: *Probabile est emptionem chyrographi minori pretio esse licitam; & Probabile est emptionem chyrographi minori pretio non esse licitam*, sed implicat, ut hoc judicium sit regula actionum humanarum, cum neutri subjecto præbeat assensum, sed de ipsa tantum propositione agitur, nam ut dicit Aristoteles 4. Metaph. cap. 1. *Impossibile est, eundem arbitrari esse, & non esse, simul etenim haberet opiniones contrarias, qui de ea re haberetur mendax, ergò.*

His benè ponderatis, ac æquè libratæ lance, ego ut candidè dicam, quod sentio, si ex opinione aliorum præcisè, quod sic dicant, operari deberem sine eo, quod rationes eorum cognoscerem, quibus ad sentiendum fuerunt moti, quietus non essem, sed dubius & anceps semper suspicando, an fundatè do-

cuerint, an non passionatè & culpabiliter ad demonstrandam solam ingenii subtilitatem, quo lenocinio verborum adducti alii extrinsecè probabilem fecerunt, cum ex Div. Bernardo sciam multos esse, qui scire volunt, ut ab aliis videantur, ita enim dicit Serm. 36. in Cantica citato: *Sunt namq; qui scire volunt eo fine tantum, ut sciant, & turpis curiositas est. Et sunt, qui scire volunt, ut sciatur ipsi, & turpis vanitas est. Qui profectò non evadent subsannantem Satyricum, & ei, qui ejusmodi est, decantantem:*

Scire tuum nihil est, nisi te scire hoc sciat alter.

*Et sunt item qui scire volunt, ut scientiam suam vendant, verbi causa pro pecunia, pro honoribus: & turpis questus est. Sed sunt quoque qui scire volunt, ut edificent, & charitas est. Et item qui scire volunt, ut edificentur, & prudentia est. Horum omnium soli ultimi duo non inveniuntur in abusione scientiæ, quippe qui ad hoc volunt intelligere; ut benè faciant. Denique intellectus bonus omnibus facientibus eum. Unde Severioristæ non video quomodo impugnare possunt Benignitas & Probabilitas, si dicant, opinionem minus probabilem esse illam, quam sequuntur Authores sufficientes, qui propter rationes & motiva judicârunt eam probabilem, & tutam in conscientia illis Doctoribus, atque etiam talem fuisse in mente eorum; Et simul esse sufficientem regulam extrinsecam, quam mihi assumere valeam, si ego deprehendero rationes esse convincentes vel urgentes, habuerintq; illum statum, quem apud authores illos habuerint, & si sic intelligant, etiam alii Benignistæ revera impugnari non debent à Severioristis, quia tunc non erit discrepantia inter eos nisi nominalis, & certè sic dicendum est.*

Oppositiones, quæ contra has conclusiones fieri possunt, sunt omnes illæ, quæ supra factæ sunt contra probabilitatum usum, & facile solvuntur per judicium inter-



omnis, qui operatur prudenter, non peccat, sed omnis, qui utitur opinione probabili, operatur prudenter, ergo non peccat, & consequenter licet sequi quamcunque opinionem probabilem. Respond. neg. major. ex illo videlicet Syllogismo formari sufficiens judicium ad honestè operandum, quia ipse Syllogismus ille falsis nititur principiis, primò enim non est universaliter verum, licitum esse quamcunque opinionem sequi, sed benè opinionem practicam, & practicè dictantem, aliquid esse licitum, adeoque ab hac universitate excluduntur opiniones speculativæ. Secundò, distinguenda est maj. licitum est sequi quamcunque opinionem probabilem, si post diligentem investigationem citra omnem culpam & inordinatum affectum, & ex sincero animo non offendendi DEUM, appareat tibi tuta & vera, aut verior, quam sua opposita, conced. maj. si appareat illi minus verisimilis, vel dubia, aut incerta, vel vera & certa, sed ex negligentia culpabili & affectu depravato, neg. maj. similiter disting. minor. sed talis opinio est probabilis aliis, transeat, mihi, nego. Vel aliter: Est probabilis, si ejus fundamenta, motiva, & rationes cognovero, ut vera, certa, certitudine saltem probabilitatis, conc. Eo præcisè, quod alii eam doceant, & objectivè talis dicatur, neg. min. & consequent. Tum, quia non possum esse certus de opinione, nisi si certus debitam me adhibuisse diligentiam: Tum, quia potest aliqua opinio esse probabilis authoribus in certis circumstantiis, quæ defacto non sunt tales, aut ex rationibus, quas ego non penetravi, nemo autem debet operari præcisè ex eo, quod authores aliqui dicant, ut docet Augustinus epist. 19. ad Hieron. cap. 1. dicente: *Ego fateor charitati tue, vide supra. Et lib. 3. de Trinit. in Proemio dicit: Noli meis literis quasi scripturis canonicis inservire, sed in illis, & quod non credebas cum inveneris incunctanter crede, in istis autem quod certum non habebas, nisi*

certum intellexeris, noli firmiter retinere. Ita illi dico: *Noli meas literas ex tua opinione vel contentione, sed ex divina lectione vel inconcussa ratione corrigere. Si quid in eis veri comprehenderis, existendo non est meum, at intelligendo & amando, & tuum sit & meum. Si quid autem falsi conviceris, errando fuerit meum, sed jam cavendo nec tuum sit nec meum. Unde pulchrè dicit Durandus 2. dist. 36. q. 5. Modus loquendi ac scribendi in cæteris, quæ fidem non tangunt, est, ut magis innitatur rationi, quam cujuscunque Doctoris authoritati, & parvi pendatur omnis authoritas, quando per rationem elucescit contraria veritas.*

Urgetur hic Syllogismus: *Licitum est cuilibet facere quod prudenter judicat non esse prohibitum: sed possum hic & nunc prudenter ob auctoritatem Doctorum id dicentium, actionem aliquam non esse prohibitam judicare, ergo mihi erit licitum hic & nunc operari;* hic, inquam, Syllogismus est judicium sufficiens ad benè & honestè operandum, ergo. Respond. neg. anteced. Quia iste Syllogismus non differt à priori, nisi quod hic procedat negativè, alter verò affirmativè, unde currit eadem distinctio hæc, & superius data, licet enim major in illo Syllogismo sit regula Synderisis, tamen minor non est vera, nisi etiam cognoscantur fundamenta asserentium non esse prohibitum, stante opinione opposita affirmante esse prohibitum, licet enim sit fundamentum probabile, absolutè & comparativè ad intellectum illorum, qui illud benè penetrarunt, non est universaliter verum ad intellectum fundamenta nescientem, vel investigare nolentem, & stante quod opposita motiva appareant sibi probabiliora, hoc enim semper in ista materia est supponendum, nam de indoctis, qui aliorum acquiescunt consilio, & judicio, aliter est sentiendum.



## QUÆSTIO SECUNDA.

*De modo utendi probabilitatibus in concursu probabilioris, & tutioris opinionis.*

I.  
Prudentia  
modus qui  
imponen-  
dus.

**S**apiens Prov. 23. admonet virum probum & probatum: *Prudentia tua pone modum*, non quod ipsa prudentia sit moderanda, ut interpretatur illum locum D. Thomas 2. 2. q. 47. art. 3. *sed quia secundum prudentiam aliquis est modus imponendus* etiam inter tutiores & probabiliores operandi vias, *sapientia enim in mediis semitis stat*, cum igitur supra combinaverim opinionem probabilem in positivo cum probabiliori in comparativo: in hac autem quæstione colligo duas comparativas opiniones, non ab eodem positivo, sed à diverso originatas, nam *tutior* derivatur à tuto, & utrumq; excludit secundum magis & minus peccandi periculum: Et *Probabilior* à probabili, quod non respicit directè amotionem periculi, sed attendit ad rationes, à quibus secundum magis & minus recipit probabilitatem majorem vel minorem. Quare hic resolvam, quid sentiendum sit, quando duæ opiniones, quarum una est probabilior, & altera tutior, concurrunt. Pro quo

II.  
Opinio cu-  
ea & tutior  
explican-  
tur.

Notandum adhuc: Opinionem tutam vocari illam, quæ caret omni periculo peccandi formaliter, non verò materialiter: tutior verò quæ utroq; periculo caret, v. g. est quæstio: An sit licitum accipere aliquid ultra sortem propter lucrum cessans? tutior opinio est non accipere. Aut est quæstio: An obliget ad restituendum ex turpi lucro acquisita? In primo casu tutius est non accipere, & in secundo tutius est restituere, quia per similes actus excluditur omne periculum peccandi formaliter, & materialiter, opposita autem opinio erit quidem tuta, sed materialiter peccandi periculum non excludit propter naturam opinionis, quæ non exclu-

dit à se formidinem omnem, saltem radicalem & fundamentalem, quamvis actualem propellat ille, qui scit bene opinari. Itaque

Dico Primò: In concursu opinionis probabilioris afferentis aliquam actionem esse licitam cum tutiore, negante licitum esse, quod altera affirmabat, quamvis hæc magis secura sit & tuta, altera tamen opinio probabilior amplecti potest. Hæc est communis Benignistarum, & etiam plurium Severistarum, eam etiam tenet noster Antonius Cordubensis.

Probatur Primò: *Authoritate* Alexandri VIII. damnantis illam sententiam: *Non licet sequi opinionem, vel inter alias probabilissimam*, ex qua sic argumentor: Si in concursu tutioris & probabilioris nō licet sequi opinionem probabiliolem, sed debeat amplecti tutiorem, sequitur quod nec inter probabiles liceat sequi etiam probabilissimam, nisi etiam sit tutior, atqui non posse nos sequi opinionem etiam probabilissimam est damnatum, ergo & illud, ex quo sequitur: Probatur sequela, nam quæ rationes non liceret sequi probabiliolem, eadem ratione non liceret & probabilissimam, quia probabilior est quandoque etiam probabilissima, ista autem sequela esset profecto onus importabile gratis excogitatum, & sine fundamento solido aliquo humanæ fragilitati impositum, nam nequit ostendi lex aliqua, unde illa tanta obligatio oriretur, imò videtur potius esse conficta lex.

Probatur Secundò: *Authoritate* Scripturæ & Patrum, nam Eccles. 7. dicitur: *Nolo esse justus multum, neque plus sapiens, quam necesse est, ne obstupescas*: Profecto autem velle hominem obligare ad omnia tutiora, amplectenda, est velle plus sapere quam oportet, ergo. Unde D. Gregorius in Psal. 118. *Non sit ergo irrationabilis timor, nec est sapientia sine timore DEI, ita timor sine sapientia non debet esse*; si ergo semper tutiora deberemus quærere, esset certe sine sapientia, nam talis nimis scrupulosus

III.  
Probabilior  
est eligenda  
est opinio  
reliquitur  
tutior.

























non obstantibus, resolvit partem tutiorem esse eligendam.

Secundò: *Cap. 3. de Clerico non baptizato*: Refertur casus, quendam Clericum scientem se non fuisse baptizatum, postea ab Episcopo baptizari: hoc facto, disputatio oritur de ejus legitima ordinatione & Sacerdotio, atque casu ad Pontificem delato sic respondet: *Cumq; super ordinibus diutius fuisset disputatum, quidam in eam inclinaverunt sententiam, ut cum baptismus sit fundamentum omnium Sacramentorum ante baptismum nullum suscipiatur Sacramentum.* Recenset deinde oppositum: *Quia verò in Concilio apud Compendium legitur constitutum, quòd si quis in Presbyterum ordinatus deprehenderit se non esse baptizatum, baptizetur, & iterum ordinetur.* Nos circa Latorem praesentium in dubitabili casu, quod tutius est sequentes, mandamus, quatenus ipsum per singulos ordines promoveri procures. In quo casu manifesta cernitur opinionum diversitas pro & contra sententium, quibus tamen non attentis Pontifex non definit ob majorem vel minorem unius aut alterius probabilitatem, sed secundum id, quod tutius est, ergò etiam in opinionibus semper tenendum quod tutius est.

Respond. Nec ex his locis aliquid contra probabilitatem usum deduci, quod vim haberet & efficaciam, unde quamvis superiores responsiones etiam hic sufficerent, & debitè applicari possent; nihilominus adhuc claritatis gratià dico ad primum locum, in illo absolutè sermonem esse de dubio facti; ut colligitur ex illis verbis: *Et si de lata in eam sententia dubitaret*, quod enim solum per famam notitià ad eum pervenerat, exprimunt anteceden-  
tia, unde meritò respondit Pontifex, illum debuisse à divinis abstinuisse, quia in dubio facti tutior est eligenda, & non est contra conscientiam agendum. Quòd verò Pontifex videatur illum excusare per illam particulam: *Non videtur o-*

mnino culpabilis, exinde non infer-  
tur fuisse pro illo opinionem probabilem, sed solam allegat excusationem ejus, respectu cujus non fuit tam culpabilis, sicut fuisset, si hoc certò cognovisset, quem textum Doctor noster subtilis quoque allegat in 4. d. 13. q. 2. n. 20. verbo: *Ignorantia facti*, & docet ibi fuisse dubium tantum, non verò ullam opinionem; unde post supra allegata hoc addit: Et in fine subditur: Cum eo misericordiam facientes, poenam, quam canon his, qui post excommunicationem divina praesumpserunt celebrare, infligit, non duximus infligendam. Ex hoc patet, quod misericorditer relaxat dubitanti poenam, quam incurrit ex canone, qui celebravit divina, postquam innotuit sibi per famam de excommunicatione in eum lata.

Ad alterum locum ex *cap. 3. c. c.*  
Respond. Nec in illo loco adferri duplicem opinionem, quasi ex illis una esset affirmans, altera negans, sed unicam veram & certam referri sententiam, scilicet ante baptismum ordinatum, susceptò baptismo, iterum debere ordinari, nam quod disputatum fuerit, non infert duplicem ibi fuisse opinionem, sed à quibusdam dubia quaedam fuisse mota, nam ibidem textus habet: *Porro econtra videri posset nulla facta mentione sententiae, vel opinionis contrariae*, quia legi clarae non datur opinio adversans, & ideo *videri posset*, merum importat dubium, unde dicit Rota vol. 3. lib. 2. decis. 11. n. 3. verbum *videor*, esse dubitativum, quare etiam nostri Antesignani Magistri Div. Thomas, & Scotus, cum per modum dubitationis sibi difficultatem aliquam obijciunt, semper utuntur verbo *Videtur*: Et postea primò referunt opiniones, si quae sunt: In casu ergò allegato Papae decidit casum secundum legem antiquam, non obstante dubio speculativè inserto, quamdiu enim non decidit, manet res dubia, cum ad ipsum similes materias circa Sacramentaolvere pertineat,  
(\*) H h h h h

tineat, & in istis non sit liberum unicuique opinari prout vult, sed prout Scorus supra docet, semper tenenda sunt illa, quæ Christus instituit, & quæ ab Ecclesia per Petrum & suos Vicarios magis institutioni divinæ conformia esse declaravit, nihil ergò concludit contra nos.

IX.

Dubians  
de morte  
conjugis  
non potest  
petere de-  
bitum.

Opponitur Tertiò *Cap. 2. de secundis Nuptiis*, ubi referuntur litteræ Lucii M. & Pontificis, ad universos Christianos in captivitate Sarcenorum positos, in quibus decidit, quomodo gerere se debeant volentes transire ad secundas nuptias, si nondum sint certificati de morte alterius conjugis, dicens: *Si verò aliquis, vel aliqua, de morte prioris conjugis adhuc sibi existimet dubitandum, ei, qui sibi nupsit, debitum non denegat postulanti, quod à se tamen nullatenus erit postulandum.* In quo loco Pontifex non potuit qualitatem uniformem dubitationis supponere, cum ageret de multis huic dubitationi obnoxiiis, ergò cum ad omnes idem decidat, sequitur quoad omnes idem esse fundamentum, quale fuit in casu, quia quilibet habebat probabilem rationem putandi conjugem suum non esse mortuum, quamvis fortè aliqui habuerint magis probabiles rationes, quibus non obstantibus decidit, non posse petere debitum, nisi fuerint certificati de morte conjugis, ergò signum est, non licere uti opinione probabili in concursu tutioris. Respond. neg. consequ. Nam omnes concedunt, me posse uti probabiliiori relicta tutiore, alioquin commissio peccato aliquo statim teneret confiteri, quia hoc est tutius. Deinde assumptum quoque falsum est, Pontificem dubium illud, seu casum illum, quoad omnes æqualiter decidere, sed decidit tantum quoad illos, qui dubitabant de morte prioris conjugis, & hos dicebat, non posse petere debitum conjugale, sicut revera nequit, qui dubitat mortuum priorem conjugem, quia agit contra conscientiam ex probabili causa, ut inquit Glossa V. *Nulla-*

*tenus exigendum*: nam ut habet vulgatum axioma: *Probabilis credulitas, idem operatur quod veritas*, adeoq; si aliquis habuit probabilem credulitatem de superstitie conjugis, operabatur quod veritas, & consequenter justè Pontifex inhibuit petitionem, quia in dubiis tutior est pars eligenda. Tertiò dico caput illud secundum, duplicem involvere casum: Primò, si alter ex conjugibus dubia fide contraxit matrimonium. Secundò, quando uterq; dubia contraxit fide. In primo casu dico, talem non posse petere debitum, posse tamen reddere juxta decisionem hujus capituli. Ad secundum dico neutrum existentem in mala fide posse petere, aut reddere debitum.

X.  
Credulitas  
probabilis  
idem ope-  
ratur quod  
veritas.

Opponitur Quartò: *Clementina.*

XI.

*Exi-vi*: ubi declaratur Regula nostra Seraphici P. N. Francisci, ubi habentur hæc verba: *Nos itaque, qui in sinceris eorum conscientis delectamur, attendentes, quod in his, quæ animæ salutem respiciunt ad evitandos graves remorsus conscientie, pars securior est tenenda, &c.* sed in casu resolutionis erant in Religione nostra viri docti, qui hinc inde diversa opinabantur, atque quilibet suam opinionem tuebatur. Et erant quoque viri probi & simplices, qui ob diversitatem opinantium meris agitabantur scrupulis, nescientes, in quam partem se inclinarent, aut determinarent, quorum quieti & salutis consulens Pontifex regulam interpretatur, & dicit, in his opinionibus tutiorem partem esse tenendam, ergò non solum in dubiis, sed etiam in opinionibus Regula illa: *In dubiis tutior.* &c. locum habet. Respond. negando consequent. Non enim Pontifex in illa Extrav. probabilitatum usum damnat, sed alterationes & contentiones uniformi observantiæ repugnantes cassat, diversitas enim idem servandi statutum imperfectionem denotat magnam, quo magis enim viri Religiosi unius Instituti se invicem elongant ab unitate, se elongant à charitate, & DEO, qui non est dis-

Regula Se-  
raphica  
quomodo  
secundum  
tutiora ex-  
posita est.

sensionis,

fensionis, sed pacis & unitatis DEUS, quod etiam attendens Pontifex di-  
ctas altercationes inter opinantes  
tollere voluit, tanquam turpes, in-  
quietativas conscientiarum, & discor-  
diarum fomenta, unde posito quod  
fuerint opiniones inter aliquos,  
quas Pontifex ex allegatis motivis  
tanquam viris religiosis inconveni-  
entes damnat, non tamen sequitur  
Pontificem universaliter probabili-  
tatum usum reprobare: fuisse au-  
tem hanc Pontificis intentionem, &  
rationem manifestè liquet ex con-  
textu, nam in illa *Extrav. §. Ex  
præmissis*, dicit: *Volentes itaque con-  
scientiarum prædictorum fratrum pro-  
videre quieti, & his altercationibus  
finem dare, declarando dicimus, &c.*  
voluit itaque Pontifex altercationi-  
bus sublati suborta Regulæ dubia  
declarare, & uniformem in Religio-  
nem observantiam inducere deter-  
minavit dubia illa sequendo tutio-  
rem partem, per quod tamen pro-  
babilitatum usum non reprobavit,  
nec Regula Juris citata ad aliud,  
quàm ad dubia extendi debet.

tem: veruntamen sive hoc, sive alio  
modo proponatur, in idem redit.  
Unde Respond. concessa maj. neg.  
min. cum sua probatione: Tum  
quia æqualitas vel inæqualitas mo-  
tivorum non faciunt dubium in o-  
pinione probabili, quam aliquis  
vult amplecti, supponitur enim jam  
motiva utriusque partis esse debite  
examinata, & in minus probabili  
objectiva, per judicium & probabili-  
tatem subjectivam in intellectu opi-  
nantis omne dubium exclusum, un-  
de argumentum probat volentem  
opinari, seu sequi opinionem pro-  
babilem prima fronte posse suspi-  
cari, & dubitare quænam sit ample-  
ctenda, postquam autem judicium  
practicum sibi formavit, cessat omne  
dubium, unde argumentum valet  
contra Benignistas illos, qui dicunt  
objectivam opinionem probabilem  
esse sufficientem regulam, non verò  
contra me, qui teneo subjectivam  
esse necessariam, tunc enim opinio  
amplexata habet & veritatem & cer-  
titudinem moralem, & omnia alia,  
quæ ad opinionem requiruntur.

XII.  
Conscien-  
tiam du-  
biam ne-  
mo sequi  
potest.

Arguitur Quarto: Nullus po-  
test tuta conscientia sequi conscien-  
tiam dubiam, quia, qui ita operatur,  
exponit se periculo peccandi, & of-  
fendendi DEUM, nam *qui amat pe-  
riculum, peribit in illo*, Proverb. 6. sed  
sequens minus probabilem relicta,  
tutiori operatur ex conscientia du-  
bia, ergò non potest tutà conscien-  
tiâ hoc facere, sed tenetur in dubio  
eligere tutiorem partem: Proba-  
tur min. Quia intellectus tam diu  
dubius est & anceps, quamdiu sunt  
pro utraque parte rationes & mo-  
tiva æqualia, vel etiam ex una parte  
majora, sed in concursu probabilio-  
ris tutioris, & probabilis sunt talia  
motiva, excedentia, ergò intellectus  
manebit dubius. Hoc est argumen-  
tum Rev. P. Mercori, quod contra  
nostram conclusionem sic melius  
formaretur: In dubiis sumus obli-  
gati sequi tutiorem partem, sed qui  
requiritur opinionem minus proba-  
bilem, est in dubio, ergò tenetur  
meliorem & tutiorem sequi par-

Instatur: Ex opinionum æqua-  
litate intellectus nescit resolvere,  
quam ex illis proponat voluntati  
sequendam, ergò adhuc intellectus  
dubius hæres & anceps. Respond.  
neg. antec. Quia potest intellectus  
voluntati proponere utramq; cum  
suis probabilitatum rationibus, ad-  
dendo simul motivum, quo indicat  
se magis inclinare in hanc, v. g.  
quàm in illam, & consequenter vo-  
luntas rectè operari volens illam  
amplectitur, aut nolens mandat in-  
tellectui, ut diligentiorē adhibeat  
investigationem ad inquirendam ve-  
ritatem, pro amplectenda altera  
parte. Respond. Secundo negan-  
do consequent. Quia in casu pro-  
posito si remanet aliquod dubium,  
illud non esset practicum, sed  
tantum speculati-  
vum.

✠ : o : ✠



## QUÆSTIO QUARTA.

*An semper in dubiis sit melior conditio possidentis?*

I.  
Dubiis in  
melior est  
conditio  
possiden-  
tis.

**S**icut Severistæ plurimum se fundant in regula superioris quæstionis, ita Benignistæ per hanc se multum tuentur, quod in dubio sit melior conditio possidentis, unde operæ pretium est, hanc quoque specialiter examinare. Illi pro lege æterna DEI zelant: isti pro fragilitate humana, ejusque libertate pugnant: illi obligationes adaugent; *Alligant onera gravia*, ut Christus ait apud D. Matth. 23. *Et impositabilia*, *Et imponunt humeris hominum*: Isti excutiunt talia, & dicunt: *Jugum Christi suave est Et onus ejus leve*: Illi pro veritate concertant, isti pro libertate bellant, cum enim homo ex natura sua liber sit, & libertate, qua Christus nos donavit, non censent jugum imponendum nobis, quod nec nos, nec patres nostri portare potuerunt, discussâ igitur superius regulâ Severistis favente, etiam de illa Benignistis patrocinante, agendum erit.

II.  
Regula in  
dubiis me-  
lior habetur  
in utroque  
jure.

Nam Severistæ omnes docent, hanc regulam solummodo locum habere in virtute & materia justitiæ, ita Fagnanus, Mercorus, Conzalez, Merenda, &c. E contra Sanchez lib. 2. disp. 41. n. 32. Suarez, de Censuris disp. 40. sect. 5. n. 15. & alibi sæpè. Villalobos, Garcias, Filliucius, Diana, citans plures alios, Bonacina de *Restit. disp. 1. q. 2. p. 2. §. Incidens*, ubi citat Henriquez, Sotum, Rebellium, &c. affirmant Regulam illam non solum in Justitia, sed etiam in aliis virtutibus subsistere. Pro decisione igitur

Notandum Primò: Regulam illam: *In dubiis melior, &c.* esse ab utroque jure emanatam, fundatam, & acceptatam, nam in Canonico in 6. Reg. 65. dicitur: *In pari delicto, vel causa potior est conditio possidentis*. In civili verò sæpius, ut Leg. Si Debitor 10. ff. de Pignor. L. uti frui §.

ff. Si usus fructus: petat: L. Is qui destitavit 25. ff. de rei vindicat: L. Si servus 91. §. Sequitur, ff. de verb. obligat. Regula 171. ff. de Reg. Juris: *In pari causa possessor potior haberi debet*. Regula 197. ibidem: *Cum par delictum est duorum, semper oneratur petitor, Et melior habetur possessoris causa*.

Notandum Secundò: In rebus corporalibus duplicem posse considerari possessionem, seu posse sub duplici consideratione spectari, nempe *materialiter*, & *formaliter*; seu *physicè*, & *moraliter*. *Physicè* & *materialiter* accipitur, quando de se constat, quod quis quidpiam possideat, nec opus habet probare eam, cum manifestè constet se rem detinere. *Formaliter* verò & *moraliter* accipitur, quando possessio sub suo titulo justo consideratur, unde ista primo intuitu non est manifesta, sed aliunde probari debet, nam non sequitur, ego istam rem detineo & teneo, sed quærendum etiam est, an benè vel malè, justè vel injustè. Et hæc possessio sola est communis omnibus virtutibus, non enim sufficit dicere, possideo libertatem, sed ultra requiritur investigatio, & causa justæ & licitæ investigationis. Hinc

III.  
Possessio  
duplex.

Notandum Tertiò: Duo requiri ad hujus regulæ veritatem, ut possessio sit justa & licita, Primò quod possidens bona fide possideat, nullus enim possessor justus fieri potest, nisi bona fide incœperit, nam ut Regula Juris 2. in 6. dicit: *Possessor malæ fidei nunquam præscribit*, & hoc currit etiam in materia aliarum virtutum, quia homo sicut nascitur liber naturaliter, ita etiam bona fide incœpit possidere libertatem suam, quæ tam diu durat, usque dum ex supremo DEI dominio subjicitur, legi & præcepto, lex enim tunc dicitur incipere possessionem suam contra hominis libertatem, in quo tamen differt à materia justitiæ, quia hæc est indifferens ut possessio æquè vel iniquè incipiat, in homine autem libertas semper justè incipit.

IV.  
Possessio-  
nem ad re-  
quiruntur  
duo.



incipit. Secundò requiritur ad justam possessionem, quòd possessor diligentiam debitam adhibeat; ad investigandum & sciendum justum titulum suæ possessionis, si eà adhibità adhuc dubitat, an res sua sit, vel an verè possideat libertatem, potest tutè credere rem suam esse, & justè possidere libertatem; quia *In dubiis melior est conditio possidentis*, quod etiam de legibus aliarum virtutum dici potest, justificatur itaque possessio per diligentem inquisitionem, bona fides roboratur, & tandem melior conditio confirmatur.

Notandum Quarto: Neminem posse prætere possessionem libertatis suæ in quolibet casu, nam aliquando ipsa lex est in manifesta possessione, quando de ejus existentia evidenter constat, nec ulla ratio efficax adferri potest, quare homo hic & nunc debeat censi à lege: si verò efficaciter probaretur in hac circumstantia subditum non posse constringi, nec legem in casu illo velle obligare, nec legislatorem id desiderare vel prætere, tunc stat possessio libertatis pro homine, v.g. est lex certa Ecclesiæ de audienda Missa diebus festivis, si homo infirmetur, eximitur à lege illa obligante, & liber absolvitur. Similiter est lex divina certa, votum esse & reddendum, si quispiam dubitaret de voto facto, si non habet efficacem rationem ostendentem votum esse nullum, tenetur & obstrictus manet voto, si verò demonstret clarè, votum fuisse nullum, in libertatis possessionem redit, unde universaliter semper requiritur magna diligentia ad sciendum & invenendum justum possessionis titulum. His prænotatis

Dico Primò: *Regula illa: In dubiis melior, &c. quamvis principaliter emanata sit pro materia justitiæ, benè tamen etiam extenditur ad materias aliarum virtutum, quibus prudenter etiam accomodari potest.* Ita Authores Benigniores supra. Et prima pars patet: Quia omnia illa

jura in notabili primo citata expressè loquuntur in casibus & justitiæ rebus, adeoq; primariò illam respicit materiam. Probatur Secunda Pars ex Scriptura Proverb. 3. *Gloriam sapientes possidebunt.* Item cap. 4. *Posside sapientiam, posside prudentiam, nè obliviscaris, neque declines à verbis oris mei.* Eccles. 51. *Possedi cum ipsa cor ab initio: propter hoc non derelinquar. Venter meus conturbatus est querendo illam: propterea bonam possidebo possessionem:* in quibus locis dicitur sapientia, prudentia, & scientia possideri, sed hæ non sunt res materiales, ergò etiam possessio benè extenditur ad rem immaterialem, quamvis non sit possessio rigorosè & propriè dicta, quia non est corporalis detentio, est tamen intentionalis, unde si quis ea justè privaretur & spoliaretur, talis gravem pateretur injuriam, & spoliatus ad restitutionem pro posse teneretur. Item: Quia lædens famam alicujus, peccat plus, quàm qui furatur rem alterius, & injuriam facit illi, eò quòd famæ ejus, quàm justè possidet, detraxit, ergò.

Confirmatur: Nam Proverb. 22. *Melius est nomen bonum, quàm divitiæ multe: super argentum & aurum gratia bona,* ubi in utraq; parte sententiæ idem ferè significatur, nam per nomen bonum intelligitur fama bona, sic & gratia bona dicitur benevolentia, quam ei bona fama & vitæ innocentia conciliat, apud homines, significat, ergò sapiens censet bonam famam, & benevolentiam hominum pluris esse, æstimandam quàm multas divitias, & thesauros auri & argenti, ergò tam benè possidetur fama & nomen bonum, quàm possideatur aurum & argentum. Deinde hæc sententia destruit vulgi opinionem, apud quem ferè plutis æstimatur divitem esse quàm boni nominis & famæ. Deniq; ostendit, quàm grave sit detractio vitium, quod tamen à multis parvi æstimatur, nam si bonum nomen præstantius est opibus, igitur & detractio famæ

(\*) H h h h h 3

læditur

V.  
Libertatis  
possessio  
non valet  
in omni  
casu.

VII.  
Regula:  
Melior est,  
conditio  
habet lo-  
cum in o-  
mnibus vir-  
tutibus.

læditur deterior est furto, quo pecunia aufertur, eo enim deterius est quodvis peccatum, quo majori bono, quod possidet, hominem spoliatur, unde breviter hoc formari potest argumentum: vera est possessio aliquorum bonorum, quorum potest fieri injuriosa spoliatio, sed bonorum famæ, nominis, sapientiæ potest fieri injuriosa spoliatio, ergo ibi in illis homo habet veram possessionem, &c.

VII.  
Verba dubia, quomodo accipienda.

**Probatur Secundo:** Universalis regula est, quod in obscuris possimus sentire, opinari, & dicere quid volumus, ergo etiam quando lex obscura est, obscure proponitur, possumus sentire illud, quod magis naturali libertati nobis congenitæ est conveniens, seu tunc censetur possessio legitima, quando lex obscura est ambigua, sed in omni materia cujuslibet virtutis contingit, leges & præcepta quandoque obscure & ambigue proponi, vel quoad ipsam substantiam, vel quoad modum, circumstantiam, & intelligentiam ipsius legis, ergo in omni materia habet suam veritatem, *In dubiis melior est conditio possidentis*: Probatur maj. ex pluribus juribus, Tum in superiori quæstione citatis Concl. 1. Tum quia in omni materia obscure dictum habetur pro non dicto, Gloss. V. *Dubium Cap. in præsentia* 8. de probat. Et obscure scriptum pro non scripto habetur. Ibidem per L. 2. ff. De iis, quæ pro nobis. Item *Obscure respondere & nihil respondere paria sunt*. L. de ætate 12. §. Nihil interest, ff. de Inter. Act. Iterum *Verba generalia pariunt ambiguum sermonem*. L. in tradend. 8. ff. Communia præd. Et in ambiguo sermone non utrumque dicimus, sed id duntaxat, quod volumus. L. in ambiguo 3. de rebus dub. sed hæc omnes regulæ currunt in qualibet materia, cujuslibet virtutis, ergo in obscuro & dubio sumus in possessione, ut possimus quod volumus, consequenter in perfecta libertate. Hinc

**Probatur Conclusio Tertiò** Ratione: Quia possessio est communis

titulus omnibus virtutibus, ergo debet etiam suffragari omnibus virtutibus: Probatur antec. Quia objecta omnium virtutum possunt teneri, & non teneri, tam benè in aliis virtutibus, quàm in justitia, nam licet in aliis non sint objecta corporalia, sunt tamen incorporalia, quæ etiam possideri possunt, si non per possessionem rigorosam, quæ est realis & physica detentio, est tamen *quasi possessio*, ut eam defacto Canonistæ vocant *Cap. Conquestus*. 16. *De foro compet.* Ib. Glossa V. *Quasi possessionem*. Et hæc possessio incorporalium non acquiritur, ut dicit Bordonus, nisi data scientiâ, & patientiâ illius, contra quem prætenditur acquisita possessio. Itaq; homo, cum ex natura sua nascatur liber L. *summa* 3. ff. de statu hom. eam possidet, si non constet oppositum legem esse in tali possessione. Quod autem sit modus alius possidendi incorporalia quàm corporalia, non obstat, modus enim non variat, nec mutat substantiam & naturam possessionis.

**Confirmatur:** Verè possidentur spiritualia beneficia, jurisdictiones, &c. ergo etiam eadem ratione possunt dici possideri potestates, libertates, & alia hujusmodi spiritualia, & consequenter etiam legibus, votis, juramentis, quando videlicet facta diligenti examinatione hominem se non obstrinxisse, nec aliunde legem accepisse sibi constat, nam cum ex natura liber sit, eamq; cum nativitate accipiat, manet in eadem usque dum oppositum pateat. Sed in contra

**Opponitur Primò:** *Cap. Ad audientiam* 12. *Cap. Significasti* 18. *Cap. Petitio tua* 24. *Cap. Illud* 5. de Cleric. Min. *Cap. Juvenis* 3. de Sponsal. ubi habetur opposita regula, de qua supra: *In dubiis tutior pars est eligenda*, ergo regula, *In dubiis melior est conditio possidentis*, non videtur suffragari in materia aliarum virtutum. Respond. Jura illa allegata jam in priori quæstione esse explicata, adeoque certum nihil contra nos facere,

facere, unde hic breviter, nego consequi. Nam prima tria capita loquuntur de homicidio, quod in dubio debeat se quis tenere irregularem ob reverentiam, quâ mysteria divina altaris mundè & purè sine omni suspitione alicujus maculae tractari debent. Ad casum de Episcopo ministrante dico, illum culpabilem fuisse, quod non adhibuerit diligentiam, quodque temerè egerit, & in tali casu indubitatum teneo, neminem posse habere possessionem bonam suæ libertatis, qui non adhibet diligentiam ad sciendum justum, & honestum possessionis mortalis titulum. Respond. Secundò: Illam regulam, *In dubiis tutior*, locum tantum habere in casibus à jure expressis, nam in dubio de homicidio debet se quis irregularem tenere, in aliis autem casibus nemo tenetur sequi tutiorem partem, supposito, quod quis adhibuerit diligentiam, maximè cum plures graviores authores doceant, ibi tantum positum esse consilium non præceptum, ut tenent Sanchez, Navarrus, Castropalaus, &c. Et universaliter tenendum est, illam regulam non habere locum in opinionibus, sed tantum in dubiis, ut dictum est supra.

Arguitur pro R. P. Mercoro: Ideò possessio in materia justitiæ favet possessori, quia facit præsumptionem, quod possessor sit verus dominus, nam ut plurimum possessor est verus dominus, sed in dubiis aliarum virtutum possessio non facit præsumptionem de veritate, pro parte quæ possidet, ergo nec possessio ei favere debet in aliis virtutibus: maj. patet, probatur min. Tum, quia dubitans an emisit votum, quando erat infirmus, non tenetur, non ex eo, quod sit in possessione libertatis, quia hoc est dictum merè verbale; non faciens præsumptionem, sed ideò, quia in dubio non præsumitur vovisse, cum de eo non recordetur: Tum, quia vovens jejunare in Vigiliis B. Virginis, aut dare in casu transgressionis ele-

mosynam, dubitans an jejunaverit, tenetur ad solutionem eleemosynæ; ergò dubium non præstat ei libertatis possessionem. Respond. distin. maj. Ideò possessio &c. materialiter sumpta & accepta, neg. maj. quia ad rem materiale possidendam homo est indifferens ut mala & bona fide possideat, & videmus latrones & fures quandoque etiam possidere. Possessio formaliter sumpta facit præsumptionem, nempe postquam adhibita fuit diligentia de justo titulo & possessionis honestate inveniendâ; & hæc est ratio, quæ facit præsumptionem, & justam possessionem firmat. Similiter Respond. ad min: nequando scilicet, quod post adhibitam diligentiam in aliis virtutibus non inveniatur præsumptio justæ quasi possessionis, hæc enim diligentia efficit, ut vovens & dubitans maneat in possessione libertatis à voto emisso, cum non inveniatur rationes convincentes eum de præstito, per quod est soluta prima proba. Ad secundam dico quibq; , quod ille, qui est certus de jejuniis, incertus verò de ejus satisfactione dubitando, posita diligentia, si adhuc dubitat, tenetur ad eleemosynam, tunc enim lex voti est in possessione potens voventem obligare. Quod si verò per diligentiam & rationes, v. g. eo quod semper alias jejunaverit, nec in illa vigilia fuerit impeditus, nec habuerit rationem non jejunandi & similes, tollatur dubium, & probabiliter credat se satisfecisse voto, non tenetur ad eleemosynam, quia possessio in eo casu stat pro utroque, nempe pro lege voti, in quantum obligabat voventem ad solvendam eleemosynam, & etiam pro subdito, quia probabiliter constat, satisfecisse voto, adeoque liber est à solutione eleemosynæ.

Instatur: Quando princeps jubet subdito sumere arma, & dubitatur de justitia belli subditus tenetur obedire, ut docent Doctores communiter ex D. Augustino mox citando, sed tunc possessio stat pro libertate subditi, quia non pro principe,











tit: Si enim id, de quo magis videtur inesse, non inest, ergo nec id, de quo minus. Unde tota argumentatio hæc est negativa.

Sicut contra argumentatio à minori ad majus est positiva, seu affirmativa; valere autem hunc argumentandi modum, probatur: Tum ex Scriptura, nam D. Paulus hoc loco utitur in epist. 2. ad Corinth. cap. 3. ostendens ministros Novi Testamenti debere esse in honore, quia Sacerdotes Levitici Ordinis in honore fuerunt habiti, qui minus sunt, ita enim dicit: *Nam si ministratio damnationis gloria est, multo magis abundat ministerium justitiæ in gloria - si enim quod evacuatur, per gloriam est: multo magis quod manet, in gloria est.* Tum ex Jure, *Authent. Multo magis. Cod. de Sacros. Eccles.* Uterque tamen locus non est universalis, nam primus fallit in dispensationibus, privilegiis, & jurisdictionibus, secundus, quando non est eadem utrobique ratio, & uterque fallit in mandatis.

VIII.  
Oppositio  
valet ad  
fundandam  
opinionem.

Sextus locus est *Oppositorum*, seu illorum, quæ à contrario sensu inferuntur, hic locus habetur in cap. *Qualis. dist. 25. cap. Cum Apostolica. 7. De his, quæ sunt à Prælat. & fundatur in illa Maxima: De quocunque affirmatur unum oppositorum, de illo negatur alterum*; quæ Maxima debet recte accipi, & in eodem genere, ac sub eadem ratione, & insuper debet semper attendi contrarietas causæ finalis, & hunc modum adhibuit Christus Dominus, quando hortatus fuit fideles, ut arctam amplecterentur viam, Matth. 7. dicens: *Intrate per angustam portam: quia lata porta, & spatiosa via est, quæ ducit ad perditionem, & multi sunt, qui intrant per eam, Quam angusta porta & arcta via est, quæ ducit ad vitam: & pauci sunt, qui inveniunt eam.* Bene infertur, arcta ducit ad vitam, ergo laxa ad interitum, quod sibi Benignistæ nimis laxi notare possunt & debent.

IX.  
Accidentium  
locus,  
& à fieri solitus.

Septimus locus est *Accidentium*, seu ab illis, quæ communiter accidere solent, & habetur L. *Certi condi-*

*tio. §. si nummos. ff. si cert. pet. Gloss. fin. in L. Neque Natali. Cod. de probat.* & plures alii authores apud Barbozam, non valet tamen argumentatio ex hoc loco, si contingens sit valde rarum. Huc apponi potest etiam argumentum à fieri solitis, quod tamen licite, & justè fieri constat, nam *consuetum fieri dicitur necessarium*, ex Baldo L. *Quicumque. ff. de serv. fugit.*

Omitto hic locum *causarum, effectuum, circumstantiarum, accidentium, & consequentium*, quia hæc motiva sunt magis obvia, quia magis communia, tam scientiæ quàm opinionis.

Huic septenario Locorum numero adjungo alium septenarium Regularum, ex quibus colligi potest, an hi loci fuerint, & sint bene adhibiti ad faciendam opinionem probabilem: Itaque prima Regula est ista, si opinio sit præcepto charitatis conformis, colligitur semper esse opinio probabilis, & eo probabilior, quò conformior. Ratio est: Quia totus scopus omnis legis est charitas, & dilectio juxta doctrinam Christi, Matthæi 22. *Hoc est maximum & primum mandatum, secundum autem simile est huic: Dilige proximum tuum sicut te ipsum. In his duobus mandatis universa lex pendet & Prophetæ.* Unde D. Augustinus Epist. 52. dicit: *Quamquam & in hac vita virtus non est, nisi diligere quod diligendum est. Id eligere prudentia est: nullis inde averti molestiis fortitudo est: nullis illecebris temperantia est: nulla superbia justitia est. Quid autem eligamus, quod præcipue diligamus, nisi quo nihil melius invenimus? Hoc DEUS est.*

X.  
Opinionis  
probabilis  
septem Re-  
gulae.

Secunda Regula est: Omnis sententia & opinio devians à Sacra Scriptura traditionibus, & consensu Ecclesiæ, eo ipso est improbabilis, quia Ecclesia est *Columna veritatis*, & ita expressè docet S. Augustinus epist. 7. dicens: *Si ratio contra divinarum Scripturarum auctoritatem redditur, quamlibet acuta sit, fallit verisimilitudine, nam vera esse non potest. Rursus si manifestissima certaq; rationi velut Scripturarum sanctarum objicitur au-*  
tori.











de se vel de sua Religione spargere minantem occidere, quando alius modus defendendi non suppetit, uti suppetere non videtur, si calumniator sit paratus vel ipsi Religioso vel ejus Religioni publicè & coram gravissimis prædicta impingere, nisi occidatur.

18. Licet interficere falsum accusatorem, falsos testes ac etiam Judicem, à quo iniqua certò imminet sententia, si alià vià innocens non potest damnum evitare.

19. Non peccat maritus occidens proprià auctoritate uxorem in adulterio deprehensam.

20. Restitutio à Pio V. imposita beneficiatis non recitantibus, non debetur in conscientia ante sententiam Judicis declaratoriam, eò quòd sit poena.

21. Habens capellariam collatam, aut quodvis aliud beneficium Ecclesiasticum, si studio litterarum vacet, satisfacit obligationi suæ, si officium per alium recitet.

22. Non est contra justitiam beneficia non conferre gratis, quia collator conferens illa beneficia Ecclesiastica pecunia interveniente, non exigit illam pro collatione beneficii, sed veluti pro emolumento temporali, quod ibi conferre non tenebatur.

23. Frangens jejunium Ecclesiae ad quod tenetur, non peccat mortaliter, nisi ex contemptu, vel inobedientia hoc faciat, puta, quia non vult subicere se præcepto.

24. Mollities, Sodomia, & bestialitas sunt ejusdem speciei infimæ peccata, ideoque sufficit dicere in confessione, se procurasse pollutionem.

25. Qui habuit copulam cum fornicaria, satisfacit præcepto confessionis dicens, commisi cum soluta grave peccatum contra castitatem non explicando copulam.

26. Quando litigantes habent pro se opiniones æque probabiles, potest judex pecuniam accipere pro ferenda sententia in favorem unius præ alio.

27. Si liber sit alicujus junioris auctoris & moderni, debet censeri opinio probabilis, dum non constat rejectam esse à sede Apostolica tanquam improbabilem.

28. Populus non peccat, etiamsi absque ulla causa non recipiat legem à Principe promulgatam.

29. In die jejunii, qui sæpius modicum quid comedit, & si notabilem quantitatem in fine comederit, non frangit jejunium.

30. Omnes Officiales, qui in Republica laborant corporaliter, sunt excusati ab obligatione jejunii, nec debent se certificare, an labor sit compatibilis cum jejunio.

31. Excusantur absolute à præcepto jejunii omnes illi, qui iter agunt equitando utcunque iter agant, etiamsi iter necessarium non sit, & etiamsi iter unius diei conficiant.

32. Non est evidens quòd consuetudo non comedendi ova & lacticia in quadragesima obliget.

33. Restitutio fructuum ob omissionem horarum suppleri potest per quascunque eleemosynas, quas antea beneficiarius de fructibus beneficii sui fecerit.

34. In die Palmarum recitans Officium Paschale, satisfacit præcepto.

35. Unico officio potest quis satisfacere duplici præcepto pro die præsentis & crastino.

36. Regulares possunt in foro conscientiae uti privilegiis suis, quæ sunt expresse revocata per Concilium Tridentinum.

37. Indulgentiæ concessæ Regularibus, & revocatæ à Paulo V. hodie sunt revalidatæ.

38. Mandatum Tridentini factum Sacerdoti sacrificanti ex necessitate cum peccato mortali confitendi *quamprimum*, est consilium non præceptum.

39. Illa particula, nempe *quamprimum*, intelligitur, cum Sacerdos suo tempore confitebitur.

40. Est probabilis opinio, quæ dicit esse tantum venale osculum habitum ob delectationem carnalem & sensibilem, quæ ex osculo oritur

secluso periculo consensûs ulterio-  
ris & pollutionis.

41. Non est obligandus concubi-  
narius ad ejiciendam concubinam, si  
hæc nimis utilis esset ad oblectamen-  
tum concubinarij vulgò regalo, dum  
deficiente illa nimis ægrè ageret vi-  
tam, & aliæ epulæ tædio magno  
concubinarium afficerent, & alia fa-  
mula nimis difficilis inveniretur.

42. Licitum est mutuanti aliquid  
ultra sortem exigere, si se obliget ad  
non repetendam sortem usque ad  
certum tempus.

43. Annuum legatum pro animâ  
relictum non durat plus quàm per  
10. annos.

44. Quoad forum conscientiae  
reo correcto ejusmodi contumacia  
cessante, cessant censuræ.

45. Libri prohibiti usque dum do-  
nec expurgentur possunt retineri,  
usque dum adhibita diligentia corri-  
gantur.

# AB INNOCENTIO XI. DA- MNATÆ PROPOSI- TIONES.

*feriâ 5. die 2. Martii 1679.*

## I.

**N**ON est illicitum in Sacra-  
mentis conferendis sequi o-  
pinionem probabilem de va-  
lore Sacramenti relictâ tutiori, nisi  
id lex vetet, conventio, aut pericu-  
lum gravis damni incurrendi, hinc  
sententia probabili tantum uten-  
dum non est in collatione Baptismi,  
Ordinis Sacerdotalis & Episcopa-  
lis.

2. Probabiliter existimò, judicem  
posse judicare juxta opinionem eti-  
am minus probabilem.

3. Generatim dum probabilitate  
sive intrinseca sive extrinseca, quan-  
tumvis tenui, modò à probabilitatis  
finibus non exigatur, confisi aliquid  
agimus, semper prudenter agi-  
mus.

4. Ab infidelitate excusabitur in-  
fidelis non credens ductus opinione  
minus probabili.

5. An peccet mortaliter, qui A-  
ctum dilectionis DEI semel tantum  
in vita eliceret, condemnare non  
audemus.

6. Probabile est, ne singulis qui-  
dem rigorosè quinquenniis per se  
obligare præceptum charitatis erga  
DEUM.

7. Tunc solum obligat, quando  
tenemur justificari, & non habemus  
aliam viam, quia justificari non pos-  
sumus.

8. Comedere & bibere usque ad  
satietatem ob solam voluptatem,  
non est peccatum, modò non obfic  
valetudini, quia licitè potest appe-  
titus naturalis suis actibus frui.

9. Opus conjugii ob solam volu-  
ptatem exercitum omni penitus ca-  
ret culpâ ac defectu veniali.

10. Non tenemur proximum di-  
ligere actu interno & formali.

11. Præcepto proximum diligen-  
di satisfacere possumus per solos a-  
ctus externos.

12. Vix in sæcularibus invenies e-  
tiam in Regibus superfluum statui, &  
ita vix aliquis tenetur ad eleemosy-  
nam, quando tantum tenetur, tan-  
tum ex superfluo statui.

13. Si cum debita moderatione  
facias, potes absque peccato mor-  
tali de alicujus vitâ tristari, & de ul-  
lius naturali morte gaudere, illum  
inefficaci affectu petere & desidera-  
re, non quidem ex displicentia per-  
sonæ, sed ob aliquid temporale e-  
molumentum.

14. Licitum est absoluto desiderio  
cupere mortem patris, non quidem  
ut malum, sed ut bonum cupientis,  
quia nimirum ei obventura est pin-  
guis hæreditas.

15. Licitum est filio gaudere de  
parricidio parentis à se in ebrietate  
perpetrato propter ingentes divi-  
tias inde ex hæreditate consecuta-  
tas.

16. Fides non censetur cadere  
sub præceptum speciale & secun-  
dum se.

17. Satis est, actum fidei in vita  
semel elicere.

18. Si à potestate publica quis in-  
terrogetur fidem ingenuè confiteri,  
ut DEO

ut DEO & fidei gloriosum consulo, tacere ut pecaminosum per se non damno.

19. Voluntas non potest efficere, ut assensus fidei in se ipso sit magis firmus, quàm mereatur pondus rationum ad assensum impellentium.

20. Hinc potest quis prudenter repudiare assensum, quem habebat supernaturalem.

21. Assensus fidei supernaturalis & utilis ad salutem stat cum noticia solùm probabili revelationis, imò cum formidine, qua quis formidet, ne non sit locutus DEUS.

22. Non nisi fides unius DEI videtur necessaria necessitate medii, non autem explicita Remuneratoris.

23. Fides latè dicta ex testimonio creaturarum similive motivo ad justificationem sufficit.

24. Vocare DEUM in testem mendacii levis non est tanta irreverentia, propter quam velit aut possit damnare hominem.

25. Cum causa licitum est jurare sine animo jurandi siue res sit siue levis siue gravis.

26. Si quis vel solus, vel coram aliis siue interrogatus, siue propria spontè, siue recreationis causa, siue quocunque alio siue jurat, se non fecisse aliquid, quod revera fecit, intelligendo intra se aliquid aliud, quod non fecit, vel aliam viam ab ea, in qua fecit, vel quodvis aliud additum verum revera non mentitur, nec est perjurus.

27. Causa justa utendi his amphibologiis quoties id necessarium aut utile est ad salutem corporis, honorem, res familiares tuendas, vel ad quemlibet alium virtutis actum, ita ut veritatis occultatio censeatur, tunc expediens & studiosa.

28. Qui mediante commendatione vel munere ad magistrum vel officium publicum promotus est, poterit cum restrictione mentali præstare juramentum, quod de mandato Regis à similibus solet exigi, non habito respectu vel ad intentionem exigentis, quia non tenetur fateri crimen occultum.

29. Urgens metus gravis causa justa est sacramentorum administrationem simulandi.

30. Fas est viro honorato occidere in vasorem, qui nititur calumniam inferre, si aliter hæc ignominia vitari nequit, idem quoque dicendum est, si quis impingat alapam vel fuste percutiat, & post impactam alapam vel fustis ictum fugiat.

31. Regulariter occidere possum furem pro conservatione unius aurei.

32. Non solùm licitum est defendere defensione occisivâ, quæ actu possidemus, sed etiam ad quæ jus inchoatum habemus, & quæ nos possessuros speramus.

33. Licitum est tam hæredi, quàm legatario contra injustè impediētem, nè vel hæreditas adeatur, vel legata solvantur, se taliter defendere, sicut & jus habenti in cathedram vel præbendam contra eorum possessionem injustè impediētem.

34. Licet procurare abortum ante animationem foetus, nè puella deprehensa gravida occidatur aut infametur.

35. Videtur probabile omnem foetum, quamdiu in utero est, catere animâ rationali, & tunc primum incipere eandem habere, cum paritur, ac consequenter dicendum erit in nullo abortu homicidium committi.

36. Permissum est furari non solùm in extrema necessitate, sed etiam in gravi.

37. Famuli & famulæ domesticæ occultè possunt surripere ad compensandam operam suam, quam majorem judicant solario, quod recipiunt.

38. Non tenetur quis sub poenâ peccati mortalis restituere, quod ablatum est per pauca furtiva, quantumcunque sit magna summa totalis.

39. Qui alium movet, aut inducit ad inferendum grave damnum tertio non tenetur ad restitutionem damni illati istius.

40. Contractus mohatra licitus est etiam respectu ejusdem personæ cum contractu retrovenditionis prævia initio cum intentione lucri.

(\*) K k k k k 2

41. Cum



41. Cum numerata pecunia praetiosior sit numeranda, & nullus sit, qui non majoris faciat pecuniam praesentem, quam futuram; potest creditor aliquid ultra sortem à mutuario exigere, & eo titulo ab usura excusari.

42. Usura non est dum ultra sortem aliquid exigitur, tanquam ex benevolentia & gratitudine debitum, sed solum si exigatur tanquam ex iustitia debitum.

43. Quidni non nisi veniale si detrahentis auctoritatem magnam sibi noxiam falso crimine elidere.

44. Probabile est non peccare mortaliter, qui imponit falsum crimen alicui, ut suam iustitiam & honorem defendat, & si hoc non sit probabile, vix ulla erit opinio probabilis in Theologia.

45. Dare temporale pro spirituali non est simonia, quando temporale non datur tanquam pretium, sed duntaxat tanquam motivum conferendi vel efficiendi spirituale, vel etiam quando temporale sit solum gratuita compensatio pro spirituali aut e contra.

46. Et id quoque locum habet, etiamsi temporale sit principale motivum dandi spirituale. Imò etiamsi sit finis ipsius rei spiritualis, sic ut illud pluris aestimetur, quam res spiritualis.

47. Cum dixit Concilium Tridentinum eos alienis peccatis communicantes mortaliter peccare, qui nisi quos digniores & Ecclesiae magis utiles ipsi judicaverint, ad Ecclesias promoveant, Concilium vel primò videtur digniores per hoc non aliud significare velle nisi dignitatem eligendorum, sumpto comparativo propositivo. vel secundò locutione minus proprià ponit digniores, ut excludat indignos, non verò dignos. Vel tandem tertio loquitur, quando sit concursus.

48. Tam clarum videtur fornicationem secundum se nullam involvere malitiam, & solum esse malam, quia interdicta ut contrarium omnino rationi dissonum videatur.

49. Mollities jure naturae prohibita non est; unde si DEUS illam non interdixisset, saepius esset bona & obligatoria aliquando sub mortali.

50. Copula cum conjugata consentiente marito non est adulterium, adeoque sufficit dicere in confessione se esse fornicatum.

51. Famulus, qui submissis humeris adjuvat scienter herum suum ascendere per fenestras ad stuprandam virginem, & multoties ei deferat deferendo scalam, aperiendo januam, aut quid simile cooperando non peccat mortaliter, si id faciat metu notabilis detrimenti, ne à Domino male tractetur, nè torvis oculis aspiciatur, ne domo expellatur.

52. Praeceptum servandi festa, non obligat sub mortali seposito scandalo, si absit contemptus.

53. Satisfacit Praecepto Ecclesiae de audiendo Sacro, qui duas ejus partes, imò quatuor simul à diversis celebrantibus audit.

54. Qui non potest recitare matutinum & laudes, potest autem & reliquas horas, ad nihil tenetur, quia major pars trahit ad se minorem.

55. Praecepto Communionis annuae satisfacit per sacrilegam Domini manducationem.

56. Frequens Confessio & Communio etiam in his, qui gentiliter vivunt, est signum praedestinationis.

57. Probabile est sufficere naturalem attritionem modo honestam.

58. Non tenemur Confessario interroganti fateri peccati alicujus consuetudinem.

59. Licet sacramentaliter absolvere dimidiatè tantum confessos ratione magni concursus poenitentium, qualis v. g. potest contingere in die magnae alicujus festivitatis aut indulgentiae.

60. Poenitenti habenti consuetudinem peccandi contra legem DEI, naturae, aut Ecclesiae, etsi emendationis spes nulla appareat, nec est neganda, nec differenda absolutio, dummodò ore proferat se dolere & proponere emendationem.

61. Po-









pus & animam non modò tot tantisque spoliavit bonis, poenis afflixit innumeris, sed & prudentissimorum torquet ingenia virorum, ipsa sola explicandi malum illud cogitatio, quod patet ex multiplicatis ejus definitionibus, concertationibus, de naturali constitutione &c. &c. de quibus Authores volumina magna, ut grande hoc complectantur malum, implent. Et hoc ordinariè post Magistrum Sententiarum in secundo Sentent. à dist. 21. usque ad dist. 23. & aliis variis in locis, vix enim de aliquo bono est sermo, ubi hoc incidentaliter non subrepat malum ejusque necessariò explicatio. D. Thomas de Peccatis agit 1. 2. à qu. 71. usque ad 89. Scotus in 2. à dist. 30. usque ad 37. inclusivè, & à dist. 42. usque in finem. Quare ego quoque Tantos imitando Magistros huc de eo sum acturus. Sit itaque

# DISPUTATIO PRIMA.

## De Lege Primordiali data Adamo.

### QUÆSTIO UNICA.

*Qualis Lex, qualève fuerit hoc præceptum Adamo datum?*

Ad Rom. 7.

**P**Eccatum non cognovi, inquit Apostolus, nisi per legem, nam concupiscentiam nesciebam, nisi lex diceret, non concupisces: Non furaberis, non occides, non comedes &c. Nam Regum, Principum, & Dominantium est præcepta statuere, & leges condere, hinc **DEUS** vetuit homini, ait Tostatus, in paradiso de ligno illo edere, non ob aliquam causam ex parte ligni, quia in illo esset aliquod malum, sed ut manifestaret Dominum suum super hominem præcipiendo aliquid, quod facere tenebatur. Itaque primordialis lex, & primum mandatum tam primitate Authoris, quam primitate temporis, ac primitate periculi, primo homini datum, hoc est: De ligno scientie boni & mali ne comedat. Gen. 2.

In Gen. cap. 13. q. 2 & 4.

1.  
Lex primordialis  
quæ?

In qua lege die ac nocte meditari debuisset cum Psalto primus Parens, si in justitia perseverare voluisset, Lex enim justum ab injusto decernit, obedientiam ab inobediente. Præceptum autem hoc de non edendo pomo verito esse primam legem, clare docet S. Augustinus serm. 45. de tempore, ubi examinans illud Pauli ait: Condelector enim legi **DEI** secundum interiorem hominem. Video autem aliam legem in membris meis repugnantem legi mentis meæ, & captivantem me in lege peccati, quæ est in membris meis, ait: tunc nata est ista lex, quando & transgressa est prima lex. Tunc nata est, inquam, ista lex, quando contempta est & transgressa prima lex. Quæ est prima lex? Quam in paradiso accepit primus homo. Nonne nudi erant, & non confundebantur? Quare nudi erant, & non confundebantur? nisi quia nondum erat lex in membris repugnans legi mentis. Si naturam aliarum legum spectes, deprehendes profectò hanc legem, utpotè cum ad unum

unum Adam, tanquam omnium hominum caput, directā fuerit, potius pacti cujusdam rationem habuisse, quā DEUS paciscebatur cum illo, totius naturae humanae loco, quod si non ederet ipse, omnesque posterius ejus in justitia originali conservarentur, quod si eam transgrederetur, sibi filiisque suis universaliter deperderet. Circa hanc legem quaeritur Primò : An hoc fuerit verè praeceptum, an sola quaedam admonitio? Secundò : Cur data? Tertiò : An fuerit illius transgressio contra aliquam specialem virtutem moralem; nam inobedientia currit in omni praecepto, cujuscunque virtutis, v. g. furti, fornicationis, intemperantiae : Quartò : An ambobus, id est, tam Adam, quā Evae fuerit injunctum? Quoad primum deprehendo exoticam cujusdam Authoris sententiam, qui solitā ludendi in Scripturā & verbis lasciviā, existimat ex Scripturā non posse deduci illud fuisse tam rigidè praeceptum & vetitum, sicut alia nostra, neque datum illis in materia meriti & demeriti, qui quamvis protestetur, se non sentire cum haereticis illis, qui dicebant, illud nullum fuisse praeceptum, quos refutat Bellarminus lib. 3. de amissione gratiae cap. 1. certè proxima est & sat propinqua quocunque modo se extricare conetur. Itaque

II.  
Ne comedas,  
vera fuit  
lex, eaque  
primordia-  
li.

Dico Primò : *Ille Lex, illudque praeceptum*, de Ligno scientiae boni & mali nè comedas, *verum & rigorosum fuit praeceptum*. Ita Patres & Theologi communiter, & est ipsiusmet genuinus Ecclesiae sensus. Probatum Primò ex Scriptura; Genes. 3. ubi serpens Evam alloquitur : *Cur praecepit vobis DEUS &c.* Et ipsa Eva respondens serpenti dicit : *De fructu ligni, quod est in medio paradisi, praecepit nobis DEUS, nè comederemus, & nè tangeremus illud, nè forte moriamur.*

Probatum Secundò : Ex Patribus; Augustino lib. 14. de Civit. cap. 12. ubi ait : *Non ideo debet quis existimare leve, ac parvum fuisse illud com-*

*missum, quia in esca factum est, non quidem mala nec noxia, nisi quia prohibita. Neque enim quicquam mali Deus in illo tantae felicitatis loco crearet, atque plantaret. Sed obedientia commendata est in praecepto, quae virtus in creatura rationali mater quodammodo est omnium, custosque virtutum : quandoquidem sic facta est, ut ei subditam esse sit utile : perniciosum autem suam, non ejus, à quo creata est, facere voluntatem.* Et postmodum concludit : *Tantò majore injustitia violatum est, quantò faciliore posset observantia custodiri.*

Probatum Tertiò Rationibus :

Tum ex comminatione mortis, damno, & poenā inflictā Adamo, per cujus praevaricationem natura nostra sic mutata est, dicit Augustinus supra, *ut tantae corruptioni, quantam videmus atque sentimus, & per hanc subjaceret & morti, ac tot & tantis tamque inter se contrariis perturbaretur & fluctuaret affectibus; qualis in paradiso ante peccatum, licet in corpore esset animali, utique non fuit.* Tum, Quia Adam & Eva transgrediendo hanc legem mortaliter peccarunt, ut fides habet, nam Concilium Tridentin. Sess. 5. Can. 1. anathematizat eos, qui non confitentur primum hominem Adam, cum mandatum DEI in paradiso fuisset transgressus statim sanctitatem & justitiam amisisse, atqui haec non amittitur, nisi per peccatum mortale, ergò. Tum si hoc non fuit verum & grave praeceptum, vix aliquid in Scriptura invenies, quod etiam non possis eludere : Tum denique, Quia licet materia illius Legis videatur levis secundum se, veruntamen ut substabat, divino praecepto & voluntati, per quam abstinencia illa imposita fuit, videlicet in signum particularis subjectionis, recognitionis divinae Majestatis, tanquam supremi Domini & Creatoris; gravissimè fuit obligatoria, & ad peccatum mortale sufficientissima. Sed

Dices : Non fuit data Lex vera Adamo, ut comederet de omnibus lignis paradisi, licet dicatur Gen. 2.

(\*) LIII

Præ-

*Præcepitq; ei dicens : Ex omni ligno paradisi comede, ergò nec quando dixit : De ligno scientiæ boni & mali nè comedas, ab omnimoda paritate. Respond. neg. consequ. Quia congruenter dicitur ly Præcepitque appellare suprâ de ligno scientiæ boni & mali nè comedas, & alterum ex omni ligno, &c. habet se per modum interjectæ parenthesis. Secundò, negatur paritas, quia ex contextu apparet, hoc fuisse grave præceptum, illud meram indulgentiam, facultatem, & concessionem usûs lignorum, quia ibi nullam, sicut hîc magnam adjecit cominationem: Inquantumq; die comederis, morte morieris.*

*Dico Secundò : DEUM illam legem dedisse Adamo, ut per hoc suum supremum demonstraret dominium, & ille recognosceret per obedientiam suam obligationem & subjectionem. Ita Patres, communiter Div. Augustinus con: 2. enarrat. in Psalm. 70. ubi dicit : Bona est arbor, nolo tangas, Quare? Quia Dominus sum, & servus es. Hæc tota causa est. Si parva est, dedignaris esse servus. Quid autem tibi expedit, nisi esse sub Domino? Quomodo eris sub Domino, nisi fueris sub præcepto? Porro si expedit tibi esse sub Domino, & sub præcepto. Et paulò pòst : Si autem debuit aliquid jubere, ut te, quod tibi expedit, sentires esse sub Domino, ab aliqua re prohibendus eras : non propter illius arboris malitiam, sed propter tuam obedientiam. Non potuit DEUS perfectius demonstrare quantum sit bonum obedientiæ, nisi cùm prohibuit ab ea re, quæ non erat mala. Sola ibi obedientia tenet palmam, sola ibi inobedientia invenit pœnam. Et Chrysost. hom. 14. in Genes. Hoc faciebat, DEUS, quasi Dominus aliquis liberalis domum magnam alicui concedens, ut dominium sibi sal-vum maneat, parvam tantum pecuniam dandam ab illo præscribat.*

*Dico Tertiò : Transgressio illius legis certissimè participavit malitiam inobedientiæ, & probabiliter malitiam quoque intemperantiæ, quamvis non sit certum, an non etiam injustitiæ,*

*magis tamen certum esse, fuisse contra charitatem suimetipsius. Et prima pars de se patet, nam Patres omnes clamant, Adam peccasse non obediendo DEO, unde Div. Augustinus lib. 14. de Civit. cap. 15. dicit : Sicut enim Abrahæ non immeritò magna obedientia prædicatur, quia ut occideret filium, res difficillima est imperata : ita & in paradiso tantò major inobedientia fuit, quantò id, quod præceptum est, nullius difficultatis fuit. Ex qua autoritate generale desumitur argumentum pro reliquis conclusionis partibus, nam illa obedientia Abrahæ habuit quoque annexam virtutem Religionis, fidei, quia credidit, adeoque ei reputatum fuit ad justitiam, ergò etiam obedientia Adæ habuit annexas alias virtutes, contra quas fuit ejus transgressio, & e-sus vetiti pomi.*

*Probaturn ergò de Temperantiâ: Quia nullum genus virtutum est, in quo magis propriè reponi debeat abstinentia ab edendo, quàm in illa temperantiæ, ut per se patet, illa autem lex tetendit ad abstinentiam à cibo, ergò ad nullum genus virtutis sive servatæ, sive violatæ, aptius reduci potest actio circa illud exercita, quàm ad illam temperantiæ. Ad minus certum mihi videtur Evam absolutè peccasse peccato intemperantiæ, quia illa ducta fuit voluptate edendi, nam vidit mulier, quod lignam esset bonum, & delectabile ad vescendum, ergò.*

*Tertia pars de injustitiâ sic probatur, quia nimirum illa est rei alienæ usurpatio, invito Domino, id autem fecit Adamus, idque in illa actione, ergò & injustitiâ. Fateor tamen rationem etsi videri possit evidens, quippè à definitione ad definitum, non sufficere probationi, cujus causa est, quia ad veram justitiâ non sufficit usurpasse aliquid invito domino, nisi dominus ille sit invitus, sive nolens ut dominus proprietatis, ac non tantum ut dominus jurisdictionis, si Episcopus præciperet populo abstinentiam unius diei à carnibus, & farnulus ejus illo die vescere-*

III.  
Legem primordiale  
DEUS dedit propter  
summum suum do-  
minium.

IV.  
Transgressio legis  
primæ qualem mali-  
tiam parti-  
cipavit.



sceretur illis in domo ipsius peccaret, sed intemperantiā, non injustitiā, licet usurparet rem alienam invito domino, quia nimirum illud edictum emisit Episcopus ut dominus jurisdictionis, non ut dominus proprietatis, nam respectu totius populi aliud dominium non habuit. Ita similiter prætendi potest de DEO, quod licet habeat utrumque dominium, tamen præcepta ejus procedunt solum ex dominio jurisdictionis, non item ex illo proprietatis; quo posito violatio eorum non erit vera injustitia, quia tamen DEUS habet utramque potestatem respectu omnium omnino, & omnes respectu ejus sumus sicut famulus ille Episcopi in eo casu, timeri potest merito, ne interdictum ejus fuerit exercitium domini etiam proprietatis, adeoque conclusio quoad hanc partem est tuta.

Dices: Non videtur, homines aut ullam omnino creaturam posse facere injustitiam proprie Domino DEO, eo quod per nostram actionem res non ponantur extra dominium ejus: fur v. g. qui aufert chlamydem Petro, peccat injustitiā contra Petrum, quia rem ponit extra dominium ejus, contra DEUM non item, quia non ponit rem ullam extra dominium ejus, tam enim subest Dominio DEI chlamys illa, quando est apud furem, quam quando est apud Petrum. Respond. neg: consequ: Quia Adamus non solum usurpavit rem transferendo eam ad se, sed utendo eā, cum tamen illa ipso usu destrueretur; nam usus rei comestibilis est comestio, quæ destruit cibum, quia convertit in aliam substantiam destructā illā cibi. Hæc sunt acumina, in quibus non expedit ubique laxari, sufficit, quod omnia reddant probabile saltem fuisse esum injustitiam.

Probatum ultima pars: Quia nimirum lex, sive interdictum illud apud Legislatorem processit ex tali motivo ut constet ex tenore legis & serie historię: *De ligno scientie boni & mali ne comedas: in quacunque enim*

(nota causalem) *die comederis ex eo, morte morieris*, atque ita DEUS tulit illam legem eo fine, ne homines exciderent sua immortalitate, ac proinde dilexit eos plus quam ipse homo se. Id ipsum redit in relatione Evæ, quæ respondens quæstioni serpentis: *Cur præcepit vobis DEUS, ne comederetis ex omni ligno paradisi?* ait: *De fructu lignorum, quæ sunt in paradiso, nescimus, de ligno autem scientie boni & mali præcepit nobis, ne comederemus, & ne tangeremus illud (observa causam) ne forte moriamur.*

Dices: Hinc sequitur, quod arbor illa habuerit vim physicam, & à DEI natura inditam sibi, occidendi edentes, nam si ex Decreto DEI illam habuerit, & ipse DEUS noluit eos excidere suā immortalitate, potuit aliter providere, scilicet auferendo arbori illam vim mortiferam, quam ipse indidit ei: Si autem potuit auferre, nec abstulit, signum est, quod non voluerit hominis immortalitatem, sed quod arbor illa habuerit, hanc physicam vim occidendi, quasi venenum quoddam, ergo. Respond. certum est, quod DEUS non voluerit absolute, & voluntate consequenti hominis immortalitatem, bene tamen voluntate antecedente, & absolute, sed conditionate, sicut nec decuit ipsum aliter velle, sic enim nil relinqueret homini ipsi in sua causa procurandum: Et minus decuit eum omittere legem suam ob rationes supra positas; fecit ergo quod ipsius erat, & magis cavet hominibus quam sibi ipsi: Nego ergo hinc sequi, quod DEUS non optaverit hominis immunitatem, nam admonuit Adamum de periculis, si autem intenderet hominis ruinam, id non egisset, sed oppositum, quia, ut egregie Augustinus, *nemo ferire volens dicit, observa.*

Dico Quartò: *Illā lex fuit utriq; tam Adam, quam Evæ data, immediatius tamen soli Adamo.* Patet ex ipso sermone Evæ, *Præcepit nobis Deus.* Et id clarissime docent SS. Patres, Augustinus lib. 8. de Gen. ad litt. cap. 17. ubi utrumque proponit modum, (\*) LIII 2 dicens:

Lex primordialis utriusque Protoplastæ data, & quæ ratione.

dicens: *Meritò sanè queritur, utrum hoc præceptum viro tantum dederit DEUS, an etiam fœminæ? Subjungitque: Verba enim Scripturæ sic se habent: Et præcepit Dominus Deus Adæ dicens: non dixit, præcepit eis. Deinde sequitur: Ab omni ligno, quod est in paradiso escam edes: non dixit edetis. Deinde adjungit: De ligno autem cognoscendi bonum & malum,*

*non manducabitis de illo: Jam hic tanquam ad ambos pluraliter loquitur, & pluraliter præceptum terminat dicens: Qua die autem ederitis ab eo, morte moriemini. An sciens, quod ei facturus erat mulierem, ita præcepit ordinatissimè, ut per virum præceptum Domini ad fœminam perveniret; Ergò Lex & præceptum fuit utrique datum, sed Evæ per Adamum.*

~~~~~

## DISPUTATIO SECUNDA.

D E

### Peccatis Adami & Evæ, poenisque pro iis inflictis.

#### QUÆSTIO PRIMA.

##### *De Tentatione Evæ.*

I.  
Peccati initium per mulierem.



*Initium Peccati factum est à muliere, ait Ecclesiasticus cap. 25. & per illam omnes morimur, quare de peccatis Protoplastorum acturus, à tentatione passivæ mulieris sumo initium, circa quam complures occurrunt difficultates.*

*Primò: An verus serpens in paradiso fuerit? nam videtur creditum, quia venenosa & carnivora animalia in paradiso non sunt permessa, nè qua vi, aut veneno læderetur illa hominis immunitas ab omni adversitate. Licet verò illa DEI providentiâ & potentiâ niteretur, tamen credi debet suaviter præstita, neque ad omnes occasiones & occursus multiplicata miracula pro Adami defensione, sed potius à principio omnia talia ab illo horto exclusa, qui aliàs non foret plenè paradysus voluptatis, sed partim etiam timoris ac formidinis, quæ certè plenæ felicitati repugnant, nam timor poenam habet.*

*Secunda difficultas est, quomodo Eva non horruerit serpentem*

*non admirando ejus loquelam, propter quam sibi cavere debuisset, & rem totam habere suspectam?*

*Tertio: Quomodo verum sit illud Scripturæ assertum, quod serpens fuerit, & sit callidior cunctis animalibus terræ? Quoad primam difficultatem Rupertus putat, serpentem locutum esse Evæ extra paradysum, dum in communi terra ambularet. Alphons. Tostat. scribit, eum non fuisse continuè in paradiso, sed inductum illuc operâ dæmonis, & DEI permissione. Gregorius autem Magnus putat probabile, quòd serpens in paradiso remanserit, ex quo inducta eo fuerunt omnia animalia, ut nomen ab Adamo acciperent. Verumtamen omnes isti modi non placent. Nam, ut ab ultimo incipiam, tenendo cum S. Gregorio, videtur improbare DEI providentiam, quasi serpens eo incauto, aut nesciente remanserit in angulo aliquo, aut inter virgulta paradysi. Rupertus autem divinat, undè enim ille accipit, quòd Eva paradysum excesserit, nam quid illa alibi expectaret amplius oblectamenti. Tostatus autem facit Dominum DEUM utcunque authorem, certè autem complicem tentationis, dum ipso annuente & concurrente instrumenta tentandi ab hoste*



ab hoste congeruntur, sicut qui permitteret arma inimici inferri arci, quæ est expugnanda. Itaque

Id.  
Serpens in  
paradiso  
qualis fue-  
rit.

Dico Primò : *Incertum omnino esse qualisnam fuerit serpens : si littera simplex attendatur, naturalis fuit, si verò acta ejus bene perpendantur, probabiliter dici potest serpentem illum fuisse fictitium, à demone ad hoc productum, sicut alias formas & species animalium, & inanimatorum producit.* Prima pars est indubitata ; Secunda de se patet, quia Scriptura loquitur de serpente tanquam de animali naturali. Tertia autem probatur : Tum : Quia omnes fatentur dæmonem sub tegumento serpentis tentasse Evam, atqui hoc stante convenientius dicitur, illum etiam figuram serpentis sibi formasse, & ad fallendum assumpsisse, ergò : Probatur min. Quia in paradiso non videbantur fuisse bestiae ullæ nocivæ, intoxicantes, nec carnivoræ, ergò. Tum ex refutatione aliorum modorum : Tum denique, Quia per hoc salvantur convenientius Scripturæ aliæ, quæ serpenti attribuunt, quæ illi propriè convenire non possunt. Sed in contra

Opponitur Primò authoritas : Gen. 3. ubi dicitur : *Sed & serpens callidior erat cunctis animantibus terræ, quæ fecerat Dominus DEUS* ; nam juxta hunc textum serpens ille erat animal, alioquin non rectè fieret comparatio, aut adhiberetur excessus ejus ultra alia animalia, atqui fictitius ille serpens non esset animal, neque enim Angeli possunt producere vera animalia, sed solum apparentia, ut supra ostendi, ergò. Respond. Si ego propter hanc replicam dixero, serpentem illum fuisse vetum ac naturalem, non proinde liberabo textum à difficultate. Superest enim respondendum, quomodo serpens fuerit callidior cunctis animantibus terræ, cum constet, multa esse callidiora, sive magis astuta & ingeniosa serpente, vulpes est, simia est, formica est, videtur, nè quid dicam de ipso homine, qui certè est a-

nimal, & quidem terrestre, quia non aquaticum, vel æreum.

Instabis : Per hæc non evadi, nam si verus serpens non superat cætera animantia astu, multò minùs id faciet fictus. Respond. Assumi falsum, quia fictus ille pro anima habet Angelum, qui certè astutior est omnibus animalibus non semel, sed centies, prout clarè docet S. Augustin. lib. 11. Genes. litt. cap. 2. ubi dicit : *Quamquam iste serpens non irrationali anima sua, sed alieno jam spiritu, id est, diabolico, posset sapientissimus dici omnium bestiarum. Quantumlibet enim pravaricatores Angeli de superis sedibus sue perversitatis & superbie merito dejecti sint, naturâ tamen excellentiores sunt omnibus bestiis propter rationis eminentiam.* Sed

Urgebis : Eo modo inferri vim textui, qui absolute pronuntiat fuisse serpentem. Respond. Negando assumptum nimis enim est notum, quod familiare sit Scripturæ appellare res nominibus eorum, in quarum specie apparent. In hac ipsa Genes. cap. 18. *Apparuerunt Abraham tres viri stantes propè eum*, qui tamen omnes fuerunt Angeli. Act. 1. ascendente Domino in cælum coram Apostolis : *Ecce duo viri assiterunt juxta illos in vestibus albis*, neque tamen viri fuerunt, sed Angeli, sicut & ille juvenis, quem mulieres viderunt in monumento Domini sedentem à dextris coopertum stolâ candidâ.

Arguitur Secundò : Quando Angeli formant, & assumunt corpora ad aliquod ministerium, eo absoluto illa phantastica corpora evanescent, & resolvuntur in auras, ex illis enim formata sunt, sed serpens tentator non evanuit peracta tentatione, sed remansit, ergò non fuit fictus. Respond. Hanc objectionem non solvi per hoc, quod si quis dixerit serpentem fuisse verum, nam etiam verus serpens potuit se subducere statim, neque ex veritate naturæ sequitur subsistentia ejus in loco, quod confirmatur, quia apud nos hinc inde constat, quod Angelus occupaverit & invaserit illum, sive ve-



dem à simili, nam Matth. 26. Marci 14. quibus locis refertur Christus ut Dominus in suprema cœna apprehenso pane dixerit Discipulis: *Manducate, hoc est corpus meum.* Similiter & calicem, de quo disertè pronuntiavit: *Hic est sanguis meus*, ad quem etiam bibendum invitavit convivas, sed hæc omnia discipuli tranquillè audierunt, neque turbati sunt, cum tamen res ipsa, & verba essent admiratione digna, cujus causa videtur ista, quia antea aliquoties audierunt Dominum hæc promittentem, atque explicantem, ut patet Joann. 6. fusè, ita hic, credo enim Evam turbatam fuisse, & horruisse à principio aspectum serpentis, deinde tamen deposuisse horrorem, sicut Apostoli, quod vel inde judicare debemus, quia Apostoli fuerunt Judæi, & quidem è turba: scimus autem quàm turbata sit illa turba, cum primò audierunt Dominum ista asserentem: *Litigabant enim ad invicem, &c.*

Secundò assero, serpentem illum (qualiscunque fuerit) dum ista ageret, diceretque non repisse humi pro more, sed erecto corpore, aut stetisse in aëre, aut certè incubuisse trunco alicujus arboris, spiris suis implicatum, atque inde Evam allocutum esse parem ei altitudine, id enim omne potuit ei præstare spiritus, qui intro illum animabat, & credi potest fecisse ob hoc ipsum, puta ad minuendum audienti fœminæ horrorem, neque verò hoc novum est scriptu aut creditu, quia ante mille centumque annos Procopius Gasæus, in hunc locum Gen. sic scribit: *Quapropter cum res ita movere videbatur, diabolus præter naturam ipsius erexit serpentem, ut verisimile est, & ex adverso mulieris eum consistere voluit, deinde cum muliere per serpentem diabolus sermocinatus est.* Quem secutus Eugubinius in Cosmopeia: *Credendum est, (inquit) fuisse draconem pulcherrimum, crystallatum, sublato pectore, & colloqui speculatus formosissimam fœminam per paradysum exulantem, eam minimè occupatam in va-*

*fit. &c.* Certè S. Joannes in Apocalypsi. cap. 20. dum diabolum serpentem dicit, vocat draconem. Itaque quod non horruerit Eva serpentem, dum ista diceret, causa erat, quia ille jam ante multa dixit, quibus etiam minuit sui horrorem, dum blandiretur fœminæ eâ proserpina laudum. Deinde, si fuerit draco elegans, ut censuit Eugubinus. aut tergoris varietate, & squammarum nitore insignis, ut mavult Pererius, exclusa est causa horroris, certè qui apud Augustinum legetur vetitum esse diabolo alia animalia corripere ad hunc finem, puta oves, columbas, agnos, sed esse arctatum ad serpentes, ut ita homines horrerent magis, & execrarentur, is, inquam, facilis credit, quod diabolus in genere sibi permisso illam speciem serpentum elegit, quæ minus redderet eum odibilem & execrandum.

Tertiæ denique partis ratio esse potest, quia nimirum scivit illa eum esse fictum: vel etiam si sciret verum, tamen hærebat in aspectu aut cogitatione illius, sed pergebat intellectu ad spiritum intro manentem. Et denique tale fuit hoc negotium serpentis cum Eva, & vicissim, quale cum pueris atque adultis aliquando, cum quis induit exuvias vel pellem ursi, aut leonis, & in ipsis terret, pueros, atque alios nescios imposturæ, viros autem provectos, qui fraudem norunt, non terret, quia sciunt non subesse, quod apparet, puta ursum & aut leonem, sed adesse hominem, qui latet.

Per hæc patet etiam solutio aliorum duorum, nempe, cur Eva non sit mirata serpentem loqui? Nam Christus Dominus plus sapuit quàm ipsa, quàm maritus & omne genus hominum, & tamen miratus est. Sed inquires, nihil hujus in historia legitur. Hoc tamen non obstat, nam quæro, an legatur, quod non sit mirata, tamen certum est alterutrum contigisse, cum neutrum referatur. Denique ad illud, quod quæritur, cur mulier non judicaverit cavendum sibi à monstro illo? Hinc etiam evade-

evadetur, nam quòd non caverit à consiliis, in promptu causa est, quia nimirum videbatur ei opportuna, salutaria, & in suum ac mariti favorem suadere.

duit, & monstravit, quæ, quot ipsarum comprehendere potuit, rapuit vorandas. Ita ille. Hæc autem, & his similia quis unquam vidit à serpente exhibita.

Secunda pars etiam patet: Quia sine dubio angelus ille malus, qui corpori illi apparenter serpentino inerat, superavit calliditate omnia animantia terræ, adeoque complexum ex ipso, & corpore illo ab eodem formato, verè dici potuit callidius.

Dices: Per hæc quidem afferri rationem contra serpentem verum, tur ei præferri debeat fictus, non tamen contra serpentem verum, ab angelo occupatum, de tali enim recurrit ratio mea, quòd ob spiritum illi immanentem fuerit callidior, certè enim complexum ex vero serpente & spiritu immanente fuit sapientius & astutius omnibus, ergò. Respond. posse quidem id prætendi, sed non æquè ac illud de serpente ficto, quia nimirum serpens verus constat corpore & anima physicis, & componentibus illum, ibique definit: undè quidquid superadditur, non est aliquid serpentis, sed serpens fictus constat tanquam altera parte angelo, non enim habet animam sicut verus, adeoque de illo verius dicitur, quòd fuerit callidior omnibus animantibus, licèt etiam huic desit aliqua proprietas in componendo æquè ac dicendo.

Instabis: A Scripturâ hîc comparatur serpens quoad calliditatem aliis animalibus veris, adeoque ipse debuit verum fuisse animal, & calliditas ejus fuisse animalis bestialis, alias ineptè fieret comparatio. Insul- sè enim dixeris gallinam esse sapidissimam omnium piscium, taurum esse robustissimum omnium volatiliùm, &c. quia neque taurus est volatile, neque gallina piscis, nè ergò Scripturam Sacram accusemus ineptiæ ac improprietatis, dicendum erit, quòd serpens ille fuerit naturalis & sapientia ejus serpentina, non autem angelica. Respondeo: Adversarios hos, & similes plus sapere, quàm oportet,

x.  
Serpentem  
esse sapien-  
tiorè cun-  
ctis animan-  
tibus diffi-  
cile est.

Dico Tertiò: Tenendo serpentem fuisse naturalem, difficile est salvare, quomodo serpens sit sapientior cunctis animantibus terræ; facile verò, si dicatur serpentem fuisse fictitium. Prima pars probatur ex natura simiæ & vulpis, & ex historiis, nam legitur de simia quadam, quæ in Ægypto, dum feles simiam quandam insequerentur, hæcque omni avolans, cum aufugere non posset insequentium celeritatem, arbores conscendit; quò cum feles adhuc eam insequerentur, tunc ipsa ad arboris summitatem cucurrit, ubi ab extremis ramorum fastigiis tamdiu pependit, donec feles, qui eò ascendere non audebant, descendentes ad aliam venationem regrederentur, & tamen hujusmodi inventionum vulpes est magis foecunda. Nam narrat curiosus quidam Author in suis Canicularibus Distractionibus sequens vulpis stratagema: Innatabant alveo cujusdam fluvii anates, dispaes mole ac ætate, pulli matribus immixti, utq; non audebant gurgiti se credere, ripam legebant, has è vicino conspiciata vulpes, & votis omnibus prosecuta, statuit si quo modo posset intercipere, & gulæ suæ mancipare. At enim facilius est vota concipere, quàm parere: Quid ageret, nè illæ venientè agnoscerent, agnitam vitarent, sed ipsa foecunda fraudum invenit, quò se etiam in publico occultaret, juncos hinc inde sparso & in fascem ligatos invenit, ligatis caput suum intrudit, ut illi illabentes tergo ejus oculos spectatorum ab ipsa, nedum suspicionem arcerent, ergò illa jam non illa, sed juncus fascis, alveum lentè tranat, tanquam non iret, sed laboretur, cum interim anates suspensæ eam expectarent quippè peregrinum quid, cui colluderent insidentes, tandem illa appulit, cumq; anates incautæ circum eam natarent, illa personam exuit, vulpem in-



portet sapere, sive laborasse in evadenda difficultate, quæ ipsos non premebat, nam quod Scriptura in præsentī refert (loquor de editione vulgata, quæ sola facit fidem) etiam in Grammatica proprietate, est verum, non enim habet noster textus, quod serpens fuerit sapientissimus vel callidissimus omnium animalium, tunc enim pateretur exceptionem Tostati, sed dicit, quod fuerit sapientior sive *callidior cunctis animalibus terræ*, quæ assertio servat suam veritatem, quamvis serpens non fuerit animal, non enim in similibus necesse est, ut extrema collationis sint homogenea, sed talis potest fieri in diversissima ac disparata, nemo enim carpere potest dicentem, quod Dominus DEUS sit sapientior Angelo, Angelus homine, & tamen clarum est, quod neque Dominus DEUS sit Angelus, aut ejusdem naturæ cum eo, neque Angelus homo, Scriptura ipsa est his tenoribus plena, Proverb. 22. *Melius est nomen bonum, quam divitiæ multæ*. Et tamen non in eodem genere sunt fama & pecunia, & tamen hic unum alteri comparatur, & præfertur, ut ibi & Eccles. 24. *Spiritus meus super mel dulcis, & hereditas mea super mel & favum*. Ubi vides spiritualia terrenis comparari & præferri. Imò etiam profani authores, eadem phrasi usi sunt sine vitio. Mar. Cicero in respons. ad Salust. *Neque quidpiam domi tuæ turpius, quam tu*, ubi (vides) comparat personam rebus, nam tò turpe sumit neutraliter, & substantivè, nullum sexum indicans.

## QUÆSTIO SECUNDA.

### De Peccatis primorum Parentum, ADAMI & EVÆ.

I.  
Eve transgressiones  
enumerantur.

**I**ncipio ab Eva, non quod dignior sit Adamo, sed quia prævit illi in peccando, & quia plures commisit transgressiones, nam imprimis videtur dubitasse de veritate DEI illis verbis: *Ne forte mor-*

*riamur*; cum DEUS absolutè pronuntiaverit eos morituros. Itaque hic videtur fuisse rea infidelitatis, & quasi hæresis cujusdam, fortuitum ac dubium inquiens, quod DEUS affirmavit certum, & licet hoc excusari possit, ut infra. Deindè tamen videtur absolutè incredula DEO, credula serpenti de eo, quod non moretur, ita Hugo à S. Victore sentit, & Magister post ipsum.

Secundò peccavit protrahendo Dialogum cum serpente, quem audit palàm, & impudenter improperasse DEO mendacium, sive falsitatem dicti: Debuit enim subito repellere impostorem & inimicum Domini sui, item suum ac mariti, undè quodammodò peccavit comedendo priusquam comedisset, quia *qui amat periculum, peribit in illo*, ipsa autem objecit se periculo disputando cum saerrimo, & callidissimo hoste, cum esset foemina fragilis. Ita Chrysostomus.

Tertiò peccavit similiter, dum lustraret ambitiosè pomum, incerta an esset esura, & quasi volens ab objecto discere, quid foret factura, neque certa obedientiæ DEO exhibendæ.

Quartò peccavit concupiscentiâ pomi, nam *concupiscentia cum conceperit, parit peccatum*. Jacobi 1.

Quintò peccavit gravissimè invitando maritum suum ad idem flagitium, nam & ille respondit invitanti, ac comedit.

Sextò videtur peccasse appetitu quodam Deitatis.

Septimò ac supremè peccavit homicidio sui ac totius posteritatis, id est, universi generis humani, quia *per illam omnes morimur*; omitto excusationem sui à cæde patrata, quia fuit posterior principali peccato.

Hic jam disputatur ab Interpretibus, quo ex peccatis peccaverit primò Eva? Quæ res non est tanti momenti, & poterant parcere labori ac tempori, quantum enim refert id didicisse? nam ad hunc locum non

(\*) Mmmmm

per-

pertinent, nisi peccatum illud edendi de ligno vetito, sicut nec alia Angelorum peccata pertinebant ad iudicium ferendum de ipsis, nisi illa, quæ perpetraverunt postquam admissi sunt ad viam, sive statum merendi ac demerendi beatitudinem supernaturalem. Quia tamen lis locum accepit in libris, ac scholis, decidam eam utcunque, eò magis, quòd authores aliqui credunt, per fâsque, nefâsque volunt primum illius peccatum fuisse superbiam, vertitur autem lis vel maximè inter ipsam & infidelitatem sive incredulitatem DEO, de quo

11.  
Eva an inciderit in hæresim, incertum est.

Dico Primò: *Non esse certum, quòd Eva inciderit in hæresim, sive infidelitatem veram, bene tamen analogicam.* Probatur. Quia postquam serpens peroravit totâ rhetoricâ suâ apud illam, ipsa à Moysè refertur comedisse allecâ pulchritudine ac suavitate fructus illius, nam post relatum tentationem serpentis, subito subdit. *Vidit igitur mulier, quòd bonum esset lignum ad vescendum & pulchrum oculis &c. & tulit de fructu ejus.*

Dices: Apostolus in epist. ad Corinth. ait: *serpens decepit Evam.* Item *Mulier seducta est in prævaricatione,* ergo habuit errorem. Responderi tamen potest ad hoc, quòd Eva habuit errorem, sed non contra fidem, quia scilicet fuit de eo, quòd acquireret scientiam boni & mali, de quo fides nihil dictabat, & proinde circa illud non potuit esse hæresis. Probatur. 2. p. Quia nimirum Eva quamvis crederet se acquisituram scientiam boni & mali, non proinde comederet, si se morituram judicaret, atque ita credidit, quòd comedendo non incurreret mortem, quòd fuit hæresis, nam oppositum ore DEI est pronuntiatum: Eleganter idem notat D. Augustinus lib: 11. Gen: lit: cap: 30. ubi ait: *Denique verbis non contenta serpentis consideravit lignum, viditque bonum ad escam, & decorum ad aspectum, & non credens posse se inde mori, arbitror quòd putaverit DEUM alicujus significationis causa*

*dixisse, si manducaveritis, morte moriemini: atque idè sumpsit de fructu ejus & manducavit, & dedit etiam viro suo secum.*

Dico Secundò: *Primum Eva errorum tum fuisse sermonem protractum cum serpente, quòd autem positum est primo loco, item sexto, esse dubia errata, non autem certæ malitiæ.* Prima pars sequitur ex secunda, si enim errores, & peccata suprâ recensita in quæstionis principio, & maximè quòd primo loco positum est, non sit certò peccatum, tunc secundum erit primum; quia fortè potest pati explicationes, quas Recentes aliqui ei adhibent bono numero. Deinde appetisse scientiam boni & mali non videtur ex se vituperabile, sed laude dignum. Cum etiam Sancti & DEUS ipse eam habeant, intelligo totum non descendendo ad particularia sive ad scientiam experimentalem, quæ in textu non exprimitur. Cætera sequuntur eo ordine, quem quisque videt, & facile corrigit, si quando videatur inordinatus.

Dico Tertio: *Eva peccavit quoque peccato superbiæ, antamen hoc primum fuerit ex Scriptura evidenter convinci non potest.* Prima pars est D. Augustini lib. 11. de Gen. litt. cap. 30. ubi ait: *Quando his verbis crederet mulier à bona atque utili re divinitus se fuisse prohibitos, nisi jam inesset menti amor, ille propria potestatis, & quedam de se superba præsumptio, quæ per illam tentationem fuerat convincenda & humilianda.*

Probatur secunda pars: Nam si ex aliqua Scriptura probari posset, maximè ex duobus locis, quorum unus est illud Tobia: 4. *In superbia omnis perditio sumpsit initium.* Alter Ecclesi. 10. *Initium omnis peccati superbia:* Quæ loca videntur rectè procedere de peccato Evæ, nam cum ipsa primò peccaverit in genere humano, primum illius peccatum est absolutè primum, adeoque debet esse superbia. Sed per istos duos textus probari nequit, peccatum Evæ fuisse superbiam, quia nimirum illud non fuit absolutè & simpliciter pri-

III.  
Eva error primus fuit prolixus cum serpente conversatio.

IV.  
Eva peccavit peccato superbiæ, an autem hoc primum sit, est incertum.



primum, propterea quod ante ipsum & ante omne genus humanum peccaverit Angelus: Et in hac ipsa historia sine dubio prius peccavit serpens, sive quisquis loquebatur per eum.

Dices: Hæc non suffragari mihi, qui in tract. de peccatis Angeli mali dixi, primum illius non fuisse superbiam. Respond. dupliciter: Et imprimis nego, me hoc negasse, sive docuisse, quod primum peccatum Angeli fuerit superbia, imò censui fuisse talem (licet non propriè & pressè sumptam) idque cum Scoto. Iterum Respond. Saltem Adversarios exarmari per istam probationem: nam illi mordicus tenent, quod primum Angeli peccatum fuerit superbia, ergò ista & similia loca salvantur egregiè per peccatum Angelorum, nam cum illorum peccatum & pravitas fuerit causa nostræ miseriæ, si fuit superbia, jam clarum evadit initium omnis peccati fuisse superbiam, & quod à superbia omnis perditio sumpsit initium, nostra enim sumpsit initium ab illa Angelorum, si ergò illa sumpsit initium suum à superbia; & consequenter superbia non est ad Evam detorquenda, tanquam primum peccatum.

Probatum Secundò: Quia initium in Sacra Scriptura non semper est exordium, aut principium, ad quod alia sequuntur, sed sæpè idem est, quod principale. Dicitur enim Sap. 12. *Initium fornicationis est exquisitio idolorum*, quod non potest ita accipi, ut idololatria fuerit primum peccatum hominum, cum non coeperit, nisi multis sæculis post ipsos, sed debet sensus esse, quod sit principale, id est, gravissimum peccatum, quo anima adulteratur à suo vero Sponso DEO. Eccles. 11. *Initium vite hominis panis* &c. græcè est ἀρχή, id est, principatus, sicut etiam illud ejusdem: *Brevi in volatilibus apes*, & *initium dulcoris habet fructus ejus*, cujus sententiæ sensus est, quod summa dulcedo sit illa mellis, ut cuique patet. Similis amphibologia apparet in illo Pauli I.

Timoth. 6. *Radix omnium malorum cupiditas*. An igitur Recentes hinc elicient cupiditatem, aut concupiscentiam esse primum peccatum, sed malè, quoniam in authographo est φιλαρία, id est, avaritia, aut amor pecuniarum, quas certum est, non posse esse primò & ante alias amatas, unde denique sensus est, non quod avaritia sit primum peccatum, sed quod omnia ex ipsa oriantur, vel fundentur, aut subsequantur. Undè D. Augustinus lib. 11. de Gen. ad litt. cap. 15. docet, quod si illud D. Pauli *Radix omnium malorum est cupiditas*, debeat intelligi de radice, & primitate originationis, id accipiendum fore metaphoricè, prout per cupiditatem potest intelligi quidquid amatur dicens: *Specialis est autem avaritia, quæ usitatius appellatur amor pecunie. Cujus nomine Apostolus per speciem genus significans, universalem avaritiam volebat intelligi dicendo: Radix omnium malorum est avaritia. Hinc enim & diabolus cecidit, qui utique non amavit pecuniam, sed propriam potestatem. Proinde perversus sui amor privat sancta societate turgidum spiritum, eumque coarctat miseria jam per iniquitatem satiari cupientem. Hinc alio loco cum dixisset, Erunt enim homines seipsos amantes: continuo subjecit, amatores pecunie, ab illa generali avaritia, cujus superbia caput est, ad hanc specialem descendens, quæ propria hominum est.*

Dico Quartò: *Primum Adam peccatum non fuit superbia, quæ divinitatem aliquam, vel equalitatem saltem in scientia appetivisset.* Hæc est Doctoris subtilis, & Scotistarum communiter. Probatum. Primò ex Scriptura: Quia Gen. 3. post peccatum commissum vocavit DEUS Adam ad judicium, *Ubi es?* & interrogatus ac quæsitus, quare comederit ex pomo vetito, confessus est, *Mulier, quam dedisti mihi sociam, dedit mihi de ligno, & comedi*: Ubi notandum, quod non dixerit, *mulier, quam mihi dedisti sociam, decepit me*, sicut mulier respondit: *Serpens decepit me, & comedi*, ex quo manife-

V.  
Adæ peccatum primum non fuit superbia.

rum videtur, quod in Adamo quoad præsens negotium nulla deceptio contigerit, neque ille errore, sed amore peccaverit, Eva verò contra non amore serpentis, seu Sathanae, sed errore & fraude circumventâ. Probationes ex Patribus adferet sequens conclusio. Igitur

Probatur Secundo Ratione.

Non potuit Adam tale quid appetere, ergo non peccavit appetendo, consequenter valet. Antec: ergo probatur: Non potuit Adam divinitatem vel æqualitatem illam appetere, nisi errasset in iudicando, non potuit errare in iudicando, ergo non potuit appetere; vel subsumo, si placet, non erravit, ergo non appetiit. Majus hujus est evidens, quia non potest appeti saltem efficaciter, siue procurari, nisi quod censetur esse possibile, ut ergo Adam appeteret divinitatem illam, qualemcumque, debuit iudicare, eam esse possibilem, sed hoc iudicium esset erroneum, & falsitas explorata, quam nemo de turba incurreret, nisi quis remotæ mentis, quanto minus Adamus, quem Adversarii adeo extollunt in sciendo tanquam omni sapientiâ instructum ab ipso proximè DEO, ut Magistro.

Dices: Non potuisse tunc errorem cadere in Adamum, antequam peccasset, sed quia peccavit nimio amore uxoris, propterea incidisse in hunc errorem tanquam pœnam peccati. Respond. Hoc esse nihil dicere & dupliciter confutari potest, imprimis, quia quamvis peccasset decies, non proinde incurreret tam infamem ignorantiam, nam neque nos, qui sumus centies peccatores, possumus tale quid nobis persuadere. Secundò, Quia (ut supra aliquoties asserui) scientia, immortalitas, impudentia: & alia dona statûs innocentia non pendebant ab omni peccato Adæ, sed ab uno, neque à quolibet uno, sed tantum à determinato illo esu ligni vetiti, ergo quidquid Adamus egerit, non potuit ante esum illum perdere scientiam, atque ita nec esum ipsum

exercere ex errore, aut illo, aut alio.

Instabis: Si hoc verum est, sequitur quod neque Eva appetisset illam similitudinem DEI, quia nimirum nondum spoliata fuit dono illi scientiæ, neque potuit tam crasso errore laborasse. Respond. proinde Eva seducta siue decepta fuit, & inducta in errorem, Adam non item, ut ex Paulo audivimus, & hoc est utriusque discrimen in isto negotio.

Dico Secundo cum Seraphico Doctore S. Bonaventura: Multò sapientior erat Lucifer siue primus Angelus quam primus homo, si ergo Lucifer cum tota sapientia sua voluit esse sicut DEUS, neque sapientia impedivit superbiam, multò minus videtur, quod hoc sapientia impediret humana. Sed Respondendum est, hæc non posse vincere, quia nimirum fide constat, quod Adam non erraverit, siue non sit deceptus in sua prævaricatione, non autem constat de fide, quod Lucifer non erraverit, adeoque jam habemus rationem disparitatis, quam etiam arguens tenetur admittere. Deinde etiam aliter argumentum solvi potest, quia nec Lucifer ambivit saltem non procuravit, aut secundum Deitatem, quam scivit impossibilem, aut unicam, quam vidit de facto in alio, adeoque de hoc appetitu Luciferi consulenda sunt, quæ dixi tract. 2, de Angelis, atque hæc de valore rationis à me assignatæ pro conclusione, nunc contra ipsam in se directæ.

Opponitur locus ille Genes. 3. *Ecce Adam quasi unus ex nobis factus est, sciens bonum & malum*, quæ sententia ironica est & illusoria, ut advertunt communiter SS. Patres, & Interpretes loci, ejusque author planè vult ab audientibus intelligi, quod oppositum contigerit scilicet Adam, cum vellet esse sicut DEUS, nec quidem ipsam humanitatem in sua perfectione retinuerit, adeoque loquens, qui erat DEUS, insinuat & supponit Adamum voluisse esse sicut una

una ex personis divinis, id enim est sicut unus ex nobis, quod non fieret, nisi accipere voluisset aliquam divinitatem. Respond. neg. consequi. Quia, ut advertit S. Anselmus Cantuar. tō *Adam* in Scriptura non esse semper, quod vulgò creditur, nomen viri, hoc est, hominis in masculino sexu, sed comprehendere utrumque, ita ut tō *Adam* significet etiam Evam, ut patet ex illo Genes. 5. ubi ita legitur: *Hic est liber generationis Adam, in die qua creavit DEUS hominem ad similitudinem DEI fecit illum, masculum & foeminam creavit eos, & benedixit illis, & vocavit nomen eorum Adam, in die, quo creati sunt, ut non possit censeris res nupera, sed jam ab initio facta, atq; ita Adam meritò, & verè dicitur concupivisse similitudinem DEI, si concupivit illam Eva.*

Instabis: Quamvis tō *Adam* possit esse utrique commune, ut probat hæc littera, tamen quando accipitur masculinè ceccessariò significare virum, quem enim alium? num fortè foeminam? Respond. negando assumptum, causa est, quoniam illa vox significat utrumque conjunctè, quia autem aliquis articulus, sive sexus adjungendus est ei, meritò adhibetur masculinus ob dignitatem ejus, quod etiam Grammatici monent, & præcipiunt dicendum, Rex & Regina beati. Itaque Adam est quodammodò nomen speciei, & significat totam illam, unde illud: *Ecce Adam quasi unus ex nobis factus est, illudit toti illi, & est, ac si diceret: Ecce homo, sive natura humana in individuis suis.* Quod confirmatur ex alio textu Scripturæ ibidem: *Et emisit eum Dominus de paradiso voluptatis, ast non solum virum emisit & exclusit Paradiso, sed utrumque, & in illis totum genus sive ut majus totam speciem: Ejecitque Adam, & collocavit ante paradysum voluptatis Cherubim & flammeum gladium ad custodiendam viam: Nec inde arcendus fuit ab illo Angelo & versatili ense solus vir, sed etiam foemina, nam Cherub ille non admis-*

surus esset eò mulieres, adeoque est verum, quod Adam ibi sit idem quod latinè *homo* complectatur utrumque sexum, & nequaquam dicat idem quod tō *vir*, quod est nomen sexus, ac non tantum naturæ sive speciei. Risit ergò Dominus Deus hominem; sive totum genus, quia appetitu Deitatis perdidit ornamenta humanitatis, nam foemina eo amore cæca peccavit, induxitque virum ad peccandum, per quod factum est, ut uterque & totum genus non modò Deitatem, sed & ipsa quodammodò humanitate exciderit nudi, & quoad externum habitum instar jumentorum pellibus eorum induti, quasi feræ personatæ.

Dico Quintò: *Primum Ada peccatum sunt inordinatus amor, seu amabilis benevolentia erga conjugem, nè delicias suas contristaret, id est, nè Evam offenderet.* Probatur Primò ex eadem Scriptura, & responsione Adami, ut supra, nam ad quæstionem de causa sui peccati, respondit: *mulier &c.* hæc ergò fuit ei causa lapsus, & hodie est filius ejus, quod confirmatur: Quia DEUS, quem nihil latet, approbavit responsionem, idque in sua sententia: *Quia, inquit, audisti vocem uxoris tuæ, & comedisti, &c.* significans palàm comestionem factam ab obaudiendū vel obediendum uxori. Confirmatur 2. Quia si DEUS vidisset causam lapsus ejus fuisse superbiam, aliter formaturus erat sententiam, & aliam causam scilicet superbiam ei affixisset sic, vel similiter, *quia rapinam arbitratus es fore te æqualem DEO, &c.* id autem non fecit, ergò signum evidens est, quod comestio orta sit ex affectu in foeminam, non autem ex ullo in divinitatem amore, certum enim est, quod ille iudex attulit veram causam culpæ.

Dices: Si ita sit, tunc Adamus accusavit se excusando, attulit enim affectum in mulierem, qui fuit peccaminosus ad excusandam comestionem. Respond. Primò: Retorquendo argumentum, si enim attulisset superbiam suam, & assignasset in

VL  
Adæ peccatum primum fuit inordinatus amor uxoris.



causam comestionis, quæro, an non excusaret unum peccatum alio? an fortè superbia & præsumptio ipsius etiam Deitatis non est peccatum? Respond. Secundò: Idèò Adamo visum est allegare uxorem ad excusandum se, non quasi benè gesserit se erga illam, sed quia malè gessisse est magis tolerabile ac veniale propter inclinationem naturalem viri in mulierem, quæ quò difficilius vincitur, eò magis excusat factum, nam magis peccat, qui facilius potuit vitare peccatum.

Probatur Secundò ex Div. Augustino lib. II. de Gen. ad litt. cap. 42. ubi dicit: *Salomon vir tantæ sapientiæ, numquid nam credendum est, quòd in simulacrorum cultu credidit esse aliquid utilitatis? Sed mulierum amori ad hoc malum trabenti resistere non valuit, faciens quod sciebat non esse faciendum, nè suæ quibus deperibat atque diffiuebat mortiferas delicias contristaret. Ita & Adam, posteaquam de ligno prohibito seducta mulier manduca vit, eique dedit, ut simul ederent, noluit eam contristari, quam credebatur posse sine suo solatio contabescere, si ab ejus alienaretur animo, & omnino illa interire discordia. Non quidem carnis victus concupiscentia, quam nondum senserat in resistente lege membrorum legi mentis suæ: sed amicali quadam benevolentia, quæ plerumque fit, ut offendatur DEUS, & homo ex amico fiat inimicus, quod eum facere non debuisse, divinæ sententiæ iustus exitus indicavit. Et lib. 14. de Civit. cap. II. comparat illum cum eodem Salomone, & Aarone dicens: Sicut enim Aaron erranti populo ad idolum fabricandum non consensit inductus, sed cessit obstrictus: nec Salomonem, credibile est, errore putasse idolis esse serviendum, sed blanditiis foemineis ad illa sacrilegia fuisse compulsum: ita credendum est, illum virum suæ foemine uni unum, homini hominem, conjugem conjugem, ad DEI legem transgrediendam non tanquam verum loquenti credidisse seductum, sed sociali necessitudine paruisse.*

Probatur Tertiò Ratione Scoti: Primum peccatum Adami non fuit ex amore sui, adeoque nec superbia: Assumptum probat ille ex differentia, quæ est inter Angelum & hominem, quia Angelus per suam essentiam intelligit se primo, & homo prius intelligit objecta sensibilia ante se, & idèò non potuit primò peccare nimio amore sui, hinc autem infert, quòd peccaverit nimio amore uxoris, quia nullum fuit objectum sensibile, quod magis ad peccandum incitaret, hæc ferè ille; quæ ego ut non contendo esse demonstrativa, ita nego esse levissima, nam demonstrativè probat, quòd primus actus hominis non potuit, esse amor sui, adeoque nec primum peccatum, nisi velis hominem peccare, sive malè agere antequam quidquam agat, quòd autem de facto ejus primum peccatum fuerit circa hoc objectum sensibile probabiliter ostendit, quòd in subjecta materia est satis.

Pro coronide hujus Quæstionis, sicut in principio Evæ, ita in fine adjungo culpas, & transgressionem Adæ, quæ communiter illi imputantur, prout habet Bellarminus lib. 3. de amissione gratiæ.

Prima fuit superbia sive ambitus Deitatis; sed hæc non subsistit.

Secunda: Amor conjugis inordinatus; hanc ego dico esse primam.

Tertia: Infidelitas, quia non credidit DEO dicenti: *Morte morieris.*

Quarta: Curiositas, quâ experiri id voluit, cum videret foeminam acceptâ escâ non esse mortuam, quæ nota est etiam Div. Augustini lib. II. Gen. ad litt. cap. 30. dicens: *An fortè nec suaderi jam opus erat viro, quando illam eo cibo mortuam non esse cernebat?*

Quinta: Expressa Inobedientia, comedendo de ligno, sive fructu ejus vetito.

Sexta: Excusatio peccati cum quadam accusatione foemine, ipsius etiam DEI: *Mulier, quam dedisti mihi*

VII.  
Adæ peccata quod ordine recenset Bellarminus.

mibi sociam, dedit mihi &c. Ita D. Augustinus lib. 14. Civit. cap. 14. *Sed est prior damnabiliorque superbia, quæ etiam in peccatis manifestis suffugium excusationis inquiritur, sicut illi primi homines, quorum & illa dixit: Serpens seduxit me, & manducaui, & ille dixit: mulier, quam dedisti mihi, hæc mihi dedit de ligno, & edi. Nusquam hic sonat petitio veniæ, nusquam imploratio medicinæ.*

Septima: Damnum totius humanitatis, quam illo esu occidit, quia in Adam omnes moriuntur, unde D. Bernardus hom. 2. super *Missus est*, dicit de Protoplastis nostris: *Sicut omnium parentes, ita omnium fuistis peremptores, & quod infelicius est, prius peremptores, quam parentes.* Denique addo D. Augustinum in Enchirid. cap. 45. quasi in uno corollario enumerare omnia peccata, quæ ex illo esu subsequuntur dicendo: *Quamvis & in illo peccato uno, quod per unum hominem intravit in mundum, & in omnes homines pertransiit, propter quod etiam parvuli baptizantur, possint intelligi plura peccata, si unum ipsum in sua quasi membra dividatur singula. Nam & superbia est illic, quia homo in sua potius esse, quam in DEI potestate dilexit: & sacrilegium, quia DEO non credidit: & homicidium, quia seipsum præcipitavit in mortem: & fornicatio spiritualis, quia integritas mentis humanæ serpentina suasionem corrupta est: & furtum, quia cibis prohibitus usurpatus est: & avaritia, quia plus, quam illi sufficere debuit, appetivit: & si quid aliud in hoc uno admissio diligenti consideratione inveniri potest. Verumtamen primam culpam non censeo Adamo imponendam, secunda est magis vera, & omnium verissima est quinta & sexta, reliquæ sunt divinationes.*

### QUÆSTIO TERTIA.

De gravitate peccatorum primorum Parentum.

L.  
Questio-  
nis difficul-  
tas.

Comparatio gravitatis potest institui vel de facto, vel de possibili cum aliorum peccatis. Deinde

etiam inter ipsosmet duos: potest enim quæri, utrum hoc peccatum superaverit in malitiâ omnia, & singula, quæ de facto creaturæ rationales, puta Angelus & homo commiserunt, præterea etiam omnia, quæ committere poterant. Deinde quæri potest, utrum ipsi ambo Protoplasti fuerint in peccando pares? an verò alter? & quis alio sceleratior, puta Adam an Eva? mas an mulier? quibus præmissis, mirum est, quomodo nonnulli authores accusent primos parentes suos, quàm graviter condemnent, atque ex speculativa doctrina, quæ quotidie crefcit, imponant illis atrociora facinora, quasi referret ipsorum habere parentes reos, & sceleribus contaminatos, tam argi sumus in alienis erroribus, qui in nostris cœcutimus. Ego rem simpliciter proponam. Unde

Dico Primum: *Peccatum primorum hominum in se, quod deinde ad cæteros transiit, non fuisse omnium gravissimum, sed magis mediocre.* Hæc est Doctoris subtilis in 2. d. 21. qu. 2. Dico autem notanter in se, quia quoad nocumentum extrinsecum quod causavit, fuit maximum. Probatum Primum ex Scriptura: Sapient. 10. *Hæc (scilicet Sapientia) illum, qui prior formatus est pater orbis terrarum, cum solus esset creatus, custodivit illum, & eduxit illum à delicto suo:* Ex quo loco, esum ligni illius in Adamo sapiens vocat delictum, aut delictum, si propriè loqui velimus, nec rectè abuti Scripturis, aut linguarum proprietate, ex genere suo non est gravissimum, est enim dictum *delictum*, quasi *derelictum*, quippè omissio aut negligentia quædam. Deinde ubi non est lex nec prævaricatio, ad Rom. 4. Quod si verum sit, ut est certissimum, tunc ubi lex parum aut parcè est peremptoria, etiam parva est prævaricatio, sed in hoc negotio lex talis fuit, nam Gen. 3. ubi nos legimus: *Cur præcepit vobis DEUS, nè comederetis de omni ligno paradisi.* Hebræi Codices, qui sunt autographum historiæ, non habent nisi: *Cur dixit*

II.  
Ad hæc pec-  
catum non  
est gravis-  
simum o-  
mniaum.

dixit vobis DEUS &c. quod certe non est austerè præcipere. Nec refert, quod Eva respondens quæstioni dixerit: *Præcepit nobis*: nam illa foemina addidit, quæ non vetuit DEUS: *Præcepit*, inquit, *nobis*, *nè comederemus*, & *nè tangeremus illud*. Quod secundum de suo addidit, non enim DEUS præcepto suo inclusit, ne tangerent.

Dices: Potuit etiam verum fuisse, quod incluserit: Quis enim novit exactè tenorem præcepti, silentium Scripturæ super hoc non probat, cum id non dixisse, est enim argumentum negativum, ergò. Respond. imprimis odia esse restringenda, valde autem odiosum est homini auferri sibi libertatem in ullo genere: Protoplasti illi oderunt præceptum de ipso esu ligni, quanto magis illud de esu & tactu. Deinde arguo Secundò contra sic: Si DEUS præcepisset illis, nè tangerent fructum ligni, tunc illi violassent præceptum solidum & positivum priusquam comederent, sed hoc est falsum, ergò: sequela probatur, quia sufficiebat tactus ad illud violandum, illi autem certissimè tetigerunt, antequam comederent, ergò. Jam verò falsitas min: indè habetur, quoniam oculi eorum non sunt aperti, nisi postquam comederunt, ergò.

Probatur Secundò ex D. Augustino, qui sæpius hoc peccatum nominat inobedientiam, & comparat cum obedientia Christi Domini, ita lib. 14. de Civit. cap. 15. dicens: *Sicut obedientia secundi hominis eò prædicabilior, quo factus est obediens usque ad mortem: ita inobedientia primi hominis eò detestabilior, quo factus est inobediens usque ad mortem, Ubi enim magna est inobedientiæ pœna proposita, & res à creatore facilis imperata, quisnam satis explicet, quantum malum sit, non obedire in re facili, & tantæ potestatis imperio, & tanto terrenti supplicio? Denique ut breviter dicatur, in illius peccati pœna quid inobedientiæ, nisi inobedientia retributa est? Quæ autem illa sit inobedientia fuscè*

& eleganter ostendit esse legem repugnantem menti suæ, concupiscentiam, libidinem, appetitum irascibilem & concupiscentem, quæ ibi videri possunt.

Hinc desumo argumentum secundum pro conclusione: Ex pœnis, quæ huic peccato à iudice assignatæ sunt, si enim non sint gravissimæ illæ, neque peccatum erit, utique enim apud æquum iudicem *juxta mensuram delicti erit & plagarum modus*; sed ille non fuerunt adeò graves, non accesserunt, nè propè quidem, ad aliorum criminum pœnas, ergò immeritò censetur gravissimum illud peccatum, cui ab iudice inflictæ sunt, vis est in min: quæ sic probatur. Imprimis enim istæ sunt tantum pro hac vita, Gen. 13. *In laboribus comedes ex ea omnibus diebus vite tue*. Et iterum ibidem: *Donec revertaris in terram, de qua sumptus es*. Et admissio etiam quod pœnæ illæ essent pro futura vita, ita quod per mortem, mors secunda intelligatur, adhuc non obstant, quia pœnæ peccati originalis tantum sunt pœnæ damni, aliorum autem peccatorum pœnæ sunt tam damni, quàm sensûs.

Dices: Assumi falsum, Quia Adamo inflictæ sunt pœnæ sensûs positivæ: talis enim est labor, est sudor, ipsa denique mors & morbi præcedentes sine dubio sensum præcellunt, ergò Adam punitus est pœnâ sensûs. Respond. Non est dubium, quin sensus Adami, item filiorum, ac filiarum ejus doleant aliquando vehementer, cum etiam in sententia foeminæ expressè adhibeatur: *In dolore paries*, adhuc tamen minor vera est, quoniam illæ pœnæ illatæ sunt Adamo per modum damni, devenerunt enim ad eum per ablationem justitiæ originalis & donorum eam sequentium, quod est propriè & formaliter damnum, sive ablatio & perditio alicujus. Quod etiam metaphysicè confirmatur, quia non est credendum, quod DEUS aliquid frustra & per consequens imprudenter agat, sed frustra sunt per plura,





quia mala, istud autem ideò malum quia vetitum.

**Arguitur Primò :** Christus Dominus principaliter venit in redemptionem originalis peccati, & magis quàm in illam actualium, ergò peccatum originale est gravius actualibus, non modò singulis, sed omnibus, utique enim major erat morbus, qui egebat tali medico, neque tolli nisi per ipsum potuit. Nec refert Respondere, quòd venerit etiam ob actualia, nam & hæc tolluntur per ipsum, neque ab alio tolli possunt, omnesque Theologi tenent, quòd principaliter venerit propter originale. Respond. pro nunc transeat assumptum de motivo adventus Christi Domini, super quòd videatur tomus terius meus, sed nego hinc illatum, quòd proinde originale sit gravius, alia est enim causa, cur magis ob originale venerit quàm ob actualia, quia nimirum originale omnes omninò infecit, & proinde ipse tollendo illud, dicitur & est Redemptio Mundi, at non omnes inficiuntur actualibus peccatis, sed multi sunt mundi saltem à gravibus, ergò. Per quæ credo satisfactum esse argumento atque ejus difficultati. Et nihilominus adhuc plus addo, quia nimirum pro actualibus suis quisque conari potest, & adhibere diligentiam, quo satisfaciat DEO de ipsis, sed originale est supra cujusque vires, & alio remedio eget, non enim deleri potest per contritionem, quasi verò hæc eodem modo feratur in illud, sicut in actualia, quia non est commissum proprio hominis consensu, ergò. Tertia denique disparitas est, quòd originale omnes omninò etiam parvulos involvit, hi autem certissimè egent alienà operâ, ut liberentur, quia se ipsos juvare non possunt.

**Arguitur Secundò :** Quia baptismus est omnium Sacramentorum principale quoad delenda peccata, ita ut videatur in hoc genere quodammodò non tantum summum, sed solum, undè illud Symboli Constantinopolitani: *Confiteor unum ba-*

*ptisma in remissionem peccatorum, & tamen baptismus institutum est in remissionem peccati originalis, & solum ipsum in hoc genere juvat, alia enim Sacramenta poenitentiae & extremæ unctionis nihil possunt ad deletionem originalis, ergò si baptismus excedit omnia Sacramenta, sequitur, quòd originale excedit omnia peccata. Respond. tamen, nec hæc quidem omnia sufficere Adversariis, imò esse quodammodò impertinentia, agimus de peccato commisso ab Adamo protoplasto in esu fructus vetiti, & similiter de illo Evæ simili, sed hoc peccatum in Adamo non fuit originale, sed actuale, & in Eva similiter, ergò jam impertinenter adfertur remedium originalis peccati huc.*

**Dices :** Peccatum originale posterorum est ipsum Adami, ergò quòd convenit peccato posterorum originali, convenit actuali parentis. Respond. Peccatum hoc atque ejus gravitatem derivari non à nepotibus in parentes, sed à patribus in nepotes, atque ita videndum est, quale ac quantum sit in parente, ac deinde primum formanda sententia de illo in sequentibus filiis, quibus præmissis in forma Respondeo: Baptismus esse potissimum Sacramentorum, non quia delet gravissimum peccatum, sed quia delet universale, quòd proinde ab utroque Joanne tam Baptista, quàm Evangelista dicitur peccatum mundi. Præterea etiam, quia ipse Baptismus delet etiam actualia peccata, atque ita quodammodò est instar omnium Sacramentorum. & per illud reddimur Christiani, imò quasi Christum expressè referentes, tam mortem, quàm resurrectionem ejus, ut notavit accuratè & scripsit ad Rom. Apostolus cap. 6. dicens: *An ignoratis, quia quicumque baptizati sumus in Christo Jesu, in morte ipsius baptizati sumus; confepulti enim sumus cum illo per baptismum in mortem: ut quomodo Christus surrexit à mortuis per gloriam Patris, ita & nos in novitate vite ambulemus.*

Dico



unum, nam illa tamen habet unitatem, non tamen unus. Deinde ad Corinth. 15. iterum Apostolus pronuntiavit: *Sicut in Adam omnes moriuntur, ita in Christo omnes vivificabuntur*, ubi vides expresse pro causa mortis omnium adferri Adamum, ergo. Possum etiam uti duobus locis hujus libri Geneseos: Primus habetur cap. 2. *In quocunque die comederis ex eo, morte morieris*, quæ verba soli viro dicta sunt, & sunt ea, quæ inferunt mortem: Similiter ejusdem cap. 3. *Pulvis es, & in pulverem reverteris*, est enim sententia lata à DEO separatim in Adamum, nam alia longè diversa lata est in Evam, ergo.

Probatur idem allegando expresse circumstantias: Primò est fortitudo & præstantia virilis sexus supra foemineum: Secundò est major sapientia ejus, qui proinde debuit plus resistere fraudibus insinuantis: Tertiò, quia ille immediate accepit præceptum à DEO: Quartò, quia debuit Evam corrigere: Quintò, quia peccavit ut publica persona, & vicem gessit omnium omnino hominum, nam omnes in eo continebantur ac proinde ille culpam & poenam in eos derivavit, unde & omnes occidit. Non sic Eva, sed tantum peccavit ut privata persona, nam mors inducta est ab Adamo in cæteros non ab Eva.

V.  
Eva peccatum ex alia parte gravius Adam.

Secunda pars est Doctoris ex D. Augustino 2. d. 21. q. 2. §. De tertio dico, ubi ait: *Evæ peccatum fuit gravius multò plus quam peccatum Adæ, pro eo, quod voluit sibi usurpare æqualitatem Divinitatis, unde habens aviditatem æqualitatis DEI, & scientiæ divinæ, fuit seducta; Vir autem non fuit seductus; & idè sic appetendo non peccavit, sed ex inordinato amore; propterea peccatum mulieris fuit gravius. Deinde, Eva fuit causa peccati viri, & idè gravius addendo peccavit. Imò S. Augustinus eleganter ostendit utrumque Adamum & Evam fuisse deceptum, quamquam in alio genere & sub alia ratione, & si non æqua-*

liter uterque peccavit, aut deceptus fuit, æqualiter tamen ambo capti sunt, & à diaboli laqueis implicati, ita docet lib. 14. de Civit. DEI. cap. 12. libeat benevolo lectori gratiosum ejus logere discursum, ita enim dicit: *Non frustra dixit Apostolus: Adam non est seductus: mulier autem seducta est: nisi quia illa, quod ei serpens locutus est, tanquam verum esset, accepit, ille autem ab unico noluit consortio dirimi, nec in communione peccati, nec idè minus reus, sed sciens prudensque peccavit. Unde & Apostolus non ait, non peccavit, sed non est seductus. Nam utique ipsum peccasse ostendit, ubi dicit: Per unum hominem intravit peccatum in mundum: & paulò post apertius in similitudinem, inquit, prævaricationis Adæ. Hos autem seductos intelligi voluit, qui id, quod faciunt, non putant esse peccatum, ille autem scivit. Alioqui: quomodo verum erit, Adam non est seductus? Sed inexpertus divinæ severitatis in eo falli potuit, ut veniale crederet esse commissum. Ac per hoc in eo quidem, quo mulier seducta est, ille seductus, sed eum sefellit, quomodo fuerat judicandum, quod erat dicturus: Mulier, quam dedisti mihi sociam, ipsa dedit mihi, & manducavi. Quid ergo opus est pluribus? Et si credendo non sunt ambo decepti, peccando tamen ambo capti sunt, & diaboli laqueis implicati.*

## QUÆSTIO QUARTA.

### De Pænis primorum Parentum.

**S**equor ordinem Scripturæ, & ipsius DEI in ferenda sententia contra Protoparentes, incipiendo à serpente, ubi Div. Augustinus animadvertit & ait: *Jam serpens non interrogatur, sed prior excepit poenam, quia nec confiteri peccatum potest, nec habet omnino unde se excuset, idèque sine examine illo DEUS in ipsum tulit sententiam istam: Quia fecisti hoc, maledictus es inter omnia animantia, & bestias terræ: super pedes tuos gradieris, & terram comedes cunctis diebus vitæ tuæ, &c. circa quam sententiam explicandam graviter auctores*

L  
Serpens sine examine sentenciatur.

thores & Interpretes controver-  
runt, nam aliqui existimant, quod  
DEUS daemoni de novo nullam infli-  
xerit poenam, utpotè cum jam sit in  
termino, & extra statum merendi,  
nec possit poenâ hic propriè expli-  
cari, ut possit daemoni convenire  
nova poena; serpens autem, quem  
assumpserat seu effinxerat daemon,  
sicut non peccavit, sic non debebat,  
nec poterat propriè puniri, & quod  
attribuitur illi pro poena, convenit  
ipsi ex conditione naturæ, scilicet  
gradi super pectus, & comedere ter-  
ram, cum enim rerum naturæ per  
peccatum non sint mutatae, sic gra-  
diebatur ante ut modo. Hinc alii exi-  
stimant DEUM non novam dixisse  
serpenti poenam, sed insinuasse, &  
significasse Adæ & Evæ statum dæ-  
monis, ut magis caverent sibi ab eo,  
prout etiam sentire videtur S. Augu-  
stinus: Et pro secundo, ut habe-  
rent spem illum superandi: *Ipsa con-  
teret caput tuum*, quod utique displi-  
cebat daemoni esse primò notifica-  
tum hominibus, à quibus hæc noti-  
tia traderetur posteritati toti, & quia  
DEUS accepit occasionem signifi-  
candi hoc hominibus ob deceptio-  
nem foeminæ, optimè dictum est:  
*Quia fecisti hoc, &c.* Itaque

11.  
Iona ser-  
pentis di-  
cata refer-  
tur ad dia-  
bolum.

Dico Primò: *Allegoricè refer-  
tur poena serpenti dicta à DEO ad  
diabolum, litteraliter tamen ad serpen-  
tem corporalem, totamque ejus speciem,  
quem seu assumpsit, seu effinxit.* Pro-  
batur prima pars ex Div. Augusti-  
no lib. 2. de Gen. contra Mani-  
chæ. cap. 17. & 18. ubi sic dicit: *Di-  
citur ergo huic, id est, serpenti, pecto-  
re & ventre repes. Quod quidem &  
in colubro animadvertitur, & ex illo  
animante visibili ad hunc invisibilem  
inimicum nostrum locutio figuratur.*  
*Nomine enim pectoris, significatur su-  
perbia, quia ibi dominatur impetus ani-  
mi. Nomine autem ventris, significa-  
tur carnale desiderium, quia hæc pars  
mollior sentitur in corpore. Et quia  
his rebus ille serpit ad eos, quos vult  
decipere, propterea dictum est, pectore  
& ventre repes. Et terram, inquit,  
manducabis, omnibus diebus vita tua,*

*id est, omnibus diebus, quibus agis hanc  
potestatem, ante illam ultimam poenam  
judicii. Hæc enim vita ejus videtur,  
de qua gaudet atque gloriatur. Ter-  
ram ergo manducabis, duobus modis  
intelligi potest. Vel ad te pertinebunt,  
quos terrena cupiditate deceperis, id est,  
peccatores, qui terræ nomine signifi-  
cantur. Vel certe genus tertium ten-  
tationis his verbis figuratur, quod est  
curiositas.*

Probatur secunda pars: Quia  
tota historia Genesis usque huc sem-  
per à Patribus litteraliter fuit intel-  
lecta, ergo etiam illa, quæ de ser-  
pente dicuntur, cum verba maledi-  
ctionis in illum benè quadrent, non  
tamen quod propriè sit poena respec-  
tu serpentis corporalis, utpotè qui  
non peccavit, sed impropriè tan-  
tùm, ad quod sufficit ipsum fuisse in-  
strumentum verum, vel repræsen-  
tativum diaboli, ut demonstret DE-  
US, quantum detestetur hoc scelus  
hominis, & ut ipse homo idem con-  
siderans sui lapsus admoneatur, sic  
etiam nunc iudices suos, qui infan-  
tem devorant, aliasque bestias, ca-  
nes & vaccas, quibus homines mali-  
abuntur, jubent comburere in de-  
testationem crudelitatis, & sceleris.  
Serpens igitur dicitur maledictus in-  
ter omnia animantia, id est, præ o-  
mnibus animantibus terræ, inflixit-  
que ei gressus super pectus, & com-  
estione terræ.

Aliqui putant, serpentes antè  
ambulasse erectis pedibus, eosque  
esse illi in poenam sublato, quod ta-  
men credibile non est, cum pecca-  
tum non mutet naturas rerum, ut-  
potè solum quid morale, ad immu-  
tationem autem, physica eaque ve-  
hemens requiritur actio DEI, quam  
nec in Angelis, nec in hominibus ad-  
hibuit, multò minus in serpente, qui  
non nisi instrumentaliter, non for-  
maliter peccavit, quare nec creden-  
dum est, serpentes antè habuisse al-  
lium incedendi modum, v. g. subsi-  
liendo, ut putat noster Felicius d. 21.  
q. 6. qui ibidem addit, serpentes an-  
te peccatum comedissem herbam sicut  
cætera animantia, quibus indefinite

id.  
Serpens  
nunquam  
habuit pe-  
des.









Et quamvis contingat ambo munia in eodem convenire, tamen actiones unius omnino distinguendae sunt, ab illis alterius, nam illae prophetiae sunt theoreticae & speculativae, quae indicant tantum existentiam rei, illae autem iudicis sunt practicae, & imperant positionem alicujus in esse. Melius Respondet D. Thomas, quod subjectio foeminae modò sit poenalis, quia necesse est illi saepe contra propriam voluntatem conjugis voluntati parere; ad quod capiendum est notandum, quod propterea in primo statu hominum subjectio foeminae ad virum non haberet rationem poenae, quia spontanea esset, & sine coactione, sicut Apostolus ait: *Legem non esse justo positam*, non quia desit lex, sed quia justus spontè facit ea, quae sunt legis; Praeterea etiam, quia ipsa foemina nihil concupisceret, nisi quod foret rationi, adeoque etiam marito conforme, cujus voluntas semper esset rationabilis, alioquin ipse non maneret in statu innocentiae, sed in illo peccati, nunc verò soluta hac aurea vita, contingit illos in diversa ferri, & velle opposita, cumque foemina subsit viro, & verè cogatur subesse, haec subjectio merito dicitur, & est poenalis, atque per hanc DEI sententiam inflicta.

maledictionem terrae, atque inde oriundos labores agriculturae & sudores. Secundam, Germinationem spinarum ac tribulorum. Tertiam, Esu herbarum terrestrium. Moveor ad hoc, quia illud de morte non tam indicitur hìc, quàm memoratur, & quasi aliundè citatur huc, tanquam caput & causa unius ex praedictis: *Quia pulvis es, & in pulverem reverteris.*

Porro ad explicandas has poenas, graves oriuntur difficultates, nam per *ly maledicta terra in opere tuo*, utique significat sterilitatem, sicut benedictio dicit ubertatem, ac foecunditatem, sed non potest dici, quod ob peccatum Adami terra incurrerit sterilitatem, nam nullius natura immutata est per peccatum illud, non viri, non foeminae, nec ipsius quidem serpentis, qui primario & efficienter peccavit, quanto minus illa terra, quae non intervenit in hoc negotio, neque ullas partes egit. Verum Respond. non esse ad subsistentiam hujus maledictionis, quod natura terrae immutata fuerit, verificatur enim in eo, quod primi homines ejecti sint de paradiso, terram foecundissimam, cujus cultura non foret onerosa, in terram istam, cujus durities laboribus & instrumentis est perrumpenda. Itaque non terra naturam mutavit, sed homo locum. Et haec quidem solutio est bona, sed difficultas nondum evacuata, nam incertum est, an homo, si produxisset innocentiam suam, semper victurus esset in paradiso, contrarium enim, id est, negativa pars, colligitur ex Scriptura Gen. 1. *Faciamus hominem ad imaginem & similitudinem nostram, & praesit piscibus maris &c. universaeque terrae.* Et iterum ibidem: *Crescite & multiplicamini, replete terram, & subjicite eam.* Certè enim haec subjectio & praefectura terrae non sine aliqua actione hominum circa ipsam potest intelligi, & minus exerceri, atque ita primi homines haberent etiam tunc agere cum terra.

(\*) Ooooo

Dico

VIII.

Poenae Viri  
scripti-  
ae.

Progredior nunc ad poenas ipsiusmet viri Adami, quas DEUS sic illi hac sententia veluti iudex inflixit, Gen. 3. *Quia audi-visti vocem uxoris tuae, & comedisti de ligno, ex quo praeceperam tibi, ne comederes, maledicta terra in opere tuo, in laboribus comedes ex ea cunctis diebus vitae tuae, spinas & tribulos germinabit tibi, comedes herbam terrae: In sudore vultus tui vesceris pane tuo, donec revertaris in terram, de qua productus es, quia pulvis es, & in pulverem reverteris.* Ita Gen. 3. Ex qua sententia tres quoque poenae Viri communiter deducuntur, & explicantur, sed aliter & aliter distinguuntur: Quidam incipiunt secundam ibi: *In laboribus &c.* Alii illis: *Spinas & tribulos germinabit tibi.* Ego existimo, primam esse





quæ indagatione est difficillima, ut patet ex tot Scholasticorum altercationibus. Ego inherendo principiis Scholæ nostræ progrediar. Sit igitur :

## QUÆSTIO PRIMA.

*Quid sit peccatum tam quoad esse materiale, quàm formale peccati ?*

I.  
Delictum,  
peccatum,  
malum va-  
riè accipi-  
untur.



Ro resolutione Quæ-  
stionis prænotandum:  
Nomina ista, *Malum*,  
*Peccatum*, *Culpam*,  
*Crimen*, *Scelus*, *Flagi-  
tium*, *Facinus*, *Delit-*

*um*, *Vitium* variè à variis accipi, & usurpari: Aliqui dicunt, malum esse defectum in quacunque re, Peccatum verò solum in operatione, ac proindè malum esse quid superius ad peccatum, & hoc iterum esse superius ad culpam, quæ dicitur defectus moralis & imputabilis, quod quidem verum est, si in abstracto planè loquamur, sed si sit sermo de his, ut ad moralia spectant, æquè latè patent, nec est cur unum dicatur superius cæteris. Sed

II.  
Peccatum  
variè acci-  
piuntur.

Notandum Secundò: Peccatum variè sumi, Primò pro defectu naturæ, ut monstra, quæ deviant à fine intento à natura. Secundò pro defectu artis, ut artefactum v. g. pictura non attingens perfectè exemplar. Tertio, & propriè pro defectu in genere moris, seu, quod idem est, pro deviatione à rectâ ratione, & de peccato hoc modo sumpto hîc agitur: unde omitto alias diversas acceptationes, quæ per decursum occurrent, ut quod per Meronymiam accipiatur pro incentivo peccati, vel effectû peccati, prout appellatur concupiscentia ab Apostolo; Item, in simili metaphora appellatur hostia pro peccato, peccatum, ut 2. Corinth. 5. *Qui non novit peccatum, pro nobis peccatum factus est.*

III.  
Crimen,  
Flagitium  
explican-  
tur.

Crimen vocatur id, quod est accusatione, & condemnatione dignum, ac proindè significat peccatum gra-

ve, undè Criminatores dicuntur, qui peccata publicè propugnant, & impingunt aliis. *Flagitium*, *Facinus*, *Scelus* sonant enorme peccatum, sed quod sensu percipitur, dicitur *Flagitium*.

*Delictum* ex vi vocis, est quasi derelictum, & sæpè sumitur pro omissione, quod quasi contra præceptum affirmativum sit relictum.

IV.  
Vitium  
quid sit.

*Vitium* significat habitum malum, undè Aristoteles 7. de Moribus cap. 8. Vitium comparat Hydropisî, quæ est sitis permanens. Et D. Augustinus lib. de perfect. Justitiæ cap. 4. dicit, vitium esse simile curvitatî tibiæ, peccatum verò ipsi claudicationi. Sumitur etiam vitium pro carentia perfectionis alicujus competentis alicui naturæ, undè D. Augustinus lib. 4. de lib. arbitr. cap. 14. ait: *Quod perfectioni nature deesse perspexeris, id voca vitium.*

V.  
Peccati de-  
scriptiones  
varie.

Notandum Tertio: Peccatum à Patribus diversimodè describi, nam D. Ambrosius lib. de Paradiso cap. 8. sic ait: *Peccatum est transgressio divinæ legis, & inobedientia cælestium mandatorum.* D. Anselmus lib. Cur DEUS homo: *Peccatum est DEO non reddere debitum.* D. Augustinus complures tradit elegantes descriptiones, ex quibus tantum tres solummodò adduco, primam habet lib. 1. de diversis quæst. ad Simplicianum q. 2. sic: *Peccatum hominis est inordinatio atque perversitas, id est, à præstantiore Conditoris conversio, & ad condita inferiora conversio.* Secunda est in lib. de duabus animabus cap. 11. *Peccatum est retinendi voluntas, & consequendi quod justitia vetat, & undè liberum est abstinere, quanquam si liberum non sit, non est voluntas, sed malui crassius, quàm scrupulosius desipere eam rem.* Nec bi libri obscuri mihi scrutandi erant, undè discerem neminem vituperatione suppliciove dignum, qui aut id velit, quod justitia velle





trinfecam in actu ad naturam ipsam rationalem, eamque vocat relationem disconvenientiæ ad naturam: Cajetanus hac in parte ita obscure loquitur, ut dubium sit, an senserit illud positivum esse aliquid distinctum ab ipso actu, necne?

Secunda sententia est eorum, qui dicunt consistere in positivo simul & privativo, pro qua falsò annumeratur S. Bonaventura. Tertia ponit rationem formalem in privatione, in hac classe est Scotus noster 2. dist. 37. q. 1. § *Iste questiones*, quem sequuntur Scotistæ communiter, Lichetus, Tartaretus, Rada tom: 2. contrav: 16. Faber in 4. dist. 14. q. 1. D. Bonaventura in 2. dist: 34. art: 2. q. 3. Alensis 2. p. q. 94. Antisidorenensis lib: 2. summæ, tract: 7. cap: 1. Navarrus in Manuali, præludio 7. n. 14. & alii multi. Asthi quoque Authores non conveniunt in assignando bono, cujus peccatum est privatio, nam aliqui dicunt esse privationem gratiæ: alii privationem virtutis acquisitæ, tam actualis, quam habitualis; alii denique esse privationem rectitudinis debitæ inesse.

VIII.  
Manichæorum error de malo principio.

Pro resolutione hujus partis ad intelligendos SS. Patres, quos adducere intendo, Notandum olim inter Sanctos Ecclesiæ Doctores, & Manichæos hæreticos, fuisse controversiam, An darentur plura rerum principia, ut sæpè dictum est, Unum ex natura sua bonum, & causam omnis boni; alterum verò malum, & causam omnis mali, & hoc idèd, quia videbant Manichæi in mundo esse multa bona, & etiam multa mala, hinc illi sic argumentabantur: Malum debet habere aliquod primum principium, sed non DEUM bonum, ergo aliquid, quod est ex natura sua malum, adeoque erit unus Deus malus: & ita refert Justinus Martyr in refutatione responsionis non rectæ. Ad hoc ergo Manichæorum argumentum SS. Patres respondebant, malum non esse aliquam naturam, sed meram privationem, adeoque non habere aliquod principium effectivum, sed defectivum, quod supponit Con-

cilium Lateranense in cap: *Firmiter, de sum: Trinit: & Fide Cathol:* ubi postquam definivisset, DEUM esse principium universorum, excludit peccatum, dicendo, quòd dæmones & homines non sint à DEO, quâ peccatores & mali sunt. Hoc præmissio

Dico Secundo: *Peccatum pro formali probabilius consistit in pura privatione rectitudinis debitæ inesse.* Ita D. Thomas 1. 2. q. 18. a. 1. Scotus suprà, & Authores ibidem citati, contra primam & secundam sententiam. Probatur conclusio 1. Tum ex Scriptura Sacra, quæ frequenter explicat peccatum per hoc, quòd sit infirmitas, imbecillitas, cæcitas, defectus, & hujusmodi, quæ negationem, vel privationem important: Tum ex Patribus & potissimum Augustino super illud Joann: 1. *Et sine ipso factum est nihil: Videte*, inquit, *ne sic cogitetis, quia nihil aliquid est, solent enim multi malè intelligentes, sine ipso factum est nihil, putare aliquid esse nihil, peccatum quidem non per ipsum factum est, & manifestum est, quia peccatum nihil est.* Et in Enchirid: cap: 11. *Quid est autem aliud, quod malum dicitur, nisi privatio boni.* idem habet lib: 2. contra epistol: fundam: cap: 35. & lib: 11. Civit: cap: 9. in fine ubi dicit: *Mali enim nulla natura est, sed amissio boni mali nomen accepit.* Et lib: 83. qq. q. 6. hanc facit rationem: *Si peccatum est aliquid, aut est corporeum, aut incorporeum: Corporeum autem sensibili, incorporeum insensibili specie continetur, ubi autem aliqua species est, necessario est aliquis modus, & modus aliquid boni est, summum ergo malum nullum modum habet, carret enim omni bono.* hæc ille. Et lib: de natura boni adversus Manichæos cap: 38. sic habet. *Nam nec ignis ipse æternus, qui cruciaturus est impios, mala natura est, habens modum & speciem & ordinem suum, nulla iniquitate depravatum: sed cruciatus est damnatis malum, quorum peccatis est debitus. Neque enim & lux ista, quia lippos cruciat oculos, mala natura est.* supple sed bona, ita quoque discurre de natura mali moralis, si natura & entitas est positiva,

IX.  
Peccatum pro formali consistit in pura privatione.



positiva, licet disconveniens homini sit, in se tamen non est mala, quia DEUS author est ejus, qui nullius mali principium esse potest, adeoque videtur esse contradictio apud Augustinum, quod natura, seu quidditas mali moralis, id est, peccatum sit entitas positiva, & non sit à DEO.

Dices cum Vasquez: Hæc solum probare, quod peccatum habeat sibi annexam privationem alicujus boni, non autem quod in se sit formaliter privatio, nam Patres ob quatuor rationes peccatum appellarunt privationem; Primò, Quia opponitur DEO, qui est Ens infinitum; quidquid autem opponitur DEO, potest quodammodo dici nihil. Secundò Quia impedit summum bonum animæ, scilicet Beatitudinem, & sic potest dici nihil, id est non proficuum. Tertiò: Quia, si est mortale, opponitur gratiæ. Quartò: Quia Patres loquuntur contra Manichæos dicentes esse quasdam substantiales naturas essentialiter malas, & idè per oppositum Patres dixerunt peccatum esse privationem, seu nihil, in quantum nihil supponit pro carentia naturæ substantialis. Sed Contra 1. Si Patres aestimassent peccatum esse aliquid positivum, & non formaliter privationem, ergo improprie loquuntur, cum absolute negant, ipsum esse naturam, esse actum, vel effectum, esse ens aut aliquid, sed potius dicunt esse privationem, defectum, omissionem, nihil, & similia. Contra 2. Falsum assumitur, Patres ob rationes allegatas negare peccatum esse quid positivum, Nam primæ tres sunt omnino frivolæ, quia Manichæi, contra quos argumentabantur Patres, non dubitabant peccatum esse contra DEUM, esse impeditivum beatitudinis, destructivum gratiæ, ergo non negarunt in hoc sensu fat accommodato peccatum esse nihil, unde argumentum Manichæorum fuit tale: Constat malum esse in mundo, quod est contrarium DEO bono, Beatitudini, gratiæ, ergo cum sit res aliqua, debet habere

re principium distinctum à DEO bono: Ad hoc argumentum non negabant Patres antecessus Manichæorum, sed ejus suppositum, scilicet quod peccatum sit res aliqua, asserbantque illud potius esse defectum, privationem, nihil &c: si enim SS. Patres admitterent peccatum esse ens positivum, Manichæi urgerent, & inferrent: Ergo peccatum habet aliquam causam positivam malam, & illa aliam, & sic semper, donec venirent ad primam causam, cum autem DEUS bonus non possit esse causa mali, inferrent ulterius, Ergo debet admitti præter DEUM bonum DEUS malus.

Et per hoc excluditur etiam quarta ratio, seu evasio adversariorum, Malitia enim accidentis refundi debet ultimè in substantiam, ergo rectè colligerent Manichæi, videntes in mundo accidens ex natura sua malum, dari etiam substantiam naturam suam malum, cujus argumenti vim perpendens D. August. lib. 12. Civit. cap. 7. dicit: *Nemo ergo querat efficientem causam male voluntatis, non enim est efficiens, sed deficiens, quia nec illa effectio est, sed defectio, deficere namque ab eo, quod summè est, ad id quod minus, hoc est incipere habere malam voluntatem.* ex quo sic inferitur consequentia, ergo si peccatum esset effectio, jam ejus daretur causa efficiens. Et subdit ibidem D. Augustinus: *Causas porrò illarum defectuum, cum efficientes non sint, ut dixi, sed deficientes, velle invenire tale est, ac si quisquam vellet videre tenebras, aut audire silentium, quod tamen utrumque nobis notum est, neque id nisi per oculos, neque hoc nisi per aures cognoscimus, non sanè in specie, sed in speciei privatione:* Ubi S. Doctor ponit comparisonem inter tenebras, silentium, & peccatum & dicit utrumque esse privationem, nec tamen causam efficientem habere, ac proinde solidè & fundamentaliter respondet Manichæis rejiciendo Deum malum ex serie Entium.

Probatur conclusio Secundò:   
 *Authoritate Scoti propter nostrum*  
 P. Pon-







Dices cum Medina, Peccatum quâ tale esse ens positivum deficiens, ac proinde qua tale non produci à DEO. Sed Contra 1. Velly *Deficiens* addit ad ly *Positivo* aliquid positivum, vel puram negationem, si Primum, ergo frustra multiplicat terminos, nec difficultatem tangit: si secundum, ergo perinde est, ac si diceret peccatum esse ens positivum negativum, quæ sunt extrema contradictionis. Addo, quod defectus sit negatio & carentia alicujus rei, ergo quidquid est in actu peccaminoso, præter illum defectum est à DEO, ergo nihil relinquitur in illo actu, quod habeat rationem formalem peccati, præter illum defectum seu carentiam.

Probatur conclusio Quintò: Bonum & malum opponuntur privativè, sed bonum formaliter est aliquid positivum, ergo malum est privatio illius boni, ergo cum peccatum sit formaliter malum, necesse est, quod sit formaliter privatio alicujus boni.

Dices: Bonum & malum naturale opponi privativè non verò morale. Sed Contra: Bonum naturale & morale conveniunt in ratione communis ut sic, ergo etiam in ratione boni ut sic, ergo sicut bonum ut sic opponitur privativè malo ut sic, ita bonum morale malo morali, ergo cum bonum morale sit formaliter aliquid positivum, nimirum conformitas ad rectam rationem, similiter malum morale non erit formaliter aliud, quàm privatio hujus conformitatis.

Probatur conclusio Sextò: Illud, quo secluso non intelligitur ratio formalis peccati, & quo posito, ac secluso omni alio intelligitur sufficienter ratio peccati, est formalis ratio constitutiva peccati, sed seclusa ab actu homicidii v. g. privatione rectitudinis debitæ, & posito quocunque alio, non intelligitur ratio peccati, ut patet, & secluso omni alio actu præter illam privationem, intelligitur sufficientissimè ratio peccati,

nam hoc ipso quod actus privetur debita rectitudine est peccaminosus.

Hæ rationes impugnant generaliter omnes Authores tenentes peccatum esse aliquid positivum, si ve illud sit ab solutum si ve relativum, si ve reale, vel rationis, in quo inter se discrepant, cum enim DEUS sit propriè causa omnis entitatis positivæ creatæ si ve absolutæ si ve relativæ, realis, vel rationis, & ex alia parte non sit causa peccati, consequens est, peccatum non esse formaliter aliquid horum. Attamen septimò.

Probatur Conclusio Specialiter <sup>X.</sup> Peccatum non est relatio realis contra eos, qui dicunt, peccatum formaliter esse relationem realem, si ve ad legem, si ve ad objectum dissonum, Quia facere contra legem solummodo apprehensam ut dissonum, est verè peccatum, sed isto actu ad legem, vel ad objectum tantummodo apprehensum, non potest esse aliqua relatio realis, ergo ratio formalis peccati ut sic, non potest consistere in relatione reali. maj: patet. Probatur min: Quia relatio realis petit terminum ad quem realem, utpotè à quo specificatur, sed lex vel objectum, quâ apprehensum, non est ens reale, ut patet, ergo.

Probatur Octavò: Contra po- <sup>XI.</sup> Relatio rationis non est peccatum nentes rationem peccati formaliter consistere in relatione rationis, fundata in operatione humana ad naturam rationalem; Tum, Quia illa relatio, si quæ est, non dependet ab operatione illius: Tum, Quia extrema illius sunt ambo realia, nimirum operatio, in qua fundatur, & natura rationalis, ad quam terminatur, ergo potius dicenda esset relatio realis, quàm rationis: Tum denique, Quia idè dicitur peccatum inconveniens, vel dissonum naturæ, quia in se est malum privans naturam bono aliquo sibi convenienti, ergo ratio formalis malitiæ in peccato præsupponitur ad relationem dissonantiæ à natura.

Probatur conclusio Nonò: <sup>XII.</sup> Peccatum non constituitur ex positivo & privativo simul Peccatum non constitui ex positivo, & negativo simul, ratio formalis peccati simul.





pro materiali, seu fundamentali actum vel habitum positivum ex nullo contemptu divitiarum inclinante ad superfluos sumptus, liberalitas verò in medio se constituit, moderatisque illis passionibus inclinatur in sumptus necessarios, & refugit à superfluis, ita ut tam prodigalitas, quam avaritia pro formali dicat solum privationem liberalitatis, licet diversimodè, una nimirum per defectum, ut avaritia, altera per excessum. Potest etiam Secundò Responderi, quod etiam formaliter sumpta specie distinguantur, ob diversum scilicet modum privandi eadem rectitudine. Vel Respondeatur Tertio: Liberalitatem non esse speciem atomam, sed continere sub se diversas virtutes, unam dandi quod oportet dare, in quo opponitur avaritiæ, alteram retinendi quod oportet, in quo opponitur prodigalitati, & similiter dicendum de aliis virtutibus habentibus medium.

Arguitur Quarto: Sequeretur peccatum commissionis, & omissionis circa idem objectum, & contra eandem virtutem non differre specie, consequens est falsum, ergo: probatur sequela, quia actus odii DEI (si sit possibilis) & ommissio amoris DEI instante præcepto, opponuntur eidem virtuti charitatis, & eodem modo privant illa charitate, quia ambo per defectum, & sunt circa idem objectum, ut patet, ergo in nostra sententia nullo modo differunt. Respond. Primò, juxta communem solutionem neg: sequel: ad probat: neg: antec: Quia sicut virtus charitatis includit virtualiter diversa dictamina in genere moris, specie distincta, unum scilicet non odire positivè DEUM, alterum amare illum certis temporibus, ita actus commissionis oppositis primo dictamini, distinguitur specie à peccato omissionis opposito secundo dictamini. Responderi potest Secundò: Quod commissio & ommissio in tali casu sint ejusdem speciei, licet commissio sit gravius peccatum quam ommissio, sicut gravius est negare positivè fidem, quam illam non confiteri.

Instatur: Hinc sequeretur, sufficere in confessione exprimere, peccavi contra charitatem, vel contra fidem divinam, non exprimendo an committendo, vel omittendo peccaverim. Respond. neg: sequel: Quia commissio est longè gravius peccatum, & idè exprimenda tanquam circumstantia vehementer aggravans.

Urgetur: Negatio fidei facit infidelem, non confessio autem fidei non facit infidelem, ergo differunt specie. Respond. trans: antec: neg: consequ: Quia etiam peccatum mortale & veniale circa eandem materiam, puta grave & leve mendacium sunt ejusdem speciei, & tamen veniale non facit hominem simpliciter inimicum DEI, nec expellit charitatem, mortale autem utrumque facit: Similiter certum est contra fidem peccari quandoque venialiter tantum, ut ex indeliberatione, & tamen hoc peccatum, licet non faciat infidelem, est ejusdem speciei cum infidelitate, quæ simpliciter destruit fidem.

Arguitur Quintò: Peccatum commissionis opponitur præcepto negativo, ergo saltem peccatum commissionis non est formaliter privatio: patet consequentia, quia una privatio non opponitur alteri. Respond. distin: antec: per se & formaliter, nego, materialiter, trans: Quia peccatum directè & per se non opponitur præcepto formaliter, sed rectitudini debitæ inesse actui, supposito præcepto, possunt enim plures actus virtutum unico præcepto præcipi.

Instatur: Peccatum commissionis essentialiter includit conversionem ad creaturam, sed hæc conversio est aliquid positivum, ergo: Respond. conc: maj: in peccatis commissionis, non tamen ita, ut conversio ad creaturam sit formale, seu ratio formalis in illo actu, sed tantum materiale peccati, formale peccati enim consistit in aversione à DEO contra rectam rationem.

Urge-

















majo. esse veram in illis solum, quorum principia naturaliter activa sunt, & cum determinatione ad unum operantur, secus est in liberis.

VI.  
Peccatum  
non cor-  
rumpit na-  
turam.

Dico Tertiò : *Peccatum nullo modo corrumpit naturam rationalem intrinsecè, si ve secundum substantiam, si ve secundum naturalem ejus inclinationem ad bonum.* Ita Doctor subtilis in 2. d. 35. & 37. q. 1. n. 3. Oppositum attribuitur Alensi 2. p. q. 95. Gregorio, Ariminensi, Richardo, D. Bonaventuræ 2. d. 33. & 35. quos tamen moderni explicant, & dicunt illos Authores non voluisse nec intendisse dicere, quasi per peccatum minuatur aliqua pars intrinseca ipsius naturæ, vel ejus nativa inclinatio ad virtutem, sed tantum quod inclinatio naturalis non ita facilè feratur in virtutem, quando prædominantur ei vitia. Probatur conclusio Primò: Natura rationalis non potest totaliter absumi per peccatum, quamvis quantumcunque multiplicetur, sed consumeretur aliquando, si peccatum corrumpere aliquid de ejus substantia, ergo. Probatur min. Quia bonum finitum per continuam ablationem boni, vel alicujus partis ab eo potest tandem totaliter consumi, sed rationalis natura est finita, ergo. Probatur Secundò. Natura rationalis est à solo DEO creabilis & annihilabilis, ergo peccans per proprium actum non potest aliquid de natura sua destruere, aliàs creatura annihilaret. Tum denique, Quia secundum D. Dionysium in Angelis, qui peccarunt, manserunt omnia naturalia integra, ergo peccatum non destruit aliquid de substantia. Dixi autem in conclusione *Naturam rationalem*, quia sæpè habitus vitiosi corrumpunt & minuunt naturam animalem, seu corporalem, ut patet in ebriosis, luxuriosis.

Opponitur Primò: *Authoritas S. Scripturæ, & Patrum docentium, peccatum esse mortem animæ, venenum, vulnus, attenuare vires &c.* ut Lucæ 10. *Homo quidam descende-*

*bat ab Jerusalem in Jericho, & incidit in latrones, qui despoliaverunt eum: & plagis impositis abierunt semi-vivo relicto.* Ubi Glossa dicit: *Peccatum vulnerat in naturalibus.* Et Concilium Arausic. II. can. 13. & 25. dicit: *Liberum arbitrium infirmatum, & attenuatum fuisse per peccatum.* Ergo. Respond. neg. consequ. Quia ista & similia loca non volunt, quod peccatum auferat aliquam partem naturæ rationalis, cum secundum Dionysium in dæmonibus manserint naturalia integra, sed quia peccatum est impedimentum retardans naturam à recto usu potentiarum, & quia perdit gratuita, quæ facerent hominem rectum etiam in naturalibus, & quorum defectu retardatur in exercitio suarum potentiarum, unde rectè assimilatur homo lapsus, & homo in puris naturalibus constitutus nudo nato, & nudo spoliato, per hunc intelligendo hominem lapsum, per illum verò hominem in puris naturalibus constitutum.

Instatur: D. Augustinus lib. 12. Civit. cap. 6. dicit, Quod malum corrumpat illud bonum, cui nocet, sed peccatum nocet naturæ rationali, ergo eam corrumpit. Respond. distin. min. auferendò ab ea aliquam partem intrinsecam, & substantialem sui, nego: aliquam perfectionem extrinsecam sibi convenientem, ut justitiam, rectitudinem actualem, &c. concedo.

Itaque pro intelligentia horum Notandum, quod sicut vulnus materiale nihil est aliud, quàm separatio continui, ita vulnus spirituale & spoliatio spiritualis, est separatio virium spiritualium à natura, & hoc modo dicimur per peccatum vulnerari in naturalibus, & licet in statu puræ naturæ fuisset talis separatio, non tamen fuisset vulneratio, aut spoliatio propriè loquendo, quia à nemine fuisset vulnus illud inflictum, sed separatio esset ex ipso connaturali statu hominis, atque juxta hæc intelligendus est Beda super illud citat: Lucæ 10. dicens: *Non tantum in gratuitis, sed etiam in naturalibus.* homi-

VII.  
Vulnus  
quid sit  
animæ

hominem per peccatum vulnerari quatuor vulneribus, scilicet infirmitate, ignorantia, malitia & concupiscentia. Hoc enim idem est, ac per separationem gratuitorum hominem multum tardari circa functionem virium naturalium, unde sequuntur ista vulnera.

## QUESTIO QUARTA.

An peccatum necessario respiciat Legem?

I.  
Præcepta  
prima duo,  
ait Scotus,  
esse indi-  
spensabilia

Sensus questionis est, An si nulla esset lex naturalis, aut positiva, divina vel humana, Civilis aut gentium, an in talicasu occidere, furari, odire DEUM &c. essent peccata? Quia in re Vasquez 1. 2. disp. 97. cap. 3. docet: Non omne peccatum eò esse peccatum, quò lege aliqua prohibitum, sed quò suapte naturà malum est homini, & disconveniens naturæ rationali, citat pro se Scotum in 3. d. 37. q. un. Richardum ibidem, Gabrielem, Durandum &c. sed perperam, cum hi Authores in locis citatis solum disputent, An omnia præcepta Decalogi sint indispensabilia, quorum aliqui absolutè tenent cum D. Thoma, omnia esse indispensabilia, Scotus verò resolvit, duo præcepta negativæ primæ tabulæ esse indispensabilia, ex quo non rectè colligit Vasquez eos existimasse, non omne peccatum eò esse peccatum, quo lege aliqua prohibitum, imò nullus ex illis Authoribus docuit id, in quo ipse fundat suam sententiam, videlicet peccatum consistere in oppositione cum natura rationali. Verum Notandum, Peccatum aliud esse Philosophicum, aliud Theologicum. Peccatum theologicum est, cujus malitia non cognoscitur nisi dependenter à revelatione, & quatenus supernaturaliter seu per scripturas, aut traditiones innotescit, tanquam offensivum DEI, aversivum ab ipso, impeditivum gloriæ, & dispositivum ad poenam æternam. Peccatum verò philosophicè consideratum est, cujus malitia ex naturali-

bus cognosci potest, quemadmodum ex naturalibus potest detestari, ut virtuti naturali contrarium, & hoc modo omnes cognoscunt fugiendum esse malum, dolendum de malo, & tristari de ipso perpetrato, unde.

Notandum Secundò: Ex Doctore in 4. d. 14. q. 3. Duplicem esse legem, ex qua peccatum detestari debet, nempe Naturalem & Supernaturalem, naturalis est quæ est naturaliter cognoscibilis, ut scilicet quod de peccato est displicendum, & ista esset nota intellectui Angelico, si fuisset Angelus viator, post primum peccatum commissum: & per consequens potuisset habere aliquid in voluntate, correspondenter inclinans illi regulæ ad actum vindicandi & displicendi; & ista pœnitentia, sicut & regula ejus, posset esse in omni statu uniformis; quia si non deficeret cognitio naturalis conveniens naturæ humanæ, posset pro quocunque statu devenire in cognitionem istius regulæ: & per consequens æquè habere in voluntate aliquid inclinans proportionabiliter isti regulæ: Aliam regulam respiciens peccatum detestandum tantummodò est nota ex revelatione, scilicet quod peccatum est detestandum, in quantum est DEI offensivum; vel in quantum aversivum à DEO vel impeditivum acquisitionis beatitudinis; vel in quantum inductivum finalis miseriæ; & sub istis rationibus correspondet huic regulæ aliqua justitia in voluntate, alia quidem, sicut alia est ejus regula contra hanc opinionem cum communi.

Dico Primò: Si nulla lex esset, nullum esset peccatum, ita quod omne peccatum quia tale essentialiter opponatur legi. Ita D. Bonaventura 2. d. 35. in Exposit. literæ dub. 40. Ochamus 3. d. 19. Navarrus in Manuali, Gerson, Castro, Vega, Corduba, & expressè Scotus 2. d. 37. q. 1. n. 7. ubi ait: Voluntas verò libera debitor est, ut omnem actum suum eliciat conformiter regulæ superioris secundum

II.  
Lex nulla  
si esset, nul-  
lum pecca-  
tum esset











































































































Respond. 2. cum S. Bernardo  
serm. in Septuagesima, Natos, seu  
filios DEI prædestinatos non pecca-  
re, ita ut in peccato finaliter ma-  
neant, benè tamen ad resurrectio-  
nem, emendationem, & aliquando  
ad maiorem sanctificationem, unde  
D. Paulus ait: *Diligentibus DEUM*  
*omnia coöperantur in bonum*, ad quod  
D. Augustinus addit: *Usque adeo e-*  
*tiam peccatum in bonum coöperatur*,  
lapsi enim fiunt humiliores &c.

Respond. 3. neg. consequ. u-  
tramque: Quia ibi non agitur de in-  
compatibilitate cujuscunque pec-  
cati cum gratia, sed de repugnantia,  
quam habet gratia cum hoc, quod  
non sit causa cujuscunque peccati, &  
sensus est, quod peccatum siue ve-  
niale, siue mortale non causatur à  
DEO, vel à gratia DEI, vel ab eo, qui  
est in gratia, ut talis est, sed ab eo, ut  
tentatur à concupiscentia sua, vel  
ab alio motivo malo, seu ut D. Au-  
gustinus: ut est adhuc filius hujus  
saeculi. Potest etiam dici, quod D.  
Joannes loquatur de peccato morta-  
li, utpotè quod nequis stare cum  
semine vitae aeternae, id est, gratia.

Instatur: Peccatum est macula,  
sed justi non habent maculam, juxta  
illud Psalm. 118. *Beata immaculati*  
*in via*, ergo saltem in justis nulla  
dantur venialia ex genere, & ex na-  
tura sua. Respond. Peccatum es-  
se maculam proportionè ad rectitu-  
dinem, qua privat, nempe mortale  
mortalem, veniale venialem, justi  
autem in hac vita habent veniales &  
leves maculas, unde per immacu-  
latos in via intelliguntur, qui non  
habent maculam saltem mortalem,  
in patria verò debent esse ab omni  
macula liberi, quia nihil coinquina-  
tum intrabit in regnum coelorum.

Disso Quarto: *Non omnia pec-*  
*cata sunt ex natura sua mortalia*, ac  
proinde peccata fidelium non dicuntur  
venialia propter fiduciam divinæ mi-  
sericordiae. Est communis Catho-  
licorum contra Lutherum & Calvi-  
num. Probatur Primò: Tum ex  
dictis. Tum ex Bulla Pij V. & Gre-  
gorij XIII. in qua damnatur hæc

propositio Baij: *Nullum est pecca-*  
*tum naturæ suæ veniale*: Tum, Quia  
si ideo peccata fidelium essent venia-  
lia, quia non imputantur illis, seque-  
retur, quod justis gratis, & superflue  
orarent: *Dimitte nobis debita nostra*.  
Item falsò diceret Joannes: *Si dixe-*  
*rimus, quia peccatum non habemus,*  
*ipsi nos seducimus*.

Probatur Secundò: Contra eos,  
qui dicunt, ideò esse peccata venia-  
lia in fidelibus, quia in eis compa-  
tiuntur cum fide, quæ secundum il-  
los sola justificat, nam ex hoc seque-  
retur, solam infidelitatem esse pecca-  
tum mortale, & sic falsum esset, Da-  
videm, Petrum, & alios similes mor-  
taliter peccasse. Nec valet recurre-  
re ad fiduciam divinæ misericordiae,  
cum videamus plurimos etiam inter  
hæreticos, qui fidem se habere di-  
cunt, turpissimam vitam ducere, er-  
rorisque gravissimos de Christo, Ec-  
clesia, Sacramentis &c. docere, pro-  
ut Lutherani impingunt Calvinistis,  
& hi contra illis. Adde inauditum  
esse, in Ecclesia semper fidem amitti  
per fornicationem, adulterium, aut  
quid simile, alias nullum erit discrimen  
inter veros fideles Catholicos,  
& inter hæreticos contra commu-  
nem sensum Patrum, & D. Augusti-  
num lib. qq. in Matthæ. q. 11. dicen-  
tem: *Inter hæreticos, & malos Ca-*  
*tholicos hoc interest, quod hæretici fal-*  
*sa credunt, illi autem vera credentes,*  
*non vivunt ita, ut credunt*.

Denique multò minus auditum,  
vel tolerabile est dicere Adulteria,  
furta, & his similia flagitia, in fide-  
libus esse tantum venialia, nam Chri-  
stus omnibus tam fidelibus quam  
infidelibus dixit: *Qui dixerit fratri*  
*suo satue, reus erit gehennæ ignis*. Et  
Paulus ad Galat. 5. postquam varia  
enumerasset peccatorum genera,  
subdit: *Qui talia agunt, regnum DEI*  
*non possidebunt*, & tamen Galatæ e-  
rant fideles, ergo falsò asseritur, om-  
nia peccata fidelium esse venia-  
lia. Plura vide apud Bellarminum  
& à Castro supra citatos. Sed in  
contra

Opponitur Primò: Illud Joan. 13.  
(\*) Y y y y 2 Si non











































































Probatur : Tum ex D. Augustino supra citato : Tum ex Ratione : Tum quia omnes istae circumstantiae mutant speciem actus, ergo. Tum quia idem objectum & subiectum, consideratum secundum varias considerationes & conditiones potest esse materia diversarum artium & scientiarum, ergo etiam potest esse diversorum vitiorum & virtutum materia & objectum ; Insuper materia indifferens per circumstantiam advenientem efficitur bona vel mala. Probatur consequ. Quia ex tali diversa consideratione diversificatur objectum formale & materiale, ratione cujus etiam diversificantur actus, hinc potest considerari Rachel ut uxor, & tunc est actus licitus : si consideretur ut aliena, est adulterium : similiter in dando potest considerari Rachel ut indigens, & erit actus misericordiae : ut delinquens, & erit actus iustitiae vindictivae. &c. verum tamen praeter dictas circumstantias, de quibus non est difficultas, adhuc

De hac Circumstantia plura alia occurrunt dubia examinanda, Primò An circumstantia virginitatis addat specialem deformitatem primo actui fornicationis, saltem foeminae ? An ita, ut sit in confessione exprimenda ? Secundò, An sponsi utrinque fornicantes peccatum eorum aggravetur vel speciem mutet necessario confitendum ? Tertio An sacerdos habens votum simul & sacerdotium gravius peccet, aut speciem peccati mutet ? Quarto An circumstantia solemnitatis in voto castitatis speciem mutet, aut saltem notabiliter aggravet ? Quintò An sacerdos plus & gravius peccet quam diaconus ? Sextò An circumstantia habitus vel consuetudinis aggravet peccatum & sit necessario confitenda ? Quae omnia breviter hic resolvam, ordine quo praemisi. Unde

IV.  
Virginitas violata non est necessario confitenda.

Dico Secundò : *Circumstantia virginitatis in virgine liberè consentiente non est necessario confitenda, bene tamen si fiat contra ejus voluntatem, quoniam stuprum est.* Ita Vasquez,

Cajetanus &c. Probatur Primò : Quia peccatum hoc nec est contra specialem virtutem, nec specialem legem, vel difformitatem, aut objectum formale, ergo : probatur antec. Quia nec est contra iustitiam, prout sunt adulterium, & raptus. Nec contra pietatem, ut est incestus, nec contra religionem, ut Sacrilegium, ergo. Confirmatur : Quia non distinguuntur specie à fornicatione simplici, nam violatio virginitatis corporalis non plus differt à fornicatione quam primum peccatum à sequentibus. Probatur secunda pars. Quia hæc est injuria & violentia contra iustitiam, adeoque specialem habet malitiam, adeoque necessario confitenda.

Dico Tertiò : *Fornicantes sponsi cum alienis, & cum ipsis peccantes gravius peccant, & hæc circumstantia in confessione necessario est exprimenda.* V.  
Sponsi fornicationes suas debent confiteri.

Ita Aretinus. Probatur : Tum, Quia sponsalia sunt inchoationes matrimonij, quibus sua corpora promiserunt onerosè sibi invicem, ergo injuriam faciunt suae comparti : Tum, Quia femina facit gravem injuriam & turpitudinem sponso, quâ cognita acquirit jus quasi invitae eam repudiandi : Tum, Quia tales reddunt futurum matrimonium suspectum, ita quod altera pars non abs fundamento suspicari possit de fide sui conjugis, quæ omnes sunt rationes profectò multum aggravantes, si non planè speciem mutant, Et si contra iustitiam esse dixeris, jam speciem mutans erit.

Dico Quarto : *Sacerdos habens votum castitatis adjunctum consultius exprimit utramque circumstantiam, si cut etiam illam, quæ est solemnitatis.* VI.  
Sacerdos votum habens consultatur illud exprimere, nisi jam confitetur. Ita Suarez parte 3. disp. 22. sect. 4. Probatur : Quia hoc facile est, secundum & tutum in conscientia, nam licet peccata non sint contra diversam virtutem, nec sacrilegia distincta, ob quæ speciem mutarent, attamen quia Authores diversificant, & aliqui affirmant, alij verò negant, ideo



Idem censeo tenendum consultius esse, hoc tamen sic intelligendum est, si confessario alioquin non constet de qualitate personae, quod si ipsam nosset, sicut noscuntur Religiosi, qui non habent necesse, quod illas exprimant circumstantias. Nec denique puto necessariam esse exprimere ordinem ipsum sacrum, sed sufficere, si dicat, se in sacris constitutum in peccatum carnis lapsum fuisse. Per quæ patet ad 3. 4. & 5. Dubium

VII.  
Consuetudo per se non est necessaria confitenda

Dico Quinto : *Circumstantia habitus, vel consuetudinis per se non est necessario confitenda, quandoque tamen per accidens opus est.* Hæc est communis. Probatur prima pars, Quia consuetudo vel habitus, nec speciem mutat, nec notabiliter aggravat, imò peccatum subinde alleviat, cum videlicet peccator velut quodam impetu illius rapiatur, frequenter affectans & desiderans serib ab illa prava consuetudine emendare. Confirmatur : Quia si quis teneretur confiteri habitum, videretur, quod peccata sæpè confessa teneretur reiterare & saltem implicite de novo confiteri, quod tamen non est necessarium, quamvis teneatur non complacere, si memoriae incidant, sed potius ea detestari. Probatur secunda pars : Quia ex habitu & usu potest confessarius quandoque colligere, an poenitens sit verè dispositus ratione propositi de non peccando amplius ad absolutionem, si scilicet poenitens non vitaret proximam occasionem, v. g. conservando apud se pellicem, ex quibus colligere potest confessarius, an verum dolorem, vel propositum habeat, ob quod absolutio sit impertienda, vel neganda, in tali casu, ergo habitus & consuetudo esset exprimenda.

## 2. QUID?

VIII.  
Quid circumstantia explicatur.

*Quid, ex Doctore subtili i. d. 25. q. un. 5. Respondeo Quandoque querit definitionem, ut patet ex primo Topico- rum: quandoque querit illud, de quo aliquid dicitur, ut habetur 10. Metaph. textu. 7. & in hac posteriori acceptione agitur hic de circumstantia Quid, unde significat ipsum actio-*

nis humanæ vel peccaminosæ objectum, unde potest etiam vocari circumstantia, *Circa quid* videlicet actio versetur, sed si *Quid* consideretur tanquam objectum operationis non habebit specialem rationem circumstantiæ, sed potius rationem materialem vel formalem constitutivam, vel specificativam peccati, unde

## Dico Sexto : Circumstantia

IX.

*Quid potissimum significat quantitatem & qualitatem, hac tamen cum differentia, quod secundum quantitatem non mutet speciem, bene tamen secundum qualitatem.* Hæc est communis Theologorum, ut testatur Vasquez. Probatur prima pars : Quia quantitas multum facit ad augmentum malitiæ, ut patet, quando aliquis multum vel parum furatur, nam furari parum est veniale ratione materiæ, multum verò accipere est peccatum mortale, sed parvum & magnum furtum secundum se speciem non mutant, ergo. Quod de furto dico, idem censeo esse tenendum de eo, qui multum vel parum lædit famam proximi, magnum vel parum affert in bonis temporalibus vel corporis damnum : Qui parum vel multum est intemperans, hæc enim sunt ex genere suo & objecto mortalia, & consequenter tantum ex parvitate materiæ venialia redduntur. Unde notabilis circumstantia in furto, damnificatione, detractio &c. si non absolute necessario, tutius tamen & consultius, quamvis utrumque in mea opinione, est confitendum, nam contingere potest, quod in furto quantitas aliquando duplum & quadruplum excedat infimum mortale furti peccatum, quamvis non desint alij Auctores, qui putant aggravantem hanc circumstantiam non necessario esse exprimendam, verum non potest negari, quod aliquando quantitas tantum aggravet, quamvis ea, quæ speciem mutat, ut uno ictu occidere unum hominem in Ecclesia, & 20. in foro, percutere clericum diaconum, & percutere clericum Episcopum &c. Probatur secunda

Quid circumstantia significat quantitatem & qualitatem



pars: Quia ad qualitatem pertinet conditio personæ, an clericus sit vel laicus, liber vel conjugatus, sed has & similes qualitates mutare speciem peccati, & esse necessariò confitendas, manifestum & certum est, nam si actio vel sola delectatio versetur circa personam, v. g. haberet quis, aut desideraret habere commercium cum aliena, committit adulterium, si cum voto ad stricta, sacrilegium, si cum sanguine juncta incestum, si Patri matrive inferat injuriam, calumniam, vel inferre intendat, peccat contra pietatem. Idem est etiam de malis, quæ imprecatur parentibus, aut alijs, *Quid* scilicet devoverit illis, an corporis, malorum temporalium, aut æternorum, mortis vel gehennæ, hæc enim omnia sunt in confessione exprimenda, ex circumstantia *Quid* variante & mutante speciem. Idem similiter sentiendum de circumstantia mariti, uxoris, prolium, fratrum, sororum, unde non solum exprimenda est circumstantia *Quis*, de qua supra, sed etiam *Quid*, seu circumstantia circa quid, & circa quam actiones vel desideria fuerunt versata, quia gravius peccat, si conjugatus cum conjugata, DEO dicatus cum sacra persona peccet vel peccare desideret, quia conjugatus facit duplicem injuriam, scilicet uxori propriæ & marito complicitis: Pari ratione Religiosus transgreditur votum proprium, & concurret ad frangendam obligationem & scædus, quam habet altera cum DEO, ubi duplex, si non specie, saltem numero est perfidia, & sacrilegium.

x.  
Quid circumstantia completur etiam effectus subsequentes.

Dico Septimò: *Ad circumstantiam* Quid etiam reducuntur effectus subsequentes actionem humanam & peccaminosam. Hæc etiam est communis. Probat: Quia, ut dixi supra in tract. de Act. human. si talis effectus vel damnum consequens directè vel indirectè intendatur, certum est, quod augeatur malitia, & ipsam actionem malam reddat, maximè si ille effectus natus sit per se subsequi actionem illam, & si aliquomodo prævideat, & non præpediat. Hinc

qui jaculatur in feram, existimans tamen esse hominem, committit homicidium, quia ex intentione operantis hæc circumstantia fuit annexa operi, licet materialiter homicidium non fuerit perpetratum. Eadem ratione qui volens occidere hominem, aut aliud quodpiam peccatum perpetrare, ut compendiosiori perveniat viâ, conculcat segetes, vineam, aut aliud inferat damnum, peccat gravius, & non solum tenetur hoc confiteri, sed etiam pro qualitate damni restituere, quamvis damnum directè non intenderit, quia tamen ex occasione illius itineris damnum prævidit, & prævidere debuit. Item qui dat scandalum activum proximo, peccat singulariter, & quidem eo genere peccati, quod proximus incurrit, quia ex præcepto divino nulli proximo præbendum est scandalum, & nullus ex præcepto dilectionis potest dare proximo occasionem ruinæ spiritualis, quoniam probi viri non tantum malum cavere, sed etiam omnem mali speciem vitare, unde D. Paulus admonet Theſſalonicenses cap. 4. *Rogamus vos --- ut honestè ambuletis qui foris sunt, & nullius aliquid desideretis*, si tamen scandalum ex alterius malitia proficiscatur, à nullo bono opere abstinendum, nec etiam ab indifferenti, maximè si proximus debite informetur de ratione recti facti, hoc facto nemo obligatur à cessante aliquo opere comodo vel utili, propter alterius malitiam, sicut in pluribus casibus potest contingere. Quod dixi de malitia actus peccaminosi, hoc etiam potest applicari ad bonitatem actus moralis, si bonus effectus intendatur, & ad hoc laboret & conetur, quamvis effectus ipse non subsequatur, ut patet de martyrio in voto & desiderio, ac labore ad illud consequendum adhibito, *Unusquisque autem propriam mercedem accipiet secundum suum laborem*, ait D. Paulus 1. Corinth. 3.

### 3. UBI?

Ubi significat locum, An operatio

tio & actio facta sit in loco sacro vel profano? An in publico vel privato? nam si in loco sacro contingat fieri opus, si de se malum est, participabit novam speciem malitiae, si de se est indifferens, raro à loco intra eandem speciem ut circumstantia multum aggravabit, citius tamen speciem mutabit.

**Dico Octavo: Ubi, seu locus aliquando habet virtutem & rationem formalem specificandi actum, aliquando verò mutat speciem, & aliquando verò non auget graviter malitiam actus.** Hæc est Cajetani contra Joannem Medinam lib. de confess. in speciali existimantem omne peccatum commissum in loco sacro habere specialem malitiam, necessario in confessione exprimendam. Probat quoad singulas partes, & quoad primam: Quia certum est celebrationem Missarum esse rem sacram & sanctam DEO placentem; Administratio judiciorum est negotium rectum; & captio homicidæ est iusta: sed ratione loci hæc omnia fieri possunt mala, ergo in illis casibus ubi, seu locus habet virtutem specificandi actum: probatur min. Quia celebratio missæ in loco profano est illicita: Exercere judicia forensia in Ecclesia absq; necessitate est prohibitum, & confugientem ad Ecclesiam tanquam ad asylum extrahere est sacrilegium, & grave peccatum contra immunitatem Ecclesiasticam, ergo ista sunt mala, & consequenter ubi non habebit solum rationem circumstantiæ, sed etiam rationem specificativam, quamvis sit circumstantia actus secundum esse physicum.

**Probat Secunda pars:** Quia si actus alioquin de se sit malus, & committitur in loco sacro mutat speciem malitiae propter reverentiam loco sacro debitam ex virtute Religionis, ergo: probatur antec. enumerando plures casus: Nam furtum in Ecclesia factum est sacrilegium, non tantum si res ablata sit iacra, sed etiam si sit profana, dummodò ex sacro loco auferatur,

& ad sacrum locum aliqua ratione pertineat, v. g. si res sit ad Ecclesiæ usum vel ornamentum accommodata, vel si sit ad Ecclesiæ custodiam recommendata, & ad observandum tradita. Similiter effusio voluntaria seminis vel sanguinis notabilis & peccaminosa sunt sacrilegia, unde occidere quempiam, graviter vulnerare, etiam propriam uxorem sine urgente aliqua necessitate cognoscere in Ecclesia peccatum est in confessione explicandum. Dico tamen sine urgente gravi necessitate, unde si conjuges ad Ecclesiam tempore obsidionis confugerent, in qua diutius morari compellerentur, possunt sibi invicem reddere & petere debitum ad evitandam fornicationem ex virtute iustitiæ, si verò tantum per parvum aliquod tempus ibi essent mansuri, propter reverentiam loco sacro debitam non possent facere. Unde hoc, quod dixi de conjugibus potius pertinet ad primam Conclusionem.

**Probat Tertia pars.** Quia cogitationes peccaminosæ v. g. velle notabiliter cuidam sæculari domino furari extra Ecclesiam, velle fornicari &c. non videntur augere malitiam volitionis peccaminosæ, saltem graviter, quoniam respectu actus interni locus sensibilis valde accidentalis est, & ipse parum violatur tali actu. Si verò cogitationes illæ sibi formarent pro objecto illas actiones in Ecclesia patrandas omnino mutarent speciem, & augerent malitiam, atq; forent necessario in confessione exprimendæ. Sed

**Quæres:** Quid sit sentiendum de osculis & tactibus impudicis, venereis in Ecclesia factis, an mutant speciem, & sint in confessione exprimendi? Respond. Mihi probabilius & tutius videri cum Sylvestro Con. §. i. omnino confitendam esse hanc circumstantiam, Quia graviter lædunt sanctitatem & reverentiam loco sacro debitam, & frequenter habent pollutionis, & malitosæ effusionis seminis periculum annexum:

Tum,

xi.  
ubi aliquando constituit peccati speciem & aliquando mutat.

xii.  
Oscula & tactus impudici in Ecclesia facti sunt confitendi.



Tum, Quia etiam confabulationes in Ecclesia factæ reprehenduntur, Et si Christus Dominus vendentes oves, boves, & columbas ejecit ex templo Lucae 19. *Domus mea, domus orationis est, vos autem fecistis speluncam.* Adonidis & Veneris delicias exercentium. Nec obstat, quod de his non extet speciale aliquod præceptum, quia sufficit hoc, quod sancta sint sanctè tractanda, unde etiam apud Ezechiel cap. 8. reprehenduntur mulieres in templo plangentes Adonidem.

XIII.  
Locus sacer quis sit?

Pro majori dictorum intelligentia Notandum: Locum sacrum intelligi omnem illum & solum, qui per consecrationem Episcopi, vel alicujus alterius potestatem habentis divinis officijs est deputatus, hinc privatae capellæ nondum consecratae, licet in illis celebrentur sacra, item campanile Ecclesiæ, dormitoria, & aliæ officinæ monasteriorum non intelliguntur hic nomine loci sacri, & consequenter peccata talia ibi commissa non contrahunt specialem malitiam in confessione exprimendam, saltem vi juris Ecclesiastici. Similiter si quis supra tectum Ecclesiæ, vel in cœmeterio ei contiguo effunderet sanguinem, vel semen non pollueretur Ecclesiæ, quia accessorium non trahit ad se principale, econtra verò pollutâ Ecclesiâ manet pollutum etiam cœmeterium, ex cap. 1. de Consecrat. in 6.

#### 4. Quibus Auxilijs?

XIV  
Auxilijs quibus qualis circumstantia,

Concausæ peccatorum, & instrumenta dicuntur hic auxilia, possunt enim tam homines, quàm quælibet aliæ res esse concausæ, & concurrere ad peccatum perpetrandum. Pro quo

Dico Nonò: *Instrumenta materialia concurrentia ad peccatum perpetrandum non sunt de se necessario in confessione exprimenda, humana verò, seu homines, si qui ad peccandum sua culpa inducti fuerint, sunt confitenda.* Hæc est communis & colligitur ex Suarez disp. 22. de integrit: Confessionis, Medinae &c. Et Probatur

Primò: Quia physicae res non mutant, nec aggravant speciem, unde parum refert, seu gladio, seu sclopo occideris hominem; similiter nihil interest, sive per scalas, sive per funes ascenderis fenestram ad furandum, ergo. Dixi tamen de se. Quia in duobus casibus potest oriri obligatio exprimendi in confessione, primò si illud instrumentum speciali præcepto esset inhibitum, ex hac enim prohibitione actus haberet specialem malitiam. Secundò si propter instrumentum gravius damnum & nocumentum proximo esset illatum, ratione cujus peccatum trahe- ret gravem sequelam, & fieret nimis caudatum.

Probatur secunda pars: Quia peccata, ad quæ homines concurrunt, ex natura sua exigunt complicem, vel non: Si complicem exigunt, ut in fornicatione, non est ultra exprimendum aliquid præter fornicationem, hæc enim sine socio non fit, nisi ad hoc peccatum induxisset socium: Vel illa peccata non exigunt complices concausas, ut est in furto, homicidio &c. Si auxiliantes de se fuerunt parati, & de se concurrerunt, & tunc non est necesse exprimere socios criminis, quia hoc nihil refert ad declarandum proprium delictum: si autem socius ad hoc fuerit inductus, semper est declarandum, Quia tunc intercedit malitia scandali, quæ particulariter est confitenda, ad quamcunque speciem postmodum reducatur, adeoque ubicunque socius & auxiliator ad peccandum fuerit introductus, exprimendum est etiam in illis peccatis, quæ sine socio committi nequeunt.

Unde Medina in sua instructione duos refert casus: Primò si instigavit, incitavitque aliquem ad opem sibi ferendam in peccato, & si ex tali incitatione subsecuta est ruina talis personæ seu scandalum, utpotè quæ alioquin ad tale peccatum de se non erat parata. Secundò, si princeps Christianus ad bellum quæsivit auxilia & opera infidelium ad debellandos



dos Christianos. Denique potest ipsa quoque persona inducta considerari secundum suum proprium statum, ratione cujus actio ipsi esset particulariter prohibita, ad quam fuit inducta. Alia nullam habet difficultatem.

5. CUR?

XV.  
Cur & finis  
qua ratio-  
ne sit cir-  
cumstan-  
tia,

Cur idem est, Propter quid, & significat finem peccati, & cujuscunque actionis humanæ, de quo, quia in tractatu de actibus humanis jam satis dixi, quomodo, & qua ratione influat bonitatem & malitiam in actus humanos, hic breviter resolvendum est, quando Cur, seu finis habeat rationem circumstantiæ. Pro quo

Dico Decimò: Cur, seu finis non potest habere rationem circumstantiæ, nisi quando est actui extrinsecus, & præsupponit jam speciem malitiæ constitutam in alio genere. Ita Suarez disput. 22. supra Vasquez &c. Probatur: Quia finis intrinsecus habet rationem objecti, ergo finis, si est circumstantia, debet inesse actui alicui malo, ut contingit, quando quis furatur propter fornicationem, occidit propter adulterium, & tunc certum est finem, augere malitiam, imò addere novam speciem distinctam. Quomodo autem cognosci possit circumstantiam Cur & finem habere rationem circumstantiæ, videtur mihi optima regula ista: Quando unus actus potest manere sine altero, tunc prima ratio actus est specifica illi actui, & malitia, quæ ex alio fine supervenit, quæque rationem conditionis habet, erit accidentalis finis, licet in se novam speciem constituat, priori tamen actui est accidentalis & circumstantialis. Exempla allegata de furto & homicidio clarè id demonstrant; nam furtum & homicidium possunt esse sine actibus posterioribus, & posteriores actus licet habeant suas rationes formales específicas & distinctivas, tamen prout superveniunt priori actui sunt accidentales. Hinc hanc regulam infero, universaliter circumstantiam finis

esse confitendam, quando finis est prohibitus sub mortali culpa, aliàs verò non, si verò nullum sit peccatum, aut saltem veniale, non necessario est exprimenda, quod patet, quia ut docet Soto, si quis confiteretur ob vanam gloriam, in confessione sequenti hæc circumstantia finis non esset necessario dicenda, quia confessio illa fuit valida, fructuosa, & præcepti impletiva: Si tamen quis confessus fuisset hoc fine, ut alterum alliceret secum ad peccandum subministrando stimulos, quia cum tunc dolor defuerit, firmum & absolutum propositum se emendandi, confessio fuit invalida. Similiter si quis omittat sacrum, ut domi possit liberius fornicari, confitendum est: Si verò omittat idem sacrum ut studeat, necesse non est in confessione hoc exprimere.

6. QUOMODO?

Hæc circumstantia quærit de modo, quò peccatum fuit commissum, modus autem ordinariè non mutat substantiam rei, cujus est modus: qui, quantum ad præsens attinet, triplex est secundum intensionem, extensionem, remissionem, & continuationem. Secundus est quoad ignorantiam, passionem, malitiam, vel contemptum. Tertius verò est quoad consuetudinem aut violentiam, hos autem modos posse augere, vel minuere malitiam peccati mihi videtur indubium, nam gravior est rapina quàm furtum, stuprum quàm simplex fornicatio, peccatum ex malitia factum, quàm ex ignorantia, unde quæritur hic, an omnes modi hujus circumstantiæ Quomodo sint in confessione explicandi, pro quo generalem pono regulam, &

Dico Undecimò: Modi committendi peccatum, quæ non constituunt novam malitiæ speciem, non sunt necessario per se confitendi, benè tamen qui talem apti sunt constituere. Hæc est D. Thomæ 1. 2. q. 18. art. 11. Vasquez &c. Probatur prima pars: Quia tales modi ex natura sua non habent specialem ordinem ad bonum & malum, ergo non sunt neces-

XVI.  
Modi circumstantiarum dicendi.

XVII.  
Modi qui confiteantur.



sario confitendi: patet antec. Ex paritate intensiois & extensionis, in qualitatibus quia non variatur v. g. ratio caloris, ergo nec per hoc, quod actus extensè fiat extrinsecè, vel intrinsecè intensè sit volitus, nullius malitiæ particularis habet rationem, sicut nec in qualitatibus, nisi suppositâ primâ malitiâ, ergo. Confirmatur: Quia parvum & magnum nihil tribuit actui bono, nisi ipse supponatur bonus esse, ergo nec peccato, si addatur parvum vel magnum, intensum vel remissum.

Unde per accidens contingit, quod aliquando debeant exprimi, tum ut poenitentis statum Confessarius debite cognoscat, an verum dolorem habeat, an verè graviter peccaverit vel leviter, quare si aliquis ex ignorantia invincibili aliquem actum de se sub mortali prohibitum fecisset, dicenda foret ignorantiae circumstantia, quia hæc rationem peccati tollit. Item explicandum foret modus consentiendi, an deliberatè vel indeliberatè, v. g. an in cogitatione morosa fuerit incidentalis simplex complacentia, an desiderium ipsius operis.

Probatur secunda pars: Quia sunt aliqui modi ex supra dictis, qui secundum se apti nati sunt constituere specialem malitiam, ut sunt malitia *contemptiva*, *violentia*, *continuatio* actus exterioris, interrupta interna voluntate, sunt confitendi, quia isti modi omnes possunt contribuere actui specialem & specificam malitiam, ut sunt contemptus & violentia, vel saltem numericam, ut est continuatio alicujus actus extrinsecè, interrupta voluntate.

Hinc infero, quamvis omne peccatum factum cum perfecta deliberatione, & plena libertate sit peccatum ex malitia, hæc non est confitenda, seu non est opus dicendum peccavi ex malitia, cum non variet, nec particulariter aggravet, si tamen malitia sit *contemptiva*, tunc exprimendum foret, quia hæc circumstantia habet specialem deformita-

tem respectu divinæ majestatis, cujus supremum dominium contemnitur. Secundò hæc circumstantia veniale transfert ad mortale, unde si quis in Evangelij aut Christi Domini contemptum, loqueretur libenter otiosum verbum vel mendacium, peccaret lethaliter. Tertiò, hæc circumstantia præbet actui indifferenti primam suam malitiam, unde occidere pediculus in contemptum D E I gravissimum foret peccatum.

Infero Secundò: Quamvis desiderium vehemens internum, quod difficulter cognoscitur secundum suam propriam rationem, non sit necessariò in confessione exprimendum, actus tamen externus cum violentia damnificante factus est confitendus, quia habet particularem malitiam latrocinij annexam, unde rapere rem alienam violenter est rapina, distincta species; oppressio foeminae stuprum; à se occisum corpus humanum in partes secare, ludibrio exponere, est feritas, & specialis malitia juxta D. Thomam 22. q. 159. art. 2. & habet rationem novæ injuriæ, quæ etiam in corpore occiso fieri potest.

Infero Tertiò: Continuationem longam interrupta interna voluntate confitendam esse, quia hæc continuatio interrupta auget peccatorum numerum, toties enim renovatur peccatum, quoties actum peccaminosum voluntas reassumit, quod si verò actus aliquis extrinsecè & naturaliter interrumpatur, voluntas autem internè continuet, non est necessariò confitendum tanquam novum peccatum, vel novam malitiæ speciem, unde si quis fornicari volens continuet actum volendi, uno peccato peccabit, licet per aliquos actus externos, ut locutiones, bibitiones, & alia interrumpatur. Et hæc doctrina quoad tales breves interruptiones mihi videtur probabilissima, imò etiam quoad longiores, quæ ex natura sunt tales, ut sunt comestio, bibitio &c. si autem aliæ naturales interruptiones, quæ distan-

XVIII.  
Continuatio peccati  
qualis confitenda

tiam



tiam actuum causant majorem, intercesserint, consultius aestimo, etiam talem continuationem exprimendam, non quidem ex obligatione, sed quia talis circumstantia continuationis, v. g. per diem integrum continuare actum volendi fornicari, est circumstantia valde aggravans. Quod si verò aliquis cōtinuaret actū volendi fornicari, adulterare, aut etiam occidere per septimanam, aut mēsem, ajo talem ex obligatione esse exprimendam, non tantum ob gravitatem circumstantiæ, sed etiam, quia in tanta continuatione intercedunt morales plures interruptiones & interruptivæ principiationes novæ in voluntate. Tum, quia videtur impossibile, quod talis non interruperit hanc voluntatem etiam physicè, seu quin posuerit aliquos tales actus, qui ex naturâ suâ sunt tales, quod priorem voluntatem interrumpant: Tum, quia ipsa cessatio actus mali per somnum, aut aliquid simile est absoluta interruptio physica, atq; adeò peccatorum internorum multiplicatio realis & numero, & consequenter non tanquam circumstantia, sed tanquam numerus exprimenda: Tum deniq; Quia si taliter continuans unum actum, non diceret continuationis diuturnitatem, confessarius non posset debite cognoscere statum poenitentis, cum experienciâ constet, rudiores homines rarò numerum determinatum exprimere, vel exprimere posse, unde prudens confessarius totam notitiam necessariam ad clavium exercitium per cognitionem temporis, moræ, & continuationis acquirere debet, interrogando poenitentem de tempore confessionis, de usu, & consuetudine peccandi, de more &c. Insuper contingit, quod etiam interrogati poenitentes, conjectando tantum quid exprimunt, quia tacere erubescunt, vel quia à molesta interrogatione se liberare volunt, unde confessarius prudens ex notitia temporis elapsi ab ultima confessione, durationis peccati, frequentiae, vivendi modo, & genere &c. peccatorum calculationem

colligere, & dijudicare debet, & formare judicium tale, quale poterit de peccatorum numero, cum determinatum habere non possit, quare ad omnem supplendum & prævenendum defectum adlaboret, ut poenitens seriam eliciat contritionem, detestationem, quantum potest, perfectam eliciat, firmumq; faciat propositum tam peccata quam omnes vitandi occasiones. Vide quæ dixi de numero peccatorum supra, & de habitu, ac consuetudine in hac eadem quæstione in circumstantia Quis?

### 7. QUANDO?

Ultima circumstantia est de Tempore, quando opus fuerit perpetratum, & peccatum commissum, quod aliqui parvi pendunt, & nihil aggravari peccata putant, cum tamen tempus aptum natum sit dare primam malitiam peccato, ut patet in violatione jejuniij diebus vigiliarū, & quadragesimæ tempore: de violatione sabbati tam per opera servila exercita positivè, quam per omissum cultum divinum non audiendo sacrum diebus dominicis & festivis, aut non communicare in Paschate. Et deniq; celebrare Missam die Veneris sancto, & tempore interdicti, quare ergo tempus non posset augere malitiam peccati, cum plus videatur violari diei sanctitas per peccatum, quam per quodcunq; opus servile.

Porro non aggravari peccatum per dies festivos, tenent Sylvester in sua aurea Rosa super Evangelium, Et in Summa, item Cajetanus, Tabiena, Cano, Soto de justitia & jure lib. 2. Almainus & Navarrus, qui plures alios in suam sententiam trahere conantur. Econtra verò S. Thomas, quamvis in oppositum citetur, mox citandus, S. Bonaventura, Alexander Alensis 3. p. q. 32. memb. 5. art. 2. S. Albertus Magnus 3. d. 37. Gerson! Alphabet. 31. Nicolaus Lyranus super illud Matth. 12. Si licet Sabbato curare, Adrianus, Gabriel, Abulensis & plurimi alij, quos citat & sequitur noster Corduba lib.

(\*) Dddddd 2

1. q. 6.

XIX.  
Tempus 22  
dionibus  
dare potest  
primam  
malitiam



1. q. 6. tenent circumstantiam diei festi omnino augere malitiam peccati in tantum, quod etiam necessarium hoc in confessione sit exprimendum, cum quibus

XX.  
Festivitas  
diei auget  
malitiam  
peccati.

Dico Duodecimò: *Circumstantia festivi & sollemnis diei DEO consecrati, si non mutat speciem, auget profectò malitiam in peccato mortali, ita quod in confessione hoc sit exprimendum.* Ita Doctores pro secunda sententia citati, & Probatur primò quoad primam partem, scilicet quod speciem mutet, & particulariter peccetur contra præceptum de sanctificando Sabbato ex Scriptura Exodi 20. *Memento ut diem Sabbati sanctifices*, in quem locum dicit S. Augustinus tract. 3. in Joann. tom 9. *Observa diem Sabbati, magis nobis præcipitur: quia spiritualiter observandum præcipitur. Judæi enim serviliter observant diem Sabbati, ad luxuriam, ad ebrietatem. Quanto melius scemina eorum lanam facerent, quàm illo die in neomenijs saltarent. Absit fratres, ut illos dicamus observare Sabbatum. Spiritualiter observat Sabbatum Christianus abstinens se ab opere servili. Quid est enim ab opere servili? A peccato. Et unde probamus? Dominum interroga: Omnis, qui facit peccatum, servus peccati est. Ergo & nobis præcipitur spiritualiter observatio Sabbati. Sed Judæus peccat mortaliter servilia faciendo in Sabbato, ergo si peccans magis violat Sabbatum, majus peccatum committet.*

Et ego ex hac sic argumentor: Hoc præceptum est affirmativum præcipiens sanctificationem hominis, & cultum patriæ interioris per fidem & charitatem eo die eliciendum, ergo hoc eodem præcepto inhibetur omne contrarium & impeditivum sanctificationis & cultus divini, tanquam finis specialis extrinseci, imò etiam intrinseci ab ipso legislatore intenti. Probatur consequentia: Tum, quia finis præstat omnibus illis, quæ sunt ut media: Tum quia ille, qui tollit finem præcepti, tollit & respuit bonum præcepti, quia reddit ipsum præceptum

inutile & inane, & consequenter illud vitiat, atque consequenter interpretativè contemnit: Tum quia Innocentius XI. damnat hanc propositionem: *Præcepto communionis annuæ satisfit per sacrilegam Domini manducationem*, quæ est numero 55. sed non alia ratione, nisi quia sacrilega manducatio est impeditiva finis præcepti tam Christi, quàm Ecclesiæ, ergo. Hinc non satis consequenter loquitur Cajetanus, qui oppositum tenens tamen in summula *titul. festo: Violatio*: dicit: Is, qui voluntariè distractus & ad alia intentus audit sacrum, non implet præceptum, sed potius facit contra præceptum de audienda Missa, quia, sunt ejus verba, agit contra intentionem Ecclesiæ præcipientis audire Missam, ut habeat homo attentionem, ut sic oret, & offerat cum sacerdote & per illum, ubi particulariter sunt notanda verba illa, quia agit contra intentionem & finem præcepti, & præcipientis, hinc sublimo ad totum argumentum, sed omne peccatum est impeditivum finis præcepti de sanctificando Sabbato, ergo qui in illo peccat specialiter illud frangit & violat per quodcunque peccatum alio præcepto jam prohibitum.

Dices, S. Augustinum, ibi supra, in cujus autoritate se fundant Angelicus & Seraphicus Doctor, non esse intelligendum, quod illa circumstantia sit gravius peccatum atque mortalis, sed quod aggravatum ex illa & ex peccato tum commissum est gravius, quàm si mechanicè in festo laboraretur. Respond. 1. Hanc responsionem concedere saltem secundam partem conclusionis, si ergò illud peccatum aggravatum est ex circumstantia festi, & quidem notabiliter, ergò erit in confessione exprimendum. Respond. 2. neg. Glosationem Cajetani, Quia nisi Augustinus veller, quod illa circumstantia mortaliter aggravaret, non reprehenderet tam acriter illud peccatum magis tunc, quàm alia die commissum, quia igitur Augustinus propriè

& ve-



& verè locutus est, non potest aliter intelligi, nisi quod comparando solum injuriam aut gravitatem violationis festi, quæ fit per peccatum mortale tunc commissum, ad violationem festi per opus mechanicum, censet graviolem esse primam quam secundam, aut saltem æqualem, & contra sanctificationem Sabbati, ut ita doceret, quod à Sabbati violatione hoc & illo modo cavendum esset.

Probatur Secundò: Authoritate Patrum D. Augustini supra, quem etiam D. Thomas & S. Bonaventura infra citant: Ambrosij super illud Lucæ 13. Archisynagogus indignans, quod JESUS Sabbato curasset, ait: *Lex in Sabbato non hominem curare, sed servilia opera facere, id est, peccatis gravari, prohibet.* Et habetur in Glossa ordina. ibidem. Item Glossa, Marci 1. & 3. Silicet Sabbatis benè facere, ait: *Opus servile peccatum est, à quo docet nos Christus Sabbato abstinere* D. Thomas 22. q. 122. art. 4. ad 3. sic ait: *Alia opera servilia, scilicet mechanica, & peccata contrariantur observantiae Sabbati, in quantum impediunt applicationem hominis ad divina, & quia magis homo impeditur à rebus divinis per opus peccati, quam per opus aliud licitum corporale & mechanicum, imò magis contra hoc præceptum agit, qui peccat mortaliter in die festo, quam qui corporale opus aliud licitum facit, unde Augustinus de decem cordis ait: melius faceret Judæus.* Hæc S. Thomas, & paulò post subiungit: *Qui autem peccat venialiter in Sabbato, non facit contra hoc præceptum, quia peccatum veniale non excludit sanctitatem.* D. Bonavent. 3. d. 37. in Glossa marginali supra textum Magistri §. 6. & 7. dicit: *A fortiori opera carnalia & ebrietas, lites & furgia, quæ maximè repugnant spiritus libertati, nè homo DEO vacet, dicuntur, suntque opera servilia, & in hoc præcepto potius prohibita quam opera mechanica, & quam negotia terrena, quæ animum distrabunt, nè homo intendat divinis secundum Augustinum de decem cordis: melius faceret*

Judæus &c. Ergò qui mœchatur vel fornicatur non solum contra sextum præceptum, sed etiam contra tertium præceptum primæ tabulæ peccat. Sed pro Cajetano

Dices Sanctos Patres loqui mysticè & moraliter de sanctificando Sabbato, non verò litteraliter, unde præceptum morale de cavendo omni peccato in Sabbato, non est præceptum speciale, sed generale, & generale præceptum est irreverentia DEO facta & ingratitude, quæ violantur per quodcunque peccatum, atqui facere contra unum præceptum litteraliter & propriè intellectum, & simul contra aliud mysticè & moraliter sumptum, non est duplex peccatum formaliter, & circumstantia alterius speciei, ut patet de ingratitude, irreverentia &c. ergo nec in hoc præcepto Sabbati mysticè intellecto. Respond. neg. maj. Cum enim Sancti Patres expressè dicant, quod in festo prohibetur peccatum, sicut, aut magis, quam opus servile & mechanicum, atqui opus servile per hoc præceptum inhibetur tanquam per particulare & speciale præceptum litteraliter sumptum, ergò etiam omne peccatum non solum mysticè, sed etiam litteraliter est contra præceptum de sanctificando Sabbato, adeoque etiam specialiter prohibetur.

Probatur conclusio Tertio: Ratione D. Thomæ: Opera servilia in tantum sunt prohibita, in quantum sunt impeditiva sanctificationis Sabbati, ergò etiam peccata in quantum eandem impediunt. Probatur antec. Quia circumcidere, sacrificare, mactare hostias, portare arcam, & hujusmodi manualia opera non solum erant antiquitus in Sabbato licita, sed & præcepta, non alia ratione, nisi quia hæc pertinebant ad cultum divinum latriæ, & sanctificationem diei, unde Christus de circumcisione in Sabbato dicit Joan. 7. Si circumcisionem accipit homo in Sabbato, ut non solvatur lex Moysi: mihi indignamini, quia totum hominem Sa-



*sanum fecit in Sabbato*, ergo opera servilia in tantum sunt prohibita, in quantum impediunt sanctificationem diei, sed omne peccatum impedit, ergo est specialiter prohibitum in die festo.

Probatur Quartò: Omnis injuria & irreverentia loco & tempori sacro illata est ut sacrilega jure divino & naturali specialiter prohibita, sed per omne peccatum mortale in festo commissum fit prædicta injuria tempori sacro, ergo specialiter si non mutat speciem, saltem malitiam & sacrilegium efficit: major patet: Quia si quis in propria domo existeret velle fornicari absoluta voluntate in sacrilegium committeret, & teneretur ad confitendam hanc circumstantiam, imò Medina & alij existimant etiam sacrilegium committi ab illo, qui in Ecclesia existens vellet fornicari in domo sua, ergo etiam specialiter peccat, qui fornicatur, vel aliquod aliud grave peccatum impeditivum cultus divini committit, quod addo ideò, quia si quis sola cogitatione peccaret, fortè non graviter peccaret, à veniali tamen particulari malitia non esset omninò tutus aut liber, veniale tamen sanctitatem diei non violat.

Dices cum Sylvestro: Licet per peccatum mortale fiat aliqua injuria tempori sacro, & inde peccatum illud sit gravius quàm alio tempore commissum, quod nullus negat, id tamen non fit directè & per se, eo videlicet, quòd talitempore sit specialiter ullo jure particulari prohibitum, sed ex suppositione, quia scilicet aliàs per aliud præceptum tale peccatum pro omni tempore prohibitum est, ideò talis irreverentia temporis sacri non est contra aliquod speciale præceptum de non faciendo irreverentiam tempori sacro: nisi ipsum tempus sacrum habeat pro objecto, cum quis in contemptum festi peccaret, ita ille. Sed Respond. Hanc replicam denuò probare alteram partem conclusionis, unde si aggravat, & quidem pro solemnitate festi necessariò consiten-

dum erit, quia erit irreverentia gravis, & non levis, maximè si fuerit tale peccatum ut est fornicatio, adulterium, aut etiam furtum, quia hæc exterius notabiliter impediunt libertatem Spiritus, nè homo vacare possit DEO, & ita sentit S. Bonaventura supra. Respond. 2. neg. antec. Nam licet mœchari, furari sub his rationibus sint prohibita specialibus præceptis hæc vetantibus, adhuc tamen prohibentur etiam specialiter fieri in Sabbato per præceptum de eo sanctificando, ut homo liberius & expeditius vacare DEO suo possit, quod illud præceptum specialiter intendit, quòdque peccatum mortale plurimum impedit, unde est festiva solemnitas talis circumstantia, quæ secundum se importat disconvenientiam ad rectam rationem, ideò ponit in actu specialem rationem peccati distinctam ab ipso peccato, quia ibi sunt plures difformitates specificæ, quarum una non est per se determinativa alterius, unde peccatum in tempore sacro commissum ponit distinctam difformitatem à peccato v. g. adulterij non minus quàm sacer locus, nam furtum & adulterium etiam fieri possunt extra diem festum, & festum etiam potest violari alio modo, quàm per furtum, consequenter unum aliud non infert. Hinc

Probatur Quintò: Strepitus juris & exercitia judicialia tam bene fieri prohibentur diebus festivis, quàm in loco sacro, non alià ratione, nisi propter reverentiam diei sacro debitam, ergo sicut sacrilegium est in Ecclesia facere illos actus, ita etiam in tempore sacro, unde Extra: de ferijs cap. 1. dicitur *Dies dominici cum omni observatione venerari debent.* Tum, quia si in fornicatione libidinosa domi occupatus die dominica omitteret sacrum, sufficeret dicere in confessione sine causa: *omisi sacrum*, atqui hoc non sufficit, quia hæc omissio est turpissima, quod propter voluptatem carnalem omiserit cultum DEO debitum præstare,

ergo



ergo hæc circumstantia addit specialem malitiam. Sed in contra

Arguitur Primò : Præceptum de sanctificando Sabbato est religionis & non charitatis, sed non omne peccatum mortale contrariatur virtuti religionis & cultûs divini, ergo per peccata in Sabbato commissa non violabitur sanctitas Sabbati : maj. patet. probatur min. Quia adulterium, furtum, perjurium, &c. Sunt contra religionem, ergo. Respond. concessa min. distin. min. non contrariatur virtuti religionis secundum materiam & objectum, cont. min. Secundum finem à præcepto intentum, neg. min. & consequ. licet enim adulterium & furtum in materia non sit contra hoc præceptum, memento diem Sabbati sanctifices, tanquam specialiter hæc materia hoc præcepto sit prohibita, est tamen hoc præcepto inhibita, in quantum finem sanctitatis diei & hominis à DEO intentum impedit, unde sub hac ratione est specialiter prohibitum.

Instatur : Hinc sequeretur, quòd nullus in die dominico peccans mortaliter, possit uno solo peccato peccare, quia quocunq; mortali commisso peccaret etiam contra præceptum de sanctificando die Sabbatino, sed hoc videtur absurdum, & nimis grave, ergò. Respond. 1. neg. sequelam : Quia faciendo opera servilia die dominico, & non audiendo Missam semel tantum peccaret, quia hæc non adversantur contra ullum aliud præceptum, & extra dies festos licitum est facere opera mechanica, nec obligatio ulla ad audiendam Missam, sed hoc nemo dicet, ergò. Unde Respond. 2. distin. maj. sequeretur &c. quòd nullus posset in die festo peccare uno solo peccato, quando peccatum illud versatur etiam in materia & objecto alterius virtutis & præcepti, conced. maj. tunc enim unum peccatum mortale foret contra objectum & materiam alterius virtutis, & alterum contra alterum divinum contra sanctitatem diei Sab-

bati non violandi. Sequeretur &c. quòd non posset peccare uno solo peccato, si contra solam materiam tam materialis & formalis præcepti de sanctificando Sabbato versaretur, neg. maj. & distin. similiter min. nego consequentiam.

Arguitur Secundò : Agere contra finem præcepti non prohibetur ipso præcepto, ergò licet peccatum mortale sit contra finem præcepti de sanctificando Sabbato, non prohibetur hoc præcepto : Probat. antec. ex Medina, & Cajetano : Non peccat contra præceptum jejuniij, qui in vigilia v. g. comedit una vice cibos non prohibitos excessivè, sed talis ageret contra finem præcepti, nempe contra temperantiam illo præcepto intentam, ergò agendo contra finem non agitur contra præceptum etiam in die festo. Respond. distin. antec. Agere contra finem non prohibetur ipso præcepto finis principalis & specialiter intentus, neg. antec. finis aliquis minus principaliter intentus, conc. antec. ad cujus probationem dico Covaruviam e contra affirmare excessivè se ingurgitantem, & infarcientem se cibis peccare contra præceptum jejuniij, & credo nec Cajetanus dicere posset talem non agere contra præceptum jejuniij formaliter considerati, licet materialiter consideratum præceptum alteram tantum refectioem prohibeat, supponit tamen illam debere esse moderatam. Et dato etiam, quòd jejunium in casu non frangeretur, est tamen magna disparitas in hoc & in altero præcepto, quia in violatione præcepti de jejunio non tollitur omnis finis principalis specialiter intentus, nam per jejunium cum unâ refectioe adhuc introducitur habitus temperantiae ad non manducandum, nisi cibos licitos, horis constitutis, & una refectioe contentari, quæ omnia ad temperantiam disponunt. Item præcepto jejuniij intendit Ecclesia principaliter humilem subjectionem & reverentiam, unde humiliter recurrentibus facilem præbet dispensationem.

sationem. Unde etiam dici potest, quòd licet finis præcepti non acquiratur, aut intendatur ejus consecutio, præceptum tamen vult, ut non impediatur finis, sicut fit in violatione festi, quod particulariter est notandum, quia omne peccatum grave impedit finem sanctitatis Sabbatinæ.

Arguitur Tertiò: Si tam opus mechanicum, quàm omne peccatum mortale prohibetur hoc præcepto de sanctificando Sabbato, quia utrumque est impeditivum finis, seu sanctitatis interioris hominis, sequeretur, quòd sicut modicum mechanicum opus venialiter tantum lædit sanctitatem diei, ita etiam peccatum fornicationis, breviusculo tempore commissum, venialiter tantum læderet sanctitatem diei, atqui hoc est contra hypothesim, ergo. Respond. Negando sequelam & paritatem, quia quodcunque peccatum mortale graviter lædit præceptum illud & impedit finem intentum non ratione durationis, sed ratione turpitudinis, & indispositionum, quæ ex illo peccato subsequuntur, ut hebetudo mentis, obcoecatio, tædium ad divina obphantasiam occupatam in imaginaria præterita delectatione, unde bene argumenti paritas curreret de peccato veniali, & modico opere, utrumque enim venialiter tantum lædit sanctitatem diei. Sed quæres, utrum pluribus peccatis pluries lædatur diei sanctitas? mihi videtur quòd sic. Sed

Arguitur Quartò: Ecclesia se-

cundum communem sententiam non potest præcipere actus inter-nos, sed dies dominicus, & quæcunque alia festa sunt tantum jure Ecclesiastico instituta, ergò Ecclesia non potest specialiter præcipere sanctitatem interiorem. Respond. neg. maj. Sive id directè sive indirectè faciat, de quo alibi. Et dato illo, neg. min. diem dominicum esse tantum de jure Ecclesiastico, quia ipsa sanctificatio unius diei intra septiduum, est de jure divino, determinatio hujus specificæ dominicæ est jure apostolico, & eorum autoritate facta, non quacunque humanâ potestate. Deinde licet plures festivitates sint tantum jure Ecclesiastico introductæ, stante tamen hac ordinatione jure divino præceptum est sancta sanctè tractanda, quidquid enim DEO consecratur, sanctitatem ex Religione debitam consequitur, sicut patet de Ecclesijs, Clericis, licet enim humana ordinatione sic consecrentur, præcepto tamen divino sunt reverenter tractanda. Si quis tamen oppositam opinionem teneret, & me in Sacramento poenitentiae accederet, si hanc circumstantiam non exprimeret, conniverem quidem, sed scriptis meis nullam relaxationem inducere volo, nec aliquid, quod est impeditivum cultus divini, quis enim Christianorum posset dicere, ludos comicos, & mascharas exercere die veneris sancto non esse grave peccatum, magis illo die sancto adulterare vel fornicari? Quod avertat ab omnibus Christianis sacrum Numen, ne fiat.

## DISPUTATIO SEXTA.

D 8

### Causis Peccati actualis.

**D**E Authore peccati anxius discurret S. Augustinus lib. 7. Confess. cap. 3. his verbis: *Rursus dicebam, quis fecit me? nonne DEVS meus, non tantum bonus, sed ipsum bonum, unde igitur mihi malè velle, & nolle*



*Quæst. I. An DEUS super omnia benedictus sit causa peccati.* 951  
 nolle ut esset, cur justè pœnas luerem? quis in me posuit & inseruit  
 Plantarium amaritudinis, cum totus fierem à dulcissimo DEO  
 meo? Si diabolus author, unde ipse diabolus? quod si & ipse  
 perversa voluntate ex bono angelo diabolus factus est, unde &  
 in ipso voluntas mala, ut diabolus fieret? quando totus angelus  
 à Conditor optimo factus est bonus. & cap. 7. His itaque sal-  
 vis & inconcussè roboratis in animo meo quarebam astuans, un-  
 de sit malum, qua illa tormenta parturientis cordis mei? qui gemi-  
 tus DEUS meus? Ob hæc Scholastici non solum in pecca-  
 to definiendo, ut suprà, sed etiam in causa assignando, in di-  
 versas abivère sententias. Causæ autem peccatorum aliæ sunt  
 in genere, ad quas concurrit ipsa voluntas creata, DEUS con-  
 currens ad materiale peccati, dæmon instigans &c. Aliæ  
 sunt in specie, ut ignorantia ex parte intellectûs, passio ex  
 parte appetitûs, malitia ex parte voluntatis. De quibus omni-  
 bus in hac disputatione. Sit igitur

## QUÆSTIO PRIMA.

*An DEUS super omnia benedictus  
 sit causa peccati?*

I.  
 Error abo-  
 minandus  
 dicere DE-  
 UM esse  
 causam  
 peccati.

**D**etestanda, & abominanda  
 opinio est, ait D. Augustinus  
 lib. ad art. sibi falsò impositos  
 art. 10. quæ DEUM cujusquam malæ  
 voluntatis, aut malæ actionis credit  
 Authorem. Et tamen moderni hæ-  
 retici nescio quâ impudentiâ aperi-  
 entes in cœlum os suum, ausi sunt  
 asserere, DEUM esse Authorem pec-  
 cati, nec minus opus DEI esse con-  
 versionem Pauli, quàm perditionem  
 Judæ. Ita Calvinus lib. 1. Instit.  
 cap. 17. & 18. Melanchthon in episto-  
 lam ad Rom. dicentes: DEUM in-  
 stigare, determinare, & movere ho-  
 mines ad peccandum. Contra re-  
 meritatem horum est clara definitio  
 Concilij Trident. sess. 6. can. 5. Pro  
 majori intelligentia dicendorum

II.  
 Cœcitas  
 mentis in  
 quo con-  
 sistit.

Prænotandum Primò: Cœci-  
 tatem mentis (idem dic de cordis  
 obduratione) esse sub diversis ratio-

nibus & peccatum, & causam pec-  
 cati, & effectum peccati, sic enim  
 scribit Augustinus lib. 5. contra Ju-  
 lian. cap. 3. Cœcitas mentis, quam  
 solus illuminator DEUS remove-  
 re potest, & est peccatum, quo in DEUM  
 non creditur, & est pœna peccati, quæ  
 cor superbum digna animadversione  
 punitur, & est causa peccati, cui ali-  
 quid mali, cœci cordis errore commit-  
 titur. Hæc Augustinus. Cœcitas  
 ergo cordis non est simplex carentia  
 luminis, sed affectus pravus, quò  
 quis illustrationes divinas repellit,  
 vel impedit, quò minus à DEO illu-  
 minetur. Unde Matth. 13. hujus-  
 modi dicuntur *videntes videre, &  
 non videre*, quia vident quidem, un-  
 de illuminari possent, sed ex malitia  
 sua nolunt advertere, & sic *excecatur  
 illos malitia eorum*. Sap. 1. Similiter  
 obduratio cordis est pravus affectus,  
 quò quis admonitiones contemnit,  
 & magis ac magis in malitia persi-  
 stit. Hinc enim dicitur cor durum,  
 lapideum, grave, quando (ut ait Ber-  
 nard.) non movetur precibus, minus  
 non cedit, flagellis magis duratur.

(\*) Eeeee

Notan-



III.  
Excoecatio  
plura re-  
quirit.

Notandum Secundò: Ad excoecationem, vel indurationem non sufficere, ut quis non videat, vel non credat, sed requiritur, ut moraliter loquendo non possit videre, aut credere, alioquin omnes, qui peccant, essent excoecati, & indurati, cum nemo peccet, nisi permittente, & deferente DEO, hæc tamen impotentia moralis non est absoluta, sed ex hypothesi, quia licet homo, dum est cæcus aut induratus, non possit videre, aut credere, potest tamen cum DEI gratia remove re cæcitatem & duritiam, quibus remotis videre potest & credere, nunquam enim DEUS in hac vita quemquam ita deserit, quin saltem juvet ad impetrandam gratiam, & vires.

IV.  
Desertio  
recte ex-  
primitur  
per verba  
activa.

Notandum Tertiò: Desertionem illam, quâ DEUS deserit homines, secundum modum loquendi S. Scripturæ rectè significari per vocabula actionem exprimentia, quamvis revera non sit actio, sed actionis omissio. Et hoc modo dicitur DEUS tradere in reprobum sensum, mittere operationem erroris, obdurare, excoecare, licet hæc non faciat nisi permittendo, aut deferendo. Pro quo

V.  
Excoecatio  
mentalis  
tripliciter  
fieri potest.

Notandum Quartò: Ex Corduba lib. 2. q. 2. DEUM tripliciter permittere homines in cæcitatem & errorem cadere: Primò, Abscondendo à Doctoribus & Prælati; quos ipsi consulunt, veritatem in pœnam peccati. Unde Ezechielis 14. dicitur: *Qui posuerit immunditiam in corde suo, & venerit ad Prophetam, ut interroget, ergo decipiam Prophetam illum, id est, decipi permit- tam; & ibidem: Juxta iniquitatem interrogantis, iniquitas & Prophetæ erit.* Unde Gregorius: *Secundum merita plebis disponuntur corda Recto- rum.* Secundò, DEUS aliquando ob peccata plebis non permittit bonis, & Doctoribus etiam consultis de veritate respondere, sed facit eos tacere, vel negligere docere veritatem, juxta illud Ezechielis 3. *Adherere faciam linguam tuam palato tuo, & eris mutus.* Unde Christus

Pilato quærenti: *Quid est veritas?* non respondit, quia non affectu sciendi interrogavit. Tertiò, Permittit DEUS in pœnam peccati malos non rectè, nec ad suum propositum intelligere doctrinam veram eis annuntiatam. Isaïæ 29. *Claudet DEUS oculos vestros, & erit vobis visio omnium Prophetarum, sicut verba signati.* His prænotatis

Dico Primò: **DEUS Optimus Maximus**, <sup>VL</sup> *cujus omnia opera sunt valde bona, non est author, vel causa pessimi peccati.* Ita fides Catholica, omnes S. S. Patres, & Doctores contra hæreticos. Probatur Primò: Ex Scriptura Sapient. 14. *Similiter autem odio sunt DEO, impius & impietas ejus.* Et ibidem cap. 11. *Diligis enim omnia, quæ sunt, & nihil odisti eorum, quæ fecisti: nec enim odians aliquid constituisti, aut fecisti.* Et Psalm. 44. *Dilexisti justitiam, & odisti iniquitatem.* Psalm. 5. *Mane astanto. tibi & videbo: quoniam non DEUS volens iniquitatem tu es.* Joannis 1. *Sine ipso factum est nihil.* Ubi D. Augustinus inquit: *Per Verbum non est factum peccatum.* Isaïæ 3. *Vae impio in malum: retributio enim manuum ejus fiet ei.* Deinde nihil frequentius in Scriptura Sacra deprehenditur, quàm odium DEI contra peccatores, nunc minando supplicia, ut in loco proximè citato, nunc invitando ad pœnitentiam, ut Ezechiel. 33. *Dic adeos: Vivo ego, dicit Dominus DEUS: nolo mortem impij, sed ut convertatur impius à via sua, & vivat.* Convertimini, convertimini à vijs vestris pessimis: & quare moriemini domus Israël?

Probatur Secundò: Ex Patribus D. Augustino Ad artic. sibi falsò impositos art. 13. tom. 7. ubi dicit: *Nefas est DEO adscribere causas talium ruinarum, qui etsi ex æterna scientia præcognitum habeat, quid uniuscujusq; meritis retributurus sit: nemini tamen per hoc, quod falli non potest, aut necessitatem, aut voluntatem intulit delinquendi.* Si ergo à justitia & pietate quis deficit, suo in præcepto fertur arbitrio, sua concupiscentia trahitur,



trahitur, sua persuasione decipitur; nihil ibi Pater, nihil filius, nihil Spiritus Sanctus, nec in tali negotio quidquam divina voluntatis intervenit: cujus ope scimus multos, nè laberentur, retentos, nullos autem, ut laberentur, impulsos. Et lib. de Hæres. hære. 81. oppositum errorem tribuit Seleucianis. Epiphanius hæres. 44. & Basilius in hom. quòd DEUS non sit author peccati, & Patres communiter docentes asserere DEUM esse authorem peccati, est dicere, DEUM non esse DEUM.

Probatur Tertiò: Ratione ex D. Augustino lib. 83. qq. q. 3. *Nullò sapiente authore homo fit deterior*, sed hoc non esset verum, si DEUS esset author peccati, ergo. Probat Doctor subtilis 4. ex Augustino ibidem q. 21. DEUS est causa omnis entis, adeòq; justitiæ, ergo non est causa non essendi ipsi justitiæ, esset autem, si esset causa peccati, quia peccatum est privatio justitiæ. Secundò: Ille non peccat, qui vult id, quod DEUS vult, ergo si DEUS vult peccatum, implicat, quòd ego conformando me in hoc DEO peccem.

Opponitur Primò: *Authoritas Scripturæ Gen. 45. Non vestro consilio, sed DEI voluntate buc missus sum*, sed venditio Joseph magnum fuit peccatum, ergo DEUS consiliò suo voluit peccatum volendo ejus venditionem. Item occisio Christi fuit maximum peccatum, & tamen Actor. 2. dicitur: *Hunc definitò consiliò, & præscientià DEI traditum.* &c. ergo. Respond. neg. consequ. quia hæc & similia loca non probant ullo modo DEUM esse Authorem peccati, quia si venditio Joseph, & occisio Christi considerentur ex parte patientium, sunt opera summæ patientiæ, ac meriti, adeòq; secundum hoc volita & præfinita à DEO, si verò ex parte agentium, gravissima sunt scelera, ac proindè nec volita, nec præfinita positivè à DEO, sed solum præscita & permissa, ut explicant SS. Patres, & Doctores.

Opponitur Secundò: Proverb. 16. *Omnia propter semetipsum opera-*

tus est Dominus, impium quoque ad diem malum; Et ad Rom. 9. *An non habet potestatem figulus facere aliud vas in honorem, aliud in contumeliam.* Et Exodi 9. de Pharaone dicitur: *Ideo autem posui te, ut ostendam fortitudinem meam.* Et 2. Reg. 24. *Addidit irasci furor Domini contra Israel, commovitque David in eis dicentem: vade numera Israel.* Et ibidem cap. 16. *Dominus præcepit Semei, ut malediceret David.* Et 3. Reg. 22. dicit DEUS Spiritui malo, qui promisit se deceptorum Achab: *Decipies & prævalebis, vade & fac ita.* Et Psalm 43. *Declinasti semitas nostras à viâ tua.* Et Psalm. 104. *Convertit cor eorum, ut odirent populum ejus:* Quæ omnia loca sonant, DEUM non solum permittere, sed etiam impellere homines ad peccatum, ergo videtur quòd ipse sit author peccati. Respond. ad ista omnia, DEUM non dici impellere, vel inclinare ad malum physicè, id est, immediatè movendo voluntatem ad malum, vel moraliter consulendo, aut imperando, unde Augustin. de gratia & lib. arbitr. cap. 20. *Quomodo, inquit, dixerit DEUS Semei maledicere David, quis sapiens & intelliget? non enim jubendo dixit, ubi obedientia laudaretur, nam si jubenti obtemperasset, laudandus potius, quam puniendus esset, sicut ex hoc postea novimus esse punitum.* Hæc Augustinus: Dicitur ergò DEUS excitare, provocare, vel etiam imperare ad malum, malisque tanquam instrumentis uti: Primò, Quia justo suo judicio, & ineffabili sapientia, qua novit ex malo elicere bonum, permittit malos malè agere, eisque utitur vel ad excitandos bonos, vel ad corrigendos alios malos, & quia sine DEI permissione nihil fieri potest, quoties ad certum aliquem finem consequendum sinit aliquid fieri, rectè dicitur per quendam tropum illud imperare, vel ad id excitare, sicut usitatè dicimus venatorem immittere canem in leporem per hoc solum, quòd funem laxaverit, quòd canis retinebatur. Secundò: dicitur DEUS excitare ad malum, quia



non solum permittit impios male agere, sed etiam deserit eos, qui affliguntur, & sic donat impijs in eos victoriam: sic dicitur imperasse spiritui, ut loqueretur mendacia per ora omnium prophetarum Achab, quia non dedit ei lumen, quo discerneret mendacium à veritate; sic etiam dicitur DEUS usus Assyriorum Rege tanquam virgâ & baculo, malleo, & securi ad percutiendos filios Israel, quia non solum permisit Regem illum in eos armari, sed etiam quia *avertit adjutorium gladij sui à populo suo, & non est auxiliatus eis in bello.* Sic denique exponit Augustin. epist. 89. illud: *Et ne nos inducas in tentationem.* Intelligitur, inquit, *ne nos inferri deserendo permittas.*

Opponitur Tertiò: Exod. 7. *Induravit DEUS cor Pharaonis.* Isaia 19. *Dominus miscuit in medio ejus Spiritum vertiginis.* Et cap. 63. *Indurasti cor nostrum, ne timeremus te.* Et Joan. 12. *Propterea non poterant credere, quia iterum dixit Isaia, excæcavit oculos eorum, & induravit cor eorum.* Et ad Rom. 1. *Tradidit eos Dominus in reprobum sensum, ergò.* Respond. juxta prædicta, DEUM non esse causam excæcationis, indurationis, aut similium positivè, sed negativè, videlicet permittendo, deserendo, non miserendo, ita Augustin. epist. 105. ad Sixtum: *Non obdurat, inquit, DEUS impertiendo malitiam, sed non impertiendo misericordiam.* Et lib. ad Simplicium quæst. 2. *Obdurare, inquit, DEUM est nolle misereri, nec irrogatur aliquis, quo homo sit deterior, sed tantum, quo sit melior non erogatur.* Et tract. 53. in Joan. *Sic excæcat DEUS, sic obdurat deserendo non adjuvando, quod occulto judicio facere potest, iniquò non potest.* Per hoc facile solvi possunt omnia loca alia S. Scripturæ, & SS. Patrum.

Cæterum quamvis indubitatum sit apud Catholicos, DEUM nullo modo esse causam, aut authorem peccati, maxima tamen difficultas est in explicando, quomodo DEUS

excusetur à peccato, & ratio difficultatis est: Tum, quia DEUS secundum communem est causa materialis peccati, seu entitatis positivæ, cui inest deformitas, & consequenter videtur, quod sit causa ipsius deformitatis, cum privationes non aliter causentur, quam causando entitates positivas, quibus annexæ sunt: Tum, quia homo non dicitur aliter peccare peccato, v. g. homicidij, quam quia causat materiale illius homicidij, ergò cum DEUS, & quidem ut causa principalis, concurrat ad materiale peccati, erit etiam causa peccati pro formali, omiſſis varijs modis dicendi pro resolutione hujus difficultatis.

Dico Secundò: *Idcò DEUS non est causa peccati, quamvis sit causa entitatis materialis, cui inest peccatum, quia ipse non subest regulis morum nec consulit, aut præcipit malum, sicut hortatur ad bonum, & ex altera parte ut causa prima prædecrevit permittere causas secundas maxime liberas, suos agere motus.* Ita Doctor subtilis 2. d. 37. q. 2. §. *ad solutionem istorum.* D. Bonavent. 2. d. 37. art. 2. q. 1. Gabriel & alij. Probat. Primò ex Scoto: Quia peccatum est privatio rectitudinis non intrinseca rei, & actus, sed tantum prout provenit à tali causa, ergò. Nam cum privatio sit duplex, una, quæ intrinsecè & connaturaliter sequitur ad formam, ut privatio albedinis in nigredine, & contra: Et hoc modo quicumque ponit formam, necessario ponit privationem ad eam intrinsecè consequentem, hoc etiam modo, quia DEUS est physica causa occisionis, est etiam causa privationis vitæ. Alia est privatio, quæ non sequitur ex natura rei ad absolutum formæ, sed tantum prout à tali causa venit, & hujusmodi est privatio rectitudinis in materiali peccati, quia non sequitur actus secundum se, & ex natura rei, sed ut elicitur à potentia libera & subiecta regulæ, unde sicut occisio facta à furioso, non est peccatum defectu libertatis, ita occisio à DEO facta non est peccatum in

IV.  
DEUS non  
subest re-  
gulis mo-  
rum.

V.  
licet  
DEUS  
hanc  
causam



in DEO defectu subjectionis ad regulam superiorem.

Probat, & declaratur eadem conclusio Secundo: Ex Doctore subtili supra citato, quando duae causae particulares concurrunt ad unum effectum, potest in productione effectus contingere defectus ex defectu unius, & non alterius causae, v. g. possunt duo homines concurrere ad homicidium, quorum unus novit ibi esse hominem, alter invincibiliter ignorat, quo casu peccat unus, & non peccat alius, quia ignorat regulam, cui se conformare deberet, sic in proposito ad velle voluntatis creatae concurrunt voluntas creata, simul & divina, ergo potest in illo velle contingere defectus ex parte voluntatis creatae, & non divinae, ex eo scilicet, quod creata tenetur dare rectitudinem actui, & non dat: Divina autem licet non teneatur eam dare, tamen quantum est ex se daret, si voluntas creata cooperaretur, universaliter enim quidquid DEUS dat antecedenter, daret illud consequenter quantum ex se, nisi esset impedimentum.

V.  
Ratio cur  
DEUS non  
sit causa  
peccati.

Est igitur, inquit Scotus, defectus in effectu duarum causarum non propter defectum superioris, sed inferioris, non quia superior causat rectitudinem in actu, & inferior obliquitatem, sed quia superiori quantum est de se causaret, si inferior ex parte sua causaret, & ideo rectitudinem non causari provenit ex eo, quod causa secunda quantum ad se pertinet, eam non causat. Neque enim tenetur DEUS subtrahere hominibus suum concursum, esto praevideat eos, eo abusu, sicut nec alia dona naturae & gratiae, quibus male saepe utuntur, quia statuit concurrere cum creaturis ad suos motus, juxta ipsarum naturam, & quamvis, quantum in se est, vellet concurrere ad motus semper bonos, tamen propter naturam nostri liberi arbitrij defectibilis, permisit concursum suum determinari etiam ad malos motus. Et juxta hunc dicendi modum facile solvuntur difficultates supra posi-

tae, videlicet ideo DEUM, quamvis sit causa entitatis materialis, cui inest peccatum, similiter, & causa ipsius voluntatis, ejusque defectibilitatis, non tamen esse causam ipsius defectus, seu privationis rectitudinis debitae, quia ex una parte deest illi una ex conditionibus necessario requisitis, scilicet subiectio ad regulas morum, neque praecipit, consulit, aut hortatur ad malum, sicut facit ad bonum: Et ex alia parte statuit permittere causas secundas maxime liberas motus suos, prout volunt, agere, adeoque cum eis positive concurrere ad suos motus physicos ex lege causae primae, & de reliquo, quantum est ex se semper vult concurrere ad motus tantum bonos, ac proinde nulla ratione refundenda est in ipsum DEUM, si quae culpa in hac parte committitur, quia tota provenit ex parte nostra. Et hinc concursus DEI cum causis secundis praesertim liberis explicari solet hoc exemplo: si esses in puteo non potens te inde eripere, & alius accederet porrigens tibi funem, quo te extraheret, si tunc arrepto fune exurgeres, id merito attribueres ei, qui funem porrexit, si vero funem non caperes, vel capto fune te adhuc magis implicares, id tibi ipsi attribuire deberes: Sic in proposito DEUS se habet instar porrigentes nobis suum concursum, gratiam, auxilia, ad hoc, ut possimus vel a lapsu resurgere, vel stantes non cadere. Applicata reliqua ad materiam praesentem, ne fusior esse cogar.

## QUESTIO SECUNDA.

An diabolus sit directa causa peccati?

Pro resolutione hujus questionis revocanda sunt dicta supra, & in Philosophia de motione voluntatis humanae, & insuper Notandum, cum peccatum sit voluntarium, nihil posse esse directam causam peccati, nisi quod potest voluntatem movere ad agendum, voluntas

Voluntas  
tripliciter  
potest mo-  
veri ab ob-  
jecto,

(\*) Eeeeeee 3

luntas



luntas autem duobus modis moveri potest, uno modo ab eo, quod interius inclinatur voluntatem ad volendum aliquid, hoc autem non est nisi ipsa voluntas, & solus DEUS secundum omnes. Alio modo movetur ab objecto realiter quidem secundum Thomistas, metaphoricè verò secundum nos, sicut dicitur, quod appetibile apprehensum movet appetitum. Ex parte autem objecti potest tripliciter intelligi voluntatem moveri. Primò, Ab ipso objecto, sicut dicimus cibum excitare appetitum hominis ad comedendum. Secundò, Ab eo, qui proponit huiusmodi objectum. Tertiò, Ab eo, qui persuadet ejusmodi objectum habere rationem boni.

II.  
Diabolus  
non potest  
esse directa  
causa pec-  
cati.

Dico Primò : *Diabolus nullo modo potest esse directa causa peccati alterius.* Est communis, & patet ex dictis in priori tractatu, ubi egi, quomodo arbitrium moveatur ab Angelis tam bonis, quàm malis, & hic pariformiter est discurrendum. Probat: Diabolus non potest aliter ad peccatum inducere, quàm proponendo voluntati, mediante appetitu & intellectu, objectum illicitum, & persuadendo illud esse bonum, sed isto modo non est causa directa peccati, ergo: maj. patet. min. probatur. Quia nec ipsum objectum sic propositum, nec ullum aliud objectum creatum, aut increatum, nec illud proponens, aut suadens potest necessitare voluntatem, utpotè intrinsecè liberam, ergo non potest daemon proponens objectum malum esse causa directa peccati.

Opponitur Autoritas SS. Patrum Augustin. 4. Trinit. cap. 12. qui dicit: *Quod diabolus suæ societati malignos affectus inspiret.* Et Beda supra acta dicit: *Quod diabolus animi in affectum malitiæ trahit.* Et Isidorus lib. de summo bono dicit: *Quod diabolus corda hominum occultis cupiditatibus replet.* Respond. Omnia ista tantum probare secundam conclusionem juxta quam intelligendus D. Hieronymus dum di-

cit: *Diabolus esse perfectorem mali, sicut DEUS est perfectior boni.*

Instatur: Potest major necessitatem inferre minori, sed de diabolo dicit Job 41. *Non est potestas super terram, quæ ei valeat comparari,* ergo potest homini necessitatem inferre ad peccandum. Respond. maj. esse simpliciter falsam, maximè in agentibus liberis, quæ à nullo extrinseco, possunt simpliciter necessitari, potest quidem homo DEO permittente multa violenter pati à dæmone, non tamen necessitari quoad actus liberos.

Dico Secundò: *Potest aliquando demon indirectè, & interius instigando inducere nos ad peccandum.*

III.  
Diabolus  
indirectè  
potest cau-  
sare pecca-  
tum in ho-  
minibus.

Patet similiter ex dictis in materia de Angelis, & malorum infestatione, & ulterius: Quia potest dæmon exterius proponere sensui aliquid delectabile, & ad ejusdem considerationem excitare interius phantasiam, & inde appetitum sensitivum ad illud concupiscendum, commovendo etiam humores, & Spiritus vitales, ex quo propter sympathiam appetitus rationalis ad sensitivum solet plerumque (nisi magna DEI gratia obstitat) voluntas trahi ad illicita, & sic patet ad propositum.

Dico Tertiò: *Non omnia peccata hominum sunt defecto ex suggestionis demonis.* Neq; omnia ex incentivo carnis.

IV.  
Peccata om-  
nia non  
sunt ex  
suggestione  
diaboli.

Hæc est D. Augustini lib. 14. de Civit: DEI cap. 3. ubi eleganter refutat Virgilium dicentem, omnia peccata originem habere à carne dicens: Qui omnia animæ mala ex corpore putant accidisse, in errore sunt. Quamvis enim Virgilius Platoniam videatur luculentis versibus explicare sententiam, dicens:

*igneus est ollis vigor, & cœlestis origo.*

*Seminibus, quantum non noxia corpora tardant,*

*Terreniq; hebetant actus moribundaq; membra:*

*Omnèsq; illas notissimas quatuor animi perturbationes, cupiditatem, timorem,*



timorem, laetitiam, tristitiam, quasi origines omnium peccatorum atque vitiorum volens intelligi ex corpore accidere, subjungat, & dicat:

Hinc metuunt, cupiuntque, dolent, gaudentque; nec auras suspiciunt, clausae tenebris & carcere caeco:

Tamen aliter se habet fides nostra. Nam corruptio corporis, quae aggravat animam, non peccati primi est causa, sed poena: nec caro corruptibilis animam peccatricem, sed anima peccatrix fecit corruptibilem carnem. Ex qua corruptione carnis, licet existant quaedam incitamenta vitiorum, & ipsa desideria vitiosa: non tamen omnia vitae iniquae vitia tribuenda sunt carni, ne ab his omnibus purgemus diabolum, qui non habet carnem. Et si enim diabolus fornicator vel ebrius, vel si quid aliud hujusmodi mali est, quod ad carnis pertinet voluptates, non potest dici, cum sit etiam talium peccatorum suaser & instigator occultus. Hæc Augustinus, ubi tria probat: Primum non omnia peccata originari à carne, ut volebat Virgilius. Secundò à carne tamen oriri incentiva concupiscentiae & desideria prima: Non tamen ad omnia peccata, sed quod tertium erat, etiam quaedam fieri ex instigatione diaboli. Conclusio ista quoque habetur in Ecclesiasticis dogmatibus, ubi dicitur: *Non omnes cogitationes nostrae à diabolo excitantur, sed aliquoties ex nostri arbitrij motu emergunt.* Colligitur ex illo Jacob. 1. *Unusquisque verb tentatur à concupiscentia sua.* Eam probat Origenes 3. Periarchon cap. 2. Quia etiam si non esset diabolus, homines adhuc haberent appetitum ciborum, venereorum, sentirentque in se motus inordinatos appetitus tam concupiscibilis, quam irascibilis.

Opponitur Autoritas D. Dionys. 4. de divinis Nominibus dicens: *Quod multitudo demonum causa est omnium malorum, & sibi, & alijs,* ergò. Respond. neg. consequ. Quia S. Pater loquitur ad primam origi-

nem peccati, seu quoad peccatum originale, unde cœtera promanarunt.

Arguitur Secundò: Peccatum diaboli secundum Gregorium idèd dicitur irreparabile, quia cecidit nullo suggerente, ergò si aliqui homines peccarent nullo suggerente, etiam eorum peccatum esset irreparabile, quod est falsum. Respond. distin. consequens, si peccarent nullo suggerente, id est, nec diabolo, nec carne, nec mundo, transeat. Semper autem aliquid horum suggerit homini peccatum. Addo illam sententiam Gregorij cum grano salis esse intelligendam, quia revera & peccatum diaboli, quamdiu mansit in via, fuit per poenitentiam reparabile, aliqui homines quotidie ex certa malitia peccant, & tamen sanantur per poenitentiam. Vult ergò Gregorius, quod peccatum nullo suggerente commissum, comparatione eorum, quae fiunt ex ignorantia vel passione, sit difficile reparatu, non tamen absolute irreparabile.

Dico Quarto: *Unum peccatum potest esse causa alterius, non quidem simpliciter, sed ex hypothesis, quod velit quis manere in statu peccati.* Patet secunda pars: Quia nil absolute necessitat voluntatem creatam ad aliquid operandum. Prima pars verò est communis, colligiturque ex Gregorio homil. in Ezechiel: & lib. 25. moral. cap. 13. *Peccatum, inquit, quod per poenitentiam citius non deletur, peccatum est, & causa peccati.* Probat. Primum: Quia imprimis unum mortale removet prohibens aliud, scilicet gratiam habitualement, verecundiam, vel quodcunque aliud à peccato retrahens, & ex hoc facilius incidit in aliud.

Probat. Secundò: Quia ex uno peccato disponitur peccans ad alium consimilem actum, adeoque ad habitum vitiosum in se producendum, hæc ratio quoque est D. Augustini lib. 12. Civit. cap. 3. ubi ait: *Non enim quisquam de vitiis naturalibus, sed de voluntariis poenas luit.* *Nota*

V.  
Peccatum  
unum est  
frequentet  
causa aliorum  
peccatorum

Nam etiam quod vitium consuetudine, nimiove progressu roboratum, velut naturaliter inolevit, a voluntate sumpsit exordium.

Probatur Tertiò: Quia unum peccatum præparat materiam ad aliud sicut avaritia ad litigium, quare S. Jacobus cap. 4. dicit: *Unde bella & lites in vobis? nonne ex concupiscentijs vestris? id est, ex cupiditatibus.* Et D. Paulus 1. Timoth. 6. *Nam qui volunt divites fieri, incidunt in tentationem & in laqueum diaboli, & desideria multa inutilia, & nociva, quæ mergunt homines in interitum & perditionem. Radix enim omnium malorum est cupiditas.* Hinc Augustinus lib. 3. de lit. arbit. cap. 17. *Hæc avaritia cupiditas est, cupiditas porriò improba voluntas est.* Ergo *improba voluntas, malorum omnium causa est.*

Ex quo Probatur Quartò conclusio: Quia unum peccatum est causa finalis alterius v. g. furtum respectu fornicationis, quod clarè liquet in exemplis Davidis & Salomonis, ille ex adulterio commisso perpetravit homicidium, hic ob amorem mulierum, quas perditè amavit, excæcatus, factus est Idololatra, unde quemadmodum Paulus avaritiam vocavit radicem omnium malorum, ita Eccles. cap. 14. dicit *Initium omnis peccati est superbia*, quia sicut illa præbet opportunitatem adimplendi omnia desideria mala, ita superbia, quæ est inordinatus amor sui, est finis omnium malorum, propter excellentiam enim suam manutenendam perpetrantur quæcunque maxima crimina, & habita illa excellentia audent impune homines quæcunque volunt, unde D. Augustinus ipsam superbiam quandam avaritiam vocat, & utrumque textum tam D. Pauli quàm Ecclesiastici sic concordat lib. 11. de Gen. ad litt. cap. 15. dicens: *Merito initium omnis peccati superbiam scriptura defini- vit, dicens: Initium omnis peccati Superbia.* Cui testimonio non incon- venienter aptatur etiam illud, quod Apostolus ait: *Radix omnium malorum*

est avaritia: Si avaritiam generalem intelligamus, qua quisque appetit amplius aliquid, quam oportet, propter excellentiam suam, & quendam propriæ rei amorem. Et lib. 3. de lib. arbit. cap. 17. ait: *Avaritia enim, quæ græcè φιλαργυρία dicitur, non in solo argento vel in nummis, unde magis nomen duxisse resonat, argento enim nummi vel mixto argento frequentius apud veteres fiebant: Sed in omnibus rebus, quæ immoderatè cupiuntur, intelligenda est, ubicunque omnino plus vult quisque quàm sat est.*

Probatur Quartò: Unum peccatum est causa finalis alterius, v. g. furtum respectu fornicationis, ergo. Confirm. idem exemplo David, qui ex adulterio commisit homicidium, Salomonis, qui ex amore mulierum excæcatus factus est idololatra. Probatur etiam idem de Avaritia 1. ad Tim. ult. *Qui volunt divites fieri, incidunt in tentationem, & in laqueum diaboli, & desideria multa & inutilia, quæ mergunt homines in interitum, & perditionem, radix enim omnium malorum est cupiditas.* Ubi Apostolus vocat avaritiam radicem omnium malorum ad similitudinem radicis arboris, quia per divitias acquirit homo facultatem perpetrandi plurima alia peccata. De Superbia idem etiam probatur Eccles. 7. *Initium omnis peccati Superbia.* Sicut enim cupiditas dicitur radix omnis peccati, quia præbet opportunitatem adimplendi omnia desideria mala, ita Superbia, quæ est inordinatus amor propriæ excellentiæ, & motivum, & finis omnium malorum, finis enim divitiarum acquirendarum est, ut homo per illas quandam singularem excellentiam præ reliquis habeat, & ideo ex hac parte ponitur Superbia initium omnis peccati.

Arguitur: Gignere sibi simile est proprium rei perfectæ, sed peccatum est quid imperfectum, ergo non potest esse causa alterius peccati. Respond. distin. min. Secundum esse malum & physicum ipsius, neg. secundum esse formale & morale, conc. & hoc modo non dico, unum



unum peccatum esse causam alterius, sed solum secundum esse physicum, in quo subiectatur malitia.

### QUÆSTIO TERTIA.

An & quomodo voluntas sit causa peccati?

I.  
Voluntas  
humana  
est causa  
peccati.

**D**iv. Dionysius negat quidem peccatum habere causam, sed intelligendus est in sensu aliorum Patrum & Doctorum idem affirmantium, nempe quod non habeat causam efficientem, sed solum deficientem. Et sic de fide est, quod voluntas creata sit causa peccati, nam ipsa est potentia libera indifferens ad bonum & malum; ipsa est subiecta regulis morum, & legi æternæ, à quibus deficere & declinare potest; ipsa deniq; est principium actuum humanorum, quibus bonitatem, vel malitiam tribuere debet, consequenter ipsa est causa peccati, nec de hac re est ullum dubium.

Difficultas est Primò in declarando modum, quo causat peccatum, de qua re expressè agit Scotus 2. d. 37. q. 1. ubi notat, quod sicut in peccato præsertim commissionis sunt duo, scilicet entitas positiva pro materiali, & privatio iustitiæ debitæ pro formali, ita voluntas creata potest dupliciter considerari, Primò, ut efficiens, & hoc modo est causa effectiva materialis peccati. Secundò ut deficiens, & hoc modo dicitur causa peccati pro formali.

Difficultas secunda est: An voluntas peccet in suis motibus primo primis, nam dari ejusmodi motus subitaneos, & indeliberatos motibus sensualitatis correspondentes, omnes supponunt ob naturalem connexionem istorum appetituum, secundum quam posita in sensu, prosecutione, vel fuga alicujus objecti, statim mediante cognitione intellectiva nihil adhuc advertente de bonitate, vel malitia morali objecti, suggeritur voluntati prosecutio, vel fuga ejusdem objecti. Pro quo

Notandum Primò: Motus subitaneos in voluntate insurgentes triplices esse: scilicet *Motum primò primum: Motum secundò primum: & Motum deliberatum.* *Motus primò primus* est, qui præcedit advertentiam rationis circa bonitatem, vel malitiam objecti. *Secundò primus* est, qui procedit ex aliqua advertentia, sed imperfecta, & semiplena, qualis est in homine semidormiente. *Motus deliberatus* est, qui procedit ex plena advertentia & perfecta deliberatione pro qualitate & conditione objecti, & circumstantiarum. Primus motus in S. Scriptura vocatur Suggestio: Secundus delectatio: Tertius consensus, ut ex D. Jacobo cap. 1. suæ Epistolæ colligitur, & supra ex D. Augustino deduxi, cum agerem, an concupiscentia sit ipsum peccatum originale. Primus motus tribuitur appetitui, & à Patribus assimilatur serpenti suggerenti esum ligni mulieri. Secundus tribuitur portioni inferiori animæ, quæ assimilatur mulieri suadenti viro malum, v.g. esum ligni vetiti. Tertius tribuitur portioni superiori, seu viro, per quem completum est peccatum. His præmissis

II.  
Motus voluntatis  
sunt triplices.

Notandum Secundò: Inter istos motus hunc esse ordinem inter potentias animæ. Primò enim sensus externus v. g. visus percipit objectum aliquod delectabile. Secundò: Inde transit ad phantasiam. Tertio: Appetitus sensitivus naturaliter id appetit. Quarto: Intellectus agens producit cum phantasmatis species intelligibiles istius objecti sub ea præcisè ratione, quæ delectabile est, & illud sic apprehensum proponit voluntati. Quintò: Voluntas ex nativa propensione, qua fertur ad bonum quodcunq; etiam delectabile, fertur in illud objectum ut sibi proponitur ab intellectu ante omnem advertentiam de malitia, aut prohibitione istius objecti, & hic sistunt motus illi primò primi, quæ nullo modo sunt peccata. Sextò: Offeritur & proponitur intellectui lex prohibi-

III.  
Ordo motuum subitaneorum.

(\*) Ffffff



prohibens delectationem illius ob-  
jecti, vel saltem dubium, aut peri-  
culum de tali prohibitione, & liqui-  
dem imperfectè & semiplenè tan-  
tum ei tali modo proponit intelle-  
ctus voluntati, & tunc voluntas fer-  
tur in objectum prohibitum per  
motus quosdam imperfectos, quos  
vocamus secundò primos, & hi sunt  
peccata venialia, si verò intellectus  
perfectè & plenè advertit legem  
prohibentem, aut periculum, aut  
dubium, tunc tenetur voluntas ces-  
sare à delectatione illius objecti, a-  
lioquin si in eo delectetur per mo-  
tus, quos vocamus deliberatos, pec-  
cat mortaliter, & sic finitur totus  
ordo, & processus potentiarum cir-  
ca motus illicitos.

IV.  
Voluntas  
creata est  
causa pec-  
cati.

**Dico Primò :** *Voluntas creata*  
*peccat deficiendo à regulis morum, qui-*  
*buis se conformare potest & debet.* Ita  
Scotus suprà, quod explicat & pro-  
bat his verbis: *Respectu*, inquit, *bu-*  
*jus privationis nulla est causa efficiens*  
*sed deficiens, voluntas enim, quæ est*  
*debitrix dando rectitudinem suo actui*  
*& non dat deficiendo peccat, hoc est*  
*ergo formaliter peccare, scilicet cau-*  
*sam hujusmodi liberam non dare debi-*  
*tam rectitudinem suo actui, quam tunc*  
*potest dare.* Hæc Scotus. Confir-  
matur, nam in artificialibus ille di-  
citur peccare in sua arte, qui deficit  
à regulis artis, & in naturalibus illud  
dicitur monstrum, quod deficit à fi-  
ne intento à natura, nec hujusmodi  
defectuum est assignabilis aliqua  
causa per se, sed tantum per acci-  
dens, & ut deficiens à regulis sibi  
præscriptis, ergo similiter in pro-  
posito.

**Probatur Secundò :** Ex D. Au-  
gust. 22. Civit. cap. 7. *Nemo, inquit,*  
*quæret efficientem causam malitiæ vo-*  
*luntatis, non enim est efficiens sed, defi-*  
*ciens, nec illa effectio, sed defectio est,*  
*deficere enim ab illo, quod summè est,*  
*ad id, quod minus est, hoc est incipere*  
*habere malam voluntatem, causas por-*  
*ro istarum defectuum, cum efficientes*  
*non sint, ut dixi, sed deficientes, velle*  
*invenire perinde est, ac si velit quis-*

*quam videre tenebras, vel audire si-*  
*lentium.* Hæc Augustinus

**Arguitur Primò :** Peccatum  
non procedit à causa ut bona est :  
tum, quia *arbor bona non potest fru-*  
*ctus malos facere.* Tum, quia nihil  
est causa sui oppositi, malum autem  
opponitur bono, ergo peccatum  
procedit à voluntate, quâ mala est :  
tunc sic : sed ratio mali est nihil, er-  
go à nihilo procedit peccatum. Re-  
spond. 1. Hoc argumentum jam du-  
dum D. Augustinum contra Mani-  
chæos solvisse lib. 3. de lib. arbit. cap.  
18. ubi postquam resolvisset, cupidi-  
tatem esse improbam voluntatem, &  
improbam voluntatem esse causam  
omnium malorum, tandem Mani-  
chæis finem non facientibus, sed  
quæ tandem ante voluntatem pote-  
rit esse causa voluntatis? Respond.  
*Aut igitur ipsa voluntas est prima cau-*  
*sa peccandi. Nec est cui rectè impu-*  
*tetur peccatum nisi peccanti. Non est*  
*ergo cui rectè imputetur nisi volenti.*  
*Sed nescio cur aliud te querere libeat.*  
*Deinde quæcunq; illa causa est volun-*  
*tatis, aut justa profecto est, aut injusta.*  
*Si justa, quisquis ei obtemperabit non*  
*peccabit. Si injusta, non ei obtemperet,*  
*& non peccabit.* Et sequenti capite  
infert, si aliqua causa peccati sit, cui  
voluntas non possit resistere, sine  
peccato ei ceditur, si autem potest non ei  
cedatur, & non peccabitur. Respond.  
2. Peccatum procedere à voluntate  
naturaliter quidem bona, sed in ge-  
nere moris indifferente ad bonum &  
malum, & secundum hoc apta nata  
causare peccatum & meritum, hoc  
efficiendo, illud verò deficiendo, ex  
quo neg. consequ. quia peccatum  
non procedit à voluntate, qua for-  
maliter mala est, nec etiam qua for-  
maliter bona, sed quia indifferens ad  
utrumque, seu qua defectibilis est,  
non qua formaliter defectuosa.

**Instatur :** Effectus defectuosus  
præsupponit causam defectuosam  
v. g. non potest esse defectus in mo-  
tu progressivo animalis, quin prius  
sit defectus in ipso principio motus,  
ergo peccatum per se loquendo  
prærequirit causam malam. Re-  
spond.



Respond. neg. antec. universaliter, sed sufficit, quod causa sit defectibilis: ad exemplum dico, aliter loquendum esse in causis naturalibus, aliter in liberis, quia causa naturalis agit secundum ultimum suum posse, & consequenter producit optimum effectum, quem potest, nisi prius contingat in ipsa aliquis actualis defectus: Econtra vero causa libera cum non agat secundum ultimum posse, adeoque non producit semper optimum, quem potest, hinc in ipsa non oportet aliquam causam effectus defectuosi quærere præter ipsius libertatem, indifferentiam, & defectibilitatem.

Arguitur Secundo: Contrarium contrariae sunt causae, ergo sicut omne bonum est à bono, ita omne malum ab aliquo malo quatale. Respond. antec. non esse universaliter verum, nam defacto omnia contraria sunt ab unica causa prima, & similiter à voluntate creata multi actus contrarii.

Instatur cum Manichæis, qui dicebant esse unum summum malum, à quo essent omnia mala, sicut unum summum bonum, à quo omnia bona, quod sic probabant: si datur unum contrarium, datur & aliud, ergo si datur summum bonum, à quo omnia bona, dabitur etiam summum malum, à quo omnia mala. Respond. summo bono nihil posse esse contrarium, quia nihil potest esse, quod ipsum destruat physicè & formaliter, unde neg. consequ.

Dico Secundo: *Implicat aliquos motus elicitos etiam primò primos produci à voluntate naturaliter, seu per modum naturæ.* Ita Scotus 4. d. 49. q. 10. Et in 2. dist. 23. ad secundum & quodl. 16. n. 13. §. de isto articulo ubi probat, repugnare voluntatem esse principium per modum naturæ, sicut & naturam esse principium liberum, quia istae sunt primae differentiae principij activi. Contra Almainum 3. Moral. cap. 24. Azorium tom. 1. lib. 4. Occamum in 3. Salas, & alios, qui docent ejusmodi motus esse naturales, & à voluntate,

non ut voluntas est, sed ut natura produci: Probatur ex Scoto sic conclusio Primò: Agere naturaliter, & agere liberè sunt differentiae oppositae principij activi, ergo sub nullo respectu possunt eidem principio convenire, alias nobis nullum superest principium distinguendi intellectum, aut appetitum sensitivum à voluntate, cum non aliter probeamus istas potentias distingui nisi ex diversis & oppositis modis agendi, naturaliter scilicet & liberè, ergo vel illa ratio non valet, vel certò illi duo modi agendi eidem voluntati nequebunt convenire.

Probatur Secundo: *Implicat voluntatem habere aliquem actum nisi ex aliquali objecti praevia cognitione*, sed omnis talis actus est voluntarius, ut patet ex definitione voluntarij, adeoque liber libertate essentiali, ergo. Maj. prob. Tum ex naturali subordinatione istarum potentiarum: Tum, quia secundum omnes *Nihil volitum, quin prae-cognitum*, ergo implicat dari aliquid volitum à voluntate, nisi quod est prae-cognitum ab intellectu, & per consequens verè voluntarium, adeoque liberum.

Arguitur in contra Primò: Pueri, amentes, & ebrii eliciunt motus aliquos voluntatis necessarios: Item constat nos distractos multa facere, ergo naturaliter & non liberè. Respond. Si tales operantur sine ulla prorsus cognitione intellectuali objecti, quod voluntas tunc nullo modo, vel necessariò, vel liberè operatur, sed solum imaginatio & appetitus, si autem praecedat cognitio objecti, tunc conformiter, ad talem cognitionem voluntas fertur in illud aliquomodo ex tribus dictis, adeoque liberè, si non deliberatè.

Instatur: Motus illi primò primi sequuntur naturaliter ad motus sensualitatis, sed hi naturaliter producantur, ergo & illi. Respond. cum Corduba neg. maj. Sed sequuntur in voluntate ex cognitione praevia intellectus proponentis objectum



jectum ut delectabile tantum, adeoque voluntarie sequuntur.

Urgetur: Si v. g. mulier violenter cognoscatur, necessario & naturaliter habet delectationem in voluntate sequentem ex delectatione appetitus, ergo. Respond. neg. simpliciter antec. Quia licet forte tunc causetur in voluntate aliqua passio necessario, non tamen aliquis actus, hæ tantum objectiones probant sequentem conclusionem videlicet quod tales motus primo primi non sint ullo modo peccata.

Arguitur Secundo: Motus illi primo primi sunt per omnia similes motibus sensualitatis, ergo sunt naturales non minus quam illi: prob. antec. Quia motus illi non sunt nisi imperfecte voluntarij, ut patet, nec in potestate voluntatis est eos reprimere, quia, ut dicit Augustinus: *Impossibile est, quin visis tangamur*, quod maxime intelligendum est de istis motibus. Denique non sunt moraliter mali, aut imputabiles, sed nihil plus convenit motibus sensualibus, ergo. Respond. neg. antec. Quia licet videantur prima facie per omnia similes, nec per rationem a priori facile sit ostendere, quod non sint naturales, tamen a posteriori optimè colligimus eos esse liberos, & in potestate voluntatis, Hoc modo: Per quod confirmabitur conclusio: Est proprium inseparabile cuilibet potentiae naturaliter agenti applicato sufficienter objecto, & non impedita potentia, non solum in primo instanti elicere circa illud necessario & naturaliter actum, sed etiam naturaliter & necessario continuare suum actum, quamdiu manet objectum sibi applicatum, & ipsa non impeditur, hoc est per se notum discurrenti per omnia, ergo per oppositum, quando videmus potentiam aliquam, quæ non sic naturaliter, aut necessario continuat suum actum circa objectum eodem modo sibi applicatum sicut antea, rectè inferimus illam potentiam etiam quoad primam productionem ejusmodi actus, non naturaliter se

habuisse, quia revera potentia necessario eliciens actum necessario continuat eundem, quamdiu manet ipsa eodem modo disposita, & objectum eodem modo applicatum: tunc sic, sed voluntas potest illos motus primo primos directè reprimere, seu non continuare, stante apprehensione objecti delectabilis, & ipsa manente eodem modo disposita, ut docet experientia, quia quando intellectus advertit malitiam in illo objecto delectabili, & proponit illud voluntati sub utroque respectu, tunc potest voluntas illud adhuc prosequi, & suos motus continuare, vel omnino fugere comprimendo motus primo primos præhabitos, ergo signum est ejusmodi motus primo primos liberè & non naturaliter elicitos fuisse.

Dico Tertio: *Isti motus primo primi, quamvis sint liberi, non tamen deliberati, adeoque nullo modo peccata.* Conclusio est certa, & fortè ad ejus mentem loquuntur Authores contrarium sentientes, supra relati, qui tantum videntur velle, quod isti motus non sint tam perfecte liberi, seu deliberati, ut sufficiant ad peccatum. Quidquid sit: Conclus. Probatur Primo: Quia ejusmodi motus, ut suppono, antecedunt omnem advertentiam intellectus de malitia morali, & lege prohibente, ergo non possunt dici moraliter mali. Secundo objecta talium motuum non aliter proponuntur, quam ut bona & delectabilia, nec adhuc consideratur in eis ulla honestas, aut malitia, ergo voluntas ea sic appetens nullatenus peccat.

VI.  
Motus primo primi non sunt peccata.

## QUESTIO QUARTA

*An voluntas creata possit peccare ex certa malitia?*

Subjungo hanc questionem superiori, ut ea, quæ de voluntate dicenda sint, in ordine combinationem, relicto motuum sensualium examine ad quæst. 6. & 7. Unde Notandum Primo: Voluntatem dupliciter

L.  
Voluntas dupliciter potest peccare ex malitia:



pliciter posse intelligi peccare ex certa malitia: Primo, volendo aliquid non ostensum sibi sub ratione boni veri, vel apparentis, aut nolendo aliquid non ostensum sub ratione mali veri, vel apparentis, seu, quod idem est, volendo malum, aut nolendo bonum quâ tale. Secundo modo intelligi potest, voluntatem ex certa malitia peccare, quando sine ullo errore ex parte intellectus, aut sine passione ex parte appetitus, merita sua sponte fertur in aliquod bonum commodum, vel delectabile, cui annexa est malitia moralis v. g. ad vindictam, vel ad prohibita comedendum, ita quod nullum sit motivum ex parte objecti, vel intellectus, aut appetitus trahense eam ad operandum circa illud, sed solum mera libertas, & malitia ipsius voluntatis, & de utroque sensu procedit difficultas quaestionis, maior tamen est de primo, quàm de secundo, nam quoniam illa peccata, quæ fiunt ex certa malitia, communiter dicantur peccatum in Spiritum Sanctum.

Notandum Secundo: Ex S. Augustino serm. II. de Verb. Domini cap. 4. Quod nonnullis videatur eos tantummodo peccare in Spiritum Sanctum, qui lavacro regenerationis abluti in Ecclesia, & accepto Spiritu Sancto, velut tanto postea dono Salvatoris ingrati, mortifero aliquo peccato se immerferint: qualia sunt adulteria, homicidia, vel ipsa discessio, si ve omnimodo à nomine Christiano, si ve à catholica Ecclesia. Sed iste sensus unde probari possit, ignoro: cum & poenitentiae quorumque criminum locus in Ecclesia non negetur, & ipsos hereticos ad hoc utique corripiendos dicat Apostolus: Ne forte det illis DEUS poenitentiam ad cognoscendam veritatem, & resipiscant à diaboli laqueis, à quo captivi tenentur secundum ipsius voluntatem.

II. Notandum Tertio: Ex eodem quod impoenitentia propriè dicatur blasphemia, & peccatum in Spiritum Sanctum, & quæ ad illam reducuntur, ut sunt Præsumptio, Despe-

ratio, Obstinatio &c. nam in eodem serm. supra citato cap. 12. ubi ait: Ipsa ergo impoenitentia est Spiritus blasphemia --- Hæc ergo impoenitentia, sic enim uno aliquo nomine possumus utcumq; appellare & blasphemiam, & verbum contra Spiritum Sanctum, quod remissionem non habet in æternum: hæc, inquam, impoenitentia, contra quam clamabant & præco, & iudex dicentes: Poenitentiam agite, appropinquavit enim regnum celorum: contra quam Dominus os Evangelicæ prædicationis aperuit, & contra quam ipsum Evangelium in toto orbe prædicandum esse prædixit.

Notandum Quarto: Ex eodem & ex Theologis communiter: Peccata in Spiritum S. non idè dicitur, eo quod actualiter tendant in illam personam divinam; non tendendo saltem virtualiter in Patrem & Filium, sicut fieri potest, nam potest fieri aversio ab una persona absque eo, quod fiat formaliter ab alia aversio, quemadmodum Ariani Patrem credebant DEUM, & negabant DEUM esse Filium, sed dicebant esse primam creaturam; nihilominus quando offenditur una persona, virtualiter offenditur etiam altera; sed peccata in Spiritum S. dicuntur non propriè, sed appropriatè; quia Spiritui Sancto attribuitur donum charitas & bonitas, quemadmodum peccata ex infirmitate commissa appropriatè tribuuntur Patri; cui attribuitur potentia, peccata ex ignorantia filio; qui est natum Verbum & æterna Sapientia; unde dicit Augustinus citatus: In Patre auctoritas; in Filio natiuitas; Verbum & Sapientia; in Spiritu S. Patris Filijque communitas, in tribus equalitas --- Contra hoc donum gratuitum, contra istam DEI gratiam loquitur cor impoenitens. His prænotatis

Dico Primo: Loquendo in secundo sensu potest voluntas peccare ex certa malitia. Est communis, & Scoti 2. d. 43. q. 2. Probatur Job 34. Quasi de industria recesserunt ab eo, sed sic recedere est ex certa malitia recedere; ergo. Hoc etiam experientia (\*) Ffffff

III. Peccatum in Spiritum S. appropriatè dicitur, quia tendit in personam divinam.

IV. Voluntas peccare potest ex malitia sine ullo errore præ-



scientia docet, quā videmus multos sine errore intellectus, aut passione appetitus, saltem vehementi, relicto bono honesto & incommutabili adherere bono commodo & delectabili. Ratio à priori hujus est, quia, ut sæpè ostensum, voluntas adeò libera est, ut non necessitetur ab ullo extrinseco vel ad bonum, vel ad malum, in quo apparet ratio aliqua boni commodi, & consequenter potest ferri ex sua libertate ad bonum commodum, esto habeat annexam aliquam malitiam moralem.

V.  
Voluntas  
non potest  
malum vel-  
le, & bo-  
num nolle  
quale.

Dico Secundò: *Voluntas non potest peccare volendo malum, quā malum, aut nolendo bonum quā tale.* Hæc videtur communis, & licet in ea videatur Scotus problematicus, præsertim in 1. d. 1. q. 4. §. ad argumenta, & in 2. d. 6. q. 2. n. 13. nihilominus in 4. d. 49. q. 10. n. 8. & 9. resolvit se dicens: *Sicut circa malum ostensum non possum elicere actum nisi nolle, sic circa bonum oblatum, non possum elicere actum voluntatis nisi velle.* Et paulò infra Respond. *Quod à voluntate excluditur actus volitionis respectu miserie, & actus nolitionis respectu beatitudinis, quia miseria non est nata esse objectum volitionis, nec beatitudo objectum nolitionis.* Hæc Scotus. Probatur Conclusio Primò: Nihil est appetendum & fugiendum sub eadem ratione, sed bonum quātale est appetendum, ergo quātale non est fugiendum. Secundò: Actus toto genere diversi sumunt suam distinctionem saltem à posteriori per ordinem ad objecta specie, vel genere diversa, vel saltem ex diverso modo tendendi in idem objectum, sed actus volitionis & nolitionis sunt distincti etiam genere, tunc sic, sed non distinguuntur secundum diversum modum tendendi, ut patet, quia uterq; actus liberè & contingenter tendit, ergo distinguuntur per ordinem ad objecta ex suo genere distincta, sed talia sunt bonum & malum, ergo objectum volitionis est bonum tantum, & nolitionis malum tantum, alioquin non apparet unde de-

sumenda sit distinctio generica, aut specifica istorum actuum.

Arguitur Primò: Dammati odiunt DEUM juxta illud: *Superbia eorum, qui te oderunt, ascendit semper*, sed in DEO nulla est ratio mali, ergo odiunt DEUM, quā bonus est. Respond. cum Scoto in 2. d. 6. q. 2. Dammatos non odire DEUM, quantum ipsum in se, sed in quantum illis infligit pœnam, & ita vellent justitiam ejus vindicativam, ut punientem illos, non esse, non tamen volunt, aut possunt DEUM in se aut ejus justitiam non esse.

Instatur: Dammati appetunt sui non esse, sed non esse est simpliciter malum, ergo appetunt malum sub ratione mali. Respond. transeat maj. & distin. min. non esse est malum, si considerentur secundum suam naturam absolute, concedo, si considerentur respectu damnatorum, ut subsunt istis pœnis, nego; esset enim illius melius non esse, quàm sic in tormentis esse, & licet utrumq; in se sit malum, respectivè tamen minus malum est non esse, quàm sic esse, minus autem malum comparatione majoris inducit quodammodò rationem boni, & eligibilis secundum illud Evangelij: *Bonum erat ei, si natus non fuisset.*

Arguitur Secundò: Datur peccatum in Spiritum S. secundum omnes, sed hoc non potest esse aliud, quàm odium DEI quātale, ergo datur peccatum ex certa malitia in primo sensu. Probatur min. Peccatum in Spiritum S. est omnium maximum, & consequenter directè oppositum actui perfectissimo tendendi in DEUM, scilicet amor, ergo peccatum in Spiritum S. erit odium DEI. Occasione hujus objectionis

Dico Tertiò: *Peccatum in Spiritum Sanctum, ut sumitur in Evangelio, non est quodvis peccatum ex certa malitia, sed debet esse actus oppositus actui perfectissimo in DEUM conversivo, scilicet amor DEI (si ejus odium sit possibile) vel saltem spei, & ita peccatum in Spiritum S. proprie est desperatio, seu impœnitentia finalis.*

VI.  
Peccatum  
in Spiritum  
S. quod sit,  
declaratur



lis. Ita D. August. supra in prænотatis, tum in exposit. in ep. ad Rom. inchoata versus finem, ubi recensitis gravissimis peccatis etiam in Spiritum S. tandem concludit: *Quid aliud restat, nisi ut peccatum in Spiritum Sanctum, quod neq. in hoc seculo, neq. in futuro dimitti Dominus dicit, nullum intelligamus, nisi perseverantiam in nequitia & malignitate, cum desperatione indulgentiae DEI? Hoc est enim gratiae illius & paci resistere.* Similiter Scotus ubi supra. Declaratur, simul, & probatur conclusio Secundò: Quod non quodvis peccatum ex certa malitia, propriè loquendo sit peccatum in Spiritum S. Probatur: Quia hoc peccatum debet esse gravissimum, nam Matth. 12. dicitur: *Qui autem dixerit contra Spiritum Sanctum, non remittetur ei, neq. in hoc seculo, neq. in futuro, sed non omne peccatum ex certa malitia est gravissimum, nec adeo irremissibile, cum multa talia sint contra praecepta secundae tabulae tantum.* Ex quo patet, quod peccatum in Spiritum Sanctum, ut hic sumitur, debeat esse contra praeceptum aliquod primae tabulae, quia tunc solum actualiter & formaliter avertitur ab ultimo fine, nec adhuc esse peccatum contra praecepta primae tabulae est in Spiritum S. quia ut sit gravissimum, debet opponi actui perfectissimo in DEUM conversivo, & sic cum dilectio DEI sit perfectissimus actus, odium DEI (si sit possibile) erit maximum peccatum, sed non credo, inquit Scotus, quod actus caritatis habet oppositum actum contrarium, quia DEUS non potest odiri, cum ergo post dilectionem DEI actus perfectissimus, quo voluntas tendit in DEUM, sit actus spei, hinc actus huic oppositus scilicet desperatio, seu obstinatio in malo cum proposito non poenitendi, erit propriissimè peccatum in Spiritum S. & in hoc peccatum secundum Augustin. de fide ad Petrum pessimi homines incidunt, ut Cain, qui dixit major est iniquitas mea, quam ut veniam merear, & Judas, qui, ut ait Augustinus desperans facilius cu-

currit ad laqueum, quam humiliatus veniam peteret, per haec patet ad ultimam objectionem praecedentis conclusionis, neg. min. ad prob. dico: Si odium DEI esset possibile illud fore ex certa malitia in primo sensu, sed nego illud esse possibile.

Arguitur contra suppositum conclusionis: Peccatum in Spiritum S. dicitur irremissibile etiam in hac vita, sed nullum est peccatum in hac vita irremissibile, ut docetur fusè in materia de poenitentia, ergò non datur peccatum in Spiritum S. Respond. cum communi, peccatum in Spiritum S. non dici simpliciter, & absolute irremissibile in hac vita, ut patet ex verbis Augustini adductis, sed dicitur praeter ceteris peccatis irremissibile, quia ceteris difficilius remittitur, eò quod directe opponatur principio remissionis, scilicet divinae misericordiae, & bonitati, quia talis desperat de misericordia, & proinde quamdiu manet in desperatione, peccatum est irremissibile, & sic sibi debet id imputare, quia si vellet credere, sperare & respicere, janua misericordiae est semper illa aperta.

Dico Quarto: *Peccatum ex ignorantia ceteris paribus levius est peccato ex passione, & utroque gravius est peccatum ex malitia.* VI.  
Peccatum ex malitia gravius est quam illud quod fit ex passione vel ignorantia. Est communis. Probatur Primò: Ex D. Gregorio & habetur de poenitentia dist. 2. cap. sciendum. Peccatum, inquit, tribus modis admittitur, ignorantia, infirmitate, & studio, & gravius quidem infirmitate quam ignorantia, sed multò gravius studio, quam infirmitate peccatur. Probatur Secundò: Ubi est minus de voluntario & contemptu ibi ceteris paribus levius est peccatum, sed in peccato ex ignorantia minus est de voluntario, & contemptu, quam in alijs, ergò: maj. patet. min. Probatur quia Lucae 12. *Servus, qui cognovit voluntatem Domini, & facit digna plagis, vapulabit paucis, cujus causa subditur, quia cui multum datum est, scilicet de cognitione, multum quaeritur ab eo.* Ubi fundatur regula



regula S. Augustini, quod scilicet minora sunt peccata ignorantium, quam scientium, Unde secundum eundem avarus fidelis, cæteris paribus, peior est hæretico ignorante. Dixi in conclusione *cæteris paribus*, quia plerumque passio, seu infirmitas, v. g. concupiscentia vel ira, adeo vehemens est, ut perturbet rationis iudicium, & tunc certum est, quod peccatum sic commissum levius sit, quam si ex sola ignorantia, vel sola passione committeretur. Per hæc patet, peccatum ex malitia esse cæteris gravius, quia magis habet de voluntario.

Arguitur Primò: Passio iræ vel concupiscentiæ plus minuit de voluntario, quam ignorantia, ergo est levius peccatum, consequ. patet. antec. probatur: Quia passio perturbat iudicium intellectus eum divertendo à consideratione honesti, ad considerationem utilis vel delectabilis, & etiam tollit indifferentiam voluntatis in operando, eam inclinando ad proprium objectum, ignorantia autem solum privat iudicio rationis, ergo. Respond. neg. antec. Per se loquendo, & cæteris paribus: ad prob. dico, quod tunc non solum concurrit passio, sed etiam ignorantia, propter quam maximè excusatur actus malus secutus.

Arguitur Secundò: Majori ignorantia laborat, qui ex certa malitia peccat, quam qui ex infirmitate, ergo minus peccat: consequ. patet. antec. probatur: Quia peccans ex certa malitia patitur ignorantiam principii, habet enim malam estimationem de fine, qui est principium operationis, ex 3. & 6. Ethic. talis autem ignorantia est omnium maxima, ut patet, ergo. Respond. neg. antec. loquendo de ignorantia speculativa, licet benè verum sit de ignorantia pravæ electionis, quæ scilicet vult quis ex proposito ignorare finem, & media, ut liberiùs peccet, sed hæc non excusat, sed potius aggravat. Per idem patet ad probat. antec. Ex his infertur pecca-

catum ex malitia esse periculosius secundum se, quam ex passione, vel ignorantia, quia qui ex malitia peccat, est magis corruptus, difficiliusque sanatur, nam talis sine ullo extrinseco impellente elegit malum, non sic peccans ex passione, vel ignorantia, & hinc difficilius sanatur, quia maximum medicamentum, & principium medendi est recta ratio, quam ex malitia peccans non admittit propter corruptionem sui appetitus circa principia practica, sicut in corporalibus difficilius sanatur qui medicinam corporalem cognitam, nulla alia passione ductus, omnino non vult admittere, quam qui ex ignorantia medicinæ, aut ex alia passione eam ad tempus non admittit, & hinc 2. Ethic. peccans ex malitia comparatur hydropico vel physico, qui scilicet continua ægitudine laborat, incontinens verò seu ex passione peccans comparatur Epyleptico, qui solum certis temporibus infirmatur.

## QUÆSTIO QUINTA.

*An tam in portione superiori quam inferiori possit esse peccatum?*

Quoniam portio tam inferior quam superior hominis spectat non solum ad unam potentiam animæ, v. g. vel ad intellectum, vel voluntatem, sed secundum D. Augustinum, & Scotum mox citandos, simul ad intellectum, memoriam, & voluntatem, ita ut in qualibet potentia possit distingui utraq; portio, nempe solâ ratione distincta, hinc dum ago de voluntate tanquam causa peccati, etiam opus est quærere, an in utraq; portione possit esse peccatum, seu an utraq; portio tam venialiter, quam mortaliter possit peccare? in qua materia diversificant Authores, secundum quod diversimodè accipiunt portionem superiorem & inferiorem, ego ut rem absq; æquivocatione resolvam, conformiter ad dicta in materia de Incarnatione, censeo

VII.  
Peccatum  
ex malitia  
valde peri-  
culosum.

I.  
Portio su-  
perior &  
inferior  
communes  
sunt po-  
tentia, &

Præno-



II.  
Homo ali-  
us interior  
alius exte-  
rior.

**Prænotandum Primò :** Homi-  
nem à Patribus secundum esse mo-  
rale, & etiam physicum dividi in *In-*  
*teriolem*, & *Exteriolem*, seu in Car-  
nem & Spiritum, desumpta ab Apo-  
stolo ad Rom 7. & 1. Corinth. 4. ho-  
mo *Exterior*, & carnalis dicitur pars  
sensitiva, quæ communis est cum  
brutis. *Interior* verò, & spiritualis  
dicitur pars rationis animæ, quæ  
communis est cum Angelis.

III.  
Duplex  
portio in  
homine.

**Notandum Secundò :** Partem  
rationalem dividi ab Augustino 12.  
Trin. per totum in Rationem, seu  
*Portionem superiorem* & *inferiorem*,  
à quo eam desumpserunt reliqui  
Theologi, quam optimè explicat  
Scotus 2. d. 24. per *Rationem*, seu  
*Portionem superiorem* intelligens  
tam intellectum, quam memoriam,  
quam etiam voluntatem, ut respi-  
ciunt & cognoscunt regulas æter-  
nas, id est, prima principia practica  
dirigentia ad operandum circa finem  
ultimum amandum, sperandum, &  
in eum credendum, quæ principia  
desumpta sunt ab ipso ultimo fine,  
cujus participatione reliqua sunt  
bona: *Ratio* verò, vel *Portio infe-*  
*rior animæ* comprehendit eundem  
intellectum, memoriam, & volun-  
tatem, non solum ut respiciunt tem-  
poralia in ordine ad temporale com-  
modum, vel utilitatem, sed etiam ut  
respiciunt media ordinata ad finem  
ultimum, & conclusiones deductas  
ex primis illis regulis æternis, ex  
quibus proximè, vel remotè, per  
portionem inferiorem deducitur in  
qualibet re particulari quid prose-  
quendum vel fugiendum sit in gene-  
re moris. Secundum verò Augu-  
stin. *Portio Superior* est ea animæ  
pars, quæ respicit immediatè finem  
ultimum, & prima principia imme-  
diatè deducta ab eo. *Pars verò in-*  
*ferior* est illa animæ pars, quæ re-  
spicit temporalia tanquam media  
ordinata ad ista prima principia, seu  
tanquam conclusiones ex illis pro-  
ximè vel remotè deducendas. Un-  
de superior circa virtutes theologi-  
cas, inferior verò circa virtutes mo-

IV.  
Portio su-  
perior &  
inferior de-  
claratur.

rales versatur. Quibus præmissis  
ad quaestionem resolvitur

**Dico :** *Tam in superiori, quam*  
*inferiori portione animæ invenitur*  
*tam mortale, quam veniale peccatum.*  
Probatur Primò: Peccatum hære-  
sis, desperationis, odij DEI, & o-  
missiones actuum virtutum theolo-  
gicarum sunt in portione superiori,  
quia contra finem ultimum, & con-  
tra principia practica, in his etiam  
potest contingere peccatum venia-  
le, ut levis dubietas in fide, leve odi-  
um proximi, & similia, ergo in por-  
tione superiori potest contingere  
tam mortale, quam veniale pecca-  
tum. Similiter in portione inferio-  
ri contingunt peccata contra virtu-  
tes morales, quæ possunt esse venia-  
lia, vel mortalia juxta naturam actus  
& objecti. Probatur Secundò: In  
utraq; portione inveniuntur lex &  
præceptum, ratione meriti & demer-  
iti, & utraq; premiatur, vel puni-  
tur, ergo in utraq; potest esse ratio  
peccati tam venialis, quam mortalis.  
Sed in contra

V.  
Portione  
in superiori  
quam  
inferiori  
invenitur  
peccatum

**Arguitur Primò :** Peccatum  
mortale dicit aversionem à DEO fine  
supernaturali, ergo in sola ratione  
superiori, cujus solius est DEUM sic  
contemplari, potest esse peccatum  
mortale tantum, & per consequens  
in inferiori portione non nisi venia-  
le subjeatur. Respond. neg. con-  
sequ. quia etiam veniale suo modo  
est aversio à fine supernaturali, &  
sic habet locum in portione superio-  
ri, deinde etiam per peccata oppo-  
sita virtutibus moralibus, quæ spe-  
ctant ad portionem inferiorem, aver-  
timur virtualiter, & indirectè à fine  
supernaturali.

**Arguitur Secundò :** Non po-  
test esse peccatum in ratione, seu  
portione inferiori nulla facta con-  
sideratione in portione superiori, ut  
docent communiter Doctores, si-  
cut non potest quis defacto peccare  
contra finem naturalem, quin hoc  
ipso peccet contra supernaturalem,  
ergo videtur, quod tota ratio pec-  
cati sit in portione superiori, non in-  
feriori. Respond. quamvis ut por-

(\*) Gggggg



tio inferior peccet requiratur, quod superior præostendat regulas æternas, quibus inferior se conformare debet, & per hoc prima radix, & fundamentum virtutis ac vitij sit in portione superiori, nihilominus quia ostensis regulis æternis per superiorem potest inferior deviare in ordinando media ad regulas illas æternas, seu inferendo conclusiones ex illis circa materiam virtutum moralium, hinc in ipsa portione inferiori potest verè & propriè esse peccatum.

### QUÆSTIO SEXTA.

*An motus sensuales sint causa peccati, vel peccata, & qua ratione?*

I. Sensuales dupliciter considerari possunt.

**L**utherus, & Calvinus, ut supra visum est de peccato originali, sicut docent ipsam sensualitatem, seu concupiscentiam innatam esse peccatum originale, ita docent, omnes actus & motus ex ea secutos esse peccata actualia, quem errorem cum alijs rejeci supra. Cajetanus, ut in priori tractatu visum est, sicut docet 1. 2. q. 74. q. 4. in sensualitate, non solum ut subest voluntati, sed etiam secundum se esse sufficientem libertatem ad venialia peccata, ita affirmat motus sensualitatis etiam prævenientes rationem, esse veniales culpas, non tamen mortales. Similem verò sententiam attribuit Lorca Magistro sententiarum 2. dist. 21. & 24. quasi cum aliquibus antiquioribus diceret in motu sensuali, ut antecedit rationem, & consensum voluntatis, esse illecebram peccati, & peccatum veniale, sed falsò in hac parte citatur Magister. Pro quo

Notandum Primò: Motus sensualitatis in homine dupliciter considerari posse, Primò ut præcedunt omnem actum, & imperium voluntatis, An videlicet in sensualitate ante omnem consensum voluntatis sit peccatum? secundo prout subordinatur voluntati, & in utroq; sensu examinanda est quæstio.

Notandum Secundò: In anima hominis triplicem esse motum, scilicet *Naturalem, Sensualem, & Rationalem*: *Naturalis* est, qui ab ipsa causatur dispositione naturalium qualitatum, quibus disponuntur potentiae animæ ad suas functiones exercendas, & super hunc motum non habet voluntas directè imperium, cum sit naturalis, & ad actiones naturalium agentium sequens. *Motus sensualis* est, qui secundum impulsum carnis tendit impetuosè in sensibilia præter ordinem rationis, tam præveniendò, & quandoq; causatur ex illo motu naturali, de quo jam supra, quandoque & plurimum ex imaginatione, vel apprehensione objecti delectabilis. *Motus rationalis* est actus, seu consensus appetitus rationalis scilicet voluntatis sequentis judicium rationis. Et de hac postea agam, de appetitu illo naturali non est magna difficultas, cum constet, illum directè non subesse imperio voluntatis, quæritur ergò de motu illo sensuali, an secundum se, & ut prævenit rationem, sit peccatum, pro quo

II. Motus duplex in anima.

Notandum Tertiò: Eiusmodi motus sensualitatis à varijs principijs causari posse. Primò possunt esse à causis naturalibus, puta ex nimio calore, abundantia cibi, lectione, auditione, vel contactu objectorum provocantium ad delectationem, iram, vel similem passionem. Secundò causantur ab imaginatione, nam ad fortem imaginationem commoventur humores, & Spiritus vitales, ex qua communiter sequuntur in appetitu motus sensualitatis, & exinde in voluntate, nisi ratio benè vigilet, & voluntas formaliter resistat, solent similes motus causari. Tertiò: Possunt causari ab ipsa voluntate excitante & imperante appetitui similes motus, volendo v. g. excitare suas vires corporales ad fortiter dimicandum. Quartò: Plerumque causantur à dæmone, & hoc vel immediatè excitando tales motus, eo modo, quo aliæ causæ naturales, ut fecit in Paulo, in quo excitavit

III. Motus sensuales ex varijs originibus causantur.



citavit vehementem carnis stimulum, vel mediatè repræsentando alicui lectionem, vel aliquod objectum visum, vel auditum, unde tales motus sequuntur.

IV. Diferentia difficile est inter motus appetitus sensitivi & voluntatis.

Notandum Quarto: Difficile esse aliquando discernere inter motus istos sensualitatis in appetitu sensitivo, & motus voluntatis eis correspondentes, quia sicut sæpè non possumus discernere inter actus intellectus, & phantasie, nisi quando experimur nos formaliter discurre, ita difficulter possumus distinguere inter motus sensualitatis, & voluntatis, nisi quando experimur actus contrarios, v. g. quando sensualitas refugit abstinenciam, vel martyrium, & voluntas econtra acceptat.

V. Deliberatio est triplex.

Notandum Quinto: Deliberationem tanquam actum intellectus aliam esse *Formalem*, aliam *Interpretativam*, aliam esse *Plenam*, aliam *Semiplenam*. Illa est cum clarè, distinctè, & completè dictatur de objecto prosequendo, vel fugiendo, cum suis circumstantiis. *Semiplena* per oppositum est, quando non ita clarè & distinctè dictatur de objecto prosequendo vel fugiendo, quod tunc contingit, quando intellectus proponit objectum utile, vel delectabile prosequendum, vel oppositum vitandum, simul advertendo de turpitudine vel honestate, sed itatenus, ut voluntas non satis arceatur à prosecutione turpitudinis, ut patet de semidormiente.

VI. Consensus voluntatis triplex quoque est.

Notandum Sexto: Consensus voluntatis esse triplicem, *Formalem*, *Virtualem*, & *Interpretativum*. *Formalis* est, quando per volitionem directam tendit in appetibile ipsum volendo, sive actu efficaci, sive tantum per simplicem complacentiam. *Virtualis* est, quando voluntas fertur in causam per se talis motus, ut cum vult audire vel aspicere, aut cogitare aliquid, unde oritur motus v. g. iræ, vel libidinis. *Interpretativus consensus* est libera & aliquo modo deliberata permissio illius actus, quem intellectus adver-

tit, vel advertere debuit vitandum, & voluntas impedire poterat, & non impedivit, v. g. habens tempus sufficiens & deliberandi facultatem, an liceat vesci carnibus tali die, & tamen omittit inquirere, cum posset, & sic cum tali ignorantia culpabili comedit, is interpretativè deliberat, & consentit in malum, quamvis nesciat, se malè agere, dummodo adverterit periculum, vel dubium de peccato committendo.

VII. Consensus actus dicitur esse ad mortale, alius ad veniale.

Notandum Septimo: Seu potius supponendum cum communi deliberationem, vel consensum sufficientem ad veniale non sufficere semper ad mortale. Ratio est, quia in reliquis omnibus, quæ concurrunt circa actum, parvitas reddit ipsum levem, ergo similiter potest dari adeo parva deliberatio vel consensus, qui licet sufficiat ad levem & venialem culpam, non tamen ad mortalem. His positis, ut ad principalia quæ sita deveniam, certum est, motus sensualitatis circa materiam illicitam, ut subsunt imperio voluntatis, & ut sunt plenè vel semiplenè, perfectè vel imperfectè deliberati esse proportionaliter peccata mortalia, vel venialia.

VIII. Motus sensualitatis sive excitentur à demone, sive ab alijs quibuscunque causis naturalibus secundum se, & ut antecedunt omnem consensum voluntatis etiam circa rem aliàs turpem & illicitam, nullo modo sunt peccata. Ita Scotus 2. d. 42. in solutione tertiæ quæst. ad 1. argum. Richard. d. 24. q. 1. Almainus tract. 3. moral. Angelus in moral. cap. 6. Corduba lib. 4. q. 23. & alij. Probatur Primo: ad Rom. 6. Non regnet in corpore vestro mortale peccatum, ut obediat concupiscentiis ejus, ubi non vult Apostolus, quod concupiscentia non sit ullo modo in corpore, cum hoc sit pro hoc statu impossibile, sed quod non regnet, quod sit, cum voluntas non obedit, aut consentit motibus concupiscentiæ, unde Augustin. 1. Civit. cap. 25. Si, inquit, concupiscentialis inobedientia, quæ adhuc in membris moribundis

Dico Primo: *Motus sensualitatis sive excitentur à demone, sive ab alijs quibuscunque causis naturalibus secundum se, & ut antecedunt omnem consensum voluntatis etiam circa rem aliàs turpem & illicitam, nullo modo sunt peccata.* Ita Scotus 2. d. 42. in solutione tertiæ quæst. ad 1. argum. Richard. d. 24. q. 1. Almainus tract. 3. moral. Angelus in moral. cap. 6. Corduba lib. 4. q. 23. & alij. Probatur Primo: ad Rom. 6. Non regnet in corpore vestro mortale peccatum, ut obediat concupiscentiis ejus, ubi non vult Apostolus, quod concupiscentia non sit ullo modo in corpore, cum hoc sit pro hoc statu impossibile, sed quod non regnet, quod sit, cum voluntas non obedit, aut consentit motibus concupiscentiæ, unde Augustin. 1. Civit. cap. 25. Si, inquit, concupiscentialis inobedientia, quæ adhuc in membris moribundis (\*) Gggggg habi-



habitat præter nostræ voluntatis legem, quasi lege sua movetur, quanto magis est absque culpa in corpore non consentientis, si absque culpa est in corpore dormientis. Secundo Probatur ad Rom. 7. & 8. *Mente servio Legi DEI, & carne legi peccati*, ergo datur motus carnis, cui mens non consentit, & consequenter qui non sit peccatum; unde Trident. decreto de peccato originali definit concupiscentiam non nocere non consentientibus.

Probatur Tertiò: Ex Ecclesiast. 18. *Nè post concupiscentias tuas eas.* Ubi Augustin. 5. contra Julian. cap. 3. ait: *Aliud est habere mala desideria cordis, aliud tradi eis, utique ut consentiendo eis possideatur ab eis, quod fit, cum divino iudicio traditur eis. Alioquin frustra dictum est: Post concupiscentias tuas non eas, si jam quisque reus est, quod tumultuantes & ad mala trahere nitentes sentite eas nec eas sequitur, si non eis traditur; exercens adversus eas gloriosa certamina, si ut vit in gratia, qui plura hujus S. Doctoris, loca desiderat, videat dicta in superiori tractatu de actibus humanis.*

Probatur ratione Quartò: Quia non est in nostra potestate prævenire omnes motus appetitus, cum ad hoc requiratur, quod homo semper actu vigilet, nè insurgant tales motus, quod moraliter in mundanis præsertim, est impossibile, cum tot negotia & occupationes vitæ humanæ id non permittant, lex autem DEI cum sit suavis, non obligat ad impossibile, vel nimis difficile, ergo &c.

Per hæc sufficienter impugnantur omnes sententiæ supra relatæ, sed specialiter adhuc impugnantur. Cajet. Primò: Quia falsè & periculose ponit in appetitu sensitivo aliquam libertatem propriam. Secundo: Quia si sit libertas sufficiens ad veniale, cur etiam non sufficiat ad mortale. Tertiò: Appetitus sensitivus est potentia naturalis secundum omnes, ergo nullo modo intrinsecè libera, cum oppositi agendi

modi eidem potentia convenire nequeant.

Dico Secundo: *Motus sensualitatis circa materiam illicitam, ut imputentur ad peccatum sufficit quicunque consensus ex parte voluntatis sive formalis, sive virtualis, sive interpretativus, ad hunc tamen requiritur ad minus quod præcesserit in intellectu cogitatio malitiæ in opere, vel ejus periculum, aut dubium.* Quod sufficiat quivis consensus ex tribus prædictis omnes concedunt, de formali & virtuali res est evidens, quia ad rationem peccati sufficit, quod actus malus sit formaliter, vel virtualiter voluntarius. Quod autem sufficiat consensus interpretativus, seu libera, & culpabilis ommissio operis boni, patet, quia sicut voluntas est debitor legi servandæ, ita tenetur applicare media ad id necessaria, & remove impedimenta, cujusmodi sunt motus sensualitatis circa materiam illicitam, ergo culpabiliter, omittens reprimere istos motus, etiam si formaliter, aut virtualiter non consentiat, peccat, alias si requireretur consensus positivus, vix posset dignosci, quando peccaretur mortaliter, vel venialiter per illos motus.

Ultima pars conclusionis, scilicet ad consensum interpretativum culpabilem prærequiri cogitationem malitiæ operis, vel periculi, aut dubii, est communis, & probatur Primò: Quia nulla ommissio aut inconsideratio imputatur voluntati ad culpam, nisi quæ est aliquomodo in ejus libera potestate, sed non est in potestate liberi arbitrii sine actuali cognitione præsentis, vel præcedenti excitare intellectum ad aliqujus objecti considerationem, ergo. Probatur Secundo: Quia superat humanam diligentiam expellere ignorantiam, vel inadvertentiam malitiæ, cujus nulla ei incidit cogitatio, ergo nulli culpæ imputari debet. Tertiò: Quia Confessarius doctus satisfacet suo officio, si poenitens dicit, se omisisse jejunium, sed si addit, nullam ei cognitionem vel

IX.  
Consensus  
omnis suffi-  
ciat ut mo-  
tus sensua-  
les suspen-  
dantur.

vel mentionem jejunii in mentem venisse, si tunc judicet poenitentem nullo modo peccasse, rectè judicat, nec debet ei pro hoc ullam poenitentiam injungere, ergò signum est prærequiri aliquam cognitionem de objecto.

Arguitur Primò: Contra ultimam partem: sequeretur ex conclusione excusari homines ab innumeris peccatis externis, ut si quis subito alteri impingit alapam, non advertens actualiter de malitia. Respond. cum Corduba, si contingat, ejusmodi actus externos, vel etiam internos elici sine præsenti, vel præcedenti aliqua actuali cognitione malitiæ, concedo tales actus nullo modo esse peccata, quod tamen vix aut rarò contingit.

Dices: Ex hoc sequeretur, nullam dari inadvertentiam culpabilem, quia si requiritur actualis advertentia ad peccatum, sequitur, quòd omnis inadvertentia excuset à peccato. Respond. neg. sequelam, Quia tunc datur culpabilis inadvertentia, quando advertis periculum, vel dubium de peccato, & ulterius de hoc non requiris, sed prosequeris opus.

Arguitur Secundo: Sequeretur, nullum peccare sine actuali remorsu conscientiæ, cum remorsus necessariò sequatur ad actualem advertentiam malitiæ, consequens est contra experientiam, ergo. Respond. distin. sequi. Nullum peccare sine remorsu ex parte intellectus, conc. ex parte voluntatis, nego. quare dico, nullum peccare quidem sine quadam conscientiæ reprehensione ex parte cognitionis malitiæ, aut periculi ejus, quamvis sæpè multi peccent sine cruciatu voluntatis, quando scilicet ex pravâ consuetudine peccans non deterretur à turpitudine peccati, sed potius voluntariè se divertit, à consideratione turpitudinis, & periculi proprii ex lapsu evenientis.

Arguitur Tertiò: Patres & Doctores communiter tenent, quædam peccata esse ex passione, & quædam

ex certa malitia, sed ex conclusione sequeretur, omne peccatum esse ex certa malitia, si nimirum ad quodvis requiratur advertentia, ergo. Respond. neg. min. Quia tunc dicitur peccatum ex passione, quando passio turbat aliquomodo judicium rationis, quò minus posset perfectè advertere malitiam operis, non tamen totaliter, quin aliquomodo, licet minus perfectè advertat malitiam. Ex ignorantia verò, quando intellectus culpabiliter ignorat. Ex malitia autem, quando voluntariè, & sine ulla passione, aut ignorantia peccatur, quod non semper fit, ac proinde non omne peccatum est ex certa malitia.

## QUÆSTIO SEPTIMA.

An Consensus in delectationem morosam de re illicita sit peccatum mortale, etiam absque consensu in opus ipsum?

Quæstio hæc procedit de delectatione morosa circa rem aliàs sub mortali prohibitam, v. g. circa homicidium, fornicationem, &c. Qua in re certum est Primò, delectationem de peccato veniali, quamvis morosam, non esse plus quàm veniale peccatum. Deinde certum est quoq; perinde esse, quòd delecteris de peccato proprio, vel alieno, quia malitia delectationis sumitur ab objecto malo, præscindendo, quòd sit tibi vel alteri mala. Insuper patet ex præcedentibus, quòd consensus imperfectus in delectationem etiam morosam de re illicita, cum semiplena, & imperfecta inadvertentia de malitia mortali, aut periculo ejus, esse tantum veniale peccatum. Iterum tanquam certum teneo, consensum efficacem in opus turpe sub mortali prohibitum esse mortale, esto opere non exequaris, Imò consensus in delectationem, vel gaudium de peccato mortali est peccatum mortale, quia eadem lege, quâ tenemur cavere à peccatis committendis, tenemur

1. Delectationes quæ veniales, & quæ mortales.

(\*) O g g g g g

etiam



etiam non complacere in commissis. Deniq; certum est, quod delectatio & consensus de speculativa tantum cogitatione turpium sub ratione honesta, seu conditione aliqua justificante, non esse mortale, sed sæpè licitum, v. g. cum Medicus speculatur modum generandi foetum, vel Confessarius modum & circumstantias operis turpis, ut benè sciat exequi munus suum. Pro quo

II.  
Delectatio  
de specula-  
tione & de  
re, diversa  
sunt.

**Notandum Primò :** Aliud est delectari de re ipsa illicita, aliud de cogitatione, vel speculatione ejusdem. Tunc autem est delectatio de re ipsa turpi, quando hæc est objectum ejus, scilicet res turpis, & cogitatio est tantum eonditio eam proponens, sed quando delectatio tendit directe in ipsam cogitationem tanquam in objectum, tunc non censetur esse circa rem turpem, nisi esset periculum evidens consentiendi in ipsam turpitudinem, unde optimè dicit Scotus in 2. d. 42. q. 4. n. 14. *Si cogitatio placet & continuatur, non propter cogitatum, sed ut per eam quis ad finem debitum deducatur, non est peccatum, sed si propter objectum illicitum, ut in ipso delectetur, sic est peccatum, & isto modo sancti viri detestantur cogitationes illicitas.* Ita Doctor.

III.  
Morosa  
delectatio  
quæ dicitur.

**Notandum Secundò :** Delectationem morosam tunc contingere, quando post advertentiam malitiæ, vel probabilis periculi, aut dubii ejus, non cohibetur complacentia appetitus in objecto malo, nec dicitur morosa à morâ tantum temporis, sed quia post plenam advertentiam moraris & hæres in eâ, sive in tempore, sive tantum in instanti, Quare in hac quæstione quæritur, An consensus perfectus sive formalis, sive virtualis, sive interpretativus in delectationem morosam, & perfectè deliberatam de re turpi quâ tali, etiam sine consensu in opus ipsum externum, sit mortale peccatum? Qua in re prima sententia est absolute negans, quando abest periculum consentiendi in opus ipsum, hæc tribuitur Richardo in 2.

d. 24. Secunda sententia docet, talem consensum esse tantum veniale, ita quidam apud Cordubam lib. 1. q. 23. d. 2. quorum sententiam judicat quidem esse probabilem, licet minus tutam, nec in praxi sequendam. Tertia sententia docet, delectationem de opere prohibito jure naturali esse mortalem, non autem de prohibito opere jure positivo. Quarta sententia dicit, si absq; periculo consentiendi in opus ipsum, & voluntas tantum negativè, seu permissivè se habeat, non reprimendo delectationem, tunc non esse peccatum. Verum

**Dico Primò :** *Consensus voluntatis sive formalis, sive virtualis, sive interpretativus in delectationem morosam, & perfectè deliberatam de re graviter turpi, sive sit prohibita jure naturali, positivo divino, vel humano, etiam sine consensu in opus ipsum externum, est semper mortale peccatum.* Hanc fatentur omnes esse communioem & tutiorem, eamque expressè tenet Scotus 2. d. 42. q. 4. n. 14. & alii Scholastici ibidem, & Summistæ Verbo *Delectatio*. Et verb. *Cogitatio*. Alensis 2. parte q. 109. memb. 11. D. Thom. 1. 2. q. 74. a. 2. Probatur Primò: Ex Scripturâ Hieremiæ 4. *Usquequò morabuntur in te cogitationes noxiæ.* Et Job 31. *Pepigi fœdus cum oculis meis, ut ne cogitarem quidem de virgine.* Ubi Glossa interlin. Cum consensu, inquit, *delectationis*. Et subditur ibidem: *Quam enim partem haberet in me DEUS meus* (supple) si cogitasset, & Matth. 5. *Qui viderit mulierem ad concupiscendum eam, jam mœchatus est in corde suo.* Ubi Chrysost. inquit: *Non enim idcirco advenisse contentus est, ut solummodo corpus à malis actibus, sed etiam animam ab ejusmodi actibus cogitationibus averteret, & propterea non dixit, qui concupierit ad adulterandum; sed qui viderit ad concupiscendum.* Hæc Chrysost. Et D. Augustinus tract. de honestate mulierum cap. 5. ait: *Dominus dixit: Qui viderit mulierem ad concupiscendum eam, jam mœchatus*

IV.  
Consensus  
in delecta-  
tionem  
morosam  
etiam non  
in opus est  
peccatum  
mortale.



chatus est eam in corde suo: intelligitur, quod voluntas perfecta faciendi, reputabitur pro opere facti. Ac si dum aliquis libidinoso animo considerat, per fenestram corporis in secretum cordis venenum mortis instillat. Talis enim cogitatio, etiamsi aliquo impedita casu, non impleat voluntatem suam, nihilominus actionis crimine condemnatur à Domino.

Probatur Secundo Ratione: Delectatio de re illicita est obiectum malum, ergo consensus voluntatis in eam est malus: Consequ. patet. antec. probatur ex illo. Non concupiscas &c. Sed consentiens in solam delectationem concupiscit, ergo sola delectatio est obiectum malum. Probatur Tertio: Voluntas peccat mortaliter circa impossibilia, sicut peccavit Angelus appetendo æqualitatem DEI, sed circa impossibile cognitum ut tale non potest voluntas habere consensum efficacem, & absolutum in opus ipsum, ergo tunc solum peccatur per consensum in solam delectationem rei aliàs impossibilis, & per consequens consensus in solam delectationem operis sufficit ad mortale. Probatur Quarto: Voluntas tenetur continere potentias inferiores, easque à motu inordinatu reprimere, quando potest, ergo etiam à complacentia inordinata in tali motu: Tum, quia delectatio sumpta ex re imaginata similis est ei, quæ sumitur ex ejus præsentia, vel fruitione, quia eodem modo illa & hæc immutat corpus, & ad illicita incitat, sed delectatio quæ est in usu & fruitione rei turpis, est mortale secundum omnes, ergo & ea, quæ est in re ipsa imaginata.

Arguitur Primo: Actus interior non prohibetur nisi in quantum est causa exterioris, sed delectatio ut supponitur, non est talis causa, ergo non est peccatum Respond. neg. maj. imò in foro saltem DEI magis prohibetur actus interior, quam exterior, cum hic ab illo suam malitiam participet.

Instatur: Talis actus nulli præ-

cepto decalogi contrariatur. Respond. contrariari illi præcepto, cui opus ipsum externum contrariatur, v. g. delectatio venerea illi Non concupiscas, delectatio de homicidio illi Non occides, & sic de alijs.

Arguitur Secundo: Delectatio illa sine consensu in opus non est de opere in se, sed de opere, ut est in animo cogitatum, seu de ipsa operis cogitatione, sed talis delectatio non est peccatum, ergo nec consensus in ea: probatur min. Quia si esset, idem esset maxime, quia inde sequitur complacentia, seu volitio ipsius operis cogitati, sed non est talis complacentia, ut supponitur, ergo. Respond. Quod delectatio sit de opere non quidem in re, sed ut in animo cogitatum, ita ut opus turpe sit obiectum, vel materia circa quam delectationis, & cogitatio sit conditio tantum applicans, & secundum hoc consensus in ipsum & cogitatum scilicet, ut tale, est peccatum mortale, unde neg. min. ad prob. distin. min. non est complacentia de opere in re exequendo, transeat. De opere in ipsa apprehensione fruendo, quod sufficit ad peccatum, nego.

Arguitur Tertio: Potest quis delectari in homicidio, vel furto, non quod desideret ea committere, sed quo miro & raro modo commissa sunt, quo casu non peccaret, ergo conclusio non stat. Respond. Licitum esse delectari de quælitis & artificiosis modis committendi peccatum, v. g. furandi, fallendi, vindicandi, si ipsi modi aliàs sint honesti, nec aliquâ lege prohibiti ut docet communis, & ratio est, quia delectatio tunc potius est de cogitatione ipsâ, quam de re cogitata, obiectum enim ejus est mirabilitas, artificiositas, aut raritas agendi.

Instatur: Ex simili responsione nunquam dignosci poterit, an delectatio sit de cogitatione, an verò de cogitato. Respond. neg. antec. Quia primum signum est, si delectans affectatur ad ipsum cogitatum, tunc enim delectatio erit de re cogitata, si verò non sit affectatus, tunc delectatio

V.  
Modus cognoscendi delectationem esse de re, vel de cogitatione.



tio erit de ipsa cogitatione. Secundum signum sumitur ex occasione delectandi, si enim disputaturus v. g. aut concionaturus de venereis delectetur, tunc censetur delectatio de cogitatione; aut doctrina, quando occasionem sumit ab ipsa disputatione, vel concione facienda, secus autem si sequatur ex turpi tactu, vel aspectu, aut simili. Tertium signum est, si artificium, vel motus in alijs rebus non delectat, tunc enim signum est, quod res ipsa delectat.

VI.  
Delectatio  
aliquando  
absq; con-  
sensu vo-  
luntatis  
potest ad-  
mitti.

**Quæres Primò:** Quibus ex causis possit quandoq; homo licite permittere in appetitu delectationem de re turpi absq; consensu positivo voluntatis. Respond. aliqui assignant hujus causam, quando scilicet videret quis concupiscentiam v. g. eò magis augeri, quò major adhibetur conatus ad ipsam reprimendum, tunc enim deberet fugiendo potius, & quasi contemnendo tam debilem hostem vincere, quàm positivè resistendo, quia continua ejus cogitatio auget incrementum peccati, sed hæc non videtur alijs sufficiens, quia revera ex hac sola causa non licet admittere delectationem, sed potius fugienda est, & simul causa, ex qua oritur, nec talis delectatio contemnenda est, ut debilis hostis, quia certe si semel regnet, tyrannica est ejus potentia. Alia causa justificans morosam delectationem est occupatio utilis vel necessaria, ut est audire confessiones, applicare corporibus infirmis medicamenta, esset enim nimis grave, si in talibus casibus teneretur homo istas occupationes omittere potius, quàm delectationem, quam in earum exercitio patitur, ullò modo permittere. Tertia causa est, quando delectatio est de re, non qua illicita est, sed de aliqua conditione accidentaliter annexa, v. g. delectatio de duello, non in seipso sed de visione ejus, aut cogitatione, dexteritate pugnandi, aut fortitudine. Item de modo aliquo subtili & ingenioso decipiendi, furandi, & hoc modo excusantur qui

gaudent, vel delectantur de lectione librorum, comœdiarum visione, sistendo tamen in sola lectione, aspectu, vel auditione talium, & non extendendo se ad rem repræsentatam turpem, & dummodò non sit periculum ruinæ. Occasione hujus

**Dico Secundò:** *Licet conjugii in absentia alterius conjugis delectari de copula præhabita, vel habenda, nisi sit periculum pollutionis extra licitam copulam.* Ita communis. Paludan. in 4. d. 9. q. 3. Gerson, Cajetanus, Armilla, & alij apud Vasquez.

**Probatum Primò:** *Authoritate S. Chrysostomi hom. 17. in illud Matthæi: Qui viderit mulierem, ubi dicit, sicut est temerè irasci, ita etiam temerè videre, si id ad libidinem facias, si enim vis videre, & ex visu capere voluptatem, aspice propriam conjugem, & illius usq; amore perfructu, hoc enim nulla lex prohibet omninò, si verò alterius venustatem penitus intuebere, etiam tuam injuriâ afficis, à qua in aliam oculos avertis, & ista etiam quam contuearis nefariè illam tangis, si enim illam non attrestasti manu, sed oculis tantum, at voluptate palpasti, propterea hoc procul dubio adulterium reputatur.* Ubi S. Doctor duò docet, Primò: cum libidine & delectatione alienam concupiscere esse peccatum adulterii. Secundò: suam propriam conjugem cum delectatione aspicere, & delectari in ejus amore non esse ulla lege prohibitum, ergo licitum est conjugibus delectari de se invicem etiam extra actum matrimonialem. Nec refert, quod S. Pater ibi loquatur de visu & intuitu, & amore inde sequente, adeoque de eorum præsentia, quod non videtur trahendum ad absentiam, non obstat, inquam, Quia eadem utrobique est ratio, nam in absentia non fieret cum animo accedendi & copulandi conjugi, quia in præsentia etiam potest quis sine animo concumbendi delectari de conjugis sua, ergò utrobique eadem est ratio. **Probatum Secundò Ratione:**

Tum,



Tum, Quia aliàs sequeretur tactus & oscula, in quibus conjuges mutuo delectantur, esse mortalia, quod nemo dixit: Tum, Quia onus & sanctitas matrimonij tales delectationes justificat.

VIII.  
Vidua non  
possunt de-  
lectari de  
actu conju-  
gali præ-  
terito.

Dico Tertiò: *Delectatio sensualis voluntaria & deliberata viduæ de actu præterito conjugali, ac si nunc consorti suo commiscerentur, est peccatum mortale.* Hæc est Cajetani 2. quodl. Sylvestri tit. delectation. q. 3. Navarri, ut eos citat Corduba noster lib. 1. q. 23. dub. 11. & Probatur: Quia illa delectatio & concupiscentia sensualis non excusatur à culpa, sicut nec tactus impudici, nisi quatenus hæc ordinantur ad actum matrimonialem licitum, sed talis delectatio non potest illuc ordinari, quia copula similis amplius non est possibilis, ergo. maj. patet. Quia sine tali ordine manent in sua deformitate culpabili, cessante enim matrimoniali onere, cessat matrimonij beneficium, delectationes autem hujusmodi propter onera conjugij solummodò honestantur, ergo.

Dices: Talis delectatio viduæ est de objecto licito, ergo. Probatur antec. quia matrimonium objectum illud, seu actu præteritum jam honestavit, adeoque semper actus honestus, & consequenter sicut conjuges possunt de præsentis delectari, ita viduæ de præterito. Respond. neg. antec. cujus probationem distin. honestavit illum actu in re existentem & rationem usus corporis habentem, conc. antec. Pro quocunque tempore futuro imaginariè repræsentandum, neg. antec. & consequ. quia sicut mors abstulit conjugem, ita ablata est delectationis sensualis honestas.

IX.  
Sponsi non  
possunt de-  
lectari de  
actu conju-  
gali futuro.

Dico Quarto: *Delectatio sensualis & venerea ut supra sponso- rum de actu carnali futuro, seu pro quando sponsus vel sponsa erit sua, est etiam illicita, & peccaminosa mortaliter.* Ita Cajetanus, Sylvester, Navarrus apud Cordubam supra citatum. Probatur: Quia omnis delectatio venerea, sicut & tactus & oscula ex-

tra matrimonium sunt sub mortali prohibita, atqui inter sponso- rum futuro nullum adhuc est matrimo- nium, sed est futurum, ergo defacto non sunt eis licita, futuritio enim non honestat præsentem delectatio- nem alioquin ex se prohibitam: Tum, Quia talis delectatio habet semper annexum periculum com- placentiæ, & consensus in actum carnalem pro nunc cum illâ, quæ fu- tura est tunc, vel etiam planè pollutionis: Tum, Quia, ut dicit Cajeta- nus, delectatio sensualis est talis, quod non tendat in futurum, sed in objectum præsens absolute appre- hensum, quamvis consensus & gau- dium appetitus rationalis tendat in actum futurum licitum. Unde ali- qui Authores oppositam sententi- am sequentes distinguunt de dele- ctatione & complacentia voluntatis, & appetitus sensitivi, & priorem vi- duis ac sponso concedunt, ut Syl- vester, non tamen posteriorem, per quam distinctionem probabilis sit opposita opinio, quia sicut vidua potest habere actus matrimonij ra- tos, & approbare bene factos, cur non posset etiam de illis gaudere præcisè in voluntate. Verumtamen difficulter istæ complacentiæ volun- tatis & appetitus ab invicem sepa- rantur, ideo dicit Corduba, hæc o- pinio videtur tutior, & fortè etiam verior, & ideo tenenda est regulari- ter, quamvis, ait, in aliquo casu non habeat locum. Sed

Dices Primò: Consensus spon- si de illo futuro actu taliter qualifi- cato & conditionato excludit cul- pam & deformitatem, estque licitus, ergo etiam delectatio inde sequens tam in voluntate, seu appetitu ra- tionali, quam sensitivo. Respond. neg. consequ. Quia consensus in fu- turum actum præcisè ut est volun- tatis consensus, habet pro objecto & habere potest, quod illo actu in- tendet generare prolem ad DEI glo- riam, vitandam concupiscentiam, & ideo vult subire onera matrimo- nij, Delectatio verò sensualis non potest sic honestari, unde si ille con-

(\*) Hhhhhh

sensus



sensus de actu futuro esset sub ratione delectabilitatis in tactu, & complacentiæ non esset licitus.

X.  
Delectari  
sub condi-  
tione ho-  
nestate a-  
ctum vide-  
tur licere.

Quæres Secundo: An liceat delectari de malo opere sub conditione v. g. si non esset prohibitum?

Respond. In hoc variant Authores, quia quidam universaliter negant, ita Cajet. Sylvester, Navarr. & alij. Ratio est Primò: Quia ibi regulariter est periculum consensûs, aut complacentiæ in opus ipsum. Secundò, Quia talis delectatio tendit in objectum ut præsentialiter apprehensum, quamvis conditionaliter tantum in re futurum. Tertio de venereis id specialiter probant, quia omnes tales sensualitates sunt sub mortali prohibitæ, nisi quando ratione matrimonij, ut suprâ dictum est, honestantur. Alij dicunt licere delectari in objecto prohibito, sub conditione tamen auferente omnino malitiam, v. g. occiderem, si non esset prohibitum, ducerem uxorem, si non vovissem castitatem. Pro hoc citantur Gerson. 2. p. Alphab. 24. litt. G. Vasquez & alij multi, & ratio est Primò, Quia nemo dixit illum peccare, qui dicit, induerem me illis vestibus, si essent meæ, comederem carnes, si non esset quadragesima, ergo nec qui dicit, accederem ad illam, si esset mea. Secundò, voluntas tunc non fertur in objectum malum, nisi sub tali conditione, quæ si poneretur, tolleretur malitia objecti, ergo taliter delectari non est peccatum. Ex hoc per oppositum inferre licet, si objectum tale sit, ut nullo modo ejus malitia valeat auferre, mutatione circumstantiæ vel statûs, non liceret tunc in illud tendere sub ulla conditione, v. g. qui diceret, blasphemarem, mentirer, si hoc vel illud non obstaret, unde monent aliqui, benè considerandum esse, an ille actus, vel delectatio per se sit capax alicujus motivi honesti v. g. quamvis Fratri Minori non liceat dispensare, vel contrectare pecunias, tamen si ita apud se diceret, si mihi liceret, & haberem pecuniam, darem isti pauperi, & in hoc delectare-

tur, non peccaret, imò fortè mereretur, secus est, quando talis actus non est capax alicujus motivi honesti, etiam ex mutatione statûs, vel circumstantiæ, ut exemplificavi de blasphemia.

Quæres Tertio: An morosæ delectationes præsertim in venereis sint diversæ speciei, ita ut alia sit adulterij, alii Sacrilegij? Certum est secundum communem, quod consensus efficax interior in opus turpe varietur specie secundum diversitatem specificam objectorum, ita ut velle cognoscere alienam sit adulterium mentale; Monialem, Sacrilegium; consanguineam, incestus: Ratio est, quia actus sumunt suam specificam bonitatem, vel malitiam ab objectis. Difficultas est de simplici affectu, seu complacentia in ipsa delectatione morosa, & culpabili. Qua in re Vasquez 1. 2. disp. 114. cap. 2. affirmat delectationem morosam cum rapta, vel consanguinea uxore aliena, non esse in specie alia, quàm simplicis fornicationis. Sed verius

Dico Quintò: Omnes ejusmodi delectationes variari specie secundum varietatem specificam objectorum. Ita Navarr. cap. 16. n. 9. Ledesma 2. part. Summæ Sylvester ver. Delectatio. Et alij communiter. Probatur Primò: ex Chrysost. homil. 17. in Matth. Qui aspicit, inquit, mulierem, ut oblectet aspectum, jam merchatus est, ergo qui ob eundem finem aspicit Monialem, jam in corde suo sacrilegium commisit. Probatur Secundò: Circumstantiæ uxoris alienæ, monialis, consanguineæ variant species in osculis & tactibus impudicis secundum omnes, ergo & in delectationibus.

Arguitur Primò: Delectans de copula habita cum uxore aliena, aut moniali, non delectatur per hoc, quod ipsa sit conjugata, vel DEO dicata, ergo ejus peccatum non est injuriosum alteri, vel contra castitatem. Respond. Si valeret argumentum, sequeretur, quod efficaciter affectans copulam cum uxore aliena

XL.  
Delecta-  
tiones mo-  
rosæ sunt  
diversæ  
speciei.



aliena non faceret contra iustitiam, quod est contra omnes, unde non in solo actu externo infertur injuria proximo, vel DEO, sed etiam internis actibus in foro saltem DEI.

Arguitur Secundò: Videns hominem occidi in loco sacro, & delectans ejus morte non est per hoc sacrilegus, sed peccat tantum peccato odij, ergò similiter qui simplici tantum affectu delectatur de copula cum aliena, vel moniali, non peccat nisi contra castitatem. Respond. neg. antec. Si talis advertat ad loci sanctitatem approbando injuriam, illi ab alio illatam in eodem loco.

## QUAESTIO OCTAVA.

An ignorantia sit causa peccati?

**P**ro intelligentia dicendorum, in hac, & sequent. quaestionibus Praenotandum Primò: Ignorantiam diversimodè dividi, nempe in *Negativam*, *Contrariam*, & *Privativam*. Ignorantia *Negativa* dicta, est quaedam naturalis carentia scientiae, & cognitionis in subiecto apto nato, quae potius *Nescientia* dicitur, & hoc modo in Angelis, & hominibus reperitur ignorantia multarum rerum, quia non omnia cognoscunt. Ignorantia *Contraria*, est assensus falsi, vel dissensus veri, & dicitur error pravae dispositionis. Ignorantia *Privativa*, est privatio cognitionis aliquo modo debitae, sive illa privatio proveniat ex propria culpa, sive originali.

Ignorantia Secundò: Dividitur in *Speculativam* & *Practicam*. Illa est de aliquo pure speculativo, ut an corpus naturale sit mobile, & de hac hic non agitur. *Practica* alia est *Artificialis*, quae est circa factibilia: Alia *Prudentialis*, quae est circa agibilia, & concernit mores, opponiturque prudentiae, cujus est dictare, An, quando, quomodo, & quibus circumstantiis sit operandum?

Tertio dividitur in Ignorantiam *Juris*, & *Facti*. *Juris* est, cum igno-

ratur lex lata, vel prohibita, vel an hic, & nunc obliget, ut saepe supra fuit mentio, ut cum quis percutit Clericum, nesciens legem latam statuentem irregularitatem, vel excommunicationem in percussorem. Ignorantia *Facti* est, cum quis ignorat id, quod facit esse malum, & prohibitum, ut qui occideret hominem, credens esse feram, qualem etiam habuit Jacob accedens ad Liam, putans esse Rachaelem.

Quartò dividitur in Ignorantiam *Vincibilem*, & *Invincibilem*, quae & *Culpabilis*, & *Inculpabilis* vocatur. Illa est, quam homo potest vincere & tollere adhibendo diligentiam, quam in re aliqua ardua adhiberet. Et alia iterum est *Affectata*, quae dicitur etiam ignorantia *pravae electionis*, secundum istam homo formaliter, & positivè non vult intelligere, ut bene ageret, qualem habuerunt, de quibus dicitur Job. 21. *Qui dicunt DEO, recede à nobis, scientiam viarum tuarum nolumus*: qualem etiam habent, qui ex nimio in suos Principes affectu, eos in bello injusto sequuntur, non curantes scire, an id sit licitum, nec ne? Vincibilis iterum alia est *Crassa*, & *Supina*, quae licet non sit affectata, aut formaliter volita, bene tamen interpretativè, quia scilicet negligitur scientia requisita, & dicitur crassa propter pigritiam laborandi ad acquisitionem debitae scientiae. Et *Supina* ob nimiam sollicitudinem, & pronitatem ad terrena, unde oritur difficultas, & incuria mentis ad salutaria scienda, quia sollicitudo seculi, & fallacia divitiarum suffocant verbum DEI. Matth. 13.

Ignorantia *Invincibilis* est, quam non potest homo vincere adhibendo omnem diligentiam, quam tenetur adhibere, unde non dicitur invincibilis ex eo, quod ignorans simpliciter non posset vincere, quia revera potuit Jacob absolute cognoscere Liam sibi suppositam accendendo lucernam, Et potuit Judaeus Romae advena adfuisse Jerosolymis (\*) Hhhhhh In Pen-

I.  
Ignorantia  
diversimodè  
dividi.

II.  
Ignorantia  
speculativa  
& practica.

III.  
Ignorantia  
Juris & Facti.

IV.  
Ignorantia  
vincibilis  
& affectata.

V.  
Ignorantia  
Invincibilis.



In Pentecoste, cum Apostoli promulgarent legem Evangelicam, quia tamen nec Jacob tenebatur accendere lucernam, ut cognosceret Liam, nec Judæus tunc adire Jerosolimam ad sciendam legem Christi, hinc dicuntur pro tunc invincibiliter ignorasse. Hoc etiam modo Parochianus simpliciter dicitur invincibiliter ignorare festum, aut jejunium non promulgatum à Parocho, quando vadit ad Ecclesiam. Omnis itaque ignorantia vincibilis est *culpabilis*, & invincibilis potest dici *culpabilis*.

Ignorantia etiam dividitur in *Antecedentem*, *Concomitantem*, & *Consequentem*, quas supra in tractatu de actibus humanis disput. 4. q. 4. conclus. ultima sufficienter explicui.

VI.  
Regula ad  
vincendam  
ignoranti-

Notandum ulterius: Ad vincendam ignorantiam de aliquo, & ut dicatur quis invincibiliter ignorare, vix certam posse tradi regulam, plus enim tenetur scire, & facere in hoc negotio Prælati, Doctores, aut Judex, quam simplex subditus, vel idiota: attamen à Corduba lib. 2. q. 2. aliquæ ponuntur regulæ. Prima est, Ad habendam sufficientem notitiam eorum, quæ sunt simpliciter necessaria ad salutem, tenetur homo ratione præditus inquirere diligenter, quantum potest, veritatem per se ipsum, aut per alios magis prudentes.

Secunda Regula est: Si per se ipsum, aut alios non potest habere sufficientem notitiam, requiritur, quod sit debite dispositus ad impetrandam illam, & cum pia ac bona affectione veritatis petat à DEO illuminari.

Regula tertia est: Si probabiliter timet homo, quod propter sua peccata permittat DEUS ipsum excoecari, vel depravari, talis ad debitam illustrationem obtinendam, ultra supra dicta, debet emundare conscientiam per contritionem saltem generalem, vel etiam particularem de illis, propter quæ timet se permissum à DEO, & derelinquendum in sua obcoecatione.

His prænotatis Quæritur Primò: An possit dari ignorantia invincibilis unius veri DEI, & mysteriorum fidei, cum qua salvari possint ignorantes? sed hæc dubia resoluta fuerunt in materia fidei, & alibi sparsim. Secundò quæritur. An dari possit ignorantia invincibilis juris naturalis & humani? An facti? quæ & quando excuset à peccato? Et tandem an in omni peccato præsupponatur aliqua ignorantia vel inconsideratio ex parte intellectus? pro secundo adhuc

Notandum Tertiò: Præcepta <sup>VII.</sup> juris naturalis esse triplicis generis, <sup>Præcepta</sup> alia enim sunt *ex terminis nota*, ut <sup>juris natu-</sup> bonum est amandum, malum fugi- <sup>ralis in tri-</sup> endum, *quod tibi fieri non vis*, <sup>plici dispo-</sup> *alteri* <sup>rentia.</sup> *nè feceris*. Secundi generis sunt conclusiones evidenter deductæ ex præceptis primi generis, ut DEUS est amandus, quia bonus, proximus diligendus, non occidendus, non furandus, quia non velles tibi ista fieri. Terti generis sunt conclusiones non ita facile aut clarè deducibiles ex talibus principiis, & hoc vel secundum substantiam, ut indissolubilitas matrimonii, unitas uxoris, fornicatio simplex; vel propter aliquam circumstantiam annexam, v. g. sit evidens neminem esse occidendum privata authoritate, aut sine causa aliqua, tamen non est ita evidens, si sit aliqua levis causa. Item licet sit evidens non esse mentiendum sine causa, non est tamen ita evidens, si fiat ob salvandam vitam propriam, vel alienam, & sic de multis aliis: Prima præcepta dicuntur immediata: Secunda proximiora, & tertia, remotiora vocantur.

Dico Primò: <sup>VIII.</sup> Præcepta <sup>Præcepta</sup> <sup>prima no-</sup> <sup>ta ignora-</sup> <sup>non pos-</sup> <sup>sunt.</sup> *juris naturalis primi generis non possunt inculpate ignorari ab habente usum rationis*. Est communis apud Cordubam lib. 2. q. 4. Pater. Quia ista sunt usque adeò nota, ut neminem ratione utentem latere possint magis quam prima principia speculabilium, ut *quodlibet est, vel non est, totum est majus sua parte*: ergo nemo ab eorum notitia excusatur.

Dico



IX.  
Ignorantia  
contingere  
potest in  
quibusdā  
præceptis  
iuris natu-  
rae.

Dico Secundò : Circa præcepta  
secundi generis potest quidem contingere  
re ignorantia, sed non ignorantia in-  
culpata, neq; longo tempore. Hæc  
est Cordubæ & aliorum. Probatur  
Prima pars Ex SS. Patribus, Augusti-  
no lib. 2. de peccator: merit. cap. 17.  
ubi ait : *Nolunt homines facere quod  
justum est, siue quia latet an justum  
sit, siue quia non delectat.* Tanto e-  
nim quidq; vehementius volumus,  
quanto certius quam bonum sit novi-  
mus, eòq; delectamur ardentius. Igno-  
rantia igitur & infirmitas vitia sunt,  
quæ impediunt voluntatem, nè move-  
atur ad faciendum opus bonum, vel ab  
opere malo abstinendum. D. Hiero-  
nymo lib. 2. adversus Jovinianum  
non longè à principio ubi enumerat  
multas nationes, quæ ignorarunt  
præcepta Decalogi, & multa enor-  
mia putarunt esse licita his verbis :  
*Quod loquimur de cæteris nationibus,  
cum ipse adolescentulus in Gallia vi-  
derim Scotos, Gentem Britannicam  
humanis vesci carnibus, & cum per  
silvas porcorum greges & armento-  
rum pecorumq; reperiant, pastorum  
nates, & sceminarum papillas solere  
abscindere, & hæc solum ciborum de-  
licias arbitrari.* Scotorum natio u-  
xores proprias non habet, & quasi  
Platonis politiam legerit & Catonis se-  
ctetur exemplum, nulla apud eos conjux  
propria est: sed ut cuiq; libitum fuerit,  
pecorum more lascivunt, Persæ Me-  
di, Judi, & Æthiopes, Regna non mo-  
dica, & Romano imperio paria, cum  
Matribus & Avibus, cum filiabus, &  
neptibus copulantur. Masagetes &  
Derbi miseros qui ægritudine moriun-  
tur, & parentes cognatos, propinquos,  
cum ad senectam venerint jugula-  
tos devorant, rectius esse ducentes, ut  
à se potius, quam à vermibus come-  
dantur. Et alia multa ibi narrat S.  
Doctor, ac tandem concludit: *Per-  
vides igitur, quod non solum in esu,  
sed in sepultura, & connubiis, & in  
omni conversatione unaquæq; gens suo  
ritu, & proprietatibus vivit, &  
hoc eam naturæ legem putare, quod di-  
dicit.* Ergo potest dari ignorantia ju-  
ris naturæ etiam quoad conclusio-

nes proximiores facile deducibiles,  
& multò magis quoad remotiores.

Idem docet S. Chrysostomus  
hom. 4. in cap. 1. Apostol. ad Roma-  
nos ubi dicit : *Legislator quidam a-  
pud illos sanxit, ut servi nec --- un-  
gerent, nec puerorum amoribus va-  
carent : banc prærogativam ingenuis  
solis concedens, seu ut verius dicam,  
hanc turpitudinem, cum tamen ne tur-  
pitudinem quidem factum hujusmodi es-  
se crederent, sed veluti venerandum,  
honestum, ac majus, quam quod ser vo-  
rum personis conveniret, liberis ipsis  
permiserint, tum sapientissimus Athe-  
niensium populus, tum qui magnus a-  
pud ipsos est habitus, Solon.* Cum eo  
quoque multos Philosophorum libros  
hocce morbo repletos reperias. Ve-  
rum tamen hæc eos non inculpabi-  
liter ighorasse.

Probatur secunda pars : Quia  
licet ejusmodi præcepta v. g. De-  
calogi non sint ex terminis nota, po-  
test tamen quis brevi tempore solo  
lumine naturæ instructus ex illis  
principiis universalissimis ea facile  
deducere, v. g. ex illo, quod tibi non  
vis fieri, alteri nè feceris, facile dedu-  
cuntur ista, non occides, non fura-  
beris, non adulterabis. Item ex il-  
lo bonum est amandum, ergo sum-  
mum bonum summè est amandum,  
unde Philosophus 3. Ethic. cap. 1. di-  
cit : *Ignorantiam universalium non  
esse in vitam, sed voluntariam, & ideo  
ea ignorantes sunt inexcusabiles.* Et  
Rom. 2. *Gentes naturaliter ea, quæ  
legis sunt, faciunt, quia habent opus le-  
gis scriptum in cordibus suis, ita ut in-  
excusabiles sint :* quare licet apud a-  
liquas gentes barbaras aliquid con-  
tra jus naturale licitum olim indica-  
retur, ut supra ex Patribus visum  
est, & etiam furtum licitum fuisse a-  
pud quosdam Aquilonares, teste Ju-  
lio Cæsare lib. 6. de bello Gallico, &  
apud Lacedæmones adulterium, ut  
refert Plutarchus, horum tamen  
ignorantia culpæ imputabatur, pro-  
pter quam tradidit DEUS illos in re-  
probum sensum, ut loquitur Apost.  
ad Rom. 1. Probatur tertia pars :  
*De longo tempore, quia cum hæc non*  
(\*) Hhhhhh ;



sint ex terminis nota, sed discursu discantur, aliquantulum tempore possunt invincibiliter ignorari, maxime si non adsit instructor, propter hoc ait Lorca, pueros & rudiores excusari à furto, dum reputant illud licitum.

X.  
Præcepta  
quædam  
juris natu-  
ralis  
mediu  
ignorari  
possunt.

Dico Tertio: *Præcepta tertii generis possunt invincibiliter ignorari à multis multo tempore nisi instruantur.* Est communis apud Cordubam citatum, Et patet ex priori conclusione. Probatur, Quia cum hujusmodi præcepta sint conclusiones obscuriores, & difficulter deducibiles, petunt perspicaciam ingenii, vel opem magistri, sed contingit naturali hebetudine torpescere ingenium, & necessariis occupationibus impediri studium, ac deficere magistros, ergo in his potest contingere longo tempore ignorantia invincibilis. Confirm. exemplis: Quia polygamia, dissolubilitas matrimonii, repudiatio uxoris, simplex fornicatio, mendacium pro salvanda vita, & similia multa, sunt jure naturæ prohibita, & tamen in his etiam multi docti invincibiliter errarunt, nam Valentinianus senior, & alii Imperatores approbarunt polygamiam. Similiter Ethnici, qui optime investigabant jus naturæ, approbabant repudium, quod & Athenienses & Cretenses permiserunt, fornicatio etiam simplex apud multas gentes licita habebatur, ergo verisimile est, illos ignorantia invincibili laborasse, præsertim quoad rudiores, & incultos.

Ex his resolvi possunt multi casus de incultis gentibus, etiam fidelibus, sed carentibus Magisterio, nam multi faciunt turâ conscientia, quæ verè sunt contra jus naturæ tertio modo, quia illud jus non est ita manifestatum, ut omnibus sit notum. Contra has conclusiones simul

Arguitur Primo: Jus naturæ nititur lumini rationis, & per illud manifestatur, sed hoc lumen non obscuratur, nisi per culpam, seu corruptionem morum, ergo si sic

obscuratur, erit ignorantia culpabilis, vel si nullo modo obscuratur, non erit ignorantia. Respond. Lumen rationis etiam absq; ulla morum corruptione non æqualiter in omnibus omnia manifestare præcepta juris naturalis, & sic aliqua saltem, quæ ex terminis non sunt nota, possunt pro aliquo tempore inculpatè ignorari, aliqua etiam longe tempore, ut in tertia conclusione dixi.

Arguitur Secundo: In Canone *Turbatur* 1. q. 4. dicitur ignorantiam juris naturalis esse omnibus adultis damnabilem. Respond. loquitur de ignorantia principiorum, & conclusionum evidentium, & hoc pro longo tempore, ut dictum est in prima, & secunda conclusione, quomodo etiam intelligendus Apostolus ad Rom. 1. dicens: *Gentes esse inexcusabiles*, ob peccata, quæ committebant contra legem naturæ. Ex his patet, quid dicendum de ignorantia juris divini, nam in omnibus, quæ sunt de mero jure divino sine admixtione juris naturalis, poterant ante sufficientem promulgationem Evangelij invincibiliter ignorari, quia ista indigent speciali & supernaturali revelatione & promulgatione. Ex quo fit, ut interim homo faciens quod in se est, possit ea inculpabiliter ignorare, ut patet de præcepto baptismi & cessatione legalium, quæ ante sufficientem eorum promulgationem invincibiliter ignorabantur à multis per multum tempus post passionem Christi. Unde dicit D. Augustinus in Enchiridio cap. 81. *Duabus ex causis peccamus: aut non videndo quid facere debeamus, aut non faciendo quod debere fieri jam videmus. Quorum duorum illud ignorantia malum est, hoc infirmitatis.*

Dico Quarto: *Potest dari ignorantia juris humani in multis invincibilis, & longo tempore, etiam in iis quæ ad suum statum pertinent.* Hæc est communis præter Guilielmum Parisiensem. Et probatur. Quia potest dari talis ignorantia invincibilis in præceptis juri divini, ergo & à for-

XI.  
Juris hu-  
mani igno-  
rantia in-  
vincibilis  
dari potest.



à fortiori de humano id dicendum. Deinde sæpè nulla occurrit notitia, cogitatio, aut dubitatio talis legis, aut ejus obligationis, & etiam si occurreret talis cogitatio monens ad inquirendum scientiam, dummodò adhibeatur, communis diligentia legendo, aut consulendo peritos, ignorantia legis postea manens, invincibilis erit.

Dices contra hoc. I. Reg. 4. Jonathas invincibiliter ignorabat patris præceptum de non edendo quidquam usq; ad vesperam, & tamen videtur peccasse gustando mel, nam quærente Saul, cujus peccato DEUS irritatus negasset responsum? sors cecidit super Jonatham, ergo. Respond. cum Lyranò DEUM destinasse sortem supra Jonatham, ut appareat ejus innocentia, & in gloriam suam liberaretur totius populi acclamatione, & sic Jonathas in facto isto nullo modo peccavit, quia ignoravit præceptum patris. Quæres autem, quando censetur ignorantia juris humani excusabilis, vel quæ diligentia ad hoc sufficiat? Respond. si subit ipsi aliqua cogitatio de lege, an sit, vel an ipsum obliget, requiritur, vel sufficit legere, vel consulere peritos in ea re, si ex ipso non potest quidquam discernere, ita Navarr. cap. 27. & alii.

**XII.** Dico Quintò: Si quando occurrat cogitatio, an factum sit contra legem, & facis diligentiam, quam cordati viri in simili materia facere solent, & adhuc ignoras, tunc censeris invincibiliter ignorare, & hoc si ve adhibeas operam rei licitæ, & aliquando etiam illicitæ. Ita Castro lib. 2. de lege pœnali cap. 14. Sylv. q. 6. Covarruvias cap. Alma Mater. & alii. Prima pars patet ex dictis suprà de ignorantia juris naturalis tertii generis. Secunda pars est D. Thomæ 1. 2. q. 26. a. 3. ubi ait eum, qui patrem occidit ignorans ipsum esse patrem, excusari à parricidio, licet non ab homicidio, si scivit illum esse hominem. Et Probat: Illa dicitur inculpabilis ignorantia, quæ non potest tolli adhibita diligentia,

quam cordatus quisq; in tali materia adhiberet, sed contingere potest, quòd dans operam rei etiam illicitæ, adhibeat debitam diligentiam, ne aliquod peccatum sequatur, v. g. in sylvis prohibitis occidis hominem, putans invincibiliter esse feram.

Arguitur Gen 20. Legitur Abimelech punitum à DEO propter Saram, quam habere voluit, & tamen invincibiliter ignoravit eam esse uxorem Abraham, siquidem diligenter interrogavit ipsum Abraham, an esset sua uxor, ergò signum est, ejus ignorantiam fuisse culpabilem, non obstante diligentia debita adhibita, eò quòd rei illicitæ operam daret. Respondent aliqui, ideò Abimelech punitum fuisse & peccasse, quia dabat operam rei illicitæ, scilicet polygamia, seu pluralitati uxorum, volendo vivente prima uxore accipere sibi secundam: sed hæc solutio non valet: Tum, Quia, ut dixi in conclusione, parum refert ad propositum, si ve det operam rei licitæ, si ve illicitæ, modò adhibeat diligentiam sufficientem: Tum etiam, quia polygamia tunc fuit permessa Judæis, & gentes potuerant inculpate ignorare ejus malitiam: Tum denique, Quia S. Scriptura aperte indicat Dominum minatum fuisse ei mortem, quia inquit uxor, quam tulisti, habet virum. Quare melius alij Respondent, Abimelech in illo casu non peccasse, nam idem Abimelech monitus à DEO dixit: In simplicitate cordis mei, & munditia manuum mearum hoc feci: cui respondet Dominus: Ego scio, quòd simplici corde feceris. Et ideò quando supra dixit ei Dominus: En morieris propter mulierem, intelligi debet ita scilicet, si post hanc notitiam à me acceptam, eam tetigeris, morte morieris.

Dico Secundo: Ignorantia culpabilis & antecedens, cujus oppositum si adesset, impediret peccatum, est per accidens causa actus in se alià mali, non tamen alicujus moralis malitiæ in ipso. Est communis & declaratur. Dicitur

**XIII.** Ignorantia antecedens est per accidens causa peccati.



tur enim causa, quia ut suppono absque ea non contingeret actus v. g. homicidii. Per accidens verò, quia talis ignorantia est tantum privatio removens scientiam requisitam, quòd etiam non *causaret ullam malitiam in actu* patet, quia talis occisio in tali casu esset involuntaria, quia incognita, hoc modo excusatur à culpa occidens in sylvis hominem, quem invincibiliter putat esse feram.

XIV.  
Ignorantia  
concomi-  
tans nullo  
modo est  
causa pec-  
cati.

Dico Septimò: *Ignorantia concomitans juris, vel facti nullo modo est causa peccati, si ve pro materiali, si ve pro formali.* Est communis, Et patet, quia illud factum fieret etiam si adesset scientia opposita, ergò. De ignorantia autem subsequenti potest dici, quòd sit & effectus peccati scilicet inordinati affectus eam affectantis, & etiam causa peccati ex ea secuti modo dicto in priori conclusione.

Arguitur contra, id quod dictum est, scilicet ignorantiam esse solum causam per accidens, excitans enim & movens est causa per se effectus secuti ex tali motione, sed falsa aestimatio, quòd v. g. homo sit fera movet ad actum homicidii, ergò est causa per se homicidii. Respond. Esto talis aestimatio sit causa per se nudae occisionis, non tamen humanae occisionis, quia occisio hominis, ut suppono, non est intenta, sicut nec cognita. Ex his patet, quòd si ignorantia contingat ex prævía aliqua culpa, adeoque sit directè vel indirectè affectata, vel crassa & supina, tunc etiam erit causa malitiæ in opere.


Dices contra hoc: talis ignorantia tollit voluntarium, ergò & malitiam. Respond. dist. antec. tollit voluntarium formaliter, trans. virtualiter, aut interpretativè neg. ad hoc enim sufficit præcessisse aliquam dubitationem de illegimitate actus, & non adhibuisse debitam diligentiam de acquirenda scientia.

XV.  
Ignorantia  
non præ-  
cedit in  
omni pec-  
cato.

Dico Octavò: *Non omne peccatum necessario præsupponit ignorantiam inconsiderationis ex parte intellectus, licet ut in pluribus præsupponat*

*aliquam inconsiderationem oppositam perfectæ considerationi.* Hæc secunda pars patet, quia si quis benè, & attentè perpenderet omnia incommoda, quæ infert peccatum mortale, difficillimum foret illud admittere, unde Proverb. 14. *Sapiens timet & declinat à malo.* Et Eccles. 7. *Memorare novissima tua, & in æternum non peccabis.* Primam partem conclusionis, in qua est controversia, tenet Scotus 3. d. 36. a. 2. & reliqui Scotistæ. Probat: Stante prudentiâ, in intellectu, adeoque nullo errore existente in illo potest contingere mala electio in voluntate, ergo. Videatur quod dixi in materia de actibus humanis.

Argumenta etiam, quæ contra hanc partem adducuntur, pleraque sunt soluta locis citatis, & facili negotio juxta prædicta solvi possunt omnes auctoritates in contrarium adduci solitæ, cujusmodi sunt 6. Eth. cap. 13. ubi dicitur: quòd *voluntas malè eligit, intellectus malè dicit.* & 5. Eth. *Nullus vult, ne incontinens quidem, quod non æstimant esse studiosum.* & 2. Rhetoric. *Nullus voluntarius & cognoscens pravè eligit.* & 3. Eth. *Omnis malus est ignorans.* & Proverb. 14. *Errant omnes, qui operantur malum.* & Dionys. 3. de divinis nominibus: *Nullus operatur ad malum aspiciens:* quæ omnia videntur probare præcedere semper in intellectu aliquem errorem. Respond. tamen, vel ista intelligenda esse juxta sensum secundæ partis nostræ conclusionis, quia videlicet raro contingit in voluntate peccatum, quin præcedat in intellectu aliqua inconsideratio, vel certè intelligenda esse ita, quòd nullus peccet, nisi præcedat in intellectu error aliquis vel inconsiderationis, vel saltem pravæ electionis, modo supra dicto.



Quæ-

QUESTIO NONA.

An & quomodo ignorantia excuset à peccato coram DEO?

I. Prævisum peccatum esse potest dupliciter contingere.

**I**N hac quaestione expediam ea sola, quæ de culpa, & pœna essentiali coram DEO debita dici possunt, ex quacunque demum ignorantia procedant, etiam proveniente ex culpa propria, v. g. an ex ebrietate subsecutum homicidium, aut fornicatio &c. debeant imputari ad culpam. Pro quo

Notandum: Peccatum in ebrietate factum debet considerari, an aliquo modo fuerit prævisum: Et hoc dupliciter potest intelligi, nempe vel *Actualiter*, vel *Interpretative*: *Actualiter* prævidetur, quando quis antequam posuit causam, prævidit aliquomodo, quod ipse postmodum ratione privatus soleat talia peccata in genere, vel in specie committere. *Interpretative* autem, seu in debito dicitur prævideri, quando quis sui compos, antequam incidat in ebrietatem, debuit, & potuit præcogitare talia mala posse ex alienatione mentis subsequi, puta quia expertus est inclinationes suas proprias pronas, quando talem causam ponit. Ex quo patet, tunc ergo censeretur nullo modo prævisum, quando adhibitâ diligentiam solita circa tale vel tale negotium, nulla subit cogitatio eventus alicujus sinistri secuturi, v. g. quia hic ebrius assuetus est dormire, esse in pace. Hoc præmissis

II. Ignorantia invincibilis excusat à culpa.

Dico Primò: *Ignorantia invincibilis juris, vel facti, aut circumstantiarum excusat simpliciter à tota culpa.* In hac omnes conveniunt, & ratio est, quia talis ignorantia tollit scientiam requisitam ad rationem voluntarii, ergo tollit voluntarium, adeoque omnem rationem culpæ. major est difficultas de ignorantia concomitante, cujus scilicet opposita scientia si adesset, adhuc sequeretur actus. Quain re

III. Ignorantia tollit culpam.

Dico Secundò: *Ignorantia invincibilis concomitans excusat etiam*

à culpa illum actum, à cuius objecto tollit omnem cognitionem, v. g. occidens hostem putans invincibiliter esse feram, si tamen scires esse hostem, libenter occideres. Dicit ergo conclusio in tali casu occisionis nullam esse malitiam, licet eam comitari possit per accidens effectus aliquis malus actualis, vel habitualis. Conclusio nem tenet Corduba lib. 2. q. 19. Vasq. disp. 25. cap. 1. & alii apud ipsum, ante cujus probationem suppono, conclusionem esse limitandam taliter, ut actus, circa cujus objectum contingit invincibilis ignorantia, non sit aliàs contra conscientiam, vel aliam legem prohibentem notam operanti, quia tunc talis actus sub illâ consideratione esset peccatum secundum omnes, v. g. occidens hominem instrumento prohibito, vel in loco prohibito, putans invincibiliter esse feram, licet non peccet peccato homicidii, bene tamen alio genere peccati. Similiter cognoscens in lupanari uxorem alterius putans invincibiliter esse scortum, licet non sit adulter, est tamen fornicator. & sic de aliis. Deinde, ut supra dixi, potest cum tali actu esse adjunctus affectus actualis vel habitualis malus occidendi v. g. suum inimicum, si scivisset illum ibi esse, qui affectus de se est peccatum, & homicidium mentale, non tamen proinde actus externus erit homicidium.

Conclusio sic limitata probatur: Nullus actus est culpabilis de novo, nisi quia sit contra aliquam legem tunc obligantem, sed lex non obligat, nisi cognita aliquomodo, ergo invincibiliter ignorans ibi esse hominem, adeoque ignorans legem prohibentem occasionem illius, quod ibi videret, occidendo non peccat.

Arguitur: Talis ignorantia in illo casu non tollit rationem voluntarii ab illo actu, respectu etiam occisionis hominis, ergo non excusat ab homicidio. consequ. patet. antec. probatur: illud non tollit rationem voluntarii, quod si adesset, non impediret actum, imò fortè magis urgeret, sed sic se habet ignorantia (\*) llllll conco-

pam ab illo actu. à quo tollit cognitionem.



concomitans in propoſito, ergo. Respond. neg. antec. quia nihil volitum, quin præcognitum: ad prob. dico, maj. eſſe fallam, quia quamvis ſi aſſeſſet, forte non impediret actum voluntariè elicitum, tamen deſacto & quando non aſſeſſet, impedit voluntarium in illo actu homicidii, quia removet conditionem neceſſariò requiſitam ad voluntarium, in illo actu, quâ homicidium eſt, ſcilicet conſiderationem debitam.

Instatur: Pono, quod Petrus ſit actualiter affectus, ut velit illud animal occidere, ſive ſit fera, ſive hostis, occidat tamen hostem, peto utrum tunc excuſetur? Respond. talem non cenſeri habere plenam ignorantiam illius objecti, ſed potius confuſam, quod ibi ſit hostis, ideoq; talis ignorantia non excuſat.

Urgetur: In illo caſu Petrus vult & intendit occidere illud animal, ſed Joannes inimicus eſt illud animal, ut ſuppono, ergo intendit occidere Joannem, Respond. diſtin. maj. illud animal æſtimatum feram, conc. ſecus, nego.

IV.  
Ignorantia  
crassa non  
excusat à  
culpa, ſed  
minuit.

Dico Tertio: *Ignorantia crassa seu supina juris vel facti, non excusat simpliciter à tota culpa, ſed ſolum ex parte minuit.* Eſt communis. Prima pars patet, quia operans ex tali ignorantia omittit culpabiliter inquirere legem præcipientem, quæ recta ſunt, nec facit, quod tenetur, ut ſciat, vel caveat peccatum, ergo undequaue non excuſatur. Secunda pars etiam patet, quia ratione præfatæ ignorantia eſt minor contemptus legis, quàm ſi ſcienter fieret, minorque conatus & libido ad peccandum, ergo.

V.  
Ignorantia  
affectata  
minuit  
culpam.

Dico Quarto: *Ignorantia etiam affectata aliquomodo minuit culpam, & ea ſecutam.* Ita Salas, & alij, à quibus in re non videtur diſſentire. Cord. lib. 2. q. 20. Dixi aliquomodo, quia revera comparatione ignorantia crassæ vel ſupinae parum excuſat, quia taliter ignorans dupliciter videtur contemnere legem, volendo ſcilicet illam ignorare, & ex hoc agere contra eandem. Probatur

concluſio, quia ſimpliciter loquendo magis contemnit legem, qui expreſſe & diſtinctè eam ſciens nihilominus transgreditur, quàm qui eam etiam affectatè ignorat, v. g. occidens hominem ſciens eſſe talem, quàm per fenestram explodens non curans advertere, an tranſeat aliquis. quia in primo eſt directè voluntarium, in ſecundo verò non niſi indirectè, & in ſua cauſa, item quia primum eſt certum, ſed ſecundum eſt tantum temerarium, & periculolum.

Probatur Secundò: Id eſt magis voluntarium, in quod tendit voluntas ſub ſua ratione ſpecifica & diſtincta, quàm in quod tendit ſub ratione tantum generica, & confuſa, non curans ſcilicet, ſit ne huius vel illius ſpeciei, ſed occidens hominem ſcienter, vult hoc peccatum ſub ſua ratione ſpecifica, occidens autem ignoranter licet affectatè nolens ſcilicet ſcire, an ſit homo, vult tantum aliquid, quod eſt indiſſerens ad rationem homicidii, vel non homicidii, ergo hic minus peccat, & ratio horum eſt, quia lex in propria & diſtincta ſpecie propoſita magis movet, magisq; obligat ad ſui obſervationem, quàm in confuſo tantum propoſita, vel affectatè tantum ignorata, ergo faciens contra legem ſpecificè & diſtinctè cognitam, magis contemnit eam, quàm faciens contra eam affectatè ignoratam.

Arguitur Primò: Peccans ex ignorantia affectata peccat ex duplici malitia, at ſcienter peccans non niſi ex una, ergo gravius ille peccat quàm hic: maj. patet, quia talis avertit ſe & à ſcientia requiſita, & ſimul à lege obligante, ſcienter autem peccans tantum avertit ſe à lege. Respond. neg. maj. ad prob. dico, quod avertit ſe à ſcientia requiſita in tantum eſt malum, in quantum per hoc incurritur periculum, & temeritas transgrediendi legem. Vel ſecundò Reſponderi poteſt, quod licet affectatè ignorans extenſivè magis peccet, quàm ſcienter transgrediens legem, hic tamen magis intenſivè peccat, quia magis perversè & malitioſe.

Arguitur Secundò: Qui vult ignorare legem, ut inde liberius peccet, hoc ipſo vult peccatum, & quidem cum majore libidine, & conatu in illud fertur, ſed talis eſt peccans ex affectata ignorantia, ergo gravius peccat. Respond. Si talis ſit in ſe ita diſpoſitus, ut paratus ſit abſolutè malum committere, etiam ſi illud ſciret, tunc æquè ſaltem peccat, ac ſi ſcienter ageret, & hoc non negat concluſio, ſed ſolum in caſu, quo quis affectat ignorantiam, ut liberius, id eſt ſine majori obligatione ac contemptu legis poſſit frui concupito.

Dico Quintò: *Si nulla præceſſit co-*



VI. Ebriorum  
facta qua  
ratione  
imputatur  
ad culpam.

fit cogitatio, vel in actu, vel in debito de opere malo in ebrietate, vel simili causa culpabili secuto, vel etiam si præcessit aliqua cogitatio, adhibuit nihilominus debitam diligentiam, nè tale opus eveniat, ejusmodi opus coram DEO non imputatur ad culpam novam distinctam à culpa suæ cause. Conclusio quoad omnes partes est communis, & D. Bonavent. in 2. d. 22. a 2. q. 3. Castro lib. 2. de lege pœnalicap. 14. & aliorum apud Vasquez. dist. 127. Prima pars de se patet, quia nihil est peccatum, nisi voluntarium, nec voluntarium, nisi aliquo modo præcognitum. Secunda pars etiam patet, quia quamvis prævideatur aliquomodo talis effectus secuturus ex causa, si tamen adhibeat debitam diligentiam ad illum præcavendum, puta si evitet tale consortium hominum, cum quibus rixari solet, vel consortium sceminarum, cum quibus periculum esset, quòd inebriatus peccaret, si in quantum evitet tales occasiones ante ebrietatem, & fugit ad alium locum, in quo non est simile periculum, etiam si postea sequatur opus in se aliàs malum, tunc dicit conclusio, quòd non imputatur ad culpam, cum nullo modo sit volitum aut prævisum, vel si aliquo modo fuit prævisum, adhibuit tamen debitam cautelam. Confirm. Conclus. ex ijs, quæ S. Scriptura, & Patres dicunt de incestu Loth in ebrietate, excusantes eum à peccato incestus, quamvis non ab ebrietate. Origenes enim homil. 5. in Genes. ita loquitur: *Nescio si quis potest excusare Loth, ut eum immunem faciat à peccato, nec rursus eum ita accusandum puto, ut ita gravis incestus fieri debeat reus, non enim invenio eum insidiatum esse, aut violenter eripuisse pudicitiam filiarum, sed magis insidias passum, & arde circumscriptum, sed neque rursus circumventus esset à puellis, nisi inebriari voluisset, unde videtur mihi in parte culpabilis, in parte excusabilis, excusari namque potest, quòd à concupiscentiæ & voluptatis crimine liber sit, subjacet culpæ, quòd decipi potuit, quòd vino nimis indulgit. Idem ha-*

bent alij Patres. Quæ contra hanc conclusionem objici possunt, soluta sunt supra, Solùm hic addendum est ex Majori in 4. d. 17. q. 8. multa facta ebriorum etiam prævisa non reputari ad peccata, quæ alioquin essent, si fierent à sobrijs, nempe dicta vel facta contumeliosa, ex quibus non sequitur ullum detrimentum proximi, ratio est, quia ejusmodi in æstimatione hominum non reputantur injuriosa, secus dicendum de morte, mutilatione, vel alio damno corporali, quia hæc lædunt proximum, sunt etiam alia, quæ in ebrietate facta non reputantur peccata, quæque postulant scienter fieri, ejusmodi sunt blasphemia, infidelitas, perjurium, nam qui non videt vel dubitat esse falsum, quod jurat, perjurus non censetur.

## QUÆSTIO DECIMA.

An & quomodo ignorantia juris & facti excuset à peccato, & à pœna Legis humana?

**A**B essentiali pœnà ad accidentalem, quæ ab homine fieri solet, progredior, ut materiarum distinctio majorem afferat claritatem. Est autem accidentalis pœna in foro Ecclesiastico quàm maximè Censura Ecclesiastica, quæ in punitionem culpæ statuta est: potestque talis dupliciter considerari: Primò enim sunt quædam propriè dictæ pœnæ propter delicta in peccantes latæ, ut Excommunicatio, Suspendio, & Interdictum. Aliæ improprie dictæ, quæ non tam ob punitionem culpæ, quàm ob reverentiam divinorum, vel aliam justam causam statuuntur, ut Irregularitas, Bigamia, Cessatio à divinis &c. pro intelligentia dicendorum in posterioribus conclusionibus

Notandum Primò: Quod culpa, ob quam pœna infligitur, & ut distinguitur à dolo, sit *Deviatio in-circumspecta ab eo, quod secundum legem esse deberet, & per hominis diligentiam prævideri poterat*: Et est triplex

L.  
Pœna Ec-  
clesiastica  
est duplex

II.  
Culpa quid  
& quatu-  
plex.

plex *Lata*, *Levis*, & *Levissima*. Culpa *Lata* est incircumspecta deviatio ab eâ diligentia, quam habent communiter homines ejusdem professionis. Culpa *Levis*, est deviatio ab ea diligentia, quam communiter habent homines diligentes in similibus actionibus. *Levissima* autem dicitur incircumspecta deviatio ab ea diligentia, quam communiter diligentissimi homines in similibus adhibent. *Dolus* ut distinguitur à culpa, est calliditas, fallacia, seu machinatio insidiosa nocendi. Et est duplex, *Verus* & *præsumptus*. *Verus* dolus est formale propositum nocendi, vel peccandi. *Præsumptus* autem coincidit cum culpa lata. Pro quo

III.  
Peccatum  
quando  
punitur ex  
dolo vero.

Notandum Secundò: Tunc dignosci legem punire peccatum tantum ex dolo vero quando imponitur poena corporis vel sanguinis, aut quando punitur in fama, vel in statu, quia ibi culpa lata, seu dolus præsumptus non æquiparatur dolo vero. Ita Sylvester tit. *Culpa*. q. 10. & tit. *Pœna*. q. 16. & alii apud Cordubam. Et generaliter in utroque foro tunc punitur poenâ legis peccatum ex dolo vero tantum & non præsumpto, quando lex expresse id sonat, ut cum dicit: *Si quis suadente diabolo* &c. *Si quis scienter*, aut *dolosè* &c. & maxime, si delevi aut levissima, sive ignoretur, sive non, non incurratur regulariter poena, seu censura legis. Ita communior opinio Doctorum, & Ratio est, Quia regulariter non imponitur talis poena nisi pro dolo vero, aut præsumpto. Dixi *Regulariter*, quia aliquando, licet raro, incurritur irregularitas, vel alia poena legis ob levissimam culpam, ut cum Medicus occasione medicinæ occidit hominem infirmum ob suam levissimam, vel nullam culpam, & hoc quia sic voluerunt leges propter odium criminis, & facti in se, vel ob decentiam statûs Ecclesiastici. His prænotatis

IV.  
Ignorantia  
crassa non

Dico Primò: *Ignorantia crassa, vel affectata juris vel facti, sicut non*

*excusat à culpa mortali, ita nec à ju- re, vel ab homine lata.* Est communis, & Glossæ cap. *Apost. in ver. probabilis*. Panor. num. 3. & 4. Adriani in 4. tract. de clavibus q. 1. & alii, quos citat, & sequitur Sayrus de censuris lib. 1. cap. 18. & probatur eadem ratione, quâ supra ostendi ignorantiam crassam non excusare à culpa. Ex hoc infertur, quod percutiens Clericum, quem ex ignorantia crassa vel affectata ignorat esse talem, non solum peccet peccato sacrilegii, sed etiam excommunicationem incurrit secundum communem. in cap. si verò.

Dico Secundò: *Ignorantia invincibilis juris, & facti sicut à peccato, ita etiam ab excommunicatione aliisq. poenis excusat, v. g. si statutum sit, ne quis arma de nocte deferat sub poena excommunicationis, Petrus ignorans invincibiliter illud statutum, & ignorans similiter factum in se esse malum, non peccat contra faciendum, nec incurrit poenam legis.* Ita Corduba lib. 2. q. 26. Sayrus, ubi supra, & alii. Probat: Quia eadem ratione qua ignorantia invincibilis excusat à culpa, excusat à fortiori à poena propter illam culpam statuta, cum hæc non nisi ob culpam regulariter statuatur. Ex hoc

V.  
Ignorantia  
invincibilis excusat  
à culpa &  
poena.

Infertur Primò: à paritate, quod ignorantia invincibilis circumstantiæ, quæ speciem peccati aggravat, vel mutat, sicut excusat à culpa, sic etiam à poena propter talem circumstantiam lata. v. g. peccans cum moniali ignorans talem esse, sciens tamen non esse suam, licet peccet peccato fornicationis, excusatur tamen à peccato sacrilegii, adeoque à poena propter hoc, si quæ imposita est.

Infertur Secundò: Quod percutiens Clericum putans invincibiliter non esse talem, etiam si sciat esse hominem, tamen si sit percussor, non tamen incurrit excommunicationem latam contra percutientem Clericum, ita Covarru. cap. *Alma Mater* Prima parte, Et alii apud Sayrum supra. Ratio est, quia hæc poena infligi-



infigitur solum temerariis Clericorum percussoribus, non autem percussoribus hominum, talis autem non fuit in nostro casu, cum invincibiliter ignoraverit eum esse Clericum, secus autem dicendum de eo, qui percutit Petrum Clericum, putans invincibiliter esse Paulum Clericum, cui soli inimicus erat, sciens tamen certò esse Clericum, tunc enim talis est verè percussor Clerici, & excommunicatus, quia licet erraverit in hoc particulari individuo, & secundum hoc actus videatur involuntarius, veruntamen actus iste est voluntarius in objecto, & percussione Clerici, ideoque in re censetur temerarius percussor Clerici, quidquid in hac re dicant nonnulli.

Infertur Tertiò: Quòd ignorantia invincibilis facti ob inadvertentiam circumstantiæ, aut speciei, licet non excuset à peccato mortali opus, benè tamen ab excommunicatione, unde volens percutere Petrum laicum, & errans in persona percutit Paulum Clericum, existimans esse Petrum laicum, eò quòd absq; habitu Clericali & tonsura incedens appareat laicus, non est excommunicatus, ex cap. Si verò secundo de sententia excommunicationis. Ratio est, quia talis non censetur temerarius percussor Clerici, utpote quem invincibiliter ignorat esse talem.

IV.  
Ignorantia  
invincibilis  
Canonis  
excusat à  
pœna hu-  
mana.

Dico Tertiò: Ignorantia invincibilis Canonis, aut statuti pœnam excommunicationis, vel similem statuentis pro actu aliquo jure divino, aut naturali minimè prohibito, sed solum jure illo positivo excusat ab eadem pœna. Ita Bartolus in leg. Cunctos populos. n. 21. Panor. Angelus, & alii apud Sayrum. Probatut: Quia excommunicatio, vel quævis alia pœna Ecclesiastica non infertur nisi ob culpam, ergo sicut illa ignorantia Canonis excusat à culpa, ita & à pœna Canonis. Ex quo patet, quòd contrahens cum ea, quæ in 3. vel 4. gradu consanguinitatis, vel affinitatis est sibi conjuncta, igno-

rans invincibiliter jus canonicum tales nuptias prohibens, licet matrimonium in se invalidum sit, non tamen incurrit talis excommunicationem Clementinæ Unicæ de consanguinitate & affinitate, nec peccat eam cognoscendo, quamdiu manet in illa ignorantia. Ita Navarr. in Manuali cap. 22. n. 43. & alii apud Sayrum, de Censuris lib. 1. cap. 18.

VII.  
Ignorant  
canonem  
ob deli-  
ctum lege  
divina  
prohibi-  
tum nec  
incurrit  
pœnam.

Dico Quartò: Ignorans invincibiliter Canonem non solum Ordinarii, sed etiam Papæ, excommunicationem, vel aliam pœnam imponentem pro delicto alioquin lege divina vel naturali prohibito, & ut tali cognito, committens illud delictum, pœnam talis canonis non incurrit. Conclusio loquendo de canone Ordinarii est satis communis, eamq; tenet Joannes, Andreas cap. 2. V. Ignorans. Glossa, verb. Ignorantes, de constitut. lib. 6. & alii plurimi apud Sayrum supra, loquendo autem de canone Pontificio, idem tenet dictus Sayrus, & Joann. Andr. in cap. Ut animarum nec improbabilem reputat Corduba lib. 2. qu. 22. contra quosdam alios apud eosdem Authores, sed dicta opinio æquior est, & in praxi magis tenenda, quia pœne sunt semper restringendæ, & Probatut Primò: Ad excommunicationem & similem gravem pœnam requiritur contumacia, & inobedientia contra Ecclesiæ præceptum, juxta illud Matth. 18. Si Ecclesiam non audierit, ex quo loco deducunt Theologi, Ecclesiam habere potestatem ligandi & solvendi etiam in foro exteriori, nunc autem ignorans legem Ecclesiasticam, nec contumax, nec inobediens Ecclesiæ dici potest, ergo.

Probatut Secundò: Quantitas pœnæ debet proportionari quantitati culpæ cap. Felicis. de pœna. lib. 6. sed talis peccans licet offendat DEUM, eiq; sit inobediens & contumax, non tamen offendit Conditorum canonis, nec ei inobediens censetur, cum canonem ignoret, ergo nec incurrit pœnam ejusdem canonis,



nis, sive conditor sit Ordinarius, sive summus Pontifex.

**Probatum Tertiò:** Quia non est verisimile, quòd pia Mater Ecclesia, aut summus Pastor in terris velit fidelibus laqueum injicere, quod tamen faceret, si ignorantia invincibilis non excusaret à quibuscunq; pœnis canonicis, nimis enim durum esset affirmare, Indos & alios à Curia Romana longè remotos obligari ad constitutiones à Romano Pontifice editas, etiam pro peccato, aliàs jure divino damnato, priusquam dictæ constitutiones ad eorum aures pervenirent, de quibus nec ipsi probabiliter inquirere tenentur. Contra secundam partem hujus ultimæ Conclusionis, in qua sola est difficultas,

**Arguitur Primò:** Ex cap. *Ut animarum*, de constitutione lib. 6. ubi Pontifex vult statuta Ordinariorum non obligare ignorantes. Ex qua arguunt Authores contrariæ sententiæ dictum caput est novi juris induktivum, adeò ut ante ejus editionem, statuta etiam Ordinariorum obligarent ignorantes, ergò cum per dictum caput Papa solum excipiat statuta Ordinariorum, manet adhuc jus commune, & Pontificium in suo vigore sicut antea. Respond. Dictum caput nobis magis favere, quia utrobique par est ratio, unde falsum est, quod assumit ibi Adrianus, scilicet Papam ibi jus novum condidisse, solum enim Pontifex declaravit ibi jus commune, contra quod iudices Ordinarii credere possent ignorantiam invincibilem suorum statutorum, non excusare, ut rectè notavit Sayrus ex Soto.

**Arguitur Secundò:** Ex cap. *Illorum*, de sententia excommunicationis, ignorantia juris infligentis excommunicationem percussori Clerici, non excusat ab irregularitate eum, qui memor facti, & juris ignarus, Ordines in eo statu suscipit, ergò ignorantia juris Pontificii non excusat à pœnâ. Respond. Canonem illum intelligi de ignorantia crassa, & culpabili, non de invincibili, cum

enim Canon ille de Clerici percussione sit omnibus notissimus, ut ibi supponit Pontifex, ideò percussor ille præsumitur Canonem illum scire, adeòque ex lata, seu præsumpta culpa excommunicationem incurrere. Hoc modo interpretari debet Scotus. dum in 4. dist. 6. q. 9. n. 1. & 2. dicit: quòd reiterans baptismum sciens divinam legem id prohibentem, quamvis ignoret jus humanum statuens pœnam, sit irregularis. Idemque dicit de percussore Clerici. Ad hoc, inquam, dicendum est, Scotum ibi loqui de ignorantia juris crassa, & culpabili, maximè cum casus ibi à Scoto positi sint contra jura omnibus ferè nota, vel cognitu facilia, ideòque præsumit ibi Scotus, quòd talia jura ignorantes culpabiliter ignorent, & sic rectè dicit, eos non excusari; quod clariùs insinuat in 4. dist. 13. q. 2. n. 10. ubi loquens de pœna ministrantis Eucharistiam in quocunque impedimento canonico, dicit quòd ignorantia juris à tali pœna non excusat, & rationem subdit: *Quia, inquit, tenetur ille, qui se exponit ad tantum actum, scire jura, secundum quod debet exercere talem actum, & ideò talis ignorantia juris non excusat:* ubi patet, eum loqui de ignorantia crassa, quæ est privatio scientiæ, quam deberet quis habere.

**Arguitur Tertiò:** Quamvis quis ignoret pœnam civilem, nempe quòd fur, vel homicida suspendendus sit, si tamen furtum, aut homicidium committat, pœnam legis non evadit, cum satis sit, quòd sciat, vel scire debeat actum esse malum, & jure divino damnatum, ergò similiter licet quis ignoret pœnam excommunicationis, vel similem à lege latam contra factum jure divino damnatum, talem pœnam non evadet. Confirmatur: Quia qui scienter peccat contra legem naturalem aut divinam, esto ignoret pœnam inferni pro tali infligendam, non proinde evadit pœnam æternam, ergò similiter in proposito. Respond. Neg. consequ: quia quamvis ignorantia probabilis, vel etiam invincibilis pœnæ



pœnæ ordinariæ à lege civili imposita pro delicto ex se malo, non excuset ab illa ordinaria pœna legis, eò quòd delinquendo consentire videatur in pœnam ordinariam tali delicto correspondentem, cum sciat, aut scire debeat, omni peccato aliquam ordinariam pœnam imponi solere. Ex Leg. Imperatores. §. de jure fisci. secus tamen dicendum est de pœnis exorbitantibus de novo, & extraordinariè impositis pro delictis jure communi prius damnatis, ut latè probabat Crotus in repetitione capituli *Ut animarum. n. 27. de constitut. lib. 6.* Et ita licet ignorantia communiter nequeat esse justa circa legem naturalem vel divinam, & per hoc peccans mereatur pœnam ordinariam pro talibus delictis taxatam, cujusmodi pro peccato mortali est pœna æterna, quia talis pœna scitur, vel sciri debet, potest tamen esse justa ignorantia circa pœnam exorbitantem, & extraordinariam legis humanæ, quia etsi sciat, vel scire de-

beat, id quod facit esse malum, & puniendum juxta naturam delicti, & proinde consentire videatur in pœnam ordinariam, nescit tamen, nec scire semper debet tantam pœnam, quanta est excommunicatio, vel similis exorbitans, esse latam, nisi facta debita promulgatione. Per hæc patet ad confirmationem

Arguitur Quartò: Ex cap. 1. *Ultimo. de sententia excommunicationis*, habetur impuberes in Canonem, & excommunicationem capitis, si quis suadente diabolo incidere, quandoquidem ibi agatur de ipsis absolvendis ab ea excommunicatione, sed illa ætas quidquid videt, ignorat, ergò signum est, ignorantiam juris non excusare. Respond. dictum caput loqui de impuberibus doli capacibus, adeoque potentibus scire legem & Canonem. Et cum dicitur, quòd talis ætas quidquid videt ignorat, solum est verum de iis, qui sunt doli incapaces.

\*\*\*\*\*

## DISPUTATIO SEPTIMA.

D E

### Effectibus Peccati Actualis.

**N**ihil nil fit, decantata est parœmia: Peccatum nihil est, nihil ergò causare deberet? Sed cheu! quanta mala hoc unum operatur malum: Angelos de cœlo ejecit, Adamum ex paradiso, Posteriores gratiâ spoliavit, omnes, qui operantur iniquitatem, reos facit mortis, gehennæ, & æternæ damnationis! Et hoc non tantum quando illud nihilum actui, & actu inest, sed & quando transit, hominem relinquit esse peccatorem, adeoque aliquid esse debet, unde denominetur homo peccator, quidquid illud sit, effectus peccati est, quem S. Jeremias vocat *Maculam* cap. 2. *Si laveris te nitro, & multiplicaveris tibi herbam Borith, maculata es in iniquitate tua coram me, dicit Dominus DEUS.* Ezech. 24. *Immunditia tua execrabilis: quia mundare te volui, & non es mundata à sordibus tuis.* Et cap. 36. *Et effundam super vos aquam mundam, & mundabimini ab omnibus inquinamentis vestris, & ab universis idolis vestris munda- bo vos.* D. Paulus appellat *sordes* ad Ephes. 1. Et 1. ad Cor. 8. *Pollutio, Conscientia ipsorum, cum sit infirma, polluitur*, quibus metaphoris Spiritus S. indicat, quòd quemadmodum maculæ & sordes auferunt nitorem, & splendorem corporis causando foeditatem, sic peccatum actuale auferens gratiæ nitorem ab anima, relinquit post se foeditatem. Primus ergò effectus peccati actualis est macula quædam in anima. Secundus reatus pœnæ. Tertius corruptio naturæ rationalis, de quo jam egi suprâ Disp. 2. q. Restat ergò de primis duobus hic agendum.

QUÆ-



QUÆSTIO PRIMA.

*De Macula relicta & remanente  
ex peccato actuali, quæ peccatum  
habituale dicitur.*

L.  
Malitia  
transactio  
facto tran-  
sit.

**P**rima & potissima difficultas est, cum ex una parte malitia moralis, vel macula non insit animæ, nisi mediantibus suis potentiis, neq; potentiis, nisi mediantibus actibus: Et ex alia parte actus statim transeat, hinc fit, ut originis relatio, vel privatio, bonitas aut malitia, quæ tali actui inerat ipso actu desinente desinere oporteat. Quæritur igitur, quid post actum transactum sit in homine, à quo formaliter & verè dicatur peccator, ad cuius deletionem requiritur pœnitentia? Qua in re prima sententia, seu potius error est quorundam asserentium, maculam peccati consistere in qualitate morbida, qui error supra rejectus est à me, agendo de peccato originali.

II.  
Macula  
peccati  
non con-  
sistit in ha-  
bitu vitio-  
so.

Secunda sententia docet, maculam esse habitum vitiosum ex peccato relictum, favet Bassolis in 4. dist. 4. q. 2. hæc etiam ab omnibus rejicitur, Primò, Quia in iusto recenter converso, manent multi mali habitus, seu pronitates ad malum. Secundò, Quia unus habitus malus expellit alium, ut prodigalitas avaritiam, & unum peccatum habituale non sic expellit alterum, ergo macula, seu peccatum habituale non consistit in aliquo vitioso habitu ex actibus relicto.

III.  
Macula  
non consi-  
stet in ob-  
ligatione  
ad penam.

Tertia sententia ait, maculam seu peccatum habituale consistere in obligatione quadam ad pœnam condignam tali culpæ, quæ obligatio secundum hanc sententiam est relatio realis fundata, non in ipso actu, utpotè qui jam transiit, sed in ipsa essentia animæ ex præsupposita actuali culpa jam præterita. Hæc sententia à multis tribuitur D. Thom. in 4. dist. 14. q. 2. a. 1. verum Soto non vult esse D. Thomæ, sed

sententiam illius esse, quam tradit. 1. 2. q. 86. a. 1. & 2. videlicet maculam consistere in privatione gratiæ, quæ est lux & nitor animæ, ac proinde hominem post transactum peccatum esse in peccato, nihil aliud esse, quàm cavere gratiâ, & per hoc esse DEO invisum, peccatum verò remitti, esse redire ad gratiam sanctificantem. Vasquez disp. 139. cap. 5. ait: maculam consistere in eo, quod est peccasse, & non revocasse, pro hac citatur etiam D. Thomas. Alii, ut Medina, tract. 1. de pœnitentia q. 7. Suarez tom. 4. disp. 9. sect. 4. dicunt, maculam consistere in eo, quod est peccasse, & condonatum non esse: hæc duæ ultimæ sententiæ in eo deficiunt, quòd neutra se sola sufficienter explicet naturam peccati habitualis, seu maculæ: de prima patet, quia etiam si homo retractasset actum præteritum, adhuc macula maneret, nisi DEUS condonaret, ergo sicut ad deletionem maculæ præter retractationem ex parte hominis, requiritur condonatio ex parte DEI, ita ad hoc, ut intelligatur macula illa permanere, præter hoc, quod est non retractasse, requiritur etiam DEUM non condonasse. Ex quo etiam patet insufficiencia alterius sententiæ, quia præter hoc, quod est DEUM non condonare peccatum, requiritur etiam hominem non retractasse, ad hoc, ut intelligatur manere, sicut ad ejus deletionem de lege ordinaria requiritur retractatio actus præteriti per pœnitentiam, ex qua sequitur condonatio. ex parte DEI juxta suam promissionem; unde videtur mihi ex his duabus ultimis sententiis posse integrari unam bonam, & veram juxta mentem Scoti.

Quinta itaque sententia principaliter controversa, & impugnanda est, quam sequuntur Gabriel in 4. dist. 14. q. 1. Major q. 1. Bassolius ibidem, Almainus, & Angles de Sacramento pœnitentiæ art. 3. qui omnes dicunt peccatum habituale, seu maculam post actum remanentem consistere in ordinatione ad pœnam,



nam, quæ ordinatio est denomina-  
tio extrinseca ab actu divinæ volun-  
tatis ordinantis culpam actualem  
ad poenam. Hæc ab omnibus tri-  
buitur Scoto in 4. d. 14. q. 1. & ut  
talis ab omnibus ferè rejicitur, à  
quibusdam censuratur, Lorca dicit,  
quod defendi amplius non potest  
propter Bullam Pii V. & Gregorii  
XIII. contra Bajum. Vasquez ait  
esse notatam ab iisdem Pontificibus  
in Bulla quadam, qua damnantur  
propositiones quædam Baji, qua-  
rum 53. erat. *In peccato duo sunt  
actus & reatus, transeunte actu ni-  
hil manet nisi reatus, si ve obligatio ad  
poenam. Unde in Sacramento baptis-  
mi aut sacerdotis absolutione proprie  
reatus peccati duntaxat tollitur, & in  
ministerium sacerdotis solum liberat à  
reatu.* Hæc Bajus, quæ verba di-  
cunt Adversarii esse doctrinam  
Scoti.

Sed priusquam, quæ sit mens  
Scoti declarem, Notandum est, non  
omnes propositiones dicti Baji (ut  
monet ipse Vasquez) esse damnatas,  
& hoc tantum in sensu ab assertori-  
bus intento, nam in fine ejusdem  
Bullæ subditur: *Quas quidem senten-  
tias stricto coram nobis examine pon-  
deratas, quanquam nonnulla aliquo  
pacto sustineri possent, in rigore tamen,  
& proprio verborum sensu, ab asser-  
toribus intento, hæreticas, errone-  
as &c. præsentium auctoritate da-  
mnamus.* His adjungit Vasquez ex  
suo: *Et quamvis, inquit, prædictæ  
propositiones non damnentur, nisi in  
sensu ab authore intento, hanc tamen  
propositionem non docuit ille in alio  
sensu, quam Scotus, & quam verba  
sonant.* Hæc Vasquez. Quæ si ve-  
ra sint, mirum profectò est, cur tot  
summi Pontifices, præsertim Pius  
& Gregorius, eas in Scoto non no-  
taverint; cur tot iudices expurga-  
torii ab adversariis doctrinæ Scoti-  
cæ per tot sæcula ex operibus Scoti  
eas non ex Societ: JESU expunxe-  
rint? cur Antonius Posovinus in suo  
apparatu de Scoto loquens dicat:  
*Cujus doctrinæ grave illud testimoni-  
um extat, quod ejus libri absq; ulla*

*erroris nervo usque in hanc diem per  
trecentos circiter annos in OEcume-  
nicis Conciliis inviolati permanse-  
runt &c?* Cur deniq; Sacra Congre-  
gatio Cardinalium teste Cavello in  
vita Scoti, districtè mandaverit Ma-  
gistris Sacri Palatii, quæcunq; Scoti  
esse constiterit sine ulteriori exami-  
ne liberè prælo mandari sinant? Te-  
nendum ergo est, non in eodem sen-  
su dictas propositiones intentas esse  
à Bajo, ac à Scoto, quod ulterius  
probatur, quia Bajus dicit transeun-  
te actu nihil remanere præter rea-  
tum, vel obligationem ad poenam;  
at Scotus expressè dicit remanere  
injustitiam habitualement, id est caren-  
tiam gratiæ sanctificantis: Tum,  
quia Bajus dicit in Sacramento ba-  
ptismi, & poenitentiae reatum dun-  
taxat tolli: at Scotus ubiq; docet,  
etiam gratiam sanctificantem con-  
ferri. Tum deniq; assertores illa-  
rum propositionum de rigore ser-  
monis videntur velle, quod illa ob-  
ligatio remanens, sit obligatio ab-  
solutè proveniens ex voluntate DEI,  
nulla habita relatione ad peccatum  
præteritum commissum. At Sco-  
tus non ita, sed expressè docet, illam  
obligationem dicere respectum ad  
poenam, non quomodocunq; sed ut  
debitam propter peccatum com-  
missum, in re quidem præteritum,  
moraliter tamen permanens, ergo  
longè diversus est sensus Scoti à sen-  
su Michaëlis Baji. Quare cum ad-  
versarii ad corticem litteræ atten-  
dentes nimis exaggerant id quod  
aliquoties repetit Scotus, videlicet  
offensam, maculam, reatum, cessan-  
te actu peccati nihil aliud esse, quàm  
relationem rationis, seu ordinatio-  
nem ad poenam, idè oportet hic  
parum sistere, & ex ipso fonte ge-  
nuinam Scoti mentem colligere.  
Scotus igitur in 4. d. 14. q. 1. n. 3.  
quærens quid remanet in peccatore  
transeunte actu, à quo dicitur pec-  
cator, duo facit, Primò, ostendit,  
quid non sit illa macula, quæ re-  
manet. Secundò explicat, quid  
sit, quoad primum dicit, & cum  
ipso ego

(\*) Kkkkkk

Dico



V.  
Macula  
peccati  
non est  
privatio  
gratiae san-  
ctificantis.

Dico Primò : *Illam maculam non esse solam privationem gratiae, quae dicitur justitia habitualis, & nitor animae.* Est contra D. Thomam, & Authores quartae sententiae suprà relatae. Ante probationem Notandum est, Scotum notanter dixisse maculam illam non esse solam privationem gratiae, per hæc aperte innuens, maculam peccati de lege ordinaria involvere privationem gratiae, sed non solam, quod probat Primò : Quia ex opposito sequeretur, quod qui commisisset duo millia peccatorum, non esset magis peccator, quam qui unum commisit tantum peccatum : probatur sequela : Quia per minimum mortale privatur quis gratia totaliter, ac per duo millia, ergo si peccatum habituale in sola privatione gratiae consistit, unus non erit magis peccator quam alius, præsertim in sententia D. Thomæ, qui dicit, quod privatio in facto esse non suscipit magis & minus, adeoque privatus gratia propter unicum peccatum non erit minus privatus, quam si mille committeret.

Dices cum aliquibus : Privationem gratiae in illis esse inaequalem, ex eo, quod gravius, & sæpius peccans majori se gratia privet. Sed contra : sæpè fit, ut quis post acquisitum magnum cumulum gratiae ac meritorum semel tantum, & non adeò graviter mortaliter peccet, & consequenter perdat habitum gratiae multò intensiorem, quam perdit facinorosissimus aliquis, qui post gratiam baptismalem nullum unquam gradum gratiae acquisivit, sed semper in statu peccati permansit, sed si solutio illa esset vera, sequeretur, quod primus gravius peccaret, quam secundus, siquidem intensiori habitu gratiae se privavit. Dices cum Cajetano, Soto, Medina, & aliis, quod macula non est nuda, & pura privatio gratiae, sed cum ordine ad causam scilicet peccatum præteritum, seu ad voluntatem liberè operantem, & sic ex diversa ratione, majori quoque intensione, vel exten-

sione voluntarii in peccando, privatio gratiae dicitur magis, vel minus intensa, vel extensa, ita quod secundum diversitatem peccatorum, maculae seu privationes gratiae sint majores vel minores, ad eum modum, quo ex diversitate corporum soli objectorum diversificantur umbræ. Sed contra : Nec hæc solutio satisfacit, nam non aliter intenditur, vel augetur privatio formæ, quam intenditur vel augetur ipsa forma, sed gratia secundum omnes per primum peccatum totaliter destruitur, ita ut nihil ejus remaneat, ergo ejus privatio tunc succedens privat totaliter intensivè & extensivè gratia, ergo secundum peccatum succedens sicut nihil minuit, aut tollit de gratia, utpotè cujus nihil jam existit, ita nihil augeat, vel intendit in privatione gratiae factum per primum peccatum, quantumvis augeat de voluntario, ergo intelligibile est, quod isti dicunt, scilicet privationes gratiae esse majores, vel minores, secundum diversitatem peccatorum præteritorum, unde falsum est, quod supponunt, scilicet diversitatem privationum desumi à diversitate causarum, cum potius ex diversitate formæ privatae desumatur, nam cæcitas in oculo, sive à DEO, sive ab homine, sive à quacunque alia causa inducatur, erit ejusdem semper speciei, quia privat semper formam ejusdem speciei, scilicet visu, unde eorum exemplum est ad oppositum, nam revera in eadem parte aeris respectu ejusdem partis luminis non possunt à diversis quantumvis corporibus sibi in eadem parte aeris eodem situ & dispositione succedentibus causari diversae speciei umbræ, vel etiam numero, siquidem ejusmodi corpora, quantumvis inter se diversa, si eundem situm, dispositionem, & figuram habeant, eandem umbram causabunt, eandemque luminis privationem.

Probatur secunda conclusio : Privatio gratiae est poena peccati à solo DEO physicè causata, sicut ab ipso solo physicè infunditur, sed peccatum



catum habituale non est à DEO, ergo privatio gratiæ non est ipsum peccatum habituale permanens. Tertiò : Si per impossibile nulla esset gratia, adhuc posset esse lex, ergo posset esse peccatum, quo casu peccatum non esset privatio gratiæ.

Arguitur in contra Primò : Justitia habitualis est ipsa gratia sanctificans, ergo injustitia seu peccatum habituale est privatio gratiæ sanctificantis. Respond. neg. consequ. licet enim gratia dicatur justitia habitualis, in quantum est causa formalis justificandi opera bona in ordine ad vitam æternam, non est tamen justitia illa, quæ privativè opponitur peccato, sed hæc est rectitudo actualis debita inesse actui, & quæ post actum moraliter debet permanere, & per consequens peccatum habituale, erit potius privatio rectitudinis habitualis, quæ deberet inesse.

Arguitur Secundò : Peccatum habituale est macula & immunditia animæ, & ex alia parte gratia est nitor animæ, ergo peccatum habituale nihil est aliud, quam privatio illius nitoris. Respond. distin. consequ. est privatio solius gratiæ, nego. illius, & adhuc aliquid aliud supra, conc. Itaq; argumentum benè concludit peccatum de lege ordinaria involvere privationem gratiæ, sed non solam, nec ex eo solo peccatum dicitur macula, quia privat gratiā, sed quia est ex se disconveniens animæ, & inductivum pœnæ, ac inimicitiae DEI, & ex hoc etiam dicitur reatus vel offensa.

**VI.**  
Macula peccati nō quid reale absolutum vel relativum.  
Dico Secundò : *Nihil reale absolutum, vel relativum est in anima cessante actu peccati, à quo quis dicatur peccator.* Hæc conclusio est communis contra tertiam sententiam, & est Scoti supra. Probat. : Quia vel esset relatio realis intrinsecus adveniens, vel extrinsecus adveniens; non primum, quia hæc necessariò manet manentibus extremis, sed anima, quæ secundum illam sententiam est fundamentum illius relationis, & pœna inferni, quæ est ter-

minus possunt manere absq; eo, quod anima sit ordinata ad talem pœnam, quia pono, quod per pœnitentiam deleatur macula, ergo talis relatio non potest dici intrinsecus adveniens : Quod nec etiam sit extrinsecus adveniens probatur, quia hæc non insurgit præcisè virtute extremorum, sed ab agente extrinsecò causatur, ut patet de actione, passione, ubi, &c. ergo oportet assignare causam aliquam extrinsecam effectivam illius relationis : Tunc sic, hæc causa in proposito non est ipsa anima, quia hæc nullam actionem habet nisi eam, quæ actus peccati producit, quæq; jam transit, & cum ea omnis relatio per eam causata. Nec potest dici, quod DEUS sit causa illius relationis, aliàs esset causa peccati habitualis, ergo peccatum habituale non consistit in aliqua relatione extrinsecus adveniente. Quod nec etiam consistat in aliquo absoluto, omnes docent. Ex his

Arguitur in contra : Si peccatum habituale nihil reale, absolutum, vel relativum dicit, ergo DEUS propter nihil, seu propter ens rationis infligit pœnam æternam, nec sacerdos absolvit in Sacramento pœnitentiæ, nisi ab ente rationis &c. quæ omnia, sicut videntur, sunt absurda, ergo. Respond. distin. sequelam : Peccatum habituale est nihil, & ens rationis merè fictitium, neg. antec. Est ens rationis, & nihil reale, fundatum tamen verè in ente reali vero, vel interpretativo, conc. in hoc sensu autem non sequuntur dicta absurda, in primo tamen sequerentur, unde etiam optimè negaretur suppositum.

Dico Tertiò : *Nec macula permanens, seu peccatum habituale est sola elongatio animæ à DEO, per dissimilitudinem, quæ DEUS est vita, & puritas animæ, & ideo elongari ab eo per peccatum, est esse pollutum & maculatum, donec per pœnitentiam ei appropinquet.* Hæc est contra Magistrum, & refutatur ibidem à Scoto, quia quamvis verum sit, quod in macula, seu peccato habituali includatur

**VII.**  
Macula nō est elongatio à DEO.

(\*) Kkkkkk a

datur



datur hoc, quod est esse elongatum, & dissimilem DEO, non tamen explicat quid illud sit, in anima post actum, quo dicitur sic elongata à Deo, vel ei dissimilis, cum tamen in hoc sit tota difficultas.

Refutata scientia Magistri rejicit Scotus quendam alium modum dicendi, scilicet maculam nihil aliud esse, quam habitum vitiosum à peccato actuali in anima relictum, sicut & ego supra rejeci, ostenso igitur quid non sit illa macula, postmodum explicat Scotus quid sit, dicitq; ejusmodi maculam nihil esse aliud, quam relationem rationis, seu ordinationem ad poenam condignam, ita quod secundum ipsum hominem remanere in reatu, seu macula post actum nihil aliud sit, quam ipsum à DEI voluntate ordinari ad poenam condignam tali peccato, quæ sententia bene intellecta verissima est, & communis, pro cuius intellectu

VIII.

Condignitas inimicitiae DEI spectat ad maculam peccati.

Notandum cum Aretino in 4. d. 14. qu. 1. a. 5. peccatum secundum Scotum, ut patet ex ipsius verbis, duo dicere, scil. condignitatem ad poenam, & inimicitiam DEI, & ex hoc ordinationem ad eandem poenam, condignitas illa inimicitiae DEI fundatur super peccatum actuale praesens, vel praeteritum in re, in aestimatione tamen divina moraliter manens, donec per condignam satisfactionem, vel merè gratuito à DEO condonetur, quæ quidem dignitas non est entitas aliqua realis in anima, sed hominem post actum peccati esse dignum inimicitia DEI, nihil aliud est, quam esse objectum aptum, in quo DEUS per condignas poenas suam inimicitiam, & justitiam exercent propter peccatum in re quidem praeteritum, sed moraliter perseverans, donec ex parte hominis retractetur, & ex parte DEI condonetur, sicut per oppositum hominem esse in statu gratiae nihil aliud est, quam esse dignum DEI amicitia, & beatitudinis praemio supposita gratia, unde sicut status gratiae post actuale meritum secundum omnes nihil aliud est, quam dignitas amicitiae DEI, per quam DEUS ordinat hominem ad praemium, ita in

opposito status peccati post actum nihil aliud est, quam dignitas inimicitiae DEI, ex hoc hominem justè ordinatis ad poenam debitam illi peccato in re praeterito, & moraliter manente donec revocetur. Et sicut ordinatio ad praemium sequitur dignitatem amicitiae praemiantis, ita ordinatio, seu obligatio ad poenam sequitur dignitatem inimicitiae punientis. Cum ergo Scotus aperte dicat, in peccato habituali ista duo includi, scil. dignitatem ad poenam, & ordinationem ad eandem, & hæc secunda necessario secundum Scotum supponat primam, siquidem secundum ipsum ubique, Deus neminem punit, vel ordinat ad poenam æternam, nisi sit verè dignus tali poenâ, hinc planum est, Scotum non velle, quod macula, seu peccatum habituale dicat solam ordinationem ad poenam, sed ordinationem ad poenam praesupponentem tamen in homine dignitatem ejusdem poenæ, ac inimicitiae DEI.

Et quia Scotus supponebat tantum per se notum, quod omnis justa ordinatio ad poenam praesupponat dignitatem ejusdem, hinc rationem maculae, seu peccati habitualis post actum permanentis, explicavit per ordinationem ad poenam, tanquam per effectum ejus immediatum, magisq; notum, & ex cujus cognitione facillimè devenitur in notitiam illius maculae, & cum de re constaret, de modo loquendi noluit esse sollicitus, proprius quidem dixisset, maculam esse ipsam dignitatē, secundum quam aliquis dignus est, qui ordinatur ad poenam æternam, imò cum ipsa dignitas sit respectus quidam in illo, qui dicitur dignus ad illud, quod dignus est, scil. ad inimicitiam & poenam, proprius adhuc quidem diceretur, maculam esse id, in quo fundatur talis relatio, hoc autem non est aliud, quam peccatum actuale in re praeteritum, in aestimatione tamen DEI, & moraliter perseverans donec retractetur. Hinc propriissime loquuntur Recentes, dicentes maculam remanentem post actum esse ipsum peccatum actuale in re praeteritum, moraliter tamen perseverans, donec per

II.

Ordinatio ad poenam spectat etiam ad maculam.

con-



condignam satisfactionem deleatur: Pro quo notandum adhuc inter voluntatem producentem actum peccati, & ipsum peccatum post actum remanens esse quasi respectum fontis & conservantis ad conservatum, sicut enim in naturalibus conservatio rei dicitur habitualis, seu continuata productio rei, sic cum quis se avertit à DEO, & convertit ad bonum commutabile, efficit peccatum actuale, & transacta actione peccaminosa in esse physico, remanet & conservatur in esse moris illa aversio à DEO, donec per contrariam voluntatem quis resipiscat. Hinc

X.  
Peccatum  
habitua-  
le  
decla-  
ratur.

Dico Quartò: In rei veritate, & secundum mentem Scoti macula seu peccatum habituale transactò actu nihil aliud est, quàm ipsum peccatum actuale in re quidem & physice præteritum, moraliter tamen, & in estimatione DEI perseverans, donec à peccatore retractetur, & à DEO condonetur, fundans relationem rationis, qua dicitur dignitas inimicitia DEI, adeoq; pena debita. Conclusio hæc præterquam quod ex dictis sufficienter sit probata, adhuc tamen clarè deducitur ex S. Augustino lib. 1. de nuptiis & Concupisc. ad Valerium cap. 36. ubi tria dicit: Eorum peccatorum, qua manere non possunt, quoniam cum fiunt, prætereunt, reatus tamen manet, & nisi remittatur, in æternum manebit, sic illius concupiscentia, quando remittitur, reatus aufertur. Hoc est enim, non habere peccatum, reum non esse peccati. Nam si quisquam v. g. fecerit adulterium, etiam si nunquam deinceps faciat, reus est adulterii, donec reatus ipsius indulgentia remittatur. Habet ergo peccatum, quamvis illud, quod amisit, jam non sit, quia cum tempore, quo factum est, præterit. Nam si à peccando desistere, hoc esset, non habere peccatum, sufficeret, ut hoc nos moneret Scriptura, Fili peccasti, non adicias iterum: Non autem sufficit, sed addidit: Et de pristinis deprecare, ut tibi remittantur. Sed quomodo manent, si præterita sunt, nisi quia præterierunt actu, manent reatu? Ubi duo particulariter dicit, nempe peccatum, quod præterit, manere usque dum remittatur, & peccatum habere esse reum ad peccatum, & ad poenam, & tertio non sufficere ad liberandum se à reatu, à peccato cessare, sed etiam deprecandum esse DEUM, quod idem est, ac retractan-

dum esse, ergò S. Augustinus similiter tenet quod Scotus, Peccatum habituale esse actuale præteritum moraliter manens, nondum retractatum, & nondum condonatum.

Probatur Secundò Ratione: Quia per positam conclusionem non solum res ipsa, sed & modus loquendi hac in re optimè servatur, quod sic declaratur. Nam qui dicunt, peccatum consistere in relatione aliqua, oportet, ut assignent aliquod fundamentum ejus, vel terminum ex parte peccatoris. Item, qui dicunt, maculam esse privationem gratiæ, debent assignare aliquid in peccatore, ratione cujus privetur gratia, & dicatur magis vel minus peccator quàm alius, ut supra visum est. Item, qui requirunt maculam esse relationem rationis, seu obligationem ad poenam necessariò, ut ostensum est, supponunt in peccatore dignitatè ad illam poenam, & hæc dignitas, cum sit relatio, supponit sui fundamentum. Item qui ajunt, maculam esse idem quod peccasse, & non retractasset, non sufficienter explicant; Tum, quia esto homo retractasset per actum contrarium, adhuc posset DEUS non condonare: Tum, quia quamvis non retractasset homo peccatum, DEUS absolute posset illud condonare. Deniq; qui loquuntur peccatum habituale esse idem quod peccasse, & non condonatum esse, non adeò sufficienter rem explicant, quia licet absolute loquendo ad hoc, ut non maneat peccatum, vel macula, sufficiat, quod condonetur ab offenso, tamen de lege ordinaria ex parte offendentis requiritur retractatio offensæ, ut ex hoc sequatur condonatio ex parte offensi. Nostra autem conclusio omnia hæc ponit, videlicet peccatum habituale esse idem quod peccasse, & non retractasse, & ex hoc non condonatum esse, & insuper assignat fundamentum omnium relationum, quæ in peccatore, ut talis est, possunt imaginari, nimirum ipsum peccatum actuale moraliter manens, modo supra dicto, ratio enim cur homo sit dignus inimicitia Dei, obligatus ad poenam, privatus gratia, est



quia peccavit, & non retractavit, nec DEUS condonavit. Tandem ratio, cur unus sit magis peccator quam alius, optimè per hanc conclusionem explicatur, quia nimirum pluries & gravius actualiter peccavit, & non retractavit, ergo hæc conclusio sufficienter explicat rationem maculæ.

Quod autem Scotus non aliud intendat, & non velit rationem maculæ consistere in sola illa relatione rationis, quæ dicitur obligatio ad poenam debitam, præterquam quod ex dictis pateat, adhuc ex multis locis doctrinae ejus ostenditur Primò: nam ut supra vidimus, requirit ad ejusmodi obligationem, dignitatem ex parte peccatoris, quæ dignitas fundatur in peccato moraliter permanente. Secundò: in 4. d. 21. q. 1. §. *Si iste modus non placet.* ait: *Secundum SS. Patres distinguere remissionem culpæ à remissione poenæ, sed si vellet Scotus ipsam culpam non esse aliud, quam obligationem poenæ, certè remissio culpæ secundum ipsum non distingueretur à remissione poenæ.* Tertiò ipse in 4. d. 14. q. 1. n. 5. ex eo impugnat ponentes peccatum habituale esse relationem realem, quia talis causatur à DEO, sed etiam illa relatio rationis, seu ordinatio ad poenam est à DEO, ut patet, ergo verisimile quod non in sola illa relatione velit Scotus contra sua principia ponere rationem peccati habitualis. Quartò Scotus ut alibi ostendi, ponit peccatum actuale consistere in privatione rectitudinis debitæ, ergo cum habituale non sit aliud quam actuale moraliter remanens, nihil aliud erit secundum Scotum, quam privatio illa rectitudinis moraliter perseverans. Quintò Scotus in 4. d. 25. q. 1. n. 2. sic ait: *In ista questione una conclusio est certa, scilicet quod peccato dimisso in hac vita poena debita pro ipso potest solvi in altera vita, ergo secundum ipsum non est idem obligatum ad poenam, & esse in peccato, siquidem supponit peccato dimisso posse manere debitum poenæ.* Et 2. d. 36. q. 3. n. 22. explicans quomodo poena ordinatur per culpam, sic ait: *Quia*

*ex quo DEUS non vult culpam auferre, non potest melius, seu ordinatius anima culpabilis esse, quam quæ sit in poena, quæ non est tantum malum formaliter quam est culpa, quia naturam manentem sub culpa ordinat.* Ubi clarissimè significat Scotus poenam, & ordinationem ad poenam supponere naturam ordinatam ad poenam manere in una culpa, & consequenter ipsam ordinationem non esse idem quod culpa permanens.

Arguitur in contra: Si peccatum habituale consistit in peccasse &c. sequitur, quod non possit tolli, quia ad præteritum nulla est potentia, sed &c. ergo. Respond. distin. maj. si in solo peccasse consistit, transeat quod denominatio præteriti actus tolli non possit: nunc autem peccatum habituale non consistit solum in peccasse, sed etiam in eo, quod non sit retractatum, aut condonatum. Instatur: Ergo DEUS non condonans conservat peccatum, & sic est author illius saltem in conservari Respond. neg. sequel. positivè loquendo, Quia non condonatio est conditio sine qua non conservatur peccatum, unde DEUS est paratus condonare, si homo velit retractare.

Dico Quintò: *Licet se ita habeant quoad rem ipsam, nihilominus satis aptè explicavit Scotus rationem peccati habitualis seu maculae, nomine reatus, vel obligationis ad poenam debitam.* Probat ex usitatissimo modo loquendi S. Scripturæ, & PP., à quibus eum desumpsit Scotus Eccles. 9. *Nescit homo utrum amore vel odio dignus sit: ubi culpa explicatur per esse dignum odio, cur ergo non posset similiter explicari per esse dignum poenâ.* Et Matth. 13. ac alibi sæpè vocatur peccator filius Gehennæ, id est, destinatus ad poenas Gehennæ. Item sæpissimè S. Scriptura appellat peccatorem filium mortis, reū inferni. Item Augustinus supra illud Beati quorum remissæ sunt iniquitates, dicit: *Quod DEUM non videre peccata, est ad poenam non imputare, & avertere faciem suam à peccatis est ad poenam non reservare: ubi apertè explicat D. Augustinus peccatum per ordinem ad poenam,*

XI.  
Peccati  
macula nō  
est sola ob-  
ligatio ad  
poenam.

XI.  
Macula  
peccati  
qua ratio-  
ne potest  
dici reatus  
& obliga-  
tio ad po-  
nam.



poenam, ergo Adversarii non habent, quod tam acriter reprehendant in Scoto id, quod non aliunde quam ex ipso Augustino, & ad ejus mentem desumpsit, & quod in S. Scriptura usitatissimum est. Sed in contra

Arguitur Primò: Peccatum quod tale non est à DEO, sed ordinatio ad poenam est à DEO, ergo hæc non est peccatum. Secundò, macula peccati est turpis, odio digna, sed ordinatio ad poenam est bona, justa & à DEO, ergo. Tertio. Etiam si nulla poena esset inferni, aut purgatorii, adhuc esset macula animæ, ergo. Quarto, Remisso veniali potest adhuc manere ordinatio ad poenam sibi debitam, etiam secundum Scotum, ergo obligatio ad poenam non est ipsum peccatum. Quintò Dammati in inferno de novo peccant, & tamen propter illa nova peccata nulla insurgit in eis nova obligatio ad poenam æternam, cum quoad hoc sint in termino, ergo. Sextò Ex doctrina Scoti sequeretur peccatum remitti, nihil aliud esse, quam poenam remitti, consequens est falsum, quia non semper in justificatione peccatoris tota poena auferatur, licet tota culpa auferatur.

Ad hæc omnia & similia, unò verbo Respond. Ea procedere ex malo intellectu mentis, & doctrinæ Scoti, isti enim Authores ita intelligunt Scotum, quasi diceret maculam animæ nihil aliud esse, quam nudam illam obligationem ad poenam. Et contra hoc solum procedunt argumenta facta, sed jam supra ostendi Scotum longè aliter docuisse, & sic in vanum laboraverunt. Scotus enim, ut demonstravi, præter obligationem ad poenam, requirit debitum, seu dignitatem illius poenæ, hæc autem dignitas requirit pro fundamento peccatum actuale non remissum, & hoc est, quod in justificatione remittitur, quod à DEO oditur, abominatur, & quod in damnatis continuò de novo peccantibus, licet defectò non augeat, vel inducat novam poenam, de se tamen est inductivum, nisi isti jam essent in termino, hoc denique est, quod esset in peccatore, esto poena inferni vel purgatorii non esset, &

quod de se esset inductivum talis poenæ.

Imò argumenta omnia nobis supra objecta eleganter retorqueri possunt in Adversarios, præsertim Thomistas, qui dicunt maculam esse solam privationem gratiæ, nam Primò Privatio gratiæ est efficienter & physice à solo DEO secundum omnes. Secundò, Privatio gratiæ est poena peccati justè à DEO inflicta, nec est de se odio digna, quia posset esse in eo, qui non peccavit. Tertio, si nulla esset gratia habitualis, adhuc esset peccatum. Quarto, Remisso peccato per absolutam potentiam posset adhuc manere privatio gratiæ. Quintò, Dammati in inferno de novo peccant, & tamen nullam gratiam de novo privantur. Sextò, Gratiam restitui in justificatione non est idem, quod peccatum dimitti, cum secundum Tridentinum sæpè remissio peccati, & infusio gratiæ sint mutationes longè diversæ & oppositæ, ergo non possunt Adversarii asserere peccatum habituale esse solam privationem gratiæ.

## QUÆSTIO SECUNDA.

De Reatu, seu poena peccati respectu alterius peccati, seu an unum peccatum sit poena alterius?

**P**RO majori intelligentia, & complemento prioris quæstionis hanc addendam censui, ubi, ut dictum est, per reatum intelligo respectum ad poenam, qui fundatur partim in actu peccati ordinabilis ad poenam, partim in DEI voluntate ordinante peccatorem ad poenam propter peccatum, qui respectus non est realis, sed rationis, ut supra visum est. Est autem hæc vox *Reatus* communis apud D. Augustinum, nam con. 2. in psalm 118. ait: *Universus reatus Sacramento baptismatis est solutus*, id est, obligatio ad poenam in parvulis. Et lib. 1. Retract. cap. 13. *Gratia DEI reatus omnium peccatorum præteritorum solvitur in omnibus, qui in Christo baptizantur*. Et alibi sæpe. Quod ergo hic quaeritur est, An unum peccatum sit poena alterius, taliter, ut in poenam prioris peccati quis incidat, vel incidere

Reatus est respectus ad poenam



incidere permittatur à DEO in posterius peccatum, quod dupliciter potest intelligi, Primò, ita ut propter unum peccatum commissum DEUS totaliter deferat peccatorem, nullum præbendo ei adiutorium gratiæ ad evitandū subsequens peccatum. Secundo modo potest intelligi unum peccatum esse pœnam alterius, seu DEUM propter unum peccatū permittere hominem cadere in aliud, negando videlicet abundantiora auxilia & cōkursus, quibus subsequens peccatum evitaretur, non tamen totaliter destituendo eum omni auxilio, saltem generalis ordinis gratiæ, qua in re

II.  
Peccatum  
unum est  
pœna alie-  
rius ratio-  
ne alicujus  
effectus.

Dico Primò: *Peccatum ratione alicujus effectus ex eo secuti est pœna sui ipsius.* Ita Doctor in 2. d. 37. q. 2. Probatur ex D. August. lib. 1. Confessionum cap. 12. *Jussisti Domine, & ita est, ut omnis inordinatus animus sit sibi pœna.* Et ratio est: Tum, Quia ad peccatum sequitur privatio gratiæ, quæ est magna pœna: Tum etiam, Quia peccatum ordinariè secum adfert remorsum conscientiæ, qui est maxima pœna.

III.  
Peccatum  
unum non  
est propriè  
pœna alie-  
rius.

Dico Secundò: *Unum peccatum per se, & secundum suam malitiam nullo modo potest esse pœna alterius peccati, bene tamen secundum incommoda ex eo secuta, videlicet secundum privationem gratiæ, desertionem DEI, non conferentis abundantiora auxilia ad cavenda nova peccata.* Conclusio est Alensis Prima parte q. 40. m. 2. D. Thomæ 1. 2. q. 87. art. 2. Et expressè Scoti in 2. d. 37. q. 2. Prima pars Probatur Primò omnibus rationibus, quibus suprà probatum est, DEUM non esse Authorem peccati. Secundò Nulla pœna justa est injuriosa ipsi, qui infligit pœnam, sed peccatum secundum est injuriosum Deo æq; ac primum, ergo quā tale non potest esse pœna à DEO inflictum propter præcedens peccatum. Tertiò in pœna propriè dicta inveniuntur quatuor cōditiones, Prima, Quod apta sit instaurare ordinem, quem pervertit peccatum. Secunda, Quod conducat ad finem justitiæ. Tertia, Quod licet sit mala patienti, est tamē bona respectu communis boni. Quarta, Quod sit directè vel indirectè vo-

lita ab infligente, sed nulla ex his convenit peccato secundo, quā peccatū est, ut de se patet, ergo non potest esse pœna prioris peccati.

Secunda pars, quæ est confirmatio prioris conclusionis, Est D. Augustini lib. de natura & gratia contra Pelagianos cap. 22. ubi dicit: *Prævaricatorem legis quā dignè lux deserat veritatis, quā deserit utiq; sit cæcus, & plus necesse est offendat, & cadendo vexetur, vexatusq; non surgat, ut ideo tantum audiat vocem legis, quod admoneatur implorare gratiam Salvatoris.* An nulla pœna est eorum, de quibus dicit Apostolus, *Quia cum cognovissent DEUM, non sicut DEUM glorificaverunt aut gratias egerunt, sed evanuerunt in cogitationibus suis, & obscuratum est insipiens cor eorum?* Utiq; ista obscuratio vindicta & pœna jam fuit, & tamen per hanc pœnam, id est, per cordis cecitatem, quæ fit deserente luce sapientiæ, & in plura & gravia peccata collapsi sunt. Et lib. 5. contra Julianum cap. 3. Cum ergo dicitur homo *addidit desiderii sui; inde fit reus, quia desertus à DEO cedit ei atque consentit, vincitur, capitur, traditur, possidetur.* A quo enim quis devictus est, huic & servus addictus est. Et fit ei peccatum consequens, præcedentis pœna peccati. An non est peccatum & pœna peccati, ubi legitur, *Domini enim in seuit illi Spiritum erroris, & seduxerunt Agyptum in omnibus operibus suis, sicut seducitur ebrius?* Non est peccatum & pœna peccati, ubi DEO dicit Prophetæ, *Quid errare fecisti nos Domine à via tua, obtundisti corda nostra, ut non timeamus te.* Ubi plura alia exempla allegat de Gentibus Roboam, Amasia, & aliis, quæ propter unum in aliud fuerunt prolapsi. Quia sicut DEUS defacto propter mortale justè privat hominem gratiā sanctificante, amicitia suā, & aliis pœnis gravissimis punit, ita justè etiam deserit, ac destituit illum abundantioribus gratiæ adiutoriiis propter demeritum præcedens, quamvis neminē omninò destituat omni auxilio, saltem generali & sufficienti, quamdiu est in hac vita.

Arguitur contra Primam partem: DEUS in pœnam obstinationis & finalis impœnitentiæ destituit damnatos omni auxilio gratiæ, etiam sufficienti ad evitandum peccatum, ergo saltem in damnatis unum peccatum propriè



propriè est poena alterius. Respond. Imprimis conclusionem loqui de statu viæ, in quo DEUS neminem destituit auxilio sufficienti, & licet pro statu alterius vitæ DEUS destituit damnatum omnimodo adiutorio, hoc tamen non facit propter hoc, ut de novo peccet, quasi delectaretur in ipsius peccato, sed propter suam iustitiam, sicut enim iuste statuit cum Beatis perpetuò concurrere, eosque nè unquam peccent, ita iuste statuit damnatis, qui in hac vita contempserunt multiplicia DEI beneficia, de negare in altera vita omne adiutorium gratiæ, etiam sufficientis ad eorum conversionem, vel ad vitanda nova peccata.

### QUÆSTIO TERTIA.

An & quomodo peccatum mortale inducat reatum poenæ æternæ & infinitæ?

I.  
Punitio &  
poena de-  
scribitur.

Quæstio hæc procedit de poena extensivè infinita, & secundum durationem, quia suppono, nullam dari poenam intensivè infinitam, sicut nullum peccatum est formaliter, & intrinsecè infinitæ malitiæ. In qua materia Errorem Origenis refert S. Aug. lib. 21. Civ. cap. 17. dicens: *Quidam eorum volunt credere poenam sempiternam futuram, sed post certi temporis metas pro cuiusque quantitate longiores sive breviores eos inde existimant liberandos. Quam in re misericordior profectò fuit Origenes, qui & ipsum diabolum atq; Angelos ejus post graviora pro meritis & diuturniora supplicia ex illis cruciatibus eruendos atque sociandos Sanctis Angelis credidit. Sed illum & propter hoc, & propter alia nonnulla, & maxime propter alternantes sine cessatione beatitudines & misérias, & statutis seculorum intervallis ab istis ad illas, atque ab illis ad istas itus ac reditus interminabiles non immerito reprobat Ecclesia: quia & hoc, quod misericors videbatur amisit, faciendo sanctis vitas misérias, quibus poenas luerent, & falsas beatitudines, in quibus verum ac securum, hoc est, sine timore certum sempiterni boni gaudium non haberent.*

Prænotandum ex Doctore subtili in 4. d. 46. qu. 4. §. ad quæstionem, Quod Punitio est perceptibilis carentia boni convenientis in natura intellectuali, vel Perceptibilis præsentia mali disconvenientis in eadem natura. Porro bonum intel-

lectuale in genere aliud est commodum, aliud honestum, aliud utile, quod ad utrumque reduci potest, & tam bonum honestum quam commodum quandoq; conveniunt, præsertim in beatitudine, quæ est summè honesta, & summè commoda. Et secundum hoc bonum potest in natura intellectuali intelligi duplex poena negativa per carentiam duplicis boni convenientis: Prima poena est ipsum peccatum, seu obstinatio, ac derelictio in peccato, quod est privatio boni honesti, adeoque demeritorie privatio beatitudinis, quæ est summè honesta: Secunda punitio est per poenam damni seu carentiam gratiæ & gloriæ, quæ sunt summè commoda. Et hæc breviter dicuntur Poena damni generali vocabulo. Præter has punctiones negativas est alia poena positiva, quæ appellatur Poena sensus, seu ignis, & fit per perceptibilem præsentiam mali disconvenientis, nempe ignis. Estque iterum duplex: una dicitur Detentionis in igne, tanquam in loco definitivo & perpetuo, & vocatur Incarceratio. Altera est Considerationis, qua scilicet detinetur intellectus damnati in intensa consideratione ignis, non permittendo eum alia quævis objecta considerare, imò nec sistere in quietâ consideratione sui ipsius, sed tantum sub ea ratione, quæ est terminus, vel subiectum cuiusdam alterius poenæ, inferni, vel privationis gloriæ, vel peccati &c. & hæc poena potest vocari Execratio, & sic respectu omnium damnatorum in genere datur quadruplex poena, scilicet Obstinatio, seu Derelictio in peccato. Poena damni. Incarnatio, & Execratio. His quatuor poenis correspondet quadruplex tristitia ex nolitione quatuor poenarum dictarum: Prima tristitia de obstinatione in peccato, non quia tristatur, quod DEUM offendit, sed quia per hoc commodum suo, quod immoderate appetit, se privat, & hæc tristitia dicitur Vermis conscientiæ, seu remorsus de peccato commisso, non quia peccatum est, sed quia causa demeritoria poenæ damni. Secunda tristitia est de privatione ipsius beatitu-

II.  
Pœna nē-  
gativa du-  
plex.

III.  
Tristitia  
quadruplex  
in inferno.



dinis tanquam maximè commodæ, sive de damno illato, & vocatur à Scoto *Absorptiva*, quia ejus desiderium maximè inest naturæ, & maximè sine fræno justitiæ derelictæ. Tristitia tertia est de detentione illa, seu de Incarceratione, & vocatur *Angustia*, juxta illud: *Angustie sunt mihi undique*. Quarta est de excœcatione, & vocari potest *Gemitus*, juxta quod Tobias gembundus dicebat: *Quale gaudium mihi erit, qui in tenebris sedeo, & lumen cœli non video?* Sunt & alia plurimæ afflictiones, quas tradendo in quarto Sententiarum, cum ago de ultimo fine hominis, ubi tracto ex professo de pœnis inferni, quo me revoco. Nunc ad peccata redeundo

IV.  
Peccatum  
mortalis  
inducit re-  
atum pe-  
ccati æterni

Dico Primò: *Peccatum mortale inducit reatum pœnæ æternæ*. Ita fides Catholica ex Tridentino Sess. 6. cap. 14. & 15. Eam docent SS. Patres Augustinus de Hæresibus cap. 43. Hieronymus in epist. ad Avitum, Theophylactus in suo Paschali, & alii. Probatum Primò ex Matth. 25. *Ibunt ibi in supplicium æternum*. Marci 9. *Ubi vermis eorum non morietur, & ignis non extinguetur*. D. Augustin. lib. 19. Civit. cap. 28. ubi dicit: *Eorum autem, qui non pertinent ad istam civitatem Dei, erit e contrario miseria sempiterna, quæ etiam secunda mors dicitur: quia nec anima ibi vivere dicenda est, quæ à vitâ DEI alienata erit: nec corpus, quod æternis doloribus subjacebit. Ac per hoc idè durior ista secunda mors erit: quia finiri morte non poterit*. Idem habetur in Symbolo D. Athan. Et ratio à priori est, quia sicut voluntas divina, quæ potest disponere de suis creaturis prout vult, justè statuit perseverantes in bono usque ad finem hujus vitæ æternaliter præmiare, ita etiam justè statuit perseverantes finaliter in malo æternaliter punire.

Opponuntur Primò: Patres, ut Origenes Homil. 8. in Josue, & Hieronymus in Isaia 18. & in 5. ad Ephes. oppositum tenent, ergò. Respond. Origenem tenere conclusionem nostram Homil. 14. in Josue. & Homil. 14. & 18. in Numeros, & alibi sæpè, undè quidam credunt, illum errorem à discipulis Origenis fuisse inter ejus opera insertum. Hieronymus autem

seipsum ab omni suspicionis nota purgat, & Apologia contra Rufinum: & epist. ad Pamachium cap. 3. & alibi sæpè affirmans, se nunquam tale dixisse, sed tantum retulisse aliorum expositiones.

Opponuntur Secundò Historiæ: Nam legitur, Trajanum Imperatorem infidelem ab inferno precibus B. Gregorii liberatum. Item Falconiam idolorum cultricem precibus B. Theclæ similiter liberatam, & similia multa, quæ non essent vera, si pœna inferni esset æterna. Aliqui, ut Soto, dicunt ejusmodi historias esse fictas. Medina cap. de orat. titulo de his, pro quibus orandum, dubitat de veritate historiarum. Baronius tom. 8. ad annum 604. dicit, historiam Trajani esse falsam. Sed negari non potest, aliquos etiam ex inferno suscitatos: Tum quia id gravissimi Authores tradunt: Tum quia etiam authenticæ historiæ simile referunt de quibusdam Sanctis è cœlo revocatis ad corpora, ut videre est apud Surium tom. 3. de S. Christina Virgine. Quare aliter Respond. cum S. Thomas in 4. d. 45. q. 2. a. 2. Richardo, & aliis, admissâ historia Trajani, & aliorum, tales non fuisse absolute damnatos, sed sententiam Judicis adhuc suspensam manifestè, & hoc ob prævisa merita ac preces Sanctorum, qui ex divino licet occulto instinctu pro talibus orârunt, quod benè potest fieri, nec indè sequitur in inferno esse redemptionem quoad eos, contra quos lata est sententia ultimatè definitiva pœnæ æternæ, cujusmodi non erant isti.

Opponitur Secundò: Pœna debet proportionari culpæ, ergò culpæ temporali non debetur nisi temporalis pœna. Item videtur nimis crudele, & contra DEI bonitatem, tantam, & tam æternam pœnam propter culpas quascunque temporales infligere. Propter hæc & similia sit Conclusio sequens, quâ

Dico Secundò: *Quamvis de rigore justitiæ culpa mortali non debeat pœna æterna quacunque ex dictis, tamen loquendo de vera justitiâ, DEUS justè & decenter ejusmodi pœnas infligit*. Ita Scotus 4. d. 45. q. 1. a. 2. V. Culpæ mortali de rigore justitiæ non videtur deberi pœna æterna.



46. q. 4. n. 20. Probatur Prima pars ex Scoto, & Augustin. 21. Civit cap. 11. ubi videtur dicere, quod non requirat justitia poenam infligi perpetuam, ad hoc ut sit sufficiens culpae, sed ideo est perpetua, quia persona est perpetua, & perpetuo manet in culpa, ait enim: *Quod est de illa civitate mortali hominis supplicio prima mortis, hoc est de illa civitate immortalis homines supplicio secunda mortis asserre.* Et paulo ante: *Nonne, inquit, pro hujus vitae modo similia videntur poenis aeternis, ideo quippe aeterna esse non possunt, quia nec ipsa vita, qua his plectitur, aut punitur, porrigitur in aeternum.* Hæc August. per quæ verba vult dicere, inquit Scotus, quod aliqua culpa talis est, qua non meretur talem exclusionem a civitate, & hac est temporalis, respectu autem vitae civilis aliqua tanta est, qua meretur talem exclusionem ab illa vita civili, & illius intensio correspondet culpæ, extensio autem accidit, scilicet quod sit finita. Sic in proposito culpa mortalis meretur talem exclusionem ab illa civitate superna, sed ideo præcisè perpetua est, quia vita cum culpa perpetua est. Hæc Scotus. Ex quibus patet secundum Augustinum, & Scotum de rigore justitiæ, & ex natura rei non deberi perpetuitatem poenæ ulli culpæ secundum se, sed solum ex conditione status & vitæ, quæ est perpetua. Secundò probat Scotus sic: Possibile esset DEO secundum etiam strictum rigorem justitiæ taxare poenam adeò intensam, ut sufficienter correspondeat gravitati culpæ, etsi natura esset statim annihilanda, ergo quod defacto poena aeterna infligatur, non est per se de ratione poenæ in quantum æqualiter punitivæ, sed accidit propter aeternitatem personæ punitæ, & culpæ remanentis.

VI.  
Poenarum  
congruentia  
ostenditur.

Secunda pars conclusionis est communis, D. Augustinus enim dicit, poenam peccati esse justam lib. 3. de lib. arbitr. cap. 18. dicens: *Illam est enim peccati poena iustissima, ut amittat unusquisque, quo bene uti noluit, cum sine ulla posset difficultate, si vellet. Id est autem, ut qui sciens rectè non facit, amittat scire, quid rectum sit: & qui rectè facere, cum posset, noluit, amittat posse, cum velit.* Et Probatur à Scoto discurrendo per singula genera poenarum. De primâ quidem, quia justè DEUS deserit &

derelinquit in malitia sua æternaliter eum, qui potuit malitiam derelinquere, & ad hoc habuit tempus præcisum sibi taxatum, nec in illo tempore corrigitur, sed perseverat in malo, justum est, inquam, quod tempore illo elapso relinquatur semper in suo malo, sicut si quis se voluntariè projiceret in foveam, de qua non potest per se evadere, nec aliquomodo, nisi per adiutoriū alterius, quem contemnit & offendit projiciendo se, justè à tali potest in fovea derelinqui. De secundâ poenâ, scilicet damni idem patet, quia sicut bonum honestum ex DEI pacto justè requirit, ut pro ipso reddatur bonum commodum, ita peccatum quamdiu manet privans honestatem, justè requirit, ut pro ipso reddatur privatio boni commodi. De tertiâ, scilicet de incarceratione in igne, etiam patet, quia sicut Beatis justè & decenter debetur locus nobilissimus cum libertate ad quodvis aliud ubi, ita damnatis qui se captivarunt in peccato, meritò debetur locus vilissimus sine libertate inde exeundi. De quarta probatur, quia sicut Beati meritò habent pro objecto nobilissimum Ens cum libertate amandi, & contemplandi multa alia creata objecta, ita damnati, qui voluntariè in hac vita & finaliter se avertunt ab illo summo bono, justè detinentur in consideratione alicujus objecti disconvenientis sine libertate considerandi, vel amandi pro libitu alia.

De Tristitiis autem ex his sequentibus idem patet, quia consummatio poenæ requirit tristitiam. Ratio ergo generalis horum omnium est, Pactum DEI initum cum suis creaturis, quo sicut justè (sumendo semper justitiam latè pro respondentia unius ad aliud) statuit perseverantibus in bono finaliter præmium æternæ beatitudinis concedere, cum tamen posset eos per unius momenti beatitudinem sufficienter præmiare, ita econtra justissimè statuit perseverantes in malo finaliter, in suo malo æternaliter deferere, omni commodo privare, & aliis suprà dictis poenis punire, hoc est, quod dicit Apostolus (\*) LIIII 2 Rom. 2:



Rom. 2. *Secundum autem duritiam tuam, & impoenitens cor thesaurizas tibi iram in die irae, & revelationis iusti iudicii DEI, qui reddet unicuique secundum opera eius.*

Hic tamen Notandum, damnatorum poenas non ideò perpetuari, quia perpetuò de novo peccant, iuxta illud: *Superbia eorum, qui te oderunt, ascendit semper*, hoc enim dici nequit, quia in inferno de novo non demerentur, sic nec Beati in cælo. Dicitur ergo poena perpetuari propter peccata in hac vita commissa, & non remissa, & hoc ex ipsorum culpa, qua meruerunt à DEO deferri, & per hoc patet ad objectionem ultimam præcedentis conclusionis, & similes, cum enim DEUS absolute sit Dominus suæ creaturæ, potest de ea disponere prout vult, & proinde nec injustè nec crudeliter punit æternaliter eos, qui æternaliter præcipitarunt se in malo, maximè cum DEUS semper paratus fuerit eos salvare in hac vita, & in hunc finem eos creaverit. Sed in contra

Opponitur Primò: *Authoritas S. Augustini lib. 83. q. 3. dicentis: Nullo sapiente authore fuit homo deterius, sed qui addit malum poenæ, malo culpæ, facit totum deterius, ergo DEUS non addit poenam culpæ.* Respond. Loqui S. Augustinum de malo culpæ, quòd scilicet nullus sapiens consulit, non de malo poenæ, quia DEUS est iudex malorum, & quia malum poenæ non est simpliciter malum, licet huic sit tale.

Opponitur Secundò: *Scriptura Deuter. 29. Secundum modum delicti erit & plagarum modus*, sed delictum peccantis est temporale, ergo secundum iustitiam punitio debet esse tantum temporalis. Respond. neg. min. quia, ut dictum est, quòd licet peccatum actuale secundum esse physicum sit temporale & transitorium, inesse tamen morali æternaliter durat.

Opponitur Tertiò: *Omnis punitio iusta est ad correctionem puniti, sed nullus damnatus per punitio- nem sui corrigitur, ergo frustra sic æternaliter punitur.* Respondet Sco-

tus, quòd sicut medicina alia est curativa, alia præservativa, ita poena dupliciter est medicinalis, corrigibilis enim infligitur, ut curet, incorrigibilis, ut præservet non ipsum, sed alios, quia ad bonum communis spectat, quòd determinantur per leges aliquæ poenæ delinquentibus infligendæ, vel ad eorum correctionem, si sint in statu correctionis, vel ad terrorem eorum, si ipsi jam sunt in statu incorrectionis, ut sit etiam in lege civili.

Opponitur Quartò: *Melius simpliciter esset, quod tolleretur primum malum, seu peccatum ex universo, quàm de eo manente addatur aliud malum, scilicet poenæ correspondens, sed DEUS semper facit, quod melius est, ergo.* Ad hoc Respond. Quòd licet huic in particulari id melius esset, non tamen respectu universi: Tum, Quia Augustin. in Enchirid. cap. 11. ait: *Omnipotens melius iudicavit sinere mala fieri, quia potens est, de illis majora bona elicere.* Tum, Quia malum convenienter ordinatum eminentius commendat bonum oppositum: Tum, Quia per hoc magis elucescit divina iustitia: Tum deniq; Quia talis punitio conducit ad gloriam & lætitiā Electorum. Psalm. 57. *Laetabitur iustus, cum viderit vindictam.*

Instatur: Hæc solutio non videtur satisfacere Primò, Quia non solum respectu huius in particulari, sed etiam respectu totius universi melius esset (ut videtur) quia revera majora bona, vel saltem tanta eliceret DEUS ex bonis sine ulla admixtione mali, quàm permittendo mala fieri. Secundò: Licet malum convenienter ordinatum commendat bonum, revera tamen melius commendaretur, si omnia essent bona ordinata absq; malo admixto. Tertiò Eminentius commendaretur divina iustitia præmiare bonum meritum, & nullum malum permittendo, quàm malum punire, imò iustitia vindictiva infimum locum tenet. Denique certum, quòd beatus plus lætaretur, si omnes etiam damnati essent salvati, quàm nunc lætatur de eorum punitio-



nitio, sicut nunc Petrus plus gaudet de beatitudine Lini, quam de damnatione Judæ. Ad argumentum ergo aliter Respond. quod sicut in operibus DEI ad extra prima radix omnis contingentiae, adeoque bonitatis & malitiae praesertim moralis desumitur à voluntate DEI libere operante, ita non est petenda alia ratio, cur DEUS ista vel ista faciat, aut permittat, maximè in gratuitis, nisi quia voluit, nec aliam in proposito rationem reddit Apostolus nisi dicendo: *O homo tu quis es, qui respondeas DEO? nunquid dicit figmentum ei, qui se finxit, quid me fecisti sic?* non ergo est, quod multum laboremus inquirendo, cur DEUS permittat mala fieri?

#### QUESTIO QUARTA.

*An & quanta poena debeatur peccato veniali, & an utrumq; puniatur à DEO citra condignum?*

**L**  
Peccato dimisso poena potest solvi in altera vita.

**D**eclaratâ poenâ peccati mortalis restat videndum, qualiter Deus in altera vita puniat peccatum veniale, & quidem temporaliter illud puniri flammis purgatorii ignis, si solum sit, id est, si nec originale, nec actuale mortale habeat admixtum, ostendi in tractatu de ultimo fine hominis in Quarto, hic ergo discutiendum est, quando peccatum veniale conjunctum est mortali, vel originali, an in illo casu aeternaliter puniatur. Hac in re Scotus in 4. d. 21. q. 1. duas refert sententias. Prima est Alensis &c. asserentis, peccato veniali per se deberi poenam aeternam, per accidens verò temporalem, eò quod stet cum gratia sanctificante, ratione cujus non potest stare debitum poenae aeternae. Econtra autem D. Thomas 1. 2. q. 87. a. 5. Richardus &c. asserunt, peccato veniali non per se, sed per accidens, in quantum est conjunctum mortali, poenam aeternam deberi. Tertia deniq; sententia est Scoti suprâ, cum quo

**II.**  
Peccato veniali nullo modo debetur poena aeterna.

Dico Primò: *Peccato veniali nec per se nec per accidens debetur poena aeterna, etiam in inferno.* Prima pars scilicet quod non secundum se Probatur à Scoto: Debitum poenae æ-

ternæ non stat cum charitate, sed veniale stat cum charitate, ergo veniale nec secundum se, nec per accidens debetur. Aliæ rationes videantur apud Scotum & Aretinum. Secunda pars, scilicet quod nec per accidens, & in inferno puniatur aeternaliter veniale. Probatur contra Thomistas Primò: Veniali secundum se per illos non debetur poena aeterna, ergo injustè illud punitur poenâ aeternâ per hoc, quod sit conjunctum mortali. Probatur consequ. Quia habet propriam poenam sibi correspondentem, ergo præter hanc injustè propter illud infligitur alia poena aeterna, quia hoc esset bis in id ipsum punire aeternaliter idem peccatum mortale, semel per illam, quæ sibi secundum se convenit, & iterum per aeternitatem poenae correspondentis veniali, cur secundum se non debetur talis perpetuitas, sed ratione mortalis.

Probatur Secundò: Totus rigor justitiæ inter ipsos homines non exigit nisi poenam debitam ipsi culpæ secundum se v. g. cum quis solvit poenam taxatam pro certo crimine v. g. triennii in triremibus, non potest amplius puniri pro illo crimine, etiamsi habeat plura peccata, ob quæ meretur longiorem poenam v. g. exilii, ergo secundum totum rigorem justitiæ debitæ non potest justè exigi pro veniali, nisi ea, qui ei secundum se debetur.

Probatur Tertiò: DEUS ipsa mortalia punit citra condignum, ut hic infra dicam, ergo irrationabile, & contra DEI misericordiam & justitiam videtur, quod levissima illa peccata poenis aeternis puniat.

Probatur Quartò: Vix potest in illa sententia salvari, quomodo venialia non sint facta mortalia, cum saltem à posteriori sit evidens consequentia, habet quis reatum poenae aeternae, ergo & dignitatem, in qua fundatur talis reatus, & consequenter peccatum mortale, cum hoc solum sit dignum poenâ aeternâ.

Probatur Quintò: Adversarii ponunt veniale aeternaliter puniri in inferno, quia ibi nulla est redemptio,

(\*) Llllll 3

seu



seu quia ibi nulla est relevatio ab ulla poena, sed hæc ratio non valet, quod sic probat Scotus, nam verè poenitenti in hac vita de omnibus suis peccatis etiam mortalibus, commutatur poena æterna in temporalem sibi iunctam à Confessario, quæ commutatio secundum omnes nunquam per subsequens peccatum revocatur, tunc sic, reincidat iste in mortale, & ante poenitentiam moriatur, peto, an pro residuo poenitentiae iunctæ à Confessario æternaliter sit puniendus, nec ne? si primum, hoc est contra omnes, quia ex quo semel DEUS commutat æternam in temporalem, nunquam id revocat: Si secundum, ergo solutâ illâ poenâ temporali relevatur ab aliqua poena, quam prius habuit, ergo quale inconveniens erit idem asserere de poena debita veniali? Sed in contra

Arguitur Primò: Damnatus semper manet inimicus DEI, sed DEUS non acceptat satisfactionem ab inimico, utpote quod se ad id facit impotentem, ergo pro veniali nunquam satisfacit in inferno. Respond. Damnatum non tam satisfacere, quàm satisfacere pro veniali, nec DEUM misericorditer, liberaliter, aut grater acceptare ejusmodi satisfactionem à damnato, sicut acceptat à justo, sed potius justitia divina, quæ non punit ultra condignum jam satiata id exigente non propriè remittendo, sed justè cessando ab inflictione poenæ amplius indebitæ.

Instatur: Ergo in inferno sic est aliqua redemptio. Respond. Neg. consequ. Tum, quia solum quoad illa, propter quæ quis damnatur, scilicet mortalia intelligi illud: *In inferno nulla est redemptio*: Tum etiam, quia non punire post absolutam poenam non est misericordiae, sed potius justitiæ, quæ sicut exigit poenam debitam, ita non infligit indebitam.

Dices: Ergo aliquid consolationis expectandum est in inferno. Respond. Lex non curat de modico, & quod parum est, pro nihilo reputatur, ideo absolutè sunt extra consolationem.

Arguitur Secundò: Discedens in veniali conjuncto mortali vult virtualiter manere in æternum in veniali, sicut suprà dictum est de moriente in mortali, ergo meretur poenam ei correspondentem prolongari in æternum. Respond. admissò antec. neg. consequ. Quia sicut non posuit finem suum ultimum in veniali, nec per illud sustulit principium ordinis supernaturalis, sed tantum posuit ad tempus obstaculum, ita per illud non meretur æternam poenam.

Arguitur Tertio: Durante culpâ semper manet poena, sed veniale in inferno semper durat, quia nunquam dimittitur seu remittitur, siquidem nulla culpa remittitur nisi ex meritis Christi, quæ tamen non applicantur damnatis. Respond. 1. Juxta sententiam unam probabilem, quod sicut probabile est, peccatum veniale non solum quoad poenam, verum etiam quoad culpam in purgatorio remitti, vel potius imputari desinere, ita etiam probabile est in inferno solutâ poenâ debitâ veniale amplius desinere, ita quod DEUS non sit amplius offensus isti personæ propter illud veniale, sed propter mortalia, quæ semper manent, quia sicut veniale non nisi ad tempus ponit obstaculum beatitudini, & perfectæ amicitiae DEI, justum non videtur, quod propter illud æternaliter quis constitutur inimicus. Et hic modus dicendi habet fundamentum in autoritate S. Gregorii in Moral. ubi dicit: *Aliqua peccata dimitti post hanc vitam*. Et S. Isidorus super illud Matthæi 3. *Ipsè vos baptizabit in Spiritu Sancto & igne, peccata, quæ præcesserunt, Spiritus Sanctus per aqua baptismum abluet, & quadam ex eis, quæ postea sequuntur, criminibus per ignem purgatorium remittet*. Respond. 2. Juxta aliam sententiam, quam magis approbat Scotus 4. d. 21. q. 1. n. 8. quod quamvis culpa venialis in æternum duret, non sequitur, quod in æternum debeat puniri, quia etiam nova peccata mortalia, quæ ibi committuntur de novo nullo modo puniuntur, quia ibi non est status demerendi, sufficit ergo, quod talis sol-



Vat pœnam taxatam, quamvis quoad culpam semper maneat, quia, ut supra vidimus, ad remissionem culpæ præter solutionem pœnæ requiritur retractatio actûs præteriti per contrarium actum bonum habentem vim retractivam culpæ venialis præteritæ. Vide Arctin. 4. d. 21. q. 1. a. 2. Bassolium.

Secunda pars quæstionis hujus duplicem potest habere sensum, Primò, an de pœna jam taxata aliquid DEUS demat in inferno, sicut de veniali aliqua ratione dicebatur in priori conclusione, & in hoc sensu falsum est. Secundus sensus est, utrum in taxando pœnam peccatorum DEUS constituerit aliquid minus debito in pœna, & in hoc sensu.

III.  
DEUS punit  
citra  
condignâ.

Dico Secundò: *DEUS punit citra condignum, & præmiat ultra condignum.* Est communis doctrina Patrum & Doctorum Magist. 4. d. 46. Scotus ibidem q. 4. Probat. 1. Ps. 24. *Universe via Domini misericordia & veritas.* Ubi Cassiodor. *He due res in viis Domini semper adjunctæ sunt.* Iterum de justitia habetur in alio Psalm: *Justus Dominus, & justitiam dilexit.* De misericordia alibi: *Nunquid obli-viscetur misereri DEUS aut continebit in ira sua, qua punit impios, misericordias suas.* Item Jac. 2. *Misericordia superexaltat judicium.* Habac. 3. *Cum iratus fueris misericordia recordaberis.* Ex his sic formatur argumentum: Quantò plures virtutes inclinant ad unum opus, tantò illud perfectius, sicut per oppositum, tantò unum opus est vituperabilius, quantò est contra rectitudinem plurium virtutum, sed omne opus DEI, ut ejus, est perfectissimum, ergò est ex omni virtute quam possibile est concurrere simul in illo opere, sed possibile est in punitione malorum justitiam & misericordiam concurrere eo modo, quo in DEO ponitur justitia, ut patet, ergo de facto DEUS ita secundum justitiam punit damnatos, ut tamen misericorditer non taxaverit tantam pœnam illis, quantam aliàs mererentur, & similiter justos ita præmiat in cœlo, ut nihil de debito eis subtrahat,

& aliquid de indebito misericorditer addat, ut sic in omnibus viis ejus re-luceat misericordia & justitia, per oppositum enim dicendum est de præmiatione bonorum supra condignum. Idem docet D. Augustinus lib. 19. Civit. cap. 13. dicens: *Hoc autem in extremo supplicio rectè fit, ut iniqui & impii naturalium bonorum damna in cruciatibus desceant, sentientes eorum ablatores justissimum DEUM, quem contempserunt benignissimum largitorem.* DEUS ergo naturarum omnium sapientissimus conditor, & justissimus ordinator, qui terrenorum ornamentorum maximum instituit mortale genus humanum.

Arguitur Primò, Jac. 2. *Judicium sine misericordia fiet ei, qui non fecerit misericordiam.* Et Apoc. 18. *Quantum glorificavit se, & in deliciis fuit, tantum date illi tormentum.* Et Isaia 40. de anima peccatrice dicitur: *Suscepit de manu Domini duplicia.* Ergo, ibi est stricta correspondentia pœnæ ad culpam sine aliqua remissione. Respond. Primum locum intelligi de misericordia totaliter liberante, non aliquantulum mitigante. Ad secundum Respond. Per *ly tantum & quantum* ibi non denotari æqualitatem inter culpam & pœnam, sed proportionem, id est, quod quo plus inordinatè glorificavit, quàm alius, plus proportionaliter alio patitur. Ad tertium similiter Respond. si comparetur pœna æterna ad ipsam temporalem delectationem peccati non solum recipit damnatus duplicia, sed etiam millies majorem pœnam, quàm fuit delectatio peccati, sed si comparetur pœna æterna, ut comparari debet ad demeritum morale, & deformitatem peccati, tunc dico, quòd delectatio inordinata meretur adhuc majorem pœnam.

Arguitur Secundò: Misericordia destruit justitiam, ergo non compatiuntur in eodem opere. Antec. probatur: Quia sicut ex justitia malum est judicandum, ita contra justitiam est non vindicare illud etiam totaliter, & de condigno. Respond. Quòd justitia habeat latitudinem graduum, extra quam, si DEUS exierit per excessum



excessum vel recessum non uteretur iustitiâ, sed excedendo uteretur absoluto suo dominio, & recedendo uteretur suâ misericordiâ, manendo tamen intra illam latitudinem v. g. octo graduum, etiamsi mitiget quoad aliquos gradus, non recedit à iustitia, sed miscet misericordiam cum iustitia, quia sicut dare liberaliter bonum indebitum, non est contra iustitiam, ita inferre malum citra debitum non est contra eandem. Pro fine hujus Quæstionis & Tractatus

IV.  
Pœna dam-  
ni non est  
æqualis in  
inferno.

**Quæres :** An omnes pœnæ damnatorum sint æquales? Potissima difficultas est de pœna damni, an & quomodo sit inæqualis? Pro quo Notandum, dupliciter posse intelligi pœnam damni esse inæqualem: Primo, ex parte ejus, qui ordinatur ad privationem beatitudinis. Secundo Ex parte nolitionis pœnæ damni, & ex utroq; capite videtur Scotus expresse 4. d. ult. q. ult. n. 12. dicere, quod pœna damni sit inæqualis juxta inæqualitatem culpæ, quidquid dicat P. Cavellus ibi in Scholio, & in materia de peccatis. Verba Scoti sunt ista: *Sed qualis erit illa inæqualitas, loquitur de pœna damna in illis, dico quod erit secundum inæqualitatem culpa, quia qui habet graviolem, habebit carentiam majoris boni, ad quod fuit ordinatus. Probo: quando actus elicitur cum majori conatu, tanto deberet habere majorem rectitudinem, & per consequens tanto magis debet ordinari ad majus præmium, qui ergo gravius peccat, privat se majori bono: Et sic patet secundum primum modum, quomodo potest pœna damni esse inæqualis. Ex alia parte, quanto aliquis gravius peccat, tanto magis dimittitur affectioni commodi, & privatur affectione iustitiæ, & per consequens erit magis nolens peccatum suum, in quantum est causa pœnæ. Hac Scotus. Ex his sit*

V.  
Inæquali-  
tas pœna-  
rum qualis.

**Dico Tertiò:** Omnes pœnæ in damnatis sunt inæquales secundum inæqualitatem peccatorum quoad numerum, vel extensionem eorundem. Scotus ubi supra Richard. 4. d. 50. q. ult. a. 5. Soto ibidem. Suarez contra Angles de Sacramento pœnitentiæ, Vasquez & alios apud ipsum, qui dicunt pœnam damni esse æqualem in omnibus, quamvis quoad reliquas sentiant nobiscum. Patet sufficienter ex dictis, & ul-

terius quoad pœnam damni (in qua præcipue controversatur) probatur: Ex Augustin. lib. 21. Civit. cap. 16. *Nequaquam tamen negandum est, etiam ipsum æternum ignem pro diversitate meritorum quamvis malorum aliis leviolem, aliis futurum esse graviolem, sive ipsius unius atq; ardet pro pœna digna cuiusq; varietur, sive ipse æqualiter ardeat, sed non æquali molestia sentiatur.* Deinde Quia, Cum in Beatitudine gloria, ut est bonum commodi, sit inæqualis eo modo, quo inæqualitas in ea attendi potest, ita etiam convenit, ut eâ privatus majorem pœnam & tristitiam de amissa beatitudine experiatur, qui gravius & frequentius peccavit, quam quia levius. Secundo. Pœna damni & tristitiæ ex ea sequens est incomparabiliter major pœnâ sensûs, ergo si pœna damni in omnibus sit æqualis, sequitur, quod parvuli quoad pœnam essentialem atq; graviter puniantur, ac sceleratissimi quiq; quod refugit humanas aures.

Hic tamen Notandum: Conclusionem non velle, quod pœna damni secundum se, & ut est mera carentia gratiæ & gloriæ, sit major in uno, quam in alio, ita ut nullum habeat gaudium illis, & hoc solum volunt torere Authores oppositæ sententiæ, sed tantum intendit conclusio, quod pœna illa damni quantum ad positionem causæ & debiti, quia scilicet gravius peccavit, & ex hoc quantum ad nolitionem istius pœnæ, quia scilicet magis illi est involuntaria, adeoq; magis de ea tristatur, sit gravior in uno quam in alio, sicut plus fuit voluntarium peccatum, omnium malorum pessimum, gravissimum, cane & angue magis odio habendum, propter quod tollendum ex Mundo ipse DEUS Verbum naturam assumpsit humanam, mortem eamq; turpissimam subiit, qui est unica propitiatio pro peccatis nostris, quæ in tantum apud me multiplicata sunt, ut non sim dignus videre altitudinem cœli, iniquitatem tamen meam cognosco, unde sicut scripta hæc speculativa Sanctæ Romanæ Ecclesiæ totaliter subicio, ita Gloriæ & Honori Altissimi dedico, & Judicem meum deprecor.

*Bone JESU ! JESU pie !  
Querens me sedisti lassus,  
Redemisti Crucem passus  
Tantus Labor non sit cassus !  
Amen. Amen.*



INDEX.



# INDEX.

## RERUM PRÆCIPUARUM IN HOC TOMO CONTEN- TARUM.

Litera P. paginam designat, Litera N. numerum  
marginalem.

### A.



*Acceptatio* potest dupliciter  
intervenire in opere meri-  
torio. p. 535. n. 2. requiri-  
tur ad rationem meriti. p.  
536. n. 3. acceptatio & ob-  
latio meriti sunt correlati-  
va. p. 540. n. 1. vide plura *Promissio*,  
*Meritum*.

*Acolythi* repræsentant Hierarchiam prin-  
cipatûs Angelorum. p. 119. n. 16.

*Actio* in medium quomodo prius, quàm in  
terminum. p. 191. n. 1.

*Actus humanus* dicit ordinem ad quatuor  
causas. p. 631. n. 2. nullus est essentiali-  
ter bonus. p. 642. n. 2. idem potest ha-  
bere plures bonitates. p. 626. n. 5. vide  
*bonitas*.

*Actus* non liber, & non bonus potest esse  
meritorius absolute. p. 520. n. 8. quo per-  
fectior, eo magis est meritorius p. 554. n.  
3. vide *Meritum*.

*Actus externus* facit internum intensio-  
rem. p. 636. n. 2. addit distinctam boni-  
tatem. p. 637. n. 3. sequens ad volunta-  
tem malam revocatam non est malus. p.  
641. n. 4.

*Actus indifferens* declaratur. p. 642. n. 1.  
in specie datur. ibid. n. 3. etiam in indi-  
viduo p. 643. n. 4. & p. 644. n. 5.

*Actus interni* cognoscuntur numero di-  
stingui per interruptionem. p. 875. n. 3.  
dupliciter fieri potest. p. 876. n. 4. vide  
*Peccatum*.

*Actus negativus*, seu pura omissio dupli-  
citer considerari debet. p. 647. n. 1. vide  
*Omissio pura*.

*Actus* tripliciter ad omissionem concur-  
rit. p. 651. n. 1. causans omissionem ma-  
lam malus erit. p. 652. n. 2. Regulæ ad  
cognoscendum actum esse causam o-  
missionis. ibid. n. 3. concomitans parti-  
cipat malitiam omissionis. p. 653. n. 4.

*Adam* à solo Deo fuit plasmatus. p. 291.  
n. 2. nec anima ejus producta est ab An-  
gelis. p. 292. n. 3. factus est de terra. ib.  
n. 4. Adam continet nomine quatuor par-  
tes terræ. p. 293. n. 5. ex terra rufa fa-  
ctus est. p. 294. n. 6. non fuit statura gy-

gantea. p. 295. n. 7. fuit conditus in pul-  
chritudine perfecta. ib. n. 8. extra para-  
disum formatus est. p. 296. n. 9. Eva non  
fuit cum Adamo formata ad dorsum ejus.  
p. 296. n. 1. & p. 297. n. 2. Costa Ada-  
mi, ex qua Eva potuit rarc fieri. p. 299.  
n. 3. vide verbo *Eva*.

*Adami* somnus qualis fuerit dum ex eo  
formabatur Eva. p. 302. n. 13. spiracu-  
lum Adamo inspiratum quale fuerit, va-  
riæ opiniones. p. 303. n. 1. non fuit ali-  
qua particula Divinæ naturæ. p. 304. n.  
2. nec aliquod accidens, sed anima, sub-  
stantia spiritualis. ib. n. 3. quam tunc cre-  
avit DEUS, quando inspiravit spiracu-  
lum vitæ. p. 306. n. 4.

*Adam* in Paradiso habuit fidem Trinitatis,  
& Incarnationis p. 331. n. 2. in sui crea-  
tione accepit scientiam rerum naturali-  
um. p. 332. n. 3. In statu Innocentiæ po-  
tuit decipi. p. 333. n. 6. defacto tamen in  
statu innocentie non fuit deceptus in re-  
bus naturalibus. p. 334. n. 7. ejus intel-  
lectus non dependebat à phantasmati-  
bus. p. 335. n. 8. in sui productione ac-  
cepit virtutes infusas. p. 339. n. 2. habu-  
it appetitum subiectum rationi. p. 340.  
n. 3. habuit passiones proficuas non mo-  
lestas. ib. n. 4. nec laxivas. p. 345. n. 5.  
& 6. erat immortalis, id est, non moritu-  
rus. p. 342. n. 4. fuit tamen & posteri fu-  
issent passibiles. p. 346. n. 8. Adami in-  
nocentis impassibilitatis causa. p. 347. n.  
9. mortis Adami causa non est solum pec-  
catum. p. 342. n. 3. si non peccasset, an  
Mundus tantus fuisset? p. 357. n. 3.

*Adam* in creatione sua accepit iustitiam O-  
riginalem. p. 366. n. 1. & alia plura do-  
na. p. 367. n. 2. vide plura *iustitia Origi-  
nalis*. Non erubuit in statu Innocentiæ  
de sua nuditate; sic tamen Christus licet  
caruerit fomite concupiscentiæ. p. 373.  
n. 15. in primo creationis instanti accipit  
gratiam sanctificantem, Fidem, Spem.  
& Charitatem. p. 373. n. 16. si primam  
tentationem vicisset, posteri fuissent in iu-  
stitia originali & gratia confirmati. p.  
375. n. 1. & p. 376. n. 3. quo sensu Sco-  
tus doceat debuisse posteros vincere pri-

Mmmmm

mam



# I N D E X.

- mam tentationem, ut in gratia confirmarentur. p. 375. n. 2. vide plura *Innocentia status*.
- Adam* potuit peccare, & non peccare. p. 561. n. 1. ejus liberum Arbitrium eguit gratia Dei. p. 561. n. 2. non fuit per peccatum extinctum. p. 568. n. 3. vide plura *Liberum Arbitrium*.
- Adæ* primum peccatum non fuit superbia. p. 829. n. 5. sed inordinatus amor uxoris. p. 831. n. 6. Adæ peccatum quo ordine recenset Bellarminus. p. 832. n. 7. Adæ peccatum non est omnium gravissimum. p. 833. n. 2. ejus & Evæ peccatum in ratione formali est æquale. p. 837. n. 3. Adæ ex parte gravius. ib. n. 4. Adam etiam posteris nocuit p. 891. n. 3. in ejus lumbis existentes peccavimus. p. 881. n. 4.
- Advocatus* potest sequi opinionem probabilem. p. 767. n. 8.
- Affectio* duplex in Voluntate, Justitiæ & commodi. p. 859. n. 2.
- Agricultura* qualis in Paradiso. p. 328. n. 9.
- Angelus*, nomine Cœli & terræ intelligitur. p. 78. n. 1. Cur Moyses non fecerit eorum mentionem. p. 79. n. 2. Angeli nomen diversimodè accipitur p. 80. n. 1. Angeli dantur. ibid. n. 2. id tamen evidenter probari non potest. p. 81. n. 4. creati sunt cum cœlo & terra p. 84. n. 2. Angelos ante mundum conditos dicere, non est error in fide. p. 86. n. 3. creati sunt in Cœlo Empyreo. p. 87. n. 4.
- Angeli* non sunt corporei, nec ex nostra materia. q. 90. n. 1. & 2. & 3. probatur id ex eorum operationibus. p. 91. n. 4. ex incorruptibilitate. p. 92. n. 5. non possunt generare. ibid. n. 7. autoritates objectæ de hoc solvuntur p. 94. n. 8. non sunt compositi p. 95. n. 9. sunt incorruptibiles, & immortales. p. 97. n. 2. & 3. annihilabiles tamen. ibid. n. 4. præstantiores homine p. 99. n. 1. ab anima specie distinguuntur. p. 100. n. 2. Plures sunt eorum species possibiles p. 105. n. 2. defecto diversorum ordinum inter se specie distinguuntur ib. n. 3. dari possunt solo numero differentes. p. 107. n. 1. defecto dantur. ib. n. 2. contra hoc solvuntur objectiones. p. 109. n. 3. de numero Angelorum Aristot. & aliorum opinio. p. 111. n. 1. an numerus Angelorum excedat omnia individua incertum est. ib. n. 2. excedit tamen omnes homines creatos & creandos. p. 112. n. 3. Angelorum numerus incertus est. p. 113. n. 4.
- Angeli* beati fuerunt in via beatitudine naturali. p. 224. n. 3. in via fuerunt beatiore hominibus. p. 226. n. 4. potuit eos DEUS ab instanti creationis beatos facere beatitudine supernaturali. ib. n. 5. non fuerunt tamen sic beati. ib. n. 6. quanta fuerit eorum via, nihil certi dici potest. p. 237. n. 1. tam boni quàm mali fuerunt viatores. ib. n. 2. boni meruerunt gloriam, mali demeruerunt. ib. n. 3. fuit æqualis bonorum & malorum via. p. 238. n. 4. fuit valde brevis. ib. n. 5. tribus morulis absoluta. ib. n. 6. necessaria fuit eis gratia sanctificans. p. 228. n. 2. fuit eis collata in primo creationis instanti. p. 229. n. 3. potuerunt, non tamen meruerunt illam. p. 231. n. 4. acceperunt virtutes infusas. p. 232. n. 5. non acceperunt æqualem gratiam. p. 234. n. 4. sed inæqualem inter se. p. 235. n. 5. pro secunda morula fuit eis data gratia actualis adjuvans. p. 236. n. 6. in bonis fuit efficax, in malis sufficiens. ib. n. 7. In primo instanti non peccarunt p. 241. n. 2. potuerunt tamen peccare. ib. n. 3. quoad reatum sunt capaces omnis peccati. p. 247. n. 4. primum peccatum fuit philantia. p. 248. n. 5. item. p. 210. n. 6. vide plura *Damones. Lucifer*.
- Angelica* Hierarchia triplex est. p. 115. n. 6. Chori sunt novem. p. 116. n. 7. Michaël est supremus Angelorum. p. 116. n. 8. Angeli mali habent inter se aliquem ordinem. ib. n. 9. Angelus est naturalis imago DEI. p. 156. n. 2. Angeli habent intellectum. 121. n. 1. vide *Angelicus Intellectus*.
- Angelica* Cognitio quomodo terminatur ad se ipsum. p. 151. n. 1. & 2. ad cognoscendum se non indiget habitu. p. 152. n. 3. cognoscit se per suam essentiam. ib. n. 4. potest se abstractivè cognoscere. p. 154. n. 5. non cognoscit per suam essentiam alia. p. 155. n. 6. per suam essentiam cognitam potest devenire in cognitionem DEI. p. 157. n. 4. non tamen per essentiam suam, tanquam per rationem formalem. p. 158. n. 5. per speciem divinæ Essentiæ, quæ possibilis est, non cognoscunt creaturas. p. 160. n. 6. & p. 162. n. 7. non indigent speciebus ad res creatas spirituales cognoscendas. p. 163. n. 1. & 2. nec ad res materiales applicatas. p. 164. n. 3. indigent tamen speciebus ad cognoscendas res absentes. ib. n. 4. fuerunt ipsis species concretae. p. 166. n. 2. potest ipse Angelus eas acquirere. p. 168. n. 4. species infusæ non sunt ipsis debita. p. 171. n. 3. infunduntur liberè à DEO. p. 172. n. 4. habent intellectum agentem p. 166. n. 3. non dantur species secundum majorem perfectionem naturæ Angelicæ. p. 172. n. 5. vide *species*.
- Angelicus Intellectus* & Hominis sunt specie distincti. p. 102. n. 3. non distinguuntur realiter

# I N D E X

realiter ab Angelo. p. 121. n. 2. est verè compositivus. p. 122. n. 1. & p. 123. n. 2. est discursivus. ib. n. 3. etiam in materia certa potest discurre. p. 125. n. 4. potest simul plura per modum unius intelligere. p. 127. n. 3. non tamen plura simul disparata cognoscere. p. 128. n. 4. potest tamen plura pluribus cognitionibus. ib. n. 5. non tamen sic perfectè plura, sicut unum. ib. n. 6. potest suam intellectio- nem suspendere. p. 129. n. 7. est capax veritatis & falsitatis. ib. n. 8. quæ futura contingentia cognoscere possit. p. 130. n. 1. & 2. non libera contingentia. p. 131. n. 3. si sibi relinquatur potest cognoscere secreta cordium. p. 134. n. 4. defacto ta- men non cognoscit. p. 136. n. 5. non est dogma fidei Angelos non cognoscere se- creta cordium. p. 137. n. 6. boni possunt cognoscere mysteria gratiæ in actu po- sita. p. 139. n. 3. mali habent virtutem ad cognoscenda supernaturalia. ib. n. 2. non cognoscunt actus & habitus super- naturales, nisi quoad entitatem abclu- tam. p. 142. n. 4. possunt cognoscere ex- istentiam Corporis Christi in Eucharis- tia. ib. n. 5. non tamen mysterium In- carnationis, etiam in actu positum. p. 144. n. 6. neque remissionem peccati. p. 145. n. 7. quatuor modis Angelus in- telligit. p. 180. n. 4. tripliciter in alterius intellectu potest operari. ib. n. 5.

*Angelica Illuminatio* quomodo fiat. p. 195. n. 4. & p. 196. n. 2. Deus æquè primò illuminat omnes Angelos completè. ib. n. 3. dispositivè primo perfectiores illumi- nantur. ib. n. 4. potest illuminari inferior non illuminato superiore. p. 197. n. 5. etiam inferior potest dispositivè illumi- nare superiorem. p. 198. n. 6.

*Angelica Voluntas* est verè libera. p. 148. n. 5. datur. ib. n. 3. est libera respectu cu- iuscunque boni. p. 149. n. 7.

*Angelica locutio* non fit per signa. p. 181. n. 6. nec per cognitionem reflexam. ib. n. 7. nec per ordinationem conceptus ad alterum. p. 182. n. 8. potest unus produ- cere conceptum in intellectu alterius. ib. n. 9. locutio Angelica fit per productio- nem alicujus effectus in altero Angelo. p. 184. n. 10. potest fieri sine specie im- pressa. p. 187. n. 11. & aliquando ad so- lam speciem terminari. ib. n. 12. aliquan- do ad speciem & intellectionem. p. 188. n. 13. Angeli loquuntur cum Deo. ib. n. 14. qualis notitia in audiente causetur. ib. n. 15. potest unus pluribus loqui. p. 189. n. 1. quando loquitur per produ- ctionem conceptus, non loquitur nisi uni. ib. n. 2. si loquatur per speciem, potest pluribus loqui. p. 190. n. 3. non est de-

terminatus numerus, quibus omnibus po- test loqui. ib. n. 4. potest uni potius loqui, quàm alteri. ib. n. 5. non potest loqui in quacunque distantia. p. 191. n. 2. ut lo- quatur non requiritur contactus locatis. ib. n. 3. sed ad distantiam à DEO præfi- nitam. p. 192. n. 5.

*Angelus* est in loco corporeo verè. p. 203. n. 2. formaliter per ubi definitivum. p. 205. n. 3. & 4. efficienter per se ipsum; vel aliam causam ponentem ipsum ad il- lum locum. p. 206. n. 5. ratio fundamen- talis non est operatio existendi in loco. ib. n. 6. nec est in loco per applicationem virtutis. p. 208. n. 7. sed ipsa substantia Angeli est ratio ei essendi in loco. ib. n. 8. discrimen inter corpus & Angelum in or- dine ad occupandum locum. ib. n. 1. & p. 210. n. 2. Angelus habet locum deter- minatum non determinatè. ib. n. 3. non potest esse in loco quovis minimo in in- finitum. ib. n. 4. possunt esse plures in co- dem loco. p. 212. n. 2. non tamen unus in pluribus locis discontinuis. p. 214. n. 2.

*Angeli mensura* est ævum. p. 200. n. 6. Angelus supremus est mensura extrinse- ca aliorum Angelorum. p. 201. n. 7.

*Angeli motus* mensuratur tempore. p. 202. n. 8. genericè convenit cum motu corpo- rum. p. 215. n. 1. verè & propriè moven- tur. ib. n. 2. possunt activè movere, & pas- sivè moveri. p. 217. n. 3. motus ipso- rum est ipsa formalis acquisitio ubi. ib. n. 4. possunt se movere continuè & suc- cessivè. p. 218. n. 4. non tamen in instan- ti motu continuè. p. 219. n. 5. subjectum motus est ipse Angelus. p. 220. n. 6. mo- tus ejus est acquisitivus & deperditivus. ib. n. 7. existens in corpore non movetur per accidens cum illo. ib. n. 8. non potest transire ad extremum non transiendo medium. p. 221. n. 2. etiam medium; quod nihil est extremorum. ib. n. 3. bene tamen quod est quid extremorum. ib. n. 4. sive instantaneè sive successivè mo- veatur, debet tangere medium. ib. n. 5.

*Angeli Custodes* dantur omnibus homini- bus. p. 277. n. 1. & 2. tunc non habuit Christus. p. 279. n. 3. custodia hæc inci- pit ab instanti animationis. p. 280. n. 4. durat toto vitæ tempore. p. 281. n. 5. duodecim ejus effectus. ib. n. 6. de bona custodia gaudent Angeli. p. 282. n. 7. in- tercedit aliqua discordia & pugna inter Angelos custodes hominum & regno- rum, sed sine vitio. p. 283. n. 8.

*Angeli omnes* aliquando mittuntur. p. 263. n. 2. etiam mali quandoquæ à DEO. p. 264. n. 3. & unus Angelus mittitur ab alio. p. 265. n. 4. ministeria eorum re- spiciunt



# I N D E X.

- Ipiciunt hunc mundum corporeum.* ib. n. 5. verè & realiter corpora assumunt, & in eis apparent. p. 269. n. 3. non tamen illud informant, aut hypostaticè uniunt. p. 270. n. 4. quid sit illa assumptio. p. 272. n. 6. & p. 270. n. 5. absolutè loquendo quodlibet corpus potest assumere. p. 272. n. 2. corpore assumpta vel sunt perfectà, vel imperfecta. ib. n. 3. & p. 273. n. 4. quæ corpora Angeli boni non possunt assumere. ib. n. 5. Angelus malus potest assumere corpus defuncti. 274. n. 6. potest sibi ipsi formare corpus. ib. n. 7. in assumptis corporibus volitiones & intellectiones veras exercent. ib. n. 1. non tamen veram operationem sensitivam. p. 275. n. 2. nec operationes animæ vegetativæ. ib. n. 3. sed tantum similitudinarias. ib. n. 4. vide plura. verbo *Apparitiones*.
- Angeli non fuerunt cooperati Deo in Adamo creando.* p. 291. n. 1. indirecti possunt movere liberum arbitrium. p. 59. n. 3.
- Annihilationem inter & corruptionem,* quæ differentia. p. 96. n. 1.
- Animantia sensitiva* producta sunt sexta die. p. 68. n. 2. probabiliter etiam animalia infecta. p. 69. n. 3. animalia ex putrefactione corporum, & exotica non fuerunt in prima creatione producta. ib. n. 4. venenosa & efferata fuerunt. ibid. n. 5. ferocia in statu Innocentiæ, non statim se sisterent vocata p. 350. n. 3.
- Antithesis* pulchra de bonis & malis Angelis. p. 223. n. 1.
- Apparitiones* variè fieri possunt. p. 226. n. 2. frequentes in antiquo Testamento. ibid. n. 1. non fuerunt propriè Secundæ Personæ. ibid. n. 3. apparitiones sensibiles factæ fuerunt per Angelos. p. 267. n. 4. etiam plures Novi Testamenti. p. 268. n. 5.
- Apostoli & Episcopi* sunt Seraphini. p. 118. n. 12.
- Appetitus* generandi in statu Innocentiæ subfuisse rationi. p. 372. n. 14. appetitus variæ divisiones. p. 859. n. 1. vide. *Innocentiæ status*.
- Aqua* sunt super Firmamentum. p. 45. n. 5. quare sunt supra Cælum. p. 46. n. 6. non sunt ejusdem rationis cum elementaribus. p. 47. n. 7. aquæ plures, sunt diversæ species. p. 49. n. 8. quomodo congregatæ sunt tertia die. p. 50. n. 1. earum congregatio, potest dici earum productio. p. 51. n. 2. hæc congregatio duplici modo facta est. ibid. n. 3. etiam motione sunt congregatæ. p. 52. n. 4. Aquis in quinquies Deus est operatus. p. 64. n. 1.
- Arbor* Scientiæ boni & mali, & Lignum vitæ, fuerunt reales Arborea. p. 323. n. 2. & 3. Arbor & Lignum vitæ non habet naturalem virtutem conferendi immortalitatem. p. 324. n. 4.
- Authores* recentes, æquè veraces sunt ac veteres p. 716. n. 7. qui meliores. p. 770. n. 3.
- Auxilia* gratiæ remotè sufficientia DEUS providit. 502. n. 2. de auxilio interno sufficienti variæ opiniones. p. 506. n. 1. dari semper & omni tempore nulla convincit ratio. ibid. n. 2. quandoq; omnibus præbetur adultis. p. 511. n. 3. vide *Gratia sufficiens*.
- Aversio* à Deo duplex est. p. 858. n. 5. avertens se à fine naturali avertit se etiam à supernaturali. 867. n. 6. vide *Peccatum*.
- Aves* unde productæ est quæstio varia. p. 65. n. 3. esse productas ex ære, censetur probabile. ibid. n. 4. probabilius ex terra sunt productæ. p. 66. n. 5. aliæ ex terra, aliæ ex aqua. p. 67. n. 6.
- Axioma* S. Aug. sic DEUS finit causas proprias motus agere. explicatur. p. 372. n. 13.

## B.

- Baptisandi* sunt Parvuli propter remissionem peccatorum. p. 892. n. 4. vide *Parvuli*.
- Beatitudo* alia naturalis, alia supernaturalis. p. 224. n. 2.
- Bellum* justum utrinque esse potest. p. 767. n. 9.
- Bestia* non fuerunt cicures in statu Innocentiæ. p. 824. n. 3.
- Bona* temporalia possunt iusti & iniusti sibi mereri de congruo. p. 552. n. 6.
- Bonitas* alia entitativa, alia moralis. p. 636. n. 1. alia objectiva alia circumstantialis. p. 619. n. 2. bonitas triplex, sicut & malitia. ibid. n. 3. bonitas est integritas eorum, quæ adesse debent. p. 620. n. 4. est conformitas ad legem. ibid. n. 6. hæc integritatis conformitas non est una simplex. p. 622. n. 7. ex objecto, & specifica, & in genere vocatur. p. 622. n. 1. ab objecto desumitur prima & specifica. p. 623. n. 2. & 3. objectum dans bonitatem debet cognosci. p. 625. n. 4. actus idem potest habere plures bonitates. p. 626. n. 5. bonitas & malitia inter se sunt differentiarum essentialis. p. 619. n. 1.
- Bonum* esse potentius malo, quomodo intelligendum. p. 377. n. 6. bonum non esse odiendum recta ratio dicit. p. 857. n. 4.

# I N D E X.

## C.

**Cæcitas** mentis in quo consistit. p. 953. n. 2. vide *Excecatio*.

**Carthusiani** infirmi non comedunt carnes, & quare? p. 755. n. 11.

**Castitatis** votum dispensarunt Pontifices. p. 726. n. 11.

**Catholicus** malus accidentaliter peior est hæretico imperito. p. 936. n. 4.

**Certum** tenendum relicto incerto. p. 785. n. 4.

**Chæos** explicatur. p. 20. n. 3.

**Cherubin** ante paradisum qualis. p. 328. n. 11. & 12.

**Chori** Angelorum sunt novem. p. 116. n. 7. vide *Angelus*.

**Christus** primus Prædestinatorum. p. 234. n. 2. non habuit Angelum custodem. p. 279. n. 3. Christus & B. Virgo crubuis-  
sent, si essent nudi, cum tamen caruerint  
fomite concupiscentiæ, cur non sic Adam  
& Eva crubuerint in Paradiso in statu In-  
nocentiæ. p. 373. n. 15. Christus, quæ ra-  
tione, nostra sanctificatio. p. 385. n. 4.  
Christum pro omnibus falsum aliqui ne-  
gant. p. 502. n. 1. Christus inefficaciter  
oravit pro damnandis, serio tamen. p.  
503. n. 3.

**Circumstantia** quid sit. p. 631. n. 1. est tri-  
plex. ibid. n. 3. variantes speciem variè  
accipiuntur. p. 935. n. 2. quomodo co-  
gnoscantur. p. 632. n. 4. Circumstantiæ  
aggravantes. ibid. n. 5. sunt numero se-  
ptem. ibid. n. 6. circumstantias enume-  
rat S. Bonaventura. p. 938. n. 1. sunt va-  
riæ. p. 939. n. 2. explicantur. ibid. n. 2.  
& 3. & sequentibus. addunt aliquam bo-  
nitatem vel malitiam actui. p. 633. n. 7.  
peccatum inferioris speciei, multitudine  
circumstantiarum non mutatur. p. 935.  
n. 3. mutans speciem etiam accidentaliter,  
aggravat peccatum. p. 937. n. 5. Cir-  
cumstantiæ externæ debent esse volitæ.  
p. 634. n. 8. damnificantes dupliciter ac-  
cidere possunt. ibid. n. 9. Nocumentum,  
quod prævidetur secuturum, communi-  
cat actui malitiam. ibid. n. 10. Circum-  
stantia quis explicatur. p. 939. n. 2. & 3.  
quid. p. 941. n. 8. & 9. & p. 942. n. 10.  
quibus auxiliis. p. 944. n. 14. quomodo.  
p. 945. n. 16. & 17. & p. 946. n. 18.  
quando. p. 947. n. 19. & p. 948. n. 20.  
Ubi. p. 945. n. 11.

**Concictum**, necessitatum, impeditum, quan-  
tum differant. p. 604. n. 2.

**Celi** etymologia & nomina. p. 19. n. 1. per  
cælum & terram, intelligitur summarie  
omnis creatura producta. p. 20. n. 4. be-  
nè etiam intelligitur Empyreum, & An-  
geli, ac materia prima p. 21. n. 5. potest

intelligi etiam materia utriusque infor-  
mis. p. 22. n. 6. cælum & terra sumpta  
summarie non est proprie creata. ibid. n.  
7. significans autem Angelos, & materi-  
am sunt proprie creata. p. 23. n. 5.

**Cogitationes** practicæ ad observantiam  
mandatorum, sine gratia haberi non pos-  
sunt. p. 454. n. 3. vide *Gratia*.

**Cognitio** Matutina, & Vespertina quid sit.  
p. 145. n. 1. quid 8. Aug. per eas intelle-  
xerit ibid. n. 2. per matutinam potest in-  
telligi naturalis visio. p. 146. n. 3.

**Cognoscere** plura simul variè contingit. p.  
726. n. 11.

**Concupiscentia** impetus est misera servitus.  
p. 371. n. 11. differentia inter oblecta-  
mentum appetitus in statu Innocentiæ,  
& peccati. p. 372. n. 12. concupiscentia  
movet liberum arbitrium. p. 590. n. 1.  
non immediate ibid. n. 2. potest tamen  
etiam immediate. p. 591. n. 3. non trahit  
necessario liberum arbitrium. ibid. n. 4.  
concupiscentia quid sit. p. 611. n. 1. est tri-  
plex. ibid. n. 2. rationi conformis auget  
voluntarium. ibid. n. 3. difformis minuit.  
p. 612. n. 4. habet secum admixtum in-  
voluntarium. ibid. n. 5. quæ ratione di-  
catur peccatum. p. 885. n. 9.

**Concursus** generalis DEI ad omnem actum  
bonum moraliter requiritur. p. 463. n. 4.

**Confessarius** tenetur pœnitentem liberare  
ab errore. p. 674. n. 7. potest sequi opi-  
nionem sui pœnitentis. p. 765. n. 10.

**Confirmationis** donum quid sit. p. 438.  
n. 4.

**Conscientia** est proxima regula actus hu-  
mani. p. 660. n. 1. accipitur etiam pro  
opere Voluntatis. ibid. n. 2. Conscientiæ  
etymologia. ibid. n. 3. conscientia & syn-  
derezis frequenter pro eodem accipiun-  
tur. p. 661. n. 4. conscientia non est quid  
voluntatis. ibid. n. 6. proprie est actus in-  
tellectus. p. 662. n. 7. potest etiam dici  
habitus. ibid. n. 8. ejus officia. p. 664. n.  
9. variæ ejus divisiones. ibid. n. 10. ob-  
ligatio. p. 672. n. 4. denominationes. p.  
675. n. 3.

**Conscientia Dubia** alia speculativa, alia  
practica. p. 661. n. 2. vide *Dubium*. ne-  
mo eam sequi potest. p. 797. n. 12.

**Conscientia Erronea** qualis. p. 671. n. 1.  
proponens tantum licitum non obligat.  
ibid. n. 2. invincibilis obligat ad sui seque-  
lam. ibid. n. 3. debet deponi si minima  
sit suspicio. p. 673. n. 5. in conscientia vin-  
cibiliter ignorante superiori est obedien-  
dum. ibid. n. 6. nequaquam si sit invinci-  
bilis. p. 674. n. 7. Confessarius tenetur  
pœnitentem liberare ab errore. ibid.  
n. 8.

**Conscientia Fatua** quid. p. 681. n. 7.



*Conscientia infallibilis* non semper requiritur ad operandum. p. 676. n. 4.

*Conscientia recta* describitur. p. 665. n. 1. contra eam agens peccat. ibid. n. 2. ut quis contra eam agat, DEUS non potest dispensare. ibid. n. 3. conscientiae bona laus. p. 676. n. 4.

*Conscientiam* contra scrupulosam licitum est agere. p. 676. n. 5. non est temerè deponenda. ibid. n. 6. modi liciti deponendi scrupulos veros. p. 677. n. 7.

*Consensus* variè accipitur. p. 599. n. 2. voluntatis triplex. p. 971. n. 6. alius ad peccatum mortale, alius ad veniale. ibid. n. 7. in delectationem morosam, etiam non in opus est peccatum mortale. 974. n. 4. vide *Delectatio*.

*Consilium* stabile excludit dubitationem. p. 728. n. 2. Consilium Juvenum de se non est malum quàm talium. p. 731. n. 4. Consilium Sapientum debet stultus sequi. p. 734. n. 8. Consilium optimum nunquam uti probabili in concursu probabilioris. p. 788. n. 5. vide *Probabilitas*. *Opinio*. Consilium dupliciter accipitur. p. 912. n. 6.

*Consuetudo* per se non necessariò confitenda. p. 941. n. 7. non facit veniale mortale. p. 918. n. 3.

*Corruptionem* inter & annihilationem differentia p. 96. n. 1.

*Costa Adam* ex qua Eva, potuit rarefieri. p. 299. n. 3. vide *Adam*. *Eva*.

*Create* benè assumitur ad explicandam productionem ex nihilo. p. 9. n. 4. nequit communicari Angelis. p. 14. n. 6. creativa virtus necessario est in tribus Personis p. 15. n. 7. creata omnia simul quomodo intelligendum. p. 27. n. 3.

*Creatio* non semper significat productionem ex nihilo. p. 7. n. 3. creatio quid sit. p. 10. n. 5. est possibilis. ibid. n. 6. creationis dies sex putat S. Aug. esse allegoricos. p. 24. n. 1. fuerunt tamen reales ac continui. ibid. n. 2. vide *Dies*. creationis donum, gratia vocari potest. p. 444. n. 2.

*Creatura* describitur. p. 7. n. 1. creatura & res omnes benè dicuntur à DEO creatæ. p. 23. n. 9. Creatura nulla potest attingere physicè productionem gratiæ. p. 410. n. 2. vide *Gratia*.

*Credere* non potest aliquis sine adiutorio gratiæ DEI. p. 459. n. 4.

*Credulitas* probabilis idem operatur quod Veritas. p. 796. n. 10.

*Crimen* & Flagitium explicantur. p. 846. n. 3.

*Culpa* quid & quoluplex. p. 987. n. 2.

**D***æmones* habent inter se aliquem ordinem. p. 117. n. 9. quatuor futura prædicunt. 132. n. 4. habent virtutem integram ad cognoscenda supernaturalia. p. 139. n. 2. Dæmon peccavit peccato superbiæ. p. 251. n. 2. concupiscentiæ Beatitudinis supernaturalis. p. 252. n. 3. Invidiæ. ibid. n. 4. scandali. p. 253. n. 5. manserunt in ipsis aliquæ species creatæ. p. 254. n. 1. sunt in malo obstinati. ibid. n. 3. obstinationis causæ. p. 255. n. 4. possunt benè operari moraliter. p. 256. n. 5. defaëto tamen non operantur. p. 257. n. 6. cruciantur ab igne non per qualitatem aliquam impressam. p. 258. n. 4. nec per apprehensionem. ibid. n. 5. sed per violentam detentionem & considerationem. p. 259. n. 6. non sunt defaëto omnes in Inferno. p. 260. n. 7. qui sunt in ære ignem secum non circumferunt. p. 261. n. 8. quomodo in ære cruciantur. p. 262. n. 9. possunt assumere corpus defuncti. p. 274. n. 6. ex dæmonum tentatione radicaliter sunt omnia peccata. p. 285. n. 5. Dæmon tentans semel victus iterum redit. ib. n. 6. non potest tamen causare directè in voluntate malam affectionem. p. 286. n. 7. sed indirectè, aliquomodo. ib. n. 8. & p. 958. n. 2. & 3. & 4. Dæmonis illusio tripliciter fit. p. 287. n. 9. potest inhabitare corpora humana. p. 288. n. 10. non habet potestatem transmutandi homines in bestias. p. 289. n. 12.

*Damnatorum* pœna duplex. p. 257. n. 2.

*De* particula explicatur, & dupliciter accipitur. p. 7. n. 2.

*Debitum* reddendi præmium est duplex. p. 518. n. 4.

*Delectatio* morosa, quæ dicitur. p. 974. n. 3. quæ mortalis, quæ venialis. p. 973. n. 1. de speculatione, & dere sunt diversa. p. 974. n. 2. consensus in delectationem morosam etiam non in opus est peccatum mortale. ib. n. 4. modum cognoscendi delectationem esse de re, vel de cognitione. p. 975. n. 5. aliquando absque consensu voluntatis potest admitti. p. 976. n. 6. delectari sub conditione honestatis actum videtur licitum p. 978. n. 10. delectationes morosæ sunt diversæ speciei. ib. n. 11.

*Deliberatio* est triplex. p. 971. n. 5.

*DEUS* potest cognosci ex creaturis. p. 1. & 2. DEI dicere quid sit. p. 36. n. 1. quid vocare. p. 37. n. 2. quomodo DEUS viderit, quod lux bona sit. p. 40. n. 7. vide plura *Dies*. quomodo compleverit opera sua die septimo. p. 73. n. 2. DEI quies non

# I N D E X.

non est accipienda materialiter, sed metaphoricè. p. 74. n. 3. solus DEUS plasavit hominem. p. 291. n. 2. & 1. non est imago hominis. p. 307. n. 1. & 2. Dei imaginem putant aliqui esse in corpore hominis. ibid. n. 2. DEUS finit causas proprios motus agere, explicatur. p. 372. n. 13. quâ ratione operatur in nobis & velle, & perficere. p. 447. n. 1. vide *Gratia*. DEUS potest à nobis diligere ad breve tempus sine gratia actuali. p. 472. n. 3. vide *Dilectio Dei*. Deus non est acceptator personarum. p. 501. n. 9. prædefinit tempus determinatum meritis. p. 520. n. 7. potuit, & voluit se obligare ad meritum, & ad dandum præmium. p. 529. n. 11. & 12. vide *Meritum*. quâ ratione operatur omnia in nobis. p. 571. num. 5. Præscientia DEI, non obest libertati nostræ. p. 572. n. 6. DEUS movet liberum arbitrium. p. 592. n. 1. physicè & moraliter. ibid. n. 2. suspendendo concursum non necessitat absolute voluntatem. pag. 608. n. 2. si necessario ageret, tolleretur libertas. p. 609. n. 3. quæ vult efficaciter, potest homo non velle efficaciter. p. 659. n. 9. ejus Voluntas ex effectibus cognoscitur. p. 660. n. 10. non præcipit impossibile. p. 720. n. 4. tribus modis investigatur. p. 803. n. 1. non est author peccati. p. 954. n. 6. & cur. p. 957. n. 9. quibus rationibus dicitur incitare ad peccatum. 955. n. 7. non subest regulis morum. 956. n. 8. punit citra condignum. p. 1007. n. 3. quomodo Deus deserat hominem. pag. 954. ■ 4.

*Dies* sex creationis putat Aug: esse allegoricos. pag. 24. num. 1. fuerunt tamen verè reales & continui. ib. n. 2. possunt eleganter in sensu mystico explicari. p. 29. n. 4. Dies omnium prima est Dominicus. p. 35. n. 4. ejus privilegia. pag. 36. n. 5. Die prima creavit DEUS Cælum empyreum & angelos. p. 37. n. 3. terram, aquam & aërem. ibid. n. 4. facta est etiam lux. p. 39. n. 5. Die secunda creatum est firmamentum. p. 41. n. 1. vide *Firmamentum*. Die tertia quomodo congregatae sunt aquæ p. 50. n. 1. vide *Aqua*. Probabiliter tertia die facti sunt montes & colles. p. 53. n. 5. herbarum & plantarum. ibid. n. 6. spinarum & tribulorum. p. 55. n. 7. mineralia. p. 57. n. 9. Die quarta sol & astra producta sunt. vide *Sol & Luna*. Die quinta pisces & aves produxit DEUS. p. 64. n. 2. vide *Aves*. sexta die producta sunt animalia sensitiva. p. 68. n. 1. vide *animalia*. Dies septimus est totus mystericus. p. 72. n. 1. sanctificare diem septimum est, illum cultui Divino destinare. p. 75. n. 4.

*Diaconi* symbolizant cum Thronis Angelorum. pag. 119. n. 14.

*Dilectio* Dei optima ad gratiam dispositio. p. 421. n. 10. non procedit physicè à gratia, ad quam disponit. p. 422. n. 1. dilectione amicitiae quomodo diligatur DEUS. p. 423. n. 3. potest ad breve tempus diligi sine gratia actuali. p. 472. n. 3. Dilectio DEI & charitas quando pro eodem accipiuntur. p. 473. n. 5. quâ ratione includat observantiam mandatorum DEI. p. 474. n. 6.

*Doctores* qui sunt meliores. p. 808. n. 12.

*Doctum* inter & indoctum quæ differentia. p. 770. n. 2. Doctus non potest sequi opinionem probabilem objective in concursu probabilioris. p. 773. n. 8. potest tamen indoctus. p. 772. n. 7.

*Dominium* triplex hominis Innocentis. pag. 348. n. 1.

*Donum* Creationis, gratia vocari potest. p. 444. n. 2. vide *Creatio*. Donum Confirmationis quid sit. p. 438. n. 4.

*Donum Perseverantiae*. vide *Perseverantia donum*.

*Dubia* verba, quomodo accipienda. p. 800. n. 7. in dubiis melior est conditio possidentis. p. 798. n. 1. & 2. quando habet locum hæc regula. p. 799. n. 6.

*Dubitans* de Homicidio non potest celebrare. p. 793. n. 7. dubitans de censura, non potest Divina agere p. 794. n. 8. Dubitans de morte conjugis, non potest petere debitum. p. 796. n. 9. dubitans de voto non tenetur ad illud. p. 802. n. 9.

*Dubitationem* excludit consilium stabile. 728. n. 2.

*Dubium* quid sit. p. 666. n. 1. aliud Juris, aliud facti. p. 661. n. 3. stante dubio (speculativo potest quis licite operari. p. 667. ■ 4. practico nequaquam. ibid. nu. 5. in dubiis tutior pars eligenda. p. 668. n. 6.

*Dubium Facti* in genere non est confitendum. p. 669. n. 7. concomitans actu est confitendum. ib. n. 8. modi & viæ depoenendi dubium. p. 670. n. 9. in dubiis electio tripliciter fieri potest. ib. n. 10. Dubium per opinionem tollitur. p. 752. n. 8. & p. 753. n. 9. inter dubium & formidinem quæ differentia. p. 771. n. 5.

*Dubium* in genere aliud, aliud specificum. ■ 789. nu. 2. in dubiis quæ regula attendenda. ■ 790. n. 3. Regula: *In dubiis tutior* &c. non est ita Universalis. p. 791. n. 4. ad dubia tantum est extendenda. ib. n. 5. varii casus ex Jure de dubiis. pag. 792. n. 6.

E.

*E*riorum facta, quâ ratione imputantur ad culpam. p. 987. n. 6.

*Ecclesiastica* poena est duplex. p. 987. n. 1.

*Efficax*



# I N D E X.

*Efficax* gratia describitur. p. 485. n. 1. vide *Gratia Efficax*.

*Electi* soli in statu Innocentiz nascerentur. p. 356. n. 2. & ii soli, qui nunc sunt. pag. 358. n. 4. & n. 5.

*Electio* realiter distinguitur ab Intentione. p. 597. n. 8. ejus ethymon & natura. p. 599. n. 1. voluntas ex pluribus mediis potest minus conveniens eligere. p. 680. n. 5. Electio & Usus in Voluntate perfecte determinata non distinguuntur. p. 601. n. 7. Electio mediorum principalem bonitatem habet. p. 628. n. 5. intentio bona, cum prava electione conjuncta est mala. p. 630. n. 7. vide *Intentio*. electio tripliciter fieri potest in dubiis. p. 670. n. 10.

*Error* abominandus dicere Deum esse causam peccati. p. 953. n. 1.

*Eva* non fuit formata cum Adamo ad dorsum ejus. p. 297. n. 2. non est facta ex sola costa Adami. p. 299. n. 4. potuit hæc costa, ex qua Eva, rare fieri. ib. n. 3. non fuit facta ex costa & ære ambiente. ib. n. 5. neque ex costa & materia de novo producta. p. 300. n. 6. sed ex costa & materia adjecta prius in costam mutata. ib. n. 7. fuit formata sexta die. ib. n. 8. in Paradiso. p. 301. n. 9. cur ex viroeducta. ib. n. 10. cur ex latere. n. 11. cur dormientis. ib. n. 12. habuit meliorem Adamo originem. p. 302. n. 14. non habuit tam magnam scientiam ac Adam. p. 332. n. 5. Eva & Adam sunt salvati. p. 363. n. 6. fuit eis collata Justitia Originalis. p. 366. n. 1. vide *Justitia Originalis*. Eva non horruit serpentem propter blandimenta ejus. p. 824. n. 4. Evæ transgressionem enumerantur. p. 827. n. 1. an inciderit in hæresim incertum est. p. 828. n. 2. primus ejus error fuit prolixa cum serpente conversatio. p. 828. n. 3. peccavit peccato superbiæ, an hoc fuerit primum incertum est. ib. n. 4. ex una parte fuit gravius peccato Adæ. p. 838. n. 5. vide *Adam*. Poenæ Evæ triplices. p. 840. n. 4. conceptuum multiplicatio quomodo poena sit. ib. n. 5. dolor in partu est altera poena. p. 841. n. 6. subjectio despotica tertia poena mulieris. p. 842. n. 7.

*Excacatio* mentalis tripliciter fieri potest. p. 954. n. 5. plura requirit. ibid. n. 3. & 4.

*Exempla* Regum cultum Dei zelantium. p. 715. n. 4.

F.

*Fæmina* est etiam imago DEI. p. 314. n. 14.

*Falsus* quandoque probabilius veris. p. 748. n. 3. falsum quâ tale nunquam possumus sequi. p. 749. n. 5.

*Festivitas* diei auget peccati malitiam. p. 948. n. 20.

*Fides* sola non justificat. p. 392. n. 3. est tamen necessaria dispositio ad illam. p. 418. n. 6. non tamen sola. p. 419. n. 7. Fides Hæreticorum specialis nihil confert ad justificationem. ib. n. 8. non obligamur credere nos esse justificados. p. 428. n. 1. nec habet quis certitudinem fidei se esse justificatum, & in ea perseveraturum. p. 429. n. 2. Fidei Mytheria ut cognoscantur, tria requiruntur. p. 480. n. 1. actus supernaturales fidei sine gratia haberi non possunt. ib. n. 2. nec affectus & cogitatio eos præcedens. p. 481. n. 3.

*Fiducia* non facit fidelium peccata esse venialia. p. 907. n. 8.

*Filius* & Spiritus S. non sunt rationes formales creandi Patri. p. 17. n. 8.

*Finis* alius essentialis, alius accidentalis. p. 627. n. 1. intentio bona necessariò requirit bonum finem. ib. n. 2. Finis & electio possunt habere duplicem bonitatem. p. 628. n. 4. actus ex objecto bonus, & ex fine maius retinet specificam bonitatem. p. 629. n. 6. Finis alius operis, alius operantis. p. 871. n. 2. fines diversificant peccata. p. 872. n. 4. vide *Peccatum*.

*Firmamentum* creatum est secunda die. p. 41. n. 1. est probabiliter ær, vel aliqua ejus pars. ib. n. 2. probabilius sunt orbes Cælestes. p. 42. n. 3. firmamentum non significat extensionem. p. 44. n. 4. super firmamentum sunt aquæ. p. 45. n. 5.

*Flagitium* & Crimen explicantur. p. 846. n. 3.

*Fluviorum* quatuor Paradisi nomina. p. 327. n. 6. fuerunt fluvii veri & reales. ib. n. 7. per investigationem originis fluminum illorum nequit quisquam ad notitiam, & situationem Paradisi devenire. ib. n. 8. vide *Paradisus*.

*Formido* intrinseca & extrinseca quid. p. 666. n. 5. describitur, & duplex est. p. 687. n. 4. inter formidinem & dubium quæ differentia. p. 771. n. 5. sine formidine quadrupliciter possumus opinari. ib. n. 6.

*Fruitio* duplex est. p. 595. n. 4. est actus elicited Voluntatis. p. 598. n. 10.

*Furans* rem parvam putans vel volens magnam peccat graviter. p. 919. n. 3. intendens magnam summam à pluribus furari, peccat mortaliter. p. 920. n. 4. fur accipiens sparsim minuta, complet in hoc peccatum mortale. p. 920. n. 5.

*Futura* contingentia quæ possit cognoscere Angelus. p. 130. n. 2. vide *Angelicus Intellectus*.

G.

*Gratia* constituit hominem, & in ratione essendi gratum & operandi. p. 394. n. 4.



# I N D E X.

n. 4. ad primam gratiam recipiendam nulla requiritur dispositio. p. 234. n. 3. non causat suos effectus sic, quin repugnet contrarium fieri. p. 397. n. 2. ex natura physica non constituit filium Dei adoptivum. p. 398. n. 3. ex acceptatione Dei habet vim justificandi p. 399. n. 4. non tantum tegit, sed verè delet peccatum. p. 401. n. 1. & p. 402. n. 2. non tamen illud delet ex natura physica. p. 403. n. 4. non compatitur illud defacto in eodem subiecto. ib. n. 3. absolutè tamen est compatibilis cum illo. p. 404. n. 5. formaliter illud delet. p. 407. n. 6.

*Gratia* infusio & peccati remissio sunt mutationes separabiles. p. 408. n. 1. defacto sunt inseparabiliter connexæ. p. 409. n. 3. Infusio gratiæ est prior expulsionem peccati. ib. n. 4. fiunt tamen in instanti. p. 410. n. 5. gratiæ productionem nulla creatura attingere potest. ib. n. 2. sed solus DEUS. p. 412. n. 3. producitur per veram creationem. p. 413. n. 4. eius subiectum est voluntas. p. 415. n. 2. physica dispositio non requiritur ad recipiendam gratiam sanctificantem. p. 416. n. 4. sic tamen moralis in adulto. p. 417. n. 5. fides est necessaria dispositio ad illam. p. 418. n. 6. non tamen sola. p. 419. n. 7. fides hæreticorum specialis nil confert ad illam. ib. n. 8. spes est quoque necessaria. p. 421. n. 9. optima ad gratiam dispositio est dilectio Dei. ib. n. 10. quæ physice non procedit à gratia, ad quam disponit. p. 422. n. 1. vide *Dilectio*. Gratia secundum gradum genericum non potest præcedere se ipsam. p. 423. n. 2. per solum, & omne mortale peccatum amittitur. p. 424. n. 1. conservatur observatione mandatorum Dei. p. 425. n. 2. augetur per opera meritoria moraliter. ib. n. 3. quam intense. 555. n. 4. potest à iustis intendi, quamdiu vivunt. p. 427. n. 2. non sic tamen in iustis intenditur, ut extinguat fomitem. ib. n. 3. nec ad cavenda omnia venialia. ib. n. 4. potest intendi ad defendendam omnem poenam. p. 428. n. 5. vide *Justificatio*, *Dilectio*. Quid addit gratiæ habituali donum perseverantiæ. p. 438. n. 3. vide *Perseverantia*.

*Gratia* variz acceptiones. pag. 444. n. 1. etiam creationis donum gratia vocari potest. ibid. num. 2. Gratia, propriè accepta definitur. p. 445. num. 3. alia creata, alia increata. p. 446. num. 4. benè dividitur in gratiam gratis datam, & gratum facientem. ibid. num. 5. circa gratiam Pelagii errores. p. 440. num. 1. semipelagianorum errores. p. 442. num. 2. errores, Wicleffi, Lutheri, Baji. pag. 443. n. 3. & 4, & 5. Janfenii. pag. 444.

num. 6. *Gratia actualis* benè dividitur in operantem & cooperantem, & subsequentem. p. 447. num. 6. Gratia Divinæ auxilium consistit in aliqua qualitate per modum alicujus comprincipii. pag. 448. num. 2. adjutorium non solum posse, sed etiam operari actu præstat. pag. 449. num. 3. differentia inter gratiam Adæ & nostram. p. 451. num. 4. physice concurrat ad actus bonos eliciendos. p. 452. num. 5. Veritates aliquæ naturales sine adjutorio Divinæ gratiæ cognosci possunt. p. 453. num. 2. cogitationes practicæ ad observantiam mandatorum sine gratia haberi non possunt. pag. 454. num. 3. nec omnes veritates naturales collectivè cognosci. pag. 456. n. 4. nec omnes practicas. pag. 457. 2. benè tamen aliquas. pag. 458. num. 3. neque credere sine adjutorio gratiæ. pag. 459. num. 4. neque fructuosè vincere ullam tentationem. p. 467. num. 3. vide *Tentatio*. Potest ad breve tempus Deus amari sine gratia actuali. pag. 472. n. 3. vide *Dilectio Dei*. sine gratia nequit observari lex naturæ & præcepta decalogi. pag. 476. num. 7. possunt tamen observari aliqua sine illa. pag. 478. num. 8. actus supernaturales fidei non possunt haberi sine gratia. p. 480. num. 2. nec cogitatio eorum præcedens. p. 481. num. 3. vide *Fides*. *Gratia efficax* describitur. p. 485. num. 1. Thomistæ eam explicant per prædeterminationem. ib. num. 2. eorum ad argumenta responsio. pag. 486. num. 8. modus reconciliandi libertatem cum efficacia gratiæ per scientiam mediam. pag. 487. num. 4. quomodo alias reconcilietur. pag. 488. num. 5. salvatur cum libero arbitrio per entitatem intrinsecam gratiæ. pag. 499. num. 6. Scotistæ, quæ ratione solvant objecta contra efficaciam gratiæ. ib. n. 7.

*Gratia sufficiens* quoad etymon pag. 496. num. 1. sumitur dupliciter. ib. num. 2. auxilium gratiæ sufficientis aliud remotum, aliud proximum. p. 497. num. 8. quatuor genera hominum quibus potest gratia conferri. ibid. num. 4. DEUS sine injuria potest subtrahere gratiam. ib. n. 5. interna sufficiens datur. pag. 498. num. 7. effectus gratiæ sufficientis est duplex. pag. 500. num. 8. de remotè sufficienti DEUS providit. p. 502. num. 2. vide *Auxilium*.

*Gratiam actualem* primam nemo sibi meretur. pag. 451. num. 2. vide *Meritum*, *Justus*.

*Gravitas* peccatorum ex variis causis oritur. pag. 931. num. 1. vide *Peccatum*.

(\*) Nnnnnn

Helms



# I N D E X.

## H.

**H**eloim non nisi de DEO vero construitur cum singulari verbo. pag. 11. nu. 1. Heloim creavit non significat pluralitatem virtutum. ibid. n. 2.

*Herba & plantæ productæ sunt tertia die.* p. 53. n. 6.

*Hierarchia* etymologia. p. 113. nu. 2 triplex est. ibid. num. 2. Dividitur in supercoelestem, coelestem, & subcoelestem. p. 114. num. 4. Coelestis in triplicem dividitur. ib. num. 5. Hierarchia angelica tripliciter dividitur. p. 115. num. 6. Ecclesiastica symbolizat cum coelesti. p. 117. n. 10. Pontifex Christum representat. p. 118. num. 11. Apostoli & Episcopi sunt Seraphini. ib. n. 12. Presbyteri sunt Cherubini. pag. 119. n. 13. Diaconi sunt Throni. ib. n. 14. Subdiaconi sunt Dominationes. ib. num. 15. Acolythi sunt Principatus. ibid. num. 16. Exorcistæ Potestates. p. 120. n. 17. Lectores, Virtutes. ibid. num. 18. Officarii Archangeli. ib. n. 19.

*Homo* primus à solo DEO fuit plasmatus. pag. 291. num. 2. Homo androgynus quis sit. p. 296. num. 1. homini competit dominium omnium rerum à natura vero jure, sed puro. p. 449. n. 2.

*Hominis* Imago non consistit in similitudine Divinarum virtutum. pag. 305. num. 4. nec in dominio, quod habet super omnia animantia. p. 309. num. 6. nec in libertate arbitrii. ib. num. 7. nec in modo in rebus existendi. ibid. n. 8. nec in solo corpore. ib. num. 9. nec in sola anima. pag. 310. num. 10. sed in toto homine, ut continet omne genus entis. p. 311. n. 11. DEI verò ut trini consistit in parte intellectiva. p. 312. num. 12. non deletur per peccatum in homine. p. 313. num. 13. Feemina est etiam imago DEI. pag. 314. num. 14.

*Hominis* Innocentis dominium triplex. p. 348. num. 1. Hominis est præparare cor ad gratiam. pag. 482. num. 4. vide *Gratia*. Homo in pura natura, qui peccaret contra authorem naturæ. pag. 866. n. 5. Homo alius interior, alius exterior. p. 969. n. 2. duplex portio in homine. p. 968. num. 1. & pag. 969. num. 3. Declaratur utraque. ibid. n. 4. in utraque invenitur peccatum. ib. n. 5.

## I.

**I**gnorantia est triplex. pag. 613. num. 6. antecedens causat involuntarium, concomitans non voluntarium. pag. 614. num. 7. Ignorantia diversimodè dividitur. p. 979. num. 1. quid speculativa & practica, ibid. num. 2. Juris & facti. ibid.

num. 3. vincibilis & affectata. ibid. num. 4. invincibilis. ibid. num. 5. regulæ ad vincendam ignorantiam. p. 780. num. 6. Præcepta prima nota ignorari non possunt. ibid. num. 8. Ignorantia potest contingere in quibusdam præceptis juris naturæ. pag. 981. num. 9. non tamen diu. pag. 982. num. 10. Juris humani Ignorantia invincibilis dari potest. ibid. n. 11. Ignorans invincibiliter tenetur, qui adhibet omnem diligentiam. p. 983. n. 12. Ignorantia antecedens est per accidens causa peccati. ibid. num. 13. nullo modo tamen concomitans. pag. 984. n. 14. non præcedit in omni peccato. ibid. num. 15. invincibilis excusat à peccato. pag. 985. num. 2. & 3. crassa non, sed tamen minuit. p. 986. num. 4. etiam affectata. ib. num. 5. Ignorantia crassa non excusat à culpa & pœna. p. 988. num. 4. sic tamen invincibilis. ib. num. 6. etiam à pœnâ humana Ignorantia invincibilis Canonis. p. 989. p. 6. & 7.

*Illuminatio* describitur. p. 192. num. 2. per quid differt illuminatio à locutione. pag. 193. num. 3. Illuminationis diversi modi. pag. 194. num. 1. non fit per simplicem externam propositionem veritatis. ibid. num. 2. nec per productionem alicujus luminis fit. p. 195. num. 3. sed fit per productionem cognitionis. ibid. num. 4. Illuminatio est duplex. pag. 196. num. 2. DEUS æquè primò illuminat omnes Angelos completè. ibid. n. 3. vide verbo *angelica Illuminatio*.

*Imago* debet posse representare. pag. 308. n. 3. vide plura *Hominis Imago*.

*Impeditum*, coactum, necessarium quomodo differant. p. 604. n. 2.

*Imperium* est actus voluntatis. pag. 601. num. 8.

*Impetus* concupiscentiæ est magna servitus. pag. 371. num. 11. vide *Concupiscentia*.

*Impossibile* DEUS non præcipit. pag. 720. num. 4.

*Impunitentia* est peccatum in Spiritum S. p. 965. n. 2. & 3.

*Indoctus* potest sequi opinionem probabilem objectivè in concursu probabilioris. pag. 772. n. 7. non tamen doctus. p. 773. num. 8.

*Infideles* posse ad fidem compelli est opinio Augustini. p. 714. n. 5.

*Infinitum* dupliciter considerari potest. p. 928. n. 1.

*In* particula variè accipitur. p. 4. n. 1.

*Innocentia* in statu fuissent homines multiplicati. pag. 352. num. 1. eo modo. quo nunc. pag. 353. num. 2. Virginitas tunc per generationem fuisset violata. p. 354. num. 3.



# I N D E X.

num. 3. vide *Virginitas*. Soli Electi in statu Innocentiæ nascerentur. pag. 356. num. 2. & quidem soli illi, qui nunc sunt. pag. 358. num. 4. & pag. 360. n. 5. Vide *Adam*, *Eva*, *Iustitia originalis*, *Paradisus*. Appetitus generandi in statu Innocentiæ subfuisse rationi. pag. 372. num. 14. differentia inter oblectamentum appetitus in statu Innocentiæ, & peccati. ibid. num. 12. in statu Innocentiæ Posterii Adæ nascerentur in gratia sanctificante, sed non confirmati in illa. pag. 377. num. 4. Patres in oppositum explicantur. ibid. n. 5.

*Innocentia* dupliciter accipi potest. p. 562. num. 2. In statu Innocentiæ potuerunt venialiter peccare. ibid. num. 3. etiam mortaliter. pag. 565. num. 5. Innocentia in duobus consistebat. ibid. num. 4. In statu Innocentiæ bestiarum non fuerunt cicures. p. 824. n. 3.

*Intellectus* Angeli & hominis specie distinguuntur. p. 102. n. 3. vide *Angelicus intellectus*.

*Intellectus* dirigit liberum arbitrium. pag. 587. n. 2. non tamen efficienter. p. 588. n. 3. vide *liberum arbitrium*. inclinatum ad verum. p. 750. n. 6.

*Intentio* Actualis; Virtualis; Habitualis explicantur. pag. 542. num. 6. & pag. 595. num. 3. est actus solius voluntatis. p. 597. num. 7. realiter distinguitur ab Electione. ibid. num. 8. non efficit physicè Electionem. p. 598. n. 9.

*Intentio* dupliciter considerari potest. pag. 628. n. 3. vide *Electio*. *Finis*.

*Intentio* cum prava electione conjuncta est mala. p. 630. n. 7.

*Involuntarium* tripliciter consideratur. p. 603. n. 1. vide *Metus*, *Concupiscentia*, *Ignorantia*. *Voluntarium*.

*Jovinianus* docet, peccata esse æqualia. p. 903. n. 1. vide *Peccatum*.

*Judex* debet sequi tutiorem opinionem in judicando. pag. 763. num. 6. quid ei faciendum, si causa utrinque est æqualis. p. 766. num. 7.

*Justificatio* describitur. pag. 379. num. 3. Justificationis denominativa. ibid. num. 1. diversimoda acceptio. ibid. num. 2. Justificatio posset contingere absque mutatione reali intrinseca. p. 380. num. 4. Justificatio quomodo possit dici extrinseca denominatio. pag. 382. num. 6. Errores circa hominis justificationem. pag. 383. num. 1. Justificatio non fit per extrinsecum favorem, aut gratiæ Christi imputationem. ibid. num. 2. de facto fit per aliquid intrinsecum. p. 384. num. 3. Sanctificatio nostra quâ ratione Christus.

pag. 385. num. 3. Justificationem non esse formam transeuntem esse de fide qui teneant. pag. 387. num. 1. intrinsecum, per quod justificamur, non est substantia aut quantitas. pag. 388. num. 2. non est aliquid transiens. ibid. num. 3. nec attritio formaliter justificat. pag. 389. num. 4. nec contritio. ibid. num. 5. sed habitus. pag. 390. num. 6. & qualitas permanens. pag. 391. num. 7. indistincta ab habitu charitatis. pag. 392. num. 3. non fit sine fidei & spei infusione. pag. 395. num. 5. Justificationis effectus. pag. 396. num. 1. nos esse justificados non obligamur credere. pag. 428. num. 1. nec potest habere quâ certitudinem fidei se esse justificatum, & in ea perseveraturum. pag. 429. num. 2. nec certitudinem moralem absque revelatione se esse in gratia. pag. 430. num. 3. vide *Gratia*. *Fides*.

*Iustitia originalis* Adami & Evæ non fuit quid negativum. pag. 367. num. 3. nec positivum externum. pag. 368. num. 4. non consistebat in aliquo actu plenè. ibid. num. 5. non fuit gratia sanctificans. pag. 396. num. 6. nec aliquid radicatum in gratia sanctificante. pag. 370. num. 7. non est temperamentum naturale humorum. ibid. num. 8. Non fuit externus influxus Dei ex toto. pag. 371. num. 9. fuit forma interna per modum habitus. ibid. num. 10.

*Iustitia Originalis* est duplex. pag. 888. n. 12. vide *peccatum originale*.

*Iustum bellum* utrinque esse potest. p. 767. n. 2.

*Iustus* meretur vitam æternam. p. 543. n. 1. & quidem de condigno. p. 544. n. 2. meretur augmentum gratiæ & gloriæ. p. 545. n. 3. non tamen meretur primum gradum gratiæ. p. 546. n. 4. neque primum gradum gloriæ. ibid. n. 1. & 5. Iusti merentur tam per opera præcepti quàm consilii. p. 548. n. 2. merentur gratiæ augmentum vitam æternam ejusque augmentum actibus charitatis tam elicitis quàm imperatis. p. 549. n. 3. etiam per actus virtutum moralium. p. 550. n. 4. nemo scit opera omnia, per quæ iusti merentur de condigno. p. 551. n. 1. vide *meritum*.

L.

*Amiarum* illusio. p. 269. n. 2.  
Lex est in possessione, si de facto constat. p. 803. n. 10. & 11. Levis autoritas primus locus topicus probabilitatis. p. 804. n. 3. vide *Locus topicus*.

(\*) Nnnnnn 2

Lex



# I N D E X.

*Lex primordialis* quæ p. 818. n. 1. vera fuit Lex, eaq; primordialis *ne comedas*. p. 819. n. 2. dedit eam propter summum suum Dominium, p. 820. n. 3. transgressio legis primæ qualem malitiam participavit. ibid. n. 4. utriq; protoplastæ data, & qua ratione. p. 821. n. 5.

*Libertas* quid sit. p. 147. n. 2. Libertati nostræ non officit Præscientia DEI. p. 572. n. 6. Libertates variæ enumerantur. p. 581. n. 1. Libertas indifferentiæ requiritur ad bene agendum p. 584. n. 5. Libertas actûs non est superadditum intrinsicum ipsi entitati. p. 586. n. 7. Libertas non raditur in intellectu. p. 590. n. 6. est radix omnis moralitatis. p. 618. n. 3. quomodo libertas reconcilietur cum gratiæ efficacia. p. 487. n. 4. vide *Gratiæ efficax*.

*Liberum arbitrium* non est titulus sine re. p. 567. n. 2. negant tale hæretici antiqui & moderni. p. 566. n. 1. non est per peccatum Adæ extinctum. p. 568. n. 3. S. Augustinus exorto Pelagianismo non mutavit doctrinam de libero arbitrio. p. 569. n. 4. Liberum arbitrium dari, non potest evidenter demonstrari. p. 574. n. 2. non est actus aut habitus. p. 575. n. 3. non est in appetitu sensitivo. ibid. n. 4. est ipsa voluntas. p. 576. n. 5. Liberum arbitrium à necessitate. p. 581. n. 2. Liberum & voluntarium perfectum convertuntur. p. 582. n. 3. Liberum arbitrium dirigitur per intellectum. p. 587. n. 2. non tamen per hunc efficienter movetur. p. 588. n. 3. non requiritur iudicium intellectus ad actus liberi arbitrii. p. 589. n. 4. sed præcisè in actibus gravioribus. p. 590. n. 5. Concupiscentia movet liberum arbitrium. ibid. n. 1. non immediate. ibid. n. 2. potest tamen etiam immediate p. 591. n. 3. non trahit necessariò liberum arbitrium. ibid. n. 4. DEUS movet liberum arbitrium. p. 592. n. 1. physicè & moraliter ib. n. 2. Angeli indirectè possunt illud movere. p. 593. n. 3. objectum metaphoricè. p. 594. n. 4.

*Locus* facer quis sit. p. 944. n. 13.

*Locus Topicus* describitur. p. 803. n. 2. Legis autoritas primus locus topicus opinionis. p. 804. n. 3. secundus autoritas Doctorum. ib. n. 4. principalissimus est ratio. ib. n. 5. locus similium p. 805. n. 6. locus à majori ad minus. ib. n. 7. oppositorum. p. 806. n. 8. locus accidentium & à fieri solitis. ib. n. 9.

*Locutio* ordinatur ad alium. p. 180. n. 3. non fit per signa in Angelis. p. 181. n. 6. vide *angelica locutio*

*Lucifer* potuit appetere æqualitatem DEI. p. 244. n. 3. & hoc tripliciter p. 245. n. 3. appetuisse aliquam probabile est. p. 246. n. 4. fuit primus Angelorum. p. 247. n. 5. peccatum ipsius est multò gravius Angelorum. p. 254. n. 6. vide plura verbo *Angelus. Damon*.

*Luna* & *Sol* facta sunt, ut dividant diem & noctem. p. 61. n. 1. vide verbo *Sol*.

*Lux* quod bona sit, quomodo DEUS viderit. p. 40. n. 7. lucis divisio à tenebris qualiter facta. ibidem. n. 8.

## M.

*Macula* peccati non consistit in habitu vitioso. p. 992. n. 2. nec in obligatione ad poenam. ib. n. 3. non est privatio gratiæ sanctificantis. p. 994. n. 5. non est quid reale absolutum vel relativum. p. 995. n. 6. non est elongatio à D E O. ib. n. 7. condignitas inimicitæ DEI spectat ad maculam peccati. p. 996. n. 8. etiam ordinatio ad poenam. ib. n. 9. quid sit declaratur. 998. n. 11. qua ratione potest dici reatus & obligatio ad poenam. ib. n. 12. reatus est respectus ad poenam. p. 999. n. 1.

*Macula* alia prohibita quia mala. p. 864. n. 3.

*Malitia* triplex est, sicut & bonitas p. 619. n. 3. specifica ab objecto desumitur. p. 623. n. 2. & 3. Malitia transactio factio transit p. 992. n. 1.

*Mandata* DEI non sunt gravia. p. 728. n. 10.

*Manducans* bis ter in jejunio quoties peccat. p. 906. n. 5. manducans sæpius parum mortaliter peccat. p. 921. n. 6.

*Manichei* duo ponebant principia unum bonum, alterum malum. p. 12. n. 4. eorum de malo principio error p. 848. n. 8.

*Materia* prima non satiatur per aliquam formam, nisi illa forma det ipsi esse, quod habet ad alteram formam. p. 92. n. 6.

*Matrimonium* in statu Innocentiæ fuisset nobilius virginitate. p. 355. n. 5. dispensarunt in Matrimonio Pontifices. p. 726. n. 11.

*Medici* officium & obligatio quantum. p. 754. n. 10. tenetur sequi opinionem tutiorem. p. 761. n. 5.

*Medicina* bona est, etsi omnes non utantur eâ. p. 504. n. 4.

*Mensura*, numerus, & pondus quid sint. p. 199. n. 1. Mensura est duplex molis & virtutis. p. 200. n. 4. esse Angelorum non mensuratur tempore. ibid. n. 5. vide verbo



# I N D E X.

*verbo Angeli Mensura.* Mensura, modi, numerus in spiritualibus. pag. 770. num. 1.

*Meritum* dari negant haeretici. p. 517. n. 1. dari affirmat Augustinus & *Fides.* ib. n. 2. multipliciter accipitur. p. 518. n. 3. merita mala etiam dantur. ib. n. 5. Meritum ut sic describitur. p. 519. n. 6. Meritis DEUS praedestinit tempus determinatum. p. 520. n. 7. Actus non liber & non bonus potest esse meritorius absolute. ib. n. 8. Meritum debet esse actus liber. p. 521. n. 9. actus moraliter bonus. p. 522. n. 10. Meritum ut sic non debet esse a persona iustificata. ib. n. 11. Meritum omne requirit aliquam acceptationem ab illo, a quo meretur. p. 523. n. 12. debet fieri intuitu merendi. ib. n. 13. Meritum de congruo & de condigno est etiam respectu temporalium. p. 524. n. 1. Meritum de condigno ut sic describitur. ib. n. 2. de congruo explicatur. ib. n. 3. Meritum de condigno non consistit in esse sanctificationi p. 525. n. 4. non est meritum filii respectu praemii sibi conferendi. ib. n. 5. non est universaliter acceptatum. ib. n. 6. non bene explicatur per cognitionem pacti. p. 526. n. 7. non exigit praemium connaturaliter. ib. n. 8. & aequivalentia actus cum praemio non requiritur, nec sufficit. p. 527. n. 9. ex iustitia petit compensationem. ib. n. 10. DEUS potuit & voluit se obligare ad meritum & ad dandum praemium. p. 529. n. 11. & 12. ad merendum de condigno requiritur gratia actualis. p. 530. n. 1. vide *Gratia.* requiritur etiam status viae. p. 531. n. 2. status gratiae sanctificantis. ib. n. 3. absolute tamen non requiritur. p. 534. n. 5.

*Meritum* de condigno conditiones quas requirat. p. 543. n. 7. quas meritum de congruo. ib. n. 8. iusti merentur vitam aeternam. ib. n. 9. vide *Iustus.* Meritum nostrum habet valorem ex meritis Christi. p. 550. n. 6. gratiam actualem primam nemo sibi meretur. p. 551. n. 2. alteri mereri de condigno solus Christus potest. ib. n. 3. perseverantiam nemo potest de condigno sibi mereri. p. 552. n. 4. Reparationem potest sibi quis de congruo mereri. ib. n. 5. etiam bona temporalia. ib. n. 6.

*Merita* iustorum sunt in aequivalentia p. 553. n. 1. Meritum eo majus, quo a maiori gratia procedit. p. 554. n. 2. actus quo perfectior eo magis est meritorius. ib. n. 3. Meritis quales dantur gradus gratiae. p. 555. n. 4. actus intensus unus plus meretur, quam plures remissi. ib. n. 5. actibus remissis merentur iusti. ib. n. 6. augmentum gratiae correspondens meri-

tis iustorum statim redditur. ib. n. 3. Meritum remissum non auget gratiam, quamdiu quis venialiter peccat. ib. n. 4. Gratia merito remisso datur, non differtur usque ad finem actionis. p. 558. n. 5. Comparatio inter meritum & peccatum. p. 582. n. 6.

*Merus* describitur. p. 610. n. 2. causat simpliciter voluntarium. ib. n. 3. quandoque involuntarium. ib. n. 4.

*Michael* est supremus Angelorum. p. 117. n. 8.

*Modus* utendi probabili opinione in concursu probabilioris. p. 775. n. 9. Modus prudentiae qui imponendus. p. 784. n. 1.

*Montes & colles* probabiliter tertia die facti sunt. p. 53. n. 5.

*Moralitas* est maxima afflictio & passio p. 341. n. 1.

*Moralitas* quid, & in quo consistat. p. 615. n. 1. & 2. Libertas est radix omnis moralitatis. p. 616. n. 3. Moralitas est extrinseca denominatio, vel respectus rationis. p. 617. n. 4. est ens rationis materiale & fundamentale. ib. n. 5. res multae denominantur morales p. 618. n. 5. vide *Bonitas. Malitia.*

*Morbi & senium* proprie dictum non suis sent in paradiso. p. 346. n. 7.

*Morosa* delectatio. vide *Delectatio.*

*Mors* defacto provenit ex peccato Adae. p. 341. n. 2.

*Motus* alius instantaneus, alius successivus. p. 218. n. 1. successio unde proveniat. ib. n. 2. Motus dupliciter adhuc sumi potest. ib. n. 3. Angelus potest se movere continue & successively. ibid. n. 4. vide plura *Angelorum motus.*

*Motus* triplex in anima. p. 970. n. 2. sensuales ex variis oriuntur causis. ib. n. 3. discernere inter motus appetitus sensitivi & voluntatis est difficile. p. 971. n. 4. motus sensualitatis de se non sunt peccata. ib. n. 8. ut sint peccata sufficit omnis consensus. p. 972. n. 9.

*Moses* primus hagiographicus scriptor. p. 1. n. 1.

*Mundus* omnia munda Esculenta. p. 436. n. 6.

*Mysteria* gratiae sunt in duplici differentia. p. 138. n. 1. Angeli possunt cognoscere mysteria gratiae in actu posita. p. 139. n. 3. vide plura *Angelicus Intellectus.*

*Mysteria* fidei ut cognoscantur, tria requiruntur p. 480. n. 1. vide *Fides.*

N.

**N**atura rationalis dari non potest im-peccabilis p. 240. n. 2. Natura dicitur o-perire nudum esse bonum. p. 435. n. 5.

(\*) Nnnnnn 3

Necr.



# I N D E X.

*Necessaria* non cadunt sub consilio. [p. 695.](#)

[n. 2.](#)

*Necessitatum*, coactum & impeditum quantum differant. [p. 604. n. 2.](#)

*Nemo* tenetur facere quod perfectius est [p. 724 n. 9.](#)

*Numerus*, mensura, modi in spiritualibus [p. 770. n. 1.](#)

O.

**O**bjectum Intellectus Angelici est ens. [p. 130. n. 1.](#) etiam Voluntatis. [p. 148. n. 4.](#) vide *Angelicus Intellectus*. *Angelica Voluntas*. movet metaphoricè liberum arbitrium. [p. 594. n. 4.](#)

*Observantia* præcepti potest tripliciter fieri. [pag. 471. n. 1.](#) non possunt observari lex naturæ & Decalogi sine gratia. [p. 476. n. 7.](#) aliqua tamen possunt ad breve tempus. [p. 478. n. 8.](#) observatio legum quomodo sufficiat ad vitam æternam. [pag. 533. n. 4.](#)

*Obstinatio* duplex est. [p. 254. n. 2.](#) Dæmones sunt in malo obstinati. [ib. n. 3.](#) vide *Dæmones*.

*Odiū* DEI debet habere in actu suam rectitudinem. [pag. 857. n. 3.](#) vide *peccatum*.

*Omissio* pura seu actus negativus dupliciter considerari potest. [p. 647. n. 1.](#) est negatio omnis actus. [ib. n. 2.](#) pura dari potest. [ib. n. 3.](#) quæ ratione sit voluntaria [p. 648. n. 4.](#) quæ sit in ea mutatio [p. 649. n. 5.](#) etiam peccaminosa dari potest. [pag. 650. n. 6.](#) meritoria defacto non datur. [ib. n. 7.](#) ad omissionem actus tripliciter concurrunt. [pag. 651. n. 1.](#) tempus omissionis, quando imputatur ad culpam [pag. 654. n. 5.](#) omissionis peccatum principaliter ex causæ positione imputatur. [pag. 655. num. 6.](#)

*Omittens* singulis diebus aliquos versus in Breviario, non peccat mortaliter. [pag. 921. n. 7.](#)

*Opera bona* moraliter possunt fieri in statu peccati mortalis. [p. 431. n. 2.](#) non omnia opera infidelium sunt peccata. [ib. n. 1.](#) sine gratia non prosunt ad vitam æternam. [p. 432. n. 3.](#) etiam sine fide divina fieri possunt. [p. 434. n. 4.](#) non sunt omissenda propter scandalum. [pag. 927. num. 10.](#)

*Opera moralia* sunt in duplici differentia, [p. 460. n. 1.](#) conducentia ad vitam æternam non possunt fieri sine gratia [ib. n. 2.](#) potest Voluntas ea elicere sine gratia. [p. 461. n. 3.](#) ad omne opus moraliter bonum requiritur concursus generalis DEI. [p. 463. n. 4.](#)

*Opus* bonum quodcumque Iusti est meritorium. [p. 540. n. 2.](#) non necessario debet ex motivo charitatis. [541. n. 3.](#) ut sint meritoria debent referri ad DEUM. [ib. n. 4.](#) sufficit relatio virtualis. [p. 542. n. 5.](#) vide *Meritum*.

*Opus* leve sit grave & mortale ratione scandalii. [p. 922. n. 1.](#) vide *Scandalum*.

*Operire* nudum natura dictat esse bonum. [p. 435. n. 5.](#)

*Opinio* quid. [pag. 686 n. 2.](#) probabilis quæ dicatur. [p. 688. n. 5.](#) non debet esse contra legem. [ib. n. 6.](#) excludit formidinem actualem. [p. 690. n. 6.](#) singularis & communis quid. [p. 693. n. 4.](#) opinio unius auctoris quomodo valeat [p. 694. n. 5.](#) opinionis comuni privilegia. [ib. n. 6.](#) *quid* *truta* & tutissima. [p. 694. n. 7.](#) *quid* *probabilis* & *probabilior*. [p. 692. n. 3.](#) est species prudentiæ. [p. 696. n. 3.](#) potest dici virtus prudentialis. [p. 699. n. 4.](#) tuta & tutior *explatur*. [p. 784. n. 2.](#) Opiniones duæ philosophicæ possunt esse simul probabiles. [p. 699. n. 1.](#) potius sibi contrariè quàm contradictoriè opponuntur. [ib. n. 2.](#) duæ morales possunt esse simul probabiles. [p. 700. n. 3.](#) *duæ* *simul* *veræ* non involvunt contradictionem. [p. 701. n. 4.](#) Intellectus ex duabus æqualibus amplecti potest quam vult. [pag. 704. n. 5.](#) Voluntas potest determinare intellectum ad quamlibet opinandam. [p. 706. n. 6.](#) opinari non est in nobis, sicut imaginari. [p. 739. n. 11.](#) quadrupliciter opinari possumus sine formidine. [pag. 771. n. 6.](#) Opiniones probabiles regulæ sunt septem. [p. 806. n. 10.](#) opinio objectivè & subiectivè probabilis. [p. 771. n. 4.](#) intellectus potest sequi opinionem probabilem objectivè, in concursu probabilioris. [p. 772. n. 7.](#) non tamen vir doctus. [p. 773. n. 8.](#) modus utendi probabili opinione in concursu probabilioris. [p. 775. n. 9.](#) probabilior eligi potest relicta tutiore. [pag. 784. n. 3.](#) certum retinendum relicto incerto. [p. 785. n. 4.](#) nunquam uti probabili in concursu probabilioris consilium optimum. [p. 788. n. 5.](#)

*Opinio* hodie vera, cras potest esse falsa. [p. 808. n. 1.](#) opinionem mutare quilibet potest. [p. 809. n. 2.](#) qualis est eligenda. [ibid. n. 3.](#) Papa sequens unam opinionem, non ideo damnat alteram. [ib. n. 4.](#) opiniones à Papa damnantur quo ad praxim & speculationem. [ib. n. 5.](#)

*Opinionum* diversitas circa usum probabilitatum. [p. 710. n. 1.](#) probabilitatum usus non est novum inventum. [p. 711. n. 2.](#) vide *Probabilitas*. in opinionibus concordabant & discordabant Petrus & Paulus. [p. 713. n. 4.](#) opinio probabilior ex nullo capite magis obligat. [p. 723. n. 7.](#) proba-



# I N D E X.

probabilior & tutior non se invicem inferunt. p. 724. n. 8. nemo tenetur facere quod perfectius. ib. n. 9. Opinio probabilis debet præcedere electionem. p. 727. n. 12. opinio plurium quando sit præponenda. p. 732. n. 5. quomodo præferendus Papinianus. p. 733. n. 6. opinio, quæ non sit sine vitio. p. 735. num. 9. opinio probabilis debet vincere rationes oppositas. pag. 743. n. 15. quæ diligentia adhibenda sit in probabilitate. pag. 744. n. 16. & p. 257. n. 7. eligens probabilem non eligit minus honestum. p. 746. n. 2. tutiorem Medicus tenetur sequi. p. 761. n. 5. etiam Judex in judicando. p. 763. num. 6. quid ei faciendum, si causa sit utrinque æqualis. pag. 766. n. 7. Advocatus potest sequi opinionem probabilem. pag. 767. n. 8. Confessarius potest sequi opinionem sui pœnitentis. p. 768. n. 10. vide *Confessarius*. Opiniones damnatæ recensentur. p. 810. n. 6.

*Ordo Prædestinationis*. pag. 234. n. 1.

*Originale peccatum*. vide *Peccatum Originale*.

*Originalis Justitia*. vide *Justitia Originalis*.

*Oscula & Tactus impudici in Ecclesia facti*, sunt confitendi. p. 943. n. 12.

*Oriosa verba & Facta* quæ sint. pag. 644. num. 5.

## P.

**P***apinianus* quomodo & quando in opinionibus præferendus. p. 733. n. 6.

*Paradisus* non fuit conditus ante cælum & terram. p. 315. n. 1. factus est tertia die. p. 316. n. 2. est locus in terra situatus. p. 317. n. 3. ad orientem. p. 318. n. 5. in terra Edon Mesopotamiæ. pag. 319. n. 6. in infima regione aëris. p. 320. n. 7. non est sub æquatore. p. 337. n. 8. adhuc extat. 322. n. 9. arbor Scientiæ boni & mali fuit realis arbor. pag. 323. n. 2. etiam lignum vitæ. ib. n. 3. Paradisi Fluviorum nomina. p. 327. n. 6. vide *Fluvius*. per investigationem originis fluminum illorum nequit quisquam ad notitiam & situationem paradisi pervenire. p. 327. n. 8. agricultura qualis in paradiso. pag. 328. n. 9. custodire paradisum quid sit. ibid. n. 10. Cherubin ante paradisum qualis. ibid. n. 11. non sunt spectra, sed Angeli. ibidem; num. 12.

*Paradisi* bona alia naturalia alia supernaturalia. p. 331. n. 1. non fuissent ibi morbi, & senium propriè dictum. pag. 346; n. 7. foret in Paradiso œconomia. p. 360. n. 1. non tamen regimina politica moderna. p. 361. n. 2. non serviret unus alteri. p. 362. n. 3. nec divisio dominiorum fieret. ib. n. 4.

*Paradisus* quamdiu duraverit. pag. 363. num. 6.

*Peccata* tripliciter possunt vitari. pag. 464. n. 5. peccati detestatio quæ sit bona ad vitam æternam. p. 465. n. 6. vide *Gratia*. à peccato excusatur qui scire conatur. p. 734. n. 7.

*Peccatum* habuit initium per mulierem. p. 822. n. 1. variè accipitur. p. 846. n. 1. & 2. ejus variæ descriptiones. ib. n. 5. propria definitio. p. 847. n. 6. pro formali consistit in privatione. p. 848. n. 9. non est relatio realis. p. 852. n. 10. nec rationis. ib. n. 11. nec positivum & privativum simul. ib. n. 12. est privatio rectitudinis debitæ inesse. p. 856. n. 1. subiectatæ in actu. ib. n. 2. & sequentibus. consistit in aversione à D E O. p. 858. vide *Aversio*. Formaliter sumptum est contra Voluntatis inclinationem. p. 860. n. 3. non tamen materialiter sumptum. ibid. n. 4. est contra affectionem justitiæ. ibid. n. 5. non corrumpit naturam. p. 862. n. 6. & 7. nullum peccatum esset, si non esset lex. p. 863. n. 2 & p. 864. n. 3. peccans contrarationem peccat contra legem DEI. p. 866. n. 4. non omne peccatum sit ex suggestionem diaboli. pag. 958. n. 4. vide: *Dæmones*. Peccatum unum frequenter est causa alterius. p. 959. n. 5. unum est etiam pœna alterius. p. 1000. n. 2. non quidem propriè. ib. n. 3. quando punitur ex dolo vero. pag. 988. n. 3. Macula peccati quid. p. 992. n. 2. & 3; vide: *Macula peccati*.

*Peccatum* in Spiritum S. appropriatè tribuitur tertiæ Personæ. p. 965. n. 3. quid sit, declaratur. p. 966. n. 6. peccatum ex malitia gravius est, quàm illud, quod sit ex passione vel ignorantia. p. 967. n. 6. valde periculosum. p. 968. n. 7.

*Peccati divisio* in Originale & Personale. p. 867. n. 1. aliud carnale, aliud spirituale. p. 868. n. 2. capitalia sunt septem. ib. n. 3. peccati divisio trimembris à S. Joanne assignata. ib. n. 4. peccatum contra DEUM & proximum. ib. n. 5. peccata infirmitatis & ignorantiae, & malitiæ. p. 869. n. 6. cordis, operis, & consuetudinis. ib. n. 7. cordis, oris & operis. ibid. n. 8. per excessum & defectum. pag. 870. n. 9. in mortale & veniale. ibid. num. 10.

*Peccatorum* specifica distinctio unde petenda. p. 870. n. 1. objecta materialiter specificant peccatum. p. 871. n. 3. non diversa præcepta. p. 872. n. 5. nisi sint virtutum diversarum. p. 873. n. 4. & 5. præcepta duo in pluribus casibus unum tantum peccatum faciunt. ib. n. 1. unde sumenda eorum distinctio numerica. pag. 875. n. 2. actus interni cognoscuntur nu-



# I N D E X.

merò distingui per interruptionem. ibid. n. 3. dupliciter fieri potest. p. 876. n. 4. dispositiones ad peccatum mortale unum cum illo faciunt. pag. 876. n. 5. idem de actibus phÿsicis ad unum completum concurrentes. p. 877. n. 6. actus tamen completi, etiam contigui faciunt distinctionem numericam. p. 878. n. 7. actus consummatum subsequentes distinguuntur numero. ibid. n. 8. peccata non sunt sibi necessario connexa. pag. 919. n. 1. peccata diversæ speciei possunt variis modis augeri & minui. p. 934. n. 1. peccatum inferioris ordinis & speciei multitudine circumstantiarum non mutatur. p. 935. n. 3. Festivitas diei auget malitiam peccati. vide: *Circumstantia*.

**Peccati Mortalis & Venialis denominatio.** p. 904. n. 1. non omnia sunt æqualia. p. 905. n. 3. differentia inter mortale & veniale. p. 909. n. 1. ex ordinatione DEI habent quædam quod sint mortalia, alia venialia. ib. n. 2. mortale & veniale non distinguuntur per finem & media. p. 911. n. 3. nec per præcepta & consilium. ibid. n. 4. sed per præcepta aliter obligantia. p. 913. n. 7. Mortale potest fieri veniale. p. 915. n. 2. furans rem parvam putans vel volens magnam graviter peccat. pag. 919. n. 3. intendens magnam summam à pluribus furari, peccat mortaliter. pag. 920. n. 4. fur accipiens sparsim minuta, complet in fine peccatum mortale. ibid. num. 5. manducans sæpius parum peccat mortaliter. p. 921. n. 6. omittens singulis diebus aliquos versus in breviario, non peccat graviter. ib. n. 7. exercitu transeunte singuli non peccant mortaliter unam spicam vellendo. p. 922. n. 8. opus leve fit grave & mortale ratione scandali. ibid. n. 1. vide: *Scandalum*. Peccatum quâ ratione non sit contra DEUM in actu secundo. p. 929. n. 4. mortale inducit reatum poenæ æternæ. 1002. n. 4. de rigore iustitiæ, non videtur ipsi deberi poena æterna. ib. n. 5. vide: *Pœna*.

**Peccatorum gravitas ex multis causis oriri potest** 931. n. 1. alia essentialis, alia accidentalis. p. 932. n. 2. essentialis oritur ex dignitate objecti. ib. n. 4. gravitas peccati bene etiam colligitur ex reſtitutione opposita. p. 933. n. 5. delectationes quæ peccata venialia, quæ mortalia. p. 973. n. 1. vide: *Delectatio*.

**Peccatum Veniale est etiam contra legem DEI.** p. 847. n. 7. recensentur venialia à S. Augustino pag. 870. n. 11. veniale proprium dupliciter accipitur. pag. 904. n. 2. datur. p. 905. n. 6. Prædestinatorum non sunt omnia peccata venialia. p. 906. num. 7. fiducia non facit fidelium peccata

esse venialia. p. 907. n. 8. Scotus non dixit veniale esse contra consilium. p. 912. n. 5. consilium dupliciter accipitur. ibid. n. 6. Regulæ practicæ pro discernendis venialibus. pag. 913. n. 8. veniale potest fieri mortale. p. 915. n. 1. quando fit. p. 916. n. 3. consuetudo non facit veniale mortale. ib. n. 4. nec personæ dignitas. p. 918. n. 6. disponunt venialia ad mortale directe & indirecte. p. 918. n. 5. finem ultimum ponere in veniali quid sit. ibid. n. 6. effectus peccati venialis. p. 919. n. 7. venialia in aliqua materia sunt connexa. ibid. n. 2. veniale quando ob scandalum transit in mortale. pag. 926. n. 8. vide: *Scandalum*.

**Præscientia DEI,** non obest libertati nostræ. p. 572. n. 6.

**Periculum amans,** quomodo peccat in illo. p. 729. n. 3.

**Perseverantia** donum requirit specialem gratiam. p. 438. n. 2. requiritur declinare malum, & facere bonum. ib. n. 1. quid addat gratiæ habituali. ib. n. 3. nemo potest illud de condigno mereri. p. 552. n. 4. vide: *Meritum*, *Iustus*.

**Persona** in divinis, si una tantum esset, haberet virtutem creativam. p. 18. n. 9.

**Petrus & Paulus** in opinionibus concordabant, & discordabant. p. 713. n. 4.

**Plato** dicit, DEUM unam tantum intelligentiam potuisse producere. p. 12. n. 3.

**Pœna** damnatorum duplex. p. 257. n. 2. & p. 897. n. 1. describitur. 1001. n. 1. poena negativa duplex. ib. n. 2. poenarum congruentia ostenditur. pag. 1003. n. 6. peccato dimisso poena potest solvi in altera vita. p. 1005. n. 1. poena damni non est æqualis in inferno. p. 1008. n. 4. qualis poenarum inæqualitas. ib. n. 5.

**Pœna Ecclesiastica** est duplex. pag. 987. num. 1.

**Pontifex** Christum repræsentat pag. 118. n. 11. dispensarunt Pontifices in voto castitatis, & Matrimonio. p. 726. nu. 11. Pontifex sequens unam opinionem; non ideo damnat alteram. p. 809. n. 4. opiniones à Pontifice damnantur quoad praxim & speculationem. ib. n. 5.

**Possessio** duplex. p. 798. n. 3. duo ad eam requiruntur. ib. n. 4. possessio libertatis non valet in omni casu. p. 799. n. 5. possessio in materia iustitiæ facit præsumptionem. p. 801. n. 7. possessio ex parte hominis dubitantis quando est. p. 802. n. 8.

**Potentia** neutra passiva quæ sit. pag. 209. num. 9.

**Præcepta** prima duo indispensabilia. p. 863. n. 1. diversa, secundum se non variant peccata. p. 872. n. 5. nisi sint diversarum virtutum. pag. 873. n. 6. & 7. præcepta duo



# I N D E X.

duo in pluribus casibus faciunt tantum unum peccatum. p. 874. n. 8. Juris naturalis in triplici differentia. pag. 980. n. 7. prima ignorari non possunt. ib. n. 8. vide *Ignorantia*.

*Prædestinationis* Ordo. p. 234. n. 1. primus prædestinatorum est Christus ibid. n. 2. Prædestinatorum omnia peccata non sunt venialia. p. 906. n. 7.

*Principium* Gen. 1. diversimodè accipitur. p. 4. n. 2. *in principio*: significat allegorice Filium. p. 5. n. 3. significat principium temporis. p. 6. n. 4. significat, omnia à DEO habuisse originem. p. 7. n. 5.

*Probabile* diversimodè accipitur. pag. 685. num. 1.

*Probabilitas* alia speculativa alia practica. p. 691. n. 2. probabilitatum usus non est novum inventum. p. 711. n. 2. est licitus etiam in concursu probabilioris. p. 717. n. 1. & 2. S. Thomas favet probabilitatibus. pag. 719. n. 3. cum probabilitate agens, prudenter agit, & non peccat. pag. 720. n. 5. Probabilitas valet in speculativis. p. 721. n. 6. probabilior opinio ex nullo capite magis obligat. p. 723. n. 7. Scotus vigesies octies citatur contra probabilitatum usum. p. 741. n. 3. explicatur. ibidem, quæ diligentia adhibenda in probabilitate. pag. 744. n. 16. Scotus fuit usus probabilitatibus. p. 746. n. 17. falsa quandoque probabiliora veris. p. 748. n. 3. nunquam uti probabilitatibus in concursu probabilioris, consilium optimum. p. 785. n. 5. probabilis credulitas idem operatur Quod veritas. p. 796. n. 10.

*Promissio* Divina. alia est assertiva, alia obligatoria. pag. 535. n. 1. auget valorem meriti. p. 538. n. 4. obligatoria facit meritum de condigno. ib. n. 5.

*Prudentia* variaz definitiones. p. 695. n. 1. prudentiæ species est opinio. pag. 696. n. 3. prudentiæ modus qui imponendus. p. 784. n. 1.

*Parvuli*, propter remissionem peccatorum baptizandi. p. 892. n. 4. sine baptismo decedentes habent pœnam damni. pag. 897. num. 2. non habebunt beatitudinem naturalem. ib. n. 3. de eorum pœnis tres sententiæ. p. 898. n. 4. Scotus in hoc dubius. ib. n. 6. probabile quod non habebunt pœnam sensus. pag. 899. n. 7. oppositum etiam probabile. ib. n. 8. habebunt mitissimam pœnam. pag. 900. n. 9. compassio parvulis nihil prodest. p. 901. n. 10.

*Peccatum Originale*, negare hæresis est Pelagianorum. p. 880. n. 1. circa illius explicationem diversi errores. ib. n. 2. & p. 891. n. 2. non est unum numero in

omnibus. ibid. n. 3. in Adæ lumbis existentes peccavimus. p. 881. n. 4. peccatum Originale non est substantia. p. 882. n. 7. nec concupiscentia. pag. 883. n. 8. concupiscentia quâ ratione dicatur peccatum. pag. 885. num. 9. non est morbida qualitas. p. 886. n. 10. non est ipsum Adæ peccatum. p. 887. n. 11. sed est carentia justitiæ originalis. p. 888. n. 13. propagatione non imitatione contrahitur. 892. n. 5. pœnæ temporales peccati originalis. p. 902. n. 11.

Q.

*Quæstio* alia Juris, alia Facti. pag. 758. num. 3.

*Quando* circumstantia quid denotet. p. 947. n. 19. & p. 948. n. 20.

*Quibus auxiliis* circumstantia explicatur. p. 944. n. 14.

*Quid* circumstantia. p. 941. n. 8. & 9. & p. 942. n. 10.

*Quis* circumstantia. p. 939. n. 2. & 3.

*Quomodo* circumstantia. pag. 945. n. 16. & 17. p. 946. n. 18.

R.

*Reatus* est respectus ad pœnam. p. 999. num. 1.

*Regula* seraphica quomodo secundum iustitiam exposita est. p. 796. n. 11.

*Regula: in dubiis melior est.* &c. habet locum in utroque Jure. pag. 798. n. 2. in omni virtute. p. 799. n. 7. Lex est in possessione, si de facto constet. p. 803. n. 10. & n. 11.

*Regula* ad vincendam ignorantiam: p. 980. num. 6.

*Regula* opinionis probabilis sunt septem. pag. 806. n. 10. & pag. 807. n. 11. vide *Opinio*.

S.

*Sacerdos* habens votum consulitur illud exprimere in confessione, nisi constet jam. p. 940. n. 6.

*Sacramentum* semper materiam certam requirit. p. 758. n. 4.

*Salus* nullius est desperanda. p. 497. n. 6. salutis via non est nobis dubia. p. 742. n. 14.

*Sanctificatio* nostra, quâ ratione Christus. p. 385. n. 4. sanctitas increata physice unitur humanitati. p. 787. n. 5. vide: *Justificatio*.

*Scandalum* aliud est activum, aliud passivum. p. 933. n. 2. aliud datum & acceptum. ib. n. 3. est peccatum contra charitatem. ib. n. 4. ut sit mortale, non requiritur ut directe intendatur. ib. n. 5. sufficit virtualiter intentum. pag. 924. n. 6. Scandalizans proximum multipliciter peccat;



# I N D E X

peccat. p. 925. n. 7. Veniale quando ob scandalum transit in mortale. pag. 926. n. 8. quando opus indifferens. pag. 927. n. 9. opera bona non sunt omittenda propter scandalum. ib. n. 10.

*Scientia media.* quomodo reconciliat libertatem cum gratiæ efficaciam. p. 487. n. 4. vide *Gratia efficax.*

*Scotus.* vigesies octies citatur contra probabilatum usum, & explicatur. p. 741. num. 13. fuit usus probabilitatibus. pag. 746. n. 17.

*Scotista* quæ ratione solvunt objecta contra efficaciam gratiæ. p. 490 n. 7. vide: *Gratia efficax.*

*Scrupulus* definitur. pag. 675. n. 1. est duplex. ib. n. 2. modi liciti deponendi scrupulos. p. 677. n. 7. eorum origo & causa. ibid. n. 8.

*Scrupulosi* nihil tuti habent. pag. 678. n. 9. remedium pro scrupulosis in confessione. ib. n. 10. in oratione pag. 979. n. 11. in turpibus cogitationibus. ib. n. 12. nimis timentium. ib. n. 13. remedium de sufficienti contritione anxiiis. ib. n. 14. contra prædestinarios. pag. 680. num. 15. remedium contra dulcedinem affectantes. pag. 681. n. 16.

*Secretum cordis* describitur. pag. 133. n. 1. causa secretorum cordis. ib. n. 2.

*Secundum se ly.* explicatur. & dupliciter accipitur à Patribus. p. 332. n. 4.

*Sensualitas* dupliciter considerari potest. pag. 970. num. 1. vide: *Motus Sensualitatis.*

*Serpens* in Paradiso qualis fuerit. pag. 823. n. 2. tur Eva non horruerit ipsum. pag. 824. n. 4. cum esse sapientiozem cunctis animantibus difficile est. pag. 826. n. 4. sine examine sententiatur. p. 838. n. 1. poena serpenti dictata refertur ad diabolum. p. 839. n. 2. serpens nunquam habuit pedes. ib. n. 3.

*Sol & Luna,* astra non sunt producta primâ die p. 58. n. 2. nec per creationem producta. p. 59. n. 3. possunt dici secundâ die producta. p. 60. n. 4. sed propriè quartâ die pag. 61. n. 5. Sol & Luna facta sunt ut dividant diem ac noctem. ib. n. 6. non sunt insignia eventuum liberorum. p. 62. n. 2.

*Species impressa* DEI est possibilis p. 160. n. 6. Angeli per speciem Divinæ Essentiæ non cognoscunt creaturas. p. 162. n. 7. vide: *Angelica Cognitio.*

*Species* est imago objecti. pag. 171. num. 2. species nulla datur infinita representans. pag. 173. n. 6. species universales non dantur. ib. n. 7.

*Spiraculum.* Adamo inspiratum quale sit, variz opiniones. pag. 303. n. 1. non est

aliqua Divinæ naturæ particula. p. 304. num. 2. nec aliquod accidens, sed anima substantia spiritualis ib. n. 3.

*Spiritus DEI* quid propriè significet. pag. 39. num. 6.

*Sponsi* fornicationes suas debent confiteri. p. 940. n. 5. non possunt delectari de actu conjugali futuro p. 977. n. 9.

*Sterilitas* terræ, quæ ratione sit poena. pag. 844. num. 9.

*Stultus* debet sequi consilium sapientum. p. 734. n. 8.

*Syllogismus* per quem tollitur dubium. pag. 753. n. 9.

*Synderesis.* & Conscientia frequenter pro eodem accipiuntur. p. 661. n. 4 est habitus de primis principiis moralibus. ib. n. 5. vide: *Conscientia.*

## T.

**T***actus* & Oscula in Ecclesia facti, sunt confitendi p. 943. n. 12.

*Thomista* per quid explicant gratiam efficacem. pag. 485. num. 2. vide: *Gratia efficax.*

*Tempus* aliud intrinsecum, aliud extrinsecum. p. 199. n. 3.

*Tentatio* duplex est. p. 283. n. 2 quæ sit à Dæmone, à DEO tantum permittitur. ib. n. 3. tentatorem sui habent homines. pag. 284. n. 4. ex tentatione dæmonum radicaliter sunt omnia peccata. p. 285. n. 5. tentatio alia levis, alia gravis pag. 466. n. 1. triplici modo potest vinci. p. 467. nu. 2. nulla tamen fructuose sine gratia DEI. ib. n. 3. absque hac possunt leves vinci sine fructu. p. 468. n. 4. & p. 469. n. 5. vide *Gratia.*

*Terra.* Etymologia & nomina. p. 20 n. 2. terra aliqua ratione affectivè concurret ad producendas herbas p. 56. n. 8.

*Tristitia* est summa poena. p. 898. n. 5. quod duplex. in inferno. p. 1001. n. 3.

## U.

**U***bi* circumstantia aliquando constituit peccati speciem, & aliquando mutat. p. 943. n. 11.

*Usus* probabilatum est licitus, etiam in concursu opinionis probabilioris. pag. 717. num. 2. vide: *Opinio. Probabilitas.*

*Usus* secundum Theologos quid sit. p. 599. n. 3. requirit in exercitio plures potentias. ib. n. 4.

*Usus* activus est actus Voluntatis. pag. 601. num. 6.

*Usus* & electio in Voluntate perfectè determinata non distinguuntur. ib. n. 7.

*Verba*



# I N D E X.

## V.

**V**erba dubia quomodo accipienda. pag. 800. n. 7.

*Veritates speculativæ & practicæ quæ sint.* pag. 453. num. 1. Veritates aliquæ naturales sine auxilio divinæ gratiæ possunt cognosci. ib. n. 2. non tamen omnes collectivè sine illa. pag. 456. num. 4. Veritates practicæ sunt duplices. pag. 457. n. 1. omnes non possunt sine gratia cognosci. ibid. n. 2. possunt tamen aliquæ. pag. 458. n. 3. vide *Gratia*.

*Veritas duplex naturalis & moralis.* pag. 686. n. 3. Veritas consistit in positione. pag. 740. n. 12.

*Verum* quale est necessario sequendum. p. 748. n. 4. est ad illud inclinatio intellectus. p. 750. n. 6.

*Vespera* sumitur pro nocte. pag. 30. num. 2. potest sumi pro ultimo lucis. pag. 34. num. 3.

*Vespertina* cognitio quid sit. pag. 145. n. 1. & 2.

*Via salutis* non est nobis dubia. pag. 742. num. 14.

*Vidua* non potest delectari de actu præterito conjugali. p. 977. n. 8.

*Virginitas* in statu innocentie per generationem fuisset violata. pag. 354. num. 3. fuisset licita servari. pag. 355. n. 4. Matrimonium tamen fuisset tunc nobilior Virginitate. ibid. nu. 5. Virginitas violata non est necessario confitenda. pag. 940. num. 4.

*Vir indoctus* potest sequi opinionem probabilem objective in concursu probabilioris. pag. 772. n. 7. non tamen vir doctus. pag. 773. n. 8.

*Violentia* causat simpliciter involuntarium. pag. 604. n. 3. Voluntas non potest pati violentiam in actibus elicitis. ibid. nu. 4. vide *Voluntas*.

*Violentum* explicatur. p. 603. n. 1.

*Vitium* quid sit. p. 846. n. 4.

*Volitio* duplex efficax & inefficax. p. 243. num. 1. Volitiones alie sunt circa finem, alie circa medium. pag. 594. n. 1. alia efficax, alia simplex. p. 595. n. 1. Volitio inefficax actu inest sic volenti. ibid. n. 5. potest esse circa impossibilia. pag. 596. num. 6.

*Voluntarium* quid. pag. 577. nu. 1. varie ejus descriptiones. p. 578. n. 2. definitio Aristoteles Voluntarii explicatur. ibid. num. 3.

*Voluntarium* late acceptum. ib. n. 5.

*Voluntarium* strictè sumptum. pag. 579. n. 6. Variæ ejus divisiones. p. 580. n. 7. & 8. liberum & voluntarium perfectum convertuntur. pag. 582. num. 3. principium activum naturale & voluntarium explicatur. p. 583. n. 4. facta ex amore & metu voluntaria sunt. p. 609. n. 1. vide *Metus*.

*Voluntas DEI* alia antecedens, alia consequens. pag. 657. n. 3. explicatur. ibid. num. 4. DEUS quæ vult efficaciter potest homo non velle efficaciter. pag. 659. num. 9.

*Voluntas* multipliciter accipitur. pag. 147. n. 1. in Angelis est voluntas. p. 148. n. 3. vide plura *Angelica voluntas*. Objectum voluntatis est ens. pag. 148. nu. 4. duplex est actus voluntatis seu effectus. pag. 247. n. 4.

*Voluntas* est subiectum gratiæ. p. 415. n. 2. vide *Gratia*.

*Voluntas* potest velle & amare, quod intellectus dicit esse amandum. pag. 472. num. 4.

*Voluntas* dupliciter considerari potest. pag. 574. num. 1. vide *liberum arbitrium*.

*Voluntas* late accepta quid. pag. 576. n. 2. vide *voluntarium*.

*Voluntas* est libera etiam dum actu operatur. pag. 585. num. 6. nihil volitum quin præcognitum. pag. 587. n. 1.

*Voluntas* ex pluribus mediis potest minus conveniens eligere. p. 600. n. 5.

*Voluntas* sibi ipsi imperat. p. 602. n. 9. non potest pati violentiam in actibus elicitis. pag. 604. n. 4. nec violentatur per receptionem cujuscunque actus. ibid. num. 5. potest impediri ne actum ponat. p. 605. n. 6. potest violentari in actibus imperatis. pag. 606. n. 7. simpliciter non potest cogi & necessitari. pag. 607. nu. 1. DEUS suspendendo concursum non necessitat absolute voluntatem. pag. 608. num. 2.

*Voluntas* bona quomodo sit à DEO. pag. 645. n. 6.

*Voluntas* humanâ quatuor modis potest conformari Divinæ. pag. 656. n. tribus modis potest velle nos aliquid velle. ibid. n. 2. tenetur se homo conformare DEI voluntati præcipienti. pag. 657. num. 3. consulenti potest, non tamen semper tenetur ibid. n. 4.

*Voluntari* antecedenti debet se homo conformare. pag. 658. n. 7. non tamen consequenti dependenter à nostro consensu. pag.



# INDEX.

p. 859. n. 8. in voluntate duplex affectio  
iustitiæ & commodi. p. 859. n. 2.  
*Voluntas* tripliciter potest moveri ab ob-  
jecto. p. 957. n. 1. est causa peccati. p. 961.  
n. 1. & p. 962. n. 4. ejus motus sunt tripli-  
ces. ib. n. 2. ordo motuum subitaneorum  
ejus. ib. n. 3. non procedunt à voluntate  
naturaliter. p. 963. n. 5. motus primi non  
sunt peccata. p. 964. n. 6.

*Voluntas* dupliciter potest peccare ex ma-  
litiâ. ibid. nu. 1. etiam sine ullo prævio.  
pag. 965. num. 4. non potest tamen ma-  
lum velle & bonum nolle. pag. 966. n. 5.  
vide *peccatum*.

*Votum* castitatis dispensarunt Pontifices. p.  
726. n. 11.

*Vulnus* quid sit in anima. pag. 862.  
num. 7.

# FINIS.







